





M

L.

COLLEGIJ
S. THOMÆ
IN VNIVERSAM
ARISTOTELIS LOGICAM
QVÆSTIONES.

QVARTA EDITIO DENVØ CORRECTA.

14
2
5
12

Anno



1697.



CVM PRIVILEGIO.


MATRITI: Typis Didaci Martinez Abbaris.

1800



1800

1800



ILLVSTRISSIMO,
AC EXCELLENTISSIMO
D.D. Fr. Ioanni Thomæ de Roca-
berti, Prædicatorum Ordinis Gene-
rali quondam Magistro, Archiepis-
copo, & pro Regi Valentino, & pro
Fidel Catholicæ puritate in toto
Hispaniarum Orbe Inquisitori
Generali Dignissimo.



DITIS Dialecticæ Institutionibus, in-
cumbebamus Logicæ, vt fidem libera-
remus non tam libro, quam libello op-
pigneratam, & vt perageremus cursum,
ad quem stimulis vrgebamur obedientiæ, ac tuæ
munificentia largis inuitabamur inditijs, cū te, Ex-
cellentissime Princeps, ad summū dignitatum api-
cem assumpto totus Prædicatorum Ordo, talem

ingemuit sibi eripi Generalem Magistrum, nobisque Patrem: At te melius inspecta, mærorem depulit. Equum enim fuerit, ut te, quem ad omnes partes egregie implendas, natura comparatum, demiratur Orbis: alia auita nobilitate decores, alia conuersatione per mulceas, quædam sapientiæ splendore perfundas, hæc prudentia dirigas, illa solitudine procures. Ut ergo te, qui omnibus virtutum dotibus mire vales; omnes fruantur, omnes te, pio ambitu numerent inter suos. Cathalonia, quæ ex antiquissima, iuxta ac nobilissima, *Dei gratia*, Comitum de Peralada, Vicecomitum de Rocaberti, Marchionum de Anglefola, &c. stirpe: te genuit, te numeret suos inter Dynastas Procerem, Nostrum hoc D. Thom. Complutense Musæum in quo Theologiæ primitias magno cum fanore redditurus accepisti, amantissimum inter alumnos, Vniuersitas Valentina inter astra clarissima luminare maius, Prouinciæ Aragoniæ cui Præsul fuisti Præfectus, inter Præsules Patrem. Vniuersus Prædicatorum ordo inter Magistros Generales Spectatissimum, Valentina Sedes inter Sanctissimos Heroes clarum Antistitem, nuncque fidei Supremum, & in toto Hispaniarum Orbe Generale Tribunal inter rectissimos Præsidem veneretur dignissimum. Sed cum in

te, qui ad omnia natus videris, hoc cum primis nit-
teat, nimirum studium promouendi doctrinam
Angelici Præceptoris, cuius cum nomine affectus
tibi semper idem, vt demonstrat hoc opus, quod
eo aspirante præuenisti, & adiuuando prosequeris,
nosque prosequimur, ea sane mente, vt quod te
auctore incepit, te Meccæenate fidem videat; id cir-
co opus, quod primam lucem in gremio tuæ pro-
tectionis aspexit, modo cum adoleuit, sub vmbra
manus tuæ protegi cupit, non vt sedeat, sed vt cur-
rat, cursus enim est, & vt currens non habeat offen-
diculum. Te ergo, quocumque ieris, sequitur, nam
nos te, quocumque, ieris sequimur, nec à tuis aspe-
ctibus patimur auelli, more illius, instar miraculi
floris (Heliotropion dicimus) qui solem quaque
versus incedat, sensim circum acta quærit. Nam
Orientem obuia excipit, exaltatum in meridie sus-
picit, Occidentem insequitur. Haud aliter obuijs
manibus te Orientem Orbi litteratio in hoc mu-
sæo excepimus, eleuatum in culmine Dominicanæ
præfecturæ venerabundi suspeximus: quasi à no-
stris obtutibus auulsam, vt alterum Ecclesiæ irra-
dies hæmisphærium auide insequimur. Tuo ergo
tuum opus patrocinio fove, nobisque tuam bene-
dictionem deposcentibus faue, dum supplex Nu-
men

men exoramus, vt in columen te Ecclesiæ, Ordini,
nobis, ad multos annos custodiat, Compluti die 15.
Septembris anni 1697.

PRO COLLEGIO S. TH. COMPLVTENSIS.

Tuæ Exc^{ma} Dominationis humillimus filius.

Fr. Didacus de la Flor, Rector.

LICENCIA DE LOS SUPERIORES.

Tiene el Colegio de Santo Thomàs de Alcalá licencia del M.R.P.M.Fr. Luis de Villazán, Provincial de la Provincia de España, Orden de Predicadores; del Ordinario, y del Consejo Supremo de Castilla, para imprimir vn Libro, intitulado: *In Vniuersam Aristotelis Logicam Quaestiones*; el qual aprobaron por la Religion los M.RR. PP.MM. Fr. Jacinto de la Parra, Calificador de la Suprema; y Fr. Pedro del Moral, Prior del Convento de Santo Thomas el Real de Avila. Por el Ordinario, el Reverendissimo Padre Maestro Fr. Pedro de Paniagua, Predicador de su Magestad, Cathedratico de Durando de la Vniuersidad, y Rector del Colegio de San Agustin de Alcalá. Por el Consejo, el Doctor Don Antonio de Medina, Confessor del Real Convento de la Encarnacion de Madrid.

SUMA DEL PRIVILEGIO.

Tiene privilegio el Colegio de Santo Thomàs de Alcalà, por tiempo de diez años, para que nadie, sin su licencia, pueda imprimir este libro, intitulado: *Collegij Sancti Thoma Complutensis in Aristotelis Logicam Quaestiones*, que juntamente es privilegio para todo el Curso, como consta del mismo. Dado en Madrid à diez y siete de Enero de mil seiscientos y noventa y seis.

SUMA DE LA TASSA.

Tallaron los Señores del Consejo, este libro, intitulado: *Collegij Sancti Thoma in Aristotelis Logicam Quaestiones*, à seis maravedis cada pliego, como consta del testimonio. En Madrid à tres de Febrero de mil seiscientos y noventa y seis.

IN VNIVERSAM

ARISTOTELIS LOGICAM

QVÆSTIONES.

PROOEMIUM.

Est humanæ mentis infirmitas, vt vix in limine offendat; aggredimur Logicæ explanationem., & ecce vix scientes, de quo loquimur, cogimur gradum sistere plurimis hinc inde subortis dubijs circa naturam, circa obiectum, circa Logicæ attributa. Plura ex his in dubium vocari solent, sed aliqua extra controuersiam statui consueuerunt; quare acturi statim diligentius de reliquis, hæc leuiori calamo premittere opere prætium duximus, nimirum nomen, diffinitionem, diuisionem, existentiam, & vtilitatem Logicæ.

NOMEN, & DIFFINITIO.

SI nominis origo attendenda sit, Logica idem

valet, ac scientia *Sermocinalis*, siue *rationalis*, Logos quipè nomen est Græcum, quod latine redditum sonat sermonem, verbum, rationem. Si vt scientia, seu vt ars sermocinalis attendatur, *Logica* non est proprium nomen facultatis, quam aggredimur explicandam, sed est nomen commune sub se comprehendens quamlibet facultatem rectè, ordinatè, siue metricè loqui docentem, vt Grammaticam, Rethoricam, & Poësim: vt tamen scientia rationalis *Logica* iam designat scientiam hanc, cuius explanationi accingimur, quæque merito dicitur inter reliquas scientia rationalis, quia speciali iure dirigit rationem ministrando ei media, quibus possit certò Scopum veritatis attingere. Hinc diffinitur Logica *facultas præscribens intellectui modum indagandi veritatem*, id est, doctrina, cuius regulis instructi facilius, atque

A com

commodius cognoscimus modum sciendi, iuxta ea, quæ amplius infra ex ponemus.

DIVISIO.

3 **D**ividitur 1. Logica in naturalem, & artificialem. Naturalis est *vis, quæ naturaliter pollet intellectus ad consciscendum ex principiis lumine naturæ notis aliquas diffinitiones, diuisiones, & discursus.* Insunt enim nobis, seu in nostro intellectu quædam vniuersalia principia, quæ statim euidenter cognoscimus, & ex quibus sic euidenter cognitis possumus, nullius artis spectata cultura, aliquarum comparare notitiam veritatum, hæcque naturalis vis intellectus ad sic discurrendum ex illis principiis lumine naturæ notis dicitur Logica naturalis. Artificialis est *facilitas labore comparata, quæ certis, vniuersalibusque regulis dirigit intellectum ad recte diffiniendum, diuidendum, & discurrendum.* Diximus eam esse *facilitatem*, quia nomine Logicæ artificialis, seu quæ est ars, non tam actus, quàm habitus designatur; ex quo iam oritur secunda diuisio Logicæ in actuale, & habituale: Actualis est *collectio actus, quibus intellectus se exercet in materia Logicæ.* Habitualis est *facilitas ad prædictos actus eliciendos.*

4 **D**ividitur 3. Logica in doctricentem, & videntem: Docens est, *quæ tradit regulas, ut intellectus in consciscendis instrumentis sciendis re-*

ctetur, & sine errore procedat: ut cum docet syllogismus, ut rectus sit, debere contine ex tribus terminis sic, vel aliter dispositis in modo, & figura. Utens est, quæ eiusmodi regulas applicat ad determinandam materiam, ut cum iuxta Logicæ præscripta syllogismus conficitur ad hoc, vel illud convincendum. Sed quia de his iterum ex professo instituendus est sermo in sequentibus, à maiori eorum pro nunc explanatione abstinemus.

5 **D**ividitur tandem Logica in parvam, & magnam: Illa, quæ sub nomine Dialecticæ tradidimus, considerat modum sciendi ex parte formæ, naturam v.g. syllogismi abstrahendo ab eo, quod propositiones, ex quibus syllogismus constat, sint veræ, vel falsæ, necessariæ, aut contingentes. Logica magna considerat modum sciendi ex parte materiæ, quibus scilicet, & qualibus debeat constare propositionibus syllogismus, ut sit demonstratiuus, ac proinde docet eiusmodi propositiones debere esse necessarias, & immediatas. Huiusmodi Logica magna, seu magna pars Logicæ, est quæ in præsentī traditur, & in varios tractatus, seu quæstiones distribuitur velut in partes integrantes; nam qui sint libri, seu tractatus integrantes Logicam parvam, eorumque explanationis, satis iam constat ex Dialectica, cuius explicationem præmissimus.

Sunt ergo partes Logicæ magnam integrantes varij tractatus, in quibus agitur de ente rationis, de vniuersalibus, prædicabilibus, de analogis, prædicamentis, demonstratione, & scientia; cuius partitionis ratio ex dictis elicitur: cum enim finis Logicæ magnæ sit demonstratio, quæ syllogismus est faciens scire, oportet, præter notitiam ipsius scientiæ, tradere quales debeant esse propositiones, ex quibus constituenda sit demonstratio, vt scientia generetur, illæ enim, vt diximus, debent esse propositiones necessariae, essentielles, & per se tales: sed vt constet, quæ sint propositiones necessariae, essentielles, & per se tales, omnes illi tractatus requiruntur: ergo rationabiliter distribuitur Logica in tractatus prædictos. Prob. min. vt constet, quæ propositio sit necessaria, essentialis, & per se talis, debet cognosci quæ prædicata habeant per se cōnexionem cum subiectis, quod nequit cognosci, nisi rebus singulis ad sua prædicamenta reductis; idque obtineri non potest sine notitia eorum, quæ simpliciter, & eorum, quæ secundum quid conueniunt, idest, vniuocorum, & analogorum, sine notitia præterea prædicabilium, inter quæ recensentur prædicata superiora, quæ per se, & quæ per accidens dicuntur de inferioribus; cognitio deinde prædicabilium à cognitione pendet vniuersalium, & horum cognitio à cognitione sui

quali generis, entis scilicet rationis, maxime pendet: exacta ergo notitia propositionum, quæ sunt materia demonstrationis haberi nequit, sine supradictis quætionibus, siue tractatibus.

EXISTENTIA, ORIGO, UTILITAS.

6 *Existentiæ* Logicæ pluribus possemus euincere: sed in re adeò perspicua, vna vel altera ratio superest; negari quipè nequit naturam in necessarijs non deficere, non solum quæ ita necessaria sunt, vt sine eis finis nullo modo possit obtineri, verum, & quæ necessaria dicuntur, quia medijs eis commodius, & facilius finis obtinetur, vt tot artes ad plura solum secundum quid necessaria destinata conuincunt: sed ad acquirendas scientias, quarum existentia euidens est, necessaria est, saltem secundum quid Logica, quæ modum sciendi, seu acquirendi scientias tradit: negari ergo non potest Logicam existere. *Accedit* ad hoc, quod homini necessarius est discursus, per vtilisque modus discerendi, & in vtroque errare potest: existit ergo ars dirigens rationem, vt sine errore disserat, & discurrat: hæc est Logica: ergo existit Logica.

7 *Quoad* Logicæ originem comperendam prænotari oportet, quod tripliciter possunt obtineri scientiæ, per infusionem, per in-

inventionem, & per disciplinam, totque modis Logica pro temporum varietate suam trahit originem. Per infusionem quidem in Adamo, cui illam à Deo infusam (sicut, & reliquas scientias) accepit. Per inventionem autem scientiam acquirit, qui proprii ingenij Marte, nullo exteriori fultus disciplinæ subsidio eam cōparat, quatenus ex communibus principijs ad aliquas prius sibi ignotas veritates progreditur parans ex hoc sibi viam ad plures in eadem materia demonstrandas conclusiones. Per disciplinam habetur scientia, quando ratio naturalis exteriori adiuta Magistri subsidio pervenit ad cognitionem veritatis. Logicam haberi, seu obtineri per disciplinam quotidiana firmat experientia, sicut, & per infusionem primum suum originem habuisse in Adamo communis sententia sustinet; quam D. Thomas corroborat sup. q. 94. art. 1.

8. Circa inventionem autem aliquate est distorsum. Cum enim Logica (idem de reliquis scientijs) non solum in Adamo, sed ad hoc sit infusa, ut ab ipso ad eius posteritatem, quasi per manus tradita deveniret, sit consequens, quod eam nullus simpliciter adinveniret, & ita quidem sentimus, nam antequam illuxissent Græcæ Philosophi, plures recensentur ab historicis Doctores, qui Logicam ad scientias, quibus erant præditi, maxime necessa-

riam optimè percallebant. Cum hoc autem stat, quod nonnulli de Logica optimè meriti inventorum titulo sint insigniti, vel quia partis Logicæ fuerunt instauratores, vel quia Logicam hominum incuria oblivioni ferè traditam coeperunt reparare, eam suis lucubrationibus illustrando. Hinc inventores recensentur sophistæ Zeno, diffinitionis Socrates, divisionis Plato, prædicamentorum Architas, artis syllogizandi Aristoteles, qui tamen Logicam ab innumeris, quibus scatebat mendis in veteribus Philosophis, expurgando, lauream pro opè meruit inventoris.

9. *Utilitatem* denique Logicæ: clarè cognosceret, qui plurima attenderit encômisia, quibus à Patribus, Philosophisque passim commendatur. Inquirunt enim lingue Rethoricam sine Logica; Poësimque, & historiam, nec honestate gaudere, nec decentia, si Logica desit; Logicæ expertem, nec iuris prudentiæ, nec Medicinæ posse esse participem; ad Sacræ Scripturæ intelligentiam non minus necessariam esse Logicam, quam ad decem prædicamenta, ea quipè sola. (teste Clemente Alexandrino lib. 1. Stromatum) veluti manuducit ad veram sapientiam, & reddit id, quod est optimum, & præstantissimum, ut rectè cognoscamus hominemque, Deumque. Quod si aliqui SS. PP. execrantur Dialecticos, non propterea ysum, sed abusum Logi-

gicæ execrantur : neque enim, teste D. Aug. lib. 1. contra Crescon. cap. 1. propterea pro Patria non est armandus miles, quia nonnulli contra Patriam arma sumpserunt : imò quia Logicæ abusus inutilibus, & siccis cauillis in sanam Doctrinam insurgit, exercenda est Logica ; nam ex D. Hieronimo super Ezechielem : *Quidquid in hoc saculo peruersorum dogmatum est, hæc arte subvertitur, & instar incendij in cineres, fauillaque dissoluitur.*

QVÆST. I.

Proæmialis.

INter ea, quæ in ipsa Logicæ fronte affingi solent, ut eidem honorem, amoremque concilient, super sunt plura, quæ diligentius sibi vindicant examen. Huiusmodi sunt materia, obiectum, modus procedendi, simplicitas, & necessitas, circa quæ tot sunt authorum placita, ut nihil possit decerni, nisi iusto certamine fuerit conquisitum.

ARTIC. I.

Quod sit obiectum materiale Logica.

Pendet omnino resolutio sequentium difficultatum à notitia obiecti Logicæ ; nesciens enim, de quo sci-

tia tractat, nihil circa illam potest certè diffinire : id circo compellimur ante omnia de obiecto Logicæ instituere sermonem.

§. I.

Aliqua præstantur.

NOtandum est 1. obiectum scientiæ esse rem, quæ obijcitur scientiæ, ut ab ipsa contemplanda. Inter obiectum, & subiectum scientiæ aliud quod sanè discrimen intercedit : nam obiectum quid complexum est, nempe conclusio, in qua propria passio de aliquo subiecto demonstratur. Subiectum vero est aliquid in complexum, nempe subiectum ipsum conclusionis demonstratæ, cuius scientia causas, & passionibus querimus. Vfus tamen frequenter confundit hæc nomina, cui nos morem gerentes obiectum, & subiectum pro eodem indistinctè usurpabimus : pro eo scilicet, de quo passionibus in scientia demonstratur.

+ Diuiditur obiectum in formale, & materiale : formale est, quod attingitur per se, materiale, quod attingitur ratione alterius ; ut color est obiectum formale potentiæ visuæ, quia per se videtur : corpus vero est obiectum materiale, quia videtur ratione alterius, nempe coloris. Obiectum formale aliud est formale quod, aliud est formale quo. Formale quod est q. ed. ar.

tingitur per se dependenter tamen ab alterius determinatione. Formale quo est ratio ultimo determinans obiectum, ut possit attingit: unde color est obiectum formale, quod potentia visuæ, quia non videtur per accidens, sed per se, dependenter tamen à luce, per quam ultimo, & complete redditur visibilis: lux vero est obiectum formale quo potentia visuæ, quia per illam ultimo completur visibilitas coloris.

5 Rursus obiectum formale, aliud est adæquatum, aliud inadæquatum: adæquatum est quod attingitur per se, & ratione cuius cetera omnia attinguntur: inadæquatum est pars obiecti formali, unde obiectum formale adæquatum visus est color, quia per se videtur, & ratione ipsius cetera videntur: albedo vero est obiectum formale inadæquatum, quia est pars, siue species particularis contenta sub colore. Obiectum formale adæquatum scientiæ pluribus solet nominibus nuncupari; dicitur enim obiectum attributionis, obiectum per se, primum, specificatiuum: attributionis quidem, quia quid quid in scientia tractatur, illi attribuitur, cum omnia propter ipsum plenè intelligendum considerentur; per se, quia quod scientiæ obijciatur, illi non accidit, sed per se conuenit, non enim attingitur ratione alicuius accidentis, sed immediatè ratione sui. Primum, quia ipsius con-

templatio est finis per se primo intentus à scientia: Specificatiuum, quia ab ipso desumitur species: vnitas, & distinctio scientiæ. Vnde, ut aliquod sit obiectum formale adæquatum merito solent tres conditiones assignari. Prima, ut sub se contineat omnia, quæ in illa scientia considerantur, proindeque de omnibus debet predicari in recto, vel in obliquo, ut quia in Theologia obiectum formale adæquatum est Deus, quidquid in ea tractatur, vel est Deus, vel attingitur, ut aliquo modo pertinens ad Deum. Secunda conditio est, quod illius cognitio principaliter intendatur à scientia. Tertia, quod illam scientiam à cæteris alijs distinguat.

6 Obiectum materiale etiam est duplex, aliud denominabile à formali, aliud non denominabile: denominabile est, quod in se recipit formale, & ab ipso denominatur, ut corpus est obiectum materiale denominabile, quia recipit in se obiectum formale potentia visuæ, nempe colorem, & coloratum à colore denominatur; non denominabile, quod in se non recipit obiectum formale, sed attingitur per ordinem ad illud, ut umbra, quæ in se colorata non est, sed attingitur in directè, quatenus est priuatio lucis intensioris. Haud aliter in Logica, & in reliquis artibus duplex est materia, siue obiectum materiale, alia denominabilis ab artis compositione, ut lapides, & ligna, quæ

quæ in se recipiunt compositionem, & denominantur domus: alia purè dirigibilibs, vt operationes manuales ipsius Artificis, quæ in se non recipiunt compositionem, nec denominantur domus, diriguntur tamen ab arte, & ab ipsa considerantur, quatenus dicunt ordinem ad artificiosam compositionem.

7 Notandum est secundo in materia, circa quam versatur Logica, plura concurrere, de quibus merito dubitatur qua ratione ad obiectum Logicæ pertineant; v. g. in hac diffinitione *animal rationale* inuenimus voces, conceptus, & obiecta, quæ rursus considerari possunt secundum proprias naturas, vel prout dirigibilia in modum diffinitionis, vel, vt rectè ordinata influxu, & directione Logicæ.

8 Tertio notandum est ens esse duplex, reale scilicet, & rationis, reale est quod in rerum natura potest existere independentè à consideratione intellectus, ens rationis est, quod tantum habet esse per considerationem intellectus. Difficultatem præsentis resolutionis, vel ex mira sententiarum varietate licet conijcere. Nam ab obiecto materiali censent aliqui excludendas esse voces significatiuas. Obiectum vero formale quod constituunt plures in dirigibilitate actuum intellectus, alij in eorum formali rectitudine, quæ consistit in recta repræsentatione obiectorum. Alij in ac-

tuali cognitione, per quam obiecta denominantur extrinsecè disposita, & ordinata: alij in formali veritate actuum intellectus, alij in forma rationis resultante in obiectis ex consideratione intellectus.

§. II.

Voces vt significantes instrumenta sciendi sunt obiectum materiale Logica.

9 **N**on contendimus voces, vt significantes instrumenta sciendi esse materiam denominabilem ab artificio Logico, sed esse materiam, circa quā versatur Logica saltem secundario ex proprijs, & non purè ex subsidio Grammaticæ. Sentiunt nobiscum Scotus, Sanchez, Araujo, Prado, Lince. Nominales, Echalez, Quiros, Pater Lince, S. Cruz, Villanueva, Spinula, contra Conimb. Rubio, Suar. Compton Carleton, Arriaga, Hurtado, Amicum, & alios RR.

10 *Sed vt* clarius percipiat in quo sensu iudicemus veram propositam conclusionem, advertendum est, seu explicandum quid nomine vocum vt *significantium instrumenta sciendi* intelligamus, seu quid sit voces significare instrumenta sciendi, quod ipsis exemplis fiet manifestum. In hac quipè hominis diffinitione *animal rationale*, si à Grammatico roges, quid signi-

ficet *ly animal* respondebit, quod significat principium sentiendi, sicut & *ly rationale* principium discurrendi: eidem autem interrogationi Logicus respondebit, quod *ly animal* significat ibi principium sentiendi per modum generis, seu prædicati communis, in quo convenit animal cum alijs à se distinctis, & rationale significat principium discurrendi ut differentiam contrahentem rationem communem animalis ad talem animalis speciem, hominis scilicet, ex utroque illo prædicato constitutam.

Similiter in hac propositione *homo est animal*. Grammaticus dicet, quod *ly homo* significat hominem, Logicus addet, quod significat illum per modum *subiecti*, de quo aliud dicitur; Grammaticus item dicet, quod *ly est* significat identitatem; Logicus addet, quod significat illam per modum *copulae* unientis prædicatum cum subiecto; & idem denique de illa voce *animal*, de qua, præter principium sentiendi, quod dicit Grammaticus ab ea significari, docebit Logicus illud significari per modum prædicati, quod dicitur de alio, & quod supponit pro eodem, pro quo supponit homo. Prima igitur significatio docetur à Grammatica, nam illa convenit vocibus ex vi suæ primariæ impositionis: de secunda autem non

curat Grammatica, sed Logica, ad quam sicut spectat instrumenta sciendi præparare, pariter pertinet docere eam secundariam significationem, quæ latet in vocibus, & quæ ex vi alicuius impositionis secundariæ extenduntur ad significandas res, ut ex Logicæ directione artificiosè conceptas, quomodo dicuntur significare instrumenta sciendi, & quomodo pertinere ad Logicam, ut in conclusione asserimus.

II. *Prob.* 1. ex Philosopho, qui 1. de interpret. cap. 4. disserens de speciebus orationis vocalis, ait: *Orationes igitur ceteræ omittantur, ad oratoriam enim Artem, aut Poësim illa magis consideratio pertinet: enuntiativa præsentis est propria contemplationis*: ergo Dialectica iuxta Philosophum ex proprijs contemplatur orationem vocalem, enuntiativam. Favet præterea Angelicus Præceptor 1. periherm. lect. 1. dicens: *Significatio vocum, quæ est immediata ipsis conceptionibus intellectus, pertinet ad principalem considerationem Logicæ*; ergo significatio vocum, quæ significantur res ut immediate conceptæ artificiosè spectat ad principalem considerationem Logicæ: ergo talem significationem ex proprijs considerat Logica, & non purè ex subsidio Grammaticæ aliàs falso diceretur, quod de ea significat

nificatione agit Logica principaliter.

12. *Prob. insuper ratione.* Voces illæ animal rationale significant quoddam instrumentum sciendi, quatenus significant animalitatem per modum generis, & rationalitatem per modum differentiarum, prout sic enim significant diffinitionem hominis obiectivam, quæ est quoddam instrumentum sciendi: sed docere voces illas significare ea prædicata per modum generis, & differentiarum spectat per se ad Logicam: ergo voces illæ, ut significantes instrumentum sciendi spectant per se ad Logicam. *Prob. minor.* illa scientia docet voces illas significare ea prædicata per modum generis, & differentiarum, ad quam per se spectat reddere rationem, cur significant talia prædicata per modum generis, & differentiarum: sed reddere hanc rationem spectat per se ad Logicam: ergo ad Logicam per se spectat docere voces illas significare ea prædicata per modum generis, & differentiarum. *Prob. minor.* interroganti cur voces illæ significant ea prædicata per modum generis, & differentiarum, recte, & à priori respondebitur, quia instrumentum sciendi, quod significant, diffinitio scilicet obiectiva debet constare, ex genere, & differentia: sed hanc rationem per se, & ex proprijs

exhibet Logica: ergo ad hanc per se spectat reddere rationem, cur voces illæ significant ea prædicata per modum generis, & differentiarum.

13. *Confirm. 1. & explicatur.* Scientia, quæ per se, & ex proprijs docet, quid sit diffinitio vocalis, est scientia, ad quam per se spectat diffinitio vocalis: sed Logica est scientia, quæ per se, & ex proprijs docet, quid sit diffinitio vocalis: ergo ad eam per se spectat diffinitio vocalis. *Prob. minor.* Logica per se, & ex proprijs docet, quod diffinitio vocalis nil aliud est, quam voces ut significantes prædicata alicuius per modum generis, & differentiarum, ut ex regulis Dialecticæ constat: sed in rei veritate diffinitio vocalis nil aliud est, quam voces, ut significantes prædicata alicuius per modum generis, & differentiarum: ergo Logica per se, & ex proprijs docet quid sit diffinitio vocalis.

14. *Confirm. 2.* Logica per se, & ex proprijs docet, quod hæc vox homo ita significat hominem, ut sit terminus communis, non singularis, concretus, non abstractus, absolutus, non connotativus, & alia huiusmodi plura, de quibus, nec verbum personat in Grammatica: ergo docet hunc modum significandi latentem in vocibus sine ope, & subsidio Grammaticæ. Patet consensu quia

nequit esse ex subsidio Grammaticæ id, quod Grammaticam omnino subterfugit, seu quod est omnino extra limites Grammaticæ.

15 Denique ex hoc videtur à priori. Ad scientiam per se spectat id, de quo scientia plures proprietates demonstrat: sed de vocibus, ut significantibus instrumenta sciendi plures proprietates demonstrat Logica, ut videre licet in suppositione, ampliatione, restrictione, appellatione, oppositione, in quarum expositione integros absument liberos, & quæ sunt propria vocum, ut significantissima instrumenta sciendi: ergo ad Logicam per se spectant voces, ut significantes instrumenta sciendi.

6. III.

SOLVUNTUR ARGUMENTA.

16 **O** *Bijcies* 1. voces, ut significantes instrumenta sciendi sunt voces, ut significantes res eo modo, & ordine, quo concipiuntur: sed tradere voces significantes res eo modo, & ordine, quo concipiuntur, ad solam pertinet Grammaticam, cui incumbit ministrare voces, quibus intellectus exprimat quidquid concipit, & eo modo, quo concipit: ergo tradere voces, ut significantes instrumenta sciendi ad solam pertinet Grammaticam.

17 *Resp.* disting. mai. eo modo, quo concipiuntur absolute, & independenter à Logicæ directione, conc. mai. quo concipiuntur artificiosè, & ex Logicæ directione, neg. mai. & disting. min. quo concipiuntur absolute, & independenter à Logicæ directione, conced. min. quo artificiosè concipiuntur, & ex Logicæ directione, neg. min. & consequ. Voces illæ *animal rationale* significant, ut componunt definitionem vocalem hominis, ea prædicata per modum generis, & differentiar, & ut quoddam instrumentum artificioso modo ignoti manifestatum, de quo artificio curat Logica, non Grammatica, cuius muneris solum est, quod voces congrue se habeant quoad genus, numerum, & casum. Hinc in Logicam peccat, non in Grammaticam, qui vitiosos construit syllogismos, aut redundantes conficit definitiones, dummodo ea proferat congruo sermone.

18 *Sed instabis* 1. voces illæ significant quoddam instrumentum sciendi ex vi suæ impositionis, ex qua sunt ad illud significandum destinatæ; ex impositione quipè habet vox, quod hoc, vel illud significet: sed ad solam Grammaticam spectat docere, quæ significatio ex vi suæ impositionis correspondeat unicuique voci: ergo ad eam solam spectant voces illæ, ut significantes instrumentum quoddam sciendi.

19 *Instabis* 2. tradere voces ad significandas res, vt concipiuntur ex directione Philosophiæ, non pertinet ad Philosophiam, sed ad Grammaticam: ergo tradere voces significantes res, vt concipiuntur ex directione Logicæ, non pertinet ad Logicam, sed ad Grammaticam.

20 *Instabis* 3. voces illas animal rationale esse diffinitionem vocalem hominis nescit purus Logicus: & tamen talis diffinitio vocalis per se pertinet iuxta nos ad Logicam: ergo & si eam esse diffinitionem vocalem hominis nesciat purus Grammaticus, poterit nihilominus ea diffinitio vocalis pertinere per se ad Grammaticam. Mai. constat ex eo, quod qui nescit an animal, & rationale significata per illas voces componant essentiam metaphysicam hominis, nequit scire, quod voces illæ significant essentiam hominis metaphysicam, ac proinde, nec quod significant genus, & differentiam hominis, in quorum significatione stat per nos essentia diffinitionis vocalis: Sed purus Logicus nescit an ea prædicata componant essentiam metaphysicam hominis, hoc enim spectat ad Philosophiam, quæ hominis naturam speculatur: ergo.

21 *Denique instabis.* Voces illas esse diffinitionem vocalem hominis ille cognoscit, qui scit, & quod significant principium

sentiendi, & discurrendi, & quod principium sentiendi sit prædicatum commune, discurrendi vero prædicatum particulare: sed quod voces illæ significant principium sentiendi, & principium discurrendi docet Grammatica; & aliàs quod vnum sit prædicatum commune, aliud particulare, non docet Logica, sed supponitur ex Philosophia prædicata constitutiva hominis speculante: ergo ad Logicam ex nullo capite attinet per se diffinitio vocalis hominis.

22 *Resp.* ad 1. instantiam, disting. maior. ex vi suæ impositionis primariæ, neg. maior. secundariæ, conced. maior. & disting. minor. ex vi suæ impositionis primariæ, conced. minor. secundariæ, neg. minor. & consequ. Voces primò sunt impositæ ad significandas res absolute, sicut eas absolute primò concipimus; secundario autem, & ex consequenti extenduntur ad significandas res, vt secundis intentionibus vestitas, qua ratione eas concipit secundario intellectus: Priori impositioni correspondet significatio Grammatica, iuxta quam ly *homo* significat hominem in hac propositione, *homo est animal*, secundæ vero impositioni correspondet significatio Dialectica, iuxta quam ly *homo* significat ibi hominem per modum subiecti: Et licet hæc secunda significatio sit, & exerceatur in vo-

cibus, quas tradit Grammatica, de illa tamen Grammatica non curat, vtpotè ad Grammaticæ finem non conducente.

23 *Ad 2. instantiam, concessio* anteced. neg. conseq. Philosophia quipè, vtpotè scientia realis, agit de rebus, vt in se sunt realiter, ac proinde agit de eis, vt absolute significabilibus, quæ ratione significantur per voces ex vi primariæ impositionis, quæ spectat ad Grammaticam: at Logica, quia scientia rationalis, agit de rebus, non vt sunt in se absolute, sed vt secundo intentionaliter conceptis, quomodo non significant voces res ex vi suæ impositionis primariæ, sed ex consequenti, & vi impositionis secundariæ, de qua non curat Grammatica. Hinc aliæ scientiæ vocibus agunt de suis obiectis, sed non agunt de ipsis vocibus; Logica autem, & vocibus agit, & de vocibus: sicut propter eandem reflexionem, & artificium, non solum agit cognitione scientifica de suis obiectis, vt aliæ scientiæ, verum agit de ipsa cognitione scientifica, qua attingit obiecta.

24 *Ad 3. instantiam disting.* maior. nescit, quoad subtractum, conced. maior. quoad formam, neg. maior. & concessa min. vel neg. conseq. vel disting. conseq. quoad subtractum, de quo non est litigium, omit. conseq. quoad formam, neg. conseq. diffinitio vocalis formaliter sumpta consi-

titur in vocibus, vt significantibus per modum generis, & differentia, quælibet, & cuiuscumque sit illa diffinitio, & hoc ita innotescit regulis Dialecticæ, vt nullius artis adminiculo indigeat. Dum autem in praxi conficienda est aliqua peculiaris diffinitio vocalis, hominis v.g. plures concurrunt artes, seu scientiæ ad illam conficiendam. Concurrunt Physica docens, quod principium sentiendi, & principium discurrendi sunt prædicata metaphisica hominis, quibus exprimendis ministrat voces Grammatica: sed cum diffinitio hominis formaliter sumpta, non sit in illis prædicatis absolute, sed vt artificiosè conceptis cū secunda intentione generis, & differentia, quod artificium ad solam spectat Logicam; pariter ad Logicam solam spectat voces illæ, vt significantes illud artificium, de qua significatione non curat Grammatica, & in qua consistit formaliter diffinitio vocalis. Adiuvant ergo se mutuo scientiæ, & facultates ad illam diffinitionem conficiendam, ac proinde eis indiget Logica, sed non indiget eis ad formam artificiosam, & eam significationem secundariam, de qua est litigium, sicut nec illæ Logica indigent in his formaliter, quæ ad vnamquamque spectant.

25 *Hinc ad ultimam. disting.* mai. qui scit ea absolute, neg. mai. qui scit ea, vt stant sub secunda intentione artificiosa generis, & differentia, conced. mai. & disting.

sting. min. quoad rationem sub-
stracti absolute, conced. minor.
quod rationem formalem prædi-
cati communis, & particularis,
neg. min. & conseq. Ea quipè, quæ
reteruntur in præmissis, si absolu-
tè inspiciantur, sunt subtracta se-
cundæ intentionis generis, & dif-
ferentiæ, ac proinde communi-
tatis, aut particularitatis logicæ
sumptarum: ex quo solum sequi-
tur, quod subtractum formæ dif-
finitionis obiectivæ pertineat ad
philosoficam, sicut, & subtractum
formæ diffinitionis vocalis ad
Grammaticam: aliter inferretur,
quod ad diffinitionem illam con-
ficiendam inutilis præfusus esset
Logica.

26. *Obijciat* 2. id, cuius proprie-
tates Logica demonstrat, est ob-
iectum formale Logicæ: ergo, vel
Logica non demonstrat proprie-
tates vocum, ut significantium in-
strumenta sciendi, vel illæ sunt
obiectum formale, & non solum
materiale, Logicæ.

27. *Confirm.* si Logica ageret
per se de vocibus, esset scientia
vocalis, seu sermocinalis, ac
proinde non differret à Gramma-
tica, Rethorica, & Poësi, quæ quia
agunt de vocibus, artes sermocina-
les dicuntur: consequens est fal-
sum, cum Logica sit scientia ra-
tionalis, & per hoc ab ennumera-
tis differat: ergo Logica non agit
per se de vocibus. Quod intendi-
se videtur Aristoteles docēs, quod
Rethoricus est ad alios, Logicus
vero ad se; quia scilicet Rethori-

cus agit de vocibus, quibus per-
suasio intenta obtinetur, Logicus
vero agit de conceptibus, quibus
independenter à vocibus, assequi-
tur veritatem.

28. *Confirm.* 2. finis Logici non
est instruere alios, sed se ipsum, &
cōparare sibi modum rectè pro-
cedendi in indagatione veritatis:
sed ad hunc finem voces non sunt
necessariæ: ergo non sunt Logico
necessariæ ad proprium finem.
Quod clarius constat tum ex eo,
quod in Angelis, & in hominibus
muris datur Logica, quin in eis
villæ sint voces, quas possit diri-
gere. Tum quia aliàs pro diversifi-
tate Idiomatum, diversificaretur
Logica, sicut ob hanc rationem
Hæbraica, & Græca sunt Gram-
matica diversæ.

29. *Vergetur.* Voces non sunt
materia denominabilis ab artifi-
cio Logico, nam hoc solum re-
cipitur in obiectis, ut constabit
art. 2. sed ulterius non apparet
quomodo sint materia pure diri-
gibilis: ergo nullo modo sunt
materia, seu obiectum materiale
Logicæ.

30. *Resp.* disting. antec. cuius
proprietates per se primò demon-
strat, conced. antec. cuius proprie-
tates absolute demonstrat, neg.
antec. & conseq. Plura quipè de-
monstrat Theologia de vitijs, &
peccatis, quia propterea sint ob-
iectum formale illius, sed solus
Deus, per attributionem ad quem
demonstrat omnia: demonstrat
ergo similiter Logica plura de

vocibus, sed quia hæc omnia demonstrat quatenus signa sunt modi sciendi obiectiui, idè in hoc, & non in vocibus stat ratio obiecti formalis Logicæ.

31 *Ad 1. confirm.* disting. mai. si ageret tamquam de materia primaria, seu magis principali, conced. mai. tamquam de materia secundaria, seu minus principali, neg. mai. & sub eadem distinctione min. neg. conseq. Hinc differunt Rethoricus, & Logicus in fine per se intento, nam cum finis per se intentus à Rethore sit persuadere alios, agit per se primo de vocibus, quarum ordinata dispositione finem consequitur: finis autem præcipuus Logicæ est cognitio scientifica modi sciendi, directioque operationum intellectus, idè ab hac principali materia, quam dirigit, dicitur scientia rationalis: cum quo tamen stat, quod secundo extendatur ad directionem vocum, in quibus velut in signo proprium artificium splendet; sicut medicina agit de pulsu, vt de signo sanitatis, quam per se intendit.

32 *Ad 2. confirm.* constat ex dictis, quod finis primarius Logici est instruere se ipsum, non alios, cum quo tamen stat, quod ad aliorum instructionem etiam extendatur. Hinc Logico non sunt absolute voces necessariae, quia potest Logica haberi per inuentionem sine vilo exterioris Magistri subsidio: vt tamen habeatur, vt communiter habetur,

per disciplinam, voces sunt maxime necessariae, cum Logica sit scientia, quæ non solum scientes faciat, sed & doceat docere, vt ex D. Aug. constat lib. 1. de ordine, cap. 13. Nec ex hoc inferitur, quod pro diuersitate idiomatum diuersificetur Logica, ad quam per accidens se habet diuersitas vocum; vox enim significans plura diuisim in quocumque idiomate ea significet, est terminus communis.

33 *Ad id,* quo omnia vrgentur, resp. quod Logica agit de vocibus, vt de signis modi sciendi obiectiui, quem esse obiectum formale Logicæ postea constabit; vnde non sunt materia voces, in quibus recipiatur artificium, quod per se intendit, & considerat, ac proinde non pertinent ad Logicam, vt materia denominabilis, sed pure di rigibilis, quatenus ad directionem intentionis deferunt vt signa quadam manifestatiua artificij, quod Logica in obiectis ad inuenit: Sed de hoc amplius art sequente, §. 2.

§. IV.

Tres operationes intellectus pertinent ad obiectum materiale Logicæ per modum materia dirigibilis ab ipsa.

34 **E**st cõmunis inter Auctores, & expressa apud S. D. in principio poster. ibi: *Logica est scientia rationalis, non sensuum*

lum quia est secundum rationem quod est commune omnibus artibus, sed etiam ex hoc, quod est circa ipsum actum rationis, sicut circa propriam materiam.

35 Et probatur hac ratione. Illæ operationes pertinent ad obiectum Logicæ per modum materiæ dirigibilis ab ipsa, in quibus intellectus errare potest circa inuentionem veritatis; sed intellectus potest errare in tribus operationibus circa inuentionem veritatis: ergo tres operationes intellectus pertinent ad obiectum Logicæ per modum materiæ dirigibilis ab ipsa. Mai. est certa, nam munus Logicæ est dirigere intellectum, ne erret in actibus, quibus querit veritatem; ergo illæ operationes pertinent ad obiectum Logicæ per modum materiæ dirigibilis, in quibus intellectus errare potest circa inuentionem veritatis. Min. vero probatur: intellectus procedens confusè, inordinate, falso, aut malè, potest errare circa inuentionem veritatis; sed intellectus in prima operatione potest apprehendere confusè, & in ordinate, in secunda potest enuntiare falso, in tertia potest inferre malè: ergo potest errare in tribus operationibus circa inuentionem veritatis. Min. pro secunda, & tertia parte patet, & quoad primam probatur: potest intellectus ea, quæ inuicem distinguuntur, apprehendere in distinctè, & apprehendere vnum, vt dicens ordinem, sub quo non

debet apprehendi; potest enim apprehendere animal, vt omnino idem cum rationali, & vt dicens ordinem superioris ad plantam: ergo potest intellectus in prima operatione confusè, & in ordinate procedere.

36 Obijc. 1. naturalis similitudo obiecti necessario est conformis suo obiecto, sed quælibet operatio intellectus est naturalis similitudo sui obiecti: ergo necessario est conformis suo obiecto; sed rectitudo operationum intellectus consistit in hac conformitate: ergo nulla potest esse defectuosa, ac per consequens, nec dirigibilis à Logica. Cætera patent, & minor primi syllogismi probatur: in hoc distinguuntur voces à conceptibus, quod illæ ad placitum, illi naturaliter significant: ergo quilibet conceptus, vel operatio intellectus (quæ ad præsens pro eodem reputantur) est naturalis similitudo sui obiecti.

37 Resp. disting. mai. est necessario conformis cum obiecto, cuius est naturalis similitudo, conced. mai. cuius debet esse naturalis similitudo, subdisting. quoad prædicata primario contenta in specie, conced. mai. quoad prædicata virtualiter ibi contenta, neg. mai. & disting. min. est naturalis similitudo obiecti, quod representat, conced. min. quod debet representare, subdisting. quoad prædicata primario contenta in specie impressa conced. minor. quoad prædicata virtualiter ibi con-

con-

contenta, neg. min. & conseq. Naturalis similitudo alicuius semper est conformis illi, cuius est naturalis similitudo; at non semper est conformis illi, cuius debebat esse naturalis similitudo, sed alteri, quod non repræsentaret, si recta esset.

Hoc autem respectu operationis intellectus, quæ & si similitudines naturales obiectorum non sunt, sunt tamen similitudines illorum intentionales, verum habet, si observes discrimen distinctionis datæ: species enim impressa hominis necessario repræsentat primum, & formaliter prædicata constitutiva hominis, unde operatio, quam in vi illius elicit intellectus, necessario est conformis homini, quia illius, & non alterius prædicata repræsentat: Caterum quoad aliquas formalitates, seu respectus, qui formaliter non continentur in specie, sed tantum virtualiter, potest esse disconformitas; si hominis v. g. prædicata concipiat intellectus sine aliqua prorsus distinctione, & compositione, si concipiat hominem, ut speciem subalternam, non infimam, si ut abstractum, non concretum, aliaque huiusmodi, quæ in specie, seu in prædicatis per illam repræsentatis virtualiter, seu fundamentaliter tantum continentur. Demum ergo intellectum non indigere directione Logicæ, ut media specie hominis hominem apprehendat, seu cognoscat; ut tamen illum sic, vel aliter,

hoc, vel illo respectu cognoscat, indiget directione Logicæ.

38 *Si dicat.* Ideo intellectus nequit errare in cognitione prædicatorum, quæ primario repræsentat species, quia conformatur immediatè repræsentationi speciei, & species non deficit in repræsentatione sui obiecti: sed etiã in cognitione aliarum formalitatum, seu respectuum conformatur, vel repræsentationi speciei, vel apprehensioni primorum prædicatorum, quarum neutra deficit in repræsentatione sui obiecti: ergo, vel utroque, vel neutro modo potest errare.

39 *Resp.* concessa mai. neg. min. si de conformitate, quæ aliter se habere non possit, sit (ut debet) sermo: Intellectus quipè in cognitione primaria in nullam potest prodire operationem, quæ speciei, qua informatur, non sit conformis, & talis species aliorum non est prædicatorum similitudo formalis, quam illorum, quæ sunt formaliter in obiecto, cuius est species: at in cognitione aliorum respectuum, non conformatur necessario speciei, quia cum hæc non nisi fundamentaliter, & virtualiter eos contineat, non ita plene informat pro eis intellectum, ut hic non possit, & multoties de facto deficiat in eorum attingentia. Et quidem si intellectus non posset non conformari in hac secundaria, seu reflexa attingentia reïtutudini primariæ operationis, aut speciei, non posset,

set quidem errare in compositione, aut divisione, quæ spectant ad secundam operationem intellectus, quod patet, quam sit falsum.

40 *Obijcies* 2. sicut sensus nequit decipi circa proprium sensibile, ita intellectus nequit dicipi erga simplicem quidditatem, circa quam est prima operatio, teste D. Thom. 1. p. q. 17. art. 3 sed ob hanc rationem nequit arte dirigî operatio sensus: ergo nec potest arte dirigî simplex apprehensio.

41 *Confirm.* Nulla apprehensio intellectus (idem de alia operatione) est indifferens, ut possit bene, vel male fieri, ergo nulla est dirigibilis à Logica: Patet consequ. cum illud tantum sit arte dirigibile, quod ea indifferètia gaudet, & antec. prob. Omnis apprehensio, vel est recta, vel defectuosa, si recta, nequit malè fieri; si defectuosa, nequit bene fieri: ergo nulla est indifferens.

42 *Resp. dist. mai.* Ita quoad prædicata primario contèta in specie, conced. mai. quoad ea, quæ fundamentaliter, seu virtualiter continentur ibi. neg. mai. & concess. min. neg. consequ. Logica non dirigît intellectum, ut media specie hominis hominem, & nō quid aliud apprehendat; dirigît tamen ipsum, ut sic, vel aliter hominem apprehendat, in quo potest errare iuxta iam explicata. Quomodo autem intelligatur, quod sensus nequeat decipi circa proprium sensibile, dicemus in libris de Anima.

43 *Ad confirm. resp. eodem ar.*

gumento posse probari, quod operationes Artificis nequeunt arte dirigî, quia vel sunt rectæ, & sic nequeunt defectuosè fieri, vel sunt defectuosæ, & sic nequeunt rectè fieri. Quare neg. ant. ad cuius prob. cōcessis præmissis, neg. consequ. quia indifferètia operationum non itat in eo, quod recta possit malè fieri, vel rectè fieri defectuosa, utriusque enim est impossibile; sed in eo, quod operatio ex genere suo sit indifferēs, ut sit recta, vel defectuosa; & ita directio Logicæ ad hoc tēdit, ut res ita disponantur, quod existat operatio, quæ est recta, cum posset existere, quæ est defectuosa, quod exemplo cuiuscunque artis directivæ sit manifestum. An autē eiusmodi indifferentia sit intrinsecè in ipsis operationibus, vel solum in intellectu eas eliciente, & an sit dicenda indifferentia phisica, vel logica, & quætionem continet caput incipientium superantem, & in sequentibus attingetur.

44 *Denique obijcies* Propositiones per se notæ pertinent ad secundam operationem; sed pro illis nō indiget intellectus directione Logicæ, quia circa illas nequit errare, qui enim calet terminos harum propositionum, quodlibet est, vel non est, omne totum est maius sua parte, fieri non potest, ut illas non concedat: ergo secunda operatio Logicæ directionis non est capax.

45 *Confirm.* Syllogismi conclusætes in quatuor modis perfectis primæ figuræ sunt luminis naturæ notæ, ita ut nemo rationis cōpos possit

sit illis non convinci, maximè in sententia eorum, qui tenent, Logicā non esse necessariam simpliciter ad demonstrandum: at illi pertinent ad tertiam operationem: ergo actus pertinentes ad tertiam operationem sunt in defectibiliter recti subindeque Logicæ præceptis minimè dirigibiles.

46 *Resp.* 1. ommissis omnibus, neg. consequens intentum: Nam ex quo pro aliquibus propositionibus, quæ sunt lumine naturæ notæ, non indigeat intellectus directione Logicæ, non ideo pro secunda operatione directione non indiget, cum aliæ suppetant propositiones ad eam operationem spectantes, quas ægrè sine directione artis intellectus cognosceret: & idem dic ad exemplum seu assumptum confirmationis: suppetunt enim plures syllogismi, non ita clare concludentes, & pro quibus directio Logicæ desideratur.

47 *Resp.* 2. neg. min. ad probationem dist. antec. circa illas quoad attingentiā obiecti directè, & primariò cogniti non potest errare, conce. ant. circa illas, quoad attingentiā obiecti reflexe, vel secundario cogniti, neg. aut. quia licet sit per se notum, quod res quælibet est, vel non est, & quod omne totū est maius sua parte, quæ pertinet ad obiectum directè, & primariò cognitum; non est per se notum, illas propositiones esse universales, formales, & categoricas, quæ pertinent ad obiectum, vel ad intentiones secundariò, vel reflexe cognitās,

ex quorum tamè cognitio ne pendet tum illarum dispositio ad inferendum plures, conclusiones tum solutio plurium sophismatum, quæ contra illas possunt opponi.

48 *Ad conf. resp. dist. mai.* illi syllogismi sunt lumine naturæ noti quod illationē, supposita recta dispositione præmissarum; conc. mai. absolutè, neg. mai. quia licet sit per se notum supposita recta dispositione præmissarū bene inferri consequens, non est per se notum; quomodo ad concludendum in modis perfectis primæ figuræ sint præmissæ disponendæ, nec quale medium sit aptum; imò vix adolescētes difficillius quidpiam reputant arte inveniendi medium.

§. V.

Sub obiecto materiali Logica comprehenduntur omnia: entia sive realia, sive rationis.

49 **I** Robatur 1. ex Arist. & D. Tho. qui 4. metaph. lect. 4. docent metaphisicū, & Logicum agere de omni ente. *Secundo.* Omnia, quæ ratione sui obiecti formalis potest Logica attingere, pertinet ad obiectum materiale ipsius; sed omnia entia, sive realia, sive rationis potest Logica attingere ratione sui obiecti formalis: ergo omnia pertinent ad obiectum materiale ipsius. Mal. constat ex diffinitione obiecti materialis, & prob. min. nam ea potest Logica attingere ratione sui obiecti formalis, ad quæ se extendit eius obiectum for-

formale; sed obiectum formale Logice sunt instrumēta sciendi, nempe diffinitio, subiectum prædicatū, genus differētia, &c. & omnia possunt diffiniri, subijci, prædicari, poni sub genere, & differentia ergo.

ART. II.

Quodnam sit obiectum formale Logica.

§. I.

Operationes intellectus, ut dirigibiles, non sunt obiectum formale Logica.

50 **D**irigibilitas nil aliud est, quam potentia, seu capacitas ad actualem directionem, & rectitudinem, unde per ordinem ad hanc debet dirigibilitas cognosci. Directio igitur est duplex; alia activa, alia passiva: Directio activa, est actus, quo ars dirigit propriam materiam, actus v. g. quo Logica docet partes exactæ diffinitionis debere esse genus, & differentiam. Directio passiva est recta partium dispositio, à qua totum formaliter denominatur rectè constructum; ut cum partes syllogisimilita sunt dispositæ, ut syllogismus sit rectus, utriusque ad suadendam, seu convincendam veritatem.

51 *Directio passiva* alio titulo solet dici dirigibilitas obiectiva. Pro quo observā, quod dupliciter dicitur aliquid dirigibile, obiectivè, & subiectivè. Dirigibile obiectivè, dicitur illud, quod ex sua essentia est re-

ctum, est tamen in potentia, non ut sit rectum, sed ut existat, qua ratione actus virtutum sunt obiectivè dirigibiles à prudentia, non quia prudentia docet, quomodo sint bene faciendi, hoc enim foret otiosum, nā cum ex sua essentia sint determinati ad rectitudinem, nequeunt nisi bene fieri; sed quia docet, quomodo res disponendæ sint, ut existant hic, & nunc actus virtutū, sive ut existat actus, qui sit virtutis, & non vitij.

52 *Hoc modo sunt etiam dirigibiles à Logica operationes intellectus*, ut epus scilicet ex se quidem rectum, sed in potentia, ut in actu exercito ponatur eius rectitudo. Logica enim nō docet, quod syllogismus in *Darj* benè, & non malè, construatur, cum ne queat syllogismus in *Darj* nisi bene fieri, sed docet, quomodo propositiones disponendæ sint, ut existat syllogismus in *Darj* potius, quam aliquis parallogismus. Similiter nō docet quomodo diffinitio sit benè faciendā, cū diffinitioni sit essentialis rectitudo, sed quomodo termini disponendi sint, ut existat potius diffinitio, quam alla oratio, quæ diffinitio non sit.

53 *Dicitur autem aliquid subiectivè dirigibile*, quia est capax rectitudinis, quam ex se non habet, ut lapides, & ligna sunt subiectivè dirigibilia, quia sunt capacia recipiendi in se formam domus; quam ex se non habēt, unde cadunt sub artis directione, quatenus ars docet, & præscribit modum, ut rectè, & non indebitè disponantur, cum talis

materia subiectivè dirigibilis sit ex se indifferens ad rectitudinem, & eius carèctiam. Hoc etiam modo sunt *subiectivè* dirigibiles operationes intellectus, nam licet apprehensio in singulari sit in se, vel ita recta, ut non possit male fieri, vel ita defectuosa, ut non possit benè fieri, tamen in ordine ad aliam operationem, seu conceptum, potest malè, disponi, vel benè, ad hunc, vel alium finem; hic enim cōceptus *animal* rectè disponitur ad representandam diffinitivè naturam hominis, si coniungatur cum hoc conceptu *rationale*, & malè, si coniungatur cū hoc conceptu *ipes*, & cū utroque est indifferenter cōiungibilis: ergo est materia ex se benè, vel malè disponibilis, ac proinde dirigibilis subiectivè à Logica.

54 Nec hæc dirigibilitas subiectiva talium operationum est purè logica, & præcisiva, sed physica, & quæ supra eas operationes cadit, ut physice existentes, illa enim propositio (idem de alijs) *aliquis homo est albus* physice sumpta, & in re est indifferens, ut coniungatur cum alia utili ad assensum alicuius conclusionis causandum potius quam cum omnino inutili. Vnde negamus, quod dirigibilitas subiectiva physica sit necessario capacitas ad recipiendum intrinsecè artificium, ut aliqui in præsentī minus rectè supponunt, alias operationes manuales Domificatoris non essent physice subiectivè dirigibiles ab arte domificativa. Solum ergo requiritur ad cuiusmodi dirigibilitatem capacitas

physica ad rectitudinem iuxta modum, & conditionem materiæ; vnde si hæc sit materia denominabilis, requiritur capacitas ad habendum in se intrinsecè artificium; si verò sit purè dirigibilis, exigitur capacitas ad habendum illud representativè, extrinsecè, seu effectivè, qualiter effectivè præcisè illud habent operationes manuales domificatoris ab arte physice dirigibiles: de quo amplius §. sequente.

55 Igitur dum in conclusione negamus operationes, ut dirigibiles esse obiectum formale Logicæ, nō loquimur de operationibus, ut obiectivè dirigibilibus, nam cum dirigibilitas obiectiva, non sit indifferencia ad rectitudinem, sed solum ad existentiam illius, cum ipsa rectitudine identificatur, ac proinde nil aliud est operationes esse dirigibiles obiectivè, ac esse actu rectas, & actu directas signate, de quibus tamen sub ea consideratione quid dicendum sit, sequente cōclusionē statuemus. Loquimur ergo in præsentī de operationibus intellectus, ut subiectivè dirigibilibus; quas non esse obiectū formale Logicæ non erit iam difficile suadere.

56 *Prob. conclusio.* Obiectum formale cuiuscunque artis est forma, quam ars primo, & per se intendit introducere in materia: sed dirigibilitas operationum non est forma, quā primo, & per se intendit Logica introducere in materia: ergo ea dirigibilitas non est obiectū formale Logicæ. Min. patet ex eo, quod

quod forma, quam per se primo intendit introducere Logica, est illa, quā tandem medijs suis regulis introducit: sed non introducit medijs regulis dirigibilitatē, nam hæc est capacitas competens naturaliter, vt naturalis proprietas, operationibus independenter à Logica: ergo dirigibilitas non est forma, quam per se primo intendit Logica introducere. Mai. autem prob. obiectū formale artis est id, quod per se primo respicit ars, & ratione cuius cætera considerat: sed huiusmodi est forma, quam primo, & per se intendit ars introducere in materia: ergo.

57 *Confirm. 1.* obiectum formale Logicæ non est id, de quo Logica agit propter aliud, cum obiectū formale sit finis, propter quem cætera attinguntur: sed de dirigibilitate operationum agit Logica propter aliud, propter earum scilicet actualem directionem: ergo dirigibilitas operationum non est obiectum formale Logicæ. Patet min. ex eo, quod Logica agit de operationibus dirigibilibus, vt sint directæ, & non eas dirigit, vt sint dirigibiles; ergo de dirigibilitate agit propter actualem directionem.

58 *Confirm. 2.* obiectum formale Logicæ sunt instrumenta sciendi, vt diffinitio, divisio, & argumentatio: sed operationes intellectus, vt dirigibiles, & si possint esse, non sunt tamen diffinitio, divisio, & argumentatio: ergo nō sunt obiectum formale Logicæ operatio-

nes, vt dirigibiles. Prob. mai. obiectum formale artis est opus, quod talis ars efficit, vt obiectum artis domificandi est domus, frænfactoriæ frænum: sed opus, cuius structuræ Logica incumbit, sunt diffinitio, divisio, & argumentatio: ergo hæc instrumenta sunt obiectum formale Logicæ.

59 *Denique.* Nullius artis est obiectum formale materia, vt ab arte dirigibilis: ergo operationes intellectus, vt dirigibiles non sunt obiectum formale Logicæ. Antec. prob. lapides, vt ordinabiles in ædificio, non sunt obiectum formale artis domificatiuæ; nec sunt obiectum formale artis pingendi colores, vt hoc, vel illo modo disponibiles in tabula: sed eadem est ratio de reliquis artibus: ergo nullius artis est obiectum formale materia, vt dirigibilis.

60 *Obijcies 1.* obiectum formale Logicæ est id, ratione cuius Logica attingit sua obiecta materialia: sed operationes intellectus, quæ sunt obiectum materiale Logicæ, attingit Logica, quia dirigibiles: ergo vt dirigibiles sunt obiectum formale Logicæ. Prob. min. interroganti quare Logica versatur circa operationes intellectus, respondebis optime, quia possunt disponi per modum diffinitionis, divisionis, & argumentationis, quod est eas esse dirigibiles: ergo dirigibilitas operationū est id, ratione cuius Logica eas attingit.

61 *Resp. dist.* mai. est id ratione cuius primario attingit conc.

mai. ratione cuius *secundario* attingit, neg. mai. & disting. min. quia dirigibiles, ly *quia dicente rationem secundariam* conced. min. *primariam* neg. min. & conseq. Petenti cur Logica considerat operationes intellectus, rectè quidem responderes, quia sunt dirigibiles, seu disponibiles per modum definitionis, divisionis, & argumentationis: ceterum si ulterius interrogaret, cur Logicus considerat, quæ per modum materiæ instrumentorū sciendi sic possunt disponi, responderes; quia finis à Logico intentus est arte factum, seu instrumentum sciendi, cuius structuræ talis materia dirigibilis deservit: ubi clarè constat, quod dirigibilitas est ratio tantum *secundario* movens Logicum, ut operationes consideret, siquidem movet *dependentè* ab alia ratione priori, seu *primaria*, ab instrumentis videlicet sciendi: obiectum autem formale alicuius facultatis est tantum id, ratione cuius *primario* obiecta materialia attinguntur; qua ratione, & si ad artem *domificativam* pertineant lapides, & ligna, ut obiecta materialia, quia dirigibilia, non tamen dirigibilitas, sed arte factum domus est obiectum formale ipsius, quia illud est ratio *primaria*, quare attingit eam lapidum dirigibilitatem.

62. *Obijctes* 1. Logica est ars directiva: ergo operationes, ut dirigibiles sunt obiectum formale illius. Prob. conseq. tùm quia ita comparatur dirigens ad directum,

sicut directivum ad dirigibile: sed obiectum formale dirigentis est directum: ergo obiectum formale artis directivæ est dirigibile. Tùm quia obiectum formale potentia visiva non est visum, sed viibile; nec potentia intellectiva est intellectum, sed intelligibile: ergo obiectum formale artis directivæ non est directum, sed dirigibile.

63. *Confirm.* 1. Logica, sicut & quælibet alia scientia, supponit suū obiectum formale: sed non supponit operationes intellectus, ut directas, supponit autem eas, ut dirigibiles: ergo non, ut directæ, sed ut dirigibiles, sunt obiectum formale illius. *Confirm.* 2. operationes intellectus, ut dirigibiles sunt obiectum formale alicuius scientiæ: non alterius nisi Logicæ: ergo. Denique obiectum formale Medicinæ, quæ est ars sanativa, est corpus, ut sanabile: ergo obiectum formale Logicæ, quæ est ars directiva, est operatio, ut dirigibilis.

64. *Resp.* concessio antec. neg. conseq. Ad cuius 1. prob. disting. mai. ita comparantur, quoad aliquam conced. mai. quoad omnia, neg. mai. & concessio min. neg. conseq. Salvatur quippe proportio in eo, quod sicut materia actus dirigentis est operatio, ut actu subiecta directioni, ita habitus directivi materia est operatio, ut potens subiecti directioni: quoad obiectum autem formale nullum est discrimen inter dirigens, & directivum, nam idem est finis utriusque, id quippe efficit actus dirigens, quod habitus

tus directivus intendebat efficere.

65 *Ad 1. prob. neg. conseq.* quia Logica est facultas, seu ars sui obiecti factiva, instrumentorum scilicet sciendi; artis autem sic operative, seu factivæ obiectum formale est id ipsum opus, quod efficit, hoc est enim ab ea intentum, ut videre est in arte domificativa: at potentia visiva, & intellectiva non sunt facultates factivæ suorum obiectorum, sed speculativæ eorum, ac proinde non habent pro obiecto aliquid ab ipsis factum, sed ad ipsarum actus presuppositum, & ab ipsis speculabile. *Ex hoc* autem oritur alia disparitas, propterquam iterum neg. conseq. Nam cum visum, ut tale (idem de intellectu ut tali) sit pura denominatio extrinseca, quæ pro formali non distinguitur ab ipsa visione, si visum, ut tale, esset obiectum formale potentia visivæ, ipsa visio esset obiectum formale, quod nequit esse, cum potentia nequeat habere pro obiecto ipsos actus, sed obiecta, quæ medijs actibus attingit: at directum, ut tale, non constituitur formaliter per ipsum actum dirigentem, sed per formam ab actu dirigente distinctam, & in materia introductam, unde ex quo obiectum formale artis directivæ sit directum, non sequitur, quod habeat pro obiecto formali suum actum dirigentem, sed formam, quam medio actu per se intendit introducere.

66 *Ad 1. confirm. disting. mai.*

supponit suum obiectum formale, ut signatè, & possibiliter existens, conced. maior. ut exercitè existens, neg. mai. & disting. min. non supponit eas directas possibiliter, & signatè, neg. min. exercitè, conced. min. & neg. conseq. quia artem sui obiecti factivam nequit præcedere obiectum, ut exercitè existens, nec pro ut sic illam potest specificare, sed pro ut existens possibiliter, & signatè, quia ratione ipsam præcedit: sicut artis domificativæ obiectum specificans est ipsa domus, ut signatè, & possibiliter existens, quomodo præcedit artem, & si hac sit posterior, & opus illius, ut in exercitio directa, seu ut exercitè existens.

67 *Ad 1. confirm. neg. mai.* quia operationes, ut dirigibiles, à nulla scientia possunt quæri propter se, sed propter actualem directionem, ac proinde non nisi secundario possunt considerari à scientia, quæ earum intendat rectitudinem.

68 *Ad ultimam neg.* antecedit. quia obiectum Medicinæ est corpus sanabile obiectivè, cuius forma est ipsa sanitas signatè sumpta; de corpore autem, ut subiectivè sanabili agit secundario, ut de materia, in qua introducit formam per se intentam.

69 *Constat* ex dictis, quod si conferatur dirigibilitas operationum cum earum actuali directione, seu rectitudine, illa propter hanc, & non hæc propter illam intenditur: sed cum ulterius reslet comperendum, an ita intendatur à Logica hæc

hæc operationum rectitudo, vt in ea sistat ratio obiecti formalis specificantis Logicam, vel potius hoc conveniat obiectis, vt rectè dispositis, seu vt rectè representatis per operationes; idè pro eius resolutione sit.

§. II.

Operationes intellectus, vt actualiter directæ non sunt obiectum formale Logicæ.

70

Ita Mag. Ioan. à Sanct. Thom. Complutenses, Linze, Parra, Gordin. Maillat. Moneta, & frequentius RR. Thomistæ contra Prado, Suarez, Oviedo, Arriaga, Peñafiel; Carleton, Quiros, Olcina; & alios RR. Pro cuius intelligentia præcisè advertendum est, quod operationes, vt actualiter directæ, nil aliud sunt, quam conceptus formales, seu mentales, vt rectè representantes obiecta, v. g. conceptus representantes animal, & rationale per modum generis, & differentia, his enim conceptibus constituitur, seu ipsi sunt diffinitio mentalis hominis, quā negamus (& idem de alijs instrumentis sciendi mentalibus) esse obiectum formale Logicæ. Et præter clarissimum D. Thomæ testimonium infra §. 4. ponderandum.

71 *Prob.* conclusio ratione à priori. Operationes intellectus, vt actualiter directæ sunt operationes, vt rectè representantes sua ob-

iecta, in hac quippè recta representatione earum intrinseca rectitudo consistit: sed operationes, vt rectè representantes sua obiecta, non sunt obiectum formale Logicæ: ergo vt actualiter directæ non sunt obiectum formale Logicæ. Prob. min. varijs medijs, & primò sic. Obiectum formale Logicæ sunt instrumenta sciendi, diffinitio scilicet, divisio, & argumentatio: sed operationes, vt rectè representantes obiecta, non sunt diffinitio, divisio, aut argumentatio: ergo non sunt obiectum formale Logicæ operationes, vt rectè representantes obiecta. Prob. min. & claritatis gratia sit sermo de his cōceptibus *animal rationale*, qui rectè representantes prædicata diffinitiva hominis, & quos non esse hominis diffinitionem prob. Diffinitio hominis dicitur ad convertentiam cum homine, quamlibet enim diffinitionem dici ad convertentiam cum suo diffinito demonstrat Logica: sed eiusmodi conceptus formales non dicuntur ad convertentiam, nec cum ipso homine, nec cum illius conceptus; homo quippè non est ille duplex conceptus formalis, nec pariter conceptus hominis est ille duplex conceptus; ergo eiusmodi conceptus non sunt hominis diffinitio.

72 *Nec dicas* i. convinci quidem ratione facta eos conceptus formales, seu mentales nō esse diffinitionem obiectivam, de qua sola docetur à Logica, quod debet dici ad convertentiam cum diffi-

ni:

nto; non tamen suadetur eiusmodi conceptus non esse definitionem mentalem, ac proinde, nec suadetur ad obiectum formale Logice non pertinere, quæ principaliter, & in recto agit de definitione mentali, & solum in obliquo de definitione obiectiva, quæ per mentalem representatur.

73 Nam contra est. Logica agit per se primò, & in recto de definitione, quæ simpliciter est definitio: sed sola definitio, quæ dicitur ad convertentiam, seu prædicatur de definito, est simpliciter definitio: ergo si sola definitio obiectiva est huiusmodi, de sola hac agit per se primò, & in recto Logica. Cætera patent, & min. prob. Ea sola est simpliciter definitio, cui soli convenit, quod vno ore docetur à Logicis naturam definitionis speculantibus: sed quod vno ore docetur à Logicis naturam definitionis speculantibus soli convenit definitioni, quæ prædicatur de definito: ergo sola hæc est simpliciter, & absolute definitio.

74 Explicatur. Logica per se primò, & in recto agit de instrumentis sciendi, quæ in consideratione Logice sunt simpliciter talia; sed huiusmodi non sunt instrumenta sciendi mentalia, sed obiectiva: ergo per se primò, & in recto non agit Logica de instrumentis sciendi mentalibus, sed de obiectivis. Prob. min. Ea sunt instrumenta sciendi simpliciter talia in consideratione Logice, in quorum demonstrandis affectionibus, &

proprietatibus tota est Logica, ne dicamus ad eam potius pertinere illa, quarum proprietates, nec docet, nec ostendit: sed Logica tota est in demonstrandis affectionibus, & proprietatibus instrumentorum sciendi, quæ obiectivè sunt talia, & vix aliquid docet de natura instrumentorum mentalium; nam prædicari de pluribus, quod docet de genere, dici ad convertentiam, quod docet de definitione, dici de subiecto, quod docet de prædicato, & alia innumera huiusmodi non competunt conceptibus, sed obiectis per ipsos representatis: ergo.

75 Nec valet similiter, si dicas 1. quod licet ratione facta convincatur conceptus ipsos obiectivos esse obiectum formale Logice: cum tamen non sint vt cuique sumpti obiectum formale, sed vt artificiosè cogniti, & representati, inde est, quod artificiosa cognitio, qua formaliter constituuntur artificiosè cogniti, sit forma, quam primò, & per se respiciat Logica; sicut qui ageret de pariete, vt viso, ageret per se primò de visione, quia hæc est forma, à qua paries denominatur formaliter visus.

76 Nam contra est Quia solutio affert doctrinā s. sequente ex professo reiiciendā, scilicet, quod forma, qua constituitur artefactum Logicale, sit cognitio ipsum representans; postea enim constabit, quod est secunda intentio rationis, quam in ipsis obiectis adinvenit Intellectus.

ctus. Deinde. Artificiosa cognitio solum ponit iuxta solutionem denominationem extrinsecam artefacti in obiectis, sicut visio solum ponit denominationem extrinsecam visi in pariete viso: sed obiectum formale artis non est extrinseca denominatio, quam media sua directione, seu artificiosa cognitione ponit in obiectis, sicut nec obiectum potentia visive est denominatio extrinseca visi, quam media sua visione ponit in re visa: ergo vel nullo modo sunt obiectum formale Logicae instrumenta sciendi obiectiva, vel non constituntur in esse talium per artificiosam cognitionem extrinsecam. Sed de hoc amplius in sequentibus.

77 *Secundo prob. illa min. primi syllogismi.* Obiectum formale Logicae est artificium, quod ex Logicae directione resultat; sed recta representatio obiectorum non est artificium, quod ex Logicae directione resultat: ergo ea recta representatio obiectorum non est forma, quam per se primo respiciat Logica, ac proinde operationes, ut recte representantes obiecta, non sunt obiectum formale Logicae. Mai. exemplo culuscunque artis est manifesta; obiectum quippe formale artis domesticativæ est artificium illud, quod ex eius directione resultat; & ratio ex dictis est, quia obiectum formale artis est forma, quam ars per se primo intendit introducere in materia, huiusmodi autem est artificium.

illud, quod ex eius directione resultat. Min. autem prob. recta representatio obiectorum est præcisè signum artificij, quod per eiusmodi representationem representatur: sed artificium, quod ex Logicae directione resultat, representatur per eam conceptuum representationem: ergo hæc est præcisè signum artificij, quod ex Logicae directione resultat, ac proinde ea non est tale artificium, nisi signum cum signato confundas. Prob. min. artificium Logicae definitionis v. g. consultit in vñone duorum per modum generis, & differentia: sed representatur per conceptus mentales, quæ sunt diffinitio mentalis, vñio duorum per modum generis, & differentia, si enim non representaretur, intellectus media diffinitione mentali vñionem eiusmodi non cognosceret: ergo.

78 *Qua ratione sic proposita pre-occupata manet solutio AA. dicentium, quod licet in conceptibus inveniatur parè tamquam in signo id, quod per ipsos representatur, representatio tamen, & modus representandi propriè, & subiectivè reperitur in conceptibus, ac proinde ipsis competit artificium; quia artificium non est res representata, sed representatio, vel modus representandi; non enim representatur claritas; vel confusio, sed conceptus representat clarè, aut confusè, in quo modo representandi consistit eorum artificium.*

79. *Præoccupata* quidem manet: nam iuxta solutionem id, quod est res representata per conceptus, improprie reperitur in conceptibus, ut in puro scilicet signo: sed artificium diffinitionis v. g. est res representata per conceptus: ergo improprie reperitur in illis; ac proinde conceptus, ut recte representantes, non sunt obiectum formale Logicae. Cætera patet, & min. ex dictis prob. nam unio duorum per modum generis, & differentiae, in qua artificium diffinitionis consistit, nil aliud est, quam nexus duorum prædicatorum, quorum unum sit prædicatum commune, in quo diffinitum assimilatur alijs, & aliud sit prædicatum particulare, per quod differat ab illis: sed huiusmodi nexus representatur per diffinitionem mentalem, cum media hac cognoscat intellectus ea prædicata cum illis conditionibus, ut unita ad constitutionem diffiniti: ergo unio duorum per modum generis, & differentiae est res representata per conceptus. *Præterquam* quod modus etiam representandi conceptum est modus representativus, seu est modus de linea formaliter representativa: ergo ei correspondet, ut signatum, modus obiectivus, seu modus se retinens ex parte obiecti: ergo si in illo modo consistit artificium, hoc non reperitur in conceptibus nisi improprie, & ut in signo.

80. *Prob.* tandem illa min. primi syllogismi. Conceptus, seu operationes, ut recte representantes

objecta sunt actus, quibus Logica inducit formam in materia: sed nullius artis sunt obiectum formale actus, quibus ipsa ars inducit formam in materia: ergo non sunt obiectum formale Logicae operationes, ut directæ, seu ut recte representantes obiecta. Min. patet, quia obiectum formale artis est finis intrinsecus, quem intendit: sed huiusmodi non sunt actus, quibus inducit formam in materia, sed forma ipsa, quam medijs actibus intendit inducere, ideoque actiones manus, quibus ars domesticativa inducit formam in materia, non sunt obiectum formale talis artis, sed forma artificialis inducenda: ergo. Mal. verò prob. Logica inducit formam in materia medijs actibus: sed non alijs, quam operationibus, ut directis, sive ut recte representantibus obiecta: ergo tales operationes sunt actus, quibus Logica inducit formam in materia.

81. *Quod si dicas* ex hoc solum probari, quod non sunt obiectum formale Logicae actus, quibus Logica docet v. g. diffinire, quia hi sunt ipsa directio activa, media qua inducit formam in materia: non tamen probari non esse obiectum formale illorum actuum, quibus in exercitio diffinit iuxta regulam directionis activæ, talibus enim actibus non inducit formam in materia, sed sunt materia, in qua inducitur forma prius præscripta.

82. *Contra* est. Nec actus, quibus ars domesticandi docet con-

struere domum, nec actus, quibus
utitur regulis, & eam actu con-
struit, sunt obiectum formale ar-
tis: ergo nec actus, quibus Logica
docet diffinire, nec actus, quibus
utens regulis actu diffinit, sunt ob-
iectum formale Logicæ. Deinde.
Non solum actus, quibus Logi-
ca docet diffinire, verum etiam
actus, quibus in exercitio diffinit,
inducunt formam in materia: ergo
si actus, quibus ars inducit formam
in materia, non sunt obiectum for-
male artis, nec actus, quibus Logi-
ca docet diffinire, nec quibus actu
diffinit, sunt obiectum formale
Logicæ. Prob. antec. Eatenus per
primos actus inducitur forma in
materia, quatenus repræsentant
quid sit faciendum, ut diffinitio
mentalis conficiatur: sed etiam ipsa
moralis diffinitio repræsentat quid
appareat in obiectis, dum per mo-
dum diffinitionis obiective apprehenduntur, quidquid enim est in
conceptibus, est in ipsis repræsen-
tative: ergo etiam per ipsam diffini-
tionem mentalem, quam Logica
conficit, inducitur forma in ma-
teria.

§. III.

Solvuntur argumenta.

83 **O** *Elicies* 1. Obiectum
formale Logicæ est
restitudo, quæ resultat ex eius di-
rectione in propria materia: sed
operationes intellectus sunt propria
materia, circa quâ versatur Logi-
ca: ergo restitudo operationum est

obiectum formale Logicæ. *Confirm.*
Sicut Logica dirigit operationes
intellectus, ita Philosophia moralis
actus voluntatis, Grammatica vo-
ces, & Rethorica orationem: sed
obiectum formale Philosophiæ est
restitudo reperta in actibus volun-
tatis, Grammaticæ, restitudo re-
perta in vocibus, & Rethoricæ ea,
quæ reperitur in oratione: ergo
Logicæ obiectum formale est resti-
tudo reperta in operationibus.

84 *Resp.* disting. mai. quæ re-
sultat in propria materia denomi-
nabili, conced. mai. in materia pu-
rè dirigibili, neg. mai. & disting.
min. sunt propria materia, purè di-
rigibilis, conced. min. denomina-
bilis, neg. min. & conseq. Sicut ob-
iectum formale artis domificandi
non est passiva directio actionum
manualium, quia hæ sunt materia
purè dirigibilis, in qua forma ar-
tificialis non recipitur, nec est, nisi
tantum vialiter, & in fieri: ita ob-
iectum formale Logicæ non est
passiva directio operationum, quia
hæ non sunt materia denominabi-
lis, in qua sit, aut recipiatur artifi-
cium Logicale, hoc enim solum
est formaliter, & propriè in ob-
iectis, quæ sola propriè denominan-
tur diffinitio divisio, &c. sicut ar-
tificium domus solum recipitur in
lignis, & lapidibus, quæ sola deno-
minantur domus.

85 *Dices.* Conceptus sunt diffi-
nitio, & syllogismus: ergo sunt
materia denominabilis. *Disting.* an-
teced. sunt extrinsecè, & repræsen-
tative, conced. antec. intrinsecè, &

proprie, neg. antec. non enim sunt proprie diffinitio, sed via, & signum diffinitionis. *Nec valet*, quod proprie sunt diffinitio mentalis, seu modus sciendi mentalis: ergo proprie sunt artefactum Logicale. *Nam* neg. conseq. arguitur quippe à dicto secundum quid ad dictum simpliciter; esse quippe proprie diffinitionem mentale est esse proprie representatione diffinitionis, quod non est proprie esse diffinitionem, aut artefactum Logicale, sed signum illius.

86 *Nec iterum valet*, quod ea representatio, seu rectitudo operationum est ab arte Logicali prescripta: sed quævis rectitudo ab arte prescripta est proprie artificialis: ergo talis rectitudo est proprie artificialis, ac proinde operationes sic recte representantes sunt proprie artefactum. *Instatur* quippe in operationibus manualibus, quarum rectitudo in ordine ad conficiendam domum proprie dirigitur ab arte, ac proinde sub ea consideratione est proprie artificialis, quin inde inferatur ibi esse artificium, quod ars intendit inducere. Vnde concessa mai. disting. min. est proprie artificialis proprietate denominationis ab arte dirigente, conced. min. proprie quippe dirigit ars eas operationes: proprietate artificij, quod ars intendit inducere, neg. min. tale quippe artificium non in conceptibus, sed in rebus, seu obiectis inducitur; ac proinde neg. quod operationes sic rectificæ sint proprie artefactum.

87 *Ad confirm. neg.* quoad 1. exemplum min. Nam Philosophiæ moralis obiectum formale sunt ipsa obiecta virtutum moralium, seu ens morale obiectivum, cuius cognitione dirigit Philosophia moralis voluntatem, huic ostendens, in quibus obiectis sit bonitas, ut talia obiecta amplectetur, & in quibus malitia, ut ea fugiat. Et idem asserendum est de obiecto prudentiæ, illud scilicet esse bonum, ut hic, & nunc eligendum, seu ipsa obiecta virtutum, ut hic, & nunc amplexanda, quæ sub ratione veri attingit prudentia, & quorum ostensione dirigit actus virtutis. Inter Grammaticam autem, & Logicam ea est disparitas, quod Grammaticæ primarius finis est congruo sermone exprimere, quod concipit intellectus, unde non mirum, quod rectitudo vocum sit primo, & per se intenta, ac proinde obiectum formale Grammaticæ: & similiter finis per se primo intentus à Rhetorica (hæc est alia argumenti paritas) est persuadere audientem eius quidem generis persuasionem, quæ non tam generetur ex veritate rerum assertatum, quam ex venustate sermonis, & vocum coordinatione; quibus demulcetur auditus: at finis per se intentus à Logica est modus sciendi, & indagandi veritatem, qui finis habetur recta, & artificiosa coordinatione rerum, qua intellectus iuvatur ad recte de unaquaque re iudicandum.

88 *Obijciunt 2. Logica agit per*

scilicet veritate: sed veritas solum in conceptibus reperitur formaliter: ergo agit per se de conceptibus, ac proinde hi sunt obiectum formale. *Confirm.* finis & obiectum formale coincidunt, id quippe, quod est finis artis, est obiectum formale artis: sed finis Logicæ est directio passiva, seu rectitudo conceptuum, omnia quippe, de quibus agit Logica, ordinantur ad hoc, quod intellectus recte in suis operationibus procedat: ergo rectitudo conceptuum est obiectum formale Logicæ.

89. *Resp.* quod si ly per se sumatur contra-positive ad per accidens, rectum est quod Logica agit per se de conceptibus, hoc est, per se, & ex proprijs pertinet ad Logicam conceptus dirigere, sicut per se pertinet ad artem, dominificandi dirigere actiones uniuersales: ceterum si ly per se sumatur pro eodem, ac primario & disting. mai. agit per se de veritate obiectiva, conced. mai. formali, neg. mai. & disting. mia. veritas obiectiva, neg. min. formalis conced. min. & neg. conseq. Logica quippe agit de veritate obiectiva rerum, non quidem quoad substantiam veritatis, hoc enim pertinet ad alias scientias, quas Logica dirigit, sed quoad modum, quoad artificiosam scilicet dispositionem, qua ostensa, alix scientiæ iuvantur, vt percipiant veritatem: hac autem recta obiectiva veritatis dispositione, quam in recto, & primario, attingit Logica, comparatur veritas formalis con-

ceptuum, quam Logica solum in-directè, & occasionaliter attingit iuxta statim dicenda.

90. *Ad confirm.* distin. mai. finis intrinsecus, vel immediatus, & obiectum formale coincidunt, conced. mai. finis extrinsecus, & remotus neg. mai. & disting. min. est finis extrinsecus, & remotus, conced. min. intrinsecus, & immediatus, neg. min. & conseq. Ars inferior, quæ eatenus arti superiori deseruit, quatenus ei offert instrumenta, quibus iuvetur, vel dirigatur ars superior ad suum proprium finem obtinendum: talis (inquam) ars inferior habet pro fine intrinsecus, & immediato instrumenta, quæ elaborat, & offert; pro fine vero extrinsecus, & remoto finem ipsum proprium, & intrinsecum artis superioris. Sic ars pigmentaria habet pro fine intrinsecus, & immediato pharmaca, quæ conficit, & præbet Medicinæ, cui deservit; sanitas autem, quæ est proprius, & intrinsecus finis Medicinæ, est finis tantum extrinsecus, & remotus artis pigmentariæ: sic etiam finis intrinsecus frænofactivæ, est frænum, quod elaborat, & offert arti Equestri, cui deservit; regimen verò Equi est finis extrinsecus illius. Logica ergo habet pro fine intrinsecus instrumenta sciendi, quæ ministrat scientiis, quibusque te oblaris dirigunt intellectus in suis operationibus: ipsa autem scientiarum veritas, siue intellectus rectitudo præcisè est finis extrinsecus, & remotus illius.

91. *Sed instabis.* Finis intrinsecus
Lo-

Logica est quem Logica immediatius respicit, sed immediatius respicit operationes, ut directas, quam obiecta, siquidem medijs operationibus recte dispositis representat obiecta recte disposita: ergo operationes, & non obiecta, sunt finis intrinsecus Logicae. Si responderetur, Quod Logica respicit immediatius in executione operationes, secus vero in intentione, & quod illud solum est finis intrinsecus, quod immediatius in intentione respicitur; qua ratione non sunt obiectum artis dominificandi actiones manuales, quas immediatius in executione, sed domus, quam in intentione respicit immediatius.

92. Contra est. Finis extrinsecus, & remotus non attingitur immediatius in executione, sed in intentione: sed Logica attingit iuxta solutionem immediatius in executione operationes: ergo vel nullo modo sunt finis Logicae, quod patet esse falsum, vel non sunt finis extrinsecus tantum, & remotus, ut num. 89. diximus, ac proinde sunt finis intrinsecus, & immediatus Logicae. Cetera patent, & mai. prob. tum ratione: quia finis extrinsecus, & remotus artis ille est, quem attingit ars mediatè, & occasione sumpta à fine proximo, quem proximius assequitur: ergo finis remotus non attingitur immediatius in executione, sed in intentione, vel nullo modo attingitur. Tum id ipsum patet exemplis supra positis: Pharmaca quippe prius in execu-

tione conficiuntur, quam sanitas, comparatur, priusque elaboratur fraxum, quam debitum Equi regimen exillat; sanitasque non intenditur propter pharmaca, sed e converso pharmaca intenduntur propter sanitatem prius intentam, sicut Equi regimen prius intenditur: sed in his appossuimus exempli finis remoti: ille ergo non attingitur prius in executione, sed in intentione.

93. Vergetur. Quod est via, & medium ad executionem alicuius, nequit esse finis extrinsecus, & remotus, ut patet in actionibus manualibus, quae nequeunt esse finis extrinsecus, & remotus respectu artis dominificativae, quia sunt via, & medium, quo exequitur formam domus intentam: sed iuxta supra dicta operationes, ut recte representantes sunt via, & medium, quo Logica exequitur, seu introducit in obiectis formam artificiosam: ergo vel operationes non sunt finis extrinsecus, & remotus, vel doctrina supra tradita est omnino falsa.

94. Resp. solutione data inter arguendum: Ad replicam distinguimus operationes, ut secundum se veras, & ut speculantes obiecta, neg. min. ut practice fingentes formam rationis in obiectis conced. min. & disting. consequ. non sunt finis extrinsecus, & remotus, ut practice fingentes formam rationis, conced. consequ. ut absolute verae, & ut recte speculantes obiecta neg. consequ. Similiter ad id, quo replicatur, disting. mai. ea ratio-

tione, quæ est medium, & via, conced. mai. sub alia ratione, neg. mai. & disting. min. ut rectè representantes, secundum quod recta representatio est fictio, seu efficiëntia formæ rationis, conced. conced. min. ut est absolute veritas, & speculatio obiecti, neg. min. & sub eisdem terminis distinguendo consequ. quoad primam partem, neg. quoad secundam, consequ.

95 *Actus* quippè ille (idem de quocumque alio artificiosè attingente obiectum) *animal rationale*, qui est distinctio mentalis hominis, & est signatè speculatio eorum prædicatorum constituentium hominè, & est exercitè fictio, seu efformatio secundarum intentionum generis, & differētis, quæ speculatur medio illo intellectus; rectè quippè attingēdo ea prædicata in modū definitionis, eas secundas intentiones format, & eas formando attingit rectè illa prædicata, ut §. sequente amplius constabit. Sub ea ratione, sub qua est exercitè fictio, non est finis extrinsecus Logicæ, sed via, & medium, quo introducitur forma à Logica primò, & per se intentæ; ut autem est signatè verus, & ut est signatè speculatio illorum prædicatorum est finis extrinsecus, & remotus Logicæ, quæ tamquam in fine intrinseco sistit in ea dispositione introducta in obiectis, ut rectè attingantur à scientijs; & idem actus, ut formatio illius artificij obiectivi, ordinatur remotè ad finem artificij formati, speculationem scilicet veritatis; sicut lo-

quutio externa formādo verba manifestat internū conceptum, & hunc manifestando verba format, ipsaque ut prolatio, seu productio vocis, est ratione vocis, producta propter conceptus manifestationem.

96 *Nec exempli*, quod vltima inculcat replica, & quod nos ipsi adduximus, desideranda est paritas in omnibus, sed in ordine ad id, propter quod adducitur: Quod autem in illo non teneat similiter doctrina huius vltimæ solutionis, non idè est, quia sic non possit contingere, sed quia in actionibus manualibus artificis non est illa duplex ratio, seu formalitas, quæ est in operationibus intellectus, efficiëntiæ scilicet, & speculationis. Est tamen semper verum, quod sicut operationes, quibus ars domificandi inducit formam in materia non sunt illius obiectum, ita non sunt obiectum, formale Logicæ operationes intellectus ea ratione, qua formam artificiosam inducunt in obiectis.

97 *Obijcies* vltimo: Illud est propriè obiectum artis, quod fit ex directione artis in materia, quam dirigit: sed nec obiecta fiunt ex directione Logicæ, nec sunt capacia erroris, aut falsitatis, ac proindè nec dirigibilia: ergo nullo modo sunt obiectum formale Logicæ.

98 *Confirm.* 1. Cognitio reflexa non habet pro obiecto obiectum cognitionis directæ, sed ipsam cognitionem directam: sed Logica est sciens

Scientia reflexa reflexe agens de discursu, & de scientia: ergo obiectum illius non sunt res, quæ sunt obiecta scientiæ, & discursus, sed ipsa scientia, & discursus ac proinde intellectus operationes. *Confirm. 2.* Ars pingendi non habet pro obiecto obiectum picturæ, sed picturam: ergo ars sciendi, Logica scilicet, non habet pro obiecto obiectum scientiæ, sed scientiam.

99 *Resp. concessa mai. disting.* min. non sunt quoad entitatem conce. min. quoad ordinem rationis neg. min. fit quippe ex directione Logicæ artificium obiectivum secundarum intentionum, ac proinde res, ipsæ ut sub eo artificio, sunt obiectum formale Logicæ; sicut sunt obiectum formale artis domesticandi lapides, & ligna, ut sub dispositione artificiosa, quam in ipsis introducit ars, & si ipsorum entitatem non efficiat. *Similiter* disting. eandem min. quoad 2. partem: non sunt capacia erroris, aut falsitatis formalis conced. min. *occasionalis neg. min. dant enim res occasionem falsitatis, eo quod similitudinem eorum gerunt, quæ non habent existentiam,* inquit D. Tho. 1. p. q. 27. art. 1. ad 2. Hanc ergo confusionem obiectivā, ex qua sumitur occasio erroris formalis, per se vitare intendit Logica proponens obiecta rectè disposita; erroris autem formalis vitationem formalem respicit ut finem extrinsecum, & remotum iuxta iam dicta.

100 *Ad confir. concessa mai. dist.* mi. est scientia reflexa *secundario* cōc, mi. *primario* ne. g. min. Logica quip-

pè directè, & primario versatur circa instrumenta sciendi, quæ cæteris scientiis ministrat, ex quo secundario agit per reflexionem de ipsa scientia, & discursu, quibus instrumenta ministrat.

101 *Ad 2. confirm. neg. consequ.* Quia intentum per se Logicæ est docere intellectum modum, quo scientificè in veritatis indagatione procedat, quod sit ostendendo, & proponendo ei obiecta sub eo ordine, sub quo debent attingi, eis quippe rectè dispositis, nulla iam restat difficultas in eorum recta attingentia: at obiectis perfectè cognitis, non ideo est de victa difficultas in eis externe delineandis, sed adhuc superest difficultas in recta dispositione colorum, & efformatione linearum, ac proinde ars pingendi per se respicit eam subiectivam dispositionem colorum, in qua stat præcipue difficultas pingendi; ars verò sciendi dispositionem rerum artificiosam per se respicit, qua posita, nulla restat difficultas in recta obiectorum attingentia.

102 *Ex dictis habetur,* quod actus, qui sunt directio activā, quibus scilicet Logica docet diffinire, dividere, &c. non sunt obiectum formale Logicæ, imò nec propriè sunt obiectum, sed id, quo Logica directè attingit id, quod est obiectum, formam scilicet artificiosam, quā media ea doctrina intendit introducere; & consequenter, nec denominatio extrinseca directi ab ea proveniens, & quæ pro formali

non differt ab ipsa activa directione; quod omnibus est notum, & exemplo cuiusvis artis, nec non cuiusvis potentiae satis constat.

103 *Similiter* habetur, quod actus quibus in exercitio diffiniuntur obiecta, v. g. dum homo diffinitur à Philosophia ex directione Logicae, actus, inquam, iste Philosophicus, ut est signatè speculatio veritatis, est finis extrinsecus, & remotus Logicae, ut autem est in exercitio efformativus secundarum intentionum generis, & differentiae, est obiectum secundarium illius directionis activae, seu Logicae dirigentis, ut signum scilicet, & representatio, indeque efficientia intentionalis artificij obiectivi, quod primò, & per se intendit tota directio Logicae: unde sub nulla consideratione stat in operationibus forma, quam primò, & per se Logica intendit. Cum ergo in obiectis stet forma à Logica intenta, restat adhuc indagandum, an talis forma sit extrinseca, cognitio videlicet artificiosa extrinsecè denominas obiecta, ut plurimè extra scholam D. Thomae sentiunt; an potius sit ens rationis in ipsis obiectis artificiosè efformatum, ut cum Ang. Magistro sustinent omnes eius Discipuli, & cum subtili Doct. plures ex eius Schola. unde sit.

Forma constitutiva artefacti Logicae est secunda intentio rationis, ac proprie obiectum formale Logicae est ens rationis.

104 **I**ta appetitissimè D. Thomas lib. 4. Metaph. lect. 4. dicens: *Ens est duplex, scilicet ens rationis, & ens naturae: Ens rationis, dicitur proprie de illis intentionibus, quas ratio ad invenit in rebus consideratis, sicut intentio generis, & speciei, & similium, quae quidem non inveniuntur in rerum natura, sed considerationem rationis consequuntur; & huiusmodi scilicet ens rationis est proprie subiectum Logicae: Vbi D. Thomas ex quo genus, & speciei, hisque similia artefacta Logicae sunt concreta secundo intentionata, quorum forma est secunda intentio rationis. infert, quod proprium subiectum, seu obiectum Logicae sit ens rationis: hoc idè asserit conclusio proposita: ergo ea expressè propugnatur à D. Thoma.*

105 *Nec praeest AA. effugium, asserentium D. Thomam esse intelligendum de ente rationis subiecto, actibus scilicet intellectus, qui cum in ratione subsistent, non incongruè possunt dici entia rationis; & similiter potest de ipsis affirmari, quod non inveniuntur in rerum natura, non quia entia realia non sint, sed quia extra animam non inveniuntur; ac denique potest de ipsis aliquomodo affirmari, quod considerationem rationis consequuntur, non quidem con-*

Videratū absolute, sed respectivè, ut
denominantes scilicet extrinsecè
obiectas denominationis quippe cog-
niti aliquomodo formam ipsam
consequitur, sicut denominatio vi-
si intelligitur pro posteriori ad vi-
sionem.

106 *Non prodest* quidem. Tum
quia ibi D. Thomas tradit gene-
ralissimam divisionem entis in rea-
le, & rationis, ut ex ipsis verbis
patet: at talis divisio datur per ens
rationis, quod est tale obiectivè,
impotens scilicet realiter existere,
& contra distinctum ab omni en-
te reali: ergo nomine illius nequit
intelligi nisi ens rationis, quod nullo
modo sit ens reale. Tum quia de
e's secundis intertionibus affirmat,
quod eas ratio adinvenit in rebus
consideratis, id est, quod eas consi-
derando invenit, & excogitat: sed
denominatio extrinseca cogniti
non sic excogitatur, nec sic exco-
gitata invenitur, cum naturaliter
ex actu resultet, etiam si de ea
non cogitemus. Denique, alijs om-
missis, de eiusmodi intentionibus
asserit D. Thomas, quod non inve-
niuntur in rerum natura: at his ter-
minis non solum denotatur, quod
non inveniuntur extra animam,
sed quod nullatenus existunt reali-
ter, aliàsliceret absolute affirmare,
quod intellectus humanus, &
voluntas non dantur in rerum na-
tura, quod patet quam sit falsum:
ergo loquitur clarissimè de ente ra-
tionis obiectivè tali, & quod nullo
modo est ens reale.

107 *Prob. insuper* ratione,

quoad utranque partem conclu-
sio. Illud est obiectum formale
Logicæ, quod est forma artefacti
Logicalis, ratione quippe formæ
pertinet per se artefactum ad ar-
tem, ut ex supradictis satis constat:
sed forma artefacti Logicalis est
ens rationis, ut contra distinctum
ab omni ente reali: ergo ens ra-
tionis sic contra distinctum est ob-
iectum formale Logicæ. Prob.
min. artefacta Logicalia sunt ge-
nus, species, subiectum, prædica-
tum, diffinitio, divisio, hisque simi-
lia: sed forma constitutiva ho-
rum, & similium, est ens rationis
impotens existere à parte rei, ac
proinde distinctum ab omni ente
reali: ergo forma artefacti Logicalis
est ens rationis, ut distinctum ab
omni ente reali. Prob. min. Genus
pro formali est universale: sed uni-
versale nequit dari à parte rei, quid
quid enim à parte rei existit, est
singulare: ergo forma constitutiva
generis est aliquid impotens exis-
tere à parte rei: ergo cum de reli-
quis artefactis par sit ratio, eorum
forma est aliquid distinctum ab
omni ente reali, ac proinde ens ra-
tionis, quod est propriè, & obiecti-
vè tale.

108 *Dices*, quod genus, uni-
versale, subiectum, prædicatum, &
his similia, dantur pro formali à
parte rei, eorumque forma, sive
sit ordo, sive compositio, est realis,
non quidem intrinseca, sed extrin-
seca, ut enim alia omittamus, ge-
nus pro formali nil aliud est, quam
natura, ut cognita conceptu con-

fusè repræsentante plura dissimilia, seu cognita sine differentijs; forma autem huius concreti *natura cognita sine differentijs* est cognitio illam attingens sine differentijs, quam cognitionem constat esse aliquid reale.

109 *Hæc solutio*, & illius doctrina modo principia facit ex quibus tam præcisio obiectiva infra lib. 3. defensionanda, quam constitutio universalis; necnon entis rationis existentia, & divisio, de quibus lib. 2. agendum est, labefactentur, unde pluries à nobis impugnanda veniet; modo autem brebiter impugnatur. Genus pro formali est natura, quam intellectus cognoscit, ut vnam, & potentem esse in multis: sed natura, quâ intellectus cognoscit, ut vnam, & potentem esse in multis, est natura, quæ ex parte obiecti dicit pro formali aliquid impotens existere à parte rei, ac per consequens dicit ens rationis omninò distinctum ab ipsa cognitione: ergo genus pro formali non est ea intrinseca denominationatio cogniti, sed ens rationis à cognitione distinctum. Min. videtur certa: quia ex vna parte quidquid est res cognita ab intellectu, ex parte obiecti se tenet, ut quid obiectivè distinctum à cognitione, qua ipsum cognoscit: ergo si intellectus cognoscendo naturam genericam, cognoscit naturam, ut vnam, & potentem esse in pluribus, hæc unitas, & aptitudo ex parte obiecti apparent, ut quid obiectivè distinctum à cogni-

tione, qua cognoscitur: sed unitas in natura cum capacitate ad essendum in pluribus est unitas si-
cilia impotens existere à parte rei, cum quævis natura creata sit à parte rei divisa; & multiplex: ergo talis natura sic cognita dicit obiectivè pro formali aliquid impotens existere à parte rei.

110 *Mai. verò probatur* quia genus pro formali non est natura cognita conceptu repræsentante plura dissimilia, horumque differentias non exprimente, sed confundente, hoc enim termino collectivo convenit; nam cognoscens cives per modum collectionis cōponentis populum, plura cognoscit conceptu confundente, & non exprimente eorum differentias: & tamen talis collectio sic cognita non est genus: ergo. *Tum* quia intellectus cognoscens naturam genericam, ut talem, cognoscit in ea constitutiva formalia generis, cuiusmodi sunt unitas, & aptitudo ad essendum in pluribus speciebus, per quæ vno ore à Logicis definitur genus: sed qui cognoscit naturam genericam, ut talem, non attingit cognitionem, qua illa natura cognoscitur, ut experientia patet, non est enim illa cognitio, cognitio reflexa cognitionis, sed cognitio directa rationis genericæ animæ is v. g. ergo talis cognitio non est formalis unitas, & aptitudo naturæ, sed hæc obiectivè apparent, ut distinctæ ab omni cognitione.

111 *Confirm. 1.* Genus pro formali dicit respectum ad sua inferiora: est

est enim genus pro formali universalis, & superius, superius autem, ut tale, dicit constitutivè respectū, seu ordinem ad sibi inferiora: sed talis respectus est respectus rationis, seu ens rationis: ergo genus pro formali est ens rationis. Prob. min. respectus, qui in re non est, & concipitur, ac si esset, est ens rationis, si quidem est respectus, qui tantum habet esse obiectivè in intellectu: sed respectus ille generis non est in re, & concipitur, ac si esset: ergo est ens rationis. Min. quoad 1. partem est evidens: nam respectus, qui in re est talis, est respectus realis, ac proinde est respectus inter extrema realiter distincta: sed animal, v.g. quod respicit, ut genus, & superius rationale sibi inferius, non distinguitur realiter à rationali, sed cum ipso identificatur: ergo talis respectus non est in re. Quod autem concipiatur, ac si esset, patet; nam concipi illū respectū, ac si esset, nil aliud est, quam verè non esse à parte rei talem animalis respectum, & nihilominus concipi animal cum illo: sed intellectus concipiens animal, ut genus, & superius, concipit illud cum eo respectu, si quidem concipit animal, ut superius: ergo cum talis respectus verè non sit à parte rei, concipitur ab intellectu, ac si esset.

112 *Nec valet, quod animal ordinari, per modum generis ad sibi inferiora nil aliud est, quam extrinseca denominatio ordinati proveniens à cognitione ipsum attingente relatè ad inferiora omni*

fictione seclusa, ac proinde secluso omni respectu, qui in obiecto fingatur.

113 *Nam ex dictis preoccupata manet hæc solutio. Intellectus quippè concipiens animal, ut genus, apprehendit ipsum, ut superius, aliàs ipsum, ut genus, non apprehenderet: ergo ipsi representatur ex parte obiecti animal, ut superius, id enim quod est res cognita ab intellectu, ipsi obiectivè representatur, ut est manifestum: ergo ipsi representatur obiectivè respectus ille, quo constituitur in esse superioris: sed ille respectus verè non est à parte rei, & obiectivè apparet, ac si esset: ergo est respectus fictus, ac proinde ens rationis.*

114 *Explicatur. Animal ordinari, ut genus ad sibi inferiora est iuxta solutionem ipsum esse cognitum ordinatè, seu relatè ad inferiora: sed esse cognitum animal relatè ad inferiora, non est formaliter ipsa cognitio ordinatè, seu relatè ipsum cognoscens, sed relatio, & respectus, quem talis cognitio fingit in obiecto: ergo constituitur genus per respectum fictum, & consequenter, qui sit ens rationis. Prob. min. Tum quia animal esse cognitum relatè ad inferiora est animal representari intellectui relatè ad inferiora: sed quidquid est representative in conceptu est obiectivè in re representata: ergo ly relatè ad inferiora est obiectivè in animali relatè cognito, ac proinde ex parte obiecti apparet respectus, qui nullum esse habeat, nisi esse*

obiectivè in intellectu. Tum quia cognitio fingens nil aliud est, quàm cognitio repræsentans intellectui id, quod non est, ac si esset: sed per cognitionem attingentem animal relatè ad inferiora repræsentatur intellectui animal cum respectu, qui in ipso non est, ac si esset; quod prob. insitendo dictis; nam intellectus cognoscit animal, ut superius, siquidem concipit ipsum, ut genus: ergo cognoscit in ipso respectum superioris: ergo ipsi repræsentatur talis respectus per eam cognitionem, intellectus quipè nil cognoscit, nisi per cognitionem repræsentetur: cum ergo ille respectus revera in animali non sit, repræsentatur per talem cognitionem animal cum respectu, qui in ipso non est, ac si esset.

115 *Confirm. 2.* & explicatur doctrina tradita in alijs instrumentis sciendi. Artefactum Logicum huius diffinitionis v. g. *animal rationale*, & similiter huius propositionis *animal est rationale* cõsistit formaliter in compositione earum partium, cum forma artefacti sit partium compositio, ut domus artificium cõsistit in compositione lapidum: sed compositio earum partium artefacti Logicalis est compositio rationis: ergo forma artefacti Logicalis est ens rationis. Prob. min. Compositio est distinctorum unio, ac proinde qualis est distinctio partium, est earum unio: sed distinctio earum partium artefacti Logicalis est distinctio rationis: ergo, & unio, & consequenter cõ-

positio in ea consistens est compositio rationis. Cætera parent, & min. constat ex eo, quod distinctio, quæ est inter extrema realiter identificata, nullo modo est realis, ac proinde est distinctio rationis: sed animal, & rationale, quæ sunt partes eius artefacti, realiter identificatur: ergo distinctio inter eiusmodi partes est distinctio rationis.

116 *Confirm. 3.* Intellectus componens animal cum rationali in hac affirmatione v. g. *rationale est animal*, non solum concipit ea extrema distinctis conceptibus, sed concipit ea, ut distincta: ergo ex parte obiectorum apprehenditur ea distinctio: sed ea distinctio non est realis, ut probatum manet: ergo illa compositio est extremorum, inter quæ datur distinctio rationis, ac proinde est compositio rationis. Antec. prob. 1. quia propositio identica, hæc scilicet, *animal est animal*, non alia ratione est identica, nisi quia licet extrema concipiuntur distinctis conceptibus, non tamen concipiuntur, ut distincta, sed uterque conceptus est eiusdem omnino obiecti expressio: ergo in alia propositione, non identica, sed formali, extrema non solum concipiuntur distinctis conceptibus, sed etiam concipiuntur, ut distincta. *Secundo* quia medio illo conceptu *animal* concipit intellectus animal, ut distinctum ab omni eo, quod metaphisicè, constitutivè non est animal: sed animal non est metaphisicè, constitutivè rationale,

le, aliàs essentia metaphisica animalis in rationalitate consisteret, quod paret, quam sit falsum: ergo concipit animal, vt distinctum à rationali. *Tertio* quia cognoscit se affirmare de rationali aliquid, quod iuxta affirmantem non est formaliter ipsum rationale, de quo illud affirmat, aliàs quid iudicio, & propositione formali, & non identica affirmaret? sed affirmat animal; ergo cognoscit animal, quod affirmat, vt non idem formaliter, seu vt distinctum formaliter à rationali. *Hec* pro nunc sufficiant quæst. 1. & quæst. 1. amplius extendenda.

117. *Quod* si rationi nostræ, & omnibus confirmationibus alia via occurras. allèrens ex ipsis tantum probari, quod genus, definitio, & similia involvant quidem formam rationis, non tamen probari, quod eam dicant constitutivè, sed consequenter, quia talis forma advenit pro posteriori, ac proinde, quod independentè ab ea intelligitur iam obiectum formale Logicæ.

118. *Contra* est. Nam si argumenta facta probant genus, & alia huiusmodi involvere formam rationis, probant per talem formam constitui: ergo solutio est nulla. Prob. anteced. Tum quia genus vt pote superius, & univèrsale constituitur per respectum ad inferiora: ergo si argumenta facta probant, quod talis respectus est ens rationis, probant, quod constitutivum illius est ens rationis. Tum quia si

semel cognitio attingens ordinatè obiecta efficit in obiectis artificium rationis, per hoc, & non per actionem, constituuntur obiecta ordinata: sed formale obiectum Logicæ est id, quo obiecta constituuntur ordinata: ergo in artificio resultante ex cognitione in obiectis consistit obiectum formale Logicæ. Mai. constat, nani terminus actionis productivæ non constituitur per ipsam actionem, sed per terminum ab ea productum, ideoque artefactum domus non per actionem artis, sed per formam artificiosam productam constituitur.

119. *Denique*, quia id se habet formaliter, & non consequitivè in obiecto Logicæ, ex quo provenit, quod Logica sit ignobilior alijs scientijs, cum nobilitas, vel ignobilitas scientiarum ab obiecto formali, vt à certa mensura desumatur: sed quod Logica sit ignobilior alijs scientijs provenit ab ente rationis, quod respectu entium realium alias scientias specificantium est ignobilius: ergo ens rationis est obiectum formale Logicæ. Prob. min. ex D. Thoma opusc. 59. dicente: *Inter omnia obiecta debilissimum, & incertissimum est subiectum Logicæ, quia unum quodque quantum habet de entitate, tantum habet de veritate, & certitudine, vt dicitur Aristotel. 1. Metaph. nunc autem secundæ intentiones solum habent esse ab anima, & in anima, ex quo sequitur, quod habent debilissimum esse, & sic ad plenum sciri non possunt, nisi per primas intentiones*: sed cognitio non ha-

habet debillissimum esse, bene verò eius rationis, seu secunda intentio rationis, quæ est talis obiectivè: ergo ab hac provenit minor Logicæ nobilitas respectu aliarum scientiarum.

§. V.

Solvuntur argumenta.

110

O *Bijcies* 1. obiectum formale Logicæ est forma, qua constituuntur instrumenta sciendi: sed hæc forma est aliquid reale, cognitio scilicet ordinatè attingens talia instrumenta, & ea extrinsecè denominans: ergo obiectum formale Logicæ est ens reale. Prob. min. Per eandem formam, per quam intellectus diffinit, prædicat, & artificiosè dirigit obiecta, obiecta sunt diffinita, prædicata, sive artificiosè directæ: sed per suam cognitionem diffinientem, prædicantem, sive dirigentem intellectus redditur formaliter diffiniens prædicans, seu dirigens obiecta, ut est manifestum: ergo per eandem redduntur obiecta diffinita prædicata, seu artificiosè directæ. Prob. mai. Per eandem formam, visione scilicet, per quam potentia redditur videns parietem, paries denominatur, seu constituitur visus: ergo per eandem formam per quam intellectus dirigit artificiosè obiecta, obiecta denominantur, & constituuntur artificiosè directæ.

111 *Confirm.* 1. & explicatur,

Dum intellectus absolutè intelligit obiectum, per eandem formam, intellectionem scilicet, per quam intelligit absolutè obiectum, obiectum est formaliter absolutè intellectum, ut ex se patet: ergo cum ordinatè cognoscit obiectum, per eandem formam, cognitionem scilicet artificiosam, per quam ordinatè attingit obiectum, obiectum est formaliter ordinatè cognitum: sed instrumenta sciendi formaliter sumpta nil aliud sunt quàm obiecta, ut ordinatè cognita: ergo instrumenta sciendi constituuntur formaliter per cognitionem ea ordinatè attingentem.

112 *Confirm.* 2. Intellectum diffinire hominem nil involuit non reale: ergo hominem diffiniri ab intellectu nil involuit non reale. Pater consequ. cum idem significet: antecedens, ac consequens, sola mutatione activæ in passivam. Anteced. verò constat ex eo, quod intellectum diffinire hominem tria dicit, intellectum, qui diffinit, cognitionem, qua diffinit, & hominem, quem diffinit: sed nil horum trium est non reale: ergo nil involuit non reale.

113 *Resp.* concessa mai. neg. min. Ad prob. disting. mai. obiecta sunt diffinita, prædicata, sive artificiosè directæ, *realiter*, & *in fieri*, conced. mai. *formaliter*, & *complete*, neg. mai. & concessa min. neg. sub eadem distinctione consequ. Actiones sunt in duplici differentia; aliæ sunt puræ speculativæ, quæ idè tales dicuntur, quia nil ponunt in obiecto,

iecto, præter extrinsecam denominationem attracti, cuiusmodi sunt visio, volitio, & absoluta cognitio, & ab his denominantur obiecta formaliter, & completè, quia nulla restat ulterior forma producta, à qua denominantur formaliter & completè talia. Aliæ sunt actiones quodammodo practicæ, & effectivæ, ut calefactio, ædificatio, & artificiosa cognitio, quæ in obiectis, seu subiectis producant calorem, ordinem, & artificiosam compositionem, & ab his actionibus denominantur causaliter, & inferi, quia actio agentis est fieri ipsius termini: cæterum formaliter, & completè solum denominantur à forma intrinseca in eis producta, & quia ipsæ actiones veluti terminus formali complentur. *Hinc* ad prob. mai. neg. conseq. quia visio est actio speculativa nil ponens in obiecto præter extrinsecam denominationem visi; directio verò artificiosa ponit in obiectis ordinem, sub quo attinguntur, & representantur.

124 *Instabis* 1. ordinatè volens, idest, ordine quodam amans obiecta, nil ponit in illis præter extrinsecam denominationem ordinatè volitorum: ergo ordinatè cognoscens nil ponit in obiectis præter extrinsecam denominationem ordinatè cognitorum. *Instabis* 2. Per hoc præcisè quod intellectus affirmet unum de alio, etiam si nullus respectus rationis resultet, datur propositio, cuius partes ordinantur per modum subiecti, co-

pulæ, & prædicati: ergo sine ullo respectu rationis intelligitur constitutum artefactum propositionis. *Denique.* Cognitio artificiosa nequit esse in re causa alicuius formæ, quæ passivè dirigantur obiecta, quia forma, quæ à parte rei non est (ut non est à parte rei forma rationis) à parte rei non producit: ergo vel à cognitione artificiosa denominantur obiecta formaliter, & completè directæ, vel nullo modo denominantur ab illa.

125 *Sed ad* 1. instantiam concessio anteced. neg. conseq. quia ordinatè attingens, vel debet supponere ordinem, quem, vel sub quo obiecta attingit, vel talem ordinem debet efficere; & quia voluntas supponit quidquid attingit, nihil enim volitum quin præ cognitum, idè ut ordinatè velit, non requiritur, quod in obiectis ordinem efficiat, sed quod ordinem ab intellectu propositum supponat: at intellectus non semper supponit ordinem inter obiecta, quæ cognoscit ordinata (ut non supponit ordinem superioris in natura generica, & idem de alijs artefactis) ac proinde necessarium est, quod præter extrinsecam denominationem efficiat in obiectis ordinem, à quo denominantur formaliter, & intrinsecè ordinata.

126 *Ad* 2. instantiam resp. quod anteced. implicat in terminis; quia sicut implicat disponere tali situ, & ordine lapides, & ligna, &

quod forma artificialis domus non resultet, ita repugnat, quod intellectus affirmet unum de alio, & quod inter unum, & aliud ordo rationis non resultet: qui enim affirmat animal de rationali cœcipit distinctionem inter extrema identificata, ac proinde compositionem, quæ ratione identitatis nequit esse realis, & consequenter, ubi ordo non est, unum ordinat ad aliud, quod sine artificio rationis nequit salvari.

117 *Ad ultimam* disting. antec. nequit esse causa causans *per influxum realem*, conced. anteced. *per influxum metaphoricum*, neg. antec. & conseq. Influxus quippè, quem petit forma rationis, ut suam sortiatur existentiam obiectivam, est realis entitatiuè quia cognitio est entitas realis, sed non influxiuè, quia non communicat effectui existentiam realem: ac proinde est influxus metaphoricus consistens præcisè in eo, quod forma, quæ non est, representetur ac si esset. Et quidem argumentum probat non posse etiam chimericè apprehendi in obiecto ordinem, quem in re nequit habere, quia respectu illius sic chimericè concepti idem vrget argumentum, quomodo scilicet ex vi cognitionis in re influentis causetur, quod à parte rei esse non habet.

118 *Quod si inites*: Influxus ille metaphoricus consistit in eo, quod per cognitionem representetur ordo inter illa obiecta, inter quæ ratione identitatis, verè non est ordo,

aut respectus: sed cognitio affirmans *rationale esse animal*, non representat eiusmodi respectum. Tum quia talis respectus non significatur per illas voces exprimentes iudiciū mentale. Tum quia cognitio illa esset falsa, cum representaret in obiecto ordinem, qui verè non est in illo: ergo adhuc metaphorico influxu non gaudet illa cognitio.

119 *Resp. concessa* mai. disting. min. non representat *primario*, & *signatè*, conced. min. *secundario*, & *exercitè*, neg. min. actus quippè illo prædicans animal de rationali signatè, & primariò solum attingit animalitatem, quam prædicat in concreto, & rationale, de quo illam prædicat: ceterum hoc munus prædicationis exerceri nequit, quin in ipso exercitio represententur in obiectis respectus subiecti, & prædicati, quos in re non habent: sicut enim *proprietas* non resultat ex actione primariò terminata ad ipsam, bene tamen ex actione, quæ primariò terminatur ad naturam, & secundariò, seu ex consequenti ad ipsam; ita respectus illi rationis non resultant ex cognitione, quæ primariò terminetur ad ipsos, bene tamen ex cognitione, quæ primariò terminatur ad animal, & rationale, & ex consequenti, seu secundariò ad ipsos. Per quod constat ad primam min. prob.

130 *Ad aliam* eiusdem min. prob. neg. sequelam: quia cognitio illa signatè solum affirmat identitatem animalis cum rationali, quæ cum

cum ita sit in re, cognitio evadit absolute vera, & nullatenus falsa: respectus autem illos subiecti, copula, & prædicati repræsentat exercitè, & purè apprehensivè, non iudicatilæ, aut assertivè, ac proinde & si in tali cognitione detur fictio; secus tamen falsitas veritati enunciationis præiudicans.

131 Hinc iam ad 1. cõfirm. principalis argumèti concessio antec. neg. conseq. quia absoluta cognitio est actus, quo intellectus speculatur in obiecto, quod in ipso præsupponitur, ac proinde nil ex vi talis cognitionis acquirit obiectum præter extrinsecam denominationem cogniti: at cognitio artificiosa attingit in obiectis, ordinem, qui in ipsis non præsupponitur, ac proinde quem in ipsis debet eiusmodi cognitio efficere. Nec cum dicitur, quod instrumenta sciendi sunt obiecta, ut ordinatè cognita, *ly ut ordinatè* designat denominationem extrinsecam ab ipsa cognitione pro formali indistincta; nam cognitio, si sumatur, ut fictio, præcisè est via, & medium ad formam artificiosam, si ut speculatio, est finis extrinsecus, & remotus iuxta iam dicta: Designat ergo ordinem, qui ex parte obiectorum se tenet, & sub quo repræsentantur, dum artificiosè cognoscuntur.

132 Ad 2. confirm. disting. antec. nil involuit non reale, secundum id, quod dicitur pro recto, conced. antec. secundum id, quod connotat ex parte obiecti, neg. antec. & disting. conseq.

nil involuit non reale, videlicet, & in fieri, conced. conseq. formaliter, & in facto esse, sub disting. nil involuit non reale, secundum id, quod dicitur in recto, neg. conseq. secundum id, quod connotat ex parte actus diffinientis, conced. conseq. Diffinire hominem, & hominem diffiniri si sumatur vialiter, & in fieri, idem est formaliter, quia iuxta supra dicta, actio agentis est ficti ipsius terminus. Si verò diffiniri, seu esse diffinitum sumatur formaliter, & completè, hoc est discrimen inter diffinire hominem, & hominem diffiniri, quod primum dicit actum intellectus in recto, & formam rationis in obliquo, secundum verò è contra dicit formam rationis in recto, & actum intellectus in obliquo; sicut efficere domum dicit in recto operationem efficientem, & in obliquo artificium factum; domum verò fieri dicit è contra in recto artificium, & in obliquo operationem: Et licet homo, qui diffinitur, sit aliquid reale, non est tamen in facto esse, & formaliter diffinitum, sine artificio rationis; sicut licet lapides, & ligna, quæ componit ars domificandi, sint aliquid naturale, nequeunt tamen esse formaliter, & complete composita in modum domus sine forma artificiali.

133 Obijcies 1. forma rationis, si quæ resultat in obiectis, supponit obiecta rectè, & artificiosè disposita: sed obiecta, ut rectè, & artificiosè disposita sunt obiectum formale Logicæ: ergo forma ratio-

tionis , si quæ resultat , supponit iam constitutum obiectum formale Logicę. Prob. mai. *Tum* quia forma rationis resultat ex cognitione terminata ad obiecta per modum superioris , & inferioris : ergo supponit obiecta iam cognita , & representata per modum superioris , & inferioris : sed hoc modo sunt obiecta recte , & artificiosè disposita: ergo supponit obiecta artificiosè disposita. *Tum* quia forma rationis supponit operationes iam directas , idest , recte representantes obiecta : ergo supponit obiecta artificiosè disposita. Patet conseq. quia medijs obiectis artificiosè dispositis diriguntur operationes intellectus; & antec. prob. operationes vt recte representantes obiecta sunt causa formæ rationis: sed effectus supponit suam causam constitutam: ergo forma rationis supponit operationes iam directas.

134 *Confirm.* Si quis resultat respectus rationis in signo ad placitum, supponit signum ad placitum constitutum : ergo si quis resultat respectus rationis in obiectis artificiosè dispositis , supponit obiecta artificiosè disposita. Patet conseq. & antec. prob. ex eo, quod respectus rationis, si resultat, supponit vocem destinatam seu impositam ad significandum hoc vel illud : sed vox sic imposita est formaliter signum ad placitum , cum in impositione consistat, quod vox significet hoc, vel illud: ergo.

135 *Urgetur.* Facultas docens

facere figmentum potius est modus errandi, & fallendi, quam modus sciendi: sed Logica est modus sciendi, non errandi, aut fallendi: ergo non est facultas docens facere figmentum: sed si directe, & signatè haberet pro obiecto ens rationis, esset facultas docens facere figmentum, ens scilicet rationis , quod nil aliud est, quam quoddam figmentum: ergo directe , & signatè non respicit Logica vt obiectam ens rationis, sed vel nullo modo , vel pure consequenter.

136 *Resp. disting.* mai. supponit obiecta artificiosè disposita, *videlicet, & in fieri*, conced. mai. *formaliter, & in facto esse*, neg. mai. & disting. min. vt artificiosè disposita, *formaliter, & in facto esse*, conced. min. *videlicet, & in fieri*, neg. min. *Ad primam min.* prob. constat ex dictis suprā , etenim forma rationis resultat ex cognitione terminata primario, & signatè ab obiecta, & secundo, & exercitè ad ipsos respectus superioris , & inferioris, quibus formaliter denominantur obiecta artificiosè disposita: à cognitione quippè solum vitaliter, & in fieri denominantur talia iuxta iam dicta.

137 *Ad 2. prob. eiusdem min.* disting. antec. forma rationis, *vt cognita practice, & vt effectus ipsarum operationum*, omittit. antec. *vt speculative pre-cognita, & vt causa specificans operationes*, neg. antec. & disting. conseq. supponit obiecta artificiosè disposita, *videlicet, & in fieri*, conced. conseq. *formaliter, & in facto esse*.

Non esse, neg. conseq. Sicut Artifex, priusquam domum practicè, & in exercitio contruat, proponit sibi ideam domus, quàm speculari, & notando, dirigitur ad actiones manuales ita disponendas, & ad lapides, lignaque ita collocanda, ut intentum existat domus artificium; ita qui vult syllogisum (idem de quovis alio artefacto Logico) artificiosè conficere, dirigitur per ipsam formam syllogisticam idealiter præconceptam, & speculative præcognitam ad consiliendum in exercitio artefactum syllogisticum medijs operationibus rectè representatibus obiecta, quatenus mediatur prius quomodo termini, & propositiones disponi debeant, ut intentum existat syllogismi artificium; eiusmodique forma artificiosa sic speculative præcognita præcedit, ut finis intrinsecus, & obiectum, ac proinde ut causa specificans, tum passivam operationum directionem, tum se ipsam ut in exercitio existentem, licet ut effectus operationum ipsas subsequatur; sicut eodem modo præcedit forma domus tum operationes manuales ut directas, tum se ipsam ut existentem exercitè; id enim, quod præcedit in intentione, ut finis, & causa specificans quamlibet artem, est postea in executione effectus operationum ipsius artis, quam specificat.

138 *Omissimus* autem in prima parte distinctionis anteced. quia nondum est satis cõpertum, quomodo actio agentis introducens formam debeat præcedere formam introdu-

ctam, an præcedentia scilicet solius causalitatis, an præcedentia intelligentiæ ita, quod causalitas seu actio intelligatur prius, quàm forma introducta; calefactio quipè (idem de alijs actionibus practicis) non censetur completa, non intellecto calore producto. Sed quia hæc spectant ad physicam, & ad libros de Generat. ubi latè agimus de prioritate causarum, ideo pro nunc Logici quoad primam partem distinctionis antecedens ommittant.

139 *Ad confirm.* vel neg. antec. iuxta frequentiore sententiam Thomistarum asserentium, quod signum ad placitum consistit formaliter in respectu rationis ad signatum, per ordinem ad quod constituitur; vel illo pro nunc omissio, neg. conseq. Quia signum ad placitum intelligitur constitutum per id, per quod sufficienter ducit in cognitionem signati, qualiter ducit sufficienter per impositionem extrinsecam, nam ex vi huius connectitur cum signato ut cum termino illius viæ ordinationis, quàm habet ab impositione extrinseca: at obiecta non sunt formaliter artificiosè directa nisi per eam formam, quam operationes intellectus, ut directæ representant; hæc autem nequit esse denominatio extrinseca, nam cum sit indistincta pro formali ab ipsis operationibus denominantibus, nil aliud representarent operationes, ut directæ, quam se ipsas; quod quàm absurdum sit, pater satis ex dictis.

140 *Si dicas.* Quod obiecta, seu res sunt rectè moraliter dispositæ,

respectu Philosophiæ moralis, non est aliquis respectus rationis, sed pura denominatio extrinseca: ergo quod obiecta sint artificiosè disposita, non est respectu Logicæ aliquis ordo rationis, sed pura denominatio extrinseca. Patet consequ. quia sicut obiectū Logicæ sunt res, vt artificiosè dispositæ, & directæ, ita obiectū Philosophiæ, moralis sunt res, vt moraliter directæ, & dispositæ. *Neg.* consequ. quia directio passiva rerum, circa quas versatur Philosophia moralis, consistit in eo quod res sint præceptæ, vel prohibitæ, quæ denominatio est quid extrinsecum, & præsuppositum ad scientiæ moralis directionē, ac proinde non est respectus, quē sua directione efficiat in obiectis: at directio rerum, circa quas versatur Logica, consistit in ordine, qui cū non sit in obiectis, resultat in ipsis ex directione Logicæ, ac proinde est ens rationis.

141 *Ad id*, quo argumentū vrgetur, disting. mai. docens facere figmentū, *nullum habens fundamentum in rebus*, conc. mai. *habens fundamentum*, neg. mai. & cōseq. min. disting. cōseq. figmentū, *nullum habens fundamentum* conc. consequ. *habens fundamentum* neg. cōseq. Logica quipè docet apprehendere obiecta distinctè, & ordinatè, quod sine fictione respectus, & ordinis in obiectis aliās identificatis non stat: hoc autē respectu intellectus nostri nō aliter valentis percipere veritatē, nō est fallere, sed aptiori, quo possint, modo res disponere, vt ab ipso percipiātur sicut a sensibus visum. debile ei propo-

nens obiecta sub ea magnitudine, & proportionē, quam & si in se non habeant, quæ tamen à visu possint aptius percipi, sensui deservit ad rectè videndum, sine vlla per se mixtione falsitatis.

142 *Denique* obijcies. Inst umentis sciendi, demonstratio v. g. causant scientiam: sed forma rationis nequit causare scientiā, cū hæc sit aliquid reale; ergo instrumenta sciendi nō sunt formaliter entia rationis. *Resp.* disting. mai. causant scientiā, *effectivè* neg. mai. *obiectivè*, conc. mai. & disting. min. nequit causare scientiā, *effectivè*, conced. min. *obiectivè*, neg. min. & consequ. Demonstratio est duplex, formalis, & obiectiva; formalis sunt actus intellectus representantes obiecta artificiosè disposita, qui quidem causant effectivè scientiam iuxta dicenda in libro. Possent tales autem actus, non esse obiectum formale probauimus supra: demonstratio obiectiva sunt ipsa obiecta per formam rationis artificiosè disposita, & hæc causant scientiam obiectivè.

143. *Quod* si dicas.: Licet obiecta disposita per formam rationis causent scientiam, non tamen causant illam ratione dispositionis, sed ratione veritatis, & connexionis obiectivæ, quæ realis est; hæc quipè præmissa, *omne admirativum est risibile*, *omne rationale est admirativum* non causant scientiam huius conclusionis, ergo *omne rationale est risibile*, quia sic, vel aliter disponuntur, sed ratione veritatis, quæ realiter gaudent, quaque connectuntur

realiter cum veritate conclusionis: ergo instrumenta sciendi constituantur per aliquid reale.

144 *Resp.* quod sicut domus protegit nos ab incommodis temporum ratione corpulentie lapidum, & lignorum, ut ratione formali, & ratione artificij, ut conditionis exacte ad hoc, ut lapides, & ligna illum fortiantur, effectum, quatenus alii taliter, & ordine essent collocata, ab incommodis temporum non protegerent; ita obiecta artificiose disposita causant scientiam per suam veritatem obiectivam realem, ut per rationem formalem, & per artificiosam dispositionem, ut per conditionem exactam, ad causandum scientiam, & sine qua scientiam non causarent. Unde disting. anteced. non causant illam ratione dispositionis, ut virtutis, & rationis formalis causandi conced. anteced. ut conditionis requirite ad causandum; neg. anteced. & neg. absolute conseq. Quia id, quod est conditio ad causandum, est ratio formalis constituens artefacta logicalia, qualia sunt instrumenta sciendi, in esse artefacti, & obiecti formalis artis Logicalis; sicut dispositio artificiosa lapidum, & lignorum, quæ est pars conditio ad protegendum, est forma constitutiva domus in esse artefacti, ac proinde in esse obiecti formalis artis domificandi: nulla quippe ars habet pro obiecto formali entitatem naturalem suæ materie, sed dispositionem artificiosam, quam in ea introducit, & quæ est dispositio ad causandum.

145 *Cons.* ex dictis, quod obiectum formale Logica est ens rationis, quod proprie, & obiective est tale, quia scilicet nullum aliud esse habet, nisi esse obiective in intellectu: sed cum non convertantur hæc duo, obiectum formale Logica est ens rationis; omne ens rationis est obiectum formale Logica, restat pro complemento doctrinæ brebiter determinare, an quælibet secunda intentio rationis, de qua agit Logica, comprehendatur sub obiecto formali; vel an sub eo præcisè comprehendantur secundæ intentiones diffinitionis, divisionis, & demonstrationis, in quas species dividitur modus sciendi obiectivus, sicque modus sciendi obiectivus, prout ea tria complectitur, sit obiectum adequatum, formale, & attributionis, ut sentiunt Mag. Ioann. à S. Thoma, Massius, Parra, Linze, PP. Carmelit. & alij.

§ VI.

Obiectum attributionis Logica est tantum modus sciendi obiectivus.

146 *P* *Rob.* conclusio ratione à priori. Obiectum attributionis Logica est id, quod per se Logica considerat, & in ordine ad quod cetera attingit: sed Logica per se considerat modum sciendi obiectivum, & omnia alia, de quibus agit, attingit in ordine ad ipsum: ergo tantum.

das sciendi obiectivus est obiectum attributionis Logicæ. Min. quoad primam partem constat ex eo, quod Logica per se considerat instrumenta, quibus ex vi proprii artificij manifestat ignotum, hac quipè artificiosa manifestatione veritatis dirigit intellectū: sed huiusmodi est modus sciendi obiectivus, prout complectitur diffinitionem, divisionem, & demonstrationem, nam quolibet instrumento ex his manifestatur artificiosè ignotum, & dirigitur intellectus: ergo. Quoad 2. verò partem, in qua exclusio consistit, prob. Logica considerat modum sciendi vocalem, mentalem, & scriptum, quatenus est signum modi sciendi obiectivi, ut ex supradictis constat; insuper terminos, prædicabilia, prædicamenta, quatenus sunt partes, aut ipsius modi sciendi obiectivi, si ea obiectivè consideret, aut quatenus sunt partes modi sciendi mentalis, vocalis, & scripti, si ea consideret significativè: sed hæc sunt omnia, de quibus Logica agit: ergo omnia, de quibus agit Logica, considerantur ab ipsa in ordine admodum sciendi obiectivum.

147 *Obijcies.* Omnia, de quibus Logica agit, ordinantur ad demonstrationem: ergo demonstratio est obiectum attributionis Logicæ. Prob. antec. Omnia deserviunt demonstrationi, ut partes, quibus ipsa constat: constat enim propositione, terminis, genere, proprio, ipsaque etiam diffinitione: sed partes ordinantur ad totum, cuius

sunt partes: ergo omnia, de quibus agit Logica, ordinantur ad demonstrationem.

148 *Confirm.* Obiectum attributionis Logicæ est modus sciendi: sola demonstratio est modus sciendi, nam sola demonstratio generat scientiam: ergo sola demonstratio est obiectum attributionis. *Urgetur.* Eò demonstratio non esset obiectum attributionis, quia sub se non comprehendit omnia, de quibus per se agit Logica, diffinitionem scilicet, & divisionem: sed nec etiā modus sciendi obiectivus ea omnia sub se comprehendit, non enim comprehendit sub se terminos, genus, speciem, & alias secundas intentiones huiusmodi: ergo vel modus sciendi non est obiectum attributionis, vel est obiectum attributionis sola demonstratio.

149 *Resp.* disting. antec. omnia ordinantur, *formaliter*, vel *materialiter*; conced. antec. *formaliter determinatè*, neg. antec. & neg. conseq. Quia obiectum attributionis illud solum est, ad quod formaliter ordinantur omnia, de quibus scientia agit, id est, ita ordinantur, ut ad talem scientiam non spectent nisi quia ordinata ad illud; quo genere ordinis non ordinatur ad demonstrationem diffinitio (idem de divisione) quia independentè à demonstratione, gaudet artificio, vi cuius manifestet ignotum, & spectet per se ad Logicam; licet materialiter diffinitio sit pars demonstrationis, quatenus id quod aliàs est diffinitio, assumitur sæpe

per modum medij, aut extremi ad aliquid demonstrandum, quod solum convincit demonstrationem esse obiectum principalis, seu principalitatis, secus tamen attributio- nis: sicut respectu Metaphysicæ sub- stantia non est obiectum attribu- tionis, est tamen obiectum princi- palitatis.

150 *Ad confirm.* concessa mai. dist. min. sola demonstratio est mo- dus sciendi, *scientia strictè sumpta*, pro cognitione discursiva conc. min. *late sumpta*, pro cognitione artificio- sè manifestare ignotum neg. min. & neg. consequ. Quia non in prima acceptione, sed in secunda est mo- dus sciendi obiectum Logicæ, pro- ut scilicet instrumentum per se, & ex vi proprii artificij manifestati- vum ignoti, & quo artificiosè di- rigitur intellectus in suis operatio- nibus.

151 *Si dicat.* Non solum syllo- gismus demonstrativus, sed etiam probabilis, & opinativus manifes- tat artificioso modo ignotum: er- go vel solutio est nulla, vel non so- la demonstratio est, quæ inter spe- cies argumentationis, pertinet ad obiectum formale Logicæ. *Resp.* disting. antec. manifestat ignotum, *manifestatione exposita falsitati*, conced. antec. *non exposita falsitati*, neg. an- tec. scientia quippe cum sit virtus intellectualis, est infallibilis deter- minatio intellectus ad verum, ac proinde nequit respicere pro obic- to manifestationem illam, quæ æquè conciliabilis est cum falsita- te, ac veritate, cuiusmodi sunt pro-

abilitas, & opinio ex syllogismis probabili, & opinativo generate; & licet ex parte formæ syllogisticæ, quæ æquè reperitur in omnibus syl- logismis, etiam inspiciantur à Lo- gica, secus tamen ex parte mate- riæ, cum Logica, sicut scientia, etiam de opinabilibus, & probabilibus doceat generare opinionem, quod est evidenter verum. Sed de his op- portunius art. sequente.

152 *Ad id*, quo agumentum vr- getur, concessa mai. dist. min. non comprehendit in recto, conc. min. in recto, vel in obliquo, neg. min. & con- seq. Sicut obiectum attributionis Philosophiæ est ens mobile, quia li- cet Philosophia agat de materia, & forma, quarum nulla est in recto ens mobile, agit tamen de eis, qua- tenus sunt partes per se ordinatæ ad cõpositionem entis mobilissimæ ob- iecti attributionis Logicæ est mo- dus sciendi, quia nõ aliter agit Lo- gica de terminis, de universalibus, prædicabilibus, &c. nisi ut partibus modi sciendi, quo solo manifestat artificiosè ignotum intentumque consequitur finem directionis arti- ciosæ intellectus: diffinitioni au- tem, & divisioni per se competit, & ex vi proprii artificij manifestare ignotum, ac proinde per se compe- tit ratio, cur inspiciatur à Lo- gica independentè à de- monstracione.

ART. III.

*Utrum Logica docens, & utens sit
idem habitus?*

153 **I**nfinimus in proëmio
divisionem Logicę in
docentem, & utentem, dūm docen-
tem diffiniuimus, quæ tradit regulas,
ut intellectus in efficiendis instrumentis
sciendi recte, & sine errore procedat;
utentem verò descripsimus, quæ
eiusmodi regulas applicat ad determina-
tam materiam: quo supposito, in-
quirimus modo, an docere, & uti
sint exercitia, pro quibus requiran-
tur diversi habitus, an potius sint
distincta præcise munera eiusdem
habitus Logici, qui primario exer-
ceatur per doctrinam, & secunda-
rio per eiusdem doctrinę vsum. Ut
autem clarius resolvatur principa-
le dubium, aliqua incidentia du-
bia sunt prius determinanda.

§. I.

*Statuantur vsus, & directio Logicę in
propria materia.*

154 **V**sus iuxta D. Tho-
mam 1. 2. q. 16.
art. 1. est applicatio rei ad opus; unde
datur vsus Logicę quoties huius
præcepta applicamus diffiniendo,
dividendo, aut demonstrando
iuxta talia præcepta: addimus con-
sultò iuxta talia præcepta, quia non
quælibet demonstratio est vsus Lo-
gicę, sed ea tantum, quę confici-

tur à sciente, & advertente regulas,
quas circa efficientiam demonstra-
tionis Logica præscribit; unde
primus actus Logicę nequit esse
vsus, cum doctrinam, quæ in eius
efficientia observari possit, non
præsupponat.

155 *Ceterum vsus Logicę du-
pliciter potest accipi, activè scilicet,
& passivè: vsus activus est,
quo ipsa Logica utitur præceptis,
& regulis à se traditis, ut cum iux-
ta à se præscripta circa demonstra-
tionem ipsa est, quę demonstratio-
nem conficit: passivus est ille, se-
cundum quem aliæ scientiæ utun-
tur Logica, v. g. cum Philosophia
demonstrat passionem de suo obie-
cto conficiendo demonstrationem
iuxta Logicę præcepta; tunc enim
Philosophia est activè utens Logi-
ca, seu quæ activè utitur Logica, &
Logica est visitata passivè, quod
amplius constabit §. sequente, dum
statuamus Logicam purè directivè
concurrere ad demonstrationes
aliarum scientiarum: in hoc au-
tem secundo sensu quis dubitet
præsens quæsitum non procedere;
nam cum alię scientiæ sint, quę ac-
tivè denominentur utentes, tam
certum est huius generis vsum à
Logicę, doctrina differre realiter,
quàm certum est Logicam, & alias
scientias esse habitus realiter di-
versos: & similiter notum est Lo-
gicam sic visitatam passivè à se ip-
sa, ut docente, nō differre nisi penes
denominationem extrinsecā pro-
venientem ab vso activo, quo aliæ
scientiæ utuntur ipsa. Devolvitur
ergo*

ergo dubium ad doctrinam, & usum, qui propriè est talis, quo scilicet Logica ipsa est, quæ utitur regulis à se traditis.

156 *Cum autem* Logica sit instrumentum sciendi, idest, sit præparativa instrumentorum, quibus aliæ scientiæ acquirantur, duplex statim insurgit difficultas, antequam principale dubium resolvatur, quomodo scilicet Logica segerat tum in propria materia dum instrumenta sciendi contemplatur, & præparat, tum circa alias scientias quibus ea præparat; an purè ut dirigens, seu docens, an purè ut utens; vel potius utroque modo, ut dirigens scilicet, & ut utens.

157 *Statuimus* ergo ut nobis longe probabilius, quod Logica utroque modo se gerit in propria materia, dirigendo scilicet, & utendo, ita ut intra proprios limites, & ab alijs scientijs præsciindendo, di rectione gaudeat, & usu. *Utraque* pars prob. simul. Logica, ut dirigens est Logica docens, quomodo instrumenta sciendi conficienda sunt, & Logica, ut utens, est Logica eiusmodi doctrinam applicans ad exercitium conficiendi instrumenta sciendi: sed Logica in propria materia utroque modo segerit: ergo in propria materia gaudet directione, & usu. Prob. min. Logica in propria materia tradit regulas, circa efficientiam cuiuslibet distinctionis, divisionis, & argumentationis, insuperque iuxta tales regulas plura diffinit, & demonstrativè probat, ut ex toto Logica tractatu

constat: ergo in propria materia, & respectu illius Logica; & est dirigens, & est utens. *Explicatur.* Logica conficit distinctionem, v. g. *universalem* iuxta præcepta à se tradita circa distinctionem in communi: ergo respectu illius distinctionis, & est dirigens, seu docens, & est utens: sed universale diffiniendo non excedit Logica proprios limites, cum de universalitate agat, ut de propria materia: ergo intra proprios limites habet doctrinam, & usum.

158 *Obijcies* 1. Logica est ars adinvèta ad dirigendas alias scientias, non se ipsam; dirigens quippe debet à directo distingui: sed si Logica respectu propriæ materiæ gauderet directione, dirigeret se ipsam: ergo Logica non gaudet directione respectu propriæ materiæ. *Resp.* disting. mai. non se ipsam, *directè, & primario*, conc. mai. *secundario, & reflexè* neg. min. & dist. min. *secundario, & reflexè* conc. min. *primario, & directè* neg. min. & conseq. Logica, cum sit instrumentum sciendi, non tam quæritur propter se, quàm propter alias scientias, quibus deservit; unde ad hoc directè tradit regulas, ut intellectus eas applicando ad materias aliarum scientiarum, suum finem, qui est cognitio veritatis, consequatur: secundariò tamen, & per reflexionem etiam dirigit se ipsam, dum iuxta regulas generaliter à se traditas plura diffinit, dividit, & demonstrat. Dirigens autem debet à directo distingui quoad actus dirigentes

res, & directos, idest, actus, qui est directio, non ad sui, sed ad alterius efficientiam est directio, actus quippe docens quibus requisitis debeat constare qualibet diffinitio, est directio ad actum in exercitio diffinientem; uterque tamen potest spectare, & elici ab eadem arte.

159 *Obijcies* 2. ab opposito. Nullus actus Logicæ in propria materia est usus: ergo Logica in propria materia non est utens. Prob. antec. *tum* quia omnis actus Logicæ in propria materia est doctrina: ergo nullus est usus. *Tum* quia si actus Logicæ in propria materia esset usus, idem esset, quia Logica in propria materia conficit demonstrationem, v.g. iuxta regulas à se traditas: sed hoc non sufficit ut Logica sit propriè utens in propria materia: ergo. Prob. min. Etiam Philosophia, dum passionem de suo objecto demonstrat, conficit demonstrationem iuxta regulas Logicæ: & tamen hoc non sufficit, ut detur Philosophia (idem de quavis alia scientia) propriè utens, aliàs divisio in decentem, & utentem non esset peculiaris divisio Logicæ, sed communis omnibus scientiis: ergo.

160 *Confirm.* Si Logica conficiens demonstrationem in propria materia esset propriè utens, pars demonstrativa Logicæ non solum haberet doctrinam, sed etiam usum: consequens est contra D. Thomam in 4. Metaph. lect. 4. dicentem, in parte Logicæ, quæ dicitur

demonstrativa, sola doctrina pertinet ad Logicam, usus vero ad Philosophiam, & alias scientias particulares: ergo falsum est antecedens.

161. *Resp.* neg. antec. Ad eius 1. prob. disting. antec. omnis est doctrina eius, cuius est usus, neg. antec. alterius, cuius non est usus conc. antec. vel sine vlla prorsus distinctione, concessio antec. neg. conseq. Restat enim ulterius probare, quod ratio doctrinæ sit incompatibilis cum ratione usus in eodem actu, quod nunquam probabitur; hic enim actus, oratio explicans essentiam rei est clarior illa, sed diffinitio est oratio explicans essentiam diffiniti, ergo est clarior illo, est doctrina, & usus respectu diversorum; est quippe doctrina respectu definitionis, quam docet debere esse clariorem diffinito, sed est usus regularum demonstrationis, quam conficit, ut qualis debeat esse diffinitio, demonstratur.

162 *Ad* 2. prob. eiusdem anteced. concessio mai. neg. min. nam quid est propriè usus, nisi applicatio regularum ad determinatam materiam? Ad min. prob. conc. sequelam, in qua concedenda nulum est absurdum, nam iuxta D. Thomam in sequenti confirmatione adductum in parte demonstrativa doctrina pertinet ad Logicam usus vero ad Philosophiam, & ad alias scientias: alia ergo scientia sunt iuxta Ang. Præcept. utentes, dum ex directione Logicæ, huius applicant regulas ad constructionem suarum

demonstrationum: cum hoc tamen compatitur, quod divisio in docentem, & vtentem sit respectu Logicae aliquo titulo specialis *tum* quia intra eandem scientiam, & ab eadem, & docetur quomodo instrumenta sciendi conficienda sunt, & plura conficiuntur. *Tum* quia plura tradit principia disputandi probabiliter in materia cuiuslibet scientiæ, respectu cuius disputatio- nis Logica est vtens activè, vt infra constabit.

163 *Ad confirm.* concessa mai. neg. min. & ad testimonium D. Thomæ constat explicatio ex supra dictis; cum enim Logica sit instrumentum sciendi non tam quæritur propter se, quam propter alias scientias, quibus deservit, vnde illius vsus attenditur præcipuè respectu aliarum scientiarum, & respectu harum docet D. Thomàs, quod Logica quoad partem demonstrativam non habet usum propriè dictum, activum scilicet, sed solam doctrinam, quia iuxta sententiam propugnandam §. sequente Logica purè directivè concurret ad demonstrationes aliarum scientiarum, ac proinde ipsa est quoad hoc vsitata passivè; non tamen negat D. Thomas usum activum Logicae in propria materia, licet talis vsus, quia minus principalis, ibi non meminerit. An autem ex hac doctrina inferatur Logicam docentem, & vtentem esse distinctos habitus, postea constabit.

164 Hæc D. Thomæ explicatio melius percipitur, si ob-

serve, quodⁱ respectu Logicae hoc est discrimen inter partem demonstrativam, & alias partes in ordine ad alias scientias, in ordine ad quas præcipuè attenditur vsus Logicae; quod respectu demonstrationum aliarum scientiarum Logica tantum potest habere concursum in earum formam artificiosam, & cum ad hanc solum directivè concurret iuxta statim dicenda, sit consequens, quod nullus sit vsus activus Logicae in illas. Cum autem in materijs aliarum scientiarum fiunt discursus probabiles, opinativi, aut fallaces, præter cōcursum directivum ad formam syllogisticam præbet sæpè Logica aliquā ex præmissis, ex quibus conclusio deducitur, vt videre est, alijs omissis, in hoc syllogismo communis in materia Philosophiæ formati; *contraria sunt circa idem: sed amor; & odiū sunt contraria: ergo sunt circa idem;* vbi præter formā syllogisticā debetur Logicæ præmissa maior, ex qua, & ex alia præmissa philosophica inferatur probabiliter illa philosophica conclusio: cum autem assensus præmissarum efficiat assensum conclusionis, inde fit, quod quantum ad conclusionem propositam concurret effectivè, seu activè, & non solum directivè, Logica, cuius est illa præmissa, ac proinde quod quantum ad partem topicam, opinativam, aut sophisticam, habeat usum activum, quo activè vtatur principijs à se traditis, vt activè concurret in assensum ex eo generatum.

I. I.

Statuitur concursus purè directivus Logice quoad demonstrationes aliarum scientiarum.

165 **D**VM alias scientiæ demonstrativè procedunt, & vt scientiæ, non vtuntur principijs Logicę, vtpotè quæ sunt extranea ab earum obiectis, & demonstratio petit per proprias causas, & principia procedere; vnde solū dubitatur, an forma artificiosa, sub qua disponuntur ad inferendam conclusionem sit effectivè à Logica, vel solūm directivè; & esse purè directivè à Logica prob. Philosophia, v. g. efficit suas demonstrationes quoadmodum etiā artificiosum: ergo Logica ad talem modum concurrrens purè directivè concurrat. Prob. antec. Philosophia efficit suas demonstrationes quoad substantiam, quoad principia scilicet, seu præmissas, quibus nituntur: ergo etiā quoadmodum artificiosum, quo tales præmissæ disponuntur. Antec. ab omnibus conceditur, & prob. consequ. Modus, qui per se non efficitur, sed resultat ad substantiæ positionem, fit à principio agente substantiam: sed modus ille artificiosus cum sit forma rationis, non fit per se, sed resultat ad positionem substantiæ demonstrationis: ergo fit ab eodem principio, à quo fit substantia demonstrationis, ac pro inde fit per actum philosophicum, per quem fit substantia demonstrationis.

166 *Confirm.* Logica est scientia docens docere, dirigens scilicet intellectum ad scientiarum acquisitionem, & earum perfectionem: ergo exercet hoc munus directionis erga alias scientias: sed si ipsa est, quę efficit demonstrationes aliarum scientiarum, non est quomodo directionis munus erga eas exerceat; quia non erga substantiam demonstrationū; quæ ad Logicam nullo modo spectat, non quoad formam artificiosam, quia nulla facultas dirigitur ad id, quod ipsa nequit efficere: ergo vel directio Logicę sistit in ipsa, vel si alias scientias dirigit, harum demonstrationes non efficit.

167 *Denique* virtutes morales eliciunt suos actus iuxta regulas Prudentiæ, quin Prudentia actus illos efficiat; voluntas prosequitur bonum iuxta apprehensionem intellectus, quin apprehensio effectivè concurrat ad amoris actiones tandem externæ versantur circa propriam materiam exequendo regulas artis, quin ars residens in intellectu plusquam directivè influat in eas: ergo vt Philosophia per suos actus applicet regulas demonstrandi ad propriam materiam, sufficit, quod Logica directivè concurrat, omni excluso concursu effectivo.

168 *Obijcies.* Philosophia nequid efficere id, quod est totaliter extra sphaeram suę virtutis: sed forma artificiosa demonstrationis est totaliter extra sphaeram virtutis Philosophiæ, cum talis forma sit

rationis, quod totaliter est extra sphaeram philosophicam; ergo talis forma artificiosa nequit effici à Philosophia.

169 *Confirm. 1.* Quia actus fidei formata, quæ dicitur fides viva, involvunt ordinem ad obiectum charitatis, nequit fides se sola tales actus formatos elicere sine influxu effectivo charitatis: sed actus Philosophici, ut artificiosè ordinati involvunt ordinem ad obiectum Logicæ: ergo nequit Philosophia se sola tales actus elicere sine influxu effectivo Logicæ. *Confirm. 2.* Sic Logica præbet alijs scientijs, & ministrat instrumenta sciendi, sicut ars fransactiva præbet, & ministrat frænum arti Equestri: sed ars fransactiva efficit frænum, quod ministrat, non ars Equestris, cui illud ministrat: ergo Logica efficit instrumenta, quæ scientijs ministrat, non scientia, cui ea ministrat.

150 *Resp.* concessa mai. dist. min. forma artificiosa, ut signatæ speculanda conc. min. quia proprietates, & affectiones formæ rationis investigare, & demonstrare ad solam pertinet Logicam: forma rationis, ut secundario exequenda, neg. min. quia provt sic considerata cadit intra sphaeram virtutis Philosophiæ adiuncta directione Logicæ, nam talis forma resultat ex substantia actus, quam ponit Philosophia: sicut actus virtutum ut à Prudentia signatæ attingendi, sunt extra sphaeram virtutum residentium in voluntate, ut tamen hic, & nunc

prudenter exequendi sunt intra sphaeram earum, accedente Prudentiæ directione, & sine vilo Prudentiæ concursu effectivo.

171 *Ad 1. confirm. neg. causa-* lem mai. causalis enim est, quia charitas, utpote virtus perficiens voluntatem, non ordinat actus virtutum ostendendo, & proponendo obiectivè, sed impellendo, & movendo subiectivè, quod sine concursu effectivo stare nequit: at Logica sequitur modum movendi intellectus, proponendo scilicet, & ostendendo, & hoc modo ordinat obiecta, qui modus limites directionis non excedit.

172 *Ad 2. confirm. neg. mai. si* ly sicut dicat paritatem in omnibus, secus si dicat similitudinem quoad aliquid, quoad hoc scilicet: quod Logica præbet instrumenta sciendi alijs scientijs, & fransactiva præbet etiam frænum Equestri: discriminantur tamen in modo præbendi, quo fit, ut consequentia sit nulla: quia frænum est per se factibile, forma autem artificiosa rationis non est per se factibilis, sed per resultantiam, ad positionem scilicet substantiæ actus scientifici: *Er insto argumentum:* nam si frænum fieret ex argento, quod fransactiva nequit disponere, deberet effici ab argentario, opus dirigente, & non efficiente fransactiva: forma ergo rationis, cum resultet ex substantia actus philosophici, quam Logica non attingit, à Philosophia debet effici, opus dirigente, & non efficien-

ciente, Logica. *Hinc sequitur,* quod cum communiter dicitur Logicam esse instrumentū sciēdi, non de instrumento subiectivo, & quod effectivè concurret, est intelligendum, sed de instrumento obiectivo, quatenus scilicet Logica proponit ordinata obiecta, quorum ostensione alię scientię in suis demonstrationibus diriguntur.

§. III.

Resolvitur dubiū n̄ principale.

173. *S*it conclusio. *Logica docens, & vrens est idem realiter habitus cum sola distinctione quasdam munera.* Est communis inter Thomit. & merito, cum eam satis insinuet S. D. tum quia opusc. 70. & 4. Meth. & alibi sæpè, ut agat de Logica vrente, & docente provt distinctis, interserit reduplicationem dicens, Logica provt docens considerat intentiones, provt vrens, vltur ad concludendum; at reduplicatione vrimur cum extrema sola ratione distinguuntur; unde ut de homine discurrete, & sentiente loquamur, veluti de distinctis, necessarium est dicere sub reduplicatione, homo, ut animal sentit, ut rationale discurret; quod necessarium non esset, si de duobus realiter distinctis loqueremur: ut enim verè dicamus hominem discurrete, & Leonem rugire, nulla est expectanda reduplicatio: ergo.

174. *Prob. ratione.* Ille habitus non distinguitur realiter ab altero, cuius actus supra actum alterius

non addit difficultatem: vsus, qui est actus logicę vrentis, nullam addit difficultatem supra actum Logicę docentis, qui est doctrina: ergo habitus logicę vrentis non distinguitur realiter ab habitu Logicę docentis. Mai. pater. Nam habitus ponuntur advincendas difficultates, & min. prob. vsus consistit in applicandis regulis, & doctrina in illis explicandis; sed post explicationem regularum Logicę nulla est difficultas in earum applicatione: ergo vsus supra doctrinam nō addit difficultatem. Probat. minor. difficultas in applicandis regulis vincitur doctrina, & explicationem: ergo post explicationem, nulla est difficultas in applicandis regulis. Probat. antec. tum quia ex duobus incipientibus audire logicam, promptius, & facilius conficit primum syllogismum, cui melius explicatus est modus efficiendi syllogismos, & qui prædictum modum melius didicit, ille vero tardius, cui modus ille non benè fuit explicatus, vel non æquè benè illum percepit: ergo difficultas in applicando vincitur explicatione, & doctrina. Tum quia adolescens lente procedens in constructione syllogismi, pergit auspicijs Magistri suggerentis, hic medium, ibi maiorem extremitatem colloca. nunc medium repete; iam ut cōcludas directè, maiorem de minori prædica extremitate: ergo difficultas in vsu vincitur instructione.

175. *Confirm. post explicatas regulas*

gulas est nova difficultas in operis constructione, quando, vel opus efficiendum est per aliam potentiam ab ea, quæ regulas docet, vel in materia, cui applicandæ sunt regulæ, reperitur difficultas, quæ per ipsas vincit non potest; sed in logica ex nullo ex his capitibus potest sub oriri difficultas: ergo in Logica post explicatas regulas non est nova difficultas in operis constructione.

Mai. declaratur exemplis: etenim ideò post explicatas regulas musicæ est nova difficultas in cætu, quia regulæ intellectu, cantus gutture exercetur: ideò calens regulas scribendi, novam invenit difficultatem ad scribendum in marmore, quia incisio marmoris affert secum difficultates, quibus per regulas scribendi non succurritur; nec aliud apparet, ex quo difficultas in operis constructione post regulas explicatas possit provenire: ergo. Min. verò quoad primam partem patet: nam eadem potentia intellectiva addiscuntur, & applicantur regulæ syllogizandi: quoad secundam

prob. nam materia, cui applicantur regulæ, vel est propria ipsius logicæ docentis, vt cum diffinit, dividit, & demonstrat ipsas, & hanc difficultatem vincit ipsa Logica docens, sicut quælibet facultas per se vincit difficultatem propriæ materiæ; vel est materia aliarum scientiarum, & ex hac (si demonstrativè proceditur) non oritur difficultas vincenda per Logicam: *Tum* quia in ea non habet vsum acti-
vum. *Tum* quia difficultas orta

ex materia Philosophiæ tantum per habitum Philosophiæ vincitur. Si verò proceditur disputativè, vincitur per Logicam docentem, quia vincitur per habitum, cuius sunt principia, & sunt principia Logicæ docentis in parte topica: ergo nulla difficultas oritur ex materia, ad quam vincendam necessaria sit Logica vtens realiter à docente distincta.

176 *Confirm.* Ad construendam demonstrationem in Philosophia circa motum; v. g. sufficit Logica docens cum habitu Philosophico, qui motum, vt propriam materiam contemplatur: ergo ad conficiendam demonstrationem in Logica circa diffinitionem v. g. sufficit Logica docens cum habitu, qui diffinitionem, vt propriam materiam contemplatur: sed hic est ipsa Logica docens; ergo sola Logica docens sine habitu a se distincto sufficit ad demonstrandas proprietates diffinitionis, ac per consequens ad vtendum.

177 *Denique* prob. conclusio. Dilectio Dei, & proximi procedunt ab eodem habitu charitatis, quia sunt actus ordinatè se habentes, ita, vt vnus sit primarius, & alter secundarius: sed hoc modo comparantur doctrina, & vsus in Logica: ergo procedunt ab eodem habitu. Prob. min. Ideò dilectio Dei, & proximi ita comparantur, quia ex quo aliquis diligit Deum, habet sufficiens motivum ad dilectionem proximi: sed ex quo ali-

quis docetur à Logica præcepta in parte demonstrativa, topica, & sophistica, habet sufficientia principia ad disponendam demonstrationem, & ad probabiliter, siue apparenter concludendum: ergo doctrina, & usus Logicæ comparantur inter se, ut actus primarius, & secundarius.

177 *Dices:* disparem esse rationem; quia cum charitas sit habitus supernaturalis, dat posse ad omnes actus charitatis, qui obiectum formale ipsius attingunt: at Logica cum sit habitus acquisitus nostris actibus, solum dat facilitatem ad actus similes eis, quibus est productus. *Contra est.* Habitibus acquisitis non solum præstat facilitatem ad actus similes illis, quibus est productus, sed, & ad illos, qui post ipsos, & in virtute eorum absque aliqua nova difficultate possunt elici; sed post doctrinam nulla in usu restat difficultas, ut probatum manet: ergo habitus Logicæ genitus actu docente, dat facilitatem, non solum ad doctrinam, sed ad usum.

§. IV.

Solvuntur argumenta.

178 **O** *Bijcies* 1. post explicationem regulas Logicæ, est nova difficultas in illarum usu: sed ad novam difficultatem vincendam requiritur novus habitus: ergo præter habitum requisitum ad doctrinam, exigitur ad usum novus habitus. *Prob. mai.*

Tum quia stat, quod quis sit promptus in explicandis, & penetrandis regulis syllogismorum, & sit tardus in eorum constructione: ergo post explicationem est nova difficultas in usu. *Tum* quia habitus acquisitus præstat solum facilitatem ad actus similes eis, per quos est genitus: sed Logica generatur per actus, qui sunt doctrina, & non usus, cum primus actus, quo generatur Logica, non supponat doctrinam, cuius posset esse usus: ergo habitus Logicæ sic genitus est tantum facilitas ad actus, qui sunt doctrina, ac proinde restat post eam difficultas ad actus qui sunt usus. *Tum* quia ex repetitis actibus, qui sunt usus, augetur facilitas ad utendum, non ad docendum: ergo facilitas ad unum non est facilitas ad aliud.

179 *Confirm.* Post rectum iudicium de agibilibus, est nova difficultas formalis in eligendo, nam adhuc iudicio dictante esse temperate comedendum, restat difficultas formalis in eligendo temperantiam comestionem, ideòque requiritur habitus temperantiæ ad illam vincendam: ergo post actus Logicæ dictantis constructionem syllogismi, restat nova difficultas formalis in eius constructione.

180 *Resp.* Disting. mai. est nova difficultas *formalis* neg. mai. *materialis* conced. mai. & disting. min. ad novam difficultatem *formalem* conced. min. *materiale* neg. min. & conseq. Sicut peritus Artifex domum lentè componet, si miniistri lapides, & ligna diligenter non affe-

afferant; sicut velocissimus Scriptor scribet morose, si materia calamo exprimenda promptè non occurrat memoriæ; Ita facilis in explicandis, & applicandis regulis potest adhuc in actuali applicatione aliquam experiri difficultatem, sed materiale tantum, ortam scilicet ex defectu specierum, ad quarum usum facultates interne, utpotè in exercitate, ministeriū suum promptè non exhibent: eiusmodi autem difficultas non vincitur per habitū artis, sed aliunde superatur, ut patet in duobus exemplis adductis.

181 *Hæc* ad 1. mai. prob. disting. anteced. & sit tardus defectu habitus applicantis regulas neg. antec. defectus facultatis ministrant is materiam conced. antec. & sub data distinctione facilitatis formalis, & materialis neg. consequ. Ad 2. prob. disting. mai. præstat solum primario conced. mai. secundario neg. mai. & concessa m'n. neg. consequ. quia habitus præstans primario facilitatem ad doctrinam, ex consequenti, & secundario est facilitas ad actus, qui supra doctrinam non addunt difficultatem formalem, quales sunt actus usus spectantis ad eandem potentiam. Ad 3. prob. neg. anteced. quia cum usus non sit quævis operis constructio, sed quæ præceptis artis actu dirigitur, non stat usus repetitio, quin doctrina repetatur, & consequenter si augetur utens, augetur docere. Vel *inversa dicta* resp. augeri per usum facilitatem materiale consistentem in specierum expeditione; facilitatem verò formalem non augeri nisi per ma-

terem regularum penetrationem, sicut ex earum oritur cognitione.

182 *Ad confirm.* neg. consequ. quia iudicium illud, & electio pertinent ad diversas potentias, iudicium nempe ad intellectum, & electio ad voluntatem; at doctrina, & usus Logicæ pertinent ad eandem potentiam, scilicet intellectum.

183 *Dices.* Iudicium de agibilibus, & imperium præcipiens quæ agenda sunt, sunt actus pertinentes ad solum intellectum: & tamen unus addit supra alterum novam difficultatem formalem, unde D. Thomas 2. 2. q. 51. art. 1. & 2. distinctos assignat ad utrumque habitus virtutum, *Sine finem* scilicet ad rectè indicandum, & *Prudentiam* ad rectè imperandum: ergo solutio est nulla. *Resp.* disting. mai. ad solum intellectum *elicitive* conced. mai. quia uterque actus elicitur ab intellectu: *connexive* neg. mai. nam imperium connectitur cum voluntate, quam movet, & in qua movenda propter ipsius libertatem, & indifferentiam est nova specialis difficultas: at doctrina, & usus Logicæ spectant omnino ad intellectum; nam & si voluntas sit, quæ intellectum applicat (sicut & ad quemcumque actum) ad usum, hæc dependentia à voluntate est generalis pro quovis actu, & quæ si affert novam difficultatem, non vincitur per habitū Logicæ, sed per virtutem, seu habitum studiositatis.

184 *Obijces* 2. *Habitus*, qui non est scientia, realiter differt ab habitu scientifico: sed Logica utens non est scientia bene verò Logica

docēs: ergo sunt habitus realiter distincti. *Confirm.* Habitus distinguuntur per actus, & obiecta distincta in esse scibilis: sed obiectum Logicæ utentis non est scibile, ac proinde actus eius non est scientificus, obiectum vero Logicæ docentis est scibile, & cōsequenter actus eius est scientificus: ergo Logicæ docens est habitus distinctus ab habitu Logicæ utentis.

185 *Urgetur.* Nullus actus opinativus est actus elicited ab habitu scientifico, qualis est habitus Logicæ docentis: sed aliquis usus activus Logicæ est actus opinativus, ut ex D. Thoma sep̄ hoc asserēte cōstat; ergo aliquis est usus activus Logicæ, qui nō eliciatur ab habitu docēte, ac proinde, qui pro sui elicentia petat habitū a docente distinctum.

186 *Resp.* disting. mai. qui non est scientia absolute conced. mai. qui non est scientia solum reduplicative neg. mai. & dist. min. non est scientia Logica utens reduplicative in quantum utens conced. min. absolute neg. min. & conseq. Sicut rationale in quantum rationale reduplicative non esse animal infert rationale, & animal per rationē distingui, secus realiter: quia rationale absolute est animal; ita Logicam utentem in quantum utentem reduplicative non esse scientiam infert eam a docente, quæ est scientia, per rationem distingui, non tamen realiter, quia absolute est scientia, in sensu scilicet identico, & specificativo. Quæ doctrina amplius explicabitur (præter dicenda art. sequent.) quaest. 3. de præcisionibus obiectivis.

187 *Ad confirm.* disting. mai. per actus, & obiecta distincta ex æquo conced. mai. distincta solum penes primum, & secundarium neg. mai. & disting. min. obiectum Logicæ utentis non est scibile in recto conced. min. in obliquo neg. min. Licet usus non sit ex se, & reduplicative actus scientificus, est tamē cōpositio ipsius sciētiæ, & sic est actus secundarius ab eodem habitu elicited.

188 *Ad id*, quo argumentum urgetur, ut respondeatur, observandum est, quod in materia cuiuslibet sciētiæ tres solent communiter partes distingui; pars scilicet analytica, seu demonstrativa, topica, seu probabilis, & sophistica, seu fallax: Pars demonstrativa est illa, in qua iudicatur de veritate rerum per harum proprias causas, & principia sicque hæc pars in vnaquaque sciētia impenditur in demonstrandis passionibus de obiecto sciētiæ: Pars topica ea est, in qua proceditur disputative ex principiis probabilibus verò similiter suadentibus utramque partem, ex quibus principiis, si eliciatur assensus resolutivus erga unam partem; opinio generatur. Pars denique sophistica est illa, in qua ex principiis solum apparenter veris falsum concluditur: Harum partium diversitatis ratio est; quia in cuiuslibet sciētiæ materia plures sunt erga eius obiectū discursus planè demonstrativi, & convincentes; alij non ita, sed solum probabiles, & qui litē sub iudice relinquunt; alij denique cavillis, & fallacibus arguēdi formis impliciti, quibus veritas obūbratur, seu

adducitur: & licet habitus scientificus (vtpote virtus intellectus infallibiliter determinans ad verum) nec opinativè, nec fallaciter possit procedere, ac proindè habitus elicientes actus opinativos, aut fallaces sint omnino diversi ab habitu sciëntiæ; quia tamen tales discursus formantur in materia sciëntiæ, ad hanc dicuntur pertinere, & illius nomine insigniuntur; qua ratione discursus in materia Philosophiæ, si vè sit demonstrativus, si vè opinativus, si vè fallax, semper dicitur discursus Philosophicus.

189 *Ex quibus resp. ad argumētum, concessa mai. dist. min. aliquis vsus activus Logice, id est, habitus insigniti nomine Logice, est actus opinativus, conc. min. Habitus, qui propriè sit Logica docens, neg. min. & disting. conseq. aliquis vsus activus Logice, id est, habitus insigniti nomine Logice conc. conseq. Logice propriè talis, neg. conseq.* Sicut nullus dubitat, quod habitus opinativus differt realiter ab habitu scientifico, ita nec dubitandum venit, quod vsus activus, habitus opinativi, qui est actus opinativus, non possit elici ab habitu sciëntifico: Restat ergo: quod AA. oppositi probent talem vsum activum esse actum Logice docentis, & demonstrantis, vel quod nullus sit vsus in parte demonstrativa, quod supra ostendimus esse falsum.

190 *Dices.* Logica propriè sumpta, vt docens non solum docet, & dirigit constructionem syllogismi demonstravi, sed etiam opinativi:

ergo sicut actualis constructio demonstrationis est vsus activus iuxta nos, Logice docentis, ita, & constructio syllogismi opinativi: sed syllogismus sic constructus est actus opinativus, qui iuxta dicta nequit elici ab habitu docente, vtpotè scientifico: ergo datur aliquis actus, qui cum sit vsus activus Logice docentis, petat pro sui elicientia habitum à docente distinctum.

191 *Vltèrius.* Saltem disputatio probabilis est vsus activus Logice docentis, cum Logica iuxta D. Thomam in 4. Metaph. lect. 4. doceat modum disputandi probabiliter in qualibet scientia ex principiis secundarum intentionum: sed disputatio probabilis generat opinionem ab habitu sciëntifico diversam: ergo aliquis est vsus activus Logice docentis impotens ab habitu docente procedere. Omnia constant, & min. videtur expressa D. Thomæ in 1. Poster. lect. 1. dicentis. *Ex discursu facto per Logicam videntem ratio totaliter declinat in vnam partem contradictionis licet cum formidine alterius: discursus ergo probabilis affert secum assensum formidolosum, in quo opinio consistit.*

192 *Sed replica* manifestè instatur in parallogismo generante errorem, cum Logica non solum doceat quis syllogismus sit opinativus, sed quis sit fallax, & quomodo fallaciæ committantur, quin assensus erroneus sit vsus, sed abusus Logice docentis. *Quare ad 1. disting. antec. sed etiam*

opinatiui, ut scilicet, quis assensus sit opinatiui, & ex quibus generetur conc. conseq. ut eliciatur assensus opinatiui neg. conseq. Logica docens ostendit quidem, & demonstratiue, quid sit, & ex quibus constet syllogismus opinatiui, & huius doctrinae usus actiuius est constructio syllogismi opinatiui exempli causa formati ad ostensionem suarum regularum, ut cum dicit: Syllogismus opinatiuius est, qui conficitur ex principiis pure probabilibus, ut iste, vel iste (conficiendo syllogismum) & talis generat opinionem; quod totum non petit habitum à docente distinctum. Quod si ulterius progrediens intellectus præstet assensum ex vi præmissarum probabilium, talis assensus, in quo opinio consistit, non est usus actiuius, sicut nec exercitium Logicae docentis, sed cuiusdam habitus opinatiui nomine Logicae insigniti, si in materia Logicae sit formatus discursus; ac proinde nullus est usus actiuius, qui titulo talis petat habitum à docente distinctum.

193 Hinc ad 2. replicam dist. mai. disputatio probabilis cum determinatione assensus ad unam partem neg. mai. siue tali assensu, & cum sola inquisitione veritatis conc. mai. & dist. min. disputatio probabilis, cum determinatione assensus ad unam partem generat opinionem conc. min. siue tali assensu, & cum sola inquisitione veritatis neg. min. & conseq. nam primo modo sumpta, disputatio probabilis solum importat inquisitionem

nem veritatis, & examen probabilitatis vtriusque partis, quo disponitur intellectus ad scientiam, ac proinde potest esse usus actiuius, & exercitium scientiae docentis disputare probabiliter; sicut calor disponens ad ignem producit ab agente efficiente formam ignis. Secundo modo sumpta dicit assensum formidolosum scientiae contrarium, ac proinde nequit esse usus illius. Nec D. Thomas docet aliquid huic solutioni contrarium; nam licet sepe ratio medio discursu probabiliter declinet per assensum formidolosum in unam partem, restat ulterius probare, quod ita semper contingat, & quod dum contingit, sit talis assensus usus actiuius Logicae docentis, & non habitus opinatiui, qui dicitur Logicae vtēs, quia aliqua ex præmissis, vel vtraque est in materia Logicae.

ART. IV.

Virum Logica sit scientia, & ars?

194 **V**elariori modo procedamus, prius determinabimus an Logica sit scientia, & sub qua formalitate illi competat ratio scientiae, & postea decidetur, quomodo ei conveniat ratio artis. Scientiae actualis, & habitus alius discrimen insinuauimus in præmio, quod discrimen consistit in eo, quod scientia actualis est actus scientiae habitualis, & scientia habitualis est habitus, a quo procedit scientia actualis: Scientia habitualis est habitus certus, & evidēs per demonstrationē acquisitus, & actualis scientia, est actualis cognitio

filio demonstrativa, seu evidens assensus media demonstratione comparatus.

§. I.

Statuitur duplex conclusio.

195 **S**it prima conclusio, *Logica est proprie, & simpliciter scientia.* Conclusio est communis, & expressè propugnata tum à Philosopho 1. Priorum cap. 1. tum à D. Thoma in 4. Metaphysic. lect. 4. & opuscul. 70. q. 5. art. 1. & 1. 2. quæst. 57. art. 3. & alibi passim; & prob. Logica est habitus certus, & evidens per demonstrationem acquisitus: ergo est proprie, & simpliciter scientia. Patet consequ. & anteced. prob. in Logica fiunt plures demonstrationes, quibus certo, & evidenter demonstratur plures passionēs, seu proprietates de eius obiecto: sed tales demonstrationes non possunt alium habitum generare, quā habitū Logicæ: ergo Logica est habitus certus, & evidens per demonstrationē acquisitus. Prob. mai. in Logica demonstratur de diffinitione, quod sit clarior diffinitio; de divisione, quod debeat tradi per membra, quorum singula sint inferiora diviso; de syllogismo debere constare tribus terminis: demonstratur insuper syllogisimum demonstrativum generare scientiam, probabilem generare opinionem, sophisticium verò generare errorem; demonstrantur præterea de terminis suppositio, ampliatio, &c. de propositione oppositio, æquipollentia, conversio, de universali prædicabilitas; ergo.

196 *Confirm.* *Habitus, qui ex primis, proprijs, & certissimis principijs deducit evidenter conclusiones necessarias; & æternæ veritatis, est habitus propriè, & simpliciter scientificus: sed habitus Logicæ est huiusmodi: ergo est habitus propriè, & simpliciter scientificus.* Prob. min. Logica ex his principijs dici de omni, dici de nullo, quæ sunt eadem vntertio, sunt eadem inter se, quæ principia sunt prima, certissima, & sibi propria, infert per evidentem consequentiam syllogisimum debere constare tribus terminis, legitime concludi in Darij, & his similia plura, quæ sunt conclusiones necessariæ, & æternæ veritatis: ergo est habitus deducens evidenter ex primis, proprijs, & certissimis principijs conclusiones necessarias, & æternæ veritatis.

197 *Secunda conclusio. Ratio scientiæ competit Logicæ titulo docentis, non titulo utentis, sive ut utenti.* Sensus conclusionis est ex dictis in art. præcedente, quod si cum reduplicatione, & præcisivè loquendum sit de Logica sub munere docētis, & sub munere vtētis, ratio sciētīe cōpetit ei reduplicativè, ut docētī, & nō ut vtenti reduplicativè, licet absolute habitus Logicæ utrumque munus complectens sit scientificus, ut ex prima conclusione patet; sicut licet homo absolute sit discursivus, tamen ratio discursivi non competit ei titulo animalis, sed titulo rationalis: quāvis in sensu identico etiam animal sit discursivum. Et quidem quoad primam partem

conclusio est certissima, nam Logica ut docens est, quæ ea omnia supra relata demonstrat, ea siquidem est, quæ demonstrativè docet diffinitionem debere esse clariorem in diffinito, syllogismum debere constare tribus terminis, universale esse prædicabile, & alia huiusmodi: ergo Logica titulo docentis, seu in quantum docens reduplicativè, est scientia.

198 *Quoad 2. verò partem prob.* Scientia est quæ demonstrat passionem de suo obiecto: sed Logica in quantum utens passionem non demonstrat de suo obiecto ergo in quantum utens non est scientia. Prob. min. Logicam demonstrare passionem de suo obiecto est docere proprietates modi sciendi: sed Logica in quantum utens non docet proprietates modi sciendi, alias in quantum utens esset formaliter docens, cuius contrarium supponimus: ergo in quantum utens non demonstrat passionem de suo obiecto.

199 *Confirm.* Scientia ut talis procedit modo resolutorio circa universalia, & necessaria: sed Logica, ut utens procedit modo compositivo circa singularia, & contingentia: ergo ut utens non est scientia. Prob. min. Logica ut utens procedit componendo, & construendo syllogismum ipsum ponens sub-existentia: sed syllogismus non nisi in singulari, & contingenter existit: ergo ut utens procedit modo compositivo circa singularia, & contingentia.

200 *Dices*, quod [Logica ut

utens passionem demonstrat, siquidem nil aliud est demonstrationem construere, quam in ipso exercitio demonstrare; nec ex hoc sequitur, quod sit utens in quantum docens respectu eiusdem, sed diversorum; nam est utens respectu regularum demonstrandi, quibus utitur conficiendo demonstrationem, & est docens respectu diffinitionis, v. g. cuius naturam media demonstratione docet, ut nos ipsi observavimus, art. præc. n. 152. Similiter licet scientia procedat modo resolutorio, & signatè tendat circa universalia, & necessaria, permittit tamen (nec excludit) modum compositivum mentalem, quo exercitè procedat circa singularia, & contingentia aliquam in singulari demonstrationem conficiendo.

201 *Sed contra est.* Licet ratio scientiæ non excludat, sed permittat modum compositivum mentalem circa singularia, & contingentia, qua ratione munera docendi, & utendi identificamus in eodem habitu scientifico Logicæ; tamen ratio scientiæ nulli habitui competit titulo procedendi tali modo compositivo: sed Logica in quantum utens est Logica, ut procedens formaliter modo compositivo circa singularia, & contingentia: ergo ratio scientiæ, quæ supponitur convenire Logicæ, non convenit ei formaliter titulo utentis. Prob. mai. Ratio scientiæ non competit alicui habitui ex eo formaliter titulo, ex quo non habet procedere modo resolutorio circa universalia &

& necessaria, cum nil magis exactum à formali munere scientiæ, quàm tendere resolutorie circa vniuersalia, & necessaria: sed ex titulo procedendi modo compositivo circa singularia, & contingentia nullus habitus habet formaliter procedere modo resolutorio circa vniuersalia, & necessaria, vt ipsa solutio fatetur: ergo nulli habitui competit ratio scientiæ titulo talis modi compositivi, quem permittit. Sicut quia sentire provenit ex ea ratione, quæ est principium sensationis, non competit homini sensatio titulo rationalitatis, quam animalitas permittit, sed titulo animalitatis, vi cuius solius habet homo esse principium sensationis.

202 *Confirm.* exemplo, quo se solet munire doctrina solutionis, & quod retorquetur in ipsam. Et si ratio scientiæ permittat modum compositivum proprium artis liberalis, qua ratione idem habitus Logicæ, & est scientia, & est (iuxta postea dicenda) ars liberalis, tamen Logica non est scientia reduplicatiue in quantum ars, quia rationes scientiæ; & artis sunt formaliter diuersæ, & oppositæ iuxta D. Thomam 1.2. quæst. 57. art. 3. ergo & si ratio procedendi modo resolutorio circa vniuersalia, & necessaria, permittat modum compositivum circa singularia, & contingentia, vnde idem Logicæ habitus est resolutorius, & compositivus, tamen quia vt scientificus petit procedere modo resolutorio,

non erit scientificus formaliter titulo procedendi modo compositivo.

203 *Hinc* iam reiicitur quoad aliam partem solutio. Nam iuxta ipsam Logica dum media demonstratione docet aliquid circa naturam diffinitionis, non est vtens respectu diffinitionis, aliàs esset vtens, & docens respectu eiusdem contra id, quod solutio nobiscum supponit: sed dum media demonstratione docet aliquid circa naturam diffinitionis solius diffinitionis proprietatem demonstrat: ergo vt vtens nil demonstrat, & consequenter, vt vtens non est scientia. *Explicatur.* In hac demonstratione Logicali, *omnis oratio explicans naturam rei est clarior illa, sed diffinitio est oratio explicans naturam rei, ergo est clarior illa*, solius diffinitionis proprietatem demonstrat Logica: sed iuxta solutionem (& iuxta veritatem) Logica in tali demonstratione non est vtens respectu diffinitionis: ergo Logica vt vtens nil in tali demonstratione demonstrat.

204 *Confirm.* ab opposito. Iuxta solutionem talis demonstratio est vsus, & doctrina respectu diuersorum; vsus quidem respectu regularum syllogismi, quas applicat illi materiæ, doctrina verò respectu diffinitionis, cuius naturam exponit: sed Logica media ea demonstratione nil demonstrat de syllogismo, bene verò de diffinitione: ergo Logica in ea demonstratione nil demonstrat vt vtens, bene verò vt docens:

ergo si solum est scientia in quantum aliquid demonstrat, solum est scientia in quantum docens. Quod a priori pendet ex eo; quod demonstrare non est applicare ut cuiusque formam syllogisticam huic, vel alteri. materię, sed dicit ulterius iudicium resolutorium evidens veritatis, quę media demonstratione convincitur, iudicium autē eiusmodi, siue assensus, est quid diversum a structura demonstrationis, de qua sola structura curat Logica ut utens.

§. II.

Solvuntur argumenta.

205 **O** *Bijc.* 1. contra primam, & principalem conclusionem Philosophum lib. 1. Rethor. cap. 2. dicentem: *Si quis Dialecticam, & Rethoricam, ut scientias, & non ut facultates pertractet imprudens est, & earum naturam subvertit.* Tum in 2. Metaph. lect. apud D. Thomam 5. ubi docet absurdum esse simul quęrere scientiam, & modum sciendi, intelligens nomine modi sciendi Logicam: ergo iuxta ipsum, Logica non est scientia, aliā qui ipsam quęreret, simul quęreret scientiam, & modum sciendi. *Quod confirm.* ex eo quod instrumentum est alterius rationis a re, cui deservit, sicut modus a re, quam modificat: sed Logica est instrumentum, & modus sciendi seu scientię: ergo non est scientia.

206 *Resp.* quod Philosophus in primo testimonio loquitur de Dialectica; seu Logica, ut utente in parte topica, & probabili; quatenus scilicet per argumenta, probabiliter discurret circa utramque partem tentans, & parans viam ad scientiam iuxta dicta in art. preced. num. 185. in quo usu non segerit, ut scientia formaliter, sed dispositivē. In secundo testimonio sensus Philosophi est planus, nempe absurdum esse quęrere simul modum sciendi, & scientiam a modo sciendi distinctam; secus tamen illam, quę ideo est scientia, quia modum, seu methodum sciendi præstat scientiis, cuius generis est Logica. *Hinc* ad confirm. omniū mai. disting. min. Logica est modus sciendi obiectivē conced. min. subiectivē neg. min. agit quidem Logica, ut de obiecto, de instrumento, & modo sciendi, ex quo solum sequitur, quod id, de quo agit, non sit scientia, non tamen, quod ipsa in se subiectivē non sit scientia.

207 *Replicabis.* Vna species non ordinatur ad alias sub eodem genere contentas: sed Logica ordinatur ad alias scientias: ergo ipsa non est species sub genere scientię contenta, ac proinde non est scientia. *Disting.* mai. vna species non ordinatur ad alias, ut ad finem intrinsecum, & immediatum, conced. mai. ut ad finem extrinsecum, & remotum, neg. mai. & disting. min. Logica ordinatur ad alias scientias, ut ad finem extrinsecum, & remotum, con-

conced. min. *intrinsecum*, & *immediatum*, neg. min. finis intrinsecus Logicae est contemplatio proprii obiecti, extrinsecus verò veritas aliarum scientiarum, vt latè explicuimus art. 2. num. 89. & præter exempla ibi adducta, constat, quod virtutes ordinantur ad charitatem, vt ad finem extrinsecum, & si sint species sub genere virtutis contentæ.

208. *Obije. 2.* Logica non solum complectitur partem demonstratiuam, sed etiam topicam, opinatiuam, & sophisticam: sed Logica in parte topica, opinativa, & sophistica nequit esse scientia: ergo Logica non est scientia. Disting. mai. complectitur ea omnia, vt partes *obiectiuias*, de quibus plura demonstrando conced. mai. vt partes *subiectiuias*, seu vt exercitia subiectiua ipsius habitus Logicae neg. mai. & iuxta hanc explicationem, neg. min. Pars quippè opinativa, & sophistica sunt partes obiectiue, seu inadequata, & partialia obiecta, de quibus scientificè agit Logica demonstrando, quod syllogismus opinatiuus generat opinionem, & sophisticus errorem, & vtrumque rectè dissimulando, eiusque partes exponendo, in quibus omnibus non minùs scientificè se gerit, ac in ipsa parte demonstratiua. Ipsum autem in exercitio opinari, vel sophisticè, seu falso assentiri, non est actus, seu exercitium habitus Logicae, cuius naturam modo exponimus, sed alterius habitus opinatiui, aut fallacis nomine Logicae

vtentis insigniri eo quod aliqua ex præmissis, vel vtraque, ex quibus conficitur discursus, spectat ad Logicam iuxta iam dicta in toto art. præced. In parte autem topica, seu probabili ipsam etiam in exercitio disputare probabiliter, si sit sine assensu, est secundarium Logicae exercitium viam parans ad scientiam; si verò sit cum assensu, est opinio scientiæ contraria, ac proinde non est exercitium Logicae, sed cuiusdam habitus opinatiui Logicae nomine insigniri, vt in loco cit. latè explicuimus.

209. *Obije. 3.* Habitus, cuius obiectum formale non est certò cognitum, non est habitus scientificus, cum obiectum scientiæ debeat esse certò præcognitum, vt de eo scientia passionis demonstrat, iuxta dicenda in quæst. 10. Post. sed obiectum Logicae non est certò cognitum, vt patet ex tot, diuersisque circa illud sententijs relatis art. 2. ergo Logicae habitus non est scientificus.

210. *Resp. disting. mai.* cuius obiectum formale non est certò cognitum, quoad rationem explicitam, & sufficientem, vt de eo passionis demonstrantur, conced. mai. quoad implicitam, & ad finem scientiæ parum conducentem, neg. mai. & disting. min. non est certò cognitum quoad rationem explicitam, & conducentem neg. min. quoad implicitam, & parum conducentem; conced. min. & neg. conseq. Omnes conveniunt in eo, quod obiectum Logicae sint instrumenta sciendi, ac proinde quod sint

sint quoddam artificium ignoti manifestativum, quod sufficit, ut de ipsis plura demonstrantur: quod vero eiusmodi instrumenta sint pro formali aliquid reale, vel rationis (ad quod discrimen tota reducitur sententiarum diversitas) de materiali se habet, parumque conducit ad finem Logicæ; unde qui tenet definitionem pro formali esse aliquid reale, & qui tueretur eam esse aliquid rationis, uno, & eodem modo illam definiunt, & demonstrant esse clariorem definitionem.

211 *Obijc.* 4. Demonstratio non est obiectum scientiæ, sed eius actus, & exercitium, cum exercitiū scientiæ sit demonstrare: at Logica obiectum est demonstratio, cum de demonstratione plura doceat Logica: ergo Logica non est scientia. *Confirm.* Demonstratio præcedit scientiam, cum scientia adquiratur demonstratione: sed demonstratio non præcedit Logicam, cum Logica doceat quid sit demonstratio: ergo non est scientia.

212 *Resp.* disting. mai. non est obiectum scientiæ realis, conc. mai. scientiæ rationalis, & reflexivæ, neg. mai. & concessa min. neg. consequ. scientiæ quippe rationalis, & reflexivæ, qualis est Logica, demonstratio est actus, & obiectum; nam demonstrando docet Logica naturam demonstrationis. *Ad confirm.* concessa mai. disting. min. demonstratio facta lumine naturali, non præcedit Logicam, neg. min. Demonstratio facta artificiosè, non præcedit Logicam, conced. min.

per demonstrationem primò modo factam adquiritur Logica, ut postea inclinet ad artificiosè examinandam illius naturam; de quo ex professo agemus art. 7.

213 *Obijc.* Tandem contra eandem conclusionem. Facultas, cuius obiectum non est simpliciter scibile, non est simpliciter scientia: sed ens rationis, quod est obiectum Logicæ, non est simpliciter scibile: ergo Logica non est simpliciter scientia. Prob. min. scibilitas est passio entis: ergo quale fuerit ens, talis erit scibilitas, sed ens rationis non est simpliciter ens, cum sit tantum umbra, & similitudo entis, ac proinde tantum secundum quid sit ens: ergo non est simpliciter scibile.

214 *Confirm.* Nulla scientia potest primò determinare intellectum ad attingentiam entis rationis: sed Logica determinat primò intellectum ad attingentiam entis rationis, cum hoc sit obiectum specificativum, & primum Logicæ: ergo Logica non est scientia. Prob. mai. Omnis habitus intellectualis determinat primò intellectum ad attingentiam obiecti specificativi, & primarij ipsius intellectus, cum habitus sit determinatio potentie ad idem obiectum, à quo speciem accipit potentia: sed ens rationis non est obiectum specificativum, & primum intellectus, sed præcisè secundarium: ergo cum scientia sit habitus intellectualis, nulla scientia determinat primò intellectum ad attingentiam entis rationis.

215. *Vergetur.* Species cuiuslibet scientiæ est realis: sed quod specificatur ab ente rationis non habet speciem realem: ergo vel Logica non specificatur ab ente rationis, vel non est scientia. Cætera patent, & min. prob. Quod specificatur ab ente rationis, eam solum habet speciem, quam ei dat ens rationis, liquidem specificativum est quod dat speciem specificato: sed ens rationis nequit dare speciem realem: ergo quod specificatur ab ente rationis, non habet speciem realem.

216. *Resp.* concessa mai. neg. min. Ad eius prob. disting. antec. scibilitas est passio entis absolute sumpti, neg. antec. est passio entis, ut cum altero connexi, conced. antec. & disting. conseq. quale fuerit ens, ut cum altero connexum, conced. conseq. absolute sumptum, neg. conseq. Ens absolute sumptum est ens sine addito, & propterea dicitur ordinem ad esse, seu existeret, & in hoc sensu ens rationis non est simpliciter, & absolute ens, cum solum existat, secundum quid, & obiectivè. Ens ut cum altero connexum, est ens, ut respiciens prædicatum, quod verè, & necessario affirmetur de ipso, & in hoc sensu ens rationis est simpliciter ens, quia plura de ipso possunt vere enuntiari per propositiones necessarias, & æternæ veritatis, ut quod sit ens fictum, quod consistat in cognosci, quod possit subijci, & prædicari, & alia huiusmodi, quod expressè docuit D. Thomas quæst. 7. de potentia art. 1. ad 1. ubi docet

ens dici dupliciter: Uno modo quod dividitur per decem prædicamenta alio modo, quod significat veritatem propositionum. Primo modo (inquit S. D.) non potest dici aliquid ens, nisi in re aliquid ponat. Secundo modo potest dici ens omne illud, de quo affirmativa præpositio formari potest, etiam si in re nihil ponat, per quem modum privationes, & negationes entia dicuntur. Cum ergo scibilitas sit passio entis non in prima, sed in secunda acceptione, sit consequens, quod ens rationis sit verè scibile, & si absolute non sit verè ens, & sit scibile simpliciter, licet absolute sit tantum secundum quid ens.

217. *Et si instes* 1. Connexio entis rationis cum suis passionibus non minus est connexio rationis, ac proinde connexio ficta, ac ipsum ens rationis: ergo sicut propter hoc, ens rationis est ens secundum quid, etiam connexio illius cum suis passionibus est secundum quid connexio: sed scibilitas est talis per nos, qualis est connexio: ergo scibilitas entis rationis est secundum quid scibilitas, consequenterque ens rationis non est simpliciter scibile. Secundo instabis. Passiones (si quæ sunt) entis rationis, sunt quid fictum sicut ipsum ens rationis: sed inter extrema ficta nequit dari connexio vera, ac proinde, nec quæ simpliciter sit talis: ergo talis connexio non est simpliciter talis. Instabis 3. Quelibet essentia in tantum est simpliciter connexa cum suis passionibus in quantum est causa, à qua verè dimanant passionibus: sed

ad ente ficto nequeant verè dimanare passiones, vera quippè dimanatio est propria veri entis, quale est solum ens reale: ergo non datur connexio talis simpliciter entis rationis cum suis passionibus. *Denique.* Quod non est simpliciter cognoscibile, non est simpliciter scibile, cum cognoscibilitas sit superior ad scibilitatem: sed ens rationis non est simpliciter cognoscibile, nam cognoscibilitas est passio entis absolute sumpti, & diximus ens rationis non esse simpliciter ens absolute sumptum: ergo non est simpliciter scibile.

218 *Sed omnes* hæc replicæ instantur manifestè. *Tum* in ipso ente rationis, quod esse verè scibile à Metaphisica, & si secundario, nequit negari, cum plura de illo certò, & euidenter demonstret Metaphisica: quo supposito, omnes instantiæ factæ contra scibilitatem simpliciter entis rationis, æque impugnant id: & quæ instantur) eius veram scibilitatem: stat quippè, quod ens rationis, & si secundum quid ens, & quid fictura, sit verè connexum cum suis passionibus, ac proinde quod connexio sit verè talis, esto sit inter extrema ficta, & denique quod habeat passiones, quæ possunt de ipso verè demonstrari, hæc enim omnia necessum est fateri, ut sit verè scibile: ergo stabit quod non sit simpliciter ens, & tamen sit simpliciter scibile. *Tum* in quantitate, quæ (cum sit accidens) est ens tantum secundum quid, & tamen est simpliciter scibilis à scientijs Ma-

thematicis, quas specificat: non ergo infertur legitime, quod ens rationis non sit simpliciter connexum cum passionibus, & consequenter simpliciter scibile, ex quo non sit simpliciter ens.

219 *Quæ ad 1. Instantiam* disting. antec. est connexio rationis *præsuppositivè*, & *pro implicito*, conced. antec. *formaliter*, & *explicitè*, neg. antec. & conseq. quia quod connexio sit realis, vel rationis, de materiali se habet, & solum attenditur in ea, quod sit connexio necessaria, & infallibilis, vi cuius prædicatum de ente rationis enuntiabile aliter se habere non possit; connexio quippè ut talis duorum solum exprimit inseparabilitatem utriusque, siue utrumque sit reale, siue rationis, quod de materiali se habet. *Ad 2. instantiam* eò-cessa mai. neg. min. cuius falsitas patet in exemplo adducto, cum vera scibilitas ad veram connexionem sequatur: vera enim connexio pro formali nil aliud explicat, nisi quod unum sine alio, saltem exigentialiter, esse non possit, quod potest reperiri, & si alias extrema sint ficta.

220 *Ad 3. instantiam*, disting. mai. à qua verè dimanant passion-nes, dimanatione *formaliter*, vel *virtualiter tali*, conced. mai. *formaliter tali præcisè*, neg. mai. & sub eadem distinctione neg. min. Virtualis dimanatio dicitur quævis connexio; siue Phisica, siue Logica, dummodo sit talis, ut ex vi antecedentis sequatur infallibiliter, & à priori con-

consequens, hoc enim sufficit ad veram scibilitatem. Sic Metaphysica demonstrat de ente attributa, quæ non sunt distincta, nisi penes explicitum ab ipso, ac proinde quæ formaliter non dimanant ab eo; sic etiam in Logica à priori demonstratur, quod modus sciendi sit directivus operationum intellectus, & quod definitio sit clarior definito.

221 *Ad ultimam disting.* mai. quod non est simpliciter cognoscibile *cognoscibilitate complexa* non est simpliciter scibile conced. mai. *cognoscibilitate incomplexa*, neg. mai. cognoscitur aliquid incomplexè, cum primò absolute cognoscitur, & cum in hac cognitione ens rationis dependeat ab ente reali, quia per huius speciem cognoscitur, inde fit, quod ens rationis non est simpliciter cognoscibile incomplexè, & in hoc sensu vera est minor argumenti. Cognoscitur verò aliquid complexè, cum aliquod prædicatum affirmatur, aut demonstratur de illo, & hoc modo ens rationis non dependet formaliter ab ente reali, sed præsuppositivè tantum, in quo sensu falsa est min. & nulla consequentia, quia sola cognoscibilitas complexa est formaliter superior ad scibilitatem.

222 *Ad confirm.* principalis argumenti neg. mai. Ad eius prob. iterum neg. mai. quia cum intellectus se extendat primario ad aliqua obiecta, & secundario ad alia, sicut indiget habitibus per se pri-

mo determinantibus ad illa attingenda, ita quibus per se primò determinetur ad attingenda ista. Nec inconsequentia vlla est in eo, quod dixerimus ens rationis ut scibile non dependere formaliter ab ente reali, & modo dicamus esse obiectum secundarium, de cuius ratione est non attingi, sine dependentia ab obiecto primario. Nam quod in tali modo scibilis non dependeat, non probat quod absolute non dependeat, ac proinde nec quod absolute non sit obiectum secundarium. Hinc cum aliquid demonstramus pro hoc statu de rebus spiritualibus, talis demonstratio, & scibilitas non dicit formaliter dependentiam à rebus materialibus; & nihilominus, quia absolute nequeat pro hoc statu intelligi nisi per species rerum materialium, sola quidditas materialis, seu rei materialis est obiectum primarium, proportionatū intellectus pro hoc statu. Aliud est ergo non exprimere dependentiam sub hac, vel illa talitate, aliud non dependere absolute.

223 *Quod si dicas.* De ratione obiecti secundarii est non attingi nisi dependenter ab obiecto primario: ergo si ens rationis ut scibile non attingitur dependenter ab ente reali, ut scibile non est obiectum secundarium. *Deinde.* Post detectam difficultatem in attingentia obiecti primarii, nulla restat difficultas formalis in attingentia secundarii: ergo nequit dari habitus, quo per se primo determinetur,

72
tur, & fiat facilis intellectus, ad attingendum obiectum secundarium.

224 *Respond.* ad 1. concessio anteced. disting. conseq. non est obiectum secundarium respectu ad hanc attingentiam Logicalem, ut talis attingentia est, conced. conseq. ut attingentia intellectus est, neg. conseq. Attingentia quippe scientifica entis rationis potest considerari ut talis attingentia, & ut attingentia intellectus est: ut talis attingentia est, non exprimit dependentiam ab ente reali, quia dependere ab illo, est quid commune omnibus actibus intellectus à solo ente reali specificatis; cæterum secundam communem rationem attingentia intellectus ab illo dependet, quia intellectus attingentia non foret, nisi aliquomodo cōnotaret ens reale, cuius species est semper causa, & origo cuiuscunque actus. Sicut actus charitatis erga Petrum non differt ab actu charitatis erga Paulum, quia attingit Petrum in ordine ad Deum, in hoc enim potius conveniunt illi duo actus: tamen actus charitatis non foret, si Petrus non attingeret in ordine ad Deum, à quo solo specificatur habitus charitatis. Sed hæc spectant ad lib. 3. Animalisticum, ubi art. 3. probamus exprofecto ens rationis esse obiectum tantum secundarium intellectus.

225 *Ad 2. replicam* disting. anteced. Post de victam difficultatem in attingentia obiecti primarij habitus nulla reſtat difficultas in

attingentia obiecti secundarij eiusdem habitus, conced. antec. in attingentia obiecti primarij potentia, non est difficultas in attingentia obiecti secundarij potentia, neg. antec. Instoque argumentum, nam in via D. Thomæ per quamlibet demonstrationem ita vincitur difficultas formalis erga obiectum primarium habitus, ut alius habitus non sit necessarius ut constabit art. 6. & tamen non ita vincitur per illam difficultas erga obiectum primarium intellectus, ut alij habitus demonstrativi non dentur erga illud, aliàs vnus tantum habitus scientificus sufficeret ad omnia scibilia: nulla est ergo paritas quoad hoc inter obiectum primarium potentia, & habitus. Hinc intellectus est primario speculativus, & tantum secundario practicus in probabili sententia plurium negantium differentias per se primo speculativi, & per se primo practici posse vlli entitati competere; cum tamen evidens sit intellectum indigere, præter habitus speculativos, habitibus, quibus per se primo determinetur ad actus practicos,

226 *Ad id* tandem, quo argumentum urgebatur, concessa mai. neg. min. Ad prob. dist. mai. quam ei dat per modum forme intrinsecæ ens rationis neg. mai. per modum termini extrinseci conced. mai. Et disting. min. Ens rationis nequit dare per modum forme intrinsecæ speciem realem conced. min. per modum termini extrinseci, neg. min. & con-

conseq. Specificativum intrinsecum, ac proinde forma intrinseca Logicæ est ordo ad suum obiectum, qui ordo est realis, & indistinctus ab entitate Logicæ, quæ per se ipsam dicit ordinem ad suum obiectum: Specificativum extrinsecum est ipsum obiectum, quod talem Logicæ ordinem terminat, & hoc est ens rationis, quod nihilominus potest dare speciem realem, quia eam sic dare per modum termini extrinseci nil aliud est, quam quod in attingentia illius essentia habetur, vel actus consistat.

227 *Si dicas.* Ab specificativo extrinseco dependet specificatum: sed ens reale nequit dependere ab ente rationis, cum perfectius ab imperfectiori pendere non possit: ergo nec extrinsecè potest specificari Logica ab ente rationis. *Neg. min.* quia perfectius potest indigere imperfectiori, ac per consequens dependere, qua ratione verè dependet forma à materia, esto sit longè perfectior materia: dependet ergo Logica ab ente rationis, quia in huius attingentia consistit essentia Logicæ. Sed de hoc latè lib. 1. de anima q. 3. art. 2. in qua agimus de specificativo scientiarum.

228 *Si istes.* Scientia non utcumque dependet ab obiecto primario, sed dependet ab eo, ut à fine, unde ordinatur ad ipsum: sed finis est perfectior his, quæ ordinantur ad ipsum: ergo obiectum primarium scientiæ est perfectius scientiæ. *Disting. mai.* dependet ab eo, ut à fine latè sumpto conced. mai. ut à fi-

ne latè sumpto neg. mai. Actiones quippè immanentes sunt se ipsi finis potentie, vnde obiectum, ad quod ordinantur, est earum finis latè, & proptèr est idem, ac terminus, nec enim Logica instituta est propter ens rationis, sed propter attingentiam illius, in quo sanè differunt ab actionibus transeuntibus, quæ sunt propter suum obiectum ut propter proprium finem, calefactio enim est propter calorem, & edificatio propter ædificium: finis autem latè talis, & proptèr est idem, ac terminus, etsi possit, non tamen necessariò petit excedere simpliciter in perfectione specificatum, sed solum secundum quid, sub expressione scilicet specificantis: de quo latè in loco cit.

229 *Contra secundam conclusionem* obijc. Logica in quantum utens est Logica in quantum construit demonstrationem: sed est scientia in quantum construit demonstrationem: ergo est scientia in quantum utens. *Prob. min.* Tum quia est scientia in quantum demonstrat: sed construere demonstrationem est ipsum demonstrare: ergo est scientia in quantum construit demonstrationem. Tum ex hoc ipso. Vt regulis scribendi nil aliud est, quam iuxta ipsas in exercitio scribere, & ut regulis edificandi nil aliud est, quam iuxta ipsas in exercitio edificare: ergo ut regulis demonstrandi, & sciendi, nil aliud est, quam iuxta ipsas in exercitio demonstrare, & scire: sed construere demonstrationem nil aliud est, quam ut regulis

demonstrandi, & sciendi: ergo nil aliud est quàm in exercitio demonstrare, & scire.

230 *Confirm.* Philosophia vt vtens Logicæ præceptis ad suas demonstrationes conficiendas est vere, & propriè scientia, nullus enim dixit, quod Philosophia (idem de reliquis scientijs) amittat rationē scientiæ per hoc, quod vtatur Logica ad suas demonstrationes conficiendas: ergo ipsa Logica vt vtens suis præceptis ad demonstrationes conficiendas est scientia. *Explicatur.* Logica dirigit Philosophiam vt scientiam formaliter, alias esset falsum in sensu formali, quod Logica dirigit alias scientias: sed Logica dirigit Philosophiam, in quantum hæc vtitur regulis Logicæ ad demonstrationes conficiendas: ergo Philosophia est scientia, in quantum vtitur regulis Logicæ ad demonstrationes conficiendas, ac per consequens ipsa Logica vt vtens suis regulis ad construendam demonstrationem est scientia.

231 *Vrgetur.* Mentalis constructio demonstrationis est formaliter discursus, cum sit opus terciæ operationis intellectus: sed non est discursus purè probabilis, opinativus, aut sophisticus, cum supponamus syllogismum esse demonstrativum: ergo est discursus formaliter scientificus, ac proinde scientia formaliter.

232 *Resp.* prænotando ex dictis in art. præcedente, quod cum idem indivisibilis actus Logicæ sit doctrina, & vsus, dubium non est

an actus conficiens demonstrationem sit demonstrativus, sed an sit demonstrativus eius, cuius est vsus, seu in quantum est vsus; cum ei in actus subeat denominationē vsus respectu regularum, quas applicat, & denominationem doctrinæ respectu illius obiecti, cuius est assensus, & cuius naturā docet; partem intererit, quoad præsens litigium probare, quod actus vtens, siue vsus sit demonstrativus (quod fatemur) si ulterius non probetur hoc habere in quantum est applicatio, & vsus, ac proinde respectu cuius vniçè denominatur vsus ille actus; aliter, idem actus formaliter in quantum vsus erit doctrina, & è converso contra id, quod ex art. præcedente supponimus, vsum scilicet, & doctrinam esse duo munera inæquata eiusdem actus, & habitus: ac proinde quod præsens litigium est de vsu formaliter vt tali, & vt à munere doctrinæ distincto.

233 *Hinc* ad argumentum concessa mai. neg. min. Ad 1. prob. dist. mai. Est scientia in quantum demonstrat. secundum quod demonstrare dicit assensum erga obiectum demonstratum conced. mai. secundum quod in vult applicationem regularum sub disting. Est scientia identicè conc. mai. formaliter neg. mai. & disting. min. construere demonstrationē est ipsum demonstrare, secundum quod ly demonstrare involuit applicationē regularum conced. min. secundum quod dicit assensum erga obiectum neg. in sensu formali min. & consequ. Ille actus formaliter vt constructio syllogismi nil aliud est

est, quam applicatio regularum, de quibus nil demonstrat, nec ut talis applicatio dicat rationem assensus erga obiectum demonstratum, in quo assensu, & doctrina stat formaliter ratio scientiæ,

234 *Ad 2. min. prob. concessio* anteced. disting. conseq. Vti regulis demonstrandi, & sciendi est ipsum demonstrare, & scire obiectum, cuius ille actus est doctrina, conced. conseq. regulas, quarum est usus, neg. conseq. nam aliud est, quod ille actus utens regulis sit scientia obiecti, cuius naturam docet; aliud quod hoc habeat ex quo est applicatio regularum, de quibus nil demonstrat: ut applicatio enim, & usus eodem modo se haberet, siue materia, ad quam applicantur regulæ, esset demonstrativa, siue non; imò si litteris A. B. C. applicarentur; quod si materiam demonstrativam perit, eam non petit titulo usus, sed titulo doctrinæ scientificæ; quæ solum erga veritates necessarias versatur. Nec est simile de actionibus in antecedente relatis, siquidem nec informatione materiali characterum; nec in actione ædificativa est ratio doctrinæ, sicut in usu, de quo loquimur, & de quo est litigium, ut à munere doctrinæ distincto. Est tamen aliquid simile quoad hoc; quod si cut utens regulis ædificandi ædificat domum, non regulas, quibus utitur; ita utens regulis demonstrandi demonstrat, non regulas, quibus utitur, sed obiectum, cuius naturam docet.

235 *Ad confirm. disting. anteced. Philosophia ut utens Logice præceptis est scientia* h. ut specificatus sumpto, conc. anteced. sumpto reduplicativè neg. antec. & conseq. Nec per hoc intendimus, quod Philosophia titulo utentis Logica ammittat rationem scientiæ; aliud est enim, quod perdat rationem scientiæ; aliud quod rationem scientiæ non explicet, seu non dicat; hoc secundum asserimus, secus primum. Hinc ad explicationem disting. mai. Logica dirigit Philosophiam ut scientiam formaliter h. ut dicente id, ad quod immediate dirigit neg. mai. dicente id, ad quod mediate dirigit conced. mai. scientifica veritas assensusi demonstrativæ Philosophici (idem de reliquis scientiis) est finis extrinsecus, & mediatas Logicæ dirigentis, intrinsecus autem, & immediatus est artificiosa demonstrationis dispositio iuxta dicta supra art. 2. hæc autem artificiosa dispositio provt comparata ad Logicam eius naturam docentein, & eius proprietates demonstrantem, denominat Logicam formaliter scientiam; provt est autem usus in exercitio, & applicatio regularum, nec Logicam, nec quemvis habitum ut utentem denominat formaliter scientiam, licet quia ad hoc est ille usus, ut proprietates entis mobilis Philosophia scientificæ doceat, dicatur, & rectè, Logicam dirigere alias scientias.

236 *Ad id, quo argumentum arguitur disting. mai. Mensuræ*

constructio syllogismi est formaliter discursus, *quoad id quod discursus involuit applicationis regularum*, conced. mai. *quoad assensum resolutorium*, neg. mai. in sensu formali, & concessa min. neg. conseq. nam in illa applicatione non explicatur formaliter ratio scientiæ, sed artis compositivo modo iuxta regulas procedentis, & qui modus in illa materia demonstrativa reducitur ad scientiam, et si scientia formaliter non sit, nisi ex quo est doctrina resolutorie procedens erga obiectum. Ex quibus constat, quod licet totus habitus Logica (vixote indivisibilis entitas) adquiratur demonstratione, hoc solum probat, quod Logica utens sit identice scientia, quia non petit tit. lo utentis, & modo compositivo procedentis adquiri demonstratione, sed titulo docentis, & resolutorie procedentis.

§. III.

Statuitur tertia conclusio.

237 **I** Logica est proprie, & simpliciter ars liberalis. Antequam conclusio probeatur, notandum est 1. ex Philosopho lib. 6. Ethic. cap. 4. quod ars est habitus cum vera ratione faciens, vel ut inquit D. Thomas 1. 2. quæst. 57. art. 3. est recta ratio operum faciendorum, id est, dictamen, sive iudicium rectum docens quomodo sit opus faciendum: ubi observatur quod facere dupliciter accipitur,

vel stricte, pro actione scilicet transseunte in exteriorem materiam, ut vrere, & secare; vel late pro qualibet operatione, sive interna, sive externa, quæ non sit actio stricte sumpta, in quo sensu intelligere est facere. Hinc ortum habuit celebris artium divisio in mechanicas, & liberales: Mechanicæ sunt, quæ exercentur per potentias corporis, quod serviliter subiectum est animæ; hæc sunt stricte factive, & earum numerus continetur hoc versu.

*Rus, Nemus, Arma, Rates, Vulnera,
Lana, Faber.*

In quibus verbis significantur Agricul-tiva, Venatoria, Militaris, Nautica, Chirurgica, Textoria, & Fabrilis. Liberales dicuntur, quæ exercentur per potentias animæ, quæ libera est, suntque septem, hoc versu comprehenduntur.

*Lingua, Tropus, Ratio, Numerus,
Tonus, Angulus, Astra.*

Id est, Grammatica, Rhetorica, Dialectica, Arithmetica, Musica, Geometria, & Astrologia.

238 Notandum est 2. quod ars duas requirit conditiones, alteram ex parte materiæ, alteram ex parte formæ, sive regularum: ex parte materiæ petit, quod non sit determinata, sed indifferens ut fiat, & non fiat, vel ut bene, & malè fiat: ex parte vero regularum requiritur, quod regulæ sint certæ, & universales, quibus notatis,

239 Probatur conclusio ex D. Thoma lib. 1. Poster. lect. 1. dicente: *Ars quedam necessaria est, quæ sit*

directiva actus rationis; & hæc est ars Logica, & idem asserit opusc. 79. redens rationem, cur, inter cæteras Scientias, Mathematicæ, & Logica artes dicatur. Deinde. prob. ratione. Ars propriè, & simpliciter liberalis est, quæ per certas, & vniuersales regulas dirigit ad opus, non seruire, sed liberam, & quod ex se est indifferens, seu potest bene, & malè fieri: sed Logica est huiusmodi: ergo est propriè, & simpliciter ars liberalis. Mai. ex prænotaris constat, & min. prob. quoad regulas quidem; quia Logicæ regulæ pro constructione instrumentorum sciendi, diffinitionis scilicet, diuisionis, & argumentationis, sunt omnino certæ, & vniuersales; quod autem opus, ad cuius constructionem dirigit, non sit seruire, sed liberum, patet, cum non sit opus corporis, sed rationis, quæ in homine cæteris potentij præest: quod autem sit indifferens ex parte materiæ dirigibilis constat ex dictis supra art. 2. §. 1. ergo minor est vera.

240 *An autem sicut Logicam dicimus esse propriè, & simpliciter artem liberalem, dicenda sit propriè, & simpliciter ars, quæstionem continet de nomine, vtrum, scilicet, artes liberales sint propriè, & simpliciter artes.* Si enim attendatur ad earum materiam, cum opus ad quod dirigitur, sit opus secundum quid, & eius constructio non sit propriè factio, actio scilicet transiens in externam materiam, quæ sola propriè est actio

de prædicamento actionis; videtur quidem dicendum eas non esse propriè, & simpliciter artes, siquidem artem dixit Philosophus esse habitum cum vera ratione factivum; vnde D. Thomas 1. 2. q. 57. art. 3. vocat Logicam similitudinariè artem. Si verò attendatur, quod per certas, & determinatas regulas dirigunt, non minus, quam aliæ artes, videtur quod sint simpliciter artes; & quod licet nomen *ars*, attentata sua impositione, sit impositum ad significandas artes mechanicas, in quo sensu diffiniuit artem Philosophus; attentata tamen significatione, quam habet ex usu, etiam significat artes liberales, quæ consueverunt etiam dici absolute artes, ideoque D. Thomas in locis cit. absolute Logicam vocat artem; sicut lux propriè dicitur in spiritualibus iuxta eundem S. D. 1. p. q. 61. art. 1. non proprietate primæ impositionis, sed vsus. Dissidium ergo est de voce, in quo liceat cui libet sic, vel aliter loqui.

241 *Contra propositam conclusionem videtur ob stare, quod ars exigit aliquas condiciones oppositas scientiæ, vt procedere modo compositivo circa singularia, & contingentia, & quæ possunt bene, & male fieri; cum ab opposito scientia procedat modo resolutorio circa vniuersalia, quæ per se habent esse, & aliter se habere non possunt; vnde Philosophus in 6. Ethic. cap. 4. artem diuisit contra scientiam: ergo nequit eidem ha-*

bitui competere ratio scientiæ, & artis.

242 *Resp.* Quod ars mechanica exigit conditiones repugnantes scientiæ, non tamen ars liberalis: nam licet scientia sit circa universalia modo resolutorio procedens, quoad suos actus primarios, permittit tamen (nec excludit) quoad actus secundarios modum compositivum, iuxta dicta in secunda conclusione: ex quo solū sequitur, quod formaliter, in quantum scientia, non sit ars, non tamen quod non sit ars, quod exemplis supra est confirmatum. Similiter etiam in ipsa materia, seu actu, circa quem est scientia, est indifferentia, ut coniunctus cum alio actu, seu apprehensione componat rectam diffinitionem, quam non componeret, si cum alio coniungeretur, & idem de objectis, materialibus, seu quæ sunt materia; nam hic conceptus tam formalis, quam objectivus animal, si coniungatur cum rationali componet diffinitionem hominis, secus si non coniungatur; & sic est materia bene, vel malè disponibilis, licet diffinitio ipsa, si semel diffinitio est, nequeat esse defectuosa iuxta dicta supra art. 2. §. 1. quod etiam accidit in quacunque arte, nam licet domus, si semel est domus, necessario debeat habere, quæ ratio domus exigit, possunt tamen lapides, & ligna vel bene disponi, ut existat domus; vel malè ita, ut quid diversum à domo existat. Philosophus autem divi-

sit ibi contra scientiam artem mechanicam. vel si de liberali etiam est ibi sermo, sufficit, quod ratio scientiæ sit formaliter diversa ab arte, per hoc quod ars positivè petit modum compositivum, què permittit, & non petit ratio scientiæ. Sic rectè dividitur bonum in honestum, utile, & delectabile, quin ex hoc inferatur, quod idem bonum non possit triplicem illam rationem boni in se adunare.

A R T. V.

Utrum Logica sit scientia practica, vel speculativa?

243 **T**ot sunt in hac parte sententiæ quot modis potest resolvi quæstio, nam alij Logicam nec esse practicam, nec speculativam, alij simul practicam, & speculativam, nonnulli purè practicam, plerique tenet esse tantum speculativam. Disidium tamen ferè totum videtur de voce, cum tota difficultas sita sit in statuendo quid sit praxis; sed cū in ipsa principalis dubij resolutione, necessum sit probare, quod opus, ad quod dirigit Logica, non sit praxis, ut probetur Logicam esse scientiam speculativam, ideò ne praxis quidditatem seorsim investigantes indigeamus postea probationes repetere, praxis explanationem inter confirmandam conclusionem subijciemus; pro qua.

§. I.

Traditur, discrimen inter scientias practicas, & speculativas.

144. **D**ifferunt scientiæ practicæ, & speculativæ ex fine, ex obiecto, & ex modo procedendi. Differunt ex fine, quia iuxta Philosophum lib. 61. Metaph. text. 3. *Speculative finis veritas, practice autem opus*, id est, habitus speculativus querit scire propter scire, practicus querit scire, vt operetur. Vbi observanda sunt duo: *Primum* est, quod finis sic distinguens huiusmodi scientias, debet esse finis scientiæ, ad quem scilicet ipsa ab intrinseco ordinatur, non finis scientis, ad quem scilicet habens scientiam illam ordinat; qua ratione Philosophia est scientia speculativa, etiam si quis eam addiscat propter aliquod opus faciendum, quia ipsa ex se, non ad opus, sed ad contemplationem veritatis ordinatur: contra vero Medicina est scientia practica, licet quis eam querat propter præstare sciendum, quia illa ex se inclinat ad opus. *Secundum* est, quod finis sic discernens non debet esse finis solum huius, vel alterius actus, sed finis totius scientiæ; vnde scientia erit speculativa, si obiectum attributionis sit verum, cuius contemplatio propter se ipsam queratur; erit autem practica, si obiectum attributionis sit opus, cuius constructio principaliter intendatur. *Ex quo obi-*

ter colligitur nullam scientiam (etiam superioris ordinis) posse esse simpliciter, & primario practicam, & speculativam, quia repugnat, quod totius scientiæ, quæcumque illa sit, finis principalis sit contemplatio, & simul totius scientiæ finis principalis sit operis constructio.

145. *Differunt ex obiecto*; quia scientia practica agit de re operabili, vt operabili; speculativa vero, vel non agit de re operabili, vel non agit de ea, vt operabili; Agere de re operabili, vt operabili, est agere de re operabili medio actu dictante quomodo opus faciendum sit, ac proinde actus practicus debet esse proxima regula operis. Hinc iste actus, *animas rationalis est immortalis*, practicus non est; licet ex eo possit remotione sumi occasio operandi, quia ipse nil de opere efficiendo dicitur: & ex his duobus actibus, qui videntur æquivalere, *triangulus habet tres angulos, triangulus debet fieri ex tribus angulis*, primus est speculativus, quia naturam trianguli considerat, nil ex modo tendendi dictans circa illius efficientiam; secundus vero est practicus, quia modum, quo debeat fieri triangulus, præscribit.

146. *Differunt tandem ex modo procedendi*, quia scientia speculativa modo tantum resolutionis petit procedere, etsi quoad actus aliquos secundarios permittat procedere modo compositivo; scientia vero practica positive, & principaliter petit modum compositi-

tivum, ita ut si quem habeat processum resolutorium, sit propter modum compositivum, quem principaliter intendit. Procedere modo resolutorio est procedere demonstrando veritatē per causas, & principia: procedere modo compositivo est procedere tradendo modum, quo res est ponenda sub existentia: sed quia ipse modus efficiendi opus, potest tradi demonstrativē, ut si quis demonstret domum debere fieri ex parietibus, tecto, & pavimento, quia ordinatur ad defendendum nos ab incommodis temporum, quæ est demonstratio per causam finalem; ideo non assentimur his, qui tenent nullam dari scientiam practicam, quia scilicet habitus practicus petit procedere modo compositivo. *Tum* quia solemne est apud Philosophos dividere scientias in practicas, & speculativas. *Tum* quia Medicina quoad partem theoricam est scientia, & tamen secundum D. Thomam in opusc. 70. secundum se totam est practica. *Tum* ex dictis; nam si habitus finis sit res operabilis, ut modo compositivo operabilis, est habitus practicus, etsi talem modum demonstrativē tradat, est habitus scientificus: sed stat, quod habitus demonstrativē tradat, seu doceat quomodo res operabilis, quam ut talem habet pro fine, sit ponenda in re: ergo stat, quod habitus sit practicus, & scientificus. His suppositis.

§. II.

Resolvitur dubium.

247

Logica est scientia simpliciter speculativa, & solum secundum quid, seu similitudinariē practica. Ita omnes Thomistæ, & communiter Scotistæ contra AA. ex Schola Societatis, quorum aliqui Logicam partim practicam, & partim speculativam, alij simpliciter practicam esse defendunt. Et quidem quo ad secundam partem conclusio ex eo videtur certa, quia ut Logica sit similitudinariē, & secundum quid practica, sufficit quod dirigat ad aliquid, quod sit admodum cuiusdam operis, & ad modum praxis: sed constructio syllogismi, ad quā dirigit Logica, & si non sit opus simpliciter, est tamen admodum cuiusdam operis, & praxis, ergo Logica secundum quid, & similitudinariē est practica; & hoc est, quod dixit D. Thomas 1.2. quæst. 57. art. 3. ad 3. quod in ipsis speculabilibus est aliquid per modum cuiusdam operis, puta, constructio syllogismi, aut orationis congrua. Difficultas ergo est in illa particula exclusiva *solum*, quam apponimus, & qua intendimus Logicam esse ita similitudinariē practicam, ut simpliciter practica non sit, sed pure speculativa.

248

Prob. 1. ex Angelico Precept. 12. quæst. 51. art. 2. ad 3. dicente: Etiam in speculativis alia ratio-

nalis scientia est Dialectica, quæ ordinatur ad inquisitionem veritatis, & alia scientia demonstrativa, quæ est veritatis determinativa; vbi Dialecticam, seu Logicam numerat inter scientias speculativas. Sed expressius, & oppositè sententiæ fundamentum rejiciens tum in loco supra cit. ex 1. 2. vbi postquam dixit esse etiam in ipsis speculabilibus aliquid per modum cuiusdam operis, vt constructio syllogismi, & orationis congruæ, subdit: Et quicumque ad huiusmodi opera rationis habitus speculativi ordinantur, dicuntur per quandam similitudinem artes. Tum 2. 2. quæst. 47. art. 2. ad 3. vbi ait, quia ratio speculativa quedam facit, puta syllogismum, propositionem, & alia huiusmodi, in quibus proceditur secundum certas, & determinatas vias, inde est, quod respectu horum potest salvari ratio artis, non autem ratio prudentiæ, & ideo invenitur aliqua speculativa ars, non tamen prudentia.

249 Ex his non solum constat, quod D. Thomas senserit, quod Logica sit speculativa, sed etiam quod non sit practica, & quod ad rationem practicæ suadendam est insufficientis fundamentum oppositæ sententiæ: Ideo enim Logica esset simpliciter practica, iuxta AA. oppositos, quia ordinatur ad opus, ad constructionem scilicet instrumentorum sciendi, ad eius efficientiam dirigens per certas, & determinatas regulas: sed hoc fundamentum ludicat Divus Thomas insufficientis, vt sit practica, si quidem asserit, quod ratio speculativa est, quæ eiusmodi opera facit, & quod habitus,

ad eiusmodi opera ordinati, sunt speculativi: ergo sensit nullum esse caput, ex quo Logica sit simpliciter practica.

250 Hinc prob. 2. conclusio ratione. Scientia, cuius vnicus finis est recta speculatio, ita est simpliciter speculativa, vt non sit simpliciter practica: sed Logica est scientia, cuius vnicus finis est recta speculatio: ergo ita est scientia simpliciter speculativa, vt non sit simpliciter practica. Mai. ex prænotatis est certa: nam hoc ipso, quod finis scientiæ sit recta speculatio, est simpliciter speculativa: aliàs si iste finis est vnicus, nullus restat finis, à quo ei proveniat denominatio simpliciter practicæ: erit ergo ita simpliciter speculativa, vt non sit simpliciter practica. Min. verò prob. vnicus finis Logicæ est ita ordinare, & disponere obiecta, vt intellectus in eis attingendis rectum observet modum indagandi veritatem: sed totum hoc nil est aliud, quam rectè speculari, cum totum sistat in recta veritatis contemplatione: ergo vnicus finis Logicæ est rectè speculari.

251 Confirm. & explicatur. Ideo vnicus finis Logicæ non esset rectè speculari, quia finis intrinsecus illius est constructio instrumentorum sciendi, quam suis regulis dirigat: sed dirigere ad hanc constructionem est dirigere ad ipsummet rectè speculari: ergo Logica nullum alium finem habet, nisi rectè speculari. Prob. min. Dirigere ad illam constructionem est dirigere ad id, quod exequens intellectus

rum, sumitur ab opere exteriori, ad quod non habet ordinem habitus speculativus; ergo practicum sumitur ab opere exteriori, extra intellectum scilicet existente: sed praxis est opus, à quo sumitur practicum, seu ratio practici: ergo praxis est opus exterius, opus scilicet extra intellectum, sive diversæ potentiæ ab intellectu. Tum quia praxis est opus contra distinctum ab speculatione: sed quod præcisè est opus solius intellectus, seu intra ipsum, est speculatio: ergo praxis est opus, quod sit alterius potentiæ ab intellectu.

255 *Nec valet si dicas, quod praxis non est formaliter speculatio potest tamen cum illa identicè concidere, nam eadem hominis diffinitio, quæ per ordinem ad obiectum est speculatio, ut est quoddam opus factibile iuxta regulas, est praxis, & opus aliquo modo exterius respectu habitus dirigentis.*

256 *Nam contra est 1. ex præfacto D. Thomæ testimonio: opus, à quo sumitur ratio practici, est opus contra divisum ab opere interiori, intra intellectum scilicet manente: sed opus, quod præcisè dicitur ab AA. oppositis exterius quia non elicitur ab habitu dirigente, est opus verè interius, verè scilicet intra intellectum manens: ergo non est opus, à quo sumatur ratio practici, ac proinde non est praxis. Deinde. Opus præcisè exterius respectu habitus dirigentis, est opus, ad quod habitus speculativus ordinatur, habitus scilicet specula-*

tionem ipsam (quæ iuxta solutionem est opus) eliciens: sed D. Thomas nomine operis exterioris intelligit opus, ad quod habitus speculativus non ordinatur, seu non dicat ordinem: ergo opus, quod est praxis, non est opus exterius præcisè, quia non elicitur ab habitu dirigente, sed quia elicitur ab alia potentia ab intellectu.

257 *Contra 2. Sola extensio ad opus facit aliquem intellectum esse practicum iuxta D. Thomam q. 14. de Veritat. art. 4. ergo dum intellectus non se extendit ad opus, non est practicus: sed non se extendit ad opus, dum opus, circa quod versatur, non est opus alterius potentiæ ab intellectu: ergo solum opus alterius potentiæ ab intellectu est praxis, à qua intellectus sit practicus. Omnia constat, præter min. subsumptam, quæ sic prob. se extendere est extra se tendere: sed intellectus extra se non tendit, dum non versatur circa opus, quod sit opus alterius potentiæ: ergo non se extendit ad opus, dum id, circa, quod versatur, non est opus alterius potentiæ. Nec dicās, quod dum intellectus non sinit in cognitione obiecti, sed transit ulterius ad dirigendum quomodo cognitio sit faciēda; satis extēditur. Nam contra est, quia intellectus extra se non tendit, dum tendit ad solam cognitionem: sed dum præcisè dirigit quomodo sit faciēda cognitio, ad solam cognitionem tendit: ergo extra se non tendit, dum præcisè dirigit quomodo sit faciēda cognitio.*

258 *Contra 3.* Dum solutio asserit, quod ipsa cognitio, & speculatio, ut est quoddam opus per certas regulas dirigibile, est praxis, vel per hoc intendit quod sit admodum alicuius operis, & admodum alicuius, quod similitudinariè sit praxis; vel intendit, quod simpliciter, & absolutè sit opus, & praxis: Si primum, non est ad rem præsentis litigij; secundum autem est falsum: ergo solutio penitus est nulla. Min. quo ad 1. partem patet, nam minimè dubitamus, quod in ipsis speculabilibus est aliquid per modum cuiusdā operis, ut docuit nos supra D. Thomas, ex quo deduximus Logicā esse secundum quid, & similitudinariè practicam. Quoad 2. verò partem prob. Opus simpliciter tale, & simpliciter praxis est opus, quod est finis scientiæ simpliciter practicæ: sed speculatio ut dirigibilis nō est opus, quod sit finis scientiæ simpliciter practicæ: ergo nec est opus simpliciter tale, & simpliciter praxis. Prob. min. Opus quod est finis scientiæ practicæ est opus, quod respicit intellectus, ut per ipsum operetur, nō ut contempletur, aliās semper sitet in contemplatione, quod est proprium scientiæ speculative, ut cōtra distinetur à practica; sed speculatio ut dirigibilis, est opus, quod respicit intellectus, ut per ipsum opus contempletur, siquidem tale opus est ipsa contemplatio: ergo speculatio, ut dirigibilis, nō est opus, quod sit finis scientiæ practicæ.

259 *Denique.* Si speculatio ut

dirigibilis esset opus sufficiens de nominare simpliciter operativum seu practicum habitum dirigentem, etiam sufficeret ad sic denominandum habitum ipsam speculationem elicientem: consequens est falsum, aliās nulla esset scientia purè speculativa cōtra communem omnium acceptionem: ergo falsum est antecedens. Prob. sequela. Tū quia opus sufficiens de nominare simpliciter operativum, aut practicum facultatem ad ipsum dirigentem, eadem, imò maiori cum proprietate denominabit simpliciter operativam, aut practicum facultatem ipsum opus elicientem, & ut ita dicam, practican-tem, quia propter quod unū quodque tale, & illud magis, si enim habitus dirigens, quia dirigit ad speculationem faciendā, est operativus, magis operativus erit ipse habitus speculationem eliciens. Tū quia habitus directivè operativus, & habitus executivè operativus sunt correlativa, nam id ipsum facit habitus exequens, quod faciendum præscribit habitus dirigens: ergo si dirigens est simpliciter operativus, & inde simpliciter practicus, etiam erit simpliciter operativus, & inde practicus, habitus speculationem exequens. Tū tandem: nam practicum, & operativum idem sonat. quoad presens apud D. Thomam, supradicentem: Practicum ergo, vel operativum, quod dividitur contra speculativum: sed si semel speculatio est simpliciter opus, habitus ipsam eliciens est simpliciter operativus: ergo practicus.

§. III.

Solvuntur argumenta.

160 **O**bjec. 1. D. Thomā lib. 1. Metaph. lect. 3. docentē, quod Logica non queritur propter se, sed ut introductoria ad alias scientias: sed scientia speculativa queritur propter se, propter solam scilicet contemplationem veritatis: ergo Logica non est scientia speculativa.

161 *Confirm.* Scientia, quę idēō contemplatur, ut operetur, est scientia simpliciter practica: sed Logica contemplatur, ut operetur: ergo est scientia simpliciter practica. Prob. min. Logica eatenus cōtemplatatur instrumenta sciendi, ut intellectum dirigat ad eorum constructionem: ergo idēō contemplatur, ut operetur.

162 *Respond.* concessa mai. disting. min. Scientia speculativa principalis queritur propter se, conced. min. scientia speculativa ministerialis neg. min. & conseq. fatemur Logicam non esse scientiam speculativam principalem, ut Philosophiam, Metaphysicam, & alias huiusmodi, quę queruntur propter se; est tamen essentia speculativa ministerialis, ad hoc scilicet inventa, ut alijs scientijs præbeat rectum modum indagandi veritatem, & sic non tam queritur propter se, quā propter alias scientias, quibus intra lineam speculationis deservit.

163 *Sidēas.* Logica non solum deservit scientijs speculativis, sed etiam practicis, siquidem scientias etiam practicas dirigit: ergo ordinatur ad aliquid extra genus speculationis, & consequenter est practica. *Disting.* anteced. sed etiam practicis, ut scientie sunt, conced. anteced. ut practicae sunt, neg. anteced. & conseq. Docet Logica, seu dirigit scientias practicas, ut diffinientes, dividentes, & demonstrantes recte procedat in indaganda veritate; ex qua parte illarū scientiarū nō excedunt fines contemplationis; excedunt autem illos, quia totum hoc ordinant ad opus exterius, de quo tamen Logica non curat.

164 *Ad confirm.* disting. mai. quę idēō contemplatur, ut operetur, opus, quod simpliciter est tale, & ab speculatione diversum, conc. mai. Opus, quod est ipsa speculatio neg. mai. & disting. min. contemplatur, ut operetur opus, quod est ipsa speculatio, conced. min. opus ab speculatione diversum neg. min. & conseq. Nam scientia practica habet pro fine opus, quod non sit ipsa contemplatio; quia habere pro fine opus, quod ipsa contemplatio sit, nil aliud est quam habere pro fine ipsum contemplari, quod est finis scientiæ speculativæ: constructio autem instrumentorum sciendi est opus secundum quid, & tale, quod est ipsa contemplatio; qua ratione Philosophia, & aliæ scientiæ huiusmodi constituunt suas demonstrationes, quā idēō sint scientiæ practicae, sed pure speculative.

265 *Dices.* Logica dirigens ad eiuſmodi constructionem non dirigit, vt contempletur: ergo dirigit ad opus, quod non est contemplatio, sed praxis. Prob. antec. Logica dirigit Philosophiam, v. g. vt hæc iuxta regulas Logicę circa definitionem efficiat definitionem hominis: sed Logica per definitionem hominis non contempletur: ergo non dirigit, vt contempletur.

266 *Resp.* omissio antec. disting. consequens: dirigit ad opus, quod non est contemplatio *ipsius Logicę* omit. consequens: *alterius scientiæ* neg. conseq. Opus, ad quod dirigit Logica, sunt obiecta aliarum scientiarum vt ordinate disposita, actus verò, quos dirigit, sunt actus aliarum scientiarum, quibus talia obiecta attingunt, & quibus actibus Logica non contempletur; quia non sunt elicitæ ab ipsa; contemplantur tamen alię scientiæ, quia sunt earum exercitia, & contemplationes; vnde nunquam dirigit ad aliquid, quod sit extra genus contemplationis, quod erat necessarium, vt esset practica. Nec ex hoc inferas, quod Logica non contempletur; quia aliud est, quod non contempletur per opus, ad quod dirigit, aliud quod non contempletur per actus, quibus ad eiuſmodi opus dirigit, & per actus etiam quibus talis operis naturam docet; primum est verum, & proprium scientiæ speculative ministerialis, quæ propter aliarum scientiarum contemplationem est pri-

mariorum instituta; secundum autem est omnino falsum. *Omissimus* autem antec. quia sermo est de directione aliarum scientiarum, quæ primario intendit scientia ministerialis, qualis est Logica, nam si sermo sit de directione, qua reflexè; & secundario Logica dirigit se ipsam, falsum est, quod non dirigit, vt ipsa contempletur; nam cum iuxta regulas definitionis à se traditas diffinit, v. g. *universale*, dirigit ad opus, per quod ipsa Logica naturam universalis contempletur.

267 *Obije.* 2. Et si opus, ad quod dirigit Logica, sit secundum quid opus, seu sit ipsa speculatio, sufficit; quod modo directivo ad ipsius efficientiam tendat, vt sit scientia simpliciter practica: ergo tota doctrina, cui nitimur, non subsistit. Prob. antec. 1. Hoc sufficit, vt agat de re operabili, vt operabili, distando scilicet quomodo efficienda sit: sed agere de re operabili, vt operabilis, est proprium scientiæ simpliciter practicę: ergo hoc sufficit; vt sit scientia simpliciter practica. Prob. 2. antec. Tendere modo directivo ad efficientiam speculationis, est procedere modo compositivo, non resolutorio: sed scientia purè speculativa procedit modo resolutorio, non; compositivo: ergo sic tendere sufficit, vt non sit scientia purè speculativa, ac proinde vt sit scientia practica. Prob. 3. *idem antec.* Scientia purè speculativa sistit in contemplatione sui obiecti: sed scientia, quę dirigit quomodo sit effi-

efficienda speculatio, non sinit, in cognitione sui obiecti: ergo non est purè speculativa.

168 *Confirm.* 1. Actus, quo prudentia dicitur hic, & nunc esse philosophandum, est actus simpliciter practicus: & tamen opus, quod dicitur eliciendum, est ipsa philosophica speculatio: ergo ipsa speculatio potest esse opus, à quo actus dicitur illius efficientiam sit practicus. *Confirm.* Esse secundum quid operativam sufficit ut ars liberalis sit simpliciter ars iuxta sententiam quam supra in art. preced. reputavimus probabilem; ergo etiam sufficit, ut scientia sit simpliciter practica, cum non minus sit de ratione artis ordinari ad opus, quam de ratione scientiæ, seu facultatis practiciæ.

169 *Resp.* neg. antec. Adeius 1. prob. disting. mai. Hoc sufficit ut agat de re operabili, ut operabili intra intellectum conced. mai. extra intellectum neg. mai. & disting. min. agere de re operabili ut operabili extra intellectum est proprium scientiæ practiciæ, conced. min. agere de re operabili ut operabili intra intellectum neg. min. & conseq. Id, de quo agit scientia practica, debet esse res operabilis simpliciter, quæ scilicet sit simpliciter opus, & ad cuius efficientiam dirigere, non sit dirigere ad ipsummet rectè speculati, cuiusmodi opus non est ipsa speculatio, ad quam dirigit Logica. *Instoque* argumentum in Arithmetica, quæ est de re operabili; sed quia opus numerandi est opus in-

tra intellectum, ipsa est scientia, purè speculativa.

170 *Ad 2. prob.* antec. disting. mai. est procedere modo compositivo ad extra neg. mai. ad intra conc. mai. & dist. min. Scientia speculativa procedit modo resolutorio, non compositivo ad extra conc. min. non compositivo ad intra neg. min. & conseq. quia modus compositivus proprius scientiæ practiciæ; & quem excludit scientia speculativa est modus compositivus ad extra, quo scilicet, opus, quod non est ipsa contemplatio; ponitur sub existentia; non modus compositivus intra intellectum; alias scientiæ purè speculativæ suas construentes, & componentēs demonstrationes essent practiciæ, seu non essent purè speculativæ. *Ad 3. prob.* disting. mai. Scientia speculativa principalis, & propter se intentata sinit in contemplatione sui obiecti conced. mai. scientia speculativa ministerialis, & inventa propter alias, subdisting. si sit in contemplatione sub obiecti, excludendo ordinem ad aliud extra genus contemplationis, conc. mai. ad aliud intra genus contemplationis neg. mai. Scientia speculativa ministerialis, qualis est Logica, non sinit in sola speculatione sui obiecti, sed ulterius ex hac transit ad dirigendum alias scientias ad constructionem instrumentorum sciendi, quæ scientiis deserviant; sed cum hoc totum sistat intra lineam speculationis, non est unde Logica induat rationem practiciæ.

171 *Ad 1. confr.* concessa mai. di-

disting. min. Opus quod dicitur elicendum, est ipsa philosophica speculatio, ut speculatio, & actus dependens a solo intellectu neg. mai. ut actus dependens ab applicatione voluntatis conced. min. & neg. absolute consequ. Quia denominatio practici in actu prudentiæ nō sumitur ab speculatione, sed ab applicatione voluntatis, quæ est actus alterius potentie ab intellectu: Prudentia enim immediate dicitur, quando, & in quibus circumstantiis voluntas debeat applicare intellectum ad speculandum, ut speculatio sit honesta, non ut sit vera intra lineam speculationis, de qua veritate speculativa Prudentia non curat. Nec ex hoc sequitur, quod Logica sit practica, quia actus, quos dirigit, dependent in sui elicentia ab applicatione voluntatis. Nam aliud est, quod dependant; aliud, quod dirigantur à Logica, ut dependent à voluntate: Logica enim dicitur retinere ordinem eorum speculativam, si vè eliciantur in debito tempore, si vè non eliciantur; si vè voluntas applicans ad illos sit honesta, si vè inhonesta, de quo non curat Logica, nec adaptam villo modo attrahet.

- 272 Al. 2. Confirm. ommissio anteced. neg. consequ. Nam & si ars non sit strictè operativa, habet per quid formaliter distinguatur à scientia, esse scilicet directivam per certas, & determinatas regulas, quod accidit scientiæ: at practicum, si non sit strictè operativum, non habet per quid distinguatur à specu-

lativum nam dirigere ad opus, quod est latè tale, & quod est ipsa recitatio speculationis, est habere pro solo fine ipsummet. rectè speculari, quod est formale munus scientiæ purè speculativæ.

- 273 Denique ubi, Logica dirigit distinctionem vocalem: hæc est opus externum; ergo dirigit opus externum, & consequenter est practica. Disting. mai. dirigit distinctionem vocalem, quoad eius sonum materiam neg. mai. quoad eius significationem internam conced. mai. sed secundum hanc distinctionem vocalis non est opus externum, sed internum, & solius intellectus, videtur neg. consequ.

ART. VI.

Utrum Logica sit simplex qualitas

- 274. **S**upponimus cum communem iam inter AA. sententiam, quod scientia habitus, de qua sola loquimur, consistit in qualitate ex vi prioris demonstrationis relicta per modum seminis, quo intellectus redditur facilis ad similes demonstrationes conficiendas, quæ facilitas nomine habitus designatur; & inquirimus, an hæc facilitas, si vè habitus scientificus sit simplex qualitas. Nec disputamus, sed supponimus Logicam esse unam scientiam secundum speciem aethericam, unitate desumptam ab uno obiecto attributionis, & ab uno fine intrinseco, ad quem omnes scientiæ tractatus referuntur, quæ-

quatenus nil Logica considerat, quod non ordinet ad perfectam notitiam sui obiecti attributionis comparandum; nec enim concedatur etiam à defendentibus, scientiam esse compositam qualitate plures Logicae specie distinctæ. Hic igitur unitate specifica supposita, vertitur in verum, an Logica sit composita qualitas ex pluribus habitibus, ita, ut alius habitus adquiratur per primam demonstrationem, alius per secundam, & sic de reliquis; vel an potius sit vnicus indivisibilis habitus, qui acquisitus per primam demonstrationem sufficiat ad omnes, & singulas scientiæ conclusiones demonstrandas.

§. I.

Statuitur conclusio.

275 **L**ogica est simplex qualitas. Oppositum sustinent frequenter cum Scoto eius Discipuli, & plerique PP. Societatis: nostram tamen conclusionem, præter Thomistas omnes, quos inter PP. Complutenses semper connumeratos volumus, ut à quibus Angelica Doctrina magnum splendoris incrementum accepit, tenent etiam Rubius, Caberus, Vazquez, Valentia, Salas, quos refert, & sequitur P. Quirès disput. 14. sect. 3. Propugnat illam ex professo Angelicus Doctor 1.2. quæst. 54. art. 4. in corpore, ubi ait: *Habit*

ut potentia, cum sit una, ad multa se extendit secundum quod conveniunt in aliquo uno, id est, in quadam ratione obiecti, ita etiam habitus ad multa se extendit secundum quod habent ordinem ad aliquid unum, puta, ad unam rationem obiecti. Et infra: Si consideremus habitum secundum ea, ad quæ se extendit, sic invenimus in eo quandam multipliciter, sed quia hæc multipliciter est ordinata ad aliquid unum, ad quod principaliter respicit habitus, inde est, quod habitus sit simplex qualitas, non constitutus pluribus habitibus, etiam si ad multa se extendat. Vbi non solum docet clarissime nostram sententiam, sed rationem à priori illius assignat.

276 Prob. igitur conclusio proposita D. Thomæ ratione. Habitus acquisitus per primam demonstrationem Logicam est simplex qualitas: sed habitus acquisitus per primam demonstrationem Logicam, est facilitas ad omnes demonstrationes Logicas: ergo facilitas ad omnes demonstrationes Logicas est simplex qualitas; ac proinde Logica consistens in facilitate ad omnes suas demonstrationes, est simplex qualitas. Prob. min. Habitus acquisitus per primam demonstrationem Logicam est facilitas ad omnes demonstrationes, quæ continentur sub eodem specificè motivo: sed omnes demonstrationes Logicae continentur sub eodem specificè motivo: ergo est facilitas ad omnes.

277 Mi. videtur certa ex eo, quod motivum, cui Logica nititur ad

omnes suas demonstrationes, est specificativum formale Logicæ: sed hoc specificativum est unum, & idem specificè, aliàs Logica nõ esset vna specificè scientia contra id ipsũ, quod supponitur: ergo omnes suas demonstrationes respicit Logica sub eodem specificè motivo. Mai. autem prob. Habitus adquisitus per primam demonstrati- nem Logicam est facilitas ad omnes demonstrationes, quæ supra primam non addunt novam difficultatem formalem, cum novus habitus pro sola nova difficultate formali vincenda desideretur: sed quæ continetur sub eodem specificè motivo, non addunt supra primam novam difficultatem formalem, cum per primam sit devicta: ergo est facilitas ad omnes cõten- tas sub eodem specificè motivo. Et hoc videtur intentum D. Tho- mæ illis verbis: *Sed quia hec multi- plicitas est ordinata ad aliquid unum* (obiectum scilicet, seu motivum formale) *ad quod principaliter respicit habitus, inde est, quod habitus sit simplex qualitas.*

278 *Confirm. & explicatur.* Mo- tivum, cui Logica nititur ad om- nes suas demonstrationes elicien- das, est modus sciendi vt sic: sed hoc motivum est idem formaliter, & specificè respectu Logicæ: ergo Logica respicit omnes suas demõ- strationes, vt contentas sub co- dem specificè motivo, ac proinde est simplex qualitas. Mai. constat ex eo, quod modus sciendi est mo- tivum formale Logicæ, vt est ob-

iectum attributionis illius, sive vt est ratio attingendi omnia obiecta materialia Logicæ: sed est ratio at- tingendi omnia obiecta materia- lia Logicæ, secũdum quod est mo- dus sciendi vt sic, seu secundum ra- tionem communẽ modi sciendi, nõ propterea est talis, vel talis species mo sciendi nequit hoc habere, vt de se patet: ergo modus sciendi vt sic, seu secũdum rationem com- munem modi sciendi est moti- vum, cui Logica nititur ad omnes suas demonstrationes eliciendas. Min. autem prob. illud motivum est idem formaliter, & specificè, quod solum admittit materialem diversitatem in esse motivi: sed huiusmodi est modus sciendi, res- pectu Logicæ, cum sive adsit, sive desit qualibet determinata species, modi sciendi, salvetur motivum assensus Logici, dum modus sciendi non desit: ergo modus sciendi vt sic, secũdum rationem commu- nem, est idem formaliter & specifi- cè motivum respectu Logicæ.

279 *Dices* quod in modo sciendi vt sic salvatur vagè, vel in genere motivum assensus Logici, non ta- men salvatur motivum huius, vel illius assensus specificè: quia assen- sus alienius proprietatis diffinitio- nis pendet, vt à motivo, non à modo sciendi, vt cumque, sed à tali modo sciendi, diffinitio- ne scilicet: vnde licet idem sit motivum formale omnium de- monstrationum quasi genericè sumptarum, secus sumptarum spe- cificè.

280 *Contra* est 1. Illa particularis proprietates demonstratur à Logica de definitione, quæ est quidam modus sciendi, quia contenta sub formali motivo modi sciendi: ergo licet id, quod demonstrat, & de quo demonstrat, sit aliquid particulare, motivum tamen demonstrandi est modus sciendi secundum rationem communem.

Explicatur. Licet dum intellectus attingit hominem non solum attingat ens, sed tale ens, ratio tamen formalis motiva attingendi illum est ratio entis, quæ est ratio formalis intellectus, & in qua omnia obiecta ab ipso attracta conveniunt: ergo licet dum Logica attingit demonstrativè proprietatem definitionis, talem modum sciendi attingat, attingit tamen illum sub ratione formali motiva modi sciendi, qui est obiectum attributionis Logicæ, & in quo omnia obiecta à Logica attracta conveniunt.

281 *Contra* 2. Habitus Logicæ demonstrans proprietatem definitionis non attingit illam iuxta solutionem, quia modus sciendi est, sed quia talis modus sciendi, & idem de habitu erga divisionem, & de habitu erga demonstrationem: ergo ex his habitibus nequit resultare Logica, quæ sit vna scientia specie: consequens est contra id, quod supponitur, dum de simplicitate Logicæ disputatur: ergo falsum est antecedens. Cætera patent, & prima consequens prob. Quia Philosophia, & Lo-

gica non attingunt sua obiecta sub vna communi ratione sciibilis, sed quilibet attingit suum obiectum sub ratione talis sciibilis, non resultat ex eis vna specificè scientia totalis attingens obiecta sub ratione communi sciibilis: ergo si ex habitibus, in quorum collectione dicunt consistere Logicam, quilibet attingit suum obiectum sub ratione talis modi sciendi, non poterit ex his resultare vna specificè scientia Logica, quæ attingat obiecta sub ratione communi modi sciendi.

282 *Confirm.* Logica incumbit per se attingere modum sciendi, ut est obiectum attributionis illius; sed est obiectum attributionis illius, ut est ratio attingendi quidquid Logica attingit, hoc enim est proprium cuiuscumque obiecti attributionis: ergo per se incurabit Logica attingere modum sciendi, ut est ratio attingendi, quidquid Logica attingit. Tum sic: sed si quilibet ex habitibus, qui dicuntur componere Logicam, tendit ad suum obiectum, ut est talis modus sciendi, numquam à Logica attingitur modus sciendi, ut est ratio attingendi quidquid Logica attingit, siquidem semper attingitur, quia talis modus sciendi, sub qua talitate nequit omnia obiecta à Logica attracta comprehendere: ergo licet dum Logica attingit definitionem (& sic de alijs speciebus) talem modum sciendi attingat, non tamen attingit illum,

§. II.

Solvuntur argumenta.

287 **P**rimò contra ratio-

nein desumptam ex Angelico Præcept. obijcies. Perfectio, & perfectibile non debet proportionari quoad simplicitatem: ergo ex quo potentia intellectiva sit simplex qualitas, non sequitur, quod Logica, quæ est perfectio illius, sit simplex qualitas. Prob. anteced. Species intelligibiles; habitus, & actus sunt perfectiones potentie intellectivæ: & tamen in una simplici potentia intellectiva sunt plures species, habitus, & actus: ergo perfectio, & perfectibile non debent proportionari quoad simplicitatem.

288 *Confirm.* Sub una formali ratione veri specificante unam potentiam intellectivam continentur plura objecta, quæ sunt formalia comparative ad species, actus, & habitus, & si sint materialia respectivè ad potentiam. Similiter intra eandem rationem formalem scientiæ sunt plura objecta, quæ sunt formalia respectivè ad plures, & diversos actus, qui à scientia eliciuntur, & si sint materialiter tantum diversa respectu scientiæ: ergo sub una ratione formali modi sciendi possunt contineri plura objecta, quæ sunt formalia respectivè ad plures habitus partiales, & si sint materialia respectu Logicæ.

289 *Respond.* ex dictis disting.

H 3.

22.

malii non sit simplex qualitas: ergo disparitas assignata non obstat, ut Logica sit simplex qualitas. Mai. explicatione ipsa constabit: cum enim habitus sit determinatio potentie, nequit habere amplam adeo rationem formalem sicut potentia, & consequenter nequit unus existens esse determinatus ad omne verum, sicut potentia, propter disparitatem maioris amplitudinis potentie supra habitum; unus tamen existens debet se extendere ad ea objecta, respectu quorum militat eadè ratio, quæ militat, ut potentia una existens se extendat ad omnia, nam quoties eadem militat ratio, idem quoque debet consequens inferri: sed ratio militans in potentia, ut una existens se extendat ad omnia, est quia omnia attingit sub eadem ratione formali, ut probatum est: ergo si in Logica respectu objectorum, quæ attingit militat hæc ratio, attingendi scilicet illa sub eadem ratione formali, unus existens habitus se extendet ad omnia sua objecta. Alias conclusionis probationes, quibus superiores roborantur, reservamus lib. 2. de Anim. q. 3. art. 2. de unitate scientiarum; revera enim non conciliatur rectè unitas specifica scientiæ cum plurium habituum compositione integrali.

anteced. Perfectio, & perfectibile non debent proportionari, quoad simplicitatem, dum nō adest ratio proportionis conced. anteced. dum adest, neg. anteced. & consequent. Ratio quare perfectibile (potentia scilicet intellectiva) est vna, est, quia omnia sua obiecta attingit sub eadem ratione formali veri; ex hoc autem non sequitur, quod si perfectibile est vnum, perfectio illius non sit nisi vna, ita, vt pluribus habitibus, speciebus, & actibus, potentia intellectiva non possit perfici, quia quoad hoc non adest ratio proportionis, cum amplior sit ratio formalis potentie, quam ratio formalis cuiuscunque speciei, actus, & habitus. Sequitur tamē, quod quæcumque perfectio ex his, vna existens se extendat ad ea obiecta, quæ respectu ipsius cadāt sub eadem ratione formali, ac proinde sequitur, quod Logica attingens omnia sua obiecta sub eadem ratione formali sit simplex qualitas.

290. Si dicas: ergo si actus, & species attingerent plura obiecta sub eadem ratione formali, vnica species, & vnicus actus ad omnia illa sufficerent. Cur ergo non sic cōtingit, sed pro singulis obiectis, singulæ species, singulique actus communiter desiderantur?

291. Resp. conced. consequ. Ideoque vna species intellectus Angelici sufficiens est ad plurima obiecta, vt conveniunt in aliqua ratione representabilis; & idem. de actibus, qui possunt se extendere ad omnia ea, quæ respectu ipsorum

cadant sub eadem ratione formali. Cur autem species, & actus plus regulariter multiplicentur pro obiectorum diversitate, quam habitus, & multò plus quam potentia; ratio sumitur ex dictis; cum enim maior sit amplitudo potentie, amplior quoque est, & vniversa-
lior eius ratio formalis, quam ratio cuiuscunque habitus, & huius ratio formalis amplior, quam ratio formalis actus, & speciei: species enim ab vno obiecto inmissa cum ipso commensuratur, & actus adequatur cum obiecto per modum tendentie actualis, determinatæ, ac proinde per modum tendentie magis limitatæ, quam tendentie per modum principij, & actus primi facilitantis, qualis est tendentia habitus.

292. Ad confirm. neg. consequ.

Quia in eo, quod sub vna ratione formali veri respectu potentie continentur plures habitus, non sequitur ex vna parte, quod potentia attingat sua obiecta sub eadem ratione formali, & ex alia, quod non sit vna, & simplex; cum habitus nō sint partes potentie, sed determinationes complentes ipsam. Similiter dicimus de actibus respectu scientie, cum huius non sint partes actus, sed exercitia, quæ à scientia eliciuntur. Si autem sub vna ratione formali modi sciendi essent plures habitus, cum hi essent partes, in quarum collectione consisteret Logica, fieret ex vna parte, quod Logica non esset vna, & simplex perfectio, cum tamen ex alia attrin-

geret omnia sua obiecta sub eadem ratione formali.

293 *Obijc. 2.* contra conclusionem. Actus erga diffinitionem attingit modum sciendi, ut determinatum ad talem speciem modi sciendi: ergo habitus per ipsum productus solum est facilitas ad talem speciem modi sciendi, ac proinde alius habitus desideratur, qui sit facilitas ad alias species modi sciendi. *Disting.* anteced. attingit modum sciendi ut determinatum, ly *ut dicente id, quod attingit* conced. anteced. *dicente motivum, quare attingit* neg. anteced. & conseq. Sicut actus intellectus attingens tale ens, non attingit illud, quia tale, sed quia ens, in qua entis ratione omnia obiecta ab intellectu attracta conveniunt; ita actus Logicæ attingens diffinitionem, attingit talem modum sciendi, non quia talem, sed quia modum sciendi, in qua communi ratione omnia obiecta à Logica attracta conveniunt.

294 *Dices.* Et si actus erga diffinitionem attingat illam, quia modum sciendi, taliter tamen attingit illam, ut ultra diffinitionem nequeat se extendere: ergo habitus per talem actum productus non poterit ultra diffinitionem se extendere. Patet conseq. nam effectus nequit excedere virtutem suæ causæ: ergo si actus ille causans habitum nequit se extendere ultra diffinitionem, nec habitus causatus poterit ultra se extendere.

295 *Resp.* instando in primis in exemplo posito; nā actus actiu-

gens tale ens, & si illud attingat quia ens nequit tamen ultra illud se extendere, & tamen nequit dari potentia intellectiva ad tale ens determinata, & impotens ultra se extendere. *Deinde* concessio anteced. neg. conseq. Ad eius prob. *disting.* anteced. nequit excedere virtutem suæ causæ *adequate* conced. anteced. *sue in adequate* neg. anteced. & conseq. Actus ille non est se solo causa habitus Logici, sed simul cum habitu primorum principiorum, & cum potentia ipsa, quæ ad plura se extendunt; qua ratione & si actus sit transiens causat habitum permanentem, quia non causat se solo habitum, sed simul cum potentia, quæ habitum in permanentia excedit. Actus ergo circa diffinitionem causat cum potentia habitum, qui sit facilitas non solum erga diffinitionem, sed erga quoscunque actus non addentes novam difficultatem formalem, qualem non addunt quicumque actus convenientes cum actu diffinitionis in eadem ratione formali, sub qua inspiciuntur à scientia.

296 *Sed ex hoc* obijcies 3. facilitas ad actus erga diffinitionem non est facilitas ad actus erga syllogismum: ergo habitus Logicæ circa diffinitionem non est habitus Logicæ circa syllogismum. Patet conseq. nam habitus nil aliud est quam facilitas. Anteced. verò prob. 1. ab experientia ipsa, qua constat, quod postquam intellectus est facillis in diffiniendo, habet sæpe difficultatem in syllogizando: sed

si facilitas circa primum esset facilis circa secundum, facilis in diffiniendo esset facilis in syllogizando, cum forma eiusdem speciei, semper, vel numquam, facilius ad eundem actus: ergo. *Prob. 1.* idem antec. Habitus acquisitus non faciliat intellectum, nisi ad actus similes eis, per quos generatur; sed actus circa syllogismum non sunt similes, sed dissimiles actibus circa diffinitionem: ergo facilitas generata ex actibus circa diffinitionem non est facilitas ad actus circa syllogismum.

197 *Confirm.* Actus circa diffinitionem procedunt circa distinctam veritatem obiectivam, & ex diversis principiis, ac actus circa syllogismum: ergo facilitas circa diffinitionem non est facilitas circa syllogismum. Anteced. est certum, cum hic actus diffinitio est clarior suo diffinito distinctam omnino veritatem attingat, ac iste syllogismus ex puris negativis nil concludit, & ex diverso penitus principio, ex hoc scilicet, omnis explicatio est clarior re explicata, quod principium est quid diversum à quocumque alterius veritatis principio. Conseq. vero prob. Tum quia idcirco facilitas ad conclusionem vultus scientiæ non est facilitas ad conclusionem alterius, quia & distincta veritas est, & per distincta principia ab unaquaque scientia probatur. Tum quia ex quo sis facilis in probando diffinitionem esse clariorem diffinitio, non apparet quomodo sis facilis in probando syllogismum ex pu-

ris negativis nil concludere, aut tribus debere terminis constare.

198 *Resp. neg. anteced.* Ad eius 1. prob. disting. mai. facilis in diffiniendo habet sæpe difficultatem *materialem*, & *extrinsecam* in syllogizando, conced. mai. difficultatem *formalem*, & *intrinsecam* neg. mai. & sub eadē distinctione in in. neg. conseq. Sicut impotentia est duplex, alia intrinseca, & formalis consistens in improportione cum obiecto, qua ratione visus est impotens attingere sonum, alia extrinseca, & materialis consistens in defectu applicationis obiecti, sicut visus est impotens attingere coloratum, quod non est visui applicatum media specie: Ita difficultas est duplex, alia formalis, & intrinseca, alia materialis, & extrinseca: prima consistit in defectu inclinationis ex parte habitus, qui defectus contingit, quando obiectum, in cuius attingentia est difficultas, non continetur sub ratione formali, ad quam habitus faciliat, sicut habens habitum Logicæ potest experiri difficultatem formalem ad actum Philosophiæ erga ens mobile, quia hoc non continetur sub ratione formali obiectiva Logicæ. Difficultas materialis, & extrinseca consistit in defectu applicationis materiæ, que applicatio fit medijs speciebus, & harum usum, & coordinatione.

199 *Sicut* ergo stat te habere potentiam quod intrinseca ad aliquem actum, visionem v.g. obiecti distantis, & illam absolute elicere non

non posse propter defectum speciei, quam non potes acquirere, & cuius defectus aliundè, approximatò obiecto, reparatur; ita stat te posse faciliter quo ad intrinseca (posito habitu circa diffinitionem) elicere actum syllogizandi, quem tamen faciliter absolute non potes elicere propter defectum specierum, quas non potes de facili acquirere, & coordinare, qui defectus non per novum habitum, sed per extensionem præexistens ad novam materiam, acquisitis speciebus, reparatur. Sic si parvulo nullas habenti species infunderetur miraculose habitus scientificus, præstaret ipsi intrinsecam, & formalem facilitatem, cum habitus sit essentialiter facilitas; & tamen, ut exiret in actum, restaret difficultas vincenda, non per acquisitionem habitus, sed specierum, quæ tantum deerant ad faciliter operandum. Et in sententia Adversariorum fatentium ad unam demonstrationem sufficere unicum habitum, dum in ea demonstratione magis exercetur intellectus, redditur facilior, quin novum acquirat habitum: quolibet ergo nova facilitas non convincit absolute novum habitum.

300 Ad 2. eiusdem mai. prob. concessa mai. disting. min. actus circa syllogismum non sunt similes, *materialiter*, & quoad rationem particularem attractam conced. min. *formaliter*, & quoad motum attingendi, neg. min. & consequ. Sicut actus intellectus attingentes distincta ob-

iecta sunt dissimiles inter se, hæc tamen dissimilitudo est materialis comparative ad potentiam, respectu cuius sunt similes formaliter, in ratione scilicet formali veri, quæ est ratio formalis potentie intellectivæ: Ita actus Logice erga diffinitionem, & syllogismum inter se sunt suis particularibus rationibus dissimiles, sunt tamen similes formaliter comparative ad Logicam, cum eorum obiecta cadant sub eadem ratione formali modi sciendi, ad quam primum, & per se facilitat Logica.

301 Ad confirm. disting. antec. procedunt ex diversis principiis *materialiter* conced. antec. ex diversis *formaliter* neg. antec. nam principia, ex quibus Logica semper procedit, sunt ipsa natura modi sciendi, ad quam de materiali se habet, quod sit natura huius, vel illius modi sciendi. Ex quo constat ad primam consequ. prob. cum diversæ scientiæ ex diversis formaliter principiis procedant. Ad 2. eiusdem consequ. prob. inquirimus, & nos, unde appareat, quod ex quo aliquis sit potens intelligere formicam, sit potens (ut reuera est) intelligere Angelum? Profectò non aliundè, nisi quia formica intelligitur, quia ens, in qua ratione Angelus, cum ipsa convenit, unde potens intelligere formicam, valet etiam intelligere Angelum. pariter ergo in nostro casu facilis in probando proprietatem diffinitionis, facilis quoque est quoad intrinseca in probanda proprietate syllogismi.

mi, quia à Logica probatur proprietas de diffinitione, quia modus sciendi, in qua ratione convenit cum ipsa syllogismus.

302 *Dices.* Logica probat proprietatem diffinitionis, non quia modus sciendi præcisè, sed quia talis est modus sciendi, nam esse convertibilem cum diffinito non convenit diffinitioni, quia modus sciendi est, alias omni modo sciendi conveniret, sed quia talis est modus sciendi: sed facilitas in probando proprietatem diffinitionis, quia talis modus sciendi est, nequit esse facilitas in probanda proprietate syllogismi: ergo facilis in prima proprietate probanda non est facilis in probanda secunda.

303 *Resp.* disting. mai. quia talis est modus sciendi, ly quia dicente rationem, de qua demonstrat proprietatem conced. mai. dicente causam, seu motivum ultimè movens: Logicam, ut illam proprietatem demonstrat, neg. mai. & sub eadem distinctione nua. neg. conseq. Sicut intellectus attingit hominem, quia ens, non quia de homine solum cognoscat esse ens, sed quia ratio, ob quam cognoscit illam particularem essentiam hominis, est quia homo est ens: ita Logica dicitur probare illam particularem proprietatem diffinitionis, quia modus sciendi est, non quia solum modum sciendi cognoscat, aut de solo illo probet eam proprietatem, sed quia ratio, ob quam de tali modo sciendi illam proprietatem probat, est, quia modus sciendi est.

304 *Si instet.* Modus sciendi diversificatur formaliter, & specificè, cum ad talem, vel talem descendit speciem modi sciendi: ergo ut contractus ad diffinitionem dicit diversitatem formalem, & specificam à se ipso ut contracto ad divisionem, vel syllogismum, ac proinde habitus Logicæ terminatus ad talem speciem modi sciendi respicit diversam formaliter, & specificè rationem obiectivam ab habitu circa diffinitionem, & consequenter est diversus habitus.

305 *Resp.* disting. anteced. diversificatur formaliter, ut est totum genericum, & potentiale ad sua inferiora, conced. antec. ut est ratio formalis obiectiva omnium specierum, neg. anteced. & sub eadem distinctione primi consequentis, neg. secundam conseq. quæ sub inferitur. Instantia est manifesta in obiecto formali cuiusvis potentia; color enim diversificatur formaliter, & specificè per contractionem ad albu nigrum, aliasque coloris species, quin inde inferatur diversificari formaliter in esse obiecti potentia; visive: habet se ergo de materiali ad rationem obiecti diversitas huius in esse rationis genericæ contrahibilis per varias species. Sed quomodo hæc duo cohereant, exponimus ex professio in lib. 3. de anim. quæst. 10. art. 3. difficultas enim est communis in cuiusvis potentia obiecto, & ad citat. locum spectans.

306 *Obije.* 4. Productio habi-

bi-

bitu per primam demonstrationem Logicam, secunda demonstratio producit habitum: non habitum præexistentem, & iam productum: ergo producit habitum distinctum, & consequenter Logica componitur ex pluribus habitibus. Prob. mai. Tum quia secunda demonstratio est eiusdem activitatis cum prima: sed prima producit habitum ergo secunda. Tum quia demonstratio est ipsa productio habitus: sed non stat productio, sine termino producto: ergo secunda demonstratio producit habitum. Confirm. Cum scientia circa obiectum secundæ demonstrationis non stat error circa ipsum, error enim, & scientia circa idem sunt incompatibilia: sed cum habitu producto per primam demonstrationem stat error circa obiectum secundæ demonstrationis: ergo habitus productus per primam non est scientia circa obiectum secundæ demonstrationis.

productam, & denique in sententia contraria actus similis ei, per quem habitus est genitus, habitum poterat ex se producere, quem tamen de facto non producit. Nec sequitur frustra esse illam vim secundæ demonstrationis; quia ab intrinseco, & essentialiter non est irreducibilis ad actum, cum si à secunda demonstratione inciperet (vt absolute potest) intellectus, illa produceret habitum.

308 Ad 2. prob. neg. mai. quia demonstratio non est primario ipsa habitus productio, sed primario est actus contemplans scientificè obiectum, & secundario tantum est productio habitus, unde potest reperiri sine hoc munere secundario producendi habitum: siout in sententia opposita actus demonstrativus similis ei, per quem habitus est productus, potest reperiri, & de facto reperitur sine munere producendi habitum, & si sit ex se productio habitus.

309 Ad confirm. disting. mai. cum scientia expedita, & extensa circa obiectum secundæ demonstrationis non stat error circa illud conced. mai. cum scientia nondum expedita, & extensa neg. mai. Sicut enim cum fide circa unum misterium stat error invincibilis circa aliud pondum debite applicatum, quia nondum sufficienter promulgatum, ex quo non sequitur, quod pro secundo misterio sit querenda nova fides, sed quoad ad illud debeat extendi habitus fidei præexistens: ita ex quo cum scientia cir-

307 Resp. neg. mai. Ad eius 1. prob. concessis præmissis, neg. conseq. quia licet secunda demonstratio sit ex se productiva habitus, de facto illum non producit per accidens, quia scilicet invenit productum, sed præexistentem extendit ad novam materiam. Sic actio, qua intenditur calor, ipsum posset producere, non tamen producit, sed auget, quia productum invenit. Sic Sacramentum Pœnitentiæ ex se productivum primæ gratiæ, eam sæpè non producit, sed auget, quando scilicet eam invenit iam

ca obiectum primæ demonſtrationis ille error circa obiectum ſecundæ nondum debite per alteram demonſtrationem applicatum, non ſequitur neceſſitas novi habitus, ſed quod præexiſtens debeat per ſecundam demonſtrationem ad huius obiectum applicari. Videatur D. Thomas ubi ſupra, qui expreſſis ſerè verbis noſtram ſolutionem tradit.

310 Denique obijcies. Logicam eſſe ſimplicem qualitatem eſt eſſe vnum numero habitum; ſed eſſe vnum numero habitum non rectè probatur ex vnitatem formali obiecti: ergo omnia hucusque dicta nullius ſunt ponderis ad ſuadendam conſiſtentionem. Prob. min. Vnitas numerica habitus, ſicut & cuiuſcumque accidentis, ſumitur in via D. Thomæ ab vnitatem numerica ſubiecti, non ab vnitatem formali obiecti, à qua ſolum deſumitur: vnitas ſpecifica habitus: ergo huius vnitas numerica non rectè probatur ex vnitatem formali obiecti.

211 Si dicas. Ex vnitatem formali obiecti ſolum inferri per conſequentiam immediatam, quod Logica ſit vna ſcientia ſpecie, mediatè tamen etiam inferitur vnitas numerica illius, quia duo habitus, & duo accidentia ſolo numero diſtincta nequeunt eſſe in eodem numero ſubiecto.

312 Minus rectè quidem: nam ſolutio plane fatetur, quod ratio D. Thomæ ab omnibus eius Diſcipulis in præſenti propoſita inuti-

lis eſt ad ſuadendam ſimplicitatem habitus, quod enim hanc probet mediatè, non provenit ex præſenti ratione, ſed ex alia omnino diſtincta, qua D. Thomas probat duo accidentia ſolo numero diſtincta cuiuſcumque generis ſint, non poſſe eſſe in eodem: Vt quid ergo in expendenda hac ratione ex vnitatem obiecti formalis deſumpta inutiliter inſudamus in quaſtione, in qua, non vnitas ſpecifica vertitur in vtrum, ſed numerica quæ eſt idem iuxta ſolutionem cum ſimplicitate? Et certè alienum ſatis eſt à D. Thomæ, quod ubi ex profeſſo propugnabat habitus ſimplicitatem, yteretur ratione ex ſe, & ab intrinſeco inutili ad ſimplicitatem ſuadendam.

313 Quare. Vel neg. mai. quia ſimplicitas nec eſt vnitas numerica, nam quantitas eſt vna numero, & tamen ſimplex non eſt, ſed compoſita; nec eſt vnitas ſpecifica, nam homo vnus eſt ſpecificè, & non eſt ſimplex, ſed compoſitus: eſt ergo ſimplicitas prædicatum pertinens ad ſpecificationem, vel eſſentiam habitus, ac proinde ab obiecto formali deſumenda. Vel omiſſa mai. neg. min. Ad cuius prob. neg. conſeq. Nam in accidentibus reſpectivis, & quæ non afficiunt ſubiectum præciſè propter ſè, ſed vt in aliud tendat, probato ſemel, quod in ordine ad illud aliud multiplex non requiritur, probatur ex hac ipſa ratione ex conſequenti eius vnitas numerica. Vnde adhuc permiſſo, & non conſeſſo, quod duplex nu-

mero accidens, posset esse in eodē subiecto, Logica non esset multiplex numero habitus, quia ad attingenda obiecta Logicalia (ad quod munus datur) ut itant sub eadem ratione formali, vnicus habitus sufficit, ac proinde subiectum alio habitu non indiget.

A R T. VII.

An Logica scientia sit simpliciter necessaria ad alias scientias adquirendas?

314 **N**otabis 1. dupliciter dici aliquid necessarium ad aliquem finem, nempe simpliciter, & secundum quid; necessarium simpliciter est illud, sine quo finis nequit obtineri, quomodo cibus est necessarius ad conservationem vitæ: Necessarium secundum quid est illud, sine quo finis non potest absolute obtineri, cum illo tamen melius obtinetur, quomodo Equus est necessarius ad iter agendum: Hoc secundo necessitatis genere ostendimus in proœmio Logicam esse necessariam ad adquirendas scientias, necessariam, inquam, id est, valde vtilem: procedit ergo dubium de necessitate simpliciter.

315 **N**otabis 2. duplicem esse scientiæ perfectionem, substantialem scilicet, & extensiuam: scientia substantialiter perfecta est certa, & evidens cognitio rei per causas cognoscendo eas esse causas rei, & rem ex vi illarum aliter se habere

non posse: est scientia extensivè perfecta, cum prædicta cognitio habetur non tantum de vna, vel altera veritate, sed de pluribus, vel de omnibus spectantibus ad scientiā: quando igitur scientia gaudet substantiali perfectione, & tantum extenditur ad vnā, vel alteram conclusionem, dicitur scientiā in statu imperfecto; quando vero præter substantialem perfectionem, habet etiam extensivam, dicitur scientia in statu perfecto; & de scientia sub vtraque consideratione procedit dubium.

§. I.

Statuitur prima conclusio.

316 **L**ogica artificialis non est simpliciter necessaria ad acquirendas scientias in statu imperfecto. Ita Malius, Sanchez, Complut. Didacus à Iesu, Ioan. à S. Thom. Linze, Moneta, & frequentius extra Scholam D. Thomæ contra Sot. Araujo, Gallego, Navarro, Lerma, Parra, Amicum, & alios RR. ex nostris in manuscriptis.

317 **Prob.** 1. Qui certo; & evidenter cognoscit præmissas esse veras, & conclusionem ex illis inferri, habet scientiam illius conclusionis saltem in statu imperfecto: sed sine Logica artificiali potest intellectus certò, & evidenter cognoscere præmissas esse veras, & conclusionem ex illis inferri: ergo sine Logica artificiali potest acqui-

ri scientia saltem in statu imperfe-
cto. Mal. est certa, nam certo, &
evidenter cognoscens præmissas
esse veras, & conclusionem ex illis
inferri, cognoscit rē per causam, &
quod illius est causa, & quod aliter
se habere non potest: hoc, & non
amplius, requiritur ad substantia-
lem rationem scientiæ: ergo habet
scientiam quoad substantiam illius
conclusionis.

318 *Min. autem* quoad 1. par-
tem etiam est certa; nam præmissæ
possunt esse prima principia, quo-
rum veritas ad Logicam non per-
tinet, sed ad habitum primorum
principiorum, & *alterius* etiam si
non sint principia, possunt esse pro-
positiones necessariæ in materia
Philosophiæ, aut alterius scientiæ,
omnino diversæ à Logica, ac pro-
inde quarum veritas non spectet
ad Logicam. Quoad 2. verò par-
tem, in qua stat difficultas prob.
Qui certo, & evidenter cognoscit
sine Logica artificiali præmissas
esse veras, certo, & evidenter cog-
noscit extrema identificari cum
medio in præmissis: ergo certo, &
evidenter cognoscit inde sine Lo-
gica extrema identificari inter se.
Antec. est certum, cum in tali idē-
titate consistat præmissarum veri-
tas, & consequ. prob. Intellectus solo
lumine naturæ, ac proinde sine Lo-
gica artificiali, cognoscit eviden-
ter, quod extrema identificata cum
medio non possunt non identifica-
ri inter se, hoc enim est principium
lumine naturæ notum: ergo evi-
denter cognoscens independentem à

Logica artificiali, quod extrema
identificantur cum medio, inde
evidenter quoque cognoscit inde-
pendenter ab illa, quod extrema
identificantur inter se. *Tum sic:* sed
conclusionem inferri ex præmissis
nil aliud est, quam quod extrema,
quia identificata cum medio, idē-
tificantur inter se: ergo certo, &
evidenter cognoscit independen-
ter à Logica artificiali intelle-
ctus conclusionem inferri ex præ-
missis.

319 *Explicatur.* Quia lumine
naturæ est notum, quod omne to-
tum est maius sua parte, vbi cum-
que aliquis viderit totum, cognos-
cet evidenter illud esse maius sua
parte: ergo quia lumine naturæ no-
tum est, quod quæ sunt eadem vni
tertio, sunt eadem inter se, vbi cum-
que viderit intellectus duo aliqua
esse identificata cum tertio cog-
noscet evidenter illa identificari
inter se.

320 *Dices* 1. quod ad scien-
tificam cognitionem conclusionis
non sufficit, quod cognoscatur cō-
clusionem inferri ex præmissis, sed
requiritur, quod cognoscatur *benè*
inferri; bonitas autem illationis
nequit evidenter cognosci sine
Logica, quia cum talis bonitas sit
passio consequentiæ, nequit evi-
denter cognosci nisi media de-
monstratione, qua statim genera-
tur Logica.

321 *Sed contra est* 1. Sine Lo-
gica artificiali potest evidenter iux-
ta solutionem cognosci, quod con-
clusio inferitur ex præmissis: ergo &
quod

quod bene inferitur. Prob. consequ. Inferri expræmissis est idem formaliter, ac bene inferri, nam quod bene non inferitur, non inferitur, malè enim inferri non est inferri.. *Explicatur.* Inferri expræmissis veritatem conclusionis, est veritatem conclusionis connecti cum veritate præmissarum: sed si conclusio malè inferitur expræmissis, illius veritas non connectitur cum veritate præmissarum, ut per se patet: ergo si malè inferitur, nō inferitur: ac proinde si essentia consequentiæ consistens in inferri expræmissis potest evidenter solo lumine naturæ cognosci, potest quoque evidenter cognosci lumine naturæ bonitas illationis; cum inferri, & bene inferri in nullo differant ex parte obiecti..

322. *Nec dicas*, vel quod licet bonitas consequentiæ sit de eius essentia, intellectus se solo non potest evidenter cognoscere talem essentiam, quia nequit sine demonstratione, & discursu cognoscere essentias rerum, quæ consistunt in discursu, qualiter in illo consistit essentia consequentiæ: *Vel quod* bonitas consequentiæ, quam dicis illius passionem, consistit in conformitate cum regulis artis, & implicat cognoscere sine arte consequentiam esse formatam conformiter ad regulas artis.

323. *Nam* contra primam partem solutionis est ipsius æquivocatio: aliud est enim, quod essentia consistens in discursu nequeat cognosci sine discursu, qui sit obiectum

cognitionis; aliud, quod nequeat cognosci sine cognitione, quæ sit discursiva: *Primum* est verum, quia si discursus est qui cognoscitur; ergo discursus est obiectum cognitionis, sicut si cognoscitur homo, homo est obiectum cognitionis: ergo nequit discursus cognosci, quin discursus sit obiectum illius cognitionis. *Secundum* est falsum, & manifestè prob. illius falsitatis, tum ex dictis, nam cum essentia rerum non convenient rebus per aliquod medium, sed immediatè, nō habent medium, per quod probentur, aut demonstrantur, licet possint diffinitivè explicari, aut aliter clarius, ut percipiantur, exponi: ergo nullius rei essentia indiget cognitione discursiva, ut ab intellectu evidenter cognoscatur: *Tum* quia intellectus potest diffinire, & de facto diffinit discursum, ut dum diffinitivè tradit ex quibus debeat constare demonstratio: sed diffinitio non est discursus: ergo discursus ipse cognoscibilis est sine discursu.

324. *Contra* secundam partem solutionis est, quod iuxta ipsam solum nequit cognosci sine arte, quod consequentia sit conformis regulis artis: sed, ut cognoscatur conclusio bene absolutè inferri expræmissis, necessarium non est, quod cognoscatur eius conformitas cum regulis artis. *Tum* quia intellectus solo lumine naturæ cognoscit evidenter extrema identificata cum tertio non posse non identificari inter se, ac proinde

cognoscens evidentem in præmissis extrema identificari cum medio, illicò cognoscit evidentem identificari inter se, siue hoc sit conforme, siue non cum regulis artis, de quo non curat. *Tum* quia consequentiam, siue discursum esse conformem regulis artis supponit eius intrinsecam rectitudinem, & bonitatem, ad quam sequitur eius conformitas cum regulis artis: sed eius intrinseca bonitas, & rectitudo consistit in eo, quod conclusio infalibiler inferatur expræmissis: ergo sine hoc quod cognoscatur talis conformitas, potest evidentem cognoscere intellectus conclusionem infalibiler inferri expræmissis. Ad quid ergo simpliciter necessaria cognitio conformitatis cum regulis, si semel quod evidentem cognoscatur præmissas esse veras, & conclusionem inferri infalibiler ex illis, habetur quoad substantiam scientia talis conclusionis?

315 *Dices* 2. Intellectum evidentem cognoscere conclusionem infalibiler sequi expræmissis, ex suppositione, quod cognoscat præmissas esse rectè dispositas in modo, & figura ad inferendam conclusionem; huius autem rectæ dispositionis cognitio nequit haberi sine Logica artificiali, quæ sola docet quomodo præmissæ disponendæ sint, ut inferant conclusionem: ex quo sequitur etiam, quod licet sine Logica possit evidentem cognosci veritas præmissarum absolute, non tamen, ut præmissæ sunt, ut debite scilicet dispositæ ad inferendam conclusionem.

316 *Sed contra* est 1. ut Intellectus evidentem cognoscat conclusionem esse infalibiler connexam cum præmissis, sufficit, quod evidentem cognoscat hic, & nunc præmissas non posse esse veras, nisi sit etiam conclusio vera, in hoc enim stat connexio veritatis valius quam alio: sed ad hoc non est necessaria illa signata cognitio rectæ dispositionis præmissarum: ergo si sola hæc cognitio dependet simpliciter à Logica artificiali, sine Logica artificiali potest evidentem cognoscere intellectus conclusionem esse connexam cum præmissis. Cetera patent, & min. prob. In hoc syllogismo *Omne, quod currit, movetur, homo currit, ergo movetur*, intellectus sine eo, quod cognoscat an præmissæ sint in modo, & figura, imò nec quid sit modus, aut figura, cognoscit evidentem, quod si *homo currit, movetur*, ad eiusmodi quippe evidentem adeò veritatem nullius artis beneficio indiget lumen naturale; sed præmissas illas hic, & nunc non posse esse veras nisi conclusio sit vera, nil aliud est, quam quod si homo currat, moveatur, id est, quod non currat, nisi moveatur: ergo sine illa cognitione, quam necessariam intendit solutio potest intellectus evidentem cognoscere hic, & nunc præmissas non posse esse veras, nisi sit etiam conclusio vera.

317 *Contra* 2. Sine eo quod Intellectus cognoscat, quid sit subiectum, quid copula, quid prædicatū, & consequenter sine eo quod cogit

cognoscat propositionem debere constare subiecto, copula, & predicato, potest cognoscere evidenter, & de facto sic cognoscit veritatem huius propositionis *Omne totum est maius sua parte*; ut est innegabile: ergo adiuncta alia præmissa, quæ ad oculum, ut aiunt, possit constare, aliquod compositum esse totum ex his, vel illis partibus, cognoscat evidenter solo lumine naturæ illud esse maius sua parte: ergo evidenter solo lumine naturæ cognoscat veritatem præmissarum esse hic, & nunc connexionem cum veritate conclusionis. Prob. consequ. *Tim* quia sicut bonitas dicitur passio consequentia, & per regulas Logicæ examinatur recta dispositio præmissarum ad inferendum, ita veritas est passio principij enunciativi, & per regulas Logicæ examinatur recta dispositio illius, ut scilicet constet subiecto, copula, & predicato: sed hoc non obstante, cognitio rectæ dispositionis principij enunciativi, necessaria non est ad evidens iudicium veritatis enunciationis: ergo non obstante prima, cognitio rectæ dispositionis præmissarum necessaria non est ad evidens iudicium bonitatis consequentia.

328. *Tim* quia conclusionem illam esse hic, & nunc connexionem cum veritate præmissarum in nullo alio consistit nisi in eo, quod constet compositum illud esse totum, quin sit maius sua parte: sed hoc evidenter cognoscit hic, &

nunc intellectus in dependēter ab eo, quod cognoscat præmissas esse recte dispositas, si semel cognoscit evidenter hic, & nunc, independentēter à cognitione rectæ constructionis propositionis, quod *omne totum est maius sua parte*, evidens enim iudicium huius veritatis non comparatur secum falsitatem de eo, quod aliquod totum sit maius sua parte: ergo vel sine Logica artificiali nequit evidenter cognosci veritas illius enunciationis, quod est apertè falsum, vel sine ea potest evidenter cognosci connectio præmissarum cum illa conclusione.

329. *Confirm.* & simul omnia dicta roborantur. Facta clarissima demonstratione in *Darj*, & concessis præmissis, quilibet etiam ignarus Logicæ concedit sine formidine, imò convincitur, & cogitur concedere consequentiam, ut experientia patet: ergo evidenter cognoscit connexionem conclusionis cum præmissis. Prob. consequ. *Tim* quia non est solum probabile, sed evidens, quod omnibus per se, nulla expectata ratione, apparet verum iuxta D. Thomam 1.2.q. 1.art. 4. *Tim* quia intellectus noster sola veritatis evidētia potest necessitari, & cogi, ut affirmet rem ita esse: ergo si concessis præmissis, omnes itatim cōvicti concedunt consequentiam, eius vim percipiunt evidenter.

330. *Si dicas* ex his tantum haberi, quod intellectus habeat scientiam solum materialiter talem illius conclusionis, secus for-

malem, quia ad hanc necessum est, quod sciens sciat se scire, sciendo rationem sui sciti. *In contra est*, quia vel solutio loquitur de scientia reflexa signata, qua signatè sciat quis se scire; vel de exercita, qua exercite sciat rationem sui sciti, & se in exercitio scire. Si primum, sine vilo veritatis fundamento desideratur illa scientia reflexa, ut directa cognitio sit quoad substantiam scientifica; ideo enim scientia illa reflexa verè affirmat cognitionem directam esse scientificam, quia verè ita est, quod cognitio directa est scientifica, & non è converso, ideo hæc est scientifica, quia per scientiam reflexam ita esse affirmatur: ergo cognitio directa est scientifica independentè à reflexa. *Si secundum*, hoc est, quod convincunt discursus facti; si enim sine Logica artificiali cognoscit evidenter intellectus præmissas esse veras, & cum veritate conclusionis connexas, ideoque assentitur conclusioni; ergo cognoscit evidenter exercitè rationem illius conclusionis, & consequenter exercitè percipit se scire illam.

331 Denique prob. conclusio ex D. Thoma 9. Metaphis. lect. 7. dicente: *Potest homo aliquoties exire in scientia, & virtutis actum, antequam habeat habitum scientia, & virtutis, quo adeptus, perfectè operatur: ex quibus sic formatur argumentum. In demonstratione, qua Logica generatur, datur sine Logica assensus scientificus, & cog-*

nitio evidens exercita bonitatis consequentiæ, cum totum hoc ipsam Logicam præcedat: ergo nec ad assensum scientificum, nec ad cognoscendam evidenter bonitatem consequentiæ est simpliciter necessaria Logica. *Confirm.* Non minus dependet actus scientificus Philosophicus ab habitu Philosophiæ, qui illum elicit principaliter, quam Logica, quæ directivè tantum, & ministerialiter illi deservit: sed actus scientificus Philosophicus potest elici sine habitu Philosophiæ: ergo & sine habitu Logicæ.

332 *Si dicas*, quod in prima demonstratione, qua Logica generatur, cognoscitur evidenter bonitas consequentiæ sine Logica formali, non tamen sine Logica virtuali; quia prima demonstratio est ea, qua ipsa bonitas consequentiæ demonstratur; cum quæ conclusio virtualiter se ipsam præcedat in præmissis, sit consequens, quod ad conclusionem primæ demonstrationis non devenitur sine aliquali notitia prævia bonitatis consequentiæ.

333. *Contra est* 1. Nam unde probas, nisi petendo principium, esse indispensabiliter requisitum, quod prima demonstratio Logicalis sit ea, in qua signatè inferatur pro conclusione ipsa bonitas consequentiæ, & non possit absolute intellectum (& regulariter sic accidit) incipere à demonstratione alicuius proprietatis modi sciendi in communi, vel ab ostensio-

ne maioris claritatis distinctionis supra distinctum; præsertim cum distinctio sit prima species modi sciendi, quæ explicanda occurrit, & de qua datam traditur, quod sit clarior suo definitio, quia omnis oratio explicans essentiam rei est clarior illa, & distinctio est oratio explicans essentiam rei, quæ præmissæ clarissimè evidentes nescimus esse non convincunt intellectum ad assensum illius conclusionis, distinctio est clarior distinctio: Vnde ergo probatur, cum res sic regulariter contingat, quod intellectus spectet notitiam illam signatam bonitatis consequentia, ut prædictæ veritati firmiter assentiatur?

334. Contra 2. Nam Logica iudicatur ab AA. oppositis necessaria simpliciter ad quamlibet demonstrationem, quatenus debet præcedere dirigendo, quomodo præmissæ sint disponendæ, seu quomodo, & ex quibus sit faciendæ demonstratio: sed ad hoc nequit deservire cognitio illa bonitatis consequentia ut virtualiter præcedens in præmissis. Tam quia cognitio dirigens debet esse expressior cognitione directæ: sed cognitio illa ut virtualiter præcedens in præmissis non est huiusmodi, cum sit cognitio implicita, quæ necessario est confusior cognitione ipsa expressa præmissarum. Tam quia nulla cognitio potest se ipsam dirigere, vnde hic actus: Omnis proprius debet constare subiecto, cap. 1. & prædicato nequit dirigere ad faciendam hanc eandem propo-

sitionem, sed aliam distinctam per lineam, quam quis efficit rectam, potest dirigi ut ipsammet efficiat; sed cognitio conclusionis in præmissis est ipsamet cognitio præmissarum: ergo per illam nequit intellectus dirigi ad rectam dispositionem ipsarum præmissarum.

§. II.

Solvuntur argumenta.

335. **O** Blicies 1. D. Augustinum lib. 2. de ordine, cap. 13. dicentem: *Sola Logica docet docere, & sola scientes facere potest*: ergo sine Logica nemo potest fieri sciens. Confirm. ex D. Thoma pluribus docente, quod aliæ scientiæ dependent à Logica: & præsertim lib. 1. poster. cap. 1. ubi ait: *Ars quædam necessaria est, scilicet Logica, quæ sit directiva operum rationis, per quam homo in ipso actu rationis ordinatè, propriè, & sine errore procedat*: sed procedere sine errore est necessariū simpliciter ad quamlibet scientiam quomodolibet acquirendam: ergo. Item iuxta S. Doct. ibidem, nequit haberi iudicium certum de effectibus, nisi per eorum resolutionem in prima principia: sed sine Logica non stat hæc resolutio in prima principia: ergo nec aliquod iudicium certum de effectibus, seu conclusionibus.

336. Resp. quod sola Logica inter scientias est quæ doctrinaliter, & directivè potest facere

re scientes, quia sola ipsa docet, modum sciendi; ex quo salum sequitur, quod, ut quis media doctrina, & disciplina adquiret scientias, necessaria sit Logica; non tamen sequitur, quod ad acquirendas scientias absolute, & per inventionem sit omnino necessaria Logica, quia sine noticia eius regularum, possunt fieri quam plures discursus plene demonstrativi, & convincentes. *Ad confirm.* resp. D. Thomam intelligendum esse de dependentia secundum quid, & quoad melius esse, quam non negamus; & ad testimonium adductum, concessio, ut iacet, disting. min. procedere absolute sine errore est necessarium simpliciter, coac. min. procedere faciliter sine errore, neg. min. Logica solum est simpliciter necessaria ad procedendum faciliter sine errore, ad procedendum autem absolute sine errore tantum est necessaria secundum quid, id est valde utilis. *Ad ultimam* neg. min. quia sine Logica potest, & si non ita faciliter, reddi ratio à priori conclusionis; imò quæ sit ratio à priori conclusionis in materia Philosophiæ, non docet Logica, sed Philosophia ostendens, quod homo v.g. sit risibilis, quia rationalis: Logica enim solum docet, assumendum esse pro medio conclusionis, quod Philosophia invenit esse rationem à priori, siue causam conclusionis.

337. *Obijec'ts* 2. Nulla scientia etiam in statu imperfecto potest adquiri sine demonstratione, cum

scientia sit habitus per demonstrationem acquisitus: sed demonstratio a se nequit fieri sine Logica; ergo nulla scientia in statu etiam imperfecto potest adquiri sine Logica. Prob. min. Nequit facere demonstrationem, qui non scit quomodo, & ex quibus sit facienda demonstratio: sed hoc sine Logica nequit sciri: ergo sine Logica nequit fieri demonstratio.

338. *Resp.* concessa mai. neg. min. Ad eius prob. disting. mai. qui non scit saltem in actu exercitio quomodo, & ex quibus sit facienda demonstratio conced. mai. qui non scit signatè, & artificiosè neg. mai. Sicut ignarus Grammaticæ loquitur sæpe congruo sermone; & si signatè non sciat quomodo, & ex quibus sermo congruus coalescat; & sicut ignarus Rethoriæ ornatè dicit, quin regulas benedicendi degustaverit; ita nesciens signatè quomodo, & ex quibus sit facienda demonstratio, potest naturali intellectus facultate disponere plures discursus evidentes, quibus planè convincatur ad assensum vnius, vel alterius veritatis, quin ad hoc indigeat consulere regulas Logicæ, quæ ad solam illam signatam cognitionem artificij est necessaria.

339. *Replicabis* 1. Compositam artificiale sola arte potest fieri: sed demonstratio est compositum artificiale: ergo sola arte (ac proinde sola Logica) potest fieri. *Replicabis* 2. Demonstratio non generat scientiam in eo, qui materialiter tantum demonstrat, idè quip-

plures Philosophi, & D. Thomas demonstrationes non generant scientiam in aliquibus, quia non percipiunt illas esse demonstrationes: sed qui nescit signatè, & artificiosè naturam demonstrationis, materialiter tantum demonstrat: ergo scientiæ non adquiruntur demonstratione ab eo, qui signatè, & artificiosè nescit naturam demonstrationis. Prob. min. Qui dicit verum, nesciens se dicere verum, materialiter tantum dicit verum: similiter qui operatur propter finem, nesciens rationem, ob quam tendit in finem, materialiter tantum agit propter finem: ergo qui demonstrat nesciens se demonstrare, materialiter tantum demonstrat.

340 Resp. disting. mai. Compositum artificiale, si sit artificiale in actu secundo sola arte potest fieri conced. mai. si sit artificiale in actu primo neg. mai. Artificiale in actu secundo est quod de facto fit per artem, & ab hac extrinsece denominatur, & istud implicat ex terminis non fieri per artem: Artificiale in actu primo dicitur, quod est capax, ut per artis directionem fiat, & istud potest fieri sine arte; quia potest natura, licet non ita facilliter, se sola patrare effectum artis. Sic non semel sermo evadit congruus sine subsidio Grammaticæ: Sic natura Medicinæ ope destituta in pristina se sæpè salutē restituit: Est ergo demonstratio ex se compositum artificiale in actu primo, ac proinde potens sola na-

tura intellectualis facultate componi.

341 Nec valet. Si dicas: Demonstratio ex se includit dispositionem in modo, & figura: sed talis dispositio est artificiosa in actu secundo: ergo demonstratio ex se est compositum artificiale in actu secundo. Nam concessa mai. disting. min. talis dispositio, ex se, & essentialiter est artificiosa in actu secundo neg. min. accidentaliter, conced. min. & neg. conseq. Est talis dispositio artificiosa in actu secundo, quando fit cum attentione ad regulas artis; cæterum hæc attentio non est simpliciter necessaria, quia sine illa resultat naturaliter eiusmodi dispositio in ipsomet exercitio discurrendi.

343 Ad 1. replicam concessa mai. neg. min. Ad eius prob. disting. anteced. Qui dicit verum nesciens exercite se dicere verum, dicit verum materialiter conced. anteced. nesciens signatè, & reflexè neg. antec. & applicata similiter distinctione alteri parti, seu exemplo antecedentis, disting. conseq. ergo qui demonstrat, nesciens saltem in actu exercitio se demonstrare, materialiter demonstrat, conced. conseq. nesciens in actu signato, & reflexè, neg. conseq. Sicut potest quis dicere verum formaliter per hoc præcisè, quod in exercitio advertat identitatem extremorum, quam affirmat, ita potest quis formaliter demonstrare per hoc quod in actu exercitio advertat connexionem unius cum alio, quæ per ly ergo lig-

nificatur, quin necessum simpliciter sit, quod signatè præcognoscat naturam demonstrationis, sicut nec ad primum desideratur necessario, quod præcognoscat quid sit dicere verum, & ex quibus debeat constare oratio, ut dicat verum; quæ solutio satis patet ex dictis inter probandam conclusionem. Nec ideo demonstrationes Philosophiæ Arist. & D. Thomæ non sunt apud aliquos demonstrationes, quia ignorent Logicam, sed quia non penetrant connexionem obiectivam medijs cum proprietate, quod non spectat ad Logicam, sed ad Philosophiam, aut ad illam scientiam, à qua sit demonstratio.

343 *Obijcies 3.* Non potest quis certò, & evidenter assentiri alicui conclusioni, quin certò, & evidenter cognoscat bonitatem consequentiæ: sed bonitas consequentiæ nequit certò, & evidenter cognosci sine Logica: ergo, sine Logica nequit quis certò, & evidenter assentiri alicui conclusioni. Prob. min. Nequit certò, & evidenter cognosci passio alicuius essentiae nisi cognoscatur demonstrativè, nam cum proposito enuncians passionem de subiecto non sit immediata, nequit per lumen principiorum attingi, & ideo indiget ad sui evidentem cognitionem, quod cognoscatur medio discursu demonstrativè probante, media scilicet diffinitione subiecti, tam subiecto cõvenire; sed bonitas est passio consequentiæ: ergo nequit evidenter cognosci, nisi cognoscatur

demonstrativè: ergo quin præcedat Logica: Hæc ultima consequentia patet, quia per cognitionem demonstrativā bonitatis consequentiæ adquiritur statim Logica: ergo si præcedit necessario cognitio demonstrativa bonitatis consequentiæ, necessariò Logica præcedit.

344 *Resp.* prætermisssa mai. neg. min. Ad eius prob. permissa mai. disting. min. Bonitas consistens in conformitate cum regulis demonstrandi est passio consequentiæ conced. min. consistens in proportionem cū fine intrinseco demonstrationis, neg. min. & disting. consequ. nequit evidenter cognosci bonitas in illa conformitate cum regulis consistens, nisi cognoscatur demonstrativè omittit. consequ. consistens in proportionem cum fine intrinseco, neg. consequ. Sicut in domo, & est bonitas consistens in conformitate cum regulis edificandi; & est bonitas consistens in conformitate cum proprio fine, hoc est, in proportionem ad defendendum nos ab incommodis externis, & quidquid sit de prima conformitate, secunda non est passio, sed essentia domus; ita in discursu demonstrativo, & est bonitas consistens in conformitate cum regulis demonstrandi, & est bonitas consistens in proportionem cum proprio fine, hoc est in connexionem medijs cum extremitatibus apta ad convincendum intellectum circa connexionem extremitatū inter se; & quidquid sit an prima sit passio, quod parum refert ad præsens, cum pro-

baverimus eius cognitionem necessariam non esse ad evidentem assensum conclusionis; secunda bonitas non est passio, sed essentia consequentiae, ac proinde cognoscibilis in exercitio evidenter absque demonstratione solo lumine principiorum.

345 *Permissimus* autem, seu praetermissimus tam primam propositionem, quam secundam maiorem argumenti, & ommissimus quo ad primam partem distinctionis consequens. Tum quia dum dicimus bonitatem adhuc primariā, & essentialem consequentiae debere evidenter cognosci, non hoc concedimus de cognitione signata quid sit talis consequentiae, seu talis bonitatis, non enim est necessarium quod quis signatè cognoscat adhuc diffinitivè, seu doctrinaliter in quo consistat talis consequentiae bonitas, ut assensum praestet evidentem cuilibet conclusioni, sicut non requiritur signata cognitio essentiae veritatis, imò nec propositionis, ut formet iudicium evidens de eo, quod propositiones per se notae sint verae: ideoque praetermissimus primam maiorem, ne multiplici adeo argumenti distinctione, solutio principalis minus clara rediret. Tum quia, & si passio re pueat signatè evidenter cognosci, nisi demonstrativè, potest exercite evidenter cognosci sine demonstratione: qua ratione ut intellectus evidenter hic, & nunc cognoscat primum aliquod principium enunciativum esse verum,

demonstratione non indiget, & si veritas sit passio principii enunciativi: sed quia haec ex professo discutere non est praesentis instituti, Ideò permissimus secundam propositionem maiorem, & consequens quoad primam partem distinctionis.

346 *Instabis* adhuc 1. Bonitas illa primaria consequentiae est demonstrabilis per illa principia *dici de omni, & quae sunt eadem uni tertio*: ergo est passio. *Instabis* 2. Bonitas consequentiae cognoscitur in exercitio ea cognitione, qua cognoscuntur conclusio, & praemissae ut illativae: sed conclusio, & praemissae ut illativae non cognoscuntur lumine principiorum: ergo nec bonitas consequentiae.

347 *Neg. antec.* non enim rigorose demonstratur, sed explicatur per illa principia bonitas primaria consequentiae: sicut per illa posset explicare ipsam essentiam (in quocumque illam ponas) consequentiae, si argueres sic: ubi salvatur principium *dici omni*, est vere consequentia, salvatur in *Darj*: ergo modus *Darj* est vere consequentia. *Ad* 2. instantiam concessis praemissis, neg. consequens. sicut non valet: effectus prout penetrari in causa praesente cognoscuntur eadem cognitione, qua causa praesens cognoscitur; sed causa praesens cognoscitur intuitivè; ergo & effectus prout in ipsa penetrari cognoscuntur intuitivè: Est enim ea cognitio æquivalenter duplex, quae prout terminatur ad conclusionem est

mediata, & scientifica, ut vero terminatur ad bonitatem primariam consequentiæ est immediata, & luminis principiorum, sicut in exemplo posito, cognitio, quæ est intuitiva causæ præsentis, est abstractiva respectu effectus possibilis, quem in ipsa penetrat.

348 *Obijcies* 4. Assensus firmus alicuius veritatis nequit haberi sine Logica, ac proinde nec assensus evidens: ergo Logica est simpliciter necessaria ad quemcumque assensum scientificum. Prob. antec. Ignarus Logicæ quolibet parallogismo dimovetur facile ab assensu veritatis, cum nesciat in quo oppositi sophismatis defectus consistat: ergo assensus non est firmus. *Confirm.* Nequit intellectus certo, & evidenter assentiri conclusioni, nisi evidenter cognoscat sibi proponi veram demonstrationem ut distinctam ab argumento sophistico: sed intellectus nequit discernere demonstrationem ab argumento sophistico sine Logica, quia sine illa nequit cognoscere defectus, qui possunt accidere argumentis, quæ cognitio necessaria est ad illam discretionem: ergo.

349 *Resp.* disting. anteced. nequit haberi sine Logica assensus firmus *per se*, & *ex natura sua* neg. anteced. *per accidens*, & *ratione subiecti* perimitit, antec. & neg. consequ. Sicut contra prima principia possunt opponi plura sophismata, quæ Ignarus Logicæ nesciet solve-
re, & tamen sine Logica assensus talium principiorum est certus, &

evidens; ita contra quamcumque veritatem scitam possunt opponi plura, quæ Ignarus Logicæ non poterit solve-
re, quin inde inferatur talem assensum non esse certum, & evidentem; nam huic evidentiæ, & certitudini non obstat, quod sit facile mobilis a subiecto per accidens, & ratione non perfectæ dispositionis subiecti, dum sit firmus, & petens difficile, aut nullatenus amoveri talis assensus ex natura sua, ex vi scilicet medij, cui innititur, & quod convincit intellectum ad assensum. *Præterquam* quod, sicut Logica non est simpliciter necessaria ad ullam veritatem cognoscendam, ita nec ad ullum errorem vitandum, nam inventa veritate, fugatur error; unde licet sine Logica nesciat signare, in quo consistat, aut quis sit defectus, poterit absolute (& si non faciliter) sine illa quemvis defectum, & errorem cavere, & in suo assensu perseverare; quæ ratione permissimus, & non concessimus, quoad secundam partem distinctionis, anteced.

350 *Ad confirm.* disting. mai. nisi evidenter cognoscat *exercitè*, & *in particulari* sibi proponi veram demonstrationem, ut distinctam ab argumento sophistico, conced. mai. nisi evidenter hoc cognoscat *signatè*, & *in universali* neg. mai. Non cognoscat sine Logica quid sit demonstratio, quid parallogismus; at cognoscat hunc discursum in particulari, non fallaciter, sed verè, manifesteque concludere, & hoc sufficit, ut assensus ille sit certus: sicut

cut assensus principiorum est certus in eo, qui nescit signatè, & in vniversali, quid sit principium, & in quo differat ab errore.

351 Denique obijcies. Logica respectu scientiarum est causa vniversalis: sed sine influxu causæ vniversalis nullus potest effectus produci: ergo sine Logica nulla scientia adquiri valet. *Disting.* mai. est causa vniversalis *principalis* neg. mai. & sine huius influxu verum est effectum non posse produci, qua ratione nullus in his sublunariis potest effectus produci sine influxu corporum celestium: Est causa vniversalis *per modum instrumenti directiui contenti eminenter in causa principali*, scilicet intellectu, conced. mai. cæterum sine huius generis causa vniversali valent absolutè effectus produci à causa principali eminenter continente illam instrumenti virtutem.

352 Dices. Et si prudentia concurrat ad actus virtutum per modum instrumenti eminenter contenti in intellectu, ita tamen est necessaria, vt nullus actus sit substantialiter virtuosus, nisi sit regulatus dictamine Prudenti: ergo pariter dicendum de Logica.

353 Resp. Logicam, & Prudentiam in aliquo quoad necessitatem convenire, & in aliquo differre: conueniunt in eo, quod sicut ad primam demonstrationem, qua generatur Logica, non concurrat directio Logicæ, cum nullus actus dirigat se ipsum iuxta supradicta, ita ad primos actus, quibus gene-

neratur prudentia, non concurrat propter eandem rationem directio ipsius, cum tamen illi actus sint substantialiter virtuosus, sicut est substantialiter scientifica prima demonstratio, qua generatur Logica. Differunt autem in eo, quod cum voluntas sit potentia circa indigens simpliciter directione rationis, nullus illius actus potest esse virtuosus, nisi reguletur recto, & prudenti rationis dictamine, ac proinde nisi prudentia saltem actualis ad ipsum concurrat, quia scilicet prudens dictamen non continetur in virtute potentiæ elicientis principaliter actum virtuosum; cuius contrarium contraria de causa accidit in Logica, cum huius influxus eminenter contineatur in virtute potentiæ intellectivæ, quæ est ipsa potentia eliciens quemcunque actum scientificum.

§. III.

Alijs duabus conclusionibus resolutur dubium.

354

Secunda conclusio.

Etiā ad scientias in statu perfecto, id est, quoad extensionem ad omnes suas conclusiones demonstrandas, non est simpliciter necessaria Logica artificialis. Prob. quælibet veritas cuiuscunque scientiæ est demonstrabilis in quatuor modis primæ figuræ: sed ad demonstrandum in his modis Logica artificialis non est simpliciter necessaria, cum in his modis bonitas consequentiæ statim appareat, vt ex di-

dictis constat: ergo potest quælibet veritas cuiuscunque scientiæ demonstrari sine Logica artificiali. *Confirm.* Sine Logica artificiali potest scientia quælibet extendi ad unam conclusionem demonstrandam: ergo ad omnes. Prob. consequ. quia non est maior ratio unius, quàm omnium.

355 Si dicat: non est maior ratio de vna, quàm omnibus divisivè, est tamen maior ratio, ut se extendat ad unam, quàm ad omnes collectivè. *Contra est.* Tunc potentia, quæ valet ad omnes actus sumptos divisivè, non valet ad omnes sumptos collectivè, quando elicitiæ unus redditur debilior ad alteram, ut patet in potentia de ambulatoria, qua aliquis potest ad quinque passus, & non potest ad septem, quia quamvis ita distet septimus à quinto, sicut quintus à tertio, cōtinueatione ipsa fatigatur: at intellectus vna demonstratione non torpescit, sed redditur habilior ad alteram: ergo si valet sine Logica ad omnes divisivè demonstrationes unius scientiæ, valet sine illa ad omnes collectivè.

356 *Obijc.* Et si intellectus reddatur habilior cognitione unius veritatis ad cognitionem alterius, stat, quod non possit omnes veritates naturales collectivè sumptas cognoscere sine speciali gratia, quas tamen divisivè sumptas potest sine speciali gratia cognoscere. Similiter licet voluntas possit sine speciali gratia unum, vel alterum præceptum servare, secus tamen

omnia præcepta collectivè: ergo dicit sine Logica possit fieri vna, vel altera demonstratio, aut omnes divisivè, nequeunt tamen sine illa fieri omnes collectivè. *Confirm.* 1. Aliquis actus est adeò difficilis, ut sine gratia speciali illum non possit efficere voluntas, licet se sola possit alios actus faciliores efficere: Similiter: aliqua infirmitas est ita gravis, & difficilis curationis, ut sine ope Medicinæ nequeat curari, & si quam plures aliæ non ita graves solius naturæ facultate possint curari: ergo licet sine Logica possint efformari plures demonstrationes philosophicæ, v. g. aliqua tamen erit adeò difficilis, ut nequeat sine Logica fieri.

357 *Confirm.* 2. Demonstrationes scientificæ possunt formari in modis imperfectis syllogismorum secundæ, & tertiæ figuræ, in quibus non statim apparet bonitas consequentiæ, sed opus est explicatione, & reductione ad modos perfectos: at hæc reductio, & explicatio fieri nequit sine Logica: ergo ad plures demonstrationes scientificas est simpliciter necessaria Logica.

358 *Urgetur.* Si absque Logica posset extendi alia quævis scientia ad omnes suas demonstrationes, posset sine Logica intellectus esse facilis circa dispositionem syllogisticam tot demonstrationes efficiendo, & repetendo rectè syllogisticè dispositas: consequens est omnino falsum. Tum quia facilitas circa formam syllogisticam nequit provenire nisi vnicè ab habitu er-

ga illam facilitante, qualis solus est habitus Logica. Tum, quia Logicam esse simpliciter necessariam, ad minus ad faciliter procedendum scientificè, nos ipsi fatemur, quod falsum esset, si esset sine illa facilis erga tot demonstrationum formam syllogisticam: ergo falsum est, quod sine Logica possit extendi aliqua scientia ad omnes suas conclusiones demonstrandas.

359. Resp. disting. anteced. stat. quod non possit *physicè* omnes veritates collectivè sumptas cognoscere neg. anteced. stat., quod non possit *moraliter* conced. anteced. & similiter applicata eadem distinctione alteri antecedentis exemplo neg. consequ. quia in præsentì non loquimur nisi de potentia physica, in qua physicè præcontineatur actus scientifici independentè à Logica, cui non obstat impotètia moralis orta ex debilitate naturæ, & quam sanat specialis gratia, non Logica. Hinc ad primam confirm. quoad primam paritatem anteced. resp. nullum esse actum naturalem adeò difficilem, quem non possit physicè elicere voluntas, & si non possit moraliter nisi speciali gratia iuvetur, sed hæc impotentia moralis est, ut diximus, de qua præsens litigium non curat. Ad alteram verò paritatem neg. quod sit aliqua infirmitas arte Medica curabilis, cuius curationem non possit etiam efficere, & ad invenire naturæ intellectualis, quidquid enim potest intellectus cum arte, potest se solo absolute; & si nō

360 Ad 2. confirm. potest concedi totum, quin inde inferatur aliquid contra conclusionem, in qua uon asserimus, quod Logica non sit simpliciter necessaria ad omnibus modis demonstrandas veritates, sed quod non est simpliciter necessaria ad omnes veritates demonstrandas; ex quo autem sit necessaria ad tali modo demonstrandum, in modis scilicet imperfectis, non sequitur eius necessitas ad absolute demonstrandum, cum omnes veritates cuiusvis sciētiae possint demonstrari in modis perfectis, & sic non demonstrari illo modo. Vel aliter potest dici, quod cum adhuc in illis modis salvetur essentia consequentiæ, nam legitimè concludunt, potest absolute intellectus illam sine reductione ad modos perfectos cognoscere evidenter, licet maiori cum difficultate, quam in modis perfectis, ubi statim apparet vis consequentiæ.

361 Ad id, quò argumentum urgetur, disting. mai. posset sine Logica intellectus esse facilis circa dispositionem syllogisticam *facilis* (inquā.) *in ea exercenda*, conced. mai. *in ea docenda*, & *signatè speculanda*, neg. mai. à solo habitu Logicæ potest provenire facilitas in edocenda forma syllogistica, & in eius proprietatibus demonstrandis, aut artificialiosè signatè, & in actu secundo dignoscendis, quia solus ille est facilitas ad hoc, imò, sine illo, non est potentia ad formam rationis, ut artificiosè signatè concipiendam, quia

quia ars est simpliciter necessaria ad operandum cum arte: cæterum potest sine Logica dari facilitas ad formam syllogisticam exercendam absolute, quia hæc facilitas non distinguitur ab habitu illius scientiæ, cuius demonstrationes reperiuntur, & qui facilitans primario ad elicientiam suarum demonstrationum, facilitat secundario, & ex consequenti ad dispositionem syllogisticam, quæ ibi exercetur, per quod constat ad 1. min. prob.

362 *Ad 1. min. prob. resp. quod* Logica est simpliciter necessaria ad faciliter scientificè procedendum, nulla facta suppositione, supposito tamen, quod intellectus plures sine illa demonstrationes in materia v.g. Philosophiæ elicerit, quas cum illa facilius eliceret, & difficiliter sine illa elicit, potest iam esse facilis sine illa in philosophando: sicut postquam quis assuefactus est magno labore sine ope Magistri ad formandos characteres, inveniatur facilis in eis efformandis, quin inde inferatur subsidium doctrinæ, & directionis Magistri non esse necessarium ad absolute facilius scribendum.

365 *Ultima conclusio: Logica est simpliciter necessaria ad perfectionem accidentalem scientiarum.* Prob. nam cum cuilibet scientiæ ex proprio munere incumbat demonstrare, & excludere errorem, ipsius est perfectio accidentalis, quod scientur in universali regulæ faciendi demonstrationes, & quovis defectus vi-

randi: ad hoc est Logica simpliciter necessaria: ergo est simpliciter necessaria ad perfectionem scientiarum accidentalem.

QUESTIO II.

De ente rationis.

1 **D**isputatio de ente rationis in communi propria est Metaphisicæ, cuius est agere de communi ratione entis: quia tamè artificium obiectivum modi sciendi continetur pro formali sub ente rationis, consuevere Logici ad pleniorē notitiā secundarum intentionum, quas in suis artefactis per se considerat Logica, entis rationis quidditatem investigare: quibus & nos morem gerentes sequentes disputationes subijcimus.

ART. I.

Andentur entia rationis?

2 **E**ns rationis idem sonat; ac ens in ratione, seu ens dependens à ratione; cæterum tripliciter potest aliquid dependere à ratione, *effectivè*, scilicet, *subiectivè*, & *obiectivè*: *effectivè* pendet quid quid ab intellectu producit, vt actus intelligendi; *subiectivè* pendet quidquid in eo recipitur, & subiectatur, vt species intelligibiles, & habitus scientifici; *obiectivè* verò pendet quidquid ei obijcitur, vel ab ipso cognoscitur. Verum inter

obiecta ab ipso cognita alia sunt, quæ habent, vel possunt habere esse verè, & realiter in rerum natura alia, quæ nullum aliud esse possunt habere præter illud esse cognitum, seu obiectivum. Inquirimus ergo de ente rationis in ultima acceptione, quia in alijs acceptionibus ens rationis est quid reale, & modo tantum agimus de ente rationis, ut opponitur enti reali, in qua consideratione docuit D. Thomas 1. p. q. 16. art. 3. ad 2. ens rationis esse illud, quod cum in se non sit ens, apprehenditur ab intellectu, ac si esset ens: unde communiter diffinitur quod tantum habet esse obiectivè in intellectu, id est, in se nihil est, & concipitur ac si esset, ut Hir-cocervus, qui nequit in re existere, & concipitur ac si esset.

§. Vnic.

Dantur entia rationis.

3. **N**egant entia rationis Picus Mirandul. Valles. Marien. & Spinnla, à quibus latum vaguem non distat, qui illud putant consistere, vel in denominatione extrinseca, vel in aggregato ex extremis realibus. Sententia tamen communis Philosophorum cum Arist. & D. Thoma, à quibus nobis recedere non licet, prob. Nominè entis rationis intelligitur quod tantum habet esse obiectivè in intellectu: sed dantur plura, quæ tantum habent esse obiectivè in intellectu: ergo dantur

entia rationis. Prob. min. Ea, quibus repugnat existere, & concipi in tur ab intellectu, tantum habent esse obiectivè in intellectu: sed plura dantur huiusmodi: ergo dantur plura, quæ tantum habent esse obiectivè in intellectu. Prob. min. repugnat existere Hir-cocervum, alterum Deum, & alia huiusmodi penitus chimerica, & repugnantias sed hæc, & similia concipiuntur ab intellectu: ergo: *Hæc ratio* sufficiat pro nunc, præsciudendo ab alijs, in quibus miscetur litigium circa quidditatem, & modum efficientiæ entis rationis, de quibus infra.

4. *Obije.* 1. Repugnat, quod aliquid in re esse non possit, & possit concipi ab intellectu: ergo repugnant entia rationis. Prob. antec. 1. repugnat aliquid concipi ab intellectu, quod prius non fuerit in sensu: sed quod in re non potest esse, non fuit prius in sensu, cum sensus solum sit sensibilium in re existentium: ergo repugnat concipi ab intellectu: quod in re esse non potest. Prob. 2. antec. repugnat concipi ab intellectu quod cum ente reali non habet similitudinè, cum nihil possit ab intellectu cognosci nisi per speciem entis realis: sed quod in re nequit existere, non habet similitudinem cum ente reali: ergo quod in re nequit existere, nequit concipi ab intellectu.

5. *Resp.* neg. antec. Ad cwis 1. prob. disting. mai. quod prius non fuerit in sensu per speciem propriam, vel alienam conc. mai. præcisè per speciem propriam neg. mai. & dist. min. non

non fuit prius in sensu per speciem, *prop. tunc* conced. min. alienam neg. min. & consequ. non præcessit species propria entis rationis in sensu, quia hæc non datur, præcessit tamen species entis realis, ad cuius latitæ cognoscitur: sicut concipimus Angelos, quos sensus prius non percepit, quia percepit alia objecta, per quorum species concipimus Angelos. Ad 2. prob. disting. mai. quod cum ente reali non habet similitudinem, vel *uniocam*, vel *analogam* conced. mai. *uniocam præcisè* neg. mai. Sicut Deum concipimus per speciem creatorum, cum quibus analogicè tantum convenit, ita per speciem entis realis concipere possumus ens rationis, quod cum ipso habet similitudinem *analogam*, cum aliis apparatibus, seu vmbra entis ai. i. i. i.

66 Obijc. 2. Omne ens præter Deum habet causam: sed ens rationis causam non habet: ergo non datur. Prob. min. Si aliquam causam haberet, maxime intellectum: sed intellectus nequit esse causa illius: ergo non habet causam. Prob. min. Intellectus est causa realis, ac proinde causans media causalitate reali: sed causalitas realis nequit terminari ad ens rationis, cum solum quid reale possit esse terminus causalitatis realis: ergo intellectus nequit esse causa entis rationis.

7 Resp. neg. min. Ad prob. disting. mai. Intellectus causat media causalitate reali, *que sit realis entitativè* conced. mai. *que sit realis in-*

fluxivè neg. mai. & applicata distinctione mi. vel neg. absolutè consequ. vel dist. consequ. intellectus nequit esse causa entis rationis *realiter influens in illud* consequ. *influens metaphoricè & intentionaliter* neg. consequ. Non habet ens rationis causam, quæ realiter eam univocè illi esse: habet tamen causam, quæ cognoscendo id, quod non est, ac si esset, dat illi esse obiectivum, quod antea non habebat: unde causalitas illius non est realis realitate influxus, sed realitate entitatis: quod est, eam esse realem cognitionem, sed intentionalem tantum, & metaphoricam causalitatem.

8 Si dicat: ergo intellectus non verè, & realiter facit ens rationis, sed tantum metaphoricè. Neg. consequ. quia ipsum metaphoricè causare est verè fingere, imò quia verè est fictio non est realis sed metaphorica causalitas: & ens rationis est verè quid fictum, imò ideo ens rationis est & non reale, quia verè quid fictum est, sicut Cæsar pictus non est verè, sed metaphoricè Cæsar, verè tamen est Cæsar pictus, & ideo non verè, sed metaphoricè Cæsar, quia verè est quid pictum. Sed de his, & aliis, quæ possunt opponi, commodius infra, cum statuimus, in quo consistat ens rationis.

9 Denique obijc. Ex possibilitate entis rationis sequuntur hæc duæ contradictiones simul veræ: *Negatio entis rationis non est ens rationis*, *Negatio entis rationis est ens rationis*: ergo ens rationis non datur. Prob. anteced. In primis negativa est vera, nam de

de negatione formæ verè negatur forma, quid enim magis verum, quam quod negatio formæ non est forma? ergo negatio entis rationis non est ens rationis. Quo ad 2. verò prob. Omnis negatio est ens rationis, quia ens rationis dividitur in negationem, privationem, & relationem, ut suo loco constabit, ergo negatio entis rationis est ens rationis.

10. Resp. neg. antec. Ad prob. resp. quod negatio potest sumi remotive, & positive: sumitur remotive, cum sumitur ut removens ab existèdo formam, quam negat; sumitur positive, cum ipsum removere concipitur, admodum formæ, vel ac si esset aliquid; sicut si cæcitas sumatur remotive nil aliud est quam non videre, sumpta verò positive concipitur ac si esset aliquid adiacens visui, quæ ratione significatur per hoc nomen positivum *cæcitas*. Negatio igitur entis sumpta remotive non est ens rationis, quia ipsum negat, & removet; ut tamen concepta admodum formæ positive est ens rationis, quia ipsam sic concipiendo, ac si esset aliquid, fit ens rationis; unde contradictoria illæ non sunt verè respectu eiusdem, cum propositio negativa sit vera de negatione entis rationis remotive sumpta, non ut concepta per modum formæ positive; affirmativa autem è converso est vera de negatione entis rationis concepta admodum formæ positive, & non remotive sumpta.

11. Si dicas. Negatio visus etiā concepta admodum formæ positive non est visus, cæcitas enim non est visus: ergo negatio entis rationis adhuc concepta per modum formæ positive non est ens rationis. Disting. consequ. non est ens rationis, illud scilicet, quod signatè negat conced consequ. aliud, quod exercitè ibi fit, ipsam concipiendo neg. consequ. Sicut inintelligibile signatè est intelligibile exercitè, quia dum affirmo signatè aliquid esse inintelligibile, ipsum exercitè intelligo, aliàs non conciperem id ipsum, quod affirmo; ita negatio entis rationis, quæ signatè non est ens rationis; est exercitè ens rationis; quia dum concipio illam negationem signatam, ac si esset aliquid, formo exercitè ens rationis: unde etiam si negatio negaret signatè omnem entitatem rationis hac expressiōne *negatio omnis entis rationis*, adhuc esset exercitè ens rationis propter infinitam syncategorematicè vim reflexivam intellectus; sicut propter ipsam negatio signatè omnis intelligibilitatis est intelligibilis exercitè. Sed de his plura diximus in disput. Dialecticis propugnantes nomina transcendentia in tota etiam latitudine sumpta posse in-

finitari.

ART. II.

Quid sit, seu in quo consistat ens
rationis?

§. I.

Statuitur prima conclusio.

12 **E**ns rationis non consistit in
denominatione extrinseca. Denominatio extrinseca dicitur illa, quæ provenit à forma extrinseca, ut denominationes visû, cogniti, dilecti, & aliæ huiusmodi, quæ proveniunt à visione, cognitione, & dilectione omnino extrinsecis objectis, quæ ab ipsis denominantur. Afferimus huiusmodi denominationes non esse entia rationis, ac proinde in ipsis non consistere ens rationis, quæ sententia communis est apud Logicos, & Metaphysicos, si paucos excipias.

13 *Prob.* Ens rationis nequit consistere in aliquo reali: sed denominatio extrinseca est realis: ergo nequit consistere in denominatione extrinseca. Probo min. Petram esse visum, vel cognitum, quæ sunt denominationes extrinsecæ, nihil aliud est, quam videre, vel cognoscere Petram: sed videre, vel cognoscere Petram est aliquid reale: ergo denominatio extrinseca est realis. *Confirm.* Effectus formalis formæ realis est realis: sed esse visum, vel cognitum est effectus formalis formæ realis: ergo est realis.

14 *Si dicat:* Effectus formalis

formæ realis ponentis aliquid reale in subiecto est realis: at visus nihil reale ponit in re visâ.

15 *Contra est.* Effectus formalis formæ ponentis aliquid reale in subiecto est realis, quia forma est realis, & realiter ponitur in subiecto: sed forma, quæ nihil ponit, est realis, & realiter terminatur ad subiectum: ergo etiam effectus formalis formæ nil ponentis in subiecto est realis. *Prob.* conseq. nam sicut effectus formalis prioris formæ est ipsamet forma communicata subiecto, ita effectus formalis posterioris formæ est ipsamet terminata ad subiectum: ergo si effectus prioris formæ est realis, qui a forma est realis, & realiter communicatur subiecto, effectus posterioris formæ erit realis, quia forma est realis, & realiter terminatur ad subiectum.

16 *Confirm.* Sicut visio denominat videntem eum, à quo egreditur, ita denominat visum id, ad quod terminatur: sed quia realiter egreditur, denominat realiter videntem: ergo quia realiter terminatur, denominabit realiter visum. *Denique.* Ens rationis non datur independentem ab aliqua fictione: sed obiectum esse visum, vel cognitum datur independentem ab omni fictione: ergo obiectum esse visum vel cognitum non est ens rationis. *Prob. min.* Per hoc præcisè, quod videas, vel cognoscas obiectum, obiectum est visum, vel cognitum: sed ut videas, vel cognoscas obiectum, nulla desideratur fictio: ergo

nulla desideratur fictio : ut obiectum sit vltimū, vel cognitum.

17 *Obije.* 1. Denominatio cogniti tantum existit obiectivè in intellectu : ergo est ens rationis. Prob. antec. Denominatio cogniti non existit realiter in rebus : ergo existit tantum obiectivè in intellectu. *Confirm.* 1. Quod nequit

existere, nisi dependenter ab operatione intellectus, est ens rationis : sed denominatio cogniti nequit existere independenter ab operatione intellectus, scilicet cognitione, ergo, est ens rationis. *Confirm.*

2. Omne ens reale vel est substantia, vel accidens : denominatio cogniti non est substantia, vel accidens : ergo non est aliquid reale, ac proinde est ens rationis.

18 *Resp.* neg. antec. Ad eius prob. neg. antec. quia denominatio cogniti de materiali importat rem cognitam, & de formali cognitionem ipsam ; & licet cognitio non existat in rebus cognitis, existit tamen realiter in rebus, hoc est, in rerum natura, cum sit ens reale realiter subiectivè existens in intellectu. *Ad 1. confirm.* disting. mai. quod nequit existere nisi dependenter ab intellectus operatione *fingente* est ens rationis conced. mai. ab intellectus operatione *absolutè* neg. mai. verbum enim mentis nequit existere nisi dependenter ab operatione intellectus, & tamen est ens reale : dependet ergo denominatio cogniti à cognitione, imò est ipsa cognitio pro formali, non tamen pendet à cognitione, quæ

sit fictio, quia ut obiectum denominetur cognitum, nulla fictio est necessaria. *Ad confirm.* neg. min. nam denominatio cogniti pro formali est accidens, scilicet ipsa cognitio, pro materiali verò est substantia, si res cognita sit substantia ; vel est accidens, si res cognita sit accidens.

19 *Obije.* 2. Denominatio realis provenit à forma reali : sed denominatio cogniti non provenit à forma reali : ergo non est realis. Prob. min. Cognitio non est forma realis rei cognitæ : ergo denominatio cogniti non provenit à forma reali. Prob. antec. Res cognita non est subiectum reale cognitionis : ergo cognitio non est forma realis rei cognitæ.

20 *Neg. min.* Ad prob. disting. antec. cognitio non est forma realis *realiter informans rem cognitam* conced. antec. *realiter denominans* neg. antec. ad denominationem purè extrinsecam sicut non requiritur forma intrinseca, ita nec forma, quæ informet rem denominatam, unde hæc non debet esse subiectum inhesionis, in quo scilicet inhæreat forma, sed denominationis, quod scilicet realiter denominet forma ad ipsum realiter terminata.

21 *Dices* : ergo si denominationem cogniti, aut vlti concipiat intellectus, ac si esset aliquid inhærens obiecto, faceret ens rationis. *Conced.* conseq. sed tunc nō concipitur, ut denominatio extrinseca, sed ut quid intrinsecum ; ac proinde ut

sa extrema realia, & cognitio, quæ etiam est quid reale: ergo tale aggregatum est potens realiter existere.

25 *Confirm.* & explicatur. Quoties partes alicuius totius possunt realiter existere, & etiam unio illarum in ratione unientis illas, totum potest realiter existere, cum totum nil aliud sit præter suas partes unitas: sed partes huius aggregati v. g. *mons aureus*, *mons scilicet*, & *aurum*, possunt realiter existere; aliàs etiam potest realiter existere unio illarum in ratione unientis illas: ergo aggregatum illud potest realiter existere. Prob. min. quoad 2. partem, quæ sola est difficilis. Unio illarum partium in ratione unientis ipsas est iuxta AA. contrarios cognitio falsa, vt falso adunans illas: sed potest realiter existere, & defacto (cum fingitur *mons aureus*) existit realiter cognitio falsa, vt falso adunans illas, existit quippè illa cognitio ideò falsa, quia falso adunat tales partes: ergo potest realiter existere unio earum partium in ratione unientis illas.

26 *Vnde nulla* dignoscitur solutio, qua AA. solent occurrere asserentes, ideò aggregatum illud non posse realiter existere, quia unio partium illius est falsa, cognitio scilicet falso adunans, & si partes singulæ possint realiter existere. *Nulla est* (inquam) huiusmodi solutio: nam ex dictis supra quæst. 1. art. 2. §. 4. sententia contraria non concedit cognitioni fingenti, vel

falso adunanti correspondere ex parte obiecti unionem fictam, qua obiectivè uniantur illa extrema: ergo unio eorum extremorum est indistincta ab ipsa cognitione, imò est ipsa cognitio falso adunans: sed hæc cognitio realiter existit: ergo aggregatum illud tale est, vt eius partes, & earum unio realiter existant, ac proinde aggregatum illud realiter existet.

27 *Confirm.* ampliùs. Cognitionem illam falso adunare talia extrema, vel est representare unionem falsam, & fictam, vel est se ipsa esse unionem extrinsecam talium extremorum, omni unione obiectiva seclusa: Si hoc secundum; cognitio ipsa falso adunans, & extrinsecè denominans falso unita talia extrema potest, & de facto existit sæpè realiter, seu in rerum natura: ergo si hæc est eorum unio, unio talium extremorum sæpè existit in rerum natura, ac proinde aggregatum existit sæpè in rerum natura, quod potius est negare entia rationis, quàm eorum existentia admissa, quidditatem investigare.

Si dicatur primum: ergo ideò dicitur cognitionem illam falso adunantem esse unionem, quia representat unionem falsam, & fictam, qua ipsa extrema obiectivè falso uniantur: ergo aggregatum illud non consistit præter in ipsis extremis realibus, & cognitione reali falso adunante. Probo hæc consequent. Tum quia iam

existit realiter, ac proinde non est vnde aggregatum sit impotens in re existere, seu sit formaliter impossibile.

31 *Ad confirmat. neg. conseq.* Quia denominatio compositi est propria denominatio totius in eo, in quo differt à partibus, vnde non mirum, quod toti, & non partibus competat, cum ex plurium simplicium compositione resultat totum; & est idem ac si argueres, *omnes partes totius sunt partes ergo compositum ex eis non est totum, sed pars*, quæ consequentia ex ipsis terminis, ex quibus constat, apparet nulla: At denominatio potentis existere in re est denominatio competens in differenter partibus, & toti, imò toti provenit talis denominatio à partibus ut unitis, nam idè totum potest existere in re, quia partes ut unitæ possunt, vel non, existere in re; vnde implicat totum esse impotens realiter existere, si possit realiter existere quæcumque involuit totum.

32 *Ad id, quo argumentum vrgetur, dilting. antec.* Stat quod existant omnia, quæ involuit totum, & tamen totum non existat, neg. antec. stat, quod existant *aliter*, quin totum existat, conc. antec. In ea sententia, & si realitas vnionis non differat ab entitatibus materiæ, & formæ, requiritur tamen de connotato, ut ratio vnionis exerceatur, quod detur actio unitiva, de defectu cuius deficit exercitium vnionis, & si hæc quoad entitatem existat,

de quo in lib. 1. Philic. At in sententia, quam impugnamus, cum præter partes potentes realiter existere, exilat vnio earum sub exercitio vnendi, cum hoc consistat in exercitio falso adunandi, quod exercitium sæpè exillit, inde est, quod sint possibilia quæcumque involuit totum, ut exercitè componentia totum, ac proinde nequit totum esse impotens in re existere.

33 *Obijc. 2.* Si quia ens rationis est aliquid impotens in re existere, non posset adequatè consistere in aliquo reali, cuius generis sunt extrema realia, & cognitio falso adunans, nec inadequatè sumptum posset in re existere ens rationis: sed potest ens rationis consistere saltem in adequatè in aliquo reali: ergo etiam adequatè, vel ratio est nulla. Probo min. in ipsis aggregatis, de quibus est litigium, ut *hircocervus, mons aureus*, & alia huiusmodi; hoc quippe aggregatum *mons aureus*, quod supponitur esse ens rationis, consistit inadequatè saltem in ipsis extremis, seu partibus, monte scilicet, & auro, cum non sola vnio sit aggregatum: sed partes, ex quibus componitur, sunt verus, & realis mons, realeque, & verum aurum: ergo consistit in adequatè saltem tale ens rationis in aliquo vero, & reali.

Prob. min. Tum quia illum montem concipit tale aggregatum apprehendens, quæri falso concipit unitum, seu identificatum cum

auro: sed solum verum montem concipit falso identificatum cum auro, mons quippe fictus potest esse identificatus cum auro, & solum repugnat, quod verus mons identificetur cum auro: ergo concipit verum montem tale aggregatum for-
mans, ac proinde mons, ex quo aggregatum formatum componitur, est verus mons, & idem de auro. Tum quia idem mons concipitur per illam apprehensionem, ac per hoc iudicium, seu propositionem. *mons est aureus*: sed qui format hoc iudicium concipit verum montem: ergo & qui format, seu apprehendit illud aggregatum. Prob. min. forinans tale iudicium, propositionem format, omnino impossibile n, quia scilicet affirmat inter montem, & aurum dari identitatem, quam dari est impossibile: sed sola identitas inter verum montem, & aurum, est impossibilis: ergo affirmat identitatem inter verum montem, & aurum, ac proinde concipit verum montem, & aurum. Denique, qui contradicit tali propositioni, dicens *mons non est aureus* concipit verum montem, quia idem talis propositio est vera, quia verus mons non est aureus: ergo & qui affirmat dicens *mons est aureus*, cum contradictoriae sint eiusdem de eodem.

34. Si dicas ex his tantum convin-
ci, quod partes illius aggregati sint
verus mons, & verum aurum mate-
rialiter, & ex parte rationis quæ, se-
cus verò formaliter, & ut compo-
nentes illud aggregatum, quia mons

componit illud, ut identificatus
cum auro, & verus mons requirit ef-
se identificatus cum auro.

35. Rectè quidem: sed ex quo ha-
betur, quod iniunctæ probationes
minoris intendunt, nisi de voce sit
litigium: nam cum in solutione
dicitur, quod extrema, quæ com-
ponunt, aggregatum, sunt verus
mons, & verum aurum, licet non
ut componunt, hæc reduplicatio nil
addit supra ipsa extrema, quæ com-
ponunt, nisi solam compositionem
quam reduplicat: ergo si præcisè
ut componunt (& non aliter) sunt ali-
quid fictum, compositio sola, seu
unio extremorum est ficta, extre-
ma verò ipsa non sunt ficta: sed
hoc ille n intendunt expresse pro-
bationes minoris, scilicet, quod co-
positio sola, seu unio extremorum
sit ficta, extrema verò ipsa non sint
ficta: ergo per illam solutionis re-
duplicacionem nil aliud habetur,
nisi id ipsum, quod minoris pro-
bationis intendunt. *Explicatur*, quod
misericordia Divina concipiatur
ut distincta à iustitia, non est, quod
misericordia ficta concipiatur, sed
quod vera misericordia fictè con-
cipiatur distincta, tota fictione co-
sistente in distinctione sola rationis,
quam inter illas perfectiones for-
mamus: ergo quod mons concipi-
antur, ut identificatus cum auro
non est, quod fictus mons concipi-
atur, sed quod verus mons fictè
concipiatur identificatus cum au-
ro, tota fictione consistente in sola
identitate.

36. Si dicas: quod etiam dum
per

per rationem distinguimus prædicata indentificata, prædicatum *pro ut sic distinctum* ab alio conceptum est quid fictum, & idem de quavis re, quam cum aliqua secunda intentione concipimus.

37 *In contra est*, nam prædicatum reduplicativè *pro ut distinctum* esse aliquid fictum, non est prædicatum esse fictum, sed solam distinctionem; aliter cum perfectiones divinas inadæquatè concipimus, non solam fingeremus distinctionem, sed in aliquo verò sensu fictas perfectiones conciperemus, & veneremur, quo nil absurdius. Nam si rursus dicas non esse fictas absolute, & ex parte rationis *quæ*, bene verò ut distinctas reduplicativè. Rursus inquitur, quid sub his reduplicacionibus velit ex parte obiecti exprimere solutio, si solam distinctionem non asserit fictam, ut intendunt probationes factæ? Qui enim asserit, quod album ut album reduplicativè (& nõ aliter) est accidens, nil aliud verè dicit, quàm quod albedo est accidens, subiectum autè illius non est accidens: ergo si misericordia Divina v.g. ut distincta reduplicativè (& non aliter) à iustitia est aliquid fictum, qui ut sic distinctam illam concipit, solam distinctionem fictam concipit, nullatenus verò misericordiam fictam.

38 *Quæ* ad argumentum concessio, quod verus mons, & verum aurum sint partes illius aggregati, neg. tamen, quod ens rationis consistat adhuc inadæquatè in aliquo reali; nam aggregatum illud præ-

cisè pro formali est aliquid rationis, pro identitate scilicet, sive unione extremorū, & cū hæc identitas, sive unio, nullo modo sit vera, & realis, indè sit, quod ens rationis in nullo reali consistat, & si pro substracto dicat aliquid reale: sicut album est concretum accidentale, quia forma est accidens, & si substractum sit substantia.

39 *Si instes*, Mons conceptus, ut identificatus cum auro, nequit esse verus mons, siquidem monti concepto ut identificato cum auro essentialiter repugnat existerè, ac proinde nequit esse verus mons: sed qui format illud aggregatum, concipit inotem ut identificatum cum auro: ergo non concipit verum montem, & consequenter licet materialiter sit verus mons, ut componens tamen illud aggregatum, & ut sic conceptus, non est verus mons. *Confirm.* Gratia concepta, ut existens in eodem subiecto cum peccato, est gratia ficta, nã est gratia concepta sine prædicato sibi essentiali expellendi peccatum, & consequenter est gratia repugnans: ergo mons conceptus, ut identificatus cum auro, est mons fictus, & repugnans, cum sit prædicatum essentialiter veri montis exclusio identitatis cum auro. *Vergetur* ex D. Augustino tract. 26. in Iohann. ubi contra Arrium hæreticè asserentem filium esse in inæqualem Patri sic ait: *Alium cogitas, non est ipse filius*: Et post pauca: *Aliud est eius filius, aliud, quod tu dicis*: ergo concipiens filium cum inæqualitate ipsi repugnante,

non concipit verum filium: ergo concipiens montem cum identitate ipsi repugnante verum montem non concipit.

40 *Resp.* disting. mai. mons conceptus vt identificatur cum auro identitate vere subiectivè, & in re talè nequit esse verus mons conc. mai. identitate solùm obiectivè, & apparenter tali neg. mai. Imò illa identitas ideo solùm fictè, & apparenter est identitas, quia inter verum montem, & verum aurum apprehenditur: sicut è converso ideo distinctio inter animal, & rationale est distinctio ficta, & rationalis, quia vera animalitas, & vera rationalitas solum per rationem possunt distingui. Ex quo constat ad insertam probationem: nam illam disting. monti concepto vt identificato cum auro repugnat existere, *existentia qua reddatur existens identitas cum qua fictè concipitur*: conced. *existentia, qua reddatur existens mons, qui cum identitate ficta concipitur* neg: ex quo solum sequitur, quod identitas sit ficta, non verò mons, qui cum illa concipitur: sicut misericordie Divinæ conceptæ vt distinctæ à iustitia repugnat existere existentia, qua reddatur existens distinctio illa rationis, cum qua concipitur, non tamen qua reddatur existens misericordia, quæ cum illa distinctione concipitur: ex quo solum sequitur, quod distinctio sit ficta, non tamen, quod concipiatur misericordia ficta. Quod si dicas: ergo mons reduplicativè vt identificatus cum auro, est quid si-

ctum, siquidem prout sic identificato repugnat existere. Conced. conseq. nam hoc solum est identitatem esse fictam, de cuius fictione non est litigium: sicut misericordiam Divinam reduplicativè vt distinctam à iustitia esse aliquid fictum, est solam distinctionem esse fictam; de quo non est dubium.

41 *Ad confirm.* eodem modo *resp.* quod Gratia concepta coexistens cū peccato est gratia fictè concepta coexistens, non tamen est gratia ficta, nam gratiæ fictæ non repugnat coexistere cum peccato. Nec repugnantia talis cōplexi consistit in eo, quod gratia cōcipiatur sine aliquo prædicato sibi esset tali, cum possit res inadæquatè concipi sub vno prædicato, & non sub alio, quin per hoc repugnantèr, sed præcisivè cōcipiatur: repugnatia ergo stat in prædicato illo superaddito coexistentiæ cū peccato, quæ coexistentiæ repugnat gratiæ, quam concipio vere talem: nam sola coexistentia seu compositio peccati, & gratiæ verè talis est repugnans.

42 *Hec constat* ad testimonium D. Augusti. Arius enim aliquid cogitabat, quod non erat filius, & si filium cogitavit; nam cogitabat filium inaequalem, & filius non est in re inæqualis, quod est inæqualitatem esse fictam, non tamen filium nisi reduplicativè vt inæqualem iuxta iam dicta; soli enim verò filio attribuitur falsò inæqualitas, & contra fidem, quæ æqualitatem de verò filio prædicat.

§. III.

Ultima conclusio.

43 **E**ns rationis consistit in esse purè ficto, adeque distincto ab omni reali, & verè possibili. Prob. 1. & à priori ex dictis conclusio. Ens rationis est quod tantum habet esse obiectivè in intellectu, id est, nullum aliud potest habere esse, præter illud esse obiectivum in intellectu, ut ex eius definitione constat: sed omne ens reale, vereque possibile aliud potest habere esse, præter esse obiectivum in intellectu: ergo vel entia rationis negantur, vel illa consistunt in esse purè ficto, ac proinde adequatè distincto ab omni ente reali, & verè possibili.

44 *Prob. insuper conclusio.* Ens rationis consistit in aliquo esse ficto, impossibili, & adequatè distincto ab omni possibili, si tale esse fictum possit ab intellectu cognosci: cum idè negetur à contrariis in illo esse purè ficto consistere, quia non posset ab intellectu cognosci: sed potest ab intellectu cognosci: ergo in illo consistit ens rationis. Prob. min. in quavis propositione essentialiter falsa, in hac v. g. *Homo est Equus*, seu *Homo est, idem cum Equo*: per hanc enim propositionem representatur intellectui identitas inter hominem, & Equum: ergo cognoscit intellectus tantam identitatem, cum intellectus cognoscat quidquid ipsi per pro-

positionem, seu cognitionem representatur: sed talis identitas est purè ficta, impossibilis, distincta adequatè ab omni verè, & realiter possibili: ergo cognoscitur ab intellectu esse purè fictum, impossibile, distinctum adequatè ab omni verè, & realiter possibili.

45 *Dices* quod prædicta propositio, seu cognitio representat ex parte obiecti subiectum, de quo prædicatum affirmat, & ipsum prædicatum, quod de illo affirmat, identitatem verò non representat ex parte obiecti, quia ipsa cognitio est se ipsa identitas intèrionalis eorum extremorum, ex quo tendit modo unitivo in illa extrema.

46 *Sed contra est* illa propositio, seu cognitio est essentialiter falsa: ergo representat aliquid ex parte obiecti, quod revera nequit ita esse in re. Paret cõseq. nam propositio est vera, vel falsa, à consonitate, vel dissonantia, representationis ipsius cum re, ac proinde si est essentialiter falsa, aliquid representat, quod nequit ita esse in re: sed sola identitas inter hominem, & Equum nequit esse in re: homo quippè, & Equus à parte rei sunt: ergo illa cognitio præter hominè, & Equum representat ex parte obiecti eorum identitatem. *Explicatur.* Per illam cognitionem, seu propositionem aliquid affirmatur revera impossibile, cum talis propositio sit revera impossibilis: sed sola identitas inter illa extrema est revera impossibilis: ergo affirmat, ac proinde representat ex parte ob-

lecti illorum extremorum identitatem.

47 *Contra* 2. Cognitio illa entitativè sumpta non est identitas extremorum : ergo solum potest esse eorum identitas cognitio illa repræsentativè sumpta : sed cognitionem repræsentativè sumptam esse identitatem est identitatem repræsentare ex parte obiecti, sicut imaginem Cæsaris esse Cæsarem repræsentativè est repræsentare Cæsarem : ergo illa cognitio repræsentat ex parte obiecti identitatem illorum extremorum, ac proinde cum talis identitas sit revera impossibilis, repræsentatur, & cognoscitur aliquid revera impossibile. Omnia constant, & primum antecedit prob. *Tum* quia cognitio entitativè sumpta est vera, & realis entitas, quæ provt sic in nullo vero sensu potest dici impossibilis : at illa cognitio, seu propositio, qua ratione est identitas extremorum, dicitur verè, & absolute impossibilis : ergo vel se ipsa non est identitas illorum extremorum, vel non est identitas cognitio entitativè sumpta. *Tum* quia formans illam propositionem affirmat hominem esse idem cum Equo : sed non affirmat suam cognitionem entitativè sumptam, alias cognitio illa esset reflexa, cognitio scilicet cognitionis, & ulterius esset cognitio vera, nam cognitio affirmans dari cognitionem (dum datur) identificantem intentionaliter illa extrema, est cognitio omnino vera : ergo cognitio entitativè sumpta non est se ipsa extremorum identitas.

48 *Ex his dignoscitur*, quod dum solutio asserit cognitionem esse se ipsa intentionaliter identitate extremorum, quia modo unitivo tendit in extrema, si per ly modo unitivo intelligit modum, qui se teneat entitativè ex parte cognitionis, falsum asserit : nam quicquid est in cognitione, entitativè consideratum, est ens verum, & reale, quo in nullo vero sensu potest denominari (vt revera denominatur) propositio illa, seu cognitio impossibilis : nec ab obiecto accipit ullam denominationem cognitio pure entitativè sumpta. Si autem talis modus unitivus se teneat repræsentativè ex parte cognitionis : ergo cognitio repræsentat ex parte obiecti unionem extremorum, nam cognitionem repræsentativè esse unionem, nil aliud est, quam repræsentare ex parte obiecti unionem : sed unio inter illa extrema est revera impossibilis : ergo per cognitionem illam repræsentatur ex parte obiecti aliquid revera impossibile.

49 *Quod si dicas* repræsentari quidem per illam cognitionem identitatem veram aliorum extremorum falso tamen applicatam extremis illius propositionis, homini scilicet, & Equo, in quo nil involvitur impossibile. *In contra* est ex dictis, quia falso applicari identitatem per illam cognitionem est talem cognitionem esse falsam in illa applicatione : ergo cognitio entitativè sumpta non est applicatio, sed repræsentativè sumpta, cum cog-

cognitio non dicatur vera, vel falsa nisi per conformitatem, vel dissonantiā suā representationis, cum re, quā representat: ergo representat unionē ex parte obiecti falsā, & chimerice applicatam illis extremis: sed propterea sic illa unio est revera impossibilis: ergo ex parte obiecti representat aliquid revera impossibile. *Alia* plura possent proboranda conclusione subijci, sed quia ex dictis possunt facile deduci, à prolixiore rationum extensione superfedemus.

50. *Obijc.* 1. Ens purè fictum, & adæquatè distinctum ab omni realiter possibili non est verè cognoscibile: sed ens rationis est verè cognoscibile: ergo ens rationis non est ens purè fictum, & adæquatè distinctum ab omni realiter possibili. *Prob.* mai. 1. Quod est purè fictum nō est nisi fictè cognoscibile, cum unumquodque eo modo sit cognoscibile, quo est ens: sed quod non est nisi fictè cognoscibile, non est verè cognoscibile: ergo quod est purè fictum, non est verè cognoscibile. *Prob.* 2. eadem mai. Ens purè fictum non est realiter cognoscibile, ut ex se patet: ergo nō est absolute cognoscibile. *Prob.* conseq. Non est absolute cognoscibile, quod intellectus nequit cognoscere: sed intellectus nequit cognoscere, quod non est realiter cognoscibile: ergo si ens purè fictum non est realiter cognoscibile, nec est absolute cognoscibile. *Prob.* min. Intellectus nequit cognoscere nisi realiter: sed quod non est rea-

liter cognoscibile nequit intellectus cognoscere realiter: ergo nequit intellectus cognoscere quod non est realiter cognoscibile.

51. *Confirm.* Quidquid est verè cognoscibile præcedit cognitionem sui, cum sit illius obiectū, & omne obiectū cognitionis cognitionem præcedat: sed ens purè fictum nequit sui cognitionem præcedere: ergo non est verè cognoscibile. *Prob.* min. Effectus nequit præcedere suam causā: sed cognitio entis purè ficti est causa illius, cum cognitio ipsum attingens sit quæ ipsum fingit, & dat ei illud esse fictum: ergo nequit sui cognitionem præcedere.

52. *Urgetur.* Quidquid est verè cognoscibile non ideo est cognoscibile, quia cognoscitur, sed ideo cognoscitur, quia est cognoscibile: sed ens purè fictum nō cognoscitur, quia est cognoscibile, sed potius est cognoscibile, quia cognoscitur: ergo non est verè cognoscibile. *Cætera* patent, & min. *prob.* Vnum quodque in tantum est cognoscibile in quantum est ens, cum cognoscibilitas sequatur ad entitatem: sed ens purè fictum ideo est ens, quia cognoscitur, cum per cognitionem ipsam, qua cognoscitur, fingatur, & habeat esse: ergo ideo est cognoscibile, quia cognoscitur.

53. *Sed dum hæc, & alia similia urgent Adversarij, ipsi argumentis, quibus signatè intendunt suadere suam sententiam, illam exercitè cōvincunt. saltem enim*

ens purè fictum non est cognoscibile, quomodo ipsi illud cognoscunt, dum de illo disputant? nec enim concedent, quod non cognoscant id, de quo disputant; & pariter nequeunt rationabiliter negare ens purè fictum esse intelligibile, si illud non intelligant; de eo enim, quod nullo modo apprehendimus, vel intelligimus, non possumus rationabiliter aliquid affirmare, vel negare: ipsi ergo videntur teneri sua argumenta solvere. *Quare ad argumentū resp. disting. mai.* Ens purè fictum non est verè cognoscibile, *cognoscibilitate, quæ subiectivè sit verè talis, conced. mai. quæ obiectivè sit verè talis, neg. mai. & dist. min.* Ens rationis est verè cognoscibile, *cognoscibilitate, quæ obiectivè sit verè talis, conc. min. quæ subiectivè sit verè talis, neg. min. & conseq.*

Constat traditæ distinctionis ratio ex dictis supra quest. 1. procem. art. 4. in quo nos docuit D. Thomas, quod sicut ens dupliciter usurpatur, & provt dicit ordinem ad esse, qua ratione ens rationis, seu ens fictum, non est verè ens, & provt verificat propositionem, in quo sensu etiam entia ficta possunt dici verè entia, cum non nulus, quam entia realia, verificent propositionem affirmantem de ipsis esse quid fictum, seu de ipsis negantem esse vera entia; ita intelligibilitas potest sumi dupliciter, subiectivè, seu transcendentaliter, qua ratione est passio entis prædicamentaliter sumpti, si ne ut dicit ordinem ad esse, in quo sensu intelligibilitas entis ficti

non est verè intelligibilitas, sed ficta, sic, sicut entitas, ad quam sequitur, & potest sumi obiectivè, seu enuntiabiliter, in quo sensu est passio entis provt verificat propositionē, ac proinde est verè talis in hac acceptione, sicut in hac acceptione, verè dicitur ens id, ad quod sequitur. Nec mirum, quod ens subiectivè fictum, & intelligibilitas, quæ subiectivè sumpta est ficta talis, sit obiectivè vera intelligibilitas; nam sicut imago Cæsaris apparenter tantum est Cæsar, verè tamen est apparentia Cæsaris, seu verè est Cæsar apparens, ita entitas ficta est tantum apparenter, & ficta entitas, verè tamen est apparentia entis, seu verè est ens apparens, & fictum, veritate (inquam) non subiectiva, & transcendentali, sed obiectiva, & enuntiabili.

54 *Hinc constat ad 1. prob. mai. Ad 2. illius prob. disting. anteced.* Ens purè fictum non est realiter *intrinsecè* cognoscibile *conced. anteced. realiter extrinsecè, neg. anteced. & conseq.* capacitas intrinseca entis ficti ut cognoscatur, non est realis, sicut realis entitas non est entitas ficta, cum qua identificatur, & sic ens fictum non est intrinsecè realiter cognoscibile; at cognoscibilitas extrinseca illius est realis, quia hæc non identificatur cum ipso ente ficto, sed cum ipso intellectu potente realiter cognoscere ens fictum.

55 *Instabis 1. nequit intellectus realiter cognoscere quod est intrinsecè incapax ut realiter cognos-*

noscatür: sed ens purè fictum est intrinsecè incapax, vt realiter cognoscatür: ergo ipsum nequit intellectus realiter cognoscere. *Instabis 2.* Quidquid intellectus realiter cognoscit, ipsi realiter obijcitur: ergo quod nequit realiter obijci intellectui, nequit ab ipso cognosci realiter; sed quod realiter intrinsece non est cognoscibile, nequit realiter obijci intellectui: ergo nequit ab ipso cognosci realiter. *Vergetur.* Iuxta solutionem, nequit ab intellectu cognosci quod est realiter incognoscibile tam intrinsecè, quàm extrinsecè: sed potest ab intellectu fingi incognoscibile tam intrinsecè, quàm extrinsecè, cum nulla sit chimæra, quâ intellectus non possit apprehendere, & fingere: ergo potest ab intellectu apprehendi, ac proinde cognosci, quod; quia incognoscibile etiam extrinsecè, non potest ab ipso cognosci; quo quid implicantiùs, & absurdius?

59. *Resp.* ad 1. Instantiam concessa mai. neg. min. nam aliud est, quod capacitas intrinseca entis ficti non sit realis, aliud, quod non sit capacitas, vt cognoscatür realiter: Primum est verum, & à nobis concessum, secundum autem est falsum: nec mirum, quod capacitas intrinseca non sit realis, & sit capacitas, vt cognoscatür realiter, cum realis cognitio sit ipsi extrinseca in nullo præiudicans eius entitati fictæ. *Ad 2. instantiam* disting. antec. ipsi realiter obijcitur, vel in se, vel in alio conced. anteced. in se præcisè neg. anteced. & conseq. Ne-

quit ens fictum realiter intrinsecè in se obijci, bene tamen realiter extrinsecè, & in alio, in specie scilicet, quæ formaliter primariò repræsentans ens reale repræsentat virtualiter secundariò ens rationis. *Ad ultimam resp.* quod si daretur aliquid reverà incognoscibile tam intrinsecè, quàm extrinsecè, illud nullatenus posset cognosci: at fictè solum potest aliquid apprehendi vtroque modo incognoscibile, & sic in ipso exercitio cognoscitur; nam propter vim reflexivam sintheoreticè infinitam intellectus, nihil est ita incognoscibile signatè, quod non sit cognoscibile exercitè. Et quidem si tale incognoscibile nullo modo potest cognosci, quomodo de illo disputatur, an sit, vel non cognoscibile? Et quomodo obijciens negat posse cognosci, si vt hoc rationabiliter neget, debet ipsum saltim in exercitio cognoscere?

57. *Hinc ad confirm.* principalis argumenti, resp. disting. mai. quod est verè cognoscibile: præcedit sui cognitionem *speculativam* conced. mai. *practicam* neg. mai. & disting. min. Ens rationis nequit præcedere sui cognitionem *practicam* conced. min. *speculativam* neg. min. & conseq. Cognoscitur speculatiuè ens rationis, cum ipsius, vel vt iam facti, vel vt factibilis, essentiam speculantes cognoscimus esse: quid fictum, in quo nil fingimus, sed fictionè vt est in se cognoscimus, cuius generis cognitionem præcedit omnino ens rationis illam spec-

ci ficans. Cognoscitur præcticè, cū in ipso exercitio fingitur per cognitionem attingentem res aliter, ac sunt in se: vt cum intellectus intendens attingere distinctè prædicata diffinitiva hominis, attingit animal, vt prædicatum commune, & distinctum à rationali, fingens in ipso exercitio cognitionis distinctionem, quæ in re non est, cuius cognitionis obiectum primum, & signatum non est illa distinctio ficta, sed obiectum tantum secundarium, & exercitum, quod non petit cognitionem præcedere. Licet posset dici, quod tale ens rationis subsequitur cognitionem prædicam in genere causæ efficien- tis, & illam præcedit in genere causæ formalis extrinsecæ, sicut eodem modo est prior, & posterior calor respectu actionis calefactivæ ipsum causantis iuxta dicta supra quæst. 1. art. 2.

58 *Ad id*, quo confirmatio vrgebatur, concessa mai. neg. min. Ad eius prob. disting. mai. Vnumquodque in tantum est cognoscibile, in quantum est ens, ly *in quantum dicente rationem, vel motivam, vel terminativam*, conced. mai. *motivam præcisè*, neg. mai. Ens reale, quod movet intellectum media sua specie, cognoscitur *quia est* antecedenter ad ipsam cognitionem: at ens rationis, quod non movet, sed terminat, cognoscitur, *vt sit*: sicut quidquid subijcitur causalitati Divinæ subijcitur *quia ens*, non quia creaturæ sint prius entia, quam subijciuntur, sed potius, quia subijciuntur, vt sint entia.

59 *Si dicat*: iuxta concessa, omne verè cognoscibile non est tale, quia cognoscitur, sed cognoscitur, quia est cognoscibile: sed si ens fictum cognoscitur, quia ens solum terminatiuè, prius cognoscitur, quam sit cognoscibile, cum prius cognoscatur, quam sit ens: ergo non est verè cognoscibile. *Resp.* maiorem esse veram de cognoscibilitate speculativa, quæ sequitur ad ens, non præcisè vt in actu, siue vt existens, sed ad ens, vel in actu, vel in potentia, qua ratione purè possibilia sunt cognoscibilia, & si non sint entia in actu; & hoc etiam modo ens rationis est cognoscibile, antequam perfectionem sit ens in actu; siue enim exercite fingatur, siue non, verum esse quid fictum, impotens in re existere, & quod si existit, purè obiectiue existit.

60 *Obije. 1.* Ens purè apparens nequit cognosci: sed ens purè fictum est ens purè apparens: ergo ens purè fictum nequit cognosci. Prob. mai. nequit cognosci quod cum vero ente non habet aliquam similitudinem, deficiet enim species, per quam aliquomodo representetur, sed ens purè apparens nullam habet cum vero ente similitudinem: ergo. *Explicatur.* Vt imago Cæsaris sit veri Cæsaris similitudo, requiritur, quod licet non sit verè Cæsar, sit tamen verè similis ipsi Cæsari: sed ens purè apparens, cum revera non sit ens, nequit esse vera similitudo veri entis, non ens enim nullius est similitudo: ergo

nequit per similitudinem veri entis cognosci, & sic nequit vilo modo cognosci.

61 *Resp.* neg. mai. Ad eius prob. disting. mai. Quod cum verò ente non habet aliquam similitudinem, *vel uniuocam, vel analogam* conced. mai. *uniuocam præcisè*, neg. mai. & applicata distinctione min. neg. conseq. Nec obstat maior probationis explicatio: licet enim ens pure apparens non sit sicut imago Cæsaris, verè veritate subiectiva, & transcendentali similitudo veri entis, quia subiectiue; & in se est non ens, benè tamen veritate obiectiva, & enunciabili iuxta dicta num. 53. verè namque concipitur ab intellectu, ac si esset ens, vereque de illo, vel affirmatur esse quid. fictum, vel negatur posse realiter existere; vnde D. Thom. 1. part. quæst. 16. art. 3. ad 2. ait: *Non ens non habet in se vnde cognoscatur, sed cognoscitur in quantum intellectus facit illud cognoscibile; vnde verum fundatur in ente, in quantum non ens est quoddam. ens rationis, apprehensum scilicet à ratione, ipsum ergo non ens apprehenditur, ac si esset aliquid, ac proinde vt inducens aliquam similitudinem cum verò ente.*

62 *Obijc.* 3. Intellectus affirmans hominem esse Equum facit ens rationis consistens per nos in identitate, quam affirmat: sed hæc identitas non est ficta: ergo non consistit ens rationis in aliquo esse ficto. Prob. min. intellectus affirmat eam identitatem, in cuius affirmatione falsum asserit: ergo non

affirmat identitatem fictam. Patet conseq. Nam hominem, & Equum identificari ficta identitate non est falsum, sed verum. *Explicatur.* Eam identitatem affirmat intellectus, quam dari est impossibile, cum propositio illa sit omnino impossibilis: sed solam veram, & realem identitatem dari inter illa extrema est impossibile, ficta enim identitas de facto datur inter illa: ergo intellectus affirmat identitatem veram, & realem inter illa extrema.

63 *Confirm.* Si talis identitas esset ficta, & impossibilis, verificarentur de ea duæ contradictoriæ, scilicet, *si poneretur in re, existeret talis identitas; si poneretur in re, non existeret talis identitas*, nam cum talis identitas sit impossibilis, ex eius positione vtrumque sequitur: sed implicat aliquid; ex cuius positione sequantur duæ contradictoriæ: ergo implicat, quod talis identitas sit pure ficta.

64 *Resp.* concessa mai. neg. min. Ad eius prob. concessio anteced. disting. conseq. non affirmat identitatem fictam *vt fictam* conced. conseq. *vt veram* neg. conseq. Nam vt falsum asserat intellectus, non requiritur, quod identitas, quam affirmat, sit vera, sic enim propositio non esset falsa; sed, quod identitas, quam affirmat, vt veram, sit ficta; Ideò enim propositio illa falsa est, quia per illam affirmatur vt vera identitas, quæ nequit esse nisi ficta. *Hinc* ad explicationem concessis præmissis disting. conseq. affirmat identitatem veram, &

realem, idest, quæ appareat vera, & realis, conced. conseq. quæ sit vera, & realis, neg. conseq. intellectus enim affirmat dari in re eam identitatem, quæ sibi realis apparet, quod quidem est omnino impossibile, cum identitas, quæ vera est tantum apparenter, nequeat in re existere.

65 *Ad confirm. resp.* quod si talis identitas poneretur in re, existeret, & non existeret, hæc enim est natura impossibilis, ut si existit, cum contradictione existat, ac proinde, quod si ponatur in re, existat, & non existat. Caterum non ideo dicende sunt veræ contradictione conditionales, quæ circa illud formantur, nec quæ adducuntur in argumento, sunt contradictione, cum particula *si* in utraque propositione affirmetur; debeant enim sic formari iuxta Dialecticæ regulas: *Si poneretur in re, existeret talis identitas. Non si poneretur in re, existeret talis identitas*, ex quibus negativa est falsa, cum neget sequi ex hoc, quod poneretur in re, quod existeret, quod est falsum; nam si ex eo, quod impossibile ponatur in re, sequitur utrumque, ergo falsum est, non sequi, quod existat, & si verum sit, etiam sequi, quod non existat.

A R T. III.

Quotuplex sit ens rationis?

66 **T**riplici divisione solet cōmuniter dividi ens rationis. Primò dividitur

in ens rationis ratioclinatæ, seu cum fundamento in re, & in ens rationis ratioclnantis, seu sine fundamento in re. Secundo dividitur in privationem, negationem, & relationem. Tertiò, & ultimò dividitur in primam, & secundam intentionem. De sufficientia harum divisionum est nobis sigillatim agendum.

§. I.

Probatur sufficientia prima divisionis.

67 **P**rimam divisionem rectam non esse sustinent aliqui, quibus visum est omnia entia rationis esse chymica, ac proinde nullam dari ens rationis ratioclinatæ: Hi sunt Herice, Serna, Arriaga, Oviedo, P. Lince, aliqui autem, quos suppresso nomine refert P. Franciscus Alphonsus, idem sustinent ex opposito motivo existimantes omnia entia rationis fingi cum fundamento in re, & ideo nullum esse chymericum, seu rationis ratioclnantis. Communis tamen sententia, celebrisque divisio desumpta ex D. Thoma 1. 2. q. 1. art. 3. & alibi sæpe deferenda non est.

68 Sit conclusio: *Aliqua sunt entia rationis cum fundamento in re, & aliqua sine fundamento in re, ac proinde recta est prædicta entis rationis divisio.* Prob. quoad 1. part. Sæpe res invitant intellectum, ut eas cognoscat cognitione, per quam formatur ens rationis: ergo sæpe fit ens ratio-

tionis cum fundamento in re. Patet
conseq. Nam fundamentum in re,
vt sit ens rationis, nil aliud est, quā
ocasio invitans intellectū ad cog-
noscendam rem cognitione fingē-
te ens rationis. Antec. verò prob.
ea, quæ cum in re sint idem, ha-
bent tamē operationes diversas, in-
vitant intellectum, vt ab ipso cog-
noscantur vt distincta, cum ex ope-
rationibus, quas experitur, sumat
congruenter occasionem intelle-
ctus ad sic, vel aliter cognoscendas
res, quarum sunt illæ operationes:
sed sæpè fit ens rationis cogniti-
one attingente vt distincta ea, quæ
& si in re sint idem, habent tamen
operationes diuersas: ergo sæpè in-
vitant res, vt cognoscantur cog-
nitione, per quam formatur ens ra-
tionis. Min. prob. ex eo, quod regu-
lariter accidit incognitione attingē-
te prædicata diffinitura alicuius,
v.g. hominis, vt distincta, eo quod
animalis operationis aliæ sunt ab
operationibus rationalis, qua cog-
nitione formatur inter animalita-
tem, & rationalitatem, quæ in re
sunt idem, distinctio rationis.

Si dicat. Nulla res præbet funda-
mentum, vt concipiatur aliter, ac est
in se ergo nullum sit ens rationis
cum fundamento. *Resp.* disting. an-
tec. vt concipiatur aliter ac est in
se, ab intellectu attingente res intuitiue,
& per adequatas species, conc. antec.
ab intellectu inadæquæ concipiente res,
neg. antec. ex quo solum sequitur,
quod intellectus Diuinus, vel An-
gelicus, non concipiat res aliter,
ac sunt in se, secus humanus, qui se-

pè nequit plura clarè, & distinctè
cognoscere, nisi plura entia ratio-
nis formando.

6) *Hinc* prob. secunda
pars conclusionis. Intellectus nul-
la à rebus data occasione fingit
sæpè entia rationis: ergo sunt
sæpè entia rationis sine funda-
mento in re. Prob. anteced. nul-
lam dant res occasionem, vt in-
tellectus concipiat hircoceruum,
identitatem hominis cum Equo,
& alia huiusmodi figmenta, quo-
rum formationi ipsa pugnantium
naturarum experientia opponitur:
ergo talia figmenta sunt, nulla
data occasione a rebus. *Confirm.*
Intellectus potest clarè, & distin-
ctè concipere hominem quin con-
cipiat illū, vt idem cum Equo, sicut
& hircum sine identitate cum cer-
uo, quin potius, nec hominem, nec
hircum, prout sic identificata, ve-
rè concipit: ergo purè pro libi-
to format intellectus similia fig-
menta.

§. II.

*Adequæ diuiditur ens rationis in ne-
gationem, priuationem, &
relationem.*

70 **A** Nequàm conclusio
probetur, supponen-
dum est, quod negatio est carentia
forme in subiecto incapaci, vt carentia
visus in lapide: priuatio est carentia
forme in subiecto apto nato ad illam
habendam, vt carentia visus in homi-
ne: relatio est respectus ad aliquid, vt
modo præscindamus à relationis

prædicamentalis, & transcendentialis differētijs, vtraque enim est respectus ad aliquid. *Rursus* privatio, & negatio possunt considerari per modum remotionis formæ, in quo sensu tenebram, v. gr. dari, nil aliud est quam lucem non existere, sub qua consideratione privatio, & negatio non sunt species entis rationis, cum nil involuant fictum; & possunt considerari positiue, quatenus scilicet concipiuntur, ac si essent aliquid efficiens subiectum, vt cum tenebras concipimus vt nigredinem, per acrem diffusam, qua cognitione fit ens rationis, vnde de priuatione, & negatione in hac secunda acceptione loquimur.

71. *Conclusio* igitur proposita desumitur ex Philosopho, qui 4. metaphisicæ prædictas tantum species entis rationis numerauit, & ex D. Thoma quæst. 21. de veritat. art. 1. dicente: *Id, quod est rationis, tantum potest esse duplex, scilicet relatio, vel aliqua negatio, omnis enim positio absoluta aliquid in rerum natura existens significat.* Vbi non solum conclusionem docet, sed eius tradit rationem, qua prob. Ens rationis est, quod cū in se non sit ens reale, concipitur admodum entis realis: sed sola privatio, negatio, & relatio sunt huiusmodi: ergo sola privatio, negatio, & relatio sunt entia rationis, & consequenter adæquate dividitur in illa tria ens rationis. Prob. min. Priuatio, negatio, & relatio non sunt in proprio conceptu: entia realia, & omne aliud ab eis

est in proprio conceptu ens reale: ergo sola privatio, negatio, & relatio, cum in se non sint ens reale, concipiuntur admodum entis realis. Anteced. quoad id quod excludit, videur constare, tum quia nullus hucusque dubitauit, quin substantia, quantitas, & sic de reliquis prædicamentis, præter relationem, sint in proprio conceptu entia realia. Tum, quia omnia illa sunt quid positivum, & absolutum; at iuxta D. Thomam vbi proximè, omnis positio absoluta aliquid in rerum natura existens significat: ergo.

Quoad id verò, quod positivè asserit, de negatione, & priuatione, eas scilicet non esse in proprio conceptu entia realia, res est certa: & quoad relationem prob. tum ex D. Thoma 1. part. quæst. 28. art. 1. dicente, *solum in his, quæ dicuntur ad aliquid, inveniuntur aliquid secundum rationem tantum, & non secundum rem, quod non est in alijs generibus, quia alia genera, vt quantitas, & qualitas, secundum propriam rationem significant aliquid alicui inherens, & subdit statim S. D. pro relatione rationem, quia quæ dicuntur ad aliquid significant secundum propriam rationem solum respectum ad aliquid, id est, purum respectum explicant, in quo nil realitatis exprimitur. Tum, quia relatio nec explicat aliquod esse reale, quod ponat in subiecto, cum non explicet esse in ordine ab subiectum, sed ad terminum, nec quod ponat in termino, cum sit purus respectus omnino extrinsecus termino: ergo in proprio conceptu nullum explicat esse reale.*

Ex-

Explicatur. Licet intellectus sæpè concipiat admodum substantiæ, quod substantia non est, & admodum quantitatis replentis vacuum quod non est quantitas, non tamen ob hoc debet dici, quod datur substantia rationis, aut quantitas rationis: sed hoc est præcipuum motuum oppositæ sententiæ, ut præsentis diuisionis sufficientiam impugnet: ergo & diuisio est sufficiens, & oppositum fundamentum est nullum. Prob. mai. & explicatur. Et si cū sit ens rationis, concipiatur aliquid ad modum entis realis, & quod sic apparet, ac si esset ens reale, tamen nullus dicet, quod datur entia realia rationis, hoc enim exterminis implicat: ergo quia ens rationis nõ dicitur illud, quod obiectiue apparet res, quæ concipitur admodum entis, sed illud solum, quod cum in se non sit ens, concipitur, admodum entis. *Hinc* fit, quod cū apprehenditur aliquid, ac si esset substantia; & datur ibi apparentia obiectiua substantiæ, & quod concipitur cum illa apparentia, ac si esset substantia; sicut datur apparere ens reale, & quod intellectus concipit cum illa apparentia entis realis; sicut ergo non dicitur rationis ens reale, cuius apparentiam gerit, quod concipitur, sed id, quod cum illa apparentia concipitur; ita non dicitur rationis substantia, cuius apparentiam gerit, quod concipitur admodum illius, sed id, quod cū in se sit aliqua negatio, priuatio, aut relatio, ad instar substantiæ concipitur; ens enim rationis est id,

quod cum in se non sit ens, concipitur, & apparet, ac si esset ens.

72. *Nihilominus. Obijc.* 1. Actio in proprio conceptu non explicat realitatem: ergo vel datur actio rationis, & sic diuisio non est adequata, vel ratio conclusionis est nulla. Prob. anteced. Actio in proprio conceptu non dicit inherrentiam, sed respectum ad agens per modum egressionis: sed quia relatio dicit respectum in proprio conceptu, non dicit in proprio conceptu realitatem: ergo actio non dicit in proprio conceptu realitatem.

73. *Resp. neg. antec.* Ad prob. disting. mai. sed respectum ad agens, respectum per modum actualitatis conced. mai. purum respectum neg. mai. Relatio in proprio conceptu explicat purum respectum, in quo nil exprimitur realitatis nec in subiecto, nec in termino; actio autem, & si nõ explicet in proprio conceptu inherrentiam, explicat in proprio conceptu rationem actualitatis agentis, seu actualitatis actiue, quæ cum ente ficto dicit in proprio conceptu oppositionem.

74. *Obijc.* 2. Priuatio est reale principium generationis: ergo non est ens rationis. *Confirm.* Priuatio, & negatio ut remotiones formæ, sunt à parte rei, ac proinde prout sic non sunt entia rationis, sunt autem entia rationis quatenus concipiuntur, ac si essent aliquid positivum: sed quatenus concipiuntur ac si essent aliquid positivum, non sunt priuatio, & negatio, hæ enim, ut tales, non sunt aliquid positivum.

ergo est negatio, & privatio non sunt entia rationis.

75 *Resp.* disting. antec. est principium reale generationis privatio *ut est præcisè non ens*, conc. antec. *ut hoc non ens concipitur*, ac si esset aliquid, neg. antec. & in hoc secundo sensu, non in primo, privatio est ens rationis. *Ad confirm.* disting. mai. Privatio, & negatio, ut remotiones for. rux, sunt à parte rei, non entia conc. mai. sunt à parte rei entia neg. mai. & neg. min. quia etiam conceptus ut, aliquid posivum. Illæ remotiones sunt privatio, & negatio, tenebra quippè etiam concepta admodum nigredinis, siue ut nigredo per aerem diffusa, est privatio lucis, denominatione sumpta, nō à nigredine, ad cuius modum concipitur, sed à remotione lucis, quæ concipitur admodum nigredinis.

76 *Dices.* Dum intellectus nititur apprehendere quod in re nō est relatum, ac si esset relatum, format ens rationis, quod non est negatio, sed relatio iuxta ipsam divisionem, quam in præsentī propugnamus: & tamen tunc casus relatio non est id, quod concipit admodum alterius, sed id, ad cuius modum concipit negationem relationis: ergo ens rationis nō semper est id, quod concipitur admodum alterius, sed etiam est id, ad cuius modum aliquid concipitur.

77 *Ref.* neg. mai. nām solum datur relatio rationis cum intellectu nititur apprehendere quomodo: vnum se habeat in ordine ad alterum fingendo respectū inter ipsa:

dum enim fingit relationem divini dominij ad creaturas, & relationem Magistri ad discipulos, non intendit apprehendere quomodo se habeat negatio relationis, sed quomodo se habeat Dominus relate ad subditos, & Magister ad discipulos, ac proinde nititur cognoscere verā relationē non dicentem in proprio cōceptu realitatē: quod si negationem relationis nitatur apprehendere, ac si esset relatio, tunc finget ens rationis, quod sit negatio, non minus ac cum alias negationes concipit, ac si essent formæ positivæ.

78 *Obj.* 3. Datur plura entia rationis, quæ non sint privatio, negatio, aut relatio: ergo divisio non est adæquata. *Prob.* antec. 1. Vnitas vn̄iversalis est, vnitas rationis: sed vnitas vniuersalis non est negatio, aut privatio, cū sit aliquid positivū, nec est relatio, cū vnitas sit aliquid abstractū: ergo. *Probatur* 2. Cū Angelus concipitur admodū corporis, fit ens rationis, nā concipitur quod non est corpus admodū corporis, quod nequit esse sine aliqua fisione: sed illud ens rationis, quod tūc casus fit, non est privatio, negatio, aut relatio: ergo idē quod prius, *Prob.* 3. Cū fingitur alter Deus, aut mons aureus, datur ibi substantia ficta: & dum concipimus vacuū admodum dimensionū replentū spatiū, datur ibi dimensionēs fictæ, ac proinde datur ficta quantitas in dimensionibus consistens: ergo alia à relatis in divisione sunt entia rationis.

79 *Resp.* neg. antec. siue de entibus

rationis cū fundamento in re, siue de chimericis sit sermo: ratio enim D. Thomæ, qua conclusionem firmavimus, vel de omnibus probat, vel de nullis, *Ad 1. prob. antec. concessa mai. neg. min. quoad 1. partē:* licet enim vnitas fundamentaliter sumpta, idest, res, quæ est vna, sit aliquid positivū, vnitas tamē pro formali est quid negativū, cum vnitas consistat in carentia pluralitatis: sed cuiusnā pluralitatis sit carentia vnitas, quā vt aliquid positivū concipit intellectus in natura vniuersali, dicetur in quæst. sequente:

80 *Ad 2. prob. eiusdem antec. disting. mai. cum Angelus concipitur admodū corporis pure connotatiue sit ens rationis, neg. mai. substantiue, aut emittitiue, conc. mai. Cognoscere Angelū admodū corporis pure connotatiue, est cognoscere illū per speciem corporis, qualiter necessum est, quod ipsum cognoscat intellectus noster in præsentī statu non aliter intelligens res, quā per species à sensibilibus acceptas, in quo nulla est fictio, sed solū cognitio connotatiua attingens Angelum per cōparationem ad corpus, sicut nulla est fictio in eo, quod Romam cognoscam ad hīst. Matriti. Cognoscere Angelum admodū corporis substantiue est cognoscere ipsum, ac si esset corpus, corporeitate ei applicando; & si hoc modo concipiatur (quod regulariter non accidit scientibus Angelos esse incorporeos) Angelus, fiet ens rationis consistens in identitate ficta Angeli, & corporis, quæ identitas ficta est relatio rationis.*

81 *At confirm. resp. iuxta dicta, quod cum fingitur alter Deus, datur ibi substantia ficta obiectiue, idest, substantia est id, ad cuius instar aliquid fictē concipitur, nō tamen substantia est id, quod fictē concipitur admodū alterius, ac proinde non datur substantia rationis; fingitur ergo tunc casus ens rationis, quod est relatio, cum intellectus non nitatur apprehendere negationē alterius Dei, sed quomodo se habeat Deus, vt alter, & distinctus à Deo. Optimo; Maximo, quæ diuersitas est relatio rationis: Similiter fictio montis aurei consistit in identitate ficta, quæ est relatio rationis, inter verum montem, & aurum: Cum autem concipitur vacuum admodū dimensionum replentium spatium, sit ens rationis, quod est negatio, aut privatio, cum id, quod intellectus nititur apprehendere, sit vera remotio corporis replentis vacuum.*

6. III.

Examinatur tertia diuisio.

82 *Vt examinetur vltima diuisio entis rationis in primam, & secundam intentionem, advertendum est, quod intentio, prout ad intellectum attinet, est duplex, formalis scilicet, & obiectiva: formalis est ipsa cognitio, siue actus, quo intellectus intentionaliter intendit; siue tendit in obiectum; ideoque intentio dicitur. Obiectiva est obiectum, in quod per talem actum tendit intellectus. Loquimur in præsentī de*

Intentione obiectiva, non deformali, quam manifestum est non esse speciem entis rationis, cum sit realis cognitio suum habens esse reale. *Rursus*, Intentio obiectiva dividitur in primam, & secundam intentionem. Prima intentio obiectiva est obiectum secundum quod terminat primam sui cognitionem, quæ est prima intentio formalis: secunda vero intentio obiectiva est obiectum ut cognitum, seu secundum ea, quæ conveniunt ipsi, quia, cognito, & ut terminanti secundam intentionem formalem: Sed quia hæc aliquali explicatione, & discussione indigent, ut ostendatur rectitudo divisionis.

83 *Sit prima conclusio*. Prima intentio obiectiva aliquando est ens reale, aliquando est ens rationis. Conclusio quoad primam partem est manifesta; nam prima intentio obiectiva est obiectum secundum quod terminat sui primam cognitionem, sive ut primo cognitum: sed obiectum ut primo cognitum aliquando est ens reale, hæc enim cognitione homo cognoscitur primo homo, qui est aliquid reale; ergo prima intentio obiectiva aliquando est ens reale. *Quod 2.* verò prob. obiectum cognitionis, quæ primo cæcitas concipitur, est prima intentio obiectiva, cum sit obiectum terminans primam cognitionem; sed obiectum cognitionis, quæ primo cæcitas concipitur, est aliquid rationis, cum cæcitas attingatur, ac si esset forma positiva, ergo prima intentio ob-

iectiva aliquando est ens rationis.

84 *Confirmat*. Relationis Magistri, Doctoris, dextri, & sinistri, divini dominij ad creaturas, aliaque similes sunt relationes rationis: sed hæc non sunt secundæ intentiones, sed primæ; ergo plures primæ intentiones sunt entia rationis. *Prob. min.* Relationes ille non conveniunt rebus ut cognitis, earum enim fundamentum non est cognitio, sed doctrina, distantia, & potestas: ergo plures primæ intentiones sunt entia rationis.

85 *Obijcies*. Prima intentio obiectiva est obiectum secundum id, quod habet in re; hoc enim est, quod primo ei convenit, & primo cognoscitur: Ideoque à Dialecticis dicitur terminus primæ intentionis qui significat aliquid secundum id, quod habet in re: ergo nulla prima intentio est ens rationis. *Confirm.* Secunda intentio obiectiva est, quæ convenit rebus ut cognitis: sed omne ens rationis convenit rebus ut cognitis: ergo omne illud est secunda intentio obiectiva.

86 *Resp.* disting. antec. est obiectum secundum id, quod habet in re, vel formaliter, vel fundamentaliter proxime, conc. antec. formaliter precise, neg. antec. & conseq. fundamentum proximum primæ intentionis convenit rebus ex se ipsis, in quo differt à secunda intentione quæ (iuxta dicenda) semper debet fundari in rebus ut cognitis, & secundum statum, quem habent in intellectu: at non semper est formaliter aliquid reale prima in-

tentio obiectiva, nā sēpē obiecta ut prima cognita sunt aliquid rationis, ut patet in exemplis positis. *Ad confirm.* concessa mai. disting. min. omne ens rationis convenit rebus ut cognitis, ly ut dicente causam effectivam conced. min. dicente fundamentum proximum neg. min. solius enim secundæ intentionis fundamentum proximum est cognitio, licet cuiusvis entis rationis causa effectiva cognitio.

87. *Secunda conclusio.* Secunda intentio obiectiva semper est aliquid rationis. Est D. Thomæ in 4. Metaphis. lect. 4. & opusc. 42. cap. 12. & ipsius ratione. prob. Secunda intentio convenit rebus ut cognitis: sed rebus ut cognitis non convenit aliquid reale: ergo secunda intentio non est aliquid reale. *Si dicat* quod rebus ut cognitis convenit aliquid reale, extrinseca scilicet denominatione cogniti, vnde quia natura fuit prius cognita sine differentijs, postea cognoscitur ut pluribus communis.

88. *Contra est.* Tū quia solutio potius impugnat dari entia rationis, quod satis manet in antecedentibus reiectum, quam eorum existentia supposita, præsentī adversetur conclusioni. *Tū* quia secunda intentio obiectiva est prædicatum, quod secundo intelligimus de rebus conveniens ipsis ut cognitis: sed denominatio cum sit ipsa cognitio extrinseca cogniti non est huiusmodi, nā talis denominatio cum sit ipsa cognitio extrinsece terminata ad obiectum, nō cognoscitur per eadē cog-

nitionem: ergo secunda intentio non est eiusmodi denominatio. Prob. mai. Secunda intentio formalis, cū sit nova, & secunda attritio, aliquid secundo de novo intelligit de re: ergo secunda intentio obiectiva est aliquid prædicatum, quod secundo, & de novo intelligimus de re.

89. *Tertia conclusio.* Fundamentum proximum secundæ intentionis semper est aliquid rationis. Est contra aliquos ex nostris existimantes fundamentum proximum secundæ intentionis esse extrinsecam denominationem cogniti, contra quos prob. Secunda intentio obiectiva est, quæ fundatur proxime in rebus ut cognitis: sed non cognitis ut sunt in se: ergo aliter ac sunt in se, ac proinde fundatur proxime in rebus ut involuentibus formam rationis. Prob. min. *Tū* quia res cognita ut sunt in se non præbent proxime fundamentum eidē intellectui, ut aliter ac sunt in se cognoscantur. *Tū* quia aliās intellectus perfecte intelligens res ut sunt in se posset proxime ex hoc habere fundamentum ad eas cognoscendas: aliter ac sunt in se. *Tū* quia rem esse extrinsece cognitam est quid indifferens ut denuo cognoscatur vel ut est in se, vel aliter ac est in se, ac proinde nequit esse fundamentum proximam ut cognoscatur aliter ac est in se. Denique fundamentum proximum secundæ intentionis est occasio ex parte rei proxime invitans intellectum, ut eam concipiat aliter ac est in se: sed denominatio extrinseca cogniti non est occasio ex parte rei, cum.

cum tantum sit in intellectu cognoscente: ergo.

90 *Pater ex his, quod tertia hæc divisio entis rationis sit adæquata: omne enim ens rationis, vel est p. Ima, vel secunda intentio, cum vel resultet ex cognitione, qua primò res concipitur, vel qua consideratur secundum ipsi convenientia ex vi prioris cognitionis per intellectum.*

ART. IV.

An ens rationis possit existere per existentiam sui fundamenti?

93 *Sicut essentia entis realis consistit in prædicatis, per quæ quidditative diffinitur, & existentia consistit in actu, quo talia prædicata constituuntur extra causam: ita ens rationis habet suam essentiam, quæ consistit in esse purè obiectivè in intellectu, & existentiam, qua ne dum possibiliter, sed actu exercitè ponitur illud esse obiectivum: cum enim quidditatè entis rationis speculantes cognoscimus sine vlla fictione (hoc enim verum est) ipsam esse quid fictum, vel fictibile ab intellectu, tunc nulli ei existentiam tribuimus, præter extrinsecam denominationem cogniti: cū verò in exercitio apprehēdimus aliquam rem, aliter ac est in se, tunc reducimus ad exercitium, & existentiam illud esse purè obiectivum, quod erat purè possibile per ordinem ad cognitionem potentem ipsum fingere;*

§. I.

Nullum ens rationis potest existere per existentiam sui fundamenti.

94 *Ec conclusio, qua dire-*

H*æc resolvitur dubiū, omnia entia rationis comprehendit, sive quæ fundatur proximè in aliquo reali, ut de primis intentionibus rationis diximus in art. præced. sive quæ fundantur in aliquo rationis, ut secundæ intentiones, & prob. ex D. Thoma sæpè docente; quod tunc sit ens rationis, quando actu consideratur: ex quo elicitur ratio probas veritatè conclusionis quo ad utrūque partē. Ens rationis nequit existere, nisi dum actu fingitur ab intellectu, cū sit ens fictum essentialiter pendēs in esse, & conservari ab actu fingente: sed per hoc quod fundamentum illius existat, ipsum ens rationis fundatum non fingitur actu ab intellectu: ergo nec existit. Prob. min. actu fingi ab intellectu non stat sine actu considerari, & cognosci ab intellectu: sed per hoc, quod fundamentum stat, non consideratur, & cognoscitur ab intellectu ens rationis fundatum: ergo nec fingitur.*

95 *Prob. deinde specialitèr de entibus rationis, quæ proximè fundantur in aliquo reali. Ens rationis existens per existentiam realem sui realis fundamenti esset ens rationis existens realiter: implicat in terminis ens rationis existens realiter, aliàs esset ens reale, & non rationis: ergo implicat ens rationis existens per existentiam realem sui fundamenti realis. Prob. mai. Ens existens per*

existen-

existentiam realem, & realiter ipsi communicata est ens existens realiter: sed ens rationis existens per existentiam realem fundamenti existeret per existentiam realem, & realiter ipsi communicata: ergo existeret realiter. Mai. est evidens, cum effectus formalis formæ realis, & realiter communicata nequeat non esse effectus realis. Min. vero prob. *Tum* quia existentiam realem realiter communicari nil aliud est, quam reddere essentiam existentem ante omnem operationem, & fictionem intellectus: sed si existeret per existentiam realem redderetur existens ens rationis ante omnem operationem, & fictionem intellectus: ergo. *Tum* quia existentiam realem haberet, antequam actu obijceretur intellectui, & ab ipso cognosceretur, hoc enim est, quod opposita affirmat sententia: sed hoc est habere realiter communicatam existentiam realem: ergo.

§. II.

Solvuntur argumenta.

94. **O**bjc. 1. Potest ens rationis representari per speciem realem, potest insuper cognosci, & attingi per actum realem: ergo potest existere per existentiam realem.

95. *Resp. neg. conseq. nā ex quo antecedens sit verum, solum sequitur, quod ens rationis denominetur representatum realiter, & cognitum realiter, quæ denominationes*

reales, cum sint extrinsecæ, nullo modo præiudicant eius entitati si-
c. *clat* existere realiter, cum sit de-
nominatio, & effectus formalis in-
trinsecus, non cōpatitur cum eius
entitate pure ficta, repugnat enim
ens pure fictum, & distinctum ab
omni ente reali, realiter existere.
Nec valet, quod conceptus est vlti-
ma actualitas obiecti; nam in pri-
mis falsum est conceptum omnino
extrinsecum obiecto esse illius vlti-
mam actualitatē, vt suo loco const-
tabit: *Deinde*, etsi sit vltima actuali-
tas, est actualitas extrinseca, cuius
realitas in nullo præiudicat entita-
ti intrinsecæ obiecti pure ficti.

96. *Dices*. Potest ens rationis exis-
tere per existentiam realem, & nō
existere realiter: ergo ratio nostra
est nulla. Prob. antec. *Tum* quia po-
test (& de facto sic evenit) humani-
tas Christi D. existere per existen-
tiam Verbi infinitam, & æternam,
quin existat ab æterno, aut infinitè:
ergo potest ens rationis existere per
existentiam realem, quin existat
realiter. *Tum* ex hoc ipso, nam si
existētia infinita potest cōmunica-
re effectum existendi, & non infinitè,
cur enti rationis non poterit cō-
municare existentia realis effectum
existendi, & non realiter?

97. *Resp. neg. antec. Ad eius 1.*
prob. neg. conseq. quia existentia, &
si æterna, & infinita, non denomi-
nat infinitè, & ab æterno existentē
naturam, cui ab æterno non com-
petit, & quam infinitè non perficit,
qualiter humanitatem Christi non
perficit, nec ei ab æterno competit

existentia Verbi; at existentia realis, per quam existeret ens rationis, & esset realis, & ipsi realiter corripere teret, cum ipsi competeret iuxta oppositam sententiam ante omnem fictionem intellectus, ac proinde redderet ipsum existens realiter.

98 *Ad 1. prob.* antec. resp. quod nulla forma potest communicari, quin tribuat aliquem effectum specificum, & cum ablato conceptu realitatis, solus restet in existentia reali conceptus communissimus existentiae, qui prout sic nequit communicari, inde fit, quod nequeat communicare effectum existendi, & non existendi realiter: at ablato conceptu, seu effectu infinitatis in subsistentia Verbi, restat conceptus existentiae realis substantialis supernaturalis, cuius est capax humanitas, quin ei tribuat infinitatem, cuius est incapax.

99 *Obijc. 1.* Potentia potest existere sine actu: ergo potest existere esse obijcibile, quin actu obijciatur: sed ens rationis consistit in esse obijcibili: ergo potest existere ens rationis, quin actu obijciatur. *Confirm.* Si non posset existere ens rationis quin actu obijceretur, & cognosceretur, posset naturaliter existere essentia sine passionibus, siue proprietatibus, intellectu enim fingente essentiam, & ulterius non progrediente ad cognoscendas, siue fingendas proprietates, existeret essentia, quin existerent eius proprietates: sed hoc est impossibile: ergo potest existere ens rationis; quin actu cognoscatur.

100 *Resp.* disting. antec. Potentia *Physica* potest existere sine actu conced. anteced. potentia *Logica*, neg. anteced. & conseq. Potentia *Physica* est potentia ad actionem, vel passionem, & potest res existere, quin aliquid agat, vel recipiat, ac proinde potest existere sine actu: at potentia *Logica* nil aliud est, quam non repugnantia ad existendum, unde implicat existere sine actu, quia actus talis potentiae est ipsa existentia, & implicat aliquid existere sine existentia: cum ergo in ente rationis idem sit existere, ac actu obijci, sicut nequit esse obijcibile existere sine existentia, ita nequit existere quin actu obijciatur. Solutionis veritas patet in ipso ente reali; quod est quoddam esse realiter producibile, & nequit tale producibile existere, antequam producatur.

101 *Ad confirm.* concessa mai. neg. min. Quia licet in entibus reallibus sit inconveniens, quod existat essentia sine proprietatibus, in entibus rationis hoc nullum est inconveniens; quia cum eorum esse sit quid fictum, consistens in cognosci, non inconvenit, quod unum existat sine altero, quoties unum potest cognosci sine altero.

102 *Obijc. 3.* Cæcitas est ens rationis; sed nullo intellectu considerante, existit cæcitas: ergo existit ens rationis, nullo intellectu considerante. *Prob. min.* nullo intellectu considerante, & à parte rei, homo priuatus visu denominatur cæcus: sed denominatur cæcus à cæcitate:

ergo existit cæcitas ipsum denominans, nullo intellectu considerante.

103 *Resp.* disting. mai. Cæcitas remotiue sumpta est ens rationis neg. mai. sumpta positiue conced. mai. & disting. min. nullo intellectu considerante existit cæcitas remotiue sumpta conced. min. sumpta positiue, neg. min. & conseq. Cæcitas solum est ens rationis ut concepta, ac si esset quædam forma positiua, & hoc modo non existit nisi intellectu eam considerante; & remotiue sumpta, & prout est idem ac non visus, vere remotiue existit nullo intellectu considerante, cæterum prout sic non est ens rationis, sed realis remotio, seu privatio visus. Nec minoris probatio oppositam convincit; quia cum entia rationis sint minimæ entitatis, sufficit, quod eorum fundamentum existat, ut datur absoluta denominatio; quæ ratione Deus dicitur absolute Dominus ab æterno creaturarum, & si ab æterno non existat absolute relatio dominij, sed eius fundamentum; & similiter homo denominatur absolute cæcus à parte rei, quin à parte rei existat absolute cæcitas, sed eius fundamentum, remotio scilicet visus. Et similiter signa ad placitum absolute denominantur talia, per hoc quod fundamentum existat.

ART. V.

Utrum solus intellectus efficiat entia rationis?

104 **S**I nominis ethimologia attendatur, certum est, quod ens rationis à sola ratione, seu intellectu possit fieri, cum idem sonet ens rationis, ac ens à ratione: Accipitur ergo in præsentia, ut disputationi sit locus, ens rationis pro ente ficto, & obiectiue tantum existente in aliqua potentia, & inquirimus, an solus intellectus possit illud formare: cum enim sint in nobis potetie præter intellectum, nimirum voluntas, sensus externi, & interni, de his omnibus dubitatur, an sint causæ effectivæ entis rationis, vel vnicè intellectus possit illud efficere.

§. I.

Voluntas non efficit entia rationis.

105 **C**onclusio est communis inter Logicos, & Metaphysicos contra Scotum, Arriaga, Bonæ Spel, & Olcina, & Prob. Potentia, quæ non format sibi obiectum, non efficit entia rationis, cum facere ens rationis sit dare esse obiectivum ei, quod antea non erat ens: sed voluntas non format sibi obiectum: ergo non efficit entia rationis. Prob. min. Potentia formans sibi obiectum reddit illud sibi intentionaliter præsens:

sed voluntas non reddit obiectum sibi intentionaliter præsens. Tum quia semper fertur in obiectum ut iam sibi propositum ab intellectu. Tum quia reddere præsens intentionaliter obiectum est illud ad se intentionaliter trahere, & intra se constituere: sed voluntas non trahit res ad se, sed potius fertur ad res, ut quoddam pondus, & inclinatio in illas: ergo voluntas non format sibi obiectum.

106 *Confirm.* & explicatur. Potentia, quæ si aliquando attingit aliquid fictum, fictionem præsupponit, & non facit, non format ens rationis: sed voluntas, si attingit aliquid fictum, fictionem præsupponit, & non facit, cum voluntas semper feratur in obiectum, ut sibi ab intellectu propositum: ergo non format ens rationis.

107 *Obije.* Voluntas sæpè subordinat Deum creaturis, cū creaturas anteposit Deo: sed talis subordinatio est quid fictū, & ens rationis: ergo sæpè format ens rationis. *Confirm.* Voluntas sæpè attingit res aliter ac sunt in se: ergo sæpè facit entia rationis. Pro. ant. Voluntas sæpè amat ut bonum, quod in re bonum non est, cum sæpè tendat in bonum apparens: ergo sæpè attingit res, ac sunt in se.

108 *Resp. disting. mai.* Voluntas sæpè subordinat affectivè, seu prosecutivè Deum creaturis conced. mai. effectivè neg. mai. & concessa min. neg. conseq. quia voluntas solum prosequitur obiecta eo ordine quo proposita sibi sunt ab

intellectu, unde si ordo est ente rationis, non efficitur à voluntate, sed ab intellectu, cuius solius est ordinare, sive ordinata proponere.

109 *Si dicas.* Ex eo quod voluntas supponat fictum (idem de quocumque alio ente rationis) illum ordinem, non sequitur, quod illum non efficiat: ergo solutio est nulla. Prob. antec. Nihil prohibet, quod ens rationis semel, & iterum fingatur per diversos actus: ergo nihil prohibet, quod voluntas fingat ordinem iam fictum ab intellectu.

110 *Disting. antec.* Ex eo, quod voluntas supponat per accidens fictum illum ordinem non sequitur, quod illum non efficiat, conced. antec. Ex eo, quod illum supponat essentialiter, & ex modo tendendi iam fictum neg. antec. Ens rationis iam fictum per unum actum potest iterum fingi per alium, qui ex modo tendendi non supponit illud fictum, quia ratione ens rationis factum à Petro, potest etiam à Ioanne fingi, & idem intellectus potest per unum actum fingere ens rationis, quod iam per alium finxit, quia sequenti actui accidit, quod obiectum, præsupponatur fictum: at voluntas ex suo essentiali modo tendendi supponit illum ordinem iam fictum cum sic, & non aliter, tendat in obiectum, ut erat ab intellectu propositum.

111 *Ad confirm. disting. antec.* voluntas sæpè attingit res aliter, aliegate à se facta, ac sunt in se, neg. antec.

reced. *aliter* à se *presupposita* conced. antec. & neg. conseq. nam illi est voluntas sapè tendat in bonum, quod in re non est bonum, bonitas tamen illa apparens, in quam tendit, non ab ipsa fabricatur, sed ab intellectu, ad ipsam enim solum spectat prosequi obiectum, ut ab intellectu propositum.

112 *Instabis.* Sepè voluntas amat ut bonum, quod intellectus iudicat esse malum: ergo tunc bonitas fingitur à voluntate. *Uterius.* Sicut voluntas supponit obiectum cognitum ab intellectu, ita intellectus supponit illud representatum per speciem impressam: ergo sicut hoc non obstante, intellectus efficit ens rationis, ita voluntas illud efficere valebit.

113 *Ad 1.* Instantiam, disting. anteced. quod intellectus *speculativè* iudicat esse malum conced. anteced. quod *practicè* iudicat esse malum neg. antec. cum enim voluntas non possit velle malum ut malum, requiritur, ut aliquod obiectum amet, quod illud proponat intellectus ut bonum, non quidem affirmando expresse illud esse bonum, sed iudicando, quod hic, & nunc debet tamquam bonum, & conveniens amari, quod est practicè bonitatem fingere. *Ad 2. disting.* anteced. ita intellectus supponit, ita quoad obiectum *primariè* conced. ant. ita quoad obiectum *secundarium* neg. antec. nam præter id, quod formaliter representat species, cognoscit plura intellectus, quibus propter sui in fingendo fecunditatem vel in cognoscendo imperfectionem,

dat esse obiectivum, & quæ propterea sic ficta solū virtualiter, seu in actu primo supponebantur in specie impressa.

§. II.

Sensus externi nullum faciunt ens rationis.

114 *Conclusio* est inter AA. communiter recepta contra Arriaga, & nonnullos Scotistas, & prob. Sensus externus nil efficit, quod sit obiectivè in ipso: ergo cum ens rationis habeat esse obiectivum in potentia illud formante, sensus externus non facit ens rationis. Prob. antec. *Tum* quia sensus externus non format idolum, seu imaginem, media qua sensibile sit obiectivè in ipsis, ut quæst. 6. de anima, art. 2. ostendimus. *Tum* quia quidquid attingit sensus externus existit extra ipsum: ergo nil efficit, quod sit obiectivè in ipso.

115 *Obijciēs 1.* Sensus externi attingunt plura, quæ in re non sunt, ac si essent, gustus enim febricitantis attingit ut amarum quod in re non est amarum, sed dulce; similiter visus videt in collo Columbe, & in Yride colores, qui tantum apparenter sunt tales, & baculum existentem subtus aquas videt curvum, cum sit rectus: ergo fingunt plura, ac proinde faciunt entia rationis.

116 *Resp.* neg. antec. quod induta exēpla non suadent: gustus enim febricitantis percipit veram, & rea-

Item amaritudinem humoris cholericæ, quo lingua est infecta, & quo impeditur percipere dulcedinem cibis; similiter vitus in collo Columbeæ, & in Yride, veram videt similitudinem colorum, quæ ex reflexione lucis, sic vel aliter dispositæ ibi formatur, licet veri colores non sint, hoc est, ex intus in se co mixti temperamento promanantes, sicut colores naturales permanentes; & idem dicimus de curvitate baculi, cuius vera similitudo formatur ex refractione specierum per medium turbatum immixtarum. Et quidem tam colores Yridis, quam curvitatem baculi representat speculum è regione positum, quin propterea speculum formet ens rationis. An autem, & quomodo ex hoc sumat intellectus occasionem, ut fallatur, sicut & alia, ex quibus præsens pendet dubium, explicamus ex propositio in quæst. 6. de anim. art. 3. & quæst. 7. art. 1.

117 *Obijciens 2.* Color in communi est ens rationis: sed visus attingit colorem in communi; ergo attingit, & consequenter facit ens rationis. Prob. min. Potentia visiva specificatur à colore in communi: sed quælibet potentia attingit suum specificativum: ergo potentia visiva attingit colorem in communi. *Confirm.* Potentia visiva attingit ut separata, quæ in se separata non sunt, sed coniuncta, attingit enim in pomo colorem, non tacto sapore; similiter cum à longe videt aliquod corpus, percipit illud esse coloratum, quin percipiat, an sit al-

bum, vel nigrum, & consequenter præscindit gradum genericum à specifico: ergo facit distinctionem rationis.

118 *Urgetur.* Visione exteriori percipimus tenebras, cum visus percipiat hic esse lucem, ibi lucem non esse, quod est tenebras percipere: sed perceptio tenebrarum est formatio entis rationis, cum tenebræ nihil sint, & percipiantur, ac si essent aliquid; ergo. visione exteriori formamus ens rationis.

119 *Resp.* disting. mai. color in communi *communitate formali* est ens rationis conced. mai. *communitate fundamental* neg. mai. color formaliter communis est color abstractus ab hac, vel illa specie coloris, & sic dicit unitatem rationis; color fundamentaliter communis sunt omnes colores, pro ut convenientes, & similes in hoc, quod est esse colores, in quo nil rationis involuitur, & sub hac consideratione, non sub prima, attingitur à visu, & ipsum specificat.

120 *Ad confirm.* disting. anteced. attingit ut separata, quæ sunt coniuncta *per identitatem* neg. anteced. quæ sunt coniuncta *per accidens* sub disting. *faciendo inter ea separationem*, neg. anteced. attingendo præcisè unum, alio non attracto conced. antec. ex colore, & sapore realiter distinctis, & per accidens coniunctis, percipit visus colorem, non percepto sapore, qui est extra spheram visus, in quo nulla est fictio, quæ esset, si color ut separatus à sapore obijceretur visui.

Cum

Cum autem videt à longe corpus, attingit remissè visus tam rationem coloris, quam rationem talis coloris, vtramque eodem modo confuso percipiendo, & non discernendo, in quo nulla est fictio, sicut nec distinctio, aut præcisio.

121. *Ad id, quo argumentum vrgetur, disting. mai. Visione exteriori percipimus positivè tenebras neg. mai. negativè, aut remotivè conced. maior. percipere positivè tenebras est eas videre, seu attingere per modum objecti visi, & hoc modo nequeunt percipi à visu; eas percipere negativè, est non percipere lucem, & hoc modo negativo, seu indirecto tenebras attingere, non est vlllo modo formare ens rationis.*

§. III.

Sensus interni non formant entia rationis.

122. **P**roter sensus externos: quatuor communiter recensentur in nobis, sensus interni, qui dicuntur, sensus communis, æstimatoria, phantasia, seu imaginativa, & memoria, quorum sensuum distinctio, & munera explicanda spectant ad Animasticum: Afferimus modo nullum ab ipsis formari ens rationis, quæ conclusio est contra P. Suarez, Rubium, Arriaga, Merinero, quibus adhærent ex nostris. Prado, & Linze, prob. Potentia, quæ

nequit cognoscere non ens, vt ens, nequit facere entia rationis, cum ens rationis sit non ens cognitum vt ens, seu ac si esset ens: sed nullus sensus internus potest cognoscere non ens, vt ens: ergo nec formare entia rationis. Prob. min. 1. Sola illa potentia, quæ potest discernere inter ens, & non ens, potest cognoscere non ens, vt ens, cum cognoscere non ens, vt ens, vtriusque extremi distinctionem expolat: sed nullus sensus internus potest discernere inter ens, & non ens, hoc enim est proprium intellectus, cuius solius obiectum est ens, in quantum ens: ergo nullus sensus internus potest cognoscere non ens vt ens.

123. Prob. 2. eadem min. & explicatur probatio præcedens. Cognoscere non ens vt ens, est cognoscere admodum entis negationem omnimodam, entitatis: sed nullus sensus internus potest cognoscere admodum entis omnimodam negationem entitatis. Tum quia omnimoda negatio entitatis est extra sphæram cuiuscumque sensus ad sola sensibilia ab intrinseco determinati. Tum quia solus ille potest cognoscere admodum entis omnimodam negationem entitatis, qui cum universalissimam rationem entis attingat, potest per connotationem ad ipsum eius opposita percipere: sed solus intellectus est huiusmodi, secus aliquis sensus: ergo.

sens non est non ens absolute, seu cum addito, in hoc scilicet loco, vel in hac temporis mensura, unde sensus, qui sic absens, si e non præsens concipit ut præsens, ens simpliciter tale apprehendit, cum comparatione tamen materiali, & exercita ad hunc locum, vel ad hoc tempus, quod totum est omnino possibile. *Ex his* ad 2. prob. resp. quod actu imaginatiue solum apprehenduntur accidentia exteriora montis aurei, quæ ut imaginatiue obiecta nullam dicunt repugnantiam, sed possunt in externa imagine depingi, licet præbeant occasionem intellectui essentias montis, & auri penetranti, ut ex utraque formet identitatem omnino impossibilem.

132 *Ad 3. prob. antec. resp.* nil impossibile in præfatis exemplis cognosci, nil fingi: Canis enim aggredditur, & latrat in eam figuram, quam refert umbra, & quam confuse cognoscens nescit discernere, quid iuxta ipsa lateat, vel non lateat: Ovis similiter cognoscens pellem Lupi sibi insens, eius inimicitiam per æstimatam apprehendit, & sic fugit nesciens discernere, an illa figura sit quod apparet, & idem de passeribus, qui videntes in pictura colorem, & figuram vuarum, eas impetunt, ut similibus accidentibus ducti veras vuas solent appetere.

133 *Obijcies* 2. Sensus internus ex subordinatione ad intellectum, & coniunctione cum illo

potest discurrere iuxta D. Thomam 1. p. q. 78. art. 4. ergo ratione eiusdem subordinationis, & coniunctionis potest efficere entia rationis. Prob. consequ. *Tum* à paritate rationis. *Tum* quia discursus importat respectus rationis antecedentis ad consequens & è conuerso.

134 *Resp.* quod potentia inferior ex cōiunctione, & subordinatione ad superiorem potest quidem perfectius operari, quam si talem coniunctionem non haberet, cæterum hoc debet intelligi intra suam sphaeram, non extra illam, seu in eo, quod est proprium priuatiue potentie superioris ut ab inferiori distinctæ, hoc enim non esset potentiam inferiorem perfici, sed destrui per additionem perfectionis ipsi repugnantis. Discursus ergo, qui cōceditur alicui sensui interno hominis ex coniunctione ad rationem, & discursus materialis per exercitam comparationem vnius sensibilis cum alio, qui discursus non transcendit sphaeram sensibilitatis, cum non percipiat ordinem prædicati ad subiectum, nec antecedentis (& sic patet secundæ probationi) ad consequens, sicut discursus formaliter talis, qui est proprius intellectus; ut amplius ostendimus quæst. 8. de anim. artic. 2. at percipere non ens, est proprium priuatiue illius potentie, cuius obiectum est ens in quantum ens, cui non ens opponitur, quo obiecto

do solus gaudet intellectus.

135 *Si infes.* Quia intellectus habet pro obiecto ens, potest non ens ipsi oppositum attingere ut ens, siue admodum entis: ergo quia obiectum sensus est sensibile, potest non sensibile ipsi oppositum attingere ut sensibile, siue admodum sensibilis: sed attingere non sensibile admodum sensibilis est attingere, & efficere ens rationis: ergo sensus potest efficere ens rationis.

136 *Resp. neg. conseq.* Si de non sensibili simpliciter tali intelligatur, ut debet, ad hoc, quod inferat sensum efficere ens rationis, non sensibile quippè est omnino extra sphaeram sensus ad sensibilia, & materialia determinati, qua ratione non est extra sphaeram intellectus non ens, quia potentia ita immaterialis, & vniuersalis ad cuiuscumque generis, & quomodo-cumque cognoscibilia extenditur. Et quidem argumentum probat, quod visus possit attingere non coloratum, auditus non sonorum, & sic de singulis sensibus externis, quod patet quàm sit falsum.

137 *Ex dictis* inferitur conclusio, quæ directe respondeat titulo articuli, quæ talis est: *Solus intellectus format entia rationis.* Et sic prob. Intellectus format entia rationis, & nulla alia potentia ab intellectu format illa: ergo solus intellectus format entia rationis. Antec. quoad

1. partem est euidens, & quoad secundam conlat ex præcedentibus, siquidem nec voluntas, nec sensus, siue externi siue interni formant entia rationis: ergo nulla alia potentia ab intellectu format entia rationis.

ART. VI.

An intellectus Diuinus faciat entia rationis?

138 **A**liqui videntes ex vna parte, quod entia rationis non possunt nisi fingendo fieri, & ex alia inter eorum fieri, & cognosci non discernentes, ne cogerentur fateri Deum fingere, negauerunt illa cognoscere. Hi sunt Vazquez, Alarcon, Cabero, & Camaruel, quorum sententia rejicitur a cæteris AA. & merito. Tum quia Deus iuxta Psalmistam cognoscit cogitationes hominum, quoniam vane sunt: sed nequit cognoscere cogitationes vanas, per quas sæpius entia rationis formantur, quin cognoscat entia rationis formata, præsertim cum cognitio Diuina sit comprehensua: ergo cognoscit entia rationis. Tum quia Deus perfectissimè cognoscit omnem veritatem: sed chimera à nobis cognitam esse quid fictum, & ens rationis est quædam veritas: ergo. Tum quia absurdum est Deum nescire id, de quo disputamus: sed disputamus de ente rationis: ergo

go cognoscit ens rationis. Denique ex D. Thoma 1. part. quæst. 14. artic. 9. dicente: *Quicumque sunt in potentia creatura, siue opinandi, siue imaginandi, siue quocumque modo significandi, cognoscit Deus.* Hoc supposito, sit conclusio.

§. I.

Intellectus Diuinus nullum potest efficere ens rationis.

139 **O**ppositum sustinent alij omnia, alij quorundam tantum entium rationis efficientiam Deo concedunt; nostra tamen sententia, quæ communior est inter Thomistas, prob. Intellectus cognoscens omnia, ut sunt in se, non potest formare entia rationis: sed intellectus Diuinus cognoscit omnia ut sunt in se: ergo non potest formare entia rationis. Min. est certa; nam res non cognoscuntur perfectissimè nisi cognoscantur ut sunt in se: sed intellectus diuinus cognoscit omnia perfectissimè: ergo cognoscit omnia ut sunt in se. Mai. autem prob. efficere ens rationis est cognoscere rem aliter ac est in se: sed intellectus cognoscens omnia ut sunt in se, non potest cognoscere rem aliter ac est in se: ergo nec efficere ens rationis. Cætera patent, & maior suadetur ex eo, quod ut fiat ens rationis, debet cognosci id,

quod non est, ac si esset: sed cognoscere id, quod non est, ac si esset, est cognoscere rem aliter, ac est in se: ergo ut fiat ens rationis, debet cognosci res aliter ac est in se.

140 Dices 1. quod Deus potest cognoscere rem aliter ac est in se, quando ipsa non potest cognosci ut est in se, nam hoc ipso cognitio euadit conformis cum obiecto, idque contingit in ente rationis, quod nequit cognosci ut est in se.

141 Sed contra est 1. Ut fiat ens rationis, petitur iuxta solutionem, quod res cognoscatur aliter, ac est in se: sed Deus nequit cognoscere rem aliter ac est in se: ergo nequit facere ens rationis. Explicatur. Quia error, & falsitas petunt, ut fiant, quod res cognoscantur aliter ac sunt in se, nequeunt fieri à Deo omnia cognoscente: ut sunt in se; & quia peccatum petit, ut fiat, quod res amentur aliter ac sunt in recta ratione, nequit peccatum fieri à Deo omnia amante, ut eius rectissima ratio dicat, neque in his exemplis prodest recursus ad hoc quod obiecta petunt sic cognosci, & amari, quia hoc ipsum probat quod quia talem imperfectionem petunt, ut fiant, nequeant fieri à Deo, cui omnis imperfectio repugnat: ergo si ut fiat ens rationis, petitur cognitio rei aliter ac est in se, hoc ipsum probat non posse ens rationis fieri à Deo omnia cognoscente ut sunt in se.

142. *Contra 2.* N. nulla est cognoscibile, quod non possit, & perat cognosci cognitione conformi cognoscibilitati ipsius: sed omnis cognitio conformis cognoscibilitati ipsius est cognitio obiecti ut est in se: ergo nullum est cognoscibile, quod non possit, & perat cognosci ut est in se, & consequenter nequit concedi cognitio rei aliter ac est in se, quæ non sit Deo repugnans. *Explicatur.* Vel quod cognoscitur est aliquid positivum, vel aliquid negativum; si negativum, potest cognosci ut non ens, & sic cognoscitur ut est in se; si positivum, potest cognosci ut habens esse subiective, si sit ens reale, vel obiective tantum in intellectu ipsum fingente, si sit ens rationis, & quovis modo cognoscuntur res ut sunt in se: ergo nullum est cognoscibile, quod non possit cognosci ut est in se. Sed quia solutionis doctrina nititur æquivocationi explicandæ postea in solutione argumentorum, ideò ab ulteriori illius impugnatione supersedemus.

143. *Dices 2.* Deum non posse cognoscere res aliter ac sunt in se per assensum, bene tamen per dissensum, ut eū negat hircocerum exillere; tunc enim obijciuntur intellectui Divino illa extrema ut identificata quæ in re non sunt identificata, ut de ipsis sic identificatis neget posse exillere à parte rei.

144. *Sed contra 1.* ex dictis. Quævis cognitio rei aliter ac est

in se est disconformis obiecto, quidem non repræsentat ipsum ut est in se; quid est enim aliud cognitionem esse disconformem, quam per illam repræsentari obiectum, & non ita repræsentari ut ipsum est in se, quod est repræsentari aliter ac est in se; sed cognitio disconformis in sui repræsentatione obiecto est Deo repugnans: ergo si semel efficere en rationis est cognoscere rem aliter ac est in se, siue id contingat per assensum, siue per dissensum, repugnat Deum efficere entia rationis.

Contra 2. Intellectus Divinus non eget, sicut humanus, duplici actu, alio, quo apprehendat hircocerum, alio quo dissensiat ab eius esse negans ipsum; sed unico actu, & unico actu dissensit ab eius esse negans illud; sed hoc ipsum cognoscitur per illum actum hircocerum ut verè est in se: ergo dum tale obiectum attingitur per illum actum dissensus ab intellectu Divino, cognoscitur ut est in se. Cætera patent, & minime suadetur ex eo, quod per talem actum hircocerum repræsentatur unice ut non exiens, siue ut non potens habere esse à parte rei: sed hircocerum vere non exiit, nec potest habere esse à parte rei: ergo attingitur vere ut est in se.

145. *Dices 3.* quod ut fiat ens rationis, non requiritur cognitio rei aliter ac est in se, sed quod intellectus det esse obiectivum obiecto in capaci habendi aliud esse, ad quod sufficit quod

quous modo cognoscere obiectum reuera impossibile, siue per assensum, siue per dissensum, siue dependenter, siue independenter ab alio intellectu: nam hoc ipso, quod tale impossibile quous modo cognoscatur, habet tantum esse obiectiue in intellectu ipsum cognoscente, in quo esse purè obiectiuo consistit ens rationis.

146 *Sed contra est* 1. Illud esse obiectiuum, quod tribuit intellectus obiecto incapaci existendi, vel est esse obiectiuum purè extrinsecum, quod est esse cognitum, vel est esse obiectiuum intrinsecum, medio quo obiectiue appareat intellectui, & obijciatur ac si esset ens: si primum, non sit ens rationis, si secundum, cognoscitur res aliter ac est in se: ergo vel falsò conceditur Deum efficere entia rationis, vel falsò negatur ipsum cognoscere res aliter ac sunt in se. Min. quoad 1. partem est certa: nam esse obiectiuum purè extrinsecum, quod est esse cognitum, est denominatio extrinseca indistincta à cognitione: sed hæc est ens reale, non rationis: ergo dare esse obiectiuum purè extrinsecum, quod est esse cognitum, non est dare aliquod esse, quod sit ens rationis. *Quoad* 2. vero prob. obiectum apparere, & obijci ac si esset ens, cum reuera nō sit ens, est apparere, & obijci aliter ac est in se: sed per cognitionem repræsentatur, & cognoscitur, eo modo, quo obijci-

tur: ergo cognoscitur aliter ac est in se, si apparet, & obijciatur, ac si esset ens.

147 *Si dicat* non requirì, quod obijciatur vt ens, sed quod vt cumque obijciatur intellectui, vt contingit cum per hunc actum, non existit chimera, dissentit intellectus ab ipsius existentia: *Solutio* hæc præoccupata manet ex dictis; vt enim intellectus faciat ens rationis cognoscendo aliquod impossibile, requiritur, quod tale impossibile habeat ex vi cognitionis esse obiectiuum, quod ex se non habebat, & quo obijciatur intellectui, & per ipsam cognitionem repræsentetur: sed non esse obiectiuum purè extrinsecum, quod est esse cognitum. *Tum* quia est aliquid reale. *Tum* quia esse cognitum non obijciatur, nec cognoscitur per eandem cognitionem: ergo requiritur, quod ex vi cognitionis habeat aliquod esse intrinsecum, quo appareat, & obijciatur intellectui, cum reuera nullum in se esse habeat: sed apparere, & obijci vt habens aliquod esse, quod reuera in se nullum esse habet, est apparere, & obijci vt ens, quod in se nullo modo est ens: ergo requiritur, quod cum in se non sit ens, obijciatur vt ens. *Deinde*. Nullum sit ens rationis cū quidquid cognoscitur, datur in re eo modo, quo cognoscitur: sed ex dictis num. 144. per illum actum dissensus chimera cognoscitur vnice vt non existens: ergo cum à par-

re rei detur hoc quod est non existere chimeram; nullum sit per talem actum ens rationis.

148 *Contra* 1. Cognoscere ens rationis dependenter ab alio, ut factum scilicet, vel factibile ab alio intellectu, non est illud facere: ergo falsò asserit solutio, quod ad formationem entis rationis sufficit quovis modo cognoscere ens rationis, siue independentè, siue dependenter ab alio intellectu. *Prob. antec. 1.* Cognitio entis rationis ut ab alio facti est purè speculatiua, cum suum obiectum supponat: sed cognitio formans ens rationis non est purè speculatiua, sed practica obiectum non supponens: ergo non est cognitio entis rationis ut ab alio facti. *Prob. 2.* Cognitio formans ens rationis facit illud absolute transire de non esse ad esse: sed quæ supponit factum, & ut factum attingit, non facit illud transire absolute de non esse ad esse, cum supponat ipsius esse: ergo non format illud. *Denique.* Si Deus ab æterno cognoscens entia rationis ut à nobis factibilia, ea ab æterno faceret, sequitur intellectum humanum ea non efficere, cum à Deo præuentus illa iam facta inueniat: consequens, & si admittatur à P. I. querendo in suo Pharo, disp. 12. quæst. 5. proposit. 5. est satis extraneum, & ipsa singularitate contra communem omnium DD. consensum satis refellitur: ergo falsum est antecedens.

§. II.

Soluantur argumenta.

149 **O** *Bijcies* 1. Intellectus cognoscens entia rationis format illa, cum totum esse entis rationis sit cognosci: sed intellectus Diuinus cognoscit entia rationis: ergo facit illa. *Disting. mai.* intellectus cognoscens entia rationis ut facta, vel factibilia ab alio format illa neg. mai. cognoscens entia rationis independentè ab eo quod ab alio sunt facta, vel factibilia conced. mai. & sub eadem distinctione min. neg. consequ. Cognitio, quæ terminatur ad ens rationis ut factum, vel factibile ex vi alterius cognitionis est purè speculatiua denominans illud extrinsece cognitum, & hoc modo cognosci non est esse entis rationis nisi tantum extrinsecum, quod iuxta dicta est aliquid reale: cognosci ergo, quod est esse entis rationis, est cognosci practicum, vi cuius resultat aliquid intrinsecum fictum, & obiectiuum, supra quod cadat denominatio extrinseca cogniti, quod esse obiectiuum intrinsecum non resultat nisi ex cognitione, qua id, quod non est, concipitur admodum entis.

150 *Instabis* 1. Illa cognitio, vi cuius existit ens rationis, facit illud: sed ex vi cognitionis, qua cognoscit Deus ens rationis ut à nobis factibile, existit ens ratio-

nis,

nīs, cum ex vi illius habeat esse obiectiuum in intellectu Diuino: ergo talis cognitio facit illud. *In-
stans 2.* Cognitio, qua nō ens cog-
noscitur admodum entis, efficit
iuxta solutionem ens rationis: sed
cognitione, qua Deus cognoscit
ens rationis vt a nobis factibile,
cognoscitur non ens admodum
entis: ergo cognitio illa efficit ens
rationis. Prob. min. Cognitione
illa cognoscitur ens rationis vt
est cognoscibile: sed solum est
cognoscibile admodum entis: er-
go cū ens rationis sit reuera non
ens, per illam cognitionem cog-
noscitur non ens admodum entis.

151 *Resp.* concessa mai. neg.
min. quam inserta probatio non
euincit; nam ex vi illius cog-
nitionis ens rationis habet in intel-
lectu Diuino esse obiectiuum so-
lum extrinsecum, quod est esse
cognitum, secus tamen esse obie-
ctiuum intrinsecum, in quo con-
sistit ens rationis.

152 *Si dicas.* Cognitio diuina
terminatur ab æterno ad esse ob-
iectiuum intrinsecum entis ratio-
nis, quod est factibile à nobis,
cum quidquid Deus cognoscit,
ab æterno cognoscat: sed non ter-
minatur ab æterno ad esse obie-
ctiuum intrinsecum, quod ens ra-
tionis habeat ex se, nec quod ha-
beat ex vi cognitionis creatæ,
nam hæc ab æterno non exi-
git: ergo terminatur ad esse obie-
ctiuum intrinsecum, quod habet ex
vi ipsius cognitionis Diuinæ.

153 *Resp.* diuing. mai. termi-

natur ab æterno ad esse intrin-
secum obiectiuum possibile conced.
mai. ad esse intrinsecum *actuale*
neg. mai. & diuing. min. quoad
secundā partem: sed non termina-
tur ad esse intrinsecum, quod ha-
beat *actu* ex vi cognitionis crea-
tæ conced. min. quod habeat *pos-
sibiliter* neg. min. & conseq. Et hæc
quidem vera sunt loquendo de
scientia necessaria, qua Deus cog-
noscit necessariò ens rationis vt
possibile; sicut enim necessariò
cognoscit ab æterno creaturas,
non vt existentes actu, sed vt pos-
sibiles, in quibus sic cognitīs so-
lum ponit denominationem ex-
trinsecam cognitarum; ita neces-
sariò cognoscit ab æterno esse in-
trinsecum possibile entis rationis
cognoscendo esse à nobis factibi-
le, in quo solum ponit extrinse-
cam denominationem cognitæ: at
si sermo sit de scientia contin-
gente libera, qua Deus etiam ab
æterno attingit entia rationis à
nobis faciendā, vel vt futura, vel
vt existentia, illa scientia attingit
ens rationis futurum, vel existens
ex vi cognitionis creatæ iam etiā
ab æterno futuræ, vel si mauis,
iam existentis in mensura æter-
nitatis, de quibus Theologi 1. p.
q. 14.

154 *Ad 2. instantiam* diuing.
mai. Cognitio, qua non ens cog-
noscitur admodum entis, si ex vi
talis cognitionis habeat esse admo-
dum entis, facit ens rationis, con-
ced. mai. si iam supponatur habens
esse admodum entis neg. mai. & di-
uing.

D. Thomam 1. p. q. 4. art. 9. sed ens rationis est cognoscibile admodum entis realis: ergo illud cognoscit admodum entis realis.

157 *Resp. neg. antec. Ad eius 1. prob. resp. quod nil potest intellectu Diuino cognoscere nisi ratione sui specificatiui, & per attributionem ad illud, secus tamen admodum illius; sicut creaturas cognoscit ratione Diuinæ essentia, in qua virtualiter continentur, sed non cognoscit eas admodum suæ essentia. Ad 2. prob. disting. mai. quia illud cognoscimus per speciem entis realis, talem, quod sit deficiens, & inæquata conced. mai. quia præcisè illud cognoscimus per speciem entis realis neg. mai. & disting. min. Deus illud cognoscit per speciem comprehensiuam, & excedentem entis realis conced. min. in æternitatem, & deficientem neg. min. Nos cognoscimus cognitione practica, v. g. vt pluri, quæ sunt idem, distinctionem rationis formando, & cognoscendo eam, ac si esset, quia cognoscimus per species inadæquate repræsentantes rem, sicque cōcipimus distinctionē inter animal, & rationale, inter diuina attributa, & alia huiusmodi: at Deus cognoscit omnia per speciem, & si non propriam, sed alienam, excedentem tamen, & comprehensiuam, unde & si cognoscat distinctiones rationis à nobis factas, & concepras admodum distinctionum realium, ipse ta-*

men eas non efficit. *Ad 3. prob. disting. mai. cognoscit quæcumque sunt quocumque modo ex parte obiecti cognoscibilia conced. mai. quocumque modo ex parte cognitionis neg. mai. Sicut de opinabilibus cognoscit Deus ea esse cognoscibilia opinatiuè, ipse tamen non cognoscit ea opinatiuè; ita cognoscit non entia esse cognoscibilia admodum entis, ipse tamen ea admodum entis non cognoscit.*

158 *Obijcies 3. Deus cognoscit priuationem: sed cognoscere priuationem est formare ens rationis: ergo Deus efficit entia rationis. Prob. min. Cognoscere priuationem, tenebras v. g. est dare illis esse obiectiuum, quod in re non habent: ergo est efficere ens rationis.*

159 *Contra. Cognoscere impossibile positiua independenter ab alio intellectu est facere entia rationis: sed Deus cognoscit plura impossibilia positiua independenter ab intellectu creator: ergo facit entia rationis. Mai. est certa, nam. impossibilia positiua ea parte, qua cognoscuntur, debent habere aliquod esse intrinsecum distinctum à cognitione; quæ vero parte sunt impossibilia, & ab alio intellectu independentia, illud esse obiectiuum intrinsecum nec habent in re, nec in alio intellectu: ergo habent illud tantum in intellectu, ea cognoscente, ac proinde ab ipso fingitur tale esse intrinsecum. Min. vero prob. nā intellectus*

Intellectus Diuinus cognoscit independentem ab intellectu creato impossibilitatem alterius Dei, sicut & impossibilitatem chimæ-
ræ, quorum obiectorum impossibilitatem nequit cognoscere, quia cognoscat talia obiecta, chimæram scilicet, & alterum Deum, quæ sunt impossibilia positiua.

160 *Resp.* ex dictis num. 144. quod priuatio potest cognosci dupliciter, & idem de negatione, vel per assensum, v. g. in exemplo tenebrarum, cognoscendo ærem esse tenebrosum, vel per dissensum, cognoscendo non esse lucidum: Primo modo concipiuntur tenebræ, ac si essent aliquid, & admodum formæ positiuæ, quia ex modo, tendendi affirmatiuo tribuitur eis aliquod esse; & hic modus attingendi priuationem non competit Deo, nisi modo purè se tenente ex parte obiecti, & dependenter ab intellectu humano, quatenus cognoscit vere à nobis posse affirmari ærem esse tenebrosum, ipse tamen id non affirmat. Secundo modo per dissensum, cognoscitur priuatio immediatè à Deo, quia tunc cognoscitur vt verè non ens, in quo sic remotiue cognito solum ponit esse obiectiuum extrinsecum, denominationem scilicet cogniti. *Vnde* disting. mai. Deus cognoscit priuationem *per dissensum* conced. mai. *per assensum* neg. mai & disting. min. cognoscere priuationem *per assensum* est

facere ens rationis conced. min. *per dissensum* neg. min. quia per dissensum solum datur priuationi esse extrinsecum, non intrinsecum, in quo consistit ens rationis.

161 *Hinc* ad confirm. dist. mai. cognoscere impossibilia positiua *per assensum* est facere ens rationis conced. mai. cognoscere ea *per dissensum* neg. mai. & applicata distinctione minori, neg. conseq. nam vt ex dictis conitatur, cum in Deo non præcedat simplex apprehensio eius iudicium, extrema solum obijciuntur intellectui Diuino vt representata per eius iudicium; per hoc autem iudicium *non est possibilis alter Deus, nequit chimæra existere.* Alter Deus, & chimæra obijciuntur vt quid remotum, & negatum, quatenus Deus cognoscendo sui singularitatem cognoscit non esse alterius Dei, & cognoscendo suam omnipotentiam cognoscit non esse chimæram, quin ex modo tendendi ea cognoscat admodum entis, siue cum aliquo esse, quomodo ea cognosceret, si affirmatiuè tenderet per assensum in illa.

162 *Obijcies* 4. Plura entia imperfectissima producit Deus absque vlla imperfectione: ergo potest entia ficta producere, & efficere, absque vlla fictione. *Confirm.* Deus concurret cum creatura ad formationem entis rationis, siquidem causat simul cum nostro intellectu cognitionem, qua fini-

gitur: ergo vel ens rationis potest fieri per causalitatem veram, & realem, vel Deo non repugnat causalitas metaphorica, & ficticia. *Urgetur.* Supposito Christi D. in natura assumpta repugnat fictio: & tamen in illa formauit entia rationis, quia in ea efficiebat plures propositiones, & discursus: ergo formatio entis rationis non est fictio.

163. *Resp. neg. conseq.* quia alia entia phisice imperfecta sunt in se imperfecta, sed non petunt essentialiter modum producendi imperfectum: at ens fictum, & est fictum, & petit essentialiter pro sui formatione modum cognoscendi ficti, quia essentialiter petit fieri per cognitionem attingentem non ens admodum entis, quod sine fictione non saluatur. *Ad confirm.* neg. antec. & ad eius insertam prob. resp. quod Deus causat illam cognitionem intellectus nostri ut est vera actio, secus tamen ut est fictio, quia sub hac ratione nequit terminare concursum verum, & realem, qualis est concursus Diuinus.

164. *Nec valet* si dicas, quod quidquid non auertit à Deo causatur ab ipso. *Non quidem* valet, nam error speculatiuus non auertit à Deo in sensu, in quo communiter dicitur de peccato, quod est auersio à Deo, & tamen talis error à Deo non causatur. *Nec propterea* dicimus, quod cognitio faciens ens rationis necessario sit actus erroneus, aut falsus; non

enim conuertuntur in actibus intellectus subterfugere causalitatem Dei, & esse falsum, restat enim præter falsitatem titulus fictionis, quæ ut talis nequit terminare veram, & realem causalitatem, qualis est causalitas Diuina impotens influere per influxum metaphoricum, & improprie talem, ut exigit ratio fictionis.

165. *Ad id*, quo argumentum urgetur, resp. disting. mai. Supposito Christi D. in natura assumpta repugnat fictio *assertiua* conced. mai. *apprehensiua* neg. mai. nam assertiua est error contradicens diuinæ veritati, eiusque obiectum destruens, ac proinde repugnat Christo: fictio autem apprehensiua, & si attingat rem aliter ac est in se, non tamen illam afirmando, & ideo Christo ut homini non repugnat: ex hoc autem male inferitur, quod formatio entis rationis non sit necessario fictio repugnans intellectui Diuino, cuius actui repugnat fictio etiam pure apprehensiua.

166. *Denique* obijcies difficile testimonium D. Thomæ 1. p. q. 15. art. 2. ad 3. dicentis: *Respectus ideales, quibus multiplicantur ideae, non causantur à rebus, sed ab intellectu Diuino comparante essentiam suam ad res.* Sed tales respectus sunt respectus rationis: ergo respectus rationis causantur ab intellectu Diuino.

167. *Prolixa*, & à Logico instituta aliena disputatio esset hic subiicienda circa Diuinam ideam, eius-

eiusque multipliciter, ut genuinus sensus testimonij adducti pro dignitate explicaretur; sed quia res est Theologica, & quæ in cit. quaest. 15. ex professo discutitur, ideo breuiter *Resp.* explicando mai. Respectus idæales causantur *formaliter* ab intellectu diuino neg. mai. *fundamentaliter* conced. mai. & disting. min. tales respectus *sumpti formaliter* sunt respectus rationis conced. min. *sumpti fundamentaliter* neg. min. & consequenter. Fundamentum talium respectuum est diuina essentia, non utcumque, sed cogita ut diuersimodè imitabilis à creaturis, cumque intellectus Diuinus sic diuersimodè imitabilem cognoscit essentiam suam, præbet fundamentum, ut intellectus creatus illam supremam essentiam in plures distributam idæas concipiat fingendo varios in illa respectus ad diuersa factibilia, sicque fundamentaliter dicuntur causari respectus à Deo, non à rebus, à quibus formaliter causantur, non à Deo.

168 *Nec valet*, quod tales respectus dicuntur ibi à D. Thoma esse ab æterno in Deo, & quod sunt à Deo per comparationem, quam facit essentia suæ ad res, *Nō* sicut ut dicatur, quod ab æterno sunt in Deo plura attributa, sufficit, quod ab æterno sit fundamentum distinctionis, qua ut plura concipiuntur; ita ut dicatur, quod ab æterno sunt in Deo plures idææ, seu plures respectus

idæales, sufficit quod fundamentum pluralitatis respectuum ab æterno exstat. *Dicitur* autem Deus comparans essentiam suam ad res, non quia eam concipiat cum habitudine, quàm verè non dicit, ad illas, sed quia cognoscit eam connexam, ut reuera est, cum rebus, quæ est comparatio connexiua, quæ per modum habitudinis quoad nos explicatur. Sed de his plura in cit. loco Theologi.

ART. VII.

Per quem actum intellectus fiat ens rationis?

169

Cum ex actibus intellectus quidam sint apprehensiuui, quidam iudicatiui, quidam discursiuui, & ex his alij sunt veri, alij falsi, alij tandem absoluti, & alij comparatiui, siue connotatiui, quatenus rem cum aliqua habitudine concipiunt, inquiritur per quosnam ex istis fiat ens rationis, quam difficultatem sequentibus conclusionibus breuiter soluemus.

170 *Sit prima conclusio.* Ens rationis semper fit per cognitionem comparatiuam, siue connotatiuam. Ita communiter Thomistæ. Et prob. Ens rationis semper fit per actum cognoscentem vnum cum habitudine ad alterum: ergo semper fit per cognitionem comparatiuam. Consequenter patet ex dictis, & antecedit prob. Semper fit ens rationis per actum, quo

quo non ens concipitur admodum entis: ergo semper fit per actum cognoscentem vnum cum habitudine ad alterum. *E explicatur.* Cum intellectus concipiendo priuationem lucis admodum nigredinis facit ens rationis, nec nigredinem, nec priuationem lucis absolute concipit, in his enim absolute concipiendis nullum fit ens rationis: ergo concipit priuationem lucis connotatiue ad nigredinem, & admodum illius, ac proinde comparatiue in sensu explicato.

171 *Obijcies.* Ens rationis, quod fit per actum comparatiuum, est relatio rationis, ordo scilicet rationis ad alterum: sed non omne ens rationis est relatio rationis, cum præter ipsam sint species entis rationis priuatio, & negatio: ergo non omne ens rationis fit per actionem comparatiuam.

172 *Re/p.* disting. mai. Ens rationis, quod fit per actum comparatiuum, est relatio secundum esse rationis neg. mai. vel secundum esse, vel secundum dici, siue transcendentalis conced. mai. & disting. min. Non omne ens rationis est relatio rationis, relatio secundum esse conced. min. relatio secundum dici, siue transcendentalis neg. min. & conseq. Sicut in relatione reali, alia relatio est prædicamentalis, & secundum esse, cuius scilicet totum esse est in ordine ad aliud, vt relatio Patris ad filium, totum enim esse Patris est in ordine ad filium, alia est

relatio transcendentalis, & secundum dici, vt effectus ordinatur ad causam, sed totum esse effectuum non est ordinari ad causam: ita proportione quadam in entibus rationis est aliqua habitudine quasi transcendentalis omnibus entibus rationis communis, scilicet habitudine effectuum ad intellectum ea causantem efficienter, & ad ens reale, vt ad causam quasi exemplarem, ad cuius imit concipiuntur, & vi cuius exigitur semper fieri per actionem comparatiuam; præter hanc autem connotationem, siue habitudinem communem, est relatio rationis secundum esse, cuius totum esse est in ordine ad terminum, & quæ constituit speciem quandam entis rationis à negatione, & priuatione distinctam.

173 *Secunda conclusio.* Ens rationis potest fieri per quamlibet ex tribus operationibus intellectus. Prob. quantum ad simplicem apprehensionem contra plures ex schola Societatis tum ex D. Thoma opuscul. 42. cap. 2. docente, quod tunc fit ens rationis, quando intellectus nititur apprehendere quod non est: ergo vt fiat ens rationis, sufficit apprehensio. Tum ratione. Simplicis apprehensione cognoscit intellectus non ens admodum entis: ergo simplici apprehensione fit ens rationis. Prob. antec. id cognoscit intellectus simplici apprehensione quod cognoscit nil de illo afirmando, vel negando:

sed

sed sic sæpè cognoscit non ens admodum entis, vt cum cognoscit montem aureum, tenebras admodum nigredinis, & similia, nec affirmando, nec negando ea dari: ergo simplici apprehensione cognoscit non ens admodum entis. *Confirm.* Vt intellectus affirmet per secundam operationem montem aureum esse impossibilem, requiritur, quod mons aureus, qui nullum esse habet in re, præcedat obiectiue in intellectu: at non sic præcedit nisi ex vi simplicis apprehensionis, cum sola simplex apprehensio iudicium nostrum necessario præcedat: ergo vi apprehensionis simplicis habet mons aureus esse tantum obiectiue in intellectu, & consequenter vi illius fit ens rationis.

174 *Obijcies.* Cognitio factiua entis rationis est actio comparatiua, vt ex prima conclusione constat: sed simplex apprehensio nequit esse actio comparatiua: ergo actio factiua entis rationis nequit esse simplex apprehensio. *Prob. min.* Tum quia cognitio comparatiua est compositiua, applicat enim vnum alteri, ac proinde vnum cum altero componit: sed simplex apprehensio compositiua non est: ergo non est cognitio comparatiua. Tum quia cognitio comparatiua non est representatiue simplex, cum attingat plura: sed simplex apprehensio est actus representatiue simplex: ergo.

175 *Confirm.* Cognitio factiua

entis rationis non est conformis cum obiecto, cum rem attingat aliter ac est in se: sed simplex apprehensio semper est conformis cum obiecto: ergo cognitio factiua entis rationis non est simplex apprehensio. *Vergetur.* Implicat, quod effectus, hic, & nunc existat ab vna causa, & quod simul hic, & nunc destruat ab alia, esse enim simul, & non esset talis effectus: sed hoc sequeretur ex eo, quod ens rationis fieret per apprehensionem simplicem: ergo implicat fieri per illam. *Prob. min.* Mons aureus v.g. existens hic, & nunc per apprehensionem destrueretur per iudicium hic, & nunc simul existens, & negans montem aureum esse possibilem: ergo existens ab vna causa simul destrueretur ab alia.

176 *Resp.* concessa mai. neg. min. Ad eius 1. prob. disting. mai. Cognitio comparatiua est compositiua per modum affirmationis vnius de altero neg. mai. per modum connotationis vnius ad alterum conced. mai. & hoc secundo modo, licet non primo, potest esse compositiua simplex apprehensio, vt cum Romam apprehendimus ad instar Matrini nil affirmando, vel negando, sed cognoscendo Romam, non cognitione absoluta, sed connotante Matritum. Similiter ad 2. prob. disting. mai. cognitio comparatiua non est representatiue simplex, simplicitate excludente habitudinem vnius ad alterum conced. mai. excludente af-

firmationem, seu dictum vni & eum.
altero neg. mai. Simplex apprehensio est repræsentatiue simplex per exclusionem affirmationis vnius de alio, secus per exclusionem habitudinis vnius ad aliud, Pater enim est obiectum simplicis apprehensionis, & tamen est obiectum, quod nequit attingi sine habitudine ad filium.

177 *Ad confirm.* constat ex dictis in quæst. proximali, nam licet simplex apprehensio sit semper conformis cū obiecto quoad prædicata formaliter repræsentata in specie, secus tamen quoad prædicata, quæ tantum sunt ibi virtualiter. *Præterquam* quod cum simplex apprehensio est connotatiua, non attingit necessario obiectum per speciem propriam, ac proinde potest esse non conformis obiecto. *Nec ex his* inferas, & quod simplex apprehensio sit actus falsus, & quod ens rationis necessario exigit fieri per actum falsum; nam licet omnis actus falsus sit non conformis obiecto, non tamen è conuerso, omnis nō conformis obiecto est falsus, nam ad hoc requireretur, quod esset disconformis per modum affirmationis, aut negationis alicuius prædicati, vel quod de subiecto affirmaretur, cum ipsi in re non conueniret, vel quod cum in re conueniret subiecto, de ipso negaretur.

178 *Ex his* inferitur, ne in alia conclusione expofessio probanda reimpus infumamus, quod li-

cet ens rationis possit fieri per actum falsum, non tamen exigit necessario fieri per actum falsum. Prima pars patet; nam hic actus *homo est equus* est essentialiter falsus: sed per hunc actum fit ens rationis, identitas (scilicet, ficta hominis cum equo: ergo ens rationis potest fieri per actum falsum. Quoad 2. vero partem prob. Tum ex dictis, quia potest fieri ens rationis per simplicem apprehensionem, in qua non est formaliter veritas, nec falsitas. Tum quia potest fieri per iudicium omnino verum, vt per hoc *homo est rationalis* sunt secundæ intentiones subiecti, & prædicati, quas illud iudicium nec affirmat, nec negat, sed exercite ibi sunt, & cognoscuntur per illud iudicium, quod solam affirmat identitatem,

179 *Hinc iam* id, quo argumentum vrgetur, concessa mai. neg. min. Ad prob. neg. antec. nam iudicium negans monrem aureū esse possibilem opponitur, & destruit iudicium affirmans illum esse possibilem, non tamen opponitur, sed componitur cum apprehensione eiusdem vt possibilib, hæc enim est indifferens, vt supra obiectum illius cadat, vel assensus medio iudicio affirmatiuo, vel dissensus medio iudicio negatiuo.

180 *His circa* primam partem conclusionis propositæ num. 17, stabilitis, prob. eius secunda pars, scilicet, quod per secundam ope-

rationem intellectus fiant entia rationis. Vnio impossibilis prædicati cum subiecto existens obiectiue in intellectu est ens rationis; sed hanc unionem efficit secunda operatio: ergo secunda operatio efficit ens rationis. Prob. min. nam in hac propositione *homo est Equus* secunda operatio efficit unionem prædicati cum subiecto: sed talis unio est impossibilis, & existit obiectiue in intellectu: ergo. *Confirm.* ex dictis nam quodlibet iudicium nostrum eadem tendentia, qua signatè; & ut quod prædicat unum de alio, exercitè, & ut quo attingit, & efficit respectus, quibus inuicem se respiciunt subiectum, & prædicatum, isti enim respectus resultant ex actu, quo unum dicitur de alio: sed tales respectus sunt respectus rationis: ergo pertale iudicium, seu compositionem mentalem fiunt entia rationis.

181 *Vtraque ratio potest facile applicari tertiæ operationi: etenim connexio facta vnus cum altero est ens rationis: sed hanc connexionem efficit tertia operatio, cum v.g. ex hoc quod Petrus sit homo infert illum esse hinnibilem: ergo tertia operatio efficit ens rationis. Deinde. Respectus antecedentis, & consequentis, maioris, & minoris extremitatis sunt secundæ intentiones rationis: sed prædictos respectus efficit tertia operatio, fiunt enim, intellectu disponente præ-*

missas, & ex eis aliquid inferente: ergo. *Contra* hanc, & præcedentem conclusionem nil se offert quod non maneat solutum ex dictis,

QUESTIO III.

De vniuersalibus.

1 **I**nter species entis rationis primum locum obtinet vniuersalitas in consideratione Logica, ideoque præsens tractatus specialiori discussione eget inter reliquos: tum quia ab eo pendet exacta notitia omnium prædicabilium, quæ sub vniuersali velut sub proprio genere continentur, indeque etiam pendet cognitio prædicatorum superiorum, & inferiorum, ut debite prædicamenta coordinentur. Tum quia occasione vniuersalitatis agitur in præsentī de distinctione, vnitate, præcisioneque graduum rem constituentium, quibus difficultatibus nulla extat inter Logicos celebrior.

ART. I.

An dentur vniuersalia in rebus?

§. I.

Multiplex acceptio vniuersalis præmittitur.

2 **V**niuersale, attenta vocis impositione, est unum versus plura, siue unum respiciens plu-

plura, & est triplex, vniuersale in causando, vniuersale in representando, & vniuersale in essendo, aut predicando. Vniuersale in causando est causa, quæ per se effectus diuerse rationis potest causare, vt Deus, cuius causalitas ad omnia se extendit, & Sol, qui cuncta sublunaria producit. Vniuersale in representando est id, quod representat plura, vt species Angeli, & hæc vox homo. Vniuersale in essendo, aut predicando est iuxta Philolophum 7. Métaphis. lect. apud D. Thomam 13. quod pluribus in esse natum est, vel iuxta ipsum 1. Perhierm. lect. apud D. Thom. 10. quod de pluribus natum est predicari; ex quibus locis elicitur communi plausu recepta hæc vniuersalis in essendo, aut predicando diffinitio, scilicet, *unum in multis*, & de multis; in multis, vt eius denotetur vniuersalitas in essendo; de multis, vt eius exprimitur vniuersalitas in predicando: quæ non tam sunt duo genera vniuersalitatis, quam vnum, & idem, cuius essentia est aptitudo ad essendum in multis, & cuius proprietas est aptitudo, vt prædicetur de multis. Reliâis vniuersali in causando, de quo Métaphisica, & vniuersali in representando, de quo agit Dialectica, de solo vniuersali in essendo, aut predicando præsens procedit disputatio.

3 Ex præmissis vniuersalis diffinitione aliquæ colliguntur conditiones requisitæ, vt aliqua natura denominetur vniuersalis in

essendo. *Requiruntur* 1. quod sit vna perfectè, quæ conditio explicatur per ly *unum* positum in diffinitione vt contrapositum ad multa, quod enim perfectè vnum non est, multiplex quodam modo, & diuersum est; & hæc ratione nec æquivoca, quæ in sola voce conveniunt, nec analogica, quorum ratio communis est partim eadem, & partim diuersa, possunt esse vniuersalia. *An autem* talis perfecta vnitas rationis, quæ vniuersale est formaliter vnum, debeat esse intrinseca, vel potius purè extrinseca, pendet ex dicendis circa præcisiones obiectivas, vel formales, & ex his, quæ circa efficiëntiam vniuersalis dicenda sunt, de quibus postea.

4 *Requiruntur* 2. quod natura sit potens esse in multis, ita vt multiplicetur in illis; nam vniuersale est natura, quæ cum in re sit, aut possit esse multiplex, sit vna per intellectum abstrahentem illam à differentijs, quibus sit multiplex: hæc ratione natura Divina vniuersalis Logice non est, quia licet vna sit in pluribus personis, non tamen in pluribus Dijs. *Nec obstat*, quod si vniuersale est natura perfectè vna, excludit sui multiplicationem, cum qua pugnat vnitas. *Nam* vnitas perfecta opponitur quidem multiplicationi, & sic natura vt in inferioribus multiplicata, & diuisa, non est vna, non tamen opponitur multiplicabilitati, id est, naturæ vniuersalis est natura vna potens in pluribus multiplicari: sicut totum

tum perfectè vnitum non est diuisum, est tamen diuisibile, seu potens dividi, quia diuisio est, non diuisibilitas, quæ opponitur vnioni.

5 *Requiritur* 3. quod natura vniuersalis possit esse in multis per identitatem realem cum illis, idest, per indentitatem excludentem realem sui distinctionem ab illis; quod requisitum patet, quia requiritur, quod possit esse ita in multis, vt possit verè affirmari de illis, & nihil potest verè affirmari de illo, cum quo non est realiter idem. *Non tamen* requiritur, quod sit idem etiam per rationem cum illis, nam vniuersale est natura, quæ respicit multa vt sibi inferiora, aliter non compararetur ad illa vt vniuersalis; inter superius autè, & inferius aliquam distinctionem saltem rationis intercedere necessum est.

6 *His conditionibus* ex ipsa vniuersalis diffinitione elicitis, & præsuppositis; dividitur vniuersale in essendo in vniuersale metaphisicum, & logicum. Vniuersale metaphisicum est natura abstracta à differentiis, vt cum homo consideratur, non consideratis differentiis individualibus, per quas contrahitur vt sit Petrus, vel Paulus; quod vniuersale ideo dicitur (alijs omissis titulis) metaphisicum, quia proprium est Metaphisicæ res considerare vt abstractas ab omnibus differentiis, seu conditionibus, quibus indiuiduantur, ita, vt non solum de ipsis sic ab-

stractis agat, nam hoc etiam habent aliæ scientiæ, quæ de singularibus non dantur, sed agat de his, quæ rebus conveniunt vt abstractis, & quia abstractis, cuiusmodi est vnitas competens naturæ, quia à singularibus abstractæ. Vniuersale logicum non solum est natura vna, sed insuper rescipiens plura, in quibus potest esse, & de quibus prædicari potest, qui respectus est secunda intentio directiva intellectus, vt verè, & ordinatè concipiat prædicata rerum, ac proinde pleno iure pertinens ad Logicam.

7 *Sed vt omnis* vitetur confusio circa vniuersale Logicum, de quo specialiter agimus, observandum est, quod illud potest tripliciter accipi, *fundamentaliter remote, fundamentaliter proxime, & formaliter.* Vniuersale Logicum fundamentaliter remotè sumptum est substractum, siue natura, quæ denominatur vniuersalis, vt homo, qui vniuersalis est respectu Petri, & Pauli. Vniuersale fundamentaliter proxime, quod est idem ac vniuersale metaphisicum, est natura abstracta ab inferioribus, vt homo consideratus sine numerica indiuiduerum diversitate. Vniuersale logicum formaliter est natura non solum considerata sine differentiis, sed insuper rescipiens positivè plura inferiora, vt potens esse in illis, & prædicari de illis.

8 Circa præsens igitur dubium duo sunt extremè opposita placita,

ta, aliud Platonis inter antiquos Philosophos celebre existimantis apud Aristot. 7. metaph. cap. 8. dari naturas vniuersales à singularibus separatas, per se exsistentes, æternas, & improductas, realiterque communes ipsis singularibus, quasi quasdam idæas, ex quarum participatione suo tempore singularia formarentur, sicut ex impressione sigilli in cerâ variæ formantur sigillationes materialiter tantum distinctæ.

Huic placito aliud extremè oppositum fuit Nominalium admittentium quidem vniuersale in repræsentando, secus verò in essendo, nam voci, siue conceptui in significando, vel repræsentando vniuersali negabant correspondere ex parte obiecti aliquid commune. Sed quia ab hac Nominalium sententia, & si communiter reiecta, parum, vel voce tenus distare iudicamus RR. qui ex vna parte concedentes vniuersalia in essendo, ex alia negant ea ex parte obiecti esse quid distinctum à singularibus, cuius placiti impugnatio pender præcipuè ex dicendis circa præcisiones obiectivas; ideò Nominalium sententiam in præsentī reijcimus præcisè, vt ad præsens spectat, ne eadem repetamus dubia, & incipientium Logicorum captum confundamus.

§. II.

Nullum datur vniuersale in essendo realiter separatum à singularibus.

9 **H**æc conclusio statuitur contra desirium Platonicum, & prob. 1. Nihil realiter separatum ab aliquo, potest de ipso verè prædicari, cum prædicatio vera requirat necessario extremorum identitatem; sed omnis natura vniuersalis in essendo potest, & de facto prædicatur verè de singularibus, vt est manifestū: ergo nulla natura vniuersalis in essendo est realiter separata à singularibus. Prob. 2. Natura realiter separata à singularibus est realiter vna, & natura, quæ verè de ipsis prædicatur, est cum ipsis realiter identificata: sed repugnat natura creata, quæ sit realiter vna, & sit cum pluribus realiter identificata: ergo vel natura illa non potest verè prædicari de singularibus, & sic non est natura vniuersalis, vel non est realiter separata à singularibus. Prob. 3. Repugnat ens positivum, æternum, & improductum à Deo distinctum: sed natura humana, v.g. est ens positivum à Deo distinctum: ergo repugnat natura humana æterna, & improducta.

10 *Obiectes.* Scientiarum obiecta sunt necessaria, & indefectibilia: sed obiecta scientiarum sunt naturæ vniuersales: ergo dantur naturæ vniuersales necessariae, &

indefectibiles. *Tunc sic* : sed non sunt necessariae , & indefectibiles prout in singularibus , quia quidquid est in singulari est contingens , & defectibile : ergo dantur naturae vniuersales extra singularia , & ab eis separatae. *Confirm. 1.* Haec propositio *homo est risibilis* est aeternae veritatis : ergo eius obiectum est aeternum : sed nihil realiter identificatum cum singularibus est aeternum : ergo datur homo ab aeterno à singularibus realiter separatus , & distinctus. *Confirm. 2.* Obiectum nostri intellectus , qui potentia spiritualis est , nequit esse aliquid materiale , sicut è converso obiectum potentiae materialis nequit esse aliquid spirituale : sed omne realiter identificatum cum singularibus materialibus est materiale : ergo obiectum nostri intellectus , quod est vniuersale , nequit esse aliquid identificatum cum singularibus materialibus , ac proinde datur vniuersale ab ipsis realiter separatum.

11 *Hoc erat fundamentum* Platonis , quo motus dum Heracliti , & Cratilli negantium scientias delirium impugnatur , in aliud incidit. *Resp.* ergo disting. mai. Obiecta scientiarum sunt necessaria , & indefectibilia quoad connexionem conced. mai. quoad existentiam neg. mai. & hoc modo sunt indefectibiles naturae repertae in singularibus ; cum enim dicitur , quod homo necessario est risibilis non est sensus , quod necessario , aut semper existat homo , qui

est risibilis , sed quod si homo existat , numquam sine risibili existat , quod est necessarium esse , non existentiam hominis , sed eius connexionem cum risibili. *Ex his patet ed 1.* confirm. obiectum enim illius propositionis est aeternum quo ad connexionem praedicati cum subiecto , ideoque propositio dicitur aeternae veritatis.

12 *Insuper.* Scientiae ita sunt de vniuersalibus , vt non detur scientia de singularibus , quia singularia sunt contingencia , & defectibilia , obiectum autem scientiae est indefectibile , & necessarium : sed si sola necessitas quoad connexionem desideratur in obiecto scientiae , non est cur scientiae ita sint de vniuersalibus , vt non sint de singularibus : ergo vel obiectum scientiae est necessarium etiam quoad existentiam , vel datur scientia de singularibus. Cetera patent , & min. prob ex eo quod singularia habent necessariam connexionem cum pluribus praedicatis , cum omnibus scilicet illis , quae sunt propria naturae , cuius sunt individua , Petrus enim necessario conneditur cum risibili , admiratiuo , & alijs huiusmodi proprietatibus hominis ; conneditur praeterea vt singulare cum hoc quod sit individuum , quod censet hac in vero anima , & alijs : etiam huiusmodi : ergo si sola necessitas quoad connexionem desideratur in obiecto scientiae , non est cur scientiae non sint de singularibus.

Resp.

13 Resp. concessa mai. neg. min. Ad prob. disting. antec. Singularia habent necessariam connexionem ratione naturæ specificæ cum pluribus prædicatis conced. antec. ratione sui, & quia singularia subdiſting. habent necessariam connexionem cum pluribus, per quæ possit essentia indiuidui aliquomodo quoad nos explicari conced. antec. quæ possint de ipso verè quoad nos demonstrari neg. antec. & conseq. Petrus quidem necessariò est admiratiuus, ceterum hæc cum admiratiuo, & cum alijs naturæ passionibus connexio non competit Petro quia tali, sed quia homini, non enim quia Petrus, sed quia homo, est admiratiuus; vnde licet quod demonstratur à scientia se extendat etiam ad singularia participantia naturam, non tamen demonstratur de singularibus vt talibus, & ideo de singularibus vt talibus non datur scientia. Connexio autem cum eo, quod sit indiuiduum, & cum eo, quod constet hac anima, est connexio cum suis constitutiujs, quæ non demonstrantur, sed per ipsa aliquomodo essentia indiuidui explicatur. Proprietates autem indiuiduales, quæ differentiam indiuidualem afficiunt, nequeunt de ipsa quoad nos demonstrari. Tum quia differentia indiuidualis est nobis ignota. Tum quia illæ affectiones non ita sunt propriæ huius, vt aliæ omnino similes in altero non reperiuntur, vnde & si per ipsas, Petrus v. g. vel

Paulus aliquomodo notificetur, non tamen possumus illas de Petro demonstrare.

14 Hæc quidem vera omnino sunt de indiuiduo exercitè sumpto. Petro scilicet, vel Paulo: si tamen indiuiduum consideretur signatè, & in communi, vt exprimitur his nominibus Indiuiduum, Singulare, Prima substantia, potest concedi, quod de ipso sit scientia, quæ solum pugnat cum defectibilitate, & contingentia indiuidui, siue singularis exercitè sumpti, in quo solo sensu singulare est defectibile: reuera enim, quidquid sit de demonstratione strictè tali, plura constat certò conuenire quidditati indiuidui vt à ratione specifica distincti, per quæ certò saltem distinctiue sciatur essentia indiuidui, licet hæc ipsa ita varijs, & æquiuocis accidentibus sint postea in exercitiò confusa, vt vix possit constare quid hic, & nunc conueniat Petro, quod alteri omnino simili in his indiuiduò nequeat conuenire.

15 Si ulterius instes. Scientiæ ita agunt de necessarijs, vt saltem connexio extremorum sit necessaria: sed connexio extremorum non distinguitur ab ipsis extremis: ergo si ab æterno datur connexio inter hominem v. g. & risibile, ab æterno dantur extrema, nempe homo, & risibile.

16 Resp. concessa mai. disting. min. Connexio intrinseca extremorum non distinguitur ab ex-

tremis conced. mai. Connexio extrinseca neg. min. Connexio extrinseca est ipsamet Diuina Omnipotentia determinata ex se ad hoc vt nunquam hominem sine risibilitate producat, vi cuius determinationis, siue connexionis extrinsecae propositio illa est ab aeterno vera. An autem connexio intrinseca cum extremorum essentijs identificata, quæ ab aeterno non est nisi possibiliter, sit ab aeterno aliquod esse nominale (nō exilientiale) signatum, alterius est loci, de quo agimus in Philosoph. q. 7. art. c. 2. Et quidem argumentum Platonis manifestè inflatur. Datur enim scientia de motu, Philosophia scilicet, quin ex hoc inferatur dari motum, per se subsistentem, siue stantem, alias motus non foret: similiter hæc propositio homo est corruptibilis est necessaria, quin ab aeterno existat homo corruptibilis, cum homo Platonice non sit iuxta ipsum corruptibilis: aliud est ergo necessitas connexionis, aliud necessitas existentiae.

17 *Hinc ad 2.* Confirm. argumenti disting. mai. obiectum nostri intellectus non est aliquid materiale materiali modo actum conced. mai. actum modo spiritali neg. mai. Nec inserta ibi paritas oppositum cōvincit; quia potentia inferior, qualis est materialis, nequit vilo modo se extendere ad obiectum spirituale, quod est obiectum potentie superioris spiritualis; at è conuer-

so Potentia superior spiritualis potest se extendere ad obiectum potentie inferioris materialis, dum illud attingat modo sibi proportionato, per speciem scilicet spiritualem, repræsentantem obiectum sine materie conditionibus indiuidualibus.

§. III.

Dantur in rebus nature vniuersales in essendo distincte ab vniuersalibus in repræsentando.

18 **H**æc secunda conclusio, quæ contra sententiam Nominalium militat, expressè docetur à Philosopho in 1. Perhiern. cap. 3. dicente, *quasdam res* non ergo sola nomina) esse vniuersales; quasdam particulares. Tū in ante prædicam. cap. 2. vbi vniuoca diffinit, *quorum nomen est commune*, & ratio significata est eadem: ergo nomini communi correspondet res significata communis.

Sed ne in equiuoco laboremus, & vt sensus conclusionis propositæ antequam ipsa probetur, clarè percipiatur, observare oportet, quod dari in rebus naturas vniuersales dupliciter potest intelligi; primò, ita, vt in re, siue realiter detur non solum homo v. g. qui denominatur vniuersalis, verum etiam ipse status præcisionis, & vniuersalitatis, & in hoc sensu nequit procedere conclusio.

sio, siquidem vt ex dictis contra Platonem constat, nullum datur à parte rei vniuersale à singularibus separatim, cum quidquid existat à parte rei, non aliter existat, quàm vt in singulari. In alio autem sensu potest intelligi, ita, vt licet natura, quæ denominatur vniuersalis, sit in se, & à parte rei identificata cum singularibus, sine illis tamen obijciatur intellectui vt quid omnino distinctum à conceptu representante, unde non solus conceptus, sed ipsa res (& sic accipitur dari in rebus vniuersalia) vt à conceptu distincta sit vniuersalis: quod licet pendeat præcipue ex dicendis in art. 4. circa præcisiones obiectiuas, vt notauimus num. 8. tamē in præsententi contra nominalium sententiam assumitur probandum.

19 *Prob.* Igitur conclusio ratione. Voci, siue conceptui *homo* v. g. aliquid ex parte obiecti correspondet distinctum ab ipsa voce, & conceptu, quæ dicuntur vniuersalia in representando: sed illud, quod eis ex parte obiecti correspondet, est vniuersale in essendo: ergo datur vniuersale in essendo distinctum ab vniuersali in representando. Mai. est euidentius, nam quod significatur per vocem, sicut & quod representatur per conceptum non est ipsa vox, aut conceptus representans, sed quid aliud, quod est obiectum representationis eorum. Min. vero prob. vniuersale in essendo est quod identificatur cum pluribus,

& de ipsis prædicatur: sed tale est obiectum correspondens significationi illius vocis, aut conceptus, homo scilicet, identificatur enim cum Petro, & Paulo, & de ipsis prædicatur: ergo obiectum correspondens significationi illius vocis est vniuersale in essendo.

20 *Confirm.* Plures scientiæ habent pro obiecto res ipsas, non voces, aut conceptus, scientia enim agens de Cælo, vt Philosophia, aut agens de quantitate, vt Arithmetica, vel Geometria, non de his vocibus *Cælum*, *Quantitas* sed de rebus per ipsas significatis agunt: sed agunt de vniuersalibus, cum omnium scientiarum obiectum sit aliquid vniuersale ergo non solum voces, aut conceptus, sed res ipsæ sunt vniuersales.

21 *Dices* correspondere quidem ex parte obiecti illi conceptui aliquid ab ipso distinctum, illud autem esse ipsa singularia ita confuse cognita, vt ex vi illius conceptus *homo* non possit discerni vllum singulare: & in ratione sic confuse cognitorum constituuntur per ipsam cognitionem confusam.

22 *Sed contra* 1. Nam deprehenditur in primis, quàm parum, aut nil distent, vt supra notauimus, Patroni huius solutionis, nempe negantes præcisiones obiectiuas, à sententia Nominalium concedentium sola vniuersalia in representando: Enem iuxta so-

lutionem vniuersale, quod vocant in essendo, nil aliud est, quam ipsa singularia, & confusa cognitio ea extrinsecè denominans confusè cognita: sed singularia ipsa non sunt quid vnum, sed plura, & solum dicuntur vnum ab vnitatè extrinseca cognitionis confusæ, cuius vnitatis est præcisè vnitatis in repræsentando: ergo solum admittitur vnum, quod sit vnum præcisè in repræsentando: ergo non in essendo: ergo non admittitur vniuersale in essendo, siquidem hoc debet, esse vnum in eâ linea, in qua est vniuersale. *Confirm.* Quod constituitur formaliter per vniuersale in repræsentando, non distinguitur ab vniuersali in repræsentando, cum nulla res distinguatur formaliter ab eo, per quod formaliter constituitur: sed illud, quod AA. vocant vniuersale in essendo, constituitur formaliter iuxta ipsos per repræsentationem cognitionis confusæ, quæ est vniuersalitas in repræsentando: ergo quod dicitur vniuersale in essendo, est reuera indistinctum formaliter ab vniuersali in repræsentando. Est ergo eorum sententia reuera in distincta à sententia Nominalium.

23. *Contra.* 2. Huic voci homo correspondet ex parte obiecti, vt à significatione vocis distinctum aliquid affirmabile de pluribus, cum non vox ipsa significans, nec conceptus repræsentans, sed obiectum repræsen-

tatum sit quod affirmatur de Petro, & Paulo: sed singularia ipsa non sunt aliquid affirmabile de pluribus: ergo quod illi voci correspondet ex parte obiecti vt à significatione vocis distinctum non sunt singularia. *Si dicas,* correspondere ex parte obiecti aliquid affirmabile de pluribus, non secundum se totum, sed secundum aliquam sui partem, quæ ibi apparet ad instar totius.

24. *Contra est.* Nam in primis sequitur ex solutione, quod totum integrale sit vniuersale, aqua, v. gr. maris respectu suarum partium, licet enim non possit secundum se totum verè prædicari de qualibet parte, secundum aliquam tamen partem sui potest de qualibet parte verè prædicari; de qualibet enim guta potest secundum aliquam guttam prædicari mare: consequens est falsum, cum confundat totum integrale cum toto vniuersali, & potèntiali, partesque integrantes cum partibus subiectiuis: ergo falsum est antecedens.

25. *Confirm.* Illi voci homo correspondet immediatè ex parte obiecti aliquid, quod verè potest affirmari de Petro: sed non posset verè affirmari de Petro, si secundum totum significatum Petro non conueniret: ergo si singularia secundum totum quod dicunt, nequeunt verè prædicari de Petro, singularia non sunt quod immediatè correspondet illi voci ex parte obiecti. Prob.

min. Ideo hæc propositio *Ani-
ma est homo* est falsa, quia licet
aliquid: quod includit prædica-
tum, conveniat subiecto, non ta-
men convenit illi secundum se
totum prædicatum. *Explicatur.*
Vt propositio affirmatiua sit ver-
ra, requiritur quod totum sig-
nificatum ex parte prædicati con-
veniat subiecto, unde hæc est
falsa, *Anima est homo*: sed hæc
propositio affirmatiua *Petrus est
homo* est vera: ergo totum sig-
nificatum ex parte prædicati con-
uenit subiecto: sed iuxta solu-
tionem singularia solum secun-
dum aliquam sui partem con-
veniunt subiecto, & non secun-
dum totum, quod dicant: ergo
singularia non sunt significatum;
quod immediate responderet illi
voci.

16: Denique. Conceptus, siue
vox communis representat im-
mediate aliquid, quod vere po-
test affirmari de Petro, & supra
quod potest immediate cadere
distributio: ergo non represen-
tat immediate singularia, nec
collectiue, nec diuisiue, ac proin-
de ea immediate non represen-
tat. Prob. conseq. Si representa-
ret immediate singularia collec-
tiue, non representaret imme-
diate aliquid, quod posset affir-
mari verè de Petro, nam singu-
laria collectiue sumpta non pos-
sunt de Petro verè prædicari, li-
cet enim Petrus sit aliqua pars
alius collectionis, non est ta-

ne *Petrus est plures homines* est
propositio omnino falsa: ergo
non significantur immediate per
illam vocem singularia collecti-
ue. Si autem immediate repræ-
sentaret singularia disiunctiue, non
posset distribui, qua ratione *ali-
quis homo* significans disiunctiue
singularia non potest distribui: er-
go non significat singularia disiun-
ctiue. *Alias* virgētiore prebationes
omittimus, quia pendunt ex dicē-
dis circa præcisiones obiectiuas, &
circa formam constitutiua[m] vni-
uersalis.

17: *Obijcies* 1. Vox vniuer-
salis primæ intentionis, verb. grat.
homo significat immediate aliquid
potens existere à parte rei: sed
quidquid à parte rei potest exi-
stere est singulare: ergo signifi-
cat immediate aliquid singula-
re. *Confirm.* Homo vt signifi-
catus per illam vocem, potest exi-
stere: sed sine singularitate non
potest existere: ergo non signifi-
catur sine singularitate. Argu-
mentum manifestè instatur in
sententia obijcientium: singula-
ria enim non possunt in re exi-
stere sine differentia vnius ab al-
tero: & tamen non significantur
per illam vocem cum differen-
tia, qua differt vnum ab altero,
cum iuxta ipsos per illam vocem,
seu conceptum represententur
singularia, & appareant ita confu-
sa, vt nequeat vnum discerni ab al-
tero.

18: *Resp.* ergo disting. mai. Vox
homo significat immediate ali-

quod id potens existere a parte rei, quoad rem significatam, conced. mai. quoad modum sub quo significatur neg. mai. & concessa min. disting. conseq. ergo significat immediate aliquid singulare, idest, aliquid, quod identice est singulare conced. conseq. quod formaliter, obiectiue est singulare neg. conseq. Ex quo ad confirm. disting. mai. homo vt significatus per illam vocem potest existere, ly vt dicente rem, que significatur conced. mai. dicente modum, sub quo significatur neg. mai. & concessa min. neg. conseq. Res significata per ly homo potest in re existere, non tamen potest existere sub modo solitudinis, & præcisionis, sub quo exercitur significatur; ex quo non sequitur, quod non significetur præcisiue à singularibus, sed quod præcisio à singularibus non sit res per vocem significata, qua ratione significatur per hanc vocem præcisio à singularibus, vel per terminum secundæ intentionis, sit tamen modus ex parte obiecti exercitus, sub quo homo significatur.

19 Obijcies 2. Terminus communis significat plura diuisim, vt constat ex eius definitione, quam tradunt Dialectici: ergo termino communi non correspondet ex parte obiecti aliquid vnum, sed plura. Neg. conseq. quia vt ab eisdem Dialecticis exponitur, significare plura diuisim est significare vnum, scorsim affirmabile de pluribus.

30 Si inles. Vnum affirmabile de pluribus est totum diuisibile in plura: sed totum nil aliud est præter partes; ergo significare vnum affirmabile de pluribus nil aliud est, quam significare partes, siue plura. Resp. concessa mai. disting. min. totum actuale nil aliud est præter partes, conced. min. totum potentiale neg. min. & conseq. Totum potentiale est ratio communis obiectiua distincta formaliter à partibus, quas cum contineat in potentia, non per eas, sed per aliquid distinctum obiectiue ab eis constituitur, vnde animal non constituitur per hominem, & Equum, quos respicit vt partes subiectiuas, sed per vixens sensibile, quod à rationali, & irrationali distinguitur obiectiue, ac proinde tale totum aliquid aliud est obiectiue formaliter præter partes: totum vero actuale, siue physicum, nil aliud est quam eius partes, quas actu continet, & quibus actu constituitur, qua ratione homo anima, & corpore constituitur.

31 Obijcies 3. Res significata per terminum communem potest prædicari de quolibet singulari: sed de singulari nequit prædicari vniuersale: ergo vniuersale non est res significata per terminum communem Prob. min. 1. Totum nequit prædicari de parte: sed vniuersale est totum respectu singularis, & singulare respectu vniuersalis est pars: ergo vniuersale nequit prædicari de sin-

singulari. Prob. min. 2. Hæc propositio, *singulare est vniuersale*, est falsa: ergo vniuersale nequit prædicari de singulari. Prob. denique. Si daretur natura vniuersalis, quæ posset prædicari de Petro, & Paulo, Petrus, & Paulus identificarentur cum vno tertio, cum homine scilicet, nam vterque est homo: ergo identificarentur inter se, quia quæ sunt eadem vni tertio, sunt eadem inter se. Consequens est falsum: ergo non datur natura communis Petro, & Paulo, quæ de ipsis prædicetur.

32 Resp. Concess. mai. neg. min. Ad eius 1. prob. disting. mai. Totum *actuale* nequit prædicari de parte conced. mai. Totum *potentiale* neg. mai. Totum *actuale* cum actu includat suas partes excedit, quamlibet diuisione sumptam, ac proinde non potest de qualibet prædicari, quia ratione diximus hominem non posse prædicari de anima: at totum *potentiale* cum non includat actu suas partes, sed tantum in potentia, ratione illius, quod actu dicit, partem non excedit, cum in qualibet parte reperiatur, quia ratione viuens sensibile, quod actu dicit animal, tam in Equo, quam in homine reperitur, ut quid vtriusque commune, ac proinde potest animal de quolibet ex illis prædicari.

33 Ad 2. min. prob. concesso, antec. disting. conseq. vniuersale, quoad secundam intentionem vniuersalis non prædicatur de singulari:

conced. conseq. quoad naturam, quæ denominatur vniuersalis neg. conseq. Sicut prædicatum est id, quod dicitur de subiecto, & tamen hæc est falsa *subiectum est prædicatum*, ita vniuersale prædicatur de singulari, & tamen hæc est falsa; *singulare est vniuersale*; & ratio vtriusque est eadem, quia sicut dum dicitur, quod prædicatum dicitur de subiecto, non est sensus, quod secunda intentio, siue respectus prædicati sit, quod dicatur de subiecto, sed res, quæ à secunda intentione prædicati denominatur; ita vniuersale prædicari de singulari non est, quod secunda intentio vniuersalis dicatur de singulari, sed res, quæ denominatur vniuersalis; per illas enim voces *vniuersale*, & *singulare* significantur ut quod respectus vniuersalis; & singularis, per illas autem *homo*, & *Petrus* significantur ut quod, & signatè solum res ipsæ, quæ à secundis intentionibus denominantur; secundæ autem intentiones solum exercitè, & ex modo significandi; quia ratione, & si homo sit species, & Petrus sit homo, hæc tamen propositio *Petrus est species* est falsa.

34. Ad ultimam prob. resp. neg. conseq. & ad eius insertam prob. Explico antec. Quæ sunt eadem vni tertio sunt eadem inter se, si tertium sit vnum perfectè conced. antec. si sit imperfectè vnum sola vnitatem præcisionis neg. antec. nam quod ita est vnum, reuera est multiplex in re, & catenis fit

vnū quatenus cognoscitur præcisiuè à differentiis, quibus in re est diuisum, & consequenter ex identitate Petri, & Pauli cum homine, qui ideo præcisè est vnus, quia concipitur sine distinctione, quod in re habet, non sequitur identitas realis, & perfecta Petri, & Pauli inter se. Alia plura possent obijci, quæ tamen opportunius obijciuntur in art. sequentibus, à quorum resolutione pendet.

ART. II.

An gradus superiores, & inferiores distinguantur distinctione formali ex natura rei?

5 **G**radus nil aliud sunt, quam prædicata metaphisica, superiora, & inferiora alicuius rei, y. g. ratio *substantie*, *corporis*, *viuentis*, *animæ*, *rationalis*, & etiam differentie indiuidualis, per quæ omnia prædicata alia alijs superiora constituitur Petrus, quæque gradus dicuntur, quia dum ea cognoscimus, quasi ascendimus, & descendimus. Probauimus eos non ita distingui, vt superiores dentur realiter separati ab inferioribus; modo inquirimus vtrum aliqua minori distinctione secequantur à parte rei.

§. I.

Status questionis aperitur.

36 **S**upponendum est 1. distinctionem esse carentiam identitatis, tunc enim duo diuisa-

giuntur quando vnū non est alterum; sunt autem duo distinctionum genera indubitata, nempe distinctio realis, & rationis: distinctio realis est quæ datur in re antecedenter ad operationem intellectus: distinctio rationis est, quæ à parte rei non datur, sed per rationem fingitur. Hæc distinctio rationis, alia est rationis ratiocinantis, idest, sine fundamento in re, alia cum fundamento in re, quæ dicitur distinctio rationis ratiocinata, quarum expositionem dedimus supra quest. 2. art. 2.

37 **S**upponendum est 2. quod inter distinctionem realem, & distinctionem rationis hoc modo explicatas non potest excogitari distinctio media. Tum quia distinctio est passioentis: sed duplex tantum est ens, nimirum reale, & rationis, vt docuit Philosoph. lib. 4. Metaph. dicens. *Omne ens esse in re, vel in sola apprehensione*: ergo duplex tantum est distinctio, realis videlicet, & rationis. Tum quia inter esse ante operationem intellectus, & non esse ante operationem intellectus non datur medium: sed iuxta explanationem supra positam distinctio realis est, quæ datur ante operationem intellectus, & distinctio rationis, quæ non datur ante operationem intellectus: ergo inter illas sic explicatas non datur distinctio media. Nec eam in prædicto sensu asseruit Scotus, teste Merinero disput. 1. de vniuersal. num. 12.

38. *Supponendum* est 3. quod distinctio realis, quæ datur ante operationem intellectus, subdividitur in distinctionem realem, entitativam, & distinctionem realem modalem: distinctio realis entitativa est distinctio quæ versatur inter rem, & rem, quæ solent esse mutuo separabiles, quo pacto distinguuntur Petrus, & Paulus, corpus, & anima. Distinctio realis modalis est quæ versatur inter rem, & modum, ex quibus modus nequit existere sine re, bene tamen res sine modo; qua ratione distinguuntur Petrus, & eius sessio.

39. *Utra* has distinctiones ab omnibus communiter receptas, aliam mediatas est Subtilis Doctor, quam mediam vocat inter distinctionem realem, & rationis, non quia non sit distinctio realis, propterea distinctio realis est idem ac distinctio à parte rei; sed quia non est realis entitativa, seu distinctio realis entitativum, sed formalitativum, sicque est media inter distinctionem realem sic acceptam, & distinctionem rationis, nam nec est distinctio rationis, quia est distinctio à parte rei, nec est distinctio entitativa, cum non inter entitates, sed inter formalitates eiusdem rei versetur; eam autem propriè dicendam distinctionem formalem ex natura rei docent Scotista; *formalem*, quia est inter eiusdem rei formalitates; *ex natura rei*, quia non beneficio intellectus, sed ante omnem

operationem intellectus convenit rebus ex earum propria natura, lastimedicque distinctione sustinent cum suo Doctore distinguui gradus superiores, & inferiores. Oppositam tamen sententiam defendunt non solum Thomistæ omnes, sed & alij DD. communitat.

§. II.

Nulla datur formalis distinctio ante omnem operationem intellectus inter gradus superiores, & inferiores eiusdem rei.

40. **C**onclusio ista passim traditur à D. Thoma, qui ad verificanda prædicata ex se contradictoria de eadem re, ad nullam aliam recurrit distinctionem, quam ad distinctionem rationis, ut artic. seq. constabit. Constat etiam ex eodem Angelico Præcept. 1. p. q. 50. art. 3. ad 1. dicente: *Genus, & differentia in Angelo non accipitur secundum aliud, & aliud, sed secundum unum, & idem, quæ tantum differunt secundum considerationem nostram: non ergo differunt alia actuali distinctione, quæ intellectus considerationem præveniat.*

41. Proh. huius per conclusio ratione, qua distinctio media impugnatur. Distinctio media est duplex formalitas realiter identificata, & formaliter in re distincta; sed implicat duplex formalitas realiter identificata, & formaliter in re distincta: ergo implicat

Distinctio media, Prob. min.
 Duplex formalitas in re formaliter distincta est duplex formalitas ita in re distincta, vt ratio formalis, & distinctio obiectiua vnus non sit in re ratio formalis, & distinctio obiectiua alterius, ideo enim adstruitur distinctio hæc, vt ponea contabit, ab Scoto inter duas formalitates eiusdem rei, animalitatem scilicet, & rationalitatem, quia vna non est de conceptu distinctio alterius, nec ratio formalis vnus est ratio formalis alterius: sed si duplex illa formalitas est realiter identificata, implicat, quod ratio formalis, & distinctio obiectiua vnus non sit in re ratio formalis, & distinctio obiectiua alterius: ergo implicat, quod sit realiter identificata, & sit formaliter in re distincta.
 Prob. min. Identificari realiter formalitates est vnâ formalitatem esse in re alteram: sed formalitates ipsæ sunt rationes formales, & distinctiones obiectiue sui ipsius, sine vnus & alterius: ergo implicat formalitates realiter identificari, quin ratio formalis, & distinctio obiectiua vnus sit ratio formalis, & distinctio obiectiua alterius.

42 *Confirm.* & explicatur: Quia ratio formalis, & distinctio obiectiua rationalitatis v.g. non est ratio formalis, & distinctio obiectiua animalitatis, animalitas, & rationalitas distinguuntur distinctione formali: ergo si ratio formalis, & distinctio obiectiua vnus

per intellectum tantum non sit ratio formalis, & distinctio obiectiua alterius, tantum per intellectum, & non in re, erit illa distinctio formalis inter vtranque. Patet consequ. Nam effectus eo modo datus, quo datur causa formalis illius: sed causa, vel ratio distinctionis formalis inter illas formalitates, est, quod ratio, & distinctio vnus non sit ratio, & distinctio alterius: ergo si hæc causa, vel ratio in re non est, distinctio illa formalis non erit in re, sed per intellectum tantum. *Tunc sic*: sed implicat, quod illa duplex formalitas sit realiter identificata, siue sit in re altera, & quod ratio formalis, & distinctio obiectiua vnus non sit in re ratio formalis, & distinctio obiectiua alterius, cum (vt probatum est) ipsæ formalitates sint rationes formales obiectiue sui ipsius: ergo implicat quod illa duplex formalitas sit realiter identificata, & quod sit formaliter in re distincta.

43 *Per quam rationem* sic confirmatam, & expositam præcluditur communis euasio consistens in eo, quod ratio, quare duplex illa formalitas distinguitur formaliter in re, est quia ratio formalis vnus non est formaliter in re ratio formalis alterius; ex discursu autem facto solum colligitur, quod in re ratio formalis vnus sit identice, & materialiter, secus formaliter, ratio formalis alterius; vnde aliud est, quod identitas, quam conuincit

ratio facta, sit identitas in re formalitatum, quod non negat Scotus, aliud vero, quod sit identitas formalis, de qua est litigiū, & quæ ratione facta non suaderetur.

44 *Præcluditur* (inquam) nam vnum esse in re entitativè alterum, nihil aliud est, quam entitatem vnius esse in re entitatem alterius; vnum esse formaliter in intellectu alterum, nihil aliud est, quam quod in intellectu ratio formalis vnius sit ratio formalis alterius: ergo vnum esse in re formaliter alterum, nihil est aliud, quam rationem formalem vnius esse in re rationem formalem alterius: sed discursu facto probatur, quod ratio vnius sit in re ratio formalis alterius: ergo non solum probatur identitas realis formalitatum, sed identitas formalis, quæ talis sit in re. *Vergetur.* Quia esse entitativè alterum, est entitatem vnius esse entitatem alterius, implicationem involueret quæ diceret entitatem vnius esse in re entitatem alterius, & nihilominus entitativè in re distinguī: sed ex terminis (ut postea contrahatur ad præsentem materiam) duo esse formaliter idem, est quod ratio vnius sit ratio formalis alterius: ergo qui ex una parte dicit, quod ratio formalis vnius est in re ratio formalis alterius, & ex alia, quod formaliter in re distinguuntur, implicatoria involuit.

45 *Prob. 2. min. prin i syllogismi.* Duplex formalitas forma-

liter in re distincta, & realiter identificata est duplex formalitas realiter distincta, & realiter identificata: sed implicat duplex formalitas realiter identificata, & realiter distincta: ergo implicat duplex formalitas illa distinctione media distincta. Prob. mai. formalitas in re distincta ab altera est formalitas realiter distincta ab illa, cum esse realiter distinctum ab altero, nil aliud sit, quam in re distinguī ab illo: sed vnam formalitatem esse formaliter in re distinctam ab alia est esse in re distinctam ab illa; quia quod illa distinctio sit formalis, non tollit iuxta eius defensores, quod absolute sit in re distinctio: ergo duplex formalitas formaliter in re distincta est duplex formalitas realiter distincta, & cum aliàs sit realiter identificata, erit realiter identificata, & realiter distincta.

46 *Si dicas* quod illa distinctio, & si actu in re sit distinctio, non est tamen absolute dicenda distinctio realis, ne videatur talis distinctio, qualis est inter duas entitates mutuo separabiles, aut inter entitatem separabilem à modo; sed dicenda est realis formalis, quia versatur inter formalitates inseparabiles eiusdem rei, quæ proprius dicitur distinctio formalis ex natura rei.

37 *Contra* est 1. Nam quod est actu tale in re absolute est tale realiter, bonum enim absolute tale in re est bonum realiter, & absolute existens in re est ab-

solutè existens realiter, ergo quod actu absolutè est in re distinctum, absolutè est distinctum realiter. Nec inseparabilitas suadet oppositum: nam licet separatio sit signum distinctionis, in illa tamen non consistit, non enim sunt aliqua distincta, quia separanter, sed separantur, quia sunt distincta, unde cum distinctione potest componi inseparabilitas, si aliunde sit connexio essentialis inter extrema distincta, ut patet (alijs omis- sis) in Divinis personis realiter distinctis, & essentialiter inter se connexis: Restat ergo, quod distinctio absolutè realis nil aliud sit, quam distinctio actu realis in re, & consequenter non est vade illa distinctio sit media, sed absolutè est dicenda distinctio realis.

48. *Contra 2.* Quidquid sit de voce, illa duplex formalitas est actu in re distincta, hæc enim propositio sine ullo addito est vera, cum distinctio illa absolutè sit distinctio in re: ergo illa duplex formalitas non est actu in re identificata. Patet consequ. Nam quæ distinguuntur, eo in sensu, in quo distinguuntur, non identificantur: ergo si de illa duplici formalitate est absolutè verum, quod est actu in re distincta, est absolutè quoque verum, quod non est actu in re identificata. *Tunc sic:* sed si ulterius est realiter entitativè identificata; absolutè est verum, quod est actu in re identificata, cum identitas realis entitativa sit

absolutè, & sine addito identificata: ergo illa duplex formalitas talis est, ut ac ipsa absolutè verificetur, est actu in re identificata, & non est actu in re identificata, quod manifestè implicat.

39. *Contra 3.* Animalitas, ut in re distincta, illa distinctione à rationalitate, existit realiter, & è converso similiter hoc est verum de rationalitate: ergo vel distinguuntur entitativè in re animalitas, & rationalitas, vel non distinguuntur in re formaliter. Antec. est certum, nam quod animalitas in re existat, & similiter rationalitas, tam certum est, quam in re existere hominem: quod autem existat in re ut distincta in re à rationalitate, patet ex ipsa sententia, quam impugnamus, aliàs illa distinctio non existeret in re, ut ab Scoticis propugnatur. Consequ. prob. Distinctio entitativa in re talis est, quæ in re versatur inter duo entia realia, sive inter duas entitates reales: sed si animalitas ut in re distincta à rationalitate (& è converso) existit realiter, animalitas, & rationalitas distinguuntur distinctione, quæ in re versatur inter duas entitates reales, inter animalitatem, & rationalitatem scilicet, quæ cum realiter existant, sunt entitates reales: ergo. *Explicatur.* Ens reale nil aliud est, quam ens existens, aut potens existere realiter: ergo distinctio, quæ in re datur inter duo extrema, quorum quodlibet ut in re distinctum ab alio,

realiter existit, et in re distinctio inter duas entitates reales: sed distinctio illa est in re inter duo, quorum quodlibet ut distinctum in re ab alio realiter existit: ergo est distinctio in re inter duas entitates reales.

50 *Prob. 3.* illa min. principalis. Si duplex formalitas realiter identificata posset esse in re formaliter distincta, humanitas Petri v.g. realiter identificata cum Petreitate esset ab illa formaliter in re distincta, cum eodem distinctionis genere asseratur natura specifica à gradu individuali distincta, quo gradus alij defenduntur distincti: sed hoc implicat: ergo illa distinctio implicat. *Prob. min.* Nam humanitas Petri ut in re distincta formaliter à Petreitate, vel est in re identificata cum humanitate Pauli, vel non est in re identificata cum humanitate Pauli, nam cum hæc sint contradictoriæ, nullum potest in re dari medium, quidquid sit an medium præcisionis possit admitti: si est in re identificata cum humanitate Pauli: ergo eadem in re natura est in pluribus suppositis, Petro scilicet, Paulo, & alijs individuïs, realiter distinctis, quod extra mysterium ineffabile Trinitatis manifestè implicat. Si non est in re identificata: ergo humanitas Petri ut in re distincta à sua singularitate, Petreitate scilicet, est hæc humanitas, & non illa: sed est hæc per suam singularitatem: ergo

prout in re distincta à sua singularitate est hæc, & singularis, quod eodem modo implicat.

51 *Si dicat*, quod humanitas Petri ut in re distincta à Petreitate est in re eadem formaliter cum humanitate Pauli, non tamen est eadem singulariter, seu numerice. *Contra* est, nam hæc videtur sola repetitio nominum, non solutio: identitas enim formalis est vere identitas in re, sicut distinctio formalis est vere in re distinctio, cum illud additum *formalis* non sit additum diminuens quantum ad hoc, quod vere sit distinctio, vel identitas in re: ergo humanitas Petri in re identificata formaliter cum humanitate Pauli est vere identificata in re cum illa: ergo datur vna, & eadem in re humanitas, seu natura existens in pluribus suppositis, quod est Mysterium Trinitatis ad res creatas deijcere.

52 *Confirm.* Humanitas Petri est in re distincta à sua singularitate: ergo humanitas Petri, & eius singularitas sunt duæ formalitates, quarum hæc in re non est illa: sed est hæc, & non illa, per singularitatem: ergo ut distincta à sua singularitate est iam singularis. *Explicatur* humanitas ut in re distincta à sua singularitate est hæc formalitas, & non illa, scilicet singularitas, sed humanitas seorsum a singularitate non est hæc formalitas, & non illa, quia aliàs seorsum ab hæc-
ceitate esset hæc, quod impli-

cat: ergo non datur humanitas, quæ sit in re à sua singularitate distincta. *Atas* possemus rationes subijcere, quibus fundamenta oppositæ sententiæ intringerentur; sed quia hæc sunt instantiæ, quas inter soluenda argumenta, opponemus, ideo ab eis modo supercedemus.

§. III.

Sequuntur argumenta.

53 **O** *Obijcies* 1. De vna, & eadem in re formalitate non possunt ante operationem intellectus verificari propositiones ex se contradictoriæ: sed de animalitate, & rationalitate verificantur propositiones ex se contradictoriæ: ergo animalitas, & rationalitas non sunt à parte rei vna, & eadem formalitas. *Prob. min.* ante omnem operationem intellectus verificatur de animalitate Petri, quod est ratio conueniendi cum Equo, & de rationalitate non esse rationem cōueniendi cum Equo: sed esse, & non esse rationem conueniendi cum Equo ex se est contradictorium: ergo.

54 *Hoc argumentum*, quod est totum robur oppositæ sententiæ, dissoluendum est ex professo in artic. sequente, in quo disputatur, an detur a parte rei inter prædicata identificata aliqua capacitas actu talis ad suscipienda indepen-

denter ab operatione intellectus prædicata ex se contradictoria; vnde ne idem ociosè repetamus, videatur ibi eius solutio. *Pro nunc.* *Resp.* concessa mai. neg. min. ad cuius prob. neg. mai. nam falsum est, quod rationalitas non sit à parte rei ratio conueniendi, licet a parte rei sit ratio disconueniendi; eadem enim in re prædicata, si non sint perfecte similia alijs prædicatis, sunt in re similia, & dissimilia, non tamen sunt, & non sunt similia, in quo solo est contradictio. *Et argumentum* quidem inlatur; nam si esse, & non esse tale in re suadet distinctionem in re: ergo esse tale, & non esse tale realiter luadet distinctionem realem, quod tamen in sententia Scoti est falsum, qui essentiam diuinam sola distinctione ex natura rei distinguit à Paternitate, cum tamen entitas relatiua Patris, seu Paternitas, nō communicetur realiter filio, ipsi realiter communica entitate absoluta, essentia scilicet Diuina.

55 *Obijcies* 2. Quæ differunt diffinitione, distinguuntur ex natura rei: sed animalitas, & rationalitas differunt diffinitione: ergo distinguuntur ex natura rei. *Min.* est cerra, nam animalitas diffinitur, *ratio sentiendi*; & rationalitas, *ratio discurrendi*. *Mai.* vero prob. 1. Diffinitio explicat naturam rei: ergo quæ differunt diffinitione, differunt ex natura rei. *Prob. mai.* 2. Quæ differunt essen-

essentialiter, differunt in re, cum distinctio essentialis non pendeat à fictione intellectus: sed quæ differunt diffinitione, differunt essentialiter: ergo quæ differunt diffinitione, differunt in re. *Prob.*
 3. *mai.* Diffinitio, & rei diffinitæ natura conuertuntur: ergo nequit esse multiplex diffinitio, quin diffinitum sit multiplex ex natura rei.

36 *Hoc argumentum*, quod etiam est præcipuum fundamentum Scoti, multiplicem patitur instantiam, vnam, vel alteram insinuare sufficiat: Persona Diuina, & relatio Diuina diuersis diffinitionibus diffiniuntur, & tamen non distinguuntur illa distinctione ex natura rei; similiterque virtus exsiccatiua in sole non distinguitur in re à virtute calefactiua eiusdem, cum tamen virtus calefactiua, & exsiccatiua diuersis diffinitionibus diffiniuntur. Idem euenit in intellectu nostro, intelligentiæ enim, & ratio diuersimodè diffiniuntur, & in voluntate libertas, & natura; quin intellectus vt intelligentia differat in re à se ipso vt ratio est, nec voluntas vt libera differat in re à se ipsa vt natura. *Præterquam quod argumentum*, vel probat distinctionem absolutè, & simpliciter realem, vel nullam; quia essentia diffiniti vt in re considerata nil aliud est, quàm eius entitas, & è conuerso, hæc est essentia vt in re diffiniti.

57 *Resp.* ergo disting. mai. Quæ differunt diffinitione adæquata cum re vt est in se, differunt in re, seu ex natura rei omit. mai. quæ differunt diffinitione inadæquate neg. mai. & sub eadem distinctione min. neg. consequ. Non omnis diffinitio adæquatur cum re vt est in se, sed vt à nobis concepta, quia res diffinimus vt eas concipimus, cumque inadæquate rem sæpè concipiamus eam diuidendo in plures formalitates, eam quoque diffinimus pluribus diffinitionibus, quarum quælibet est adæquata cū re vt inadæquate concepta, non tamen cum re vt est in se. Hinc illæ diffinitiones animalitatis, & rationalitatis adæquantur cum ipsis vt conceptis, & vt significantur à nobis per illas voces, secus tamen cum ipsis vt in re, cum in re non detur animalitas, quæ non sit simul rationalitas, aut irrationalitas. *Vnde ad 1. prob. mai.* disting. anteced. Diffinitio explicat naturam rei, vt à nobis conceptæ conced. antec. vt est in se, sub dist. si diffinitio sit adæquata, conced. antec. si inadæquata, neg. antec. & consequ.

58 *Si infes.* Vnius rei nequit dari duplex conceptus, nam distinctio conceptus sumitur à distinctione obiecti: ergo nec duplex diffinitio, & consequenter diuersa diffinitio arguit diuersitatem in re. *Neg.* antec. quod non conuincit inserta probatio, nam

ad distinctionem conceptus sufficit distinctio virtualis obiecti, æquiualeſcia ſcilicet illius ad plura, vi cuius intellectus noster habet fundamētum ut vnam rem in plures diuidat formalitates, quas diuerſis conceptibus concipiat; qua ratione intellectus perfecte rem comprehendens vnico iſtu, & conceptu eam cognoscit. Hinc conceptibilitas animalis eſt in re eodem actu conceptibilitas cum conceptibilitate rationalis, & ſi virtualiter ſit diuerſa ab illa.

59 *Ad 2. prob. mai. diſting. mai.* Quæ differunt eſſentialiter differunt in re, *ſi differant eſſentialiter adequatè* conced. mai. *ſi eſſentialiter inadequatè* neg. mai. & diſtin. min. quæ differunt diſtinctione adequata differunt eſſentialiter conced. min. *inadequata*, ſub diſt. differunt eſſentialiter, *differentia eſſentiali rationis* conced. min. *re. ſi* neg. min. & conſeq. differentia rationalis ab animali dicitur eſſentialis, quia eſt inter prædicata eſſentialia, non tamen quia ipsis eſſentialiter conueniat, alias in omni ſtatu conueniret; conuenit enim ipsis acciſdentaliter, & per intellectum diuidentem vnam in re eſſentiam in varia prædicata, quæ omnia ſunt rei eſſentialia, & ſi reduplicatiuè ut diſtincta non ſunt ei eſſentialia, *Ad 3. prob. diſting. anteced.* Diſſinitio, & rei natura ut concepta à diſſiniente conuertuntur conced. anteced. & rei natura ut eſt

in ſe ſub diſting. *ſi diſſinitio ſe adequata cum re ut eſt in ſe* conced. anteced. *ſi inadequata* neg. antec. & ſub eadem diſtinctione neg. conſeq.

60 *Si inſtes:* ergo ſi homo adequatè ſit diſſiniendus, debet diſſiniri cum ſua ſingularitate, cum homo in re non ſit hominiſi in ſingulari; conſequens eſt falſum, alias de ſingularibus eſſet diſſinitio: ergo vel repugnat diſſinitio adequata rei, quod eſt abſurdum, vel doctrina ſolutionis eſt falſa. *Reſpond.* diſting. conſeq. ſi homo ſi diſſiniendus adequatè, *adequatione cum ipſo ut eſt in re*, debet diſſiniri cum ſua ſingularitate conced. conſeq. *adequatione cum ipſo ut concepto præſiut à ſingularibus*, neg. conſeq. nec ex hoc ſequitur, quod de ſingularibus ut exercite exiſtentibus detur diſſinitio, ly *ut* dicente ſtatutum, vi cuius detur diſſinitio, licet de ipsis exercite exiſtentibus detur; nam ipſa ſic exercite exiſtentia, & ſi non quia exercite exiſtentia, habent connexionem neceſſariam cum pluribus, quibus eorum eſſentia in indiuiduo notefcit; licet, quia differentia indiuidualis eſt nobis ignota, & proprietates indiuiduales non ſatis etiam nobis certæ, à nobis recte diſſiniri non poſſint ſingularia, quæ à comprehendente rem, & vnde indiuiduatio pendeat, poſſunt exactiſſime diſſiniri.

62 *Obijeis 3.* Repugnat com-
pos

positio in re talis, quæ sit sine extremorum distinctione in re tali, cum compositio sit distinctio- rum unio: sed inter animal, & rationale datur compositio, quæ in re est compositio, seu quæ est compositio realis: ergo animal, & rationale differunt distinctione in re tali, siue reali. Prob. min. Inter animal, & rationale datur compositio metaphisica: sed compositio metaphisica est realis, alias non repugnaret Deo, cum compositio ficta, & per nostros conceptus, non est vnde Deo repugnet: ergo inter animal, & rationale datur compositio realis.

62. *Confirm.* Contrahibile, & contrahens differunt à parte rei, cum relatiuè opponantur: sed animal, & rationale comparantur vt contrahibile, & contrahens, cum animal contrahatur per rationale: ergo differunt realiter. *Vergetur.* Natura humana est realiter communicabilis pluribus, cum realiter communicetur pluribus: sed singularitas non est realiter communicabilis pluribus, Petri- tas enim nulli alteri à Petro est communicabilis: ergo natura humana non est idem realiter cum sua singularitate.

63. *Resp.* concessa mai. neg. min. Ad eius prob. concessa mai. neg. min. nam compositio metaphisica est compositio inter prædicata, quorum vnum cum fundamento in re concipitur vt quid superius, & potentiale respectu alterius; cum tamen in re

vtutrumque prædicatum sit omni- no idem realiter, quod totam sit beneficio intellectus rem inadæ- quate concipientis. *Nec propterea* talis compositio non repugnat Deo, cui repugnat præbere fundamen- tum, vt aliquod illius prædicatum concipiatur taliter distinctum ab alio, vt illud in suo conceptu non includat, quæ non inclusio desideratur necessariò ad compositionem metaphisicam; fundamentum enim huiusmodi distinctionis est aliqua subiecti potentialitas, quæ Deo repugnat. Sed de hoc expresse agemus infra quæst. 8. art. 2.

64. *Ad confirm.* disting. mai. Contrahibile contrahibilitate *phisica*, & contrahens differunt à parte rei, conced. mai. Contrahibile *contrahibilitate purè Logica* neg. mai. animal non est realiter contrahibile per differentias, quia non datur animal in re, siue realiter seorsum à differentiis, nisi naturam Platonice singas, & nisi consequenter teneas dari naturam, quæ realiter vna sit in pluribus: est ergo contrahibilitas (idem de relatione) illa purè Logica, & per rationem, quatenus intellectus videns omnia animalia esse similia in ratione animalis, apprehendit animal vt quid vnum, & indifferens ad plura, cum reuera animal sic indifferens, & contrahibile non detur à parte rei.

65. *Si in res* 1. Animal ita est contrahibile per rationale, vt ipsi

accidat rationale, vnde inuenitur animal realiter separatum à rationali in tot irrationalium speciebus: ergo ita est contrahibile per rationale, vt realiter differat ab illo. *Si inq. 2.* Animal ita est contrahibile per rationale, vt rationalitas nullo modo sit de essentia animalitatis. *Tum* quia animalitas hominis est indiuincta essentialiter ab animalitate Equi, quod nequit componi cum eo, quod rationalitas sit de essentia animalitatis. *Tum* quia ideo ens non est vniuocum, nec genus, sed analogum ad sua inferiora, quia horum differentiae sunt de essentia entis; sed animal non est analogum, sed vniuocum, & genus ad sua inferiora, quorum differentijs contrahitur: ergo ita contrahitur per rationale, vt rationalitas nullo modo sit de essentia animalitatis. *Tunc sic:* sed quod nullo modo est de essentia alterius, in re est distinctum ab illo, aliter aliquo modo, idest, in re esset de essentia illius: ergo ita contrahitur animal per rationale, vt rationale differat in re, siue realiter ab animali.

66 *Resp. ad 1.* Instantiam distingu. antec. vt ipsi metaphisicè, & praecisue considerato accidat rationale conced. antec. vt ipsi phisicè, & prout est in re accidat rationale neg. antec. & conseq. quia solum quod phisicè, & prout in re accidit alteri distinguitur realiter ab illo, secus quod ipsi praecisue sumpro acciuit, alias suaderet in-

stantia, quod rationalitas est entitas omnino distincta ab entitate animalis, quod opposita sententia reputat falsum. Nec interta probatio est ad rem, quia alias animalitas distingueretur realiter distinctione rei à re à rationalitate, cum realis separatio mutua, qualis est illa, quam probatio obijcit, vel realem diuisionem rei à re suadeat, vel nullam. Vnde dicendum est, quod à parte rei inuenitur separata à rationalitate animalitas Equi v.g. sed nō aliqua animalitas, quae sit realiter communis Equo, & homini, nam à parte rei non datur vna animalitas, sed plures, & si propter similitudinem praebent fundamētum, vt concipiatur ac si esset vna animalitas omnibus communis.

67 *Ad 2. instantiam* distingu. antec. ita vt rationalitas nullo modo sit de essentia animalitatis praecisue, & metaphisicè considerata conced. antec. phisicè, & vt est in se sumpta neg. antec. Nec animalitas hominis est essentialiter phisicè, sed tantum metaphisicè indiuincta ab animalitate Equi: nec ens ideo est analogum, quia differentiae sit de eius essentia phisica, haec enim phisica identitas nō attenditur à conceptu metaphisico rei praecisue considerata, ac proinde non impedit vniuocationem illius, sed quia sunt de essentia metaphisica entis, nam quauis differentia sub quauis reduplicatione est ens: quod è conuerso se habet indifferentijs con-

trahentibus animal, de cuius conceptu metaphisico non sunt, ideoque validocationem non impediunt, sunt tamē de essentia phisica ipsius, ideoque impediunt distinctionē phisicā, siue in re talem.

63 *Ad id*, quo urgebatur argumentum, disting. mai. Natura humana *vna in re* est realiter communicabilis pluribus neg. mai. Natura humana *in re multiplex* conced. mai. & cōcessa min. neg. conseq. Dum dicitur, quod natura humana est realiter communicabilis pluribus, est realiter in pluribus, & aliz locutiones huiusmodi, non est sensus, quod natura eadem identitate aliqua in re veretali sit in pluribus, hoc enim esset deijcere Mysterium Trinitatis ad res creatas; sed sensus est, quod multiplex in re natura, quæ tamen propter similitudinem dicitur vna natura, unitate in re solum fundamentali, & per intellectum formali, est realiter in pluribus, natura enim Petri, seu quæ est in Petro, nequit realiter alterius individui esse natura, nisi novum Trinitatis Mysterium aditruas in rebus creatis. Sed de hoc exprofecto agendum est infra art. 5. & 6.

69 *Denique* obijcies. Quia sectio non est entitas, sed modus, & si distinguatur realiter à Petro, non tamen distinguitur realiter entitatiuè, sed realiter modaliter: ergo quia rationalitas non est entitas, sed formalitas, & si distinguatur realiter ab animalitate,

non tamen realiter entitatiuè, sed realiter formaliter: sed distingui realiter formaliter est distingui distinctione ex natura rei, quæ vocatur media, quia nec est realis entitativa, nec per rationem tantum: ergo datur distinctio media inter animalitatem, & rationalitatem.

70 *Propter* hanc instantiam ex distinctione reali modali desumptam virtus, vel alter, ex Thomalis etiam, reputat parum efficacem rationem, qua vt efficaci impugnatur communiter distinctio media, desumpta ex eo, quod sicut non datur medium inter ens reale, & rationis, ita nec distinctio media inter realem, & rationis, quam rationem alijs terminis proposuimus supra num. 45. dum secundò probauimus min. principalem. *Sed quæ* leui fundamento, & ob solam apparentiam vobum hoc dicatur, constabit ex solutione argumenti, cuius anteced. non solum est falsum, sed & falsum supponit, modum scilicet non esse verum ens reale, & ideo falsò inde colligit distingui realiter modaliter non esse distingui realiter entitatiuè; modus enim, qui vt verè distinctus à re, quam modificat, existit realiter, qua ratione non erit verum ens reale? Aliud est ergo, quod distinctio illa non sit inter rem, & rem, quia modus non significatur vt res, sed vt determinatio rei, quod litigium est de voce; aliud, quod distinctio illa non sit

realis entitatiua, cum modus vere sit ens, & entitas, & distincta realiter entitas ab entitate rei modificata. Ex hoc autem nil infertur pro distinctione media, nisi illa voce tenus dicatur media, reuera tamen sit distinctio entitatiua; nam si ita est, rem tenentes de litigio vocis non curamus.

ART. III.

An inter gradus superiores, & inferiores detur distinctio intrinseca virtualis?

72 **C**um ex dictis in artic. precedente constet, quod gradus superiores, & inferiores nullam in re habeant actu distinctionem formalem; restat, vt examinemus, an in re gaudeat aliqua distinctione virtualiter tali: & licet dubium hoc circa tales gradus exciteretur, comprehendit etiam generaliter quaecumque predicata in re identificate, an scilicet cum tali in re identitate sit composibilis distinctio virtualis intrinseca. Nec de solis predicatis creatis procedit dubium, eodem enim modo censemus repugnare, vel non repugnare distinctionem intrinsecam virtualem predicatis Diuinis summa in re gaudentibus identitate, quo repugnare, vel non repugnare propugnetur cum identitate predicatorum rei creatar: quia tamen fas non est Logicis immiscere Theologica, & in Theo-

logia maxime difficilia, de solis predicatis creatis loquemur relinquentes Theologis quid inde deducendum sit erga Diuina.

72 *Notandum est autem* 1. quod nomine distinctionis intrinsece virtualis potest intelligi æquiualentia eiusdem rei ad plura realiter distincta, quoad varios effectus causandos, seu quoad diuersa munera præstanda; & in hoc sensu certum omnino debet esse dari distinctionem intrinsecam virtualem; nam vt alia omittamus exempla, anima nostra vna, & indiuisibilis æquiualeat propter sui eminentiam animabus Plantarum, & Bruti quoad præstandos effectus formales vegetandi, & sentiendi, ea enim sola homo vegetat, sentit, & discurrit, ac si triplici anima realiter distincta constaret: & in præsentia materia animal assimilatur Petro Equo, & rationale dissimulat, ac proinde æquiualeat diuersis formis, in ordine ad assimilandum, & dissimilandum, cum tamen sint vna, & eadem res, vt supponimus ex dictis.

73 *Notandum est* 2. quod eiusdem distinctionis nomine potest etiam intelligi distinctio pure fundamentalis, fundamentum scilicet, quod vna, & eadem res præbet intellectui nostro, vt eam in distinctas formalitates diuidat; ac proinde apprehendat in ea quandam multipliciter, cum in re nulla sit actu multiplicitas; quod fundamentum solet dici

distinctio virtualis, non quia actu sit distinctio, sed tantum in potentia, seu in virtute, quatenus est capacitas, ut beneficio intellectus sit distinctio, à parte rei tamen solum est in actu fundamentum distinctionis, non distinctio. In hoc sensu certum est etiam dari eiusmodi distinctionem virtuales, seu fundamentalem, nam intellectus cum fundamento in re distinguit in Petro hæc duo prædicata *animat*, & *rationale*, ac si in re essent distincta.

74. *Notandum est* 3. quod nunc distinctio intrinseca virtualis potest denique intelligi æquivalentia eiusdem rei ad plura realiter distincta quoad munus suscipiendi sine contradictione prædicata ex se contradictoria, ita, ut sicut de rebus realiter distinctis sine ulla contradictione verificantur prædicata ex se contradictoria, quia propter realem subiecti diuersitatem, contradictionem non exercent respectu diuersorum, ita de eadem re sine contradictione verificentur propter illius æquivalentiam ad plura in munere suscipiendi contradictoria, ac si de rebus diuersis dicerentur. Et in hoc sensu procedit dubium, quod adhuc potest intelligi, vel de capacitate immediata eiusdem rei ad suscipiendam prædicata contradictoria, vel de capacitate mediata, quæ alia non est à fundamento, quod præbet res, ut diuisa per intellectum in varias formalitates, ra-

tione talis diuisionis, & non prout à parte rei, prædicatum, quod de vna formalitate affirmatur, negatur de alia ut actu iam per rationem distinctas; in hoc secundo sensu iam insinuauimus distinctionem virtuales esse nobis acceptam, & in art. seq. amplius constabit: Procedit ergo dubium de distinctione virtuali sumpta pro capacitate immediata eiusdem rei ad prædicata ex se contradictoria.

S. I.

Non datur distinctio virtualis intrinseca consistens in capacitate immediata eiusdem rei, ut de ipsa verificentur prædicata ex se contradictoria.

75. **C**onclusionem istam esse de mente D. Thomæ conuincitur ex eo, quod Angel. Præceptor ut saluet adhuc in D. ninis, quod prædicata ex se contradictoria verificentur sine contradictione de eodem, ad nullam aliam recurrit distinctionem, quæ ad distinctionem rationis: ergo non datur distinctio virtualis consistens in capacitate ad prædicata contradictoria ante distinctionem rationis, alias ad istam fecisset recursum D. Thomas. Antec. constat ex plurimis D. Thomæ testimonijs, quæ videri possunt apud Illustrif. Godoy 1. p. q. 2. disp. 5. §. 4. sufficiat vnum valde expressum adducere ex 1. p. q. 30. art. 2. ad 2. vbi ait: *Ad secundum di-*

cendum, quod in quantum essentia, & persona in diuinis differunt secundum intelligentie rationem, sequitur, quod aliquid possit affirmari de vno, quod negatur de alio. Vnde ita tenet præcatus Mag. cum pluribus alijs Thomistis nil aliud nomine distinctionis virtualis intelligentibus, quam fundamentum distinctionis rationis ratiocinata. Teneant præterea nostram conclusionem Hurtado, Arriaga, Ouedo, Quiros, Izquierdo, & alij plurimi RR.

76 *Prob. conclusio ratione.* Tunc de aliquo verificantur prædicata contradictoria à parte rei, cum idemmet prædicatum realiter affirmatur, & realiter negatur de illo: sed implicat in vna, & eadem re capacitas ad hoc, vt à parte rei, seu realiter, idem prædicatum affirmetur, & negetur realiter de ipsa: ergo implicat in vna, & eadem re capacitas ad eiusmodi prædicata contradictoria, ac proinde implicat distinctio virtualis in tali capacitate consistens. *Prob. min.* Prædicatum, quod realiter affirmatur de subiecto, realiter identificatur cū illo, & prædicatum, quod realiter negatur de subiecto, realiter distinguitur ab illo: sed implicat, quod idem prædicatum realiter identificetur, & realiter distinguitur ab vno, eodemque subiecto, seu ab vna, eadēque re: ergo implicat in vna, & eadem re capacitas ad hoc, vt idem prædicatum realiter affirmetur, &

negetur de ipsa. Cætera patent, & mai. ex sola terminorum explanatione fit manifesta, nam tunc prædicatum realiter affirmatur de re, quando res est realiter illud prædicatum, & tunc realiter negatur de re, cum res non est realiter tale prædicatum: sed esse realiter illud prædicatum est cum illo realiter identificari, & non esse realiter illud est ab illo realiter distingui: ergo prædicatum, quod realiter affirmatur, & realiter negatur de subiecto, realiter identificatur, & realiter distinguitur ab illo.

77 *Confirm.* Propositiones contradictoriæ non possunt esse simul veræ: sed propositiones contradictoriæ sunt affirmatio, & negatio eiusdē prædicati de eodem subiecto: ergo affirmatio, & negatio eiusdem prædicati de eodem subiecto non possunt esse simul veræ: sed distinctio virtualis consistit in eo, quod de vno, eodemque subiecto, seu re, vere affirmetur, vereque negetur idem prædicatum, ac proinde consistit in capacitate, vt affirmatio, & negatio eiusdem prædicati de eodem subiecto, seu re, sint simul veræ: ergo implicat eiusmodi distinctio virtualis.

78 *Dices:* non dari capacitatem, vt de re omnino eadem verificentur prædicata contradictoria, dari tamen capacitatem, vt verificentur de re solum realiter eadem, virtualiter tamen distincta, quia tunc casus subiectum affir-

firmationis, & negationis non est omnino idem, ut exigit contradictio.

79 *Sed contra est.* Distinctio virtualis est capacitas vnius, & eiusdem rei ad suscipienda prædicata contradictoria: ergo dicere, quod eadem res, quia virtualiter distincta, est capax suscipiendi prædicata contradictoria, nihil aliud est dicere, quam quod est capax suscipiendi prædicata contradictoria, quia est capax suscipiendi prædicata contradictoria, quod est idem omnino, mutata voce, repetere; & ulterius sed argumentum factum probat repugnare eiusmodi capacitatem: ergo probat repugnare eiusmodi virtutalem distinctionem. Vnde sententia opposita fuit tota in vitioso circulo; suadet enim sibi eandem rem esse virtualiter distinctam, quia est capax suscipiendi prædicata contradictoria, & rursus persuadet esse capacem suscipiendi prædicata contradictoria, quia ex virtualiter distincta.

80 *Confirm. & explicatur.* Res non ideo sunt distinctæ, quia capaces suscipiendi sine contradictione prædicata ex se contradictoria, sed ideo sunt capaces suscipiendi sine contradictione prædicata ex se contradictoria, quia sunt distinctæ: ergo intra præsentem materiam distinctionis virtualis prius debet intelligi, & suaderi rem esse virtualiter distinctam, ut inde inferatur, quod sit

capax suscipiendi sine contradictione prædicata ex se contradictoria. *Quid est ergo*, vel in quo consistit illa distinctio virtualis præintellecta ad eiusmodi capacitatem? Ea namque consistere nequit in capacitate suscipiendi sine contradictione prædicata ex se contradictoria. *Utrum* quia nequit consistere in eo, quod est posterius ipsa, & quod datur, quia præintelligitur ipsa: sed res ideo est capax, quia virtualiter distincta, & non est conuerso: ergo non consistit formaliter in capacitate. *Utrum* quia ratio facta probat repugnantiam capacitatis, quia est ad terminum repugnantem, nimirum, quod eadem res sit, & non sit in sensu reali idem prædicatum, quod nil repugnantius ex se, cum impossibile sit idem, & in eodem sensu, simul esse, & non esse: ergo ne tota solutio listat in hoc, quod illa res est capax; quia est capax, distinctio virtualis præintellecta consistere debet in aliquo a capacitate illa distincto: quid est ergo illud?

81 *Si dicas* talem distinctionem virtutalem consistere in eminentia rei, vicius habet plures formalitates, seu virtualitates, non formaliter, sed æquialenter, vel virtualiter.

82 *Contra est.* Nam solutio nouas quidem exhibet voces, sed in quibus nihil additur supra primam solutionem, quod vere sit argumenti facti solutio. Quid enim est habere à parte rei (nam in

ia hoc sensu procedit dubium) plures formalitates, seu virtualitates? Nam vel illæ virtualitates sunt plures formaliter à parte rei, vel plures solum virtualiter: Si plures formaliter: ergo à parte rei hæc virtualitas non est formaliter illa, & sic distinguetur ab illa, vel distinctione absolute reali, vel distinctione media ex natura rei, & vtrumque reputatur, etiam ab exhibentibus solutionem, falsum, & in præcedentibus manet impugnatum. Si plures solum virtualiter, aut æquialenter; vel per hoc denotatur pluralitas solum fundamentalis, idest, fundamentum distinctionis per intellectum, & hoc non sufficit ad verificationem duplicis prædicati contradictorij ante omnem operationem intellectus, quia alias verificarentur de re ante omnem sui actualem distinctionem, cum tamen prædicata contradictoria nequeant verificari nisi de actu distinctis; nec de distinctione virtuali in hoc sensu procedit dubium.

Restat ergo vt illæ virtualitates, vel formalitates sint à parte rei plures virtualiter, aut æquialenter, quia cum sint vna, & eadem res, æquivalent tamen pluribus realiter distinctis in munere suscipiendi prædicata ex se contradictoria, nam in alijs muneribus æquialere, & res est certa, & à præsentis dubio extranea, vt ab initio notauimus. Sed implicat vnam, & eandem rem æquiale-

re pluribus in hoc munere, quia implicat vnam, & eandem rem esse, & non esse realiter idem prædicatum: ergo de primo ad vltimum nil aliud exhibetur pro solutione illis vocibus, *eminentia*, *æquivalentia*, quam ipsa capacitas, quam implicantem probat argumentum factum.

83. *Confirm. 1.* Quia nulla res eadem realiter potest producere se ipsam, qui diceret vnam, & eandem rem æquialere pluribus realiter distinctis in munere productionis, ita, vt se ipsam realiter produceret, ac si plures realiter forer, æquivalentiam poneret repugnantem: sed eandem rem identificari realiter, & realiter distinguui ab eodem prædicato, esse, & non esse realiter idem prædicatum est repugnans: ergo qui quoad hoc minus asserit vnam, & eandem rem æquialere pluribus realiter distinctis, ita, vt realiter sit, & non sit idem prædicatum, ac si plura realiter distincta foret, æquivalentiam asserit repugnantem.

84. *Confirm. 2.* Eminentia rei sufficit, vt res eadem æquialcat pluribus quoad operationes, & effectus valde diuersos, & in hoc consistit eminentia rei: sed æquivalentia ad plura quoad operationes, & effectus valde diuersos non infert æquivalentiam in munere suscipiendi prædicata contradictoria: ergo eminentia rei non suadet æquivalentiam, quam contraria sententia intendit. Prob. min.

Prob. min. Anima rationalis, una, & eadem forma, æquiualeat animæ Plantæ, quæ est principium vegetandi, & non sentiendi, & animæ Bruti, quæ est principium sentiendi, & non intelligendi, nec non suam habet æquiualentiam respectu formæ Angelicæ, quæ est principium intelligendi, non vegetandi, aut sentiendi: & tamen de anima rationali non verificatur, quod ea vegetamus, & non vegetamus, sentimus, & non sentimus, intelligimus, & non intelligimus: ergo æquiualentia quoad operationes, & effectus diuerfos non suadet æquiualentiam quoad munus suscipiendi prædicata contradictoria.

85 *Vergetur.* Vnum non potest æquiualeare alteri in eo, quod alteri conuenit sub ea ratione, sub qua differt ab illo, seu ob quam differt ab illo, hoc enim non esset æquiualeare alteri, sed esse formaliter alterum; v. g. Sol æquiualeat igni quoad calefacere, non tamen ita, quod Sol sit formaliter calidus, quia calefacere medio calore in se formaliter habito est proprium ignis ea ratione, qua differt a Sole, unde illud non esset æquiualeare igni, sed esse formaliter ignem: sed suscipere in sensu reali sine contradictione prædicata ex se contradictoria conuenit pluribus realiter distinctis, quia realiter distinctis; ex hoc enim prouenit, quod non sit idem in re, de quo realiter affirmatur, & realiter negatur prædicatum,

quo solo modo impeditur realis contradictio: ergo vni, & eadem rei differenti à pluribus realiter distinctis ex eo, quod est una, & eadem realiter, nequit conuenire suscipere in sensu reali sine contradictione prædicata ex se contradictoria.

86 *Prob. in super.* conclusio exemplificando assignatur rationem repugnantiam in prædicatis, circa quæ potissimè excitatur hoc dubium. Eatenus de animali, & rationali sumptis à parte rei verificarentur in sensu reali sine contradictione prædicata ex se contradictoria, quatenus à parte rei rationale non esset realiter ratio conueniendi cum Equo, cum tamen animal à parte rei sit ratio conueniendi cum Equo: sed falsum est, quod rationale à parte rei non sit realiter ratio conueniendi cum Equo: ergo non verificantur de illis gradibus prædicata ex se contradictoria in sensu, in quo dubium procedit. Prob. min. 1. Si rationale à parte rei non esset, seu non esset realiter ratio conueniendi cum Equo, rationale distingueretur realiter à ratione conueniendi cum Equo, vnum enim esse à parte rei, & non esse à parte rei, seu realiter, aliud est, ab illo realiter distingui: sed falsum est, quod rationale distinguitur realiter à ratione conueniendi cum Equo, alias distingueretur realiter ab animali, quod est ratio conueniendi cum Equo: ergo falsum est, quod rationale non sit

sit realiter ratio conueniendi cum Equo. *Explicatur, & vrgetur*: animal, & ratio conueniendi cum Equo nec virtualiter distinguuntur in opposita adhuc sententia: ergo quod non est realiter ratio conueniendi cum Equo, non est realiter animal: sed rationale non est realiter ratio conueniendi cū Equo: ergo rationale non est realiter animal; quo nil falsius, & contra identitatem realem animalis, & rationalis, quam opposita etiam sententia supponit.

87 *Prob. 2. eadem min.* Animal est ratio conueniendi cum Equo: sed rationale est realiter animal: ergo rationale est realiter ratio conueniendi cum Equo. *Prob. cōseq.* Tum ex illo notissimo principio: *Quæ sint eadem vni tertio, sint eadem inter se*, vnde quod realiter identificatur cum animali, quod se ipso est ratio conueniendi cū Equo, nequit non identificari realiter, ac proinde nequit non esse realiter ratio conueniendi cum Equo. Tum quia alias nullus syllogismus ex vi formæ rectè concluderet, nisi procederet ex propositionibus omnino identicis, siquidem nequit concludere nisi in vi medijs virtualiter indistincti, & præmissæ, in quibus medium est virtualiter in distinctum in sensu oppositæ sententiæ ab extremis, sunt propositiones omnino identicæ, v.g. hæ, aut aliæ similes, *Ensis est instrumentum aptum ad feriendum; sed gladius est ensis*, ex quibus inferatur identitas gladij

cum instrumento apto ad feriendum; nec aliorum, nisi nomine solo differentium, identitas posset ex vi formæ rectè vnquam concludi. *Ex quo* vltèrius inferitur, quod ars syllogistica est omnino inutilis ad probandam, aut identitatem realem, aut distinctionem realem extremorum, quæ non sit identitas, aut distinctio virtualis, cū realis identitas, aut distinctio realis, vt talis, inferri debeat ex identitate, aut distinctione realiter tali cum medio, quæ ex vi formæ et iuxta sententiam oppositam inutilis ad inferendum: vnde solū, quia res sic se habent, non vero ex vi formæ probat distinctionem realem extremorum hic syllogismus, *Petrus non est Equus; Bucephalus est Equus; ergo Bucephalus non est Petrus*, quod est reddere prorsus inutilem artem syllogisticam.

§. 11.

Soluentur argumenta.

88 **O** *Bijcies* 1. Prædicata essentialia Petri, scilicet animal, & rationale, sunt vna, & eadem res: sed hæc suscipiunt prædicata contradictoria à parte rei: ergo vna, & eadem res est capax suscipiendi à parte rei, seu realiter, prædicata contradictoria, ac proinde datur distinctio intrinseca virtualis in huiusmodi capacitate consistens. *Prob. min.* animal à parte rei est ratio asimi-

assimilandi hominem Equo, & rationale a parte rei non est ratio assimilandi hominem Equo : ergo suscipiunt a parte rei prædicata contradictoria. Antec. quoad 1. partem constat, & quoad 2. prob. Rationale a parte rei est ratio dissimilandi hominem Equo, cum homo a parte rei sit dissimilis Equo, & non ratione alterius, quã rationalitatis; ergo rationalitas a parte rei non est ratio assimilandi hominem Equo. Patet consequ. Tum quia idem prædicatum nequit esse ratio assimilandi, & dissimilandi. Tum quia rationale ita dissimilat hominem Equo, ut nullo modo conveniat Equo : ergo ita dissimilat, ut nullo modo assimilet, nam ratio assimilandi debet utriusque extremo convenire.

89 Resp. neg. mín. Ad prob. neg. antec. quoad 1. partem, & ad eius prob. concessio antec. neg. consequ. Ad eius 1. prob. disting. antec. hoc prædicatum metaphisicè, & præcisivè sumptum nequit esse ratio assimilandi, & dissimilandi omninè. antec. idem prædicatum realiter sumptum sub dist. nequit esse ratio assimilandi, & dissimilandi, si sit ratio assimilandi perfecte, conced. antec. si sit ratio assimilandi imperfectè, neg. antec. Imò cū similitudo proprie sumpta, & ut ab identitate differens, debeat esse inter distincta, non possunt duo inter se assimilari, quin in ratione, in qua sunt similia (si de ea, ut a parte rei existit,

ut terminus) sint etiam dissimilia; unde quod rationale a parte rei sit ratio dissimilandi in gradu specifico, non obest, ut sit ratio assimilandi in gradu generico animalis ut identificato cum gradu specifico, hoc enim aliud non est, quàm rationale esse realiter animal. Omisimus autem antec. intellectum de prædicato; seu formalitate præcisivè sumpta; nam cum iuxta D. Thomæ sententiam propugnandam infra quærit. 7. quælibet differentia etiam metaphisicè, & reduplicativè accepta, sit formaliter ens, est dissimilis, etiã metaphisicè sumpta, alteri differentie similis cum similitudine cum illa in ratione entis; & Ideo, ut ab hoc præscindamus modo, omisimus antec. restringentes præsentem doctrinam ad prædicatum realiter sumptum.

90 Ad 2. consequ. prob. dist. antec. ita dissimilat, ut nullo modo conveniat Equo, nec rationale, nec aliquid rationali simile neg. antec. rationale præcisè, conced. antec. & neg. consequ. quæ etiam apud Aduersarios debet esse nulla, siquidem iuxta ipsos, & iuxta veritatem, animalitas hominis realiter sumpta est ratio assimilandi hominem Equo, cum tamen animalitas hominis realiter sumpta non conveniat Equo, alias eadem realiter forma creata esset in pluribus, non solum realiter, sed specificè distinctis. Sicut ergo animalitas hominis realiter sumpta est ratio assimilandi illum Equo, quia & si

rais animalitas realiter sumpta non sit in Equo, est tamen in illo alia animalitas animalitati hominis similis, ita rationalitas hominis realiter sumpta est ratio assimilandi hominem Equo, quia & in Equo non conueniat rationalitas, conuenit tamen aliquid simile rationalitati realiter sumptæ, animalitas scilicet, in qua Equus est similis hominis animalitati, quæ à parte rei est ipsa hominis rationalitas.

91 *Si dicat.* Vt animalitas sit ratio assimilandi hominē Equo, necessum est, quod homo, & Equus sint animalia: ergo vel homo, & Equus sunt rationalia, vel rationalitas non est ratio assimilandi hominem Equo. Deinde sequitur ex solutione, quod hæc sit vera, & concedenda. *Equus est similis homini in rationalitate*, quod nil falsius videtur, & absurdius.

92 Pro solutione horum, & plurium, quæ sola æquiucatione vocum sunt difficilia, obserua 1. quod rationalitas (idem de animalitate) potest sumi dupliciter, vel absolute, & prout significatur à nobis hac voce *rationalitas*, vel cum illo addito, à parte rei, seu, *realiter sumpta*; & licet utroque modo sit vera rationalitas, primo tamen modo solum dicit cōceptum metaphysicum, & proprium rationalitatis præciue ab omni eo, quod solum identice est rationalitas; nominamus enim sicut concipimus, & concipimus rationalitatem præciue ab om-

ni eo, quod non est metaphysicè rationalitas. Secundo vero modo, & cum illo addito dicit rationalitas omne id, cum quo à parte rei identice est, seu quod realiter est rationalitas. Hæc absolute debet concedi hæc, *rationalitas non est ratio conueniendi hominem cum Equo*, debet tamen negari hæc, *rationalitas à parte rei, est realiter non est ratio conueniendi cum Equo*; quia in prima denotatur, quod rationalitas ut significata per illud nomen, & ut præciue concepta, non est ratio conueniendi hominem cum Equo, quod nil verius, cum non conueniatur metaphysicè per rationem conueniendi, sed disconueniendi, imò sit metaphysice ipsa ratio disconueniendi; in secundo vero denotatur, quod rationalitas non identice realiter cum ratione conueniendi, quod nil falsius, cum realiter sit animalitas. Propter eandem rationem hæc est absolute vera, *Animalitas non est ratio dissimilandi hominem Equo*; hæc autem falsa, *Animalitas à parte rei, est realiter sumpta, non est ratio dissimilandi hominem Equo*.

93 Obserua 2. quod Equum esse similem homini in rationalitate potest dupliciter accipi, vel ita, ut *in rationalitate* denotet id, in quo stat ex parte Equi similitudo cum homine, & sic est falsa, cum Equus non sit rationalis, vel ita ut denotet id, quod ex parte hominis terminat similitudinem Equi cum ipso, qua ratione

rationalitas est ratio assimilandi hominem Equo, non Equum homini, hæc enim est animalitas Equi similis animalitati, quæ est realiter rationalitas.

94 *Ex his habetur solutio primæ, & secundæ instantiæ. Ad 1. enim resp. disting. ant. Vt animalitas præcisiue etiam sumpta sit ratio assimilandi hominem cum Equo, necessum est, quod homo, & Equus sint animalia conced. antec. vt sit ratio assimilandi animalitas solū realiter sumpta neg. antec. & neg. conseq. quia de rationalitate hominis non verificatur esse rationem assimilandi, nisi cum illo addito realiter, in quo solo sensu præcedit dubium, non de rationalitate prout à nobis per illam vocem significatur, prout sic enim involuit distinctionem rationis, cum qua illam concipimus, de quo in art. sequente. Vt autem rationalitas sit à parte rei ratio assimilandi hominē Equo, non requiritur, quod Equus sit rationalis, sed quod sit aliquid realiter simile rationalitati hominis phisicę sumptæ. Hinc colliges de animalitate, & rationalitate, vt significatis præcisiue per illas voces, verificari prædicata ex se contradictoria, de quo iterum, vt diximus, in art. seq. de ipsis, vero, vt in re sunt, non verificari: vnde Deus enuntiat illa prædicata contradictoria de animalitate, & rationalitate, vt à nobis distinctis, vel signatè, vel exercitè: ipse tamen ratione sui ea non affirmat, quia ipse nequit distinctionem rationis formare, & aliàs ille for-*

malitates nulla in re gaudet actuali distinctione.

95 *Hinc ad 2. Instantiam neg. sequelam. Ellet tamē concedenda illa propositio, si ly in rationalitate non contruatur cum Equo, sed cū homine, & accipiatur non de rationalitate absolute, & vt significatur per il ud nomen, sed præcisiue vt est à parte rei; est enim rationalitas realiter sumpta, vi cuius homo assimilatur Equo, & est realiter sumpta, vi cuius terminat similitudinem Equi cum ipso, ad quod non requiritur aliud, quam quod Equinitas sit in re similis humanitati etiam prout in re sumptæ, nam sic sumpta est realiter ipsa rationalitas: Hinc est falsa hæc, homo & Equus assimilantur in rationalitate, denotatur enina rationalitas vtrique communis, & cum nec à parte rei (hoc enim in quacumque forma creata repugnat) sit communis vtrique, nec per intellectum, & præcisiue sumpta sit ipsis communis, quia Equus non est rationalis, hinc est propositionē illam esse absolute falsam; est tamen vera hæc, in rationalitate realiter sumpta homo est similis Equo, ex cuius solius falsitate poterat rectè inferri verificatio intenta duplicis prædicati ex se contradictorij.*

96 *Obijcies 2. Rationalitas à parte rei fundat distinctionem rationis ab animalitate, licet enim non sit à parte rei distinctio rationis, fundamentum tamen illius est à parte rei: sed animalitas à parte rei non fundat distinctionem rationis à se ipsa: ergo de ipsis à parte rei ve-*

verificantur prædicata ex se contradictoria, scilicet fundare, & non fundare distinctionem rationis. *Explicatur.* Animalitas ante operationem intellectus potest concipi sine rationalitate, licet enim non concipiatur sine rationalitate ante operationem intellectus, possit tamen concipi sine illa conuenit ei ante operationem intellectus: sed rationalitas non est conceptibilis sine rationalitate: ergo de eis ante operationem intellectus verificatur esse, & non esse conceptibiles sine rationalitate.

97 *Resp.* disting. mai. fundat distinctionem rationis ab animalitate præcisue sumpta conced. mai. realiter sumpta neg. mai. & neg. in hoc sensu min. quia etiam rationalitas provt à parte rei fundat distinctionem rationis à se ipsa præcisue considerata, vnde eandem distinctionem, quam fundat, vel non fundat à parte rei animalitas à rationalitate, fundat, vel non fundat rationalitas à se ipsa: tota namque realitas fundat distinctionem, cum tota præbeat occasionem intellectui; vt eam in plures formalitates diuidat. *Nec ex hoc sequitur*, quod rationalitas præcisue sumpta non sit rationalitas; sed solum sequitur, quod non sit rationalitas provt est à parte rei, ly non negante identitatem rationis; distinguitur enim rationalitas præcisue sumpta distinctione rationis à se ipsa provt inuenitur à parte rei, sicut & ab animalitate provt est à parte rei; nam licet rationalitas præcisue accepta

sit rationalitas, quæ est à parte rei, non est tamen rationalitas provt à parte rei.

98 *Ad explanationem resp.* quod ante operationem intellectus exercite, & effeciuè sumptæ, siue sumptæ vt exercite efficientem distinctionem rationis, animalitas est conceptibilis sine rationalitate, non tamen ante operationem intellectus obiectiuè, & signatè sumptam, siue vt signatè involuentem distinctionem rationis; sicut supra diximus Deum affirmare prædicata contradictoria de animali, & rationali vt involuentibus saltem signatè notram distinctionem rationis, non de ipsis: provt à parte rei: si enim concipiatur vt à parte rei, vnum sine altero nequit concipi: sed de his in art. seq. ubi iterum materiam præsentis instantiæ attingemus.

99 *Obijcies* 3. In actu contritionis, qui est odium peccati propter Deum summè dilectum, reperitur ratio amoris, & odij; amoris quidem Dei, & odij peccati: sed amor terminatur realiter ad Deum, & odium non terminatur realiter ad Deum: ergo cum formalitas odij, & amoris sit in illo actu eadem realitas, de eadem realitate verificatur terminari, & non terminari realiter ad Deum. Min. pro prima parte est certa, & pro 2. prob. Odium denominat odio habitum obiectum, ad quod realiter terminatur: sed Deus non denominatur odio habitus ab actu contritionis: ergo formalitas odij
Ina

In illo actu non terminatur realiter ad Deum.

100 *Resp.* concessa mai. neg. min. Ad eius prob. disting. mai. Odium denominat odio habitum aliquod obiectum, ad quod terminatur, conced. mai. *Omne obiectum*, ad quod terminatur, sub disting. odium, quod pure, seu adequatè sit odium, conced. mai. quod in adequatè tantum est odium, neg. mai. & concessa min. neg. conseq. Idem actus formaliter, si æquivalenter sit multiplex, diversis obiectis diversis, potest tribuere denominationes, quæ verificentur, quod totus in re terminetur, & non terminetur ad illa; denominatio enim non correspondet actui adequatè sumpto, ut est in re, sed ut inadæquatè considerato à nobis sub vna formalitate, sub qua illum nominamus Odium, vel sub alia, sub qua ipsum dicimus amorem, qua ratione idem etiam virtualiter actus intellectus divini dissentientis ab aliquo obiecto propter motivum Divinum omnino verum, est dissensus obiecti, quod denominat negatum, & assensus motivi, quod affirmat.

101 Denique obijcies. Si ratio conclusionis esset efficax, etiam non esset admittenda distinctio virtualis inter prædicata divina identificata, cum ab ipsis omnis implicatio, & contradictio sit excludenda: sed hoc est falsum: ergo vel datur distinctio virtualis inter prædicata creata identificata, vel ratio conclu-

sionis est nulla. Prob. min. intellectus, & voluntas identificantur in Deo, & similiter essentia, & Paternitas; & tamen filius non procedit per voluntatem, & procedit per intellectum, similiterque Paternitas non est filiatio, cum tamen essentia sit filiatio: ergo respectu divinorum hoc est falsum.

102 *Resp.* concessa mai. neg. min. Ad eius prob. disting. min. quoad 1. partem: filius non procedit per voluntatem, ut hoc nomine significatur à nobis voluntas conced. min. non procedit per voluntatem realiter sumptam neg. min. & similiter disting. min. quoad 2. partem. Paternitas non est filiatio, sumpta filiatione, prout significatur illa voce filiatio conced. min. sumpta adequate prout in re existit, neg. min. & conseq. In sensu enim adæquante illa prædicata prout sunt in re, falsum est, Tum quod filius non procedat per voluntatem, alias non procederet per realitatem, quæ est voluntas, & sic nec per intellectum procederet; Tum quod Paternitas non sit filiatio, alias non esset realitas, quæ est filiatio, & sic non esset essentia: unde illæ propositiones verificantur de illis prædicatis ut ab intellectu creato inadæquatè conceptis, & per illas voces significatis; repugnante enim intellectu creato, repugnarent etiam in Deo intellectus, voluntas, essentia, & relatio ut diversimodè nominabiles,

les, & conceptibiles, ac proinde repugnarent cum, diuersitate necessaria, vt de illis verificentur prædicata contradictoria. Sed de his satis, sunt enim (vt diximus) Theologica, & in Theologia maximè difficilia.

ART. IV.

An inter prædicata identificata detur præcisio obiectiua?

103 **L**atissimè de huius dubij materia agunt locuti RR. nil non necessarium putantes in dubio hac tempestate satis celebri, & varijs arguendi formulis implicato: nos tamen, quantum fas sit, alibi dicta perstringemus, nec persequentes omnia, nec necessaria omittentes. Negauerunt præcisiones obiectiuas Nominales, quorum doctrinam iterum Scholis inuenerunt Hurtado, Arriaga, Tellez, Oniedo, Quirós, Bonæ Spei, & alij RR. Ceteri AA. eas propugnant cum D. Thoma in locis infra citandis.

104. *Pro intelligentia* tamen dubij nota, quod præscindere (cum separare sonet) prædicata identificata nil aliud est, quam ex duobus realiter identificatis attingere vnum, alio prætermisso; unde præcisio est duplex, formalis scilicet, & obiectiua, formalis est actus intellectus attingens quidem totum obiectum quoad omnes suas formalitates, sed non

ita clarè quoad omnes, vt de illis omnibus possit reddere rationem: obiectiua est diuisio vnius formalitatis ab alia ex parte obiecti correspondens, ita, vt vna formalitate acta, suè cognita, alia formalitas ex parte obiecti verè maneat incognita.

105 *Rursus* præcisio alia est negativa, alia positiva. *Negativa*, vt cum cognoscitur vnum nil cogitando de alio identificato cum ipso; *Positiva*, vt cum cognoscitur vnum, ipsum discernendo, & vt distinctum cognoscendo ab alio identificato cum ipso.

§. I.

Inter prædicata identificata detur præcisio obiectiua.

106 **D**ocet D. Thomas conclusionē hanc sepiissime nam præter testimonia in art. anteced. insinuata, in quibus ad verificanda sine contradictione prædicata ex se contradictoria de extremis identificatis recurrit ad distinctionem, & præcisionem rationis: eam apertè tradit 1. p. q. 40. art. 3. dicens: *Duplex est abstractio per intellectum, vna quidem secundum quod vniuersale abstrahitur à particulari, vt animal ab homine, & in hac abstractione non remanet id, in quo fit abstractio, remota enim ab homine differentiā rationali, non remanet in intellectu homo, sed solum animal.* sed

sed remanere in intellectu solū animal, remoto rationali, est præscindi obiectiue animal à rationali: ergo iuxta D. Thomam præscinditur obiectiue animal à rationali. Alia sunt plurima S. Doctoris testimonia apud AA. nostræ sententiæ videntur, ex quibus aliqua inter disputandum subiiciemus.

107 *Ratione prob. 1. conclusio.* Præcisio obiectiua datur, cum cognoscitur vna formalitas, altera non cognita identificata cum ipsa; sed cognoscitur vna formalitas, altera non cognita identificata cum ipsa: ergo datur præcisio obiectiua. Prob. min. Principium sentiendi in homine est formalitas identificata cum principio ratiocinandi; sed cognoscitur principium sentiendi in homine, non cognito principio ratiocinandi: ergo cognoscitur vna formalitas, altera non cognita identificata cum ipsa. Prob. min. Non cognita ratiocinatione, non cognoscitur principium ratiocinandi; sed cognoscitur principium sentiendi in homine, non cognita ratiocinatione: ergo cognoscitur principium sentiendi in homine, non cognito principio ratiocinandi. Cætera patent, & maior constat ex eo, quod nequit cognosci aliqua habitudo, non cognito termino habitudinis; sed principium ratiocinandi est habitudo quædam ad ratiocinationem: ergo non cognita ratiocinatione, non cognoscitur principium ratiocinandi.

108 *Si dicatur*, quod cognoscitur principium sentiendi in homine, non cognito clare principio ratiocinandi; non tamen non cognito absolute principio ratiocinandi; hoc autem secundum erat necessarium, ut daretur præcisio obiectiua, nam primum solam probat præcisionem formalem, quam Adversarij non negant, sed propugnant.

109 *Contra est 1.* Sed cognoscitur principium sentiendi in homine, non cognito absolute principio ratiocinandi: ergo præscinditur obiectiue principium sentiendi à principio ratiocinandi. Prob. min. subsumpta. Cognoscitur principium sentiendi in homine, non cognita absolute ratiocinatione: ergo cognoscitur principium sentiendi in homine, non cognito absolute principio ratiocinandi. Patet consequens, ex dictis: quia non cognito absolute termino habitudinis, non cognoscitur absolute habitudo; sed principium ratiocinandi est quædam habitudo ad ratiocinationem: ergo hac absolute non cognita, non cognoscitur absolute principium ratiocinandi.

110 *Contra 2. & roboratur præcedens probatio.* Ideo cognito homine per hanc cognitionem animal cognosceretur saltem confusè rationale, quia per illam cognitionem attingitur tota entitas ex parte obiecti, & si non in ordine ad omnia connotata, in ordine ta-

mē ad sensationem, quæ est proprium connotatum animalis: sed falsum est, quod tota adequatē entitas ex parte obiecti attingatur per illam cognitionem: ergo cognoscitur animal, non cognito absolutē rationali. Prob. min. Tota entitas ex parte obiecti non cognoscitur absolutē, dum absolute ignoratur aliqua formalitas illius entitatis: sed dum absolute ignoratur connotatum rationalitatis, absolute ignoratur aliqua formalitas illius entitatis, nimirum rationalitas, quæ absolute ignorata manet, ignorato absolute illius connotato: ergo falsum est totam entitatem attingi ex parte obiecti, cum homo cognoscitur per illam cognitionem animal.

111 *Contra 3.* Cum ex aliquibus signis, vel ex aliqua operatione communi, seu simili in homine, & Bruto, cognoscitur homo, vt cum ex motu à longe viso, vel ex alia sensatione cognoscimus illud obiectū esse animal, ignorātes quodnam sit animal; in hoc (inquam) casu ita cognoscimus animal in homine, ac si nullatenus illud esset rationale: ergo ita cognoscimus animal, vt absolute, siue nullo modo cognoscatur rationale. Antec. patet. *Tūm* quia ita obijcitur, & immittit speciem in eo casu obiectū media illa operatione, seu signo, ac illam immitteret, & obiceretur, si non esset rationale: sed ita cognoscitur, vt obijcitur, & vt spe-

ciē immittit: ergo ita cognoscitur, ac si non esset rationale. *Tūm* quia ex vi medij, ex quo nequit intellectus immediate colligere, nisi quod obiectum sit animal, ita immediate cognoscit illud, ac si solum esset animal, & consequenter, ac si non esset rationale: sed ex vi illius signi siue operationis nequit intellectus immediate colligere, nisi quod obiectum sit animal: ergo ita cognoscit immediate illud, ac si solum esset animal. *Conseq. vero prob.* Ita cognoscere obiectum, ac si non esset rationale, est ita cognoscere illud, ac cognosceretur, si non esset rationale: sed si cognosceretur, ac si non esset rationale, nullo modo cognosceretur rationale: ergo dum cognoscitur obiectum, ac si non esset rationale, ita cognoscitur, vt nullo modo cognoscatur rationale.

112 *Confirm. 1.* Attingere obiectum per ordinem ad vnā operationem, & ipsum non attingere per ordinem ad aliam, quando ordo ad vnā, & alteram operationem est idē realiter, est ex parte obiecti præscindere: sed attingitur homo per hanc cognitionē animal in ordine ad vnā operationem, nempe sensationem, & non in ordine ad aliam, scilicet discursum, & aliās ordo ad vnā, & aliam est idē realiter: ergo ex parte obiecti præscinditur. Min. quoad 1. partem est ipsa solutio, & quoad 2. patet ex eo, quod entitas constitutiva hominis, quæ realiter est vna, & eadem, est

quæ

quæ se ipsa talem ordinem dicit. Mai. autem non minus certa videtur; nam attingere entitatē per ordinem ad unā operationem, & non per ordinem ad aliam eī attingere ordinem ad unā, non attracto ordine ad aliam: ergo si ordo ad veramque eī idem realiter, attingitur unum, alio non attracto identificato cum ipso, ac proinde præcinditur obiectiue. Quod si dicas totum ordinem attingi ex parte obiecti, & absolute cognosci, & si non cognoscantur omnia connata illius. Inquiram ex dictis, quomodo cognoscatur absolute ordo ad discursum, cum nullo modo cognoscitur discursus?

113 *Confirm. 1.* Dum homo cognoscitur hac cognitione *animal*, aliquid ex parte obiecti apparet, quod ex parte obiecti non apparet, dum cognoscitur hac cognitione *rationale*, & è conuerso: ergo præcisio non est pure formalis. seu ex parte actus, sed etiam obiectiua, siue ex parte obiecti se tenens. Patet conseq. & antec. prob. Ita cognoscitur homo hac cognitione *animal*, vt ex vi illius possis affirmare de homine *animal*, & non possis affirmare rationale, & è conuerso, ita cognoscitur hac cognitione *rationale*, vt ex vi illius possis affirmare rationale, & non possis affirmare animal: ergo aliquid ex parte obiecti apparet ex vi vnius cognitionis, quod ex vi alterius nō apparet ex parte obiecti. Antec. continet ipsam doctrinam oppositæ sententiæ, & conseq. prob. Nam

si nihil apparet ex parte obiecti per vnam cognitionem, quod non apparet per alterā, vel irrationabiliter procedet intellectus affirmando vnum præ alio, vel equè poterit affirmare vnum, ac aliud.

114 Si dicas, idem apparere ex vi vnius cognitionis ex parte obiecti, ac ex vi alterius, tota enim entitas obiecti apparet ex vi vtriusque, seu perquamlibet, licet non eodem modo attingatur per vnam cognitionem, ac per alteram, tota diuersitate se tenente ex parte cognitionum, non ex parte obiecti.

115 *Contra* obstat 1. ex dictis, nam quories ex parte obiecti nulla apparet ratio vnius præ alio, æquè poterit intellectus affirmare vnū, ac aliud. *Obstat 2.* Modus, qui non competit purè entitatiue cognitioni, sed etiam representatiue idest, qui non solum est modus essendi, seu in essendo, sed etiam in representando, correspondet ex parte obiecti, quidquid enim competit representatiue cognitioni, correspondet ipsi ex parte obiecti: sed modus ille diuersus, quo cognoscitur homo ea duplici cognitione, est modus diuersus, qui competit cognitioni representatiue: ergo modus ille diuersus se tenet ex parte obiecti: ergo per illas cognitiones cognoscitur homo non solum diuerso modo, sed vt diuerso modo se habens: ergo aliquid cognoscitur per vnam, quod non cognoscitur per alteram.

Ex.



116 *Explicatur.* Intellectus cognoscens hominem hac cognitione *animal*, solam animalitatē expressē cognoscit, de illā entitate, alias etiā ex vi talis cognitionis poterit affirmare rationale: ergo talis cognitio exprimit solā animalitatem: ergo sola animalitas correspondet pro expressio ex parte obiecti, ac proinde ex parte obiecti etiam est aliqua præcisio. Prob. hæc vltima consēq. Intellectum exprimere sua cognitione aliquod prædicatum non est illud exprimere entitatiuē, sed repræsentatiuē, idest, est expressio cognitionis in esse repræsentantis: sed quod cōpetit cognitioni in esse repræsentantis, correspondet ex parte obiecti: ergo si cognitio illa solam animalitatem exprimit, sola animalitas correspondet pro expressio ex parte obiecti. Recolantur dicta tūm quæst. 1. art. 2. Tūm tota fere quæst. præced. de ente rationis.

117 *Vergetur.* Vel cognoscere confusē rationalitatem cognitione, per quam tota entitas hominis cognoscitur hac expressione *animal*, est absolute cognoscere rationalitatem, vel non est absolute cognoscere illam? Si hoc secundum: ergo animalitas est absolute cognita per illam cognitionem, & non est absolute cognita rationalitas identificata cum ipsa, ac proinde, vel datur præcisio obiectiua, vel hæc inutilitēr impugnatur ex contradictione cognoscendi, & non cognoscendi eandem realiter entitatem. Si cog-

noscitur absolute, ergo Philosophus, qui solo lumine naturali cognoscit Dei vnitatem, solo lumine naturali cognoscit absolute Trinitatem, cum Personarum Trinitas sit summē identificata cum Dei vnitatem: *Et vltius*, cum quilibet & cuiuscumque potentia actus, vel omnes obiecti formalitates realiter identificatas attingat absolute, vel nullam, debet concedi, quod homo potest viribus naturæ absolute diligere Deum finem supernaturalem, cum naturæ viribus possit diligere Deum finem naturalem, & vterque finis sit idem realiter: Consequens vtrumque est falsum, & quod nullus Theologus concedet: ergo falsum est antecedens.

118 *Prob. 2. conclusio.* Animal distinguitur à rationali distinctione rationis: sed hæc distinctio est obiectiua: ergo cum distinctio cōinsensu, in quo est distinctio, sit quedam separatio, aut præcisio, datur inter animal, & rationale præcisio obiectiua. Mai. est certa, & min. prob. Ea distinctio talis est, vt vī ipsius animal, & rationale sint plura obiecta, seu sint plura ex parte obiecti: ergo est distinctio rationis obiectiua. Prob. antec. Ea distinctio rationis talis est, vt vī ipsius repræsententur ab intellectu animal, & rationale, vt distincta, aliàs nullo modo cognoscerentur, vt distincta, ac proinde distinctio rationis suo effectu careret: sed quod re-

præ-

præsentatur ut distinctum, ex parte obiecti est distinctum, & consequenter ex parte obiecti est plura: ergo distinctio illa rationis talis est, ut vi ipsius animal, & rationale sint ex parte obiecti plura.

119 Si dicas, quod ex vi distinctionis rationis animal, & rationale non sunt revera plura, sed sunt plura apparenter, quatenus apparent, ut plura, nec intellectus cognoscit animal, & rationale ut quid distinctum, licet distincto modo cognoscat utrumque.

120 Contra est 1. Nam quid est esse plura, non revera, sed apparenter? Si enim his terminis intenditur, quod animal, & rationale non sunt in re, sive realiter, plura, hoc idem, & nos asserimus qui distinctionem realem ab ipsis relegamus, & consequenter in hoc sensu solutio erit extra rem dubij. Si verò eis terminis intenditur, quod non sunt plura ex parte obiecti, licet pluralitate, & distinctione per rationem facta, in quo sensu procedimus; in contrarium obstat. Distinctio, quæ representatur per cognitionem, est distinctio se tenens ex parte obiecti: quidquid enim per cognitionem representatur, correspondet ex parte obiecti: sed distinctio animalis à rationali representatur per cognitionem: ergo se tenet ex parte obiecti. Prob. min. Distinctio illa rationis talis est, ut vi ipsius sint apparenter plura animal, & ratio-

nale: ergo talis est, ut sint plura representative: ergo talis est, ut pluralitas representetur per cognitionem, sive per cognitionem represententur, ut plura; quid enim aliud est respectu cognitionis esse ex vi illius apparenter tale, quam esse tale representative ex vi illius, & consequenter ex vi illius representari ut tale?

121 Contra 2. & roboratur impugnatio præcedens. Distinctio rationis inter animal, & rationale talis est, ut non consistat formaliter in ipsis diversis cognitionibus, quibus diversimode cognoscuntur: ergo talis est, ut ex parte obiecti se teneat. Patet consequenter, & antec. prob. Distinctio consistens formaliter in diversitate cognitionum est distinctio realis, cum diversitas unius cognitionis ab alia sit realis: ergo vel distinctio inter animal, & rationale non consistit formaliter in diversis cognitionibus, vel distinctio rationis est realis. *Explicatur.* Vel distinctio inter animal, & rationale est distinctio per rationem, ly per denotante causam efficientem, vel denotante causam formalem: si denotante causam efficientem; ergo cognitio est causa effectiva distinctionis inter ipsa ut obiecta, ac prinde distinctio se tenet ex parte obiecti. Si causam formalem; ergo distinctio rationis inter animal, & rationale, est formaliter ipsa diversitas cognitionum, quibus distincto modo denominatur cognita: eadem entitas animalis rationalis: sed

sed hæc diuersitas est realis, cum sit diuersitas duplicis cognitionis diuinctæ reatiter: ego distinctio rationis est realis, quod evertit bonam partem Metaphisicæ.

122 *Contra 3.* Distinctio animalis à rationali talis est, vt non solum cognoscatur distincto modo, sed cognoscatur vt distinctum: ergo est distinctio, quæ se tenet ex parte obiecti. Prob. antec. Intellectus vere cognoscit, & iudicat, quod homo sentit, quia animal, & non sentit, quia rationalis; similiterque cognoscit, quod, quia rationalis, discurret, & non discurret, quia animal: ergo non solum cognoscit ea prædicata distincto modo, sed cognoscit ea vt distincta. Antec. continet propositiones verissimas, quæ vt tales concedantur ab omnibus, & conseq. prob. Tunc intellectus cognoscit aliqua prædicata non solum distincto modo, sed vt distincta, quando cognoscit conuenire vni ex parte obiecti aliquid, quod alteri cognoscit non conuenire: sed esse id, vi cuius homo sentit, & vi cuius homo discurret, est aliquid conueniens animalitati, & rationalitati ex parte obiecti: ergo intellectus cognoscens, quod animal, & non rationale, est id, cur homo sentit, & è conuerso, quod rationale, & non animal, est id, cur discurret, cognoscit prædicata non solum distincto modo, sed vt distincta.

123 *Nec dicas*, quod sensus illarum, & similium, propositio-

nam accipiendus est ita, vt non de prædicatis simpliciter obiectivè, sed vt substantiæ cognibus diuersis, & per eas apparent, propositiones illæ verificentur; sensus enim est; homo per cognitionem animal apparet principium sentiendi, & non apparet principium sentiendi per cognitionem rationale, & simili modo exponitur secunda propositio, aliæque similes sensum formalem importantes.

124 *Nam contra obstat*, quod expositiones illæ sunt alienæ à communi modo concipiendi prædictas propositiones, vnde vel hoc solo titulo sustinenda non esset opposita sententia; asserens enim quod homo, quia animal, sentit, non quia rationalis, & similiter, quod discurret, quia rationalis, non quia animal, non intendit exprimere nostrum modum intelligendi, sed modum, quo hominis animalitas, hominique rationalitas se habent circa exercitium sentiendi, & discurrendi, quasi dicat; animalitas est homini ratio sentiendi, & non est homini ratio sentiendi rationalitas, vt præcisa, & diuisione accepta ab animalitate: verificantur ergo illæ propositiones de animalitate, & rationalitate sumptis obiectivè.

125 *Obstat 2.* Hominem apparere per cognitionem animal vt principium sentiendi, & non sic apparere per cognitionem rationale, est per primam cognosci, vt principium sentiendi, & non sic cognosci per secundam, sed vt principium

rationandi, quid est enim apparere per cognitionem ut tale, nisi cognosci ut tale? aliter tota illa apparentia non est aliud, quam cognitio ipsa, seu modus illius pure entitativè acceptus, & sic voce tenus dicitur apparere: sicut, quod entitas imaginis sit lapidea, vel lignea, dum in esse representativo fiat pates, non notificant diverso modo Prototypum, nec per unam alio modo apparet in esse formali imaginis, ac per aliam: si ergo homo apparet per unam cognitionem ut principium sentiendi, & non sic apparet per aliam, cognoscitur, & representatur per unam ut principium sentiendi, & non sic representatur per aliam: ergo ex parte obiecti præcenditur homo, ut principium sentiendi, à se ipso ut principio rationandi.

126 *Obstat* 3. Si sensus illarum propositionum esset ille, quem eiusmodi circumloquutionibus solutio intendit, non posset asserere tales propositiones, qui non cognosceret cognitiones, quibus illa predicata diversimode cognoscuntur, cum homo in ratione appareret ut principium formaliter sentiendi, & non rationandi, constituatur iuxta oppositam sententiam per extrinsecam denominationem apparentis indistinctam pro formali ab hac cognitione animal: ergo si præcisè ut apparet per illam est principium sentiendi, non rationandi, qui hoc asserit de homine, non solum cognoscit animal, sed & cog-

nitionem, qua ut principium sentiendi apparet: at hoc est falsum, & satis absurdum, cum cognitio, sive iudicium illud directè tendat in hominis predicata, non in cognitionem ipsam, per quam apparet. ergo sensus illarum propositionum non est ille, quem solutio intendit, & sic predicata illa concipiuntur, ut obiectivè distincta.

127 *Confirm.* 1. Differentiæ sunt extra essentiam generis, rationale, v. g. extra essentiam animalis: sed si genus, & differentia non distingueretur obiectivè, hoc esset falsum: ergo non distinguuntur distinctione, quæ præcisè sit talis ex parte actus, sed etiā quæ talis sit ex parte obiecti. Maior est expressa Philosophi lib. 3. metaphis. text. 10. nec nõ D. Thomæ 1. p. q. 3. art. 1. & q. 85. ar. 1. ad 1. & in lib. de ente, & essentia cap. 3. ubi ait: *Genus non est in differentia, sicut pars essentia eius, sed solum sicut ens extra quidditatem, & essentiam, & ideo genus non predicatur de differentia per se loquendo.* Min. autem prob. quia ideo ens non potest esse genus, quia differentia non sunt extra essentiam illius iuxta expressam D. Thomæ doctrinam, 1. p. q. 3. art. 5. sed si genus, & differentia non distinguerentur nisi distinctione, quæ talis esset ex parte actus, nulla esset ratio, ut ens non esset genus, siquidem ens, & differentia diversis etiam actibus cognoscuntur, in qua cognitionum diversitate consistit tota distinctio generis, & differentia iuxta sententiam oppositam: ergo vel ratio ge-

generis non possit, quod differentia
int extra essentiam illius, vel diste-
runt distinctione, quæ se teneat ex
parte obiecti.

128. *Confirm. 2.* Ita differunt ge-
nus, & differentia, vt ex illis fiat
compositio metaphisica: ergo dif-
ferunt obiectiue. Antec. ex Philo-
sopho, & D. Thoma communiter
recipitur, & conseq. prob. tum
quia compositio metaphisica; quia
compositio, est distinctorum vni-
& quia compositio purè metaphi-
sica, vt à phisica compositione di-
uerſa, non est vni distinctorum
realiter: sed si distinctio generis, &
differentiæ sit purè ex parte actus,
consistens scilicet in diuersis cog-
nitionibus, esset distinctio realis,
ac proinde genus, & differentia
formaliter vt talia distingueren-
tur realiter: ergo non est distinctio
ex parte actus, sed ex parte obie-
cti. Tum quia talis compositio est
vni generis, & differentiæ, anima-
lis scilicet, & rationalis, non cog-
nitionum, cognitio enim animalis
non est genus, nec cognitio ratio-
nalitatis est differentia hominis.
Tum quia compositio metaphisica
est compositio ex duobus, velut ex
actu, & potentia: sed vna cognitio
non se habet vt potentia, & altera
vt actus, bene verò ratio obiecti-
ua animalis comparatur vt poten-
tia ad rationem obiectivam ratio-
nalitatis, quæ se habet vt actus: ergo
ea compositio (ac proinde di-
stinctio) se tenet ex
parte obiecti.

Solvitur, & instatur præcipuum oppo-
site sententiæ argumentum.

129. **O** *Bijcies 1.* Data præci-
sione obiectiva, ve-
rificarentur de eadē entitate prædi-
cata contradictoria: sed talis veri-
ficatio est impossibilis: ergo &
præcisio obiectiva. Prob. mai. cog-
nosci, & non cognosci sunt prædi-
cata contradictoria: sed data præ-
cisione obiectiva, verificaretur de
eadem entitate, quod cognosce-
retur, & non cognosceretur, nam
cognosceretur animal, & non cog-
nosceretur rationale, cum tamen
animal, & rationale sint eadem en-
titas: ergo data præcisione obiecti-
ua, verificarentur de eadem enti-
tate prædicata contradictoria.

130. *Resp* disting. mai. verifi-
carentur prædicata contradictoria
de eadem entitate, eadem realiter,
& distincta per rationem conced. mai.
eadem realiter, & per ratio-
nem, neg. mai. & disting. min. Est impossi-
bilis talis verificatio de eadem enti-
tate, eadem realiter, & per rationem,
conced. min. eadem realiter, & per
rationem distincta, neg. min. & con-
seq. Quia cum omnis distinctio
includat affirmationem, & nega-
tionem (Id enim quod distingui-
tur ab altero, est ipsummet, & non
alterum) sit consequens, quod de
extremis quibuslibet inter se di-
stinctis possint verificari prædicata
contradictoria: cum ergo animal,
& rationale, & si idem tificata reali-
ter

ter sint tamen extrema per rationē distincta, possunt de eis enunciari prædicata contradictoria quia solutione perpetuò vsus est Angelicus Precep. dū diluit argumentū intendens suadere aliquā implicationem in Divinis ex verificatione duplicis prædicari contradictorij, vñ in art. præced. insinuauimus, & generaliter approbat doctrinam solutionis in quæst 7. de potentia. art. 1. ad 5. dicens: *De eo, quod est idem re, & differens ratione, nihil prohibet contradictoria prædicari, vt dicit Philosophus 3. Phisic. sicut patet, quod idem punctum re, differens ratione, est principium, & finis, & secundū quod principium, nō est finis.*

131 *Instas 1.* Non minus contradicunt cognosci, & non cognosci, quā existerē, & non existerē, produci, & non produci: sed distinctio rationis non sufficit, vt de animali, & rationali realiter identificatis verificetur, vnum produci, & alterum non produci, vnum existerē, & alterum non existerē: ergo nec sufficit, vt ex eis vnum cognoscatur, & non alterum.

132 *Instas 2.* Distinctio rationis nō sufficit, vt vnū extremū non sit realiter alterū: ergo non sufficit, vt vnum extremum non sit realiter id, quod realiter est alterum: sed si sufficeret, vt verificarentur prædicata contradictoria, cognosci scilicet, & non cognosci, vnum extremum non esset realiter id, quod realiter est alterum: ergo distinctio rationis non sufficit, vt verificentur prædicata contradictoria. Prob. min. subsumpt. Animal, data illa præci-

sione, & distinctione, esset realiter cognitum, & rationale non esset realiter cognitum: ergo rationale non esset realiter id, quod realiter esset animal, nempe cognitum, ac proinde vnum extremū non esset realiter id, quod realiter est alterū.

133 *Instas 3.* Distinctio rationis non sufficit, vt de eadē entitate verificentur, nec prædicata contraria, nec privative opposita, eadē enim entitas ratione diversarum formalitatum nequit esse albedo, & nigredo, sciētia, & error, cæca, & videns: ergo nec sufficit, vt ratione plurium formalitatum per intellectū tantū distinctarum, verificentur prædicata contradictoria, cū maior oppositio sit contradictoria, quā contraria, & privativa.

134 *Confirm.* Si sola distinctio rationis sufficit, vt de extremis realiter identificatis verificentur prædicata contradictoria, ruit ars syllogistica innixa illis principiis: *Quæ sunt eadem vni tertio sunt eadem inter se, dici de omni, & dici de nullo*, horum enim principiorum veritas consistit in eo, quod quidquid affirmatur de subiecto, affirmetur de omni identificato cum illo, & quidquid negetur de subiecto, negetur de omni identificato cum illo: sed verificari contradictoria de identificatis est quod id, quod affirmatur de subiecto, seu de vno extremo, non affirmetur, sed negetur de alio identificato cum ipso: ergo si distinctio sola rationis ad hoc sufficit, ruit ars syllogistica.

Vergetur. Extrema non ideo sunt distincta, quia de ipsis verificentur sine contradictione predicata ex se contradictoria, sed ideo sine contradictione verificantur, quia sunt distincta, ut nos ipsi propugnauimus art. preced. ergo ut de animali, & rationali verificetur sine contradictione cognosci, & non cognosci, debent animal, & rationale presupponi distincta: Sed distinctio rationis non presupponitur, cum resultet ex cognitione ipsa prescindente, qua vnum cognoscitur, & aliud non cognoscitur: ergo vel animal, & rationale plusquam per intellectum differunt, vel cognosci, & non cognosci, nequit sine contradictione verificari de ipsis.

136 *Resp ad 1. Instantiam concessis* praemissis, neg. conseq. redditur enim non causa pro causa: tunc enim praedicata contradictoria possunt verificari de extremis sola ratione distinctis, quando vnum praedicatum convenit vni extremo secundum eam rationem, in qua distinguitur ab altero; & quia cognosci, & non cognosci sic verificantur de animali, & rationali, nam animal cognoscitur secundum rationem conveniendi cum Equo, in qua ratione differt à rationali, quod per illam cognitionem non cognoscitur, ideo sine contradictione potest verificari cognosci, & non cognosci de ipsis sola ratione distinctis: at existere nequit competere animali, nisi secundum eam rationem, in qua convenit cū

rationali, cum competat ipsi capacitas ad existendum (sicut, & cuilibet enti) ex conceptu possibilis, ut à Chimera distincti, unde de nullis identificatis potest verificari existere, & non existere; & idem respectu animalis, & rationalis de produci, & non produci, cum esse producibile proveniat ex conceptu utriusque communi: quia tamen produci convenit filio in Divinis secundum rationem relativam, in qua differt ab essentia, eibò filiatio, & essentia identificentur; filius producitur, & essentia Divina non producitur. Quae doctrina est D. Thomae in 1. dist. 1. q. 5.

137 *Ad 2. instantiam* concesso anteced. diring. conseq. ut vnum extremum prout est à parte rei non sit id realiter, quod est realiter alterum, conced. conseq. *precisive acceptum*, neg. conseq. nequit beneficio distinctionis rationis fieri, ut vnum extremum prout à parte rei non sit quidquid à parte rei, seu realiter est alterum; potest tamen vi illius fieri, quod vnum extremum precise sumptum, & ut sic precisum non sit realiter id, quod est realiter alterum, cum praedicatum tale est, ut conveniat vni extremo secundum eam rationem, in qua differt ab alio extremo, praesertim cum illud praedicatum, scilicet cognitum, nil reale ponat in obiecto, praeter extrinsecam denominationem: unde animal, ut distinctum formaliter à rationali, esse realiter cognitum, nil aliud est, quam esse id, supra quod

quod præcisivè acceptum cadit immediate illa denominatio, quæ immediate non cadit supra rationale.

138 *Hinc inferes*, quo modo accipiendum sit, cum dicitur quod animal est realiter cognitum, & quod rationale non est realiter cognitum, potest enim diversimodè accipi, ex cuius diversitatis intelligentia pendet, quod vel concedatur ut verum, vel negetur ut falsum. Pro quo nota, quod inter nomina substantiva, & adiectiva hoc est ex D. Thoma in 1. di. 5. q. 1. art. 1. discrimin. quod substantiva supponunt, id est, afferunt secum suppositum, seu subiectum cum forma, adiectiva verò nõ afferunt suppositum, sed applicant immediate formam, seu significatum suum formale substantivo. *Hinc sensus huius propositionis, rationale non est realiter cognitum*, si cognitum sumatur substantivè, est hic, *rationale non est res, quæ realiter cognoscitur*, & hæc est falsa in casu etiam præcisionis attingentis animal, nam licet rationale non cognoscatur, est tamè realiter res, quæ cognoscitur, alias non esset realiter animal. Si verò ly *cognitum* sumatur adiectivè, facit illa propositio hunc sensum, *rationale formaliter non est immediate in se ipso cognitum realiter*, & hæc in casu præcisionis est vera nam cū solum animal cognoscatur, non cadit supra rationale immediate denominatio cogniti de sumpta à cognitione reali, sed supra animal ut obiectivè distinctum à rationali. Sicut

in Divinis hæc est falsa, *essentia est realiter generans*, si generans sumatur adiectivè, & est vera, si sumatur substantive; nam licet essentia non generet, est tamen res, quæ generat, ut pote identificata cum Patre generante.

139 *Ex his colligitur*, quod per hoc, quod animal sit realiter cognitum, & rationale non sit cognitum realiter, non ideò habet animal aliquod novum prædicatum, cum quo realiter identificetur, & à quo realiter differat rationale: nam cum ly *cognitum* sumatur adiectivè, esse animal realiter cognitum, addit solum supra animal realem cognitionem denominantè, à qua ipsum animal realiter distinguitur, & unitatem rationis obiectivā, vi cuius animal obiectivè distinguitur à rationali, nā esse realiter cognitum animal, non est esse realiter aliquam rem, quæ nõ sit realiter rationale, sed est præcisè esse ipsummet animal ut tale formaliter, & ut distinctum distinctione rationis à rationali, supra quod animal sic distinctum cadit realis denominatio cogniti per cognitionem animal, quæ non cadit supra rationale. Vnde non valet, si cognitum sumatur adiectivè, *rationale non est realiter cognitum*, ergo *differit realiter à cognito*, quia per non esse realiter cognitum non denotatur non esse realiter aliquā rem, quæ realiter non sit animal, quod est cognitum; valeret tamen, *rationale non est realiter res, quæ est cognitum*, ergo, *distinguitur realiter* (supposito, quod

quod rationale sit, & etiam cognitio) à cognito, scilicet animali; sed tunc casus antec. est falsum: sicut non valet, *Essentia Diuina non est realiter generans*, ergo *distinguitur realiter à generante*; valeret tamen, *Essentia Diuina non est realiter res, quæ generat*, ergo *differt realiter à generante*, sed antec. est omnino falsum.

140 Vnde tandem habetur, quod per hoc, quod animal sit realiter cognitum, & rationale non sit cognitum realiter, non ideo animal identificatur cum duobus extremis realiter distinctis, quæ identificatio entitati creatæ repugnat, & solum vt inestabile quid eam veneramus in Misterio Triuitas, in quo essentia identificatur realiter cum tribus personis realiter distinctis. *Habetur*, inquam, nam & si animal identificetur (vt supponimus) cum rationali, & cum cognito, quod affirmatur de animali, nam propositio affirmatiua vt hæc, *animal est realiter cognitum*, petit identitatem extremorum; hoc tamen non est identificari cum duobus realiter distinctis, quia esse cognitum dicit pro formali solam denominationem cogniti, quæ pro formali, nec cum animali ipso identificatur, & pro materiali dicit ipsummet animal vt animal, & vt obiectiue per rationem distinctum, à quo sola distinctione rationis secernitur rationale.

141 Ad 3. instantiam principalem concessio antec. neg. consequ. cuius adiuncta probatio oppositum suadet, quia ex eo, quod est

maior (intensiue scilicet) oppositio contradictoria, inter quomodolibet distincta exercetur, nam quævis distinctio cum includat affirmationem, & negationem, facit, vt vnum extremum sit ipsummet, & non alterum; vt autem alia oppositiones, vt pote minores intensiue, dentur, maiorem exposcunt distinctionem, quia ad illas non sufficit, quod vnum extremum sit ipsummet, & non alterum, sed ultra requiritur, quod sit aliquid oppositum alteri, quæ doctrina traditur expressè à D. Thom. in 1. diu. 5. q. 1. art. 1. ad 1. dicente; *Plura requiruntur ad alias oppositiones, quam ad oppositionem contradictoriam, quia se habent ex additione ad ipsam; unde non oportet quod si contrarietas non inueniatur, nisi in diuersis realiter, quod affirmatio, & negatio inueniatur in diuersis realiter.*

142 Ad confirm. resp. quod ars syllogistica rueret, si prædicatum, quod conuenit animali, vt est à parte rei, non conueniret à parte rei omni identificato cum animali, non tamen si prædicatum, quod conuenit animali formaliter sumpto, & vt obiectiue præciso, negetur de rationali, vt significatur hac voce *rationale*, & vt formaliter differt ab animali: cum ergo dicitur de animali *cognosci*, & de rationali *negatur cognosci*, rationale non accipitur, vt est à parte rei, nam vt à parte rei, est animal, de quo falso diceretur non cognosci, sed accipitur rationale vt significatur hac voce *rationale*, hoc est, vt obijcitur intellectui præscindenti, qua ratio-

ne non cognoscitur ex vi actus attingentis animal, ut animal.

143 Dices: Ergo ut syllogismus rectè concludat, nulla extremitas debet distingui nec per rationem à medio: ergo vna saltem ex præmissis debet constare terminis synonymis, aliter distinguetur utraque extremitas per rationem à medio: consequens evertit utilitatem artis syllogisticæ: ergo falsum est id, ex quo sequitur. Cætera patent, & prima consequ. videtur ex solutione inferri legitime; idè enim non valet hic syllogismus, *hoc animal cognoscitur, hoc animal est rationale, ergo rationale cognoscitur*, quia cum rationale distinguatur per rationem ab animali, quod cognoscitur, potest convenire esse cognitum animali, & non convenire, sed negari de rationali, quia possunt contradictoria verificari de distinctis per rationem.

144 Resp. neg. absolutè consequ. Ad cuius prob. disting. antec. idè præcisè non valet; quia distinguuntur per rationem neg. antec. idè, & quia medium, cognitū scilicet, convenit animali secundum rationem, in qua differt à rationali, cōced. antec. Vnde utiliter concludit quilibet syllogismus legitime constructus, & si non cōstet terminis synonymis, dū medium non affirmetur de vna extremitate secundum illam rationem, in qua differt ab altera. Hinc iste (& similes) syllogismus rectè cōcludit, *hoc animal existit, hoc animal est rationale, ergo rationale existit*, quia & si extremitates differant ratione, existere tamen convenit ipsis ex con-

ceptu utriusque communi. Syllogismus autem, quem affert obiectio, & iste; *res cognita est cognita, rationalitas est res cognita, ergo rationalitas est cognita*, & iste, *omnis animalitas hominis est rationalitas: cognoscitur animalitas hominis, ergo cognoscitur rationalitas*, nec nō iste, *qui cognoscit animalitatem, cognoscit id, quod est animalitas; sed rationalitas est animalitas, ergo cognoscit rationalitatem*, sunt omninò fallaces, & in eis, alijsq; similibus committitur defectus arguendi ab idètica ad formalem: ex eo enim quod rationale sit animal, quod est verū præcisè in sensu idètico, intèditur in omnibus illis, quod conveniat rationali formaliter ut tali, quod animali convenit præcisè sumpto, & ut obijcitur intellectui distinctum à rationali.

145 Si inses: ergo hic syllogismus non concludit, *rationale est discursivum, hoc animal est rationale, ergo hoc animal est discursivum*, convenit enim esse discursivum rationali secundum rationem, in qua differt ab animali. Neg. conf. nā licet discursivū cōveniat rationali ut differenti ab animali, nō tamen cōvenit ipsi, quia differenti præcisè, ita, ut nisi ut differenti nō cōveniat qua ratione cōvenit animali cognitū hac cognitione animal, quod enim illa sit cognitum adiectivè (iuxta superius dicta) cōvenit ipsi ut distincto à rationali, ita, ut ipsi, nisi ut obiectivè distincto nequeat cōvenire: & tunc diversitas per rationem medijs ab extremitate impedit identitatem extremitatū, quādo talis est, ut ipsi, quia diversa, & non aliter, medium

R

non

non conveniat, quod alteri extremitati ratione sui formaliter competat; alias de materiali se habet illa diversitas, cum medium competat extremitati etiam ut identificata cum alia, & hoc evenit in discursivo, quod, & si proprium rationalis ut distincti specificativè ab animali, non tamen reduplicativè, & præcisè, quia distincti, cum etiam sit discursivum rationale ut identificatum cum animali.

146 *Nec argumentum*, quod ex destructione artis syllogisticæ desumitur, maiorem habet difficultatem in nostra sententiâ, quàm in opposita, inò alio ex titulo maiorem habet difficultatem. Quod habeat eandem difficultatè prob. in hoc syllogismo, *hec animalitas clarè, & evidenter cognoscitur, hæc animalitas est rationalitas, ergo rationalitas clarè, & evidenter cognoscitur*, præmissæ sunt veræ, & consequens falsum iuxta doctrinâ præcisionis formalis, nam ex vi huius cognitionis *animal* clarè cognoscitur animalitas, quæ est rationalitas, & tamen rationalitas, & si absolutè cognoscatur, clarè non cognoscitur: si ergo præmissæ sunt iuxta ipsos rectè dispositæ, ex præmissis veris rectè dispositis inferretur falsum, quod destruit principiū bonæ consequentiæ, & ex quo cætera dependent. Idem videre licet in hoc syllogismo. *Petrus esse animal est illum esse rationalem; sed affirmo Petrus esse animal, ergo affirmo illum esse rationalem*, nam præmissæ sunt veræ, dum animal præscinditur formaliter, & consequens pro eodem casu præci-

sionis falsum. *Habet* etiam ex alio titulo maiorem difficultatè, nam nil apud Dialecticos magis receptum, quàm quod non varietur appellatio, ut syllogismi rectè concludant, qui defectus variationis appellationis in disputationibus frequens, locum iam non habet, nam si quod convenit quomodolibet, etiam in sensu formali, alicui extremo, debet id ipsum covenire alteri, eo solo titulo, quod à parte rei utrumque est idem realiter, nil intererit, quod arguatur ab identica ad formalem, & consequenter quod varietur appellatio, ut nihilominus syllogismi rectè cōcludāt.

147 *Ad id tandem*, quo urgebatur argumentum, resp. quod ante cognitionem præscindentem supponitur animal, & rationale distincta fundamentaliter, & equivalenter, quatenus eadem entitas pluribus equivaleat quoad varios effectus præstandos, & diversa munera exercenda; & ratione huius æquivalentiæ præbet intellectui nostro occasionem, ut eam entitatem in plures dividat formalitates, vi cuius divisionis, & distinctionis suscipere potest sine contradictione prædicata ex se contradictoria, nam de ipsis, ut à parte rei, nequeunt verificari, & si in ipsis à parte rei sit fundamentum ad distinctionem, & consequenter ad verificationem, distinctione per intellectum facta: non tamen requiritur, quod distinctio actualis præsupponatur independenter à præcisione, sufficit enim, quod fiat per eam, nam cū talis cognitio sit.

sit practica, & effectiva distinctio-
nis, non debet præsupponere inde-
pendeater ab ipsa, quod ipsa efficit,
sicut nec actio calefactiva præsup-
ponit calorem, quem ipsa introdu-
cit; si enim præcisio distinctio-
nem efficit, cognosci, & non cognosci nõ
verificantur nisi de actu distinctis
pro aliquo priori à quo, & depēden-
tiæ, licet non proprii in quo, & in-
dependēter ab ipsa cognitione, quā
præcedit, & subsequitur in diverso
genere causæ distinctio rationis ob-
iectiva. Videatur dicta in quæst. 1.
art. 2. nam quæ intendunt probare
talem distinctio-
nem esse pure extrin-
secam cum ipsa cognitione identi-
ficatā opportunius solventur. §. 4.

148 Dices. Data possibili præcisio-
ne obiectiva, animal est à parte rei
cognoscibile sine rationali, quia à
parte rei habet aptitudinē, vt præ-
cisum cognoscatur hac cognitione
animal, qua cognoscitur sine ratio-
nali, & rationale à parte rei non est
cognoscibile sine rationali, non
enim præbet fundamentū, vt præ-
cindatur à se ipso: sed esse, & nõ esse
cognoscibile sine rationali sūt præ-
dicata contradictoria: ergo data
præcisio obiectiva, verificatur
prædicata cōtradictoria de anima-
li, & rationali, vt sunt à parte rei,
quod nos ipsi reputavimus impos-
sibile art. præced.

149 Resp. disting. mai. animal à
parte rei est cognoscibile, vt à parte
rei est, sine rationali. ne. mai. animal
à parte rei est cognoscibile præcisivè
sine rationali, cōced. mai. ceterū in
hoc sensu rationale etiā à parte rei
est cognoscibile præcisivè sine ra-

tionali, unde nulla contradictio ve-
rificatur. Pro quo obiectiva ex dictis
in art. præced. quod ly à parte rei po-
test se tenere, ex parte prædicari,
cognoscibilis scilicet, & sic falsum
est, quod animal possit cognosci à
parte rei sine rationali, quia non est
capax, vt si cognoscatur adequatè,
prout est à parte rei, cognoscatur
sine rationali. Alio modo potest ly
à parte rei se tenere ex parte præcisè
subiecti, & facit hunc sensū, animal
prout à parte rei est capax, vt cog-
noscatur præcisivè à rationali, ita,
vt capacitas sit à parte rei, licet in
ordine ad actum præcindentē; cæ-
terum in hoc sensu etiā est capax à
parte rei rationale, vt præcisivè à se
ipso cognoscatur; cum enim ea en-
titas, prout à parte rei, sit entitas
animalis rationalis, sive præcisivè
cognoscatur cognitione animal, sive
cognitione rationale, cognoscitur
quovis modo præcisivè ab anima-
li, & rationali prout à parte rei, si-
quidē prout à parte rei, nec est ani-
mal sine rationali, nec rationale si-
ne animali, vt per quālibet ex illis
cognitionibus repræsentatur: unde
solum prout in voluntatē iā aliquo-
modo distinctio-
nem factam ab actu
præcindentē, verificatur, quod ani-
mal nõ cognoscibile sine se ipso, sit
cognoscibile sine rationali.

§. III.

Instatui præcedens argumentum.

150 Hæc pro veræ doctrinæ
defensione, & pro so-
lutione ex D. Thoma de sumpta
subiecimus; modo restat ostendere,
quod si aliqua efficacia gaudet ar-
gumentum ex contradictione de-
sump-

sumatum, ea minus premitur sententia opposita propugnans precisiones formales: *Sicut* enim sunt prædicata ex se cōtradiçtoria cognosci, & non cognosci, ita sunt ex se cōtradiçtoria, apparere, & non apparere, cognosci clarè, & nō cognosci clarè, esse affirmabile, & non esse affirmabile, sed data præcisione formali per hanc cognitione animal apparet, cognoscitur clarè, & est affirmabile ex vi illius animal, & nō apparet, nec clarè cognoscitur, nec ex vi illius est affirmabile rationale: ergo vel ex nostra sententia nulla reverà cōtradiçtio sequitur, vel eadem sequitur ex sententia propugnante præcisiones formales.

151 *Si dicas* 1. relata prædicata verificari quidē de entitate animalis rationalis, cæterū verificatur de ea vt involuente connotata realiter distincta, ac proindē mirū non est, quod vbi realis distinctio intercedit, quæ ex se videtur cōtradiçtoria, sine cōtradiçtione inveniatur.

152 *Contra* est. *Tūm* quia ex dictis inter probandā conclusionē constat, eandē implicationē ad esse (vel nullam in vtroque casu) in eo, quod res cognoscatur per ordinē ad vnū connotatū, & non per ordinem ad aliud, quando ordo ad vtrūque est idē realiter, ac potest adesse in eo, quod eadē entitas cognoscatur, & non cognoscatur: sed cognosci clarè animal, & nō cognosci clarè rationale, est iuxta solutionem cognosci totam entitatē per ordinē ad vnum connotatū, & non in ordine ad aliud, cū tamē ordo ad vtrūq; sit idē realiter: ergo vel eadē entitas

potest cognosci, & nō cōgnosci, vel nequit cognosci clarè, & non cognosci clarè. *Tūm*, quia viso à longe colorato, albo v.g. potest cognosci clarè color, & clarè nō cognosci albedos; sed respectu coloris, & albedinis, nū sunt facile assignabilia diversa connotata, imò, nec connotata: ergo inutilis est eiusmodi recursus. *Tūm* quia viso à lōge animali, Equo v.g. cognoscitur clarè animal, quin clarè cognoscatur hinnibile; & tamē sēfatio, & hinnitus sūt idē connotatum realiter, hinnitus enim est realiter sēfatio. *Denique*, si absq; cōtradiçtione verifcas cognosci clarè, & nō cognosci clarè de eadē entitate per ordinē ad diversa connotata, cur sine cōtradiçtione verificari non poterit cognosci, & non cognosci eadē entitatē per ordinem ad diversa connotata, & sic dabitur obiectiva præcisio per ordinē ad illa: non enim magis ex se contradicunt cognosci, & nō cognosci, quam cognosci clarè, & non cognosci clarè.

153 *Si dicas* 2. quod instantia cōvincit idē militare incōueniens in verificatione illius duplìcis prædicati, scilicet, *cognosci clarè, & nō cognosci clarè*, quod militat in verificando *cognosci, & non cognosci*; cæterum in sententia præseindendum solum formaliter non verificantur priora prædicata, quia cognitione, qua clarè cognoscitur animal, etiam cognoscitur clarè rationale; & generaliter, quovis modo cognoscatur vnum prædicatū, cognoscitur eodem modo quidquid identificatur cum ipso.

154 *Contra est.* Nam in primis ipsa solutio ex se falsa adeo apparet, vt vix in pugnatione egeat; quis enim dicat, quod dum à longe video animal aliquod moveri, eadem claritate, qua percipio ipsum esse animal, percipio ipsum esse tale, vel tale animal? Hoc enim manifestè contradicit experientia, cum ex ea constet, me discernere, quod illud obiectum sit animal, & non discernere, quodnam, seu cuiusnam speciei sit animal: at si vtramque clare cognoscere, vtrūque discernere: ergo. Deinde sequitur ex solutione, quod dum ex effectibus naturalibus demonstrat solo lumine naturali Philosophus Deum exsistere, demonstrat quoque solo lumine naturali Authorem supernaturalem exsistere, & sicut evidenter solo lumine naturali demonstrat vnitatem Dei, Personarum etiam Trinitatem solo naturali lumine evidenter demonstret, quod nil absurdius. Denique. Cognoscere clarè rationale, est discernere rationale: nunc rogo, quomodo ex vi huius cognitionis animal, discernas rationale? Discernere quippè rationale, vt animal, est implicatio in terminis, nā sub hac expressione animal, rationale non discernitur, sed confunditur, ac proinde discernere ipsum, vt animal, non est ipsum discernere: sed vterius non minus implicat in terminis, quod ipsum discernas, vt rationale, per cognitionem, qua ipsum exprimis, vt animal: ergo implicat, quod ex vi huius solius cognitio-

nis

nis animal cognoscatur clare rationale.

155 *Si tandem dicas,* quod cognosci clarè, & non cognosci clarè, ceteraque prædicata ex se contradictoria adducta in instantia, non verificantur absolute de entitate obiectiva hominis, sed vt inuolvente ipsos actus præscindentes formaliter, qui quidem actus realiter differunt.

156 *Contra est:* nam clare cognosci, apparere, affirmari, aliaque huiusmodi, & si demus esse diversos modos tendendi se tenentes subiectivè ex parte cognitionum, non tamen ita, vt extrinsecè saltem non denominent obiecta clare cognita apparentia, & affirmata: ergo dum cognoscitur homo hac cognitione animal, & non cognoscitur hac cognitione rationale, denominatur clarè cognitum animal, & non denominatur clare cognitum rationale: sed denominari clare cognitum, & non denominari clare cognitum, sunt prædicata, ex se contradictoria, saltem extrinsecè: ergo cum rationale, & animal sint eadè entitas, de eadem entitate verificantur contradictoria extrinsecè: *Tunc sic:* sed negantes præcisiones obiectivas, idè eas negant, quia reputant impossibile, quod de eadem realiter entitate verificentur prædicata contradictoria etiam extrinsecè, vt apud ipsos videre licet: ergo vel nulla est contradictio in præcisione obiectiva, vel eadem militat in præcisione formali.

R 3

Con-

157 *Confirm.* Data præcisione formali, animal præscinditur formaliter à rationali, & non præscinditur formaliter à se ipso: sed præscindi formaliter, & non præscindi formaliter sunt prædicata ex se contradictoria: ergo hæc verificantur, data præcisione formali.

158. *Si dicat,* quod animal præscinditur formaliter à se ipso, in sensu, in quo præscinditur à rationali, & in sensu, in quo non præscinditur à se ipso, nec à rationali præscinditur: nā præscindi formaliter animal à rationali nil aliud est, quā quod ex vi huius cognitionis *animal*, tota entitas ita appareat, vt nō possis dicere, *est rationale*, & hoc nec de ipso animali potes dicere in vi illius cognitionis *animal*, ac proinde in eo sensu etiam animal præscindit formaliter à se ipso: & similiter animal non præscinditur formaliter à se ipso, est, quod ex vi illius cognitionis ita appareat tota entitas, vt possis dicere de illa, *est animal*, hoc autem non solum de animali, sed etiam de rationali potes dicere in vi illius cognitionis *animal*, ac proinde in eo sensu, nec à rationali præscindis.

159. *Contra. est.* Nam de conceptu cuiuscunque præcisionis est quod id, quod præscinditur maneat aliquo modo, quo non maneat id, à quo præscinditur, aliās quid, & à quo præscinditur? Ergo si in eodem sensu manet animal, quo manet, vel non manet rationale, vel animal non præscindit formaliter à rationali, vel præcisio formalis vo-

ce tenus, & sine fundamento, dicitur præcisio. Ex quo haberetur, quod ex vi huius cognitionis *sapiens*, v. g. præscinderetur formaliter Divina iustitia à misericordia, nam si rationale non apparere per hanc cognitionem *animal*, sufficit, vt dicatur rationale præscindi formaliter, nihil certius, quā quod per illam cognitionem *sapiens*, nec iustitia, nec misericordia appareant: consequens est absurdum: ergo falsum est id, ex quo sequitur.

160. *Deinde* obilat vrgenter ex dictis; nā iuxta solutionē tota entitas apparet animal ex vi illius cognitionis, & non apparet rationale: sed apparere, & non apparere sunt prædicata contradictoria: ergo cū tota illa entitas animalis rationalis sit vna, & eadem, de vna, & eadem entitate verificatur prædicata contradictoria. *Et ne fiat recursus* ad ipsas cognitiones realiter distinctas, assumo eādem cognitionem, hæc scilicet *animal*, qua cognoscitur homo, vel aliud animal visum à longe, nō veri, quin cognoscatur hac cognitione *rationale*, vel hac *irrationale*: ea cognitio *animal* talis est, vt media ea de tota entitate obiecti cognoscas clare animal, & nō cognoscas clare rationale: sed tām entitas, de qua illud clare cognoscis, quam id, quod clare cognoscis, est idem realiter cum rationali, quod non cognoscis clare: ergo media hac cognitione cognoscis clare, & non cognoscis clare de eadem realiter entitate idem realiter prædicatum.

161 *Vergetur.* Cum in dicto casu cognoscis obiectum hac sola cognitione *animal*, non cognoscis eam ipsam cognitionem, qua illud cognoscis, non est enim ille actus cognitio reflexa cognitionis, sed immediatè, & directè est cognitio obiecti: vel ergo ea cognitio denominat clare cognitum, *ut quod* rationale, vel ipsum non denominat clare cognitum, *ut quod*: Si primum; impugnandus eris ex dictis contra solutionem possitam, num. 153. Si secundum; ergo ea cognitio denominatur clare cognitum *ut quod animal*, & non denominatur clare cognitum *ut quod rationale*: sed denominari ab una forma clare cognitum *ut quod*, & non sic denominari ab eadem sunt contradictoria: ergo de eodem realiter prædicato verificatur prædicata contradictoria; & consequenter, vel nulla sequitur ex præcisione obiectiva contradictio, vel eadem sequitur ex præcisione formali.

162 *Ex dictis inferuntur duo.* Primum est, quod minus rectè aliqui descendentes cum Thomistis præcisiones obiectivas, excludunt ab extremis, inter quæ datur præcisio, distinctionem rationis obiectivam, sola extrinseca denominatione contenti. Tum quia iuxta dicta inter probandam conclusionem distinctio consistens formaliter in diversitate cognitionum est realis, ac proinde distinctio rationis erit distinctio realis, sicque nec compositio metaphisica subsistet, vel ea erit compositio cognitionum,

non prædicatorè obiecti, quæ onnia, ut satis absurda reiecinus. Tum quia ea distinctio purè extrinseca, & si realis, non minuit, sed auget difficultatem argumenti ex contradictione desumpti; nam cum prædicata contradictoria nequeant verificari de re, nisi ut aliquo modo distincta, vel cognosci, & non cognosci verificarentur de ipsis cognitionibus, in quibus constitit distinctio, & sic ea cognitio, præcindens esset semper reflexa, nec esset præcisio obiecti, sed cognitionis contra ipsam sententiam, quam nobiscum propugnant: vel committeretur circuitus nugatorius: eo enim posset cognosci animal, & non cognosci (sine contradictione) rationale, quia sunt aliquo modo sufficiente distincta, & ideo essent aliquo modo sufficiente distincta, quia cognoscitur animal, & non cognoscitur rationale.

163 *Inferitur 2.* quod inutilem faciant aliqui recursum ad diversam phantasmatam, in quibus asserunt intellectum cognoscere obiecta, ut media distinctione reali phantasmatum, contradictionis nodum dissolvant. Tum quia & intellectus non intelligat pro hoc statu nisi dependenter à phantasmate, non tamen in ipso, aut medio ipso, sed medio conceptu spiritali res intelligit, de quo in lib. 3. de anima. Tum, quia assumo idem phantasma, hoc scilicet phantasma *animal*, & propono respectu illius argumentum factum: hoc Phantasma *animal* substituit pro ani-

mali, & non substituit pro rationali: sed substituere, & non substituerunt sunt prædicata ex se contradictoria: ergo de eodem realiter phantasmate, & respectu eiusdem realiter obiecti verificantur prædicata contradictoria. *Deinde*. In illo Phantasmate animal cognoscitur animal, & in illo eodem non cognoscitur rationale: sed rationale, & animal sunt idem realiter: ergo idem realiter cognoscitur, & non cognoscitur in eodem realiter phantasmate. Quare itandum est solutioni, quam ex D. Thoma desumpsimus supra num. 130. quamque alibi sæpe tradit, ut constet ex dictis in art. præcedente.

§. I V.

Reliqua argumenta soluantur.

164 **O** *Bijcies* 2. Intellectus media hac cognitione *ens* nullo modo intelligit connotata propria substantiæ, & accidentis, scilicet, *existere per se, vel in alio*; & tamē aliquo modo intelligit media illa cognitione *ens* substantiam, & accidens, cum non admittatur à Thomistis conceptus obiectivus entis ab inferioribus præcisus: ergo ratio conclusionis est nulla. *Et quidē* omnia argumenta pro nostra sententia facta manifestè instantur in ente; apparet enim esse per hanc cognitionem *ens*, quin per illam appareat tale, vel tale esse: & tamen hæc apærentia non est ex parte obiecti,

aliàs ex parte obiecti præscinderet à tali, vel tali esse: ergo ex hoc, quod appareat, repræsentetur, discernaturque animal per hanc cognitionem animal, quin appareat, repræsentetur, aut discernatur rationale, non bene inferitur, quod tota hæc præcisio non se teneat purè ex parte actus, sed etiam sit præcisio ex parte obiecti.

165 *Confirm.* Visus (idem de quolibet potentia materiali) est incapax præcisionis obiectivæ, aliàs posset suo actu facere vniuersale: & tamen viso à longe colorato, percipit colorem, & discernit, quin percipiat aut discernat talem, vel talem colorem: ergo ex rationibus pro conclusione propositis non inferitur præcisio, quæ sit obiectiva.

166 *Resp.* quod ex rationibus propositis pro conclusione inferitur legitimè præcisio, quæ non sit purè formalis, sed se teneat etiam ex parte obiecti, ac proinde sit præcisio obiectiva: quænam autem præcisio obiectiva debeat esse, perfecta scilicet, an imperfecta, hoc ex alijs principijs ab his, quæ in præfati firmavimus, pendet. *Pro quo* observa, quod præcisio obiectiva est duplex, alia perfecta, & quæ solet dici præcisio *penes excludens, & exclusum*, alia imperfecta, & quæ solet dici præcisio *penes explicitem, & implicitum*. Primi generis præcisione præscindit genus à differentiis, qualibetque ratio superior vniocas à suis inferioribus, ut insinuatū manet num. 127. & ex

professo propugnabitur infra q. 4. de Genere: diciturque præcisio hæc penes *excludens*, & *exclusum*, quia non solum intellegitur animal v. g. sine rationali, verum excludit à suo conceptu obiectiuo metaphisico rationale, ita, vt licet propter identitatem vtriusque sit verum absolute, quod animal est rationale, in sensu tamè reduplicatiuo, & formali sit falsum, animal enim in quantum animal, nec est rationale, nec irrationale, sed præcisè viuens sensibile.

167 *Secundi generis præcisio* ne præcindit ens à modis, seu differentiis entis, licet enim qui intelligit ens, vt exprimitur hac voce *ens* non intelligat differentias substantiæ, & accidentis, vt argumentum recte probat, sunt tamen de conceptu obiectiuo entis sub quacumque reduplicatione cognito: nam cum qualibet differentia, in quantum talis etiam, sit ens, nequit ens esse extra conceptum illius, nec differentia qualibet potest esse extra conceptum entis, quod sub quavis consideratione in se includit. *Hinc* dicitur hæc præcisio penes *explicium*, & *implicitum*, quia licet ens, vt ens, differentias non exprimat; eas tamen vt ens imbibit, & in se implicat, qua ratione nec ens dicit conceptum vniuocum, sed analogum, nec ex ente, & eius differentia sit compositio metaphisica, qualis fit ex genere, & differentia, quia talis compositio fit ex duplici conceptu, seu prædicato, quorum vnum non habeat in se aliud, vel includat, & idem dicen-

dam de prædicatis Divinis, quibus compositio metaphisica repugnat, licet enim vnum non exprimat aliud, & intelligatur sine alio, aliud tamen propter sui illimitationem includit.

168 *Hinc* cum postea quaest. 7. de transcendentia, analogia, & præcisioe entis dicitur à nostris, quod dum intelligitur ens, ibi intelliguntur *implicitè* substantia, & accidens, non hæc intendunt, quod ibi aliquo vero modo intelligantur: aliter, si implicitè intelligere, sit verè, & absolute intelligere, qui lumine naturali solo demonstrat Dei unitatem, verè, & absolute intelligeret eodem actu Trinitatem, cum in sententia Theomistica nulum predicatum diuinum præcindat præcisioe excludentis & exclusi ab alio prædicato identificato cum ipso. *Sensus* ergo est, quod substantia, & accidens sunt de conceptu metaphisico entis pro implicito, ita, vt quacumque præcisioe vtaris, ens imbibat ea inferiora, & si ea non exprimat, cum enim inferiora sint metaphisicè formaliter entia, nequeunt esse extra quemcumque conceptum, qui sit conceptus entis.

169 *Ex his* constat solutio ad argumentum, qui enim intelligit præcisè ens hac cognitione *ens*, nullo vero modo intelligit propria connotata inferiorum entis, sicque nullo vero modo intelligit media ea cognitione substantiam, & accidens; ex hoc autem malè contra conclusionem insurgis, cū

Thomistæ non negent præcisionem obiectiuam entis, sed talem præcisionem, qualem habet ratio generica à differentijs, scilicet, *penes excludens*, & *exclusum*, non tamen quæ sit penes *implicitum*, & *explicitum*, non quia intelligendo ens, intelligantur eadem cognitione eius interiora, sed quia sunt de essentia metaphisica pro implicito entis præcisi, ita vt de ipso nequeant negari, sicut vere negatur, & quod animal, vt animal, sit rationale, & quod rationale formaliter, vt tale, sit animal.

169 *Ad confirm.* resp. quod visus, cæterique sensus non dicuntur præcindere obiectiue, nisi tantum occasionaliter, prebent enim occasionem intellectui, vt inter rationes sensibiles identificatas distinctionem faciat, & sic vnam ab altera præcindat. *Hinc* in casu colorati a longe visi dicimus, quod visus vtrumque attingit, & colorem, & talem colorem, sicut semper attingit colorem in singulari: propter distantiam tamen, ita remissè informatur speciei representatione, vt discernere vix percipiatur albedinem, & si eam, tenuissimè saltem discernat. *Et quidem* sensus externi capaces non sunt præcisionis formalis, quæ vere sit talis, aliàs sensus externi operatione fieret vniuersale, quod est absurdum: quod ergo A.A. oppositi respondeant pro neganda præcisione formali, quam concedunt intellectui, idem nos respondebimus pro neganda sensui præcisione obiecti-

ua, quam intellectui concedimus.

170 *Obijcies* 3. Qui indiuisibile attingit, aut totum, aut nihil attingit, sed animal & rationale sunt ex parte obiecti entitas indiuisibilis: ergo vel animal non attingitur, vel animal rationale attingitur. *Confirm.* Qui concipit hoc obiectum, *substantia supernaturalis*, nequit affirmare, an sit verum ens, vel Chimæra; & tamen nequit præcindere ex parte obiecti substantiam supernaturalem ab ente, & Chimæra, repugnat enim, quod non sit verum ens, vel Chimæra: ergo & si intellectus possit cognoscere animal, ita, vt nequeat affirmare rationale, vel irrationale, non idè sequitur, quod cognoscens animal, præcindat à rationali, & irrationali.

171 *Resp.* dist. in. mai. si sit indiuisibile, tam realiter, quam per rationem, conced. mai. si sit indiuisibile, solum realiter neg. mai. alias non posset etiam attingi clarè vñ, quin clarè attingeretur aliud, quod Adversarii negant. *Ad confirm.* concessa mai. disting. min. nequit præcindere, perfecte, & quoad implicitum, conced. min: imperfectè, & quoad explicitum neg. min. & neg. consequ. quia de essentia metaphisica animalis non est rationale, vel irrationale, sicut est de essentia metaphisica substantiæ supernaturalis, si hæc nõ repugnat, ratio entis illam transcendens, vel ratio Chimæra, si eiusmodi substantia repugnet; quo tamen non obstante, potest quoad explici-

citum ab utroque præcendi, quia nec explicat esse proprium entis, nec repugnantiam propriam Chimeræ.

172 Denique obijcies. Distinctio rationis inter animal & rationale, non est obiectiva, seu non se tenet ex parte obiectorum: ergo nec præcisiō. Patet conseq. ex dictis, & antec. prob. 1. Per hoc præcisè, quod intellectus distinguat animal a rationali; animal est per rationē distinctum ab illo: sed ut intellectus distinguat animal, nulla ex parte obiecti desideratur distinctio, intellectum quippè distinguere consistit formaliter in actu distinguente, scilicet, in cognitione attingente animal sine rationali: ergo nulla desideratur distinctio ex parte obiecti, ut animal distinguatur per rationē à rationali. Prob. 2. idem antec. Talis distinctio rationis est vnitas rationis, qua scilicet animal obijcitur, ut in se vnum, & distinctum ab omni non ipso: sed eiusmodi vnitas non se tenet ex parte obiecti, Tam quia non facile assignabitur in quo consistat. Tum quia si se teneret ex parte obiecti, attingeretur per cognitionem præcipientem: sed per hanc cognitionem animal eiusmodi vnitas non attingitur, sed solum animal: ergo non se tenet ex parte obiecti.

173 Confirm. 1. Maiorem connexionem habet animal cum vnitate reali, quam cum vnitate rationis ficta obiectiue: sed potest animal cognosci præcisè sine prima, alia non posset cognosci sine ra-

tionali: ergo potest etiam cognosci sine secunda. Confirm. 2. Distinctio rationis talis est, qualis compositio per rationem, seu metaphisica; sed hæc compositio non est obiectiua, cum prædicata diuina per rationem distincta nequeant subire obiectiuam compositionem: ergo nec distinctio rationis est obiectiua.

174 Argumenti materiam sæpe retigimus tum quæst. 1. art. 2. vbi ex professo ostendimus obiectum Logicæ non consistere formaliter in ipsis actibus discernentibus, aut diuidentibus, nec in denominatione extrinseca ab ipsis desumpta. Tum tota quæst. 2. nec non inter probandam præsentem conclusionē. Quæ neg. ante. Ad eius 1. prob. disting. mai. Per hoc præcisè, quod intellectus distinguat, animal est per rationem distinctum extrinsece cōced. mai. intrinsece sub disting. vialiter, & in fieri conced. mai. formaliter, & in facto esse neg. mai. Distinctio inter animal, & rationale nequit esse realis, ac proinde nequit formaliter consistere in ipsis cognitionibus, sed solum effectiue, quatenus per cognitionē introducitur, seu ex vi illius resultat distinctio, qua obiecta formaliter; & complete denominentur, distincta quæ vialiter solum, & in fieri denominantur distincta per actionem distinguentem: quæ doctrina exemplo cuiuscunque actionis introducētis formam in materia inuenitur robusta, & explicata in cit. quæst. 1. art. 2.

175 *Ad 1. prob. antec. concessa mai. neg. min. Ad cuius primam, prob. dicimus, quod vnitatis positiva obiecti præcisiue attracti animalitatis v. g. consistit in carentia pluralitatis, vt concepta per modum formæ efficientis positivæ animal, illudque reddens positivæ formaliter vñ in se, & distinctū a differentijs, per quas contrahitur. Vnitatis vero negativa consistit in eo, quod obijciatur, ipsū animal, no obiectis differentijs, quibus diversificatur; siue ac si solum esset animal; sicut in sententia opposita consistit talis vnitatis in eo, quod per cognitionē appareat animal, & non appareant differentia. Prior vnitatis signate attingitur, & exprimitur hac cognitione *Genus*, & per vocem secundæ intentionis significatur; secunda vero exercitè solum, & ex consequenti attingitur per cognitionē, qua signate, & directè attingitur animal, eo modo, quo supra quest. 1. art. 2. diximus attingi respectus subiecti, & prædicati per iudicium signate enuntians animal v. g. de homine; vnitatis enim negativa non tam consistit in exclusionē pluralitatis, quam in præcisione ab illa, quæ exercitè, in concreto representatur per cognitionem signatè representantem solum animal, per quod constat ad 2. prob.*

176 *Ad 1. Confirm. resp. disting. mai. Maiorem connexionem in esse rei, conced. mai. in esse obiecti neg. mai. & concessa min. neg. consequ. sicut in sententia opposita, & si maiorem habeat connexionem ani-*

mal cum vnitatis reali intrinseca, quam cum extrinseca desumpta ab apparentia, seu representatione clara cognitionis, potest nihilominus apparere, seu clare cognosci sine prima vnitatis, & non potest apparere, seu clare cognosci sine secunda.

177 *Ad 2. confirm. concessa mai. neg. min. nec inserta probatio illam suadet, quia licet compositio metaphisica exigit extrema per rationem distinctam, non tamen potest talis compositio resultare ex extremis quomodolibet per rationem distinctis; requiritur enim talis distinctio, vt vna ratio obiectiua aliam non includat in suo conceptu metaphisico, & nō sufficit, quod illam non exprimat, qua ratione, nec vñum prædicatum Divinum, & si ab alio penes explicitum distinctum obiectiue, facit compositionem metaphisicam cum illo, nec ens cum differentijs, à quibus solum pro expressio præcendit obiectiue.*

178 *Ex dictis insertur, quod gradus superiores, & inferiores sola distinctione rationis actu formaliter distinguuntur; non enī distinguuntur actu à parte rei distinctione reali simpliciter, cum sint gradus ab eadem indiuisibili entitate provenientes in genere causæ formalis; nec distinguuntur actu formaliter à parte rei distinctione media, seu formali ex natura rei, vt ostendimus art. 2. nec distinctione virtuali; quæ sit distinctio actu, & cuius beneficio suscipiant à parte rei*

rei prædicata contradictoria vt art. 3. monstrauimus: solum ergo ex dictis ibi distinguuntur à parte rei virtualiter, in hoc sensu, quod ratione æquiualentia ad plura eadem entitas præbet nostro intellectui fundamentum, vt eam in plures formalitates diuidat, seu distinguat, quæ distinctio est actu formaliter distinctio per intellectum tantum: differunt ergo distinctione formali actuali solum per rationem, & si fundamentum distinctionis sit actu à parte rei.

ART. V.

In quonam statu sit natura vna, & communis pluribus?

179 **O**stendimus supra art. 1. huius quærit. quod natura vna, & pluribus communis, qua unitate, & communitate est vniuersalis, non datur realiter separata à singularibus; modo restat indagare, an prædictis gaudeat, vel in statu contractionis ad singularia, vel in alio statu ex his, in quibus Logici, nec non Metaphisici solent considerare naturam. Et quia communitas, quasi consequitur unitatem, ex eisdemque principiis vtrumque determinatur, vt ex dicendis constabit, ideo, non diuisum, sed simul pro unitate, & communitate naturæ vniuersalis præfens dubium excutatur.

§. I.

Prænotantur aliqua.

180 **N**otandum est 1. quod unitas potest sumi, vel latè, vel strictè: accipitur latè, cum accipitur pro conformitate, vel similitudine, aut proportionem duorum in aliquo prædicato, seu munere, qua ratione plura similia, in ratione, in qua sunt similia, reputantur vnum, & hæc conformitas dicitur latè unitas, cum reuera distinctionem, & diuersitatem includat, vnde solet proprius dici unitas fundamentalis, quatenus similitudo plurium in aliqua ratione fundamentum est, vt intellectus concipiat ea vt vnum. Unitas strictè sumpta est carentia distinctionis, aut diuisionis, vnde quot modis fuerit distinctio, tot modis erit unitas. Distinctio autem est duplex, formalis, & materialis: Distinctio formalis est distinctio per principia formalia, hoc est, per prædicata essentialia, qualiter dicuntur formaliter differre homo, & Equus. Distinctio materialis, quæ etiam solet dici distinctio numerica, est distinctio per principia materialia, idest, per prædicata indiuiduantia, qua ratione differunt numericè Petrus, & Paulus.

181. Hinc consequenter unitas est duplex, formalis scilicet, & materialis: Unitas formalis est carentia diuisionis per principia formalia, quæ sunt prædicata essentialia rei,

rei, qua ratione duo indiuidua eiusdem speciei solent dici vnum formaliter. *Vnitas materialis* est carentia diuisionis per principia materialia, seu indiuiduantia, qua ratione Petrus est vnus numero, quia est materialiter indistinctus. *Et quia* diuisio formalis subdiuiditur in genericam, & specificam, vnitas etiam formalis alia est generica, alia specifica: *Generica* est, quæ distinctionem genericam excludit, vt homo, & Equus, qui non differunt genere, sunt vnum genericæ. *Vnitas specifica* est, quæ excludit distinctionem specificam, vt Petrus, & Paulus, qui specie non differunt, dicuntur vnum specificæ. *Ex his* vnitatibus illa dicitur maior, quæ magis excludit de distinctione, sicut minor, quæ minus de distinctione excludit; vnde vnitas generica, quæ nec distinctionem specificam, nec numericam excludit, est minor vnitas, quam specifica, quæ solam distinctionem numericam secum comparitur; specifica autem est minor, quam vnitas numerica, quæ est omnium maior, cum excludat distinctionem genericam, specificam, & numericam.

182. *Notandum est* 2. quod natura, quæ denominatur vniuersalis, potest in triplici statu considerari, scilicet, *secundum se*, vt contracta ad *singularia*, & *prout in intellectu*. Primus status dicitur status solitudinis, in quo solū consideratur prædicata essentialia naturæ, vnde quod posituè conuenit naturæ secundum se, in omni statu ei com-

petit, cum in quocumque statu committentur naturam eius prædicata essentialia. Secundus status est status concretionis ad singularia, & ad exercitiam naturæ existentiam, in quo statu plura ei conueniunt, quæ ipsi secundum se, aut in alio statu non competunt, nam in tali statu plura habet accidentalialia, quæ ipsam necessario non comitantur. *Tertius* status est status præcisionis, in quo considerantur, quæ ultra prædicata essentialia, ei conueniunt beneficio intellectus, vt ratio generis, speciei, & similibus; & quia hæc accidentalialia quoque sunt, sicut & ipse status, non petunt adesse semper naturæ in quouis statu.

183. *Vt igitur* ad id, in quo est difficultas, deueniamus, supponendum est 3. quod natura prout in intellectu gaudet vnitatem positiuam, & communicabilitatem, seu aptitudine ad essendum in multis: qua vnitatem, & aptitudinem (in quocumque pro nunc consistant) est vniuersalis. Ratio est quia natura prout in intellectu habet statum, vi cuius sit, aut denominetur vniuersalis formaliter: sed vt sit formaliter vniuersalis, requiritur, quod gaudeat vnitatem positivam, & aptitudine ad essendum in pluribus, vt ex diffinitione vniuersalis explicata supra art. 1. manifestè constat: ergo eiusmodi vnitatem, & aptitudinem gaudet natura prout in intellectu. Maior constat ex eo, quod licet impugnetur ab omnibus natura vni-

versalis Platonica separata realiter à singularibus, & aliqui videantur tribuere vniuersalitem naturæ, vel secundum se, vel etiam prout contractæ ad singularia, conveniunt tamen omnes in eo, quod saltem prout in intellectu sit vniuersalis; licet sub dubio sit, in quo talis vniuersalitas consistat, de quo, præter dicta tùm in artic. immediatè præced. tùm art. 1. ex professo disputabitur in art. sequentibus.

184 Similiter, vt indubium debet supponi, quod natura prout in singularibus est vna vnitatem similitudinis, & conformitatis, quâ initio art. descripsimus, quæque dicitur vnitatem fundamentalis; hæc enim consistit in eo, quod natura reperta in vno singulari sit similis naturæ repertæ in altero: sed natura reperta in Petro v. g. est similis naturæ Pauli; nam sicut Petrus est homo, ita Paulus est homo: ergo natura prout in singularibus est vna fundamentaliter, hoc est, est vna vnitatem similitudinis, & conformitatis.

185 Reducitur ergo litigium ad vnitatem propriè sumptam, pro carentia scilicet distinctionis, aut diuisionis, & inquiritur, an præter vnitatem numericam, qua in vnoquoque individuo gaudet natura, Petrus enim est vnus numero, habeat quoque vnitatem formalem à numerica distinctam, & vi cuius natura prout in Petro, in Paulo, & cæteris indiuiduis sit vna, & eadem natura formaliter, ita, vt licet nu-

merice multiplicetur in illis, illam nihilominus retineat vnitatem formalem. Et idem etiam est litigium respectu naturæ secundum se, an scilicet gaudeat secundum se, seu essentialiter considerata, aliqua vnitatem. Et quia vnitatem alia est positiva, vi cuius scilicet excluditur pluralitas, alia negativa, & quæ consistit in eo, quod natura non dicat pluralitatem, de vtraque procedit præsens debim, sicut & de duplici naturæ communitate; alia negativa, quæ consistit in eo, quod natura nulli sit indiuiduo appropriata, vnde ipsi non repugnet esse in pluribus, alia positiva, & vi cuius natura sit absolutè, & positivè apta ad essendum in pluribus.

§. I.

Excluditur vnitatem, similiterque communitatem positivam, quam negativam, à natura in statu contractionis.

186 **S**It prima conclusio. Natura, vt à parte rei existens in singularibus, non est vna vnitatem formali positiva. Opposita sententia tribuitur communiter Scotto in lib. 2. sent. dist. 3. quæst. 6. quia licet non dubitet quamvis naturam creatam numericè multiplicari, & diuidi in singularibus, docet nihilominus illam remanere vnitatem formalem, quia diuisionem numericam non habet natura ex se, sed à singularitate, à qua diuin-

distinguitur distinctione formali ex natura rei: licet alij contendant solam vnitatem negativam propugnasse Subt. D. in natura contracta. Conclusio tamen proposita prob. Natura prout in singularibus est multiplex, & diuisa: ergo prout in singularibus non est vna vnitatem positiua. Antec. patet, nam in Petro, & Paulo sunt duæ naturæ, in creatis enim nequit vna, & eadē natura esse in pluribus suppositis, conseq. vero prob. Naturam esse vnā vnitatem positiua, est naturam excludere sui diuisionem, cū vnitas positiua diuisionem excludat: sed natura multiplex, & diuisa non excludit diuisionem, siquidem illam habet: ergo si prout in singularibus est multiplex, & diuisa: prout in singularibus non est vna vnitatem positiua.

187 Dices, quod natura in statu contractionis est diuisa realiter, & numericè, est tamen vna formaliter, quia diuisio numerica non opponitur vnitati formali, sed solum vnitati reali numericæ.

188 Sed contra est 1. Illa vnitas formalis vere est talis à parte rei, vereque à parte rei existit: ergo est vnitas realis: ergo natura vna illa vnitatem positiua est absolute vna, & eadem natura realiter: sed vltius est absolute multiplex realiter, cum à parte rei sit diuisa diuisione, quæ absolute facit naturam multiplicem realiter: ergo est absolute eadem realiter natura, & multiplex natura realiter, consequens est falsum, & manifestè implicans: ergo

falsum est id, ex quo sequitur. Omnia constant ex dictis in art. 2. contra distinctionem mediam, cuius impugnationibus hæc quoque impugnatur sententia de vnitatem formali nature, vt pote quæ ex distinctione media ortum trahit.

189 Contra 2. Naturam prout in Petro, & prout in Paulo seruare illā vnitatem formalem, est, quod natura prout in Petro, & prout in Paulo sit natura eadem aliqua identitate verè, & in re tali, aliter, vel vnitas illa formalis non erit propriè vnitas, vel non manebit à parte rei illæsa in statu contractionis: sed repugnat, quod natura creata in pluribus sit suppositis realiter distinctis, & quod sit eadem natura identitate, vere, & in re tali: ergo repugnat quod natura prout in singularibus seruet illā vnitatem formalem. Min. constat ex eo, quod naturam vera identitate eandem esse in pluribus realiter distinctis, est proprium nature Diuine, quæ eadem est in tribus diuinis personis.

190 Nec sufficit si dicas, quod natura Diuina est eadem indiuidualiter in tribus Personis, natura vero humana v.g. est eadem formaliter, secus tamen indiuidualiter, in Petro, & Paulo.

191 Nam contra est, quia indiuiduationes diuersas cum natura identificatas ipsam non diuersificare realiter in esse nature, non minus difficile apparet, & excellens, quā quod plures personalitates cum natura identificatæ ipsam rea-

realiter non distinguantur: sed primū aperit fatetur solutio, propugnatque in natura creata: ergo nec minus difficile, nec minus excellens quid fatetur de natura creata, quam quod in supremo Trinitatis Mysterio fatetur catholicē de natura Diuina. *Explicatur.* Iuxta doctrinam solutionis natura creata nullam accipit in se diuersitatem ex diuersis indiuiduationibus, quibus indiuiduatur, sed inuenit à parte rei illa in sua vnitatem propria naturæ, sicque est vna natura cum pluribus indiuiduationibus realiter distinctis: sed non minus difficile est, quod sit vna à parte rei natura cum pluribus singularitaribus realiter distinctis, quam quod sit vna & eadem natura cum pluribus personalitatibus distinctis; ergo non minus excellens quid fatetur de natura creata, quam quod veneramur in natura Diuina.

192. *Confirm.* Natura in Petro, & Paulo, vt distincta in re distinctione illa media, est in re eadem omnino natura: ergo in Petro, & Paulo solæ singularitates sunt distinctæ, natura vero manet in re indistincta: ergo Petrus, & Paulus non sunt plures homines, sed vnus homo. Prob. conseq. *Tum* quia ideo tres Personæ in diuinis non sunt plures Dii, sed vnus Deus, quia licet personalitates sint plures, natura diuina est eadem realiter in illis: ergo si in Petro, & Paulo est eadem

in re natura, restō singularitates sint plures, Petrus, & Paulus non erunt plures homines, sed vnus homo. *Tum* quia ideo primum est verum, quia quæ significantur nomine substantiuo, quale est *ly Deus*, non dicuntur plura, nisi formā plurificetur, nomina enim numeralia adiuncta nomini substantiuo numerant formas iuxta D. Thomam 1. p. q. 39. art. 3. sed *homo* est nomen substantiuum, formaque significata est natura humana: ergo Petrus, & Paulus non sunt plures homines, si natura humana est in illis vna, & eadem natura.

193. *Vergetur.* Natura Petri perseverat in re vna, & eadem cum natura Pauli aliqua identitate vere tali, & si non identitate numerica, & materiali: ergo cum desinit esse, vel incipit existerre Petrus, incipit esse, vel desinit esse in re aliquid Pauli. Patet conseq. nam quid magis Pauli, quam eius natura; at incipiente existerre, vel desinente Petro, incipit esse, vel desinit natura Pauli, siquidem incipit, vel desinit esse natura Petri, quæ aliqua vera identitate est natura Pauli: ergo incipit, vel desinit esse aliquid Pauli. Consequens autem, quā absurdum sit, satis patet, ex eo enim sequitur, quod solam indiuiduum primo existens in aliqua natura, simpliciter incipiat, similiterque solum desinat simpliciter esse, indiuiduum, quod vltimo perijt;

nam alia indiuidua, præter primum, iam supponebant sui propriam naturam a parte rei existentem, sicut & illam relinquunt existentem; quæ aliud post se relinquunt existens indiuiduum.

194. *Secunda Conclusio. Nec vnitas formulis negatiue competit naturæ in statu contractionis.* Prob. Natura vna vnitate negativa est natura nulli indiuiduo appropriata: sed natura propterea in statu contractionis est natura appropriata indiuiduis: ergo natura propterea in statu contractionis non est natura vna vnitate negativa. *Confirm.* Natura vna vnitate negativa est natura, cui non repugnat esse in pluribus, & identificari cum illis: sed naturæ in statu contractionis repugnat esse in pluribus, & identificari cum illis: ergo natura in tali statu non est vna vnitate negativa. Prob. min. Natura in statu contractionis est natura in singulari, natura scilicet, quæ est in Petro, vel quæ est in Paulo: sed naturæ, quæ est in Petro, repugnat esse, & identificari cum pluribus: ergo repugnat esse, & identificari cum pluribus naturæ in statu contractionis.

195. *Si dicat, quod naturæ Petri repugnat identificari cum pluribus, non ex se, & ratione naturæ, sed ratione hæccetatis, cum qua de facto identificatur in Petro.* Contra est. Naturæ Petri ratione identitatis cum hæccei-

tate, siue singularitate Petri repugnat identificari cum pluribus, sed naturæ Petri repugnat casus, in quo non identificetur cum singularitate Petri: ergo repugnat absolute casus, in quo natura Petri identificetur cum pluribus: ergo ipsi naturæ Petri repugnat ex se identificari cum pluribus, cum ipsi ex se repugnet non identificari cum singularitate, ex qua iuxta solutionem habet non posse identificari cum pluribus.

196. *Confirm. & explicatur.* Naturæ Petri ex se non repugnare, quod identificetur cum natura Pauli, vel denotat, quod repugnantia non oritur ex natura metaphysicè, & præcisiuè considerata, vel quod non oritur ex ipsa, ut in re distincta (distinctione scilicet media) à Petreitate: si primum, non est ad rem; si secundum, est omnino falsum: ergo solutio ex omni parte est nulla. Min. quoad 1. partem est certa, nam natura sub illa præcisione est natura, vel secundum se, vel propterea in intellectu, de quo statim modo non disputamus. Quoad 2. verò partem prob. Naturæ Petri, ut in re distincta à Petreitate, repugnat non esse naturam Petri: ergo ipsi, ut in re distincta à Petreitate, repugnat identificatio cum natura Pauli. Prob. conseq. cui conuenit antecedens, conuenit consequens, quod ex antecedente legitime inferitur: sed ad repugnantiam cum eo, quod non sit natura Petri, sequitur legitime repugnantia cum eo, quod identi-

ficitur cum natura Pauli: ergo si naturæ Petri, ut in re distinctæ a Petreitate, convenit repugnantia ad primam, convenit, quoque ipsi, ut in re distinctæ a Petreitate, repugnantia ad secundam.

197 *Confirm.* 2. Naturæ Petri, ut est in re, non repugnat ex se, quod identificetur cū natura Pauli: ergo natura Petri, ut in re est, potuit ex se realiter separari ab eo, cum quo realiter identificatur, & identificari cum eo, à quo est realiter separata: Consequens est manifeste implicatorium: ergo falsum est antecedens. Prob. 1. conseq. quæ sola probatione eget. Natura Petri est realiter identificata cum singularitate Petri, & est realiter separata à singularitate Pauli: sed ut sit natura Pauli, requiritur, quod identificetur cū singularitate Pauli; & sit realiter separata à singularitate Petri: ergo si naturæ Petri, ut in re est, non repugnat ex se, quod identificetur cū natura Pauli, potuit, quantum est ex se, separari ab eo, cum quo identificatur, & identificari cum eo, à quo est separata.

198 *Vergetur* Naturæ Petri non convenit realis identitas cum singularitate ratione ipsius singularitatis, cum identitas dīorum ex natura utriusque proveniat: ergo natura Petri, petit identitatem realem cum singularitate Petri, ratione sui, & non ratione singularitatis: sed quod ratione sui petit identitatem cum singularitate Petri, ratione sui habet repugnantiam, ut sit natura

Pauli, ut ex dictis patet: ergo ipsi naturæ Petri, ut à singularitate distinctæ, repugnat identificatio cum natura Pauli.

199 *Hinc inferitur*, quod non solam unitatem negativam, sed unitatem etiam positivam teheantur propugnare in natura contraria AA. oppositi, quidquid in contrarium plures reclamant. Naturam quippe esse unam unitate positiva, est, quod natura Petri, & Pauli sit una, & eadem natura, identitate aliqua in re tali: sed si natura Petri, ut à Petreitate distincta, non habet per quid distinguatur (in quo consistit unitas negativa) à natura Pauli, natura Petri, & Pauli est eadem natura, identitate aliqua in re tali: ergo vel non est una negativè natura Petri, & Pauli, vel est una positivè. Prob. min. Hoc esse, & illud esse, & hoc non esse distinctum ab illo in aliqua ratione ab extremis participata, est esse idem in tali ratione cum illo, cum carentia distinctionis in ratione utriusque extremo convenientis sit identitas in tali ratione, supposita extremorum existentia: sed natura Petri, ut distincta à Petreitate, est in re, sicut & natura Pauli, ut à sua singularitate distincta, & alias pro ut sic existentes non habent per quid distinguantur in ratione naturæ, quam utraque participat: ergo natura Petri, & Pauli est una, & eadem natura identitate aliqua in re tali.

200 *Explicatur ideo non vale r. Ens rationis non distinguitur realiter a ente reali, ergo est idem realiter cum illo,*

quia ens rationis non est extremū reale, aut realiter existens, sicque antecedens negatiuum, quod verificatur per non suppositionē extremorū, non infert consequens illud affirmatiuū: Similiter non valet; *Lapis est, & homo est, & homo, & Lapis non distinguuntur in ratione accidentis: ergo in ratione accidentis sunt idem*; quia cum ab ipsis non participetur ratio accidentis, verificatur non distingui in tali ratione, per nō suppositionem illius, ex quo male infertur affirmatio identitatis in tali ratione: at si Petrus est homo, Paulusque est homo, & Petrus, & Paulus non essent in re distincti homines, Petrus, & Paulus (per legitimam consequentiam) essent in re vnus homo: *Tunc sic*. Sed natura humana Petri, & Pauli, vt formaliter in re distincta à singularitatibus, est in re, & vt formaliter in re distincta à singularitatibus non habet in re per quid distinguitur in esse naturæ: ergo à parte rei est eadem natura humana, identitate in re tali, identitate scilicet formali, quæ sicut distinctio formalis media, est vere identitas à parte rei.

101 Ex his habetur, quod à parte rei nō detur vnitas formalis distincta in re ab vnitate numerica; talis enim vnitas formalis esset vnitas, qua natura, vt à sua indiuiduatione distincta, esset vna formaliter à parte rei in omnibus indiuiduis, aliter natura omnium indiuiduorum est multiplex, & diuisa realiter secundum omnem sui rationem prout à

parte rei, sicque nullam aliam habet in re vnitatem, quàm numericam, qua gaudet in hoc indiuiduo, distincta ab alia vnitate numerica, qua gaudet in alio; sed probatur eī nullam dari vnitatem, qua natura sit à parte rei vna formaliter, vel positiuē, vel negatiuē in omnibus indiuiduis: ergo non datur à parte rei vnitas formalis distincta in re ab vnitate numerica.

102 Tertia conclusio. *Natura in statu contractionis non est communis pluribus, nec positiuē, nec negatiuē, consequenterque non datur vniuersale formaliter à parte rei*. Conclusio hæc legitime deducitur ex præcedentibus; vnde breuiter probatur, & primò prob. quoad 1. partem. Natura cōmunis pluribus positiuē est natura, quæ in se vna existens, potest identificari cum pluribus realiter distinctis: sed natura in statu contractionis non est natura, quæ vna existens, possit identificari cum pluribus realiter distinctis: ergo in statu contractionis non est communis pluribus positiuē. Min. prob. ex dictis. *Tūm* quia à parte rei non datur natura vna *Tūm* quia à parte rei natura Petri v. g. ita est natura Petri, vt non possit esse natura Pauli. *Tūm* quia in eo, quod natura seruant omninō illāsam vnitatē naturæ communicetur pluribus realiter distinctis per identitatem cum illis, consistit *Mysterium ineffabile Trinitatis*, in qua natura Diuina in multiplicata identificatur cū tribus personis realiter distinctis, quod de nulla natura creata fas est dicere,

203 *Prob. deinde* Conclusio quoad 2. partem. Natura communis negatiue est natura ex se nulli appropriata, ac proinde est natura, cui ex se non repugnat identificari cum pluribus: sed ex dictis constat, quod natura in statu contractionis est ex se (hoc est, vt à singularitate distincta) appropriata indiuiduo, & cui ex se (in eodem sensu) repugnat identificari cum pluribus: ergo in statu contractionis non est communis pluribus negatiue. *Confirm.* naturæ Petri repugnat identificari cum alijs à Petro, diuiniue ab identitate cum Petro, repugnat etiam identificari cum alijs in sensu composito identitatis cum Petro: ergo repugnat absolute identificari cum pluribus: Min. constat: nam in sensu composito identitatis cum Petro est Petrus, cui essentialiter repugnat identificari cum alijs indiuiduis. Mai. autem prob. cui repugnat diuidi ab identitate cum Petro, repugnat aliquid diuiniue ab identitate cum Petro: sed naturæ Petri repugnat diuidi ab identitate cum Petro: ergo repugnat identificari cum alijs diuiniue ab identitate cum Petro. Ex quo probatur manet, quod eiusmodi repugnantia conuenit in re naturæ ex se, vt distinctæ scilicet à Petreitate, nam repugnantia, vt non identificetur cū Petreitate, nequit ratione Petreitaris conuenire, vnde vel ipsa natura, sine vlla in re distinctione (vt nos dicimus) est Petreitas, vel si in re distinguitur, ipsi, vt in re distinctæ conuenit repugnantia.

204 *Ex his probatur* manet tertia pars conclusionis, quæ per modum corollarij infertur ex alijs; nam vniuersale formaliter est natura, quæ vna, & eadem existens identificatur cum pluribus: sed probatum est, quod nulla natura in re vna manens potest identificari cum pluribus, & natura prout in statu contractionis est natura prout in re, siue realiter sumpta: ergo natura prout in statu contractionis, ac proinde natura vt à parte rei existens nequit esse formaliter vniuersalis. *Quod confirm.* ex D. Thoma 1. part. quæst. 85. art. 2. ad 2. asserente, quod denominatio vniuersalis competit rebus ratione solius abstractionis intellectualis: non ergo conuenit ipsis prout in re.

§. III.

Soluntur argumenta.

205 **O** *Bijcies* 1. contra primam conclusionem. Vnitas formalis est carentia diuisionis penes principia formalia: sed Petrus, & Paulus à parte rei carent diuisione penes principia formalia naturæ humanæ: ergo à parte rei sunt vnum formaliter in natura humana, ac per consequens natura humana vtriusque est à parte rei eadem formaliter natura *Prob. min.* Petrus, & Paulus à parte rei carent distinctione specifica, non sunt enim distinctæ speciei: sed carentia

tia distinctionis specificæ est carentia distinctionis penes principia formalia naturæ, in his quippe consistit species rei: ergo Petrus, & Paulus carent diuisione penes principia formalia.

206 *Confirm.* Quia homo, & Equus à parte rei non sunt eiusdem speciei, distinguuntur realiter formaliter: ergo si Petrus, & Palus à parte rei non sunt distinctæ speciei, à parte rei sunt vnum formaliter.

207 *Resp.* concessa mai. neg. min. Ad eius prob. disting. mai. carent à parte rei distinctione specifica, sumpta specie fundamentaliter, conced. min. sumpta specie formaliter, sub disting. carent distinctione specifica, per negationem suppositi, per hoc scilicet, quod species formaliter non datur à parte rei, conced. mai. per participationem rationis, in qua non differunt neg. mai. Tunc enim carentia distinctionis in aliqua ratione infert identitatem in illa, cum eiusmodi ratio participatur ab extremis, si autem non participatur ab extremis, carentia distinctionis non infert identitatem, qua ratione diximus num. 200. non valere. *Homo, & Lapis non differunt in ratione accidentis: ergo sunt idem in ratione accidentis, & similiter non valet, Deus non est distinctæ speciei à creaturæ, ergo est eiusdem speciei cum illa, quia scilicet Deus in nulla est specie: Similiter ergo Petrum, & Paulum carere à parte rei distinctione specifica, seu non esse distinctæ speciei, non infert, quod à parte rei sint idem in specie, nisi tantum*

fundamentaliter, quia à parte rei non datur species formaliter, cum species formaliter sit secunda intentio, quæ independenter ab operatione intellectus non datur; datur tamen fundamentaliter, sed cum fundamentaliter sumpta nil aliud sit, quam similitudo naturæ huius individui cum natura alterius, ex huius diuisionis carentia solum infertur vnitas proportionis, & conformitatis, quæ improprie est vnitas iuxta notata in initio dubij.

208 *Hinc cum dicitur, quod carentia distinctionis specificæ est carentia diuisionis penes principia formalia. Resp.* quod in eodem sensu, in quo est carentia distinctionis specificæ est carentia diuisionis penes illa principia; carentia enim distinctionis specificæ sumpta specie formaliter, est carentia diuisionis penes principia formalia metaphysice, vel præcisiuè considerata, quia solum præcisiuè sumpta denominantur à secunda intentione speciei; vnde sicut verificatur, quod Petrus, & Paulus carent à parte rei distinctione specifica, per negationem suppositi, scilicet, quia nec vnitas, nec distinctio in specie formaliter sumpta datur à parte rei, ita verificatur, quod carent diuisione penes principia formalia præcisiuè sumpta, quia prout sic sumpta non dantur illa prædicata à parte rei: Et sicut verificatur, quod carent distinctione specifica, sumpta specie fundamentaliter, quia à parte rei sunt

idem

idem in specie fundamentaliter, ita verificatur, quod carent diuisione peres principia formalia, sumpta diuisione pro dissimilitudine, sunt enim à parte rei vnum in principijs formalibus, vnitare similitudinis, ex qua sumit fundamentum intellectus, vt Petrum, & Paulum concipiat vt vnum, & idem in ratione hominis.

209 Dices: ergo Petrus, & Paulus sunt à parte eiusdem speciei fundamentalis: sed species fundamentalis nil aliud est, quam natura eorū specifica: ergo à parte rei est eadem in vtroque natura specifica. *Vltimus.* Petrus & Paulus à parte rei non sunt actualiter eiusdem speciei: ergo à parte rei sunt actualiter distinctæ speciei: consequens est falsum: ergo falsum est id, ex quo sequitur.

210 Resp. ad 1. instantiam concessa cōseq. disting. min. sub sumptam: species fundamentalis nil aliud est, quam natura specifica, præcisue considerata neg. min. considerata, vt est in re, sub disting. considerata, vt est in re absolute, neg. min. vt est in re, relatè ad naturam ad alterius individui, conc. min. & disting. conseq. est eadem à parte rei, vnitare similitudinis natura specifica conced. conseq. est eadem, vnitare identitatis neg. conseq.

natura specifica præcisue sumpta, & in qua sic præcisue sumpta sunt Idem Petrus, & Paulus, non est species fundamentalis, sed formalis; est autem species fundamentalis vt est realiter à parte rei, non quidem absolute sumpta natura Petri, nec absolute sumpta natura Pauli, sed

natura Petri vt similis, & proportionem habens cum natura Pauli, sic enim, & si multiplex sit realiter, fundat ratione proportionis, & convenientiæ viam secundam intentionem speciei, qua apprehenditur ab intellectu vt vna, & eadem natura communis Petro, & Paulo.

211 Ad 2. instantiam concessa anteced. neg. conseq. quæ eodem vitio laborat, ac præcedentes, nam cum species actu talis non detur à parte rei; Petrus, & Paulus à parte rei nec sunt actu, siue actualiter eiusdem, nec diuersæ speciei; nisi speciem sumas fundamentaliter, tunc enim concedendum est, quod actualiter sunt eiusdem speciei fundamentalis, sed hæc identitas improprie est talis, cum solum sit vnitas, seu identitas similitudinis, & proportionis iuxta iam dicta.

212 Hinc ad Confirm. principalis argumenti Resp. quod Homo, & Equus sunt distinctæ speciei, tam considerata specie formaliter, quam fundamentaliter, vnde non mirum, quod distinguantur formaliter à parte rei; ceterum Petrus, & Paulus à parte rei sunt eiusdem speciei solum fundamentaliter, quod præcisè arguit vnitatem formalem improprie talem, vnitatem scilicet proportionis, & conformitatis.

213 Si dicas, Quod homo, & Equus non sint à parte rei eiusdem speciei, nec actualiter, nec fundamentaliter, infert, quod à parte rei

non sint idem realiter formaliter: ergo quod Petrus, & Paulus non sint à parte rei distinctæ speciei, nec actualiter, nec fundamentaliter, infert, quod à parte rei sint idem realiter formaliter. Neg. consequ. quæ manifeste instatur. Nam quod Homo, & Equus non sint à parte rei eiusdem speciei, nec actualiter, nec fundamentaliter, infert, quod non sint idem realiter formaliter; & tamen, quod Deus, & creatura non sint à parte rei distinctæ speciei, nec actualiter, nec fundamentaliter, non infert, quod à parte rei sint idem realiter formaliter. Defectus ergo consistit in eo, quod sæpè diximus, nam cum ratio speciei actualis, ex qua sola potest inferri identitas formalis, non detur à parte rei, male colligitur ex eo, quod Petrus, & Paulus à parte rei non sint distinctæ speciei actualis (quod verificatur per non suppositionem speciei) quod sint idem formaliter à parte rei, cum aliàs ex non distinctione in specie fundamentalis, quam Petrus, & Paulus à parte rei participant, sola vnitas proportionis colligatur.

214 Si instas. Hominem, & Equum non esse à parte rei eiusdem speciei fundamentalis, infert, quod realiter formaliter differant à parte rei: ergo Petrum, & Paulum esse à parte rei eiusdem speciei fundamentalis, infert, quod à parte rei sint idem realiter formaliter.

215 Resp. disting. antec. Infert, quod realiter formaliter dif-

ferant à parte rei, *differentia sumpta pro disconuenientia, & dissimilitudine, conc. antec. differentia sumpta, pro carentia identitatis neg. antec. & disting. consequ.* Esse eiusdem speciei fundamentalis infert, quod à parte rei sint idem realiter formaliter, *vnitate similitudinis, & conuenientie conced. consequ. vnitate identitatis neg. consequ.* Duo esse idem in specie fundamentaliter sumpta solum. infert esse idem improprie, vnitate scilicet conformitatis, & similitudinis, quæ improprie est vnitas, & consequenter ab opposito non esse eiusdem speciei fundamentalis, ex suppositione, quod extrema dantur, solum infert, quod non sint vnum formaliter, vnitate solius disconuenientie, & dissimilitudinis, non vnitate identitatis.

216 Quod si tandem instes: ergo Petrus, & Paulus à parte rei distinguuntur realiter formaliter, ita, ac realiter formaliter differunt Petrus, & Bucephalus, siquidem ex maiori illa vnitate inter Petrum, & Paulum, nulla carentia distinctionis proprie talis inferitur iuxta solutionem Resp. disting. consequ. distinguuntur realiter formaliter, ita, *sumpta distinctione pro carentia identitatis in re talis, conced. consequ. sumpta pro diuersitate, seu dissimilitudine neg. consequ.* est inter Petrum, & Paulum maior à parte rei similitudo, at non est à parte rei maior vnitas proprie talis, siue identitas, ita enim potest adæquate produci, & annihilari Petrus nec productio, nec annihilatio

Paulo, sicut potest adæquate produci, aut annihilari, intacto Bucephalo; contrariaque apprehensio ortum trahit ex illa voce *formaliter*, falso apprehensa, vt denotante aliquam a parte rei vnitatem ab vnitatem numericam in re distinctam; cum a parte rei talis vnitas distincta non detur. Hinc Petrus, & Paulus sunt magis idem, imò sunt idem in natura specifica præcisivè considerata, & non sunt idem in natura specifica sic cōsiderata Petrus, & Bucephalus; in ipsa vero, prout a parte rei est adæquate, nec sunt magis, nec minus idem, cum adæquate non sint idem, nisi vnitatem similitudinis; iuxta quem sensum (& si improprium) dici solet, quod Petrus, & Paulus non differunt realiter formaliter, cum realiter formaliter differant homo, & Equus.

217. *Obijcies* 2. Natura hominis, vt diffinitur, est vna: sed diffinitur, vt est a parte rei: ergo a parte rei est vna. *Confirm.* Inter Petrum, & Paulum intercedit similitudo realis vt nos fatemur: sed similitudo fundatur in vnitatem iuxta Philosophum lib. 5. metaph. cap. 15. ergo inter Petrum, & Paulum datur vnitas realis: non numerica: ergo formalis. *Resp.* concessa mai. neg. min. nam licet diffiniatur natura, quæ est a parte rei, non tamen prout est adæquate a parte rei, sed vt præcisa a singularibus. *Ad confirm.* concessa mai. disting. min. fundatur similitudo in vnitatem conformitatis, quæ improprie est vnitas, conced. min. in vnitatem identitatis, quæ est vnitas

proprie, neg. min. imò cum similitudo petat versari inter distincta, potius ex similitudine colligitur earentia identitatis.

218. *Contra* 2. conclusionem obijcies. Naturam esse vnā negativè nil aliud est, quàm quod ex se, & ratione sui divisionem non habeat: sed natura humana in Petro, & Paulo non habet ex se, & ratione sui divisionem, alias eam in omni statu haberet, & sic nō esset vna in intellectu: ergo natura humana in Petro, & Paulo est vna negativè. *Confirm.* Quod convenit naturæ secundum se, in omni statu debet ei competere: sed natura secundum se est vna negativè, vt propugnabitur statim: ergo in statu contractionis est vna negativè.

219. *Resp.* concessa mai. disting. min. non habet ex se, idest, ex sui essentia metaphisica præcisivè accepta, divisionem, conced. min. ex se, idest, ex ipsa phisicè sumpta, neg. min. Ly ex se, & ly secundum se, qui termini frequentes sunt apud AA. oppositos in præsentem, si denotent, divisionem non oriri ex essentialibus naturæ præcisivè sumptæ in sui consideratione metaphisica, verum habent, sed extra rem, cum de natura prout sic non procedat disputatio præsens; si vero denotent, quod naturæ prout in re accidat divisio, est falsum, tum quia natura prout in re est singularitas ipsa sine vlla in re distinctione actuali. Tum; quia distinctione in re permixta, ipsa vt a singularitate distincta formaliter in re,

re, petit realem identitatem cum singularitate, repugnatque ipsi non identificari cum singularitate, ac proinde ex se est natura multiplex realiter.

220 *Ad confirmat.* constabit plenè s. sequente, pronunc. respond. quod quidquid convenit naturæ secundum se, ratione status, & præcisionis, non convenit ei in omni statu, & eiusmodi est vnitas negativa, vt per propositionem affirmativam enuntiata de natura secundum se.

221 *Contra* 3. conclusionem obijces. Natura humana v. g. actu existit in pluribus à parte rei: ergo datur in re natura potens existere realiter in pluribus, ac proinde positivè communis. *Prob.* 1. conseq. ab actu ad potentiam valet consequentia: ergo si in re datur natura existens realiter in pluribus, datur in re natura potens existere realiter in pluribus. *Prob.* 2. eadem conseq. Actus, & potentia sunt in eodem genere: sed actus existentiae in pluribus est realis: ergo potentia, seu aptitudo ad essendum in pluribus. *Prob.* 3. eadem conseq. Actus non destruit, sed perficit potentiam, unde intellectio non destruit, sed perficit intellectum: sed status contractionis est status, in quo natura reducitur ad actum existendi in pluribus: ergo in statu contractionis retinet natura aptitudinem, vt sit in pluribus.

222 *Confirm.* Sicut natura determinatur per singularitatem, ita materia determinatur per formam:

sed materia determinata per vnam formam est realiter capax, vt habeat alias formas: ergo natura determinata per vnam singularitatem, seu ad vnum singulare, est realiter capax, vt sint in alijs singularibus.

223 *Ex his* formatur argumentum pro suadendo vniuersali formaliter à parte rei. Natura enim vniuersalis formaliter est natura vna, & apta, vt sit in pluribus; sed à parte rei datur natura vna, & apta, vt sit in pluribus, vt ex argumento præcedente constat: ergo à parte rei datur vniuersale formaliter. *Quod confirm.* ex D. Thoma 1. p. q. 86. art. 1. asserente, quod obiectum nostri intellectus est quidditas vniuersalis: sed obiectum nostri intellectus datur à parte rei: ergo à parte rei datur natura vniuersalis. *Vergetur.* Datur à parte rei particulare; ergo vniuersale, nam sunt mutuo correlativa particulare, & vniuersale.

224 *Resp. disting.* antec. Natura humana, *vna in re existens*, actu existit in pluribus, neg. antec. Natura humana, *in re diuisa*, & multiplex actu existit in pluribus conced. antec. & dist. conseq. ergo datur in re natura, *multiplex*, & *diuisa*, potens existere in pluribus, conc. conf. Natura *in re vna*, potens existere in pluribus, neg. conseq. quia vt natura esset in se positivè communis, necessum erat, quod vna existens in re, posset esse in pluribus, nam hoc ipso, quod in re sit multiplex natura, non detur in re natura pluribus communis.

225 Dices. Naturam esse vnā, & potentem esse in multis sine sui diuisione, & multiplicatione in illis non sufficit, nec requiritur ad rationem vniuersalis, alias natura diuina, quæ vna, & eadem est in pluribus, sine sui diuisione, esset logicè vniuersalis: sed naturam esse communem pluribus positivè requiritur, vt natura sit vniuersalis: ergo non debet esse ita communis pluribus, vt immultiplicata possit esse in pluribus. *Præter quam quod*, natura nequit vnitatem retinere simul cum sui multiplicatione in pluribus, vnum, enim, & plura opponuntur: ergo, vel requiruntur duo contradictoria ad rationem vniuersalis, vel natura, quæ à parte rei est in pluribus per sui diuisionē, & multiplicationem in illis, à parte rei est vniuersalis.

226 *Resp.* posse in primis omitti totum syllogismum primæ instantiæ, nam licet non requiratur quod natura vna possit esse in pluribus retinendo cum actu essendi in pluribus vnitatem, requiritur tamen, quod cum vnitatem componat potentiam ad essendum in pluribus, quod non verificatur de natura à parte rei, cum non sit vna à parte rei. *Deinde resp.* concessis præmissis, disting. consequ. non debet ita esse communis pluribus, vt immultiplicata *phiscè* possit esse in pluribus conced. consequ. *Vt per rationem immultiplicata* possit esse in pluribus neg. consequ. Requiritur ad rationem vniuersalis iuxta dicta art. 1. quod na-

tura vna possit esse in pluribus per sui diuisionem, & multiplicationem realem in illis, quod cum incompossibile sit cum vnitatem reali, seu quæ à parte rei sit talis, repugnat, quod à parte rei diuisa, & multiplicata natura concipiatur vt vna, & eadem propter omnium illam participantium similitudinem, sicque per intellectum, & præcisivè vna prædicetur de pluribus, in quibus actu est multiplicata, de quo in art. ultimo huius quæst. ex professo agemus. *Ex hoc* autem constat ad 2. instantiam; nam unitatem rationis, & præcisivè talem bene potest retinere natura cum sui reali multiplicatione in individuis.

227 *Ad 1. consequ. principalis* argumenti prob. disting. antec. Ab actu ad potentiam *logicam*, & *obiectivam* valet consequentia conced. antec. ab actu ad potentiam *phiscam*, & *subiectivam*, neg. antec. & disting. consequ. ergo si datur natura realiter existens in pluribus, datur in re natura, *que in re vna*, possit esse in pluribus, neg. consequ. quæ in re *multiplex* possit esse in pluribus, conced. consequ. Potentia phisica, & subiectiva est potentia realiter perfectibilis per suum actum à potentia distinctum, qua ratione intellectus noster est potentia phisica subiectiva respectu intellectus. Potentia autè obiectiva, & logica est non repugnantia imbibita formaliter in actu, cuius est potentia, qua ratione ipsa intellectio v. g. habet eiusmodi potentiam respectu sui, si enim intellectio exercetur, ergo non

non repugnat exerceri, & similiter, si existentia existit, ergo non repugnat, vt existat: Ab actu ergo ad potentiam physicam non valet semper consequentia, vt patet in adductis exemplis existentia, & intellectio- nis, valet tamen ab actu ad poten- tiam logicam, & obiectiuam, quia si res est, ergo non repugnat esse: ex hoc autem solum inferitur, quod si à parte rei existit natura multi- plex, & diuisa in pluribus, non re- pugnat à parte rei talis natura mul- tiplex, & diuisa existens in pluribus, non tamē inferitur, quod detur vna a parte rei natura realiter potens esse, seu exerceri per actum existen- di in pluribus.

228 *Ad 2. conseq. prob. disting. mai.* Actus, & potentia logica, seu ob- iectiva, & actus sunt in eodem ge- nere conced. mai. Actus, & poten- tia physica, seu subiectiua; neg. mai. quia cum actus non semper arguat potentiam physicam, hæc non erit, nec eiusdem, nec diversi generis cum illo actu, vt pote potentia de subiecto non supponente respectu talis actus. Nec cum hic audis po- tentiam logicam, & obiectiuam, vocibus his intelligas potentiam aliquam fictam, vt ly logica solet frequenter vsurpari in hoc tractatu; accipitur enim pro non repugnantia, quæ quia imbibita formaliter in ipso actu, contraponitur potentia physice, & subiectiue realiter perfectibili per actum à potentia distinctum, licet talis non repugnantia realis, sit, sicut & actus, cum quo est formaliter identificata; in re quippe datur

non repugnantia, vt multiplex in re natura sit in pluribus.

229 *Ad 3. conseq. prob. resp.* quod actus nullam destruit poten- tiam; nam si actus non arguat po- tentiam physicam, illam non des- truit, siquidem talis potentia num- quam extitit, potentia autem logi- ca est formaliter ipse actus, qui ne- quit se ipsum destruere; ex hoc au- tem male inferitur, quod cum actu existendi in pluribus retineat na- tura aptitudinem physicam, vt sit in pluribus; potentia enim, quæ numquam potuit existere, nec re- tineri potuit, nec destrui per actum, sicut nec perfici.

230 *Ad confirm. disting. mai.* Si- cut natura determinatur per sin- gularitatem, ita materia per formam, sicut, & eodem modo neg. mai. Sicut, & diverso modo, conced. mai. & con- cessa min. neg. conseq. Materia determinatur per formam, vt per aliquid à se realiter distinctum, & à quo entitas intrinseca materie non dependet, vnde non mirum, quod perseverante entitate mate- riæ sub hac forma, perseveret rea- lis subiectiua capacitas materie cum eius entitate identificata ad alias formas; at natura solum per rationem contrahitur, & determi- natur ad singularitatem, cum qua realiter identificatur, & qua abla- ta, perit entitas intrinseca nature; vnde repugnat, quod natura deter- minata per hanc singularitatem ad hoc individuum habeat veram ca- pacitatem, quia possit esse in alijs.

231 Si dicat, & si nature repugnet esse in alijs indiuidiis, non tamen repugnat illi ex se, seu ratione sui, sed ratione singularitatis, à qua determinatur: ergo per manet in re communis, saltem negativè. Resp. vt supra, quod si ly *ex se* denotet predicata specifica nature concepte præcisivè à singularitate, antec. est verum, sed non ad rem; si autem denotet essentiam nature, vt in re existit, est ad rem, sed tamen est falsum, quia prout in re, seu realiter est ipsa singularitas, cui esse in alio manifestè repugnat.

232 Ex his constat solutio ad argumentum intendens suadere, quod datur vniuersale formaliter à parte rei, procedit enim ex his, quæ falso supponit vera, cum naturam à parte rei vnā non fuāssent præcedentes probationes. Ad confirm. ex D. Thoma resp. quod obiectum intellectus est quidditas vniuersalis, vniuersalitate fundamentaliter sumpta, nam sumpta formaliter, solum est obiectum particularis actus præscindentis imperfectè ens, seu quidditatem ab hac, vel illa quidditate, de quo ex professio agimus lib. 3. de anima, nec nō postea quæst. 7. art. vltimo aliquid attingimus; ex quo autē datur vniuersale solum fundamentaliter à parte rei, nil inferitur contra conclusionem.

233 Ad id, quo argumentum vrgetur, disting. antec. datur à parte rei particulare phisicè cōc. antec. datur à parte rei particulare logicè

neg. antec. & conseq. quia correlativum vniuersalis solum est particulare logicè, quod non datur in re, quia constituitur per respectum ad vniuersale, qui respectus à parte rei non existit, datur tamen particulare phisicè, quod nil est aliud, quam ipsa natura indiuidua.

§. IV.

Decernitur vnitās, & communitas nature secundum se.

234 **S**It quarta conclusio: Natura secundum se non est vna vnitātē positīva, vnde secundum se non est communis pluribus positīvè. Conclusio quoad secundam partem inferitur ex prima, vt constabit infra, & quoad 1. partem prob. 1. ex Angelico Præcept. cap. 4. de Ente, & essentia, vbi sic habet: Si queratur, vtrum ista natura sit vna, vel plures, neutrum dicendum est, quia vtrumque est extra intellectum humanitatis, & vtrumque potest sibi accidere: si enim pluralitas esset de ratione eius, numquam posset esse vna, cum tamen vna sit secundum quod est in Socrate: similiter, si vnitās esset de intellectu, & ratione eius, tunc esset vna, & eadem natura Socratis, & Platonis, nec posset in pluribus purificari: sed esse naturam secundum se vnā positīvè, est, quod vnitās sit positīvè de ratione, id est, de essentia nature: ergo iuxta D. Thomam natura secundum se non est vna positīvè.

235 Prob. 1. ratione ex his verbis elicita. Naturam secundum se

se esse vnā positivē et quod ipsa essentialiter sit vna: sed natura non est essentialiter vna: ergo secundū se nō est vna positivē. Mai. conat ex prenotatis initio dubij, cum natura secundū se solum dicat prædicata essentialia, idemque sit natura secundū se, ac natura essentialiter sumpta. Min. autem prob. 1. si natura esset essentialiter vna, pugnaret essentialiter cum sui multiplicatione, & pluralitate, repugnaretque cum multiplicari, sicut hac ratione repugnat homo hinnibilis, quia titulo rationalis pugnat essentialiter cum hinnibillitate; sed natura non pugnat essentialiter cum sui multiplicatione, siquidem de facto multiplicatur in individuis: ergo non est essentialiter vna. Prob. 2. eadem min. Quod essentialiter convenit alicui, in omni statu ipsi convenit, cum essentia rei sit in quocumque statu, in quo sit res: sed naturæ in statu contractionis nō competit vnitas, ut probatum manet: ergo non est essentialiter vna.

236 *Ex his prob.* secunda pars conclusionis, quam etiam probat D. Thomas ubi supra his verbis: *Si communitas esset de essentia hominis, tunc in quocumque inveniretur humanitas, inveniretur etiam communitas: ex quibus verbis elicitur ratio, quæ eadem est cum præcedente. Naturæ in statu contractionis non competit communitas, ut probatum manet: ergo natura essentialiter sumpta non est communis. Patet.*
 237 *Eq.* Nam quod essentialiter

competit naturæ, in omni statu competit ipsi. *Tunc sc.* sed naturam secundū se esse communem positivē est quod essentialiter sumpta sit communis: ergo non est secundū se communis.

237 *Confirm.* Natura pluribus positivē communis est natura, quæ vna in se existens, potest communicari pluribus: sed natura secundū se non est huiusmodi: ergo nō est communis pluribus positivē. Prob. min. tū quia natura non est essentialiter vna, ut probatum est: ergo nō est essentialiter natura vna, & apta, ut sit in pluribus. Tū quia natura, quæ vna existens, possit communicari pluribus, est natura vniuersalis: sed natura non est essentialiter vniuersalis, alias in nullo statu posset esse singularis, & ad vñ tantū determinata: ergo idem quod prius. Tū quia natura non est essentialiter vna, & apta, vnitatē, & aptitudinē, quæ sint talia solum per rationem, eius enim rationis nequit esse prædicatum essentialē naturæ humanæ, v.g. sed vterius, non est essentialiter vna, & apta vnitatē, & aptitudinē, quæ sint talia realiter, cum probatum sit, quod omnis vnitas realis est numerica, cum qua repugnat coniungi aptitudinē, ut sit in pluribus: ergo natura non est essentialiter vna, & apta, ut sit in pluribus.

238 *Vergetur.* Natura humana essentialiter apta, ut sit in pluribus, est natura, cui in aliquo statu reali possit competere aptitudo ad essendum in pluribus, cum omnia præ-

dictata essentialia talis naturæ sint prædicata realia: sed in nullo statu reali potest naturæ humanæ competere aptitudo, vt sit in pluribus, nam omnis status realis naturæ humanæ est status contractionis, in quo repugnat ipsi (vt probatum manet) esse in pluribus: ergo natura humana non est essentialiter apta, vt sit in pluribus.

239. Si dicatur, quod aptitudo illa competit naturæ pro priori ad singularitatem, in quo priori natura est indifferens, vt contrahatur ad hoc singulare, vel illud. *Contra est.* Nihil est realiter prius se ipso: sed natura est realiter ipsa singularitas: ergo non est realiter prior singularitate: ergo si solū in illo priori competit aptitudo, in nullo statu reali competit ipsi aptitudo, & consequenter non competit ipsi essentialiter. *Deinde.* Vel naturam Petri, v.g. in illo priori esse indifferentem est, quod pro illo priori non explicet determinationem ad hanc singularitatem, vel est, quod explicet positivam aptitudinem ad plures singularitates: Si primum, ea indifferentia est pure negativa, de qua modo non litigamus, non dicere quippe determinationem est præcisè non exprimere repugnantiam, vt sit in pluribus, que non expressio repugnantiae est indifferentia pure negativa. Si secundum: ergo natura pro illo priori est positive potens realiter, vt separaretur à Petreitate, eam quæ realiter identificatur: & vt identificetur eam alia singularitate à qua realiter diffinitur.

guitur, & separatur. Consequens manifestè implicat: ergo falsū. est id, ex quo sequitur.

240. Ultima conclusio *Natura secundum se est vna negativè*, ac proinde secundum se est communis pluribus negativè. Prob. conclusio quoad 1. partem. Naturā esse vnā negativè est naturā non esse plures, seu non dicere pluralitatem: sed natura secundum se non dicit pluralitatem: ergo natura secundum se est vna negativè. Mai. ex sæpè dictis constat, nam vnitas negativa non tam est vnitas, quam præcisio à pluralitate, unde quod pluralitatem non dicit, est vnum negativè. Min. autem prob. Natura essentialiter sumpta non dicit pluralitatem: ergo cum natura secundum se sit natura essentialiter sumpta, natura secundum se non dicit pluralitatem. Prob. antec. 1. Si natura essentialiter sumpta diceret pluralitatem, in quovis statu, & ubicumque esset natura, pluralitatē diceret: sed hoc est falsum, cum natura, nec provt in intellectu, nec provt in hoc singulari, Petro scilicet, pluralitatem dicat: ergo essentialiter eam non dicit. Prob. 2. antec. ex illis verbis D. Thomæ supra positis: *Si quaeratur, utrum ista natura possit dici vna, vel plures neque trum dicendum est, quia utrumque est extra intellectus humanitatis*: ergo natura essentialiter sumpta nec dicit, vnitatem, nec pluralitatem: ergo essentialiter sumpta non dicit pluralitatem. Patet hæc conseq. Tum ex ipsa forma arguendi anegatione vtriusque partis ad negationem alterius.

rius. *Tum* quia hominem secundū se nec esse album, nec esse non album, infert bene, quod homo secundum se non sit albus idest, non dicat esse album; ergo naturam secundum se nec esse vnā, nec esse plures, bene infert, quod secundum se non sit plures, idest, non dicat esse plures, seu pluralitatem.

241 *Explicatur*, quod aer secundum se, seu essentialiter, non sit lucidus, nihil aliud est, quam quod essentialiter non dicat lucem, nec requiritur, quod essentialiter dicat aliquid excludens lucem; per hoc enim præcisè, quod essentialiter nō dicat, nec tenebras, nec lucem, sed ab utroque præscindat, verum est, quod essentialiter nō dicit esse lucidum; ergo vt natura essentialiter non sit plures, non requiritur, quod essentialiter excludat pluralitatem, sed iussic, quod nec pluralitatem, nec exclusionem illius dicat, nam hoc ipso, essentialiter sumpta non dicit esse plures, seu non est plures.

242 *Confirm.* Natura secundum se diffinitur diffinitione, quæ est vna, & simplex diffinitio; significatur insuper per terminum vniuocum v. g. per *ly homo*: sed quod significatur termino vniuoco, & quod vna diffinitione diffinitur, est aliquomodo vnum: ergo natura secundum se est aliquomodo vna: non positivè, vt probatum est: ergo est vna negativè. Qui discursus est D. Thomæ opusc. 42. cap. 7. dicentis, *Est tamen in ipsa natura absolute accepta, secundum quod non est inferioribus considerata, aliqua unitas, cum diffi-*

nitio eius sit vna, & nomen vnum, vt patet.

243 *Hinc prob.* 2. pars conclusionis. Naturam esse communem negativè, est eam nulli individuo esse appropriatam: sed natura secundum se, seu essentialiter, nulli est individuo appropriata. *Tum* quia si essentialiter esset alicui individuo appropriata, nō posset cōcipi, vt indifferēs ad plura individua, cū eius essentia nō esset tūc casus, quæ cōciperetur, quod patet quā sit falsum. *Tum* quia natura essentialiter non dicit determinationem ad aliquam singularitatem, ac proinde, nec appropriationem: ergo essentialiter, seu secundum se est communis pluribus negativè.

6. V.

Soluantur argumenta.

244 **O** *Bijetes* 1. contra primam conclusionem. Potest aliquid convenire alicui essentialiter, & ei in omni statu non competere: ergo ex eo, quod natura in statu contractionis non sit vna positivè, male intulimus, quod ipsa essentialiter, seu secundum se, non sit vna positivè. Prob. antec. Habitui convenit essentialiter esse difficile mobilem à subiecto, & similiter quantitati competit essentialiter exigentia divisibilitatis: & tamē habitus potest per accidens, & in aliquo statu, non esse difficile, sed facile, mobilis à subiecto, similiterque quantitas in minimo

mo natural: non exigit divisibilitatem, cum quantitati minimi naturalis divisio repugnet: ergo quod alicui competit essentialiter, potest per accidens, & in aliquo statu ei non competere.

145 *Resp.* neg. antec. Ad eius prob. ex natura habitus desumptam disting. mai. Habitui convenit essentialiter esse difficile mobilem *exactivè*, & *radicaliter*, conced. mai. *proximè*, & *formaliter* neg. mai. & disting. min. Habitus potest in aliquo statu non esse difficile mobilis, *proximè*, & *formaliter* conced. mai. *radicaliter*, & *exactivè*, neg. min. & conseq. Habitus essentialia consistit in eo, quod petat diù durare, quæ exigentia non deficiit illi, etiam quando ab extrinseco, & per accidens, nec diù durat, nec potest diù durare. *Ad alteram* prob. ex natura quantitatis formatam disting. mai. Quantitati competit essentialiter exigentia divisibilitatis *phiscæ*, neg. mai. exigentia divisibilitatis *mathematicæ*, conced. mai. divisibilitas phisica est capacitas divisionis, & separationis realis partium, quæ capacitas in minimo naturali non est, cui repugnat in partes dividi, & separari realiter; ceterum cum huius generis divisibilitas, non sit quæ exigitur essentialiter à quantitate, mirum non est, quod ipsi, prout in minimo naturali non competat, competit tamen ipsi in minimo naturali divisibilitas mathematica consistens in eo, quod diversæ partes possint per intellectum designari, quæ di-

visibilitas, sive eius exigentia, est essentia quantitatis.

146 *Dices.* Stat quod aliquid non conveniat alicui secundum se, & quod ei in aliquo statu conveniat; & similiter stat, quod aliquid non repugnet alicui secundum se, & tamen ei in aliquo statu repugnet: ergo stat, quod aliquid conveniat alicui secundum se, & quod in aliquo statu illi non conveniat.

147 *Resp.* Concesso antec. quoad utramque partem, neg. conseq. nam cum status hic, vel ille, plura addat supra prædicata essentialia, quæ sola dicit natura secundum se, potest ratione superadditi aliquid convenire, vel repugnare, quod naturæ secundum se ab omnibus illis præscindenti, nec conveniat, nec repugnet: quia ratione homo, cui in singulari convenit albedo, & repugnat esse in pluribus, secundum se non est albus, nec repugnantiam habet cum esse in pluribus: at si quod convenit essentialiter alicui, in aliquo statu non competeret, periret essentia rei, ut pote suis predicatis essentialibus destituta.

148 *Obijcies* 2. Adens positivum reale sequitur unitas positiva realis: sed natura secundum se est ens positivum reale: ergo natura secundum se gaudet unitate positiva reali. *Confirm.* Vnum ex predicatis essentialibus naturæ est unitas positiva realis: sed natura secundum se dicit omnia sua prædicata essentialia: ergo dicit unitatem positivam realem.

T. *Resp.*

249 *Resp.* disting. mai. Ad ens positivum reale in statu existentiae sequitur unitas positiva realis, conced. mai. in statu praecisionis neg. mai. cum enim alia unitas realis non sit, nisi numerica, natura, quae secundum se praescindit à singularitate, unitatem realem non dicit, quam tamen dicit in statu existentiae; sicut bonitas, estò sit passio entis, solum sequitur ad ens sub existentia. *Ad confirm.* resp. quod unitas positiva realis est predicatum essentiale philosophicum naturae, nam pertinet ad essentiam illius, ut in re existit; non vero est predicatum essentiale metaphysicum, nam natura secundum praedicata essentialia metaphysica, tum ab unitate, quam à pluralitate praescindit.

250 *Obijcies* 3. Natura praecedit singularitatem, cum sit prior accidentibus, cuius generis est singularitas: sed natura, ut praecedens singularitatem, est una per se ipsam, & non per singularitatem: ergo natura ex se, sive ratione sui, est una. *Confirm.* Id, quod multiplicatur, prius erat unum; sed natura multiplicatur in singularibus: ergo pro priori ad singularia erat una.

251 *Resp.* disting. mai. Natura praecedit realiter singularitatem. neg. mai. per rationem, conced. mai. & neg. min. quia dum intelligitur praecedens, intelligitur praecise non explicans pluralitatem, quod est esse unam pure negativè. *Nec obstat*, quod singularitas sit accidens, est enim accidens metaphysicum, quia est extra concep-

tum metaphysicum naturae, non tamen est accidens philosophicum, ac proinde natura realiter non praecedit singularitatem. *Ad confirm.* disting. mai. id, quod multiplicatur, prius erat unum, nostro modo concipiendi, conced. mai. in re neg. mai. nos enim concipimus, quasi prius fuisset unum, quod multiplicatur in pluribus, ad quod praebet fundamentum unitas conformitatis inter illa plura; in re tamen nulla praecedit unitas, sed eatenus dumtaxat dicitur multiplicari, quatenus producantur in multis multa naturae realiter.

252 *Obijcies* tandem contra eandem conclusionem. Natura secundum se est una negativè, ut in ultima conclusione propugnauimus: ergo natura secundum se est una positivè. *Prob.* consequ. Naturam esse unam negativè est non esse diuisam, esse vero unam positivè est naturam esse non diuisam, seu (quod idem est) est excludere diuisionem: sed si natura secundum se non est diuisa, secundum se est non diuisa: ergo si secundum se est una negativè, secundum se est una positivè. *Prob.* min. 1. quia bene valet, Natura secundum se non est diuisa, ergo secundum se est non diuisa, arguitur enim à negativa ad affirmativam variate predicato penes finitum, & infinitum, qui modus arguendi rectus est, ut constat ex Dialectica, capit. 18. sed antecedens est verum: ergo consequens etiam est verum. *Prob.* 2. eadem min. Vtrumque contradictorium.

Inequat: simul alicui deficere: sed *divisum*, & *non divisum* sunt contradictoria: ergo si de natura secundum se negatur esse divisum, debet affirmari esse non divisum. *Prob.*

3. Quod caret divisione, est non divisum: sed si natura secundum se non est divisa, secundum se caret divisione: ergo secundum se est non divisa. *Prob.* denique, si natura secundum se non est divisa, necessarium non est divisa: sed quod necessarium non est divisum, necessarium est non divisum: ergo si secundum se non est divisa, secundum se est non divisa.

253 *Resp.* neg. conseq. Ad prob. concessa mai. neg. min. *Ad eius* 1. prob. neg. mai. nam ille locus arguendi non tenet in reduplicativis, ut patet (pluribus instantiis omnibus) in hac communi instantia, *Homo secundum se non est albus, ergo secundum se est non albus*, quæ consequentia est nulla, cum homo secundum sua essentialia, nec dicat albedinem, nec illam excludat. Ratio autem, quare dum cum aliqua reduplicatione, seu præcisione arguitur, non teneat (& sic resp. secundæ min. probationi) consequentia, est, quia ille locus arguendi fundatur in eo, quod utrumque contradictorium nequeat absolute deficere rei; & cum in reduplicativis non negatur, vel affirmetur absolute prædicatum de subiecto, sed sub interposita reduplicatione, aut præcisione, sit consequens, quod rei

possit sub illa reduplicatione deficere utrumque contradictorium, quia sub illa reduplicatione deficere, non est deficere absolute. Hinc homini secundum se, nec albedo, nec non albedo convenit, quia sub illa reduplicatione, secundum se, seu ex vi prædicatorum essentialium, ab utroque præscindit.

254 *Ad* 3. prob. min. disting. mai. quod caret contrariè, & repugnanter divisione, est non divisum, conced. mai. quod caret solum præcisivè, neg. mai. & disting. min. natura secundum se, caret præcisivè divisione, conced. min. caret repugnanter neg. min. & conseq. carere præcisivè divisione; est pure eam non dicere, seu non habere; carere divisione repugnanter, est dicere aliquid divisionem excludens; ex eo autem, quod natura non dicat (quod præcisè requiritur, ut non sit divisa) divisionem, male inferitur, quod dicat aliquid divisionem excludens, quod erat necessarium, ut esset non divisa:

252 *Ad ultimam* min. prob. resp. quod hæc propositio *natura necessario* (seu essentialiter) *non est divisa*, potest dupliciter accipi, vel ita, quod per eam denotetur naturam esse necessitam, ut non sit divisa, seu quod sit necessarium, eam non esse divisam, & sic est omnino falsa, nunquam enim posset esse divisa, & consequenter necessario esset non divisa, siquidem necessario excluderet sui divisionem. Alio modo potest ita intelligi, *natura non est necessario divisa, sive, non est necessarius*.

quod sit diuisa, & ex hoc minime infertur, quod necessario sit non diuisa, quia ex quo non habeat necessitatem, seu non sit prædicatum eius necessarium diuisio, perperam infertur, quod sit eius prædicatum necessarium non diuisio, seu exclusio diuisionis, vt constat ex dictis: Naturam ergo secundum se non esse diuisam, non est idem, ac necessarium esse, quod non sit diuisa, quo solo modo valeret argumentum; est tamen idem, ac non esse necessario diuisam, sed ex hoc non colligitur alia propositio, quam argumentum intreat: vnde si ly *non* cadat etiam supra ly *necessario*, propositio est vera, sed consequentia inde deducta est mala; si verò cadat præcisè supra *esse diuisam*, consequentia est bona, sed propositio, cui nititur, est falsa.

256 *Obijcies* contra vltimam conclusionem. Quod convenit naturæ secundum se, in omni statu ei convenit: sed esse vnā negativè non convenit naturæ in statu contractionis: ergo natura secundum se non est vna negativè. *Confirm.* Natura secundum se nulli individuo est appropriata: ergo vel natura secundum se est positive communis pluribus, vel nullo modo est communis secundum se. Prob. cōseq. Ideò natura prout in intellectu est positivè communis pluribus, quia prout in intellectu nulli individuo est appropriata: ergo nulli individuo esse appropriatā secundum se, vel infert in natura secundum se positivam communitatem, vel nullam.

257 *Rēsp.* disting. mai. quod positivè convenit naturæ secundum se, ei convenit in omni statu, conced. mai. quod ei convenit negativè, neg. mai. & huiusmodi est vnitas negativa, quæ dicitur naturæ secundum se convenire, non per hoc, quod aliquid eius prædicatum essentialiter sit vnitas, sed quia nullum eius prædicatum essentialiter est pluralitas, nam per hoc præcisè quod non dicat essentialiter pluralitatem, dicitur natura vna negativè. *Sed observa*, quod licet hoc ita sit, & legitimè deductum ex D. Thoma dicente vbi supra, quod natura ista, *nec est vna, nec est plures*, quod idem est, ac non dicere pluralitatem; nihilominus cum natura secundum se dicat prædicata essentialia inessentialia, non quomodocumque, sed ita solitarie, & nude accepta, ac si non essent identificata cum singularitate, sit consequens, quod licet *signate* dicat prædicata essentialia, *exercitè* tamen dicit statum præcisionis, & solitudinis, sub quo concipitur, dum sola, & nuda cognoscuntur essentialia, & ratione huius præcisionis est ibi exercitè, & obiectivè quardam vnitas rationis, quæ resultat ex cognitione attingente signate prædicata essentialia, non attacta singularitate, cum qua identificantur, iuxta dicta supra articul. 4. Hinc naturam essentialiter esse vnā negativè, nil aliud est, quam non esse essentialiter

plures, quod non tam est conuenire ei aliquam vnitatem, quam non conuenire ei pluralitatem: esse vero vnam ex parte status, sub quo sola, & nuda essentia consideratur, est habere vnitatem obiectivam, quæ est aliqua forma rationis, quæ ad singularia non descendit, sicut nec status solitudinis.

258 Si dicas: ergo iam aliquid conuenit naturæ secundum se, quod non conuenit ei in omni statu, illa scilicet vnitas rationis. Resp. disting. consequ. secundum se, idest, ex vi prædicatorum essentialium, neg. consequ. secundum se, idest ratione status solitudinis, sub quo consideratur prædicata essentialia, conced. consequ. quia status solitudinis non est prædicatum essentialia, sed modus præcisionis ibi exercitus, qui ad singularia non descendit. Nec obstat, quod natura secundum se præscinditur ab omni prædicato sibi accidentali, ac proinde nequit dicere illam vnitatem, quæ sibi accidit, sicut, & status solitudinis, ad quem consequitur. Nam sicut natura secundum se nequit præscindi ab eo, quod sit cognita, & si cognosci sit prædicatum ipsi accidentale, ita nequit præscindi ab vnitatem, quæ necessario consequitur cognitionem, quæ cognoscitur, dum secundum se, idest, dum prædicata essentialia sola, & nuda attinguntur. Præscinditur ergo natura secundum se ab omni sibi accidentali, tamquam a prædicato signate, cognito, nam signate sola essentialia apparerent, nequeunt tamen signate apparere

essentialia sola, quæ in ibi vnitatem attingatur exercitè.

259 Si ulterius instes. Natura cum illa vnitatem rationis consequuta ex vi status præcisionis, est natura prout in intellectu: sed natura secundum se non est natura prout in intellectu: ergo natura secundum se nullo modo dicit illam vnitatem. Resp. disting. mai. est natura prout in intellectu, secundum, quod natura in intellectu contraponitur naturæ secundum se, neg. mai. alio modo, quod non opponitur ipsi conced. mai. & concessa min. disting. consequ. ergo natura secundum se, idest, essentialiter, nullo modo dicit illam vnitatem conced. consequ. secundum se, idest, ratione status comitantis sola, & nuda prædicata essentialia, neg. consequ. Natura prout in intellectu differt à natura secundum se in eo, quod prout in intellectu dicit signatè non solam rei essentiam, sed etiam ipsa accidentia rationis, quibus essentia rei subternitur, qua ratione significatur per has voces, *genus, species*, & similes, natura vero secundum se dicit signate sola prædicata essentialia rei, qua ratione significatur per hæc nomina primæ intentionis, *animal, homo*, & similia: sed cum necesse sit, quod dum sola, & nuda cognoscuntur prædicata metaphisica, attingantur præcisivè à singularibus cum quibus sunt in re identificata, necessum quoque est ibi exerceri, & resultare vnitatem præcisioni correspondentem, quæ tamen signatè non apparet inter rei prædicata essentialia, ideoque dicitur, & vere, T 3 quo l

quod natura non est essentialiter, nec vna, nec plures, ac proinde, quod non dicit essentialiter pluralitatem.

260. Si tandem dicas. Illa vnitas cōpetens naturæ ex vi status solitudinis est vnitas positiva: ergo vel male conceditur naturam secundum se esse vnam negativè, vel falso negatur esse vnam positivè. *Resp.* quod & si illa vnitas sit positiva, nam est carentia pluralitatis, quam ibi cōcipit exercite intellectus, vt quid positivum, dum attingit signatè nudam essentiam rei; cum tamen inter essentialia nature non appareat, vi illius non exprimit natura secundum se, id est, essentialiter aliquid repugnans multiplicationi, sed manet natura essentialiter sumpta indifferens, vt vel sit vna positivè, vel plures, in qua non determinatione consistit esse essentialiter vnam negativè: de quo statim amplius art. sequente.

261. Hinc ad confirm. argumenti *resp.* concessio antec. neg. conseq. Ad prob. dissing. antec. Ideo natura prout in intellectu est, positivè communis, quia nulli est appropriata, exclusivè, & repugnantè conced. antec. purè præcisivè, neg. antec. & conseq. quæ solutio constat ex dictis.

ART. VI.

In quo consistat, & per quem actum fiat vniuersale metaphysicum?

262. **E**X dictis in hac quæst. art. 1. constat, quod vniuersale metaphysicum est natura abstracta ab inferioribus, vnde duo dicit, & naturam, quæ cognoscitur, non cognitis differentiis, quæque est subtractum vniuersalitatis, & ipsam abstractionem, quæ est forma constitutiva huius concreti, vniuersale. Certum est naturam in nulla re determinatè consistere, sed posse esse, vel ens reale, vel rationis; quælibet enim natura, siuè realis, siuè rationis, siuè substantia, siuè accidens, dum plura habeat sub se inferiora vniocè similia, potest esse subiectū vniuersalitatis metaphysicæ. Devoluitur ergo difficultas ad formam, qua constituitur vniuersale, in quonam, scilicet hæc forma consistat?

264. Circa actum vero, quo fit vniuersale metaphysicum, vnum est certum, fieri scilicet per actum abstrahentem naturam ab inferioribus, cum tale vniuersale sit natura abstracta ab inferioribus; quia tamen duplex est abstractio, alia intellectus agentis, qui cognoscitivus non est, & cuius munus sistit in producendo, seu educendo ex phantasma res species intelligibiles; alia abstractio intellectus possibilis, siuè passibilis, qui recipiens species ab intellectu agente

pro-

productas, elicit cum eis intellecti-
onem; Ideo de utriusque poten-
tiæ abstractione procedit dubium,
cum aliqui AA. sentiant fieri uni-
versale per primam abstractionem
alijs necessariam iudicantibus ab-
stractionem intellectus possibilis.
Rursus abstractio intellectus possi-
bilis est duplex; alia negativa, qua
scilicet cognoscitur natura, non
cognitis singularibus; alia positiva,
qua cognoscitur natura cognos-
cendo etiam singularia, à quibus
natura abstrahitur.

§. I.

*Determinatur forma universalis
Metaphysici.*

264 **S**It prima conclusio,
*forma constitutiua uni-
versalis metaphysici non est cognitio con-
fusa, quæ singularia indistinctè cognoscun-
tur.* Hæc conclusio satis, superque
videtur probata ex dictis tum art.
1. de universalis in essendo distin-
cto ab universalis in representan-
do, tum art. 4. de præcisionibus ob-
iectivis. *Primi* enim generis pro-
bationes poteris in præsentem addu-
cere, si ita arguas: Cognitio con-
fusa singularium est universalis so-
lum in representando: ergo quod
in ratione universalis constituitur
per talem cognitionem, non distin-
gitur pro formali ab universalis in
representando: ergo si universale
metaphysicum constituitur per
eiusmodi cognitionem, non ad-
mittitur universale in essendo,

quod formaliter differat ab uni-
versali in representando. Quod si ita
est, redeunt impugnationes ibi po-
sitæ, quibus nominalium senten-
tia impugnatur. *Secundi* generis
probationes ex art. 4. desumptæ
suadent etiam præsentem conclu-
sionem; cognitio enim abstrahens
rationem superiorem à differen-
tijs inferiorum, animal v. g. à dif-
ferentijs hominis, & Equi, aut ho-
minem à differentijs Petri, & Pau-
li, præscindit obiectivè rationem
superiorem à differentijs inferio-
rum: sed cognitio illa confusa
non sic præscindit obiectivè ratio-
nem superiorem à differentijs in-
feriorum: ergo vel universale me-
taphysicum non constituitur ipsa
cognitione abstrahente, vel hæc
non est cognitio confusa sin-
gularium, seu inferiorum. Hu-
ius discursus mai. prob. omnibus ra-
tionibus pro præcisione obiectiva
factis.

265 *Sed ex his* prob. insuper
conclusio. Universale metaphysi-
cum dicit pro formali unitatem
positivam: sed singularia, vt
confusè cognita non dicunt pro
formali unitatem positivam: ergo
universale metaphysicum non est
pro formali singularia vt confusè
cognita, & consequenter non con-
sistit formaliter in cognitione con-
fusa à qua singularia denominan-
tur confusè cognita. Prob. min.
Singularia vt confusè cognita di-
cunt pro formali ipsas differen-
tias, quas cognitio confusa attingit,
cum ab illis non præscindat:

ergo non dicit vnitatem positivam pro formali. Patet consequ. Nam vnitas positiva est carentia divisionis, & pluralitatis: sed quod dicit pro formali differentias, quibus natura dividitur, & plurificatur, non dicit pro formali carentiam divisionis, & pluralitatis: ergo non dicit pro formali vnitatem positivam.

166 *Si dicat*, quod singularia vt confuse cognita dicunt pro formali, non differentias, sed confusam earum cognitionem, quæ est vnitas, non intrinseca, sed extrinseca, cuius solius est capax, & qua sola constituitur natura in ratione vniuersalis metaphisici.

167 *Contra est* 1. Singularia vt confuse cognita dicunt pro formali cognitionem confusam eorum: sed non dicunt cognitionem entitative acceptam, vt ex se est manifestum: ergo dicunt pro formali cognitionem confusam repræsentativè sumptam: ergo dicunt pro formali divisionem, & pluralitatem, ac proinde vt confuse cognita non dicunt pro formali vnitatem. Prob. hæc consequ. Cognitione repræsentativè sumpta dicit, formaliter id, quod repræsentat: sed cognitio confusa singulatum repræsentat eorum divisionem, & pluralitatem, si quidem ab hac præscindit in sui repræsentatione: ergo si singularia dicunt pro formali cognitionem confusam, dicunt pro formali pluralitatem. Ex quibus rejici-

tur vnitas illa extrinseca: Ideo enim singularia dicunt intrinsecè pluralitatem, quia intrinsecè in se non solum sunt similia, sed sunt pura, & dissimilia: at cognitio confusa non solum repræsentat eorum similitudinem, sed eorum pluralitatem, & dissimilitudinem, siquidem ab his non præscindit in sui repræsentatione: ergo cognitio confusa nequit esse adhuc extrinsecè eorum vnitas.

168 *Contra* 2. Ideo cognitio esset vnitas extrinseca singularium, quæ confuse cognoscuntur, quia per eam non apparet expresse, nisi eorum natura, & non nisi confuse attinguntur differentia, quibus plurificantur: sed hæc ratio est nulla, vt sint vnum vnitatem, qua constituitur vniuersale: ergo vel hoc non constituitur vnitatem purè extrinsecam, vel non constituitur vnitatem consistente in cognitione confusa. Prob. min. Per hanc cognitionem *Populus*, vel *Civitas* solum confuse concipitur differentia Civium inter se: & tamen ex vi huius cognitionis non habent Cives vnitatem adhuc extrinsecam, quæ desideratur ad rationem vniuersalem, non enim habent vnitatem, vi cuius possint sic confuse cogniti de quolibet prædicari, vt vniuersale requirit: ergo non discerni, aut apparere, sed confundi differentias singularium, non sufficit, vt habeant vnitatem qua vniuersale constituitur.

169 Nec satisfacit, si dicas, quod hæc cognitio *Ciuitas* exprimit ex parte modi pluralitatem, quam ex modo tendendi non exprimit hæc cognitio *homo*. Nam quid est, rogo, exprimere ex parte modi, si ex parte obiecti nihil illi expressioni correspondet? Etenim ille diuersus modus tendendi, & exprimendi, non est talis repræsentatiuè, nam si talis esset repræsentatiuè, ipsi responderet diuerso modo ex parte obiecti natura, quæ apparet, ac singularia, quæ non apparent, & consequenter iam aliqua daretur præcisio obiectiua; si autem non est modus talis repræsentatiuè, quænam, seu in quo stat diuersitas, ut vnum obiectum sit vnum vnitatem vniue. salis, secus alterum? *Deinde*. Idè illa cognitio *Ciuitas* repræsentat ex parte modi pluralitatem, quia ciuitas idem est formaliter, ac collectio plurium *Ciuum*: sed species humana idem est formaliter ac collectio omnium hominum: ergo cognitio *homo*, quæ speciem humanam repræsentat, exprimit ex parte modi pluralitatem. *Rursus* cognitio *Ciuitas* non alia ratione non repræsentat aliquid indifferenter affirmabile de pluribus, nisi quia saltim confusè repræsentat *Ciuum* differentias: ergo vel cognitio *homo*, nec confusè repræsentat hominum differentias, vel non repræsentat aliquid indifferenter affirmabile de pluribus. Videantur dicta art. 1.

170 *Vergetur*. Cognitio abstracta naturam à differentiis enti-

tatiue sumpta non est forma, quæ natura redditur vna, & vniuersalis: ergo est cognitio repræsentatiuè sumpta: sed cognitionem repræsentatiuè sumptam reddere naturam vnā est repræsentare vnitatem in natura: ergo vnitatem, quæ redditur natura vna, ex parte obiecti se tenet in ipsa natura, & sic non consistit formaliter in cognitione. Sed quia hæc ex professo manent probata art. 4. ab vltiori conclusionis probatione super sedemus.

171 *Sic secunda conclusio*. Natura non constituitur formaliter vniuersalis metaphisice per actum præscindentem illam obiectiue à differentiis, sed per entitatem rationis resultantem in obiecto ex tali actu præscidente. Conclusio prob. ex dictis art. 4. Natura redditur formaliter vniuersalis metaphisice per id, quo redditur formaliter præcisio obiectiue à singularibus: sed non redditur formaliter præcisio obiectiue à singularibus per cognitionem, sed per vnitatem rationis: ergo per vnitatem rationis, & non per cognitionem obiectiue præscidentem constituitur formaliter vniuersale metaphisicum. Min. quæ sola est difficilis, manet prob. art. 4. præsertim à num. 118. vbi distinctionem, & vnitatem prædicati præcisive attracti probauimus non consistere in ipsis cognitionibus præscidentibus, sed in vnitatem rationis obiectiua.

172 *Obijcies* 1. D. Thomam alie.

affluentem opusc. 56. quod vniuersale est vnum vnitatem cognitionis, & Opusc. 53. ait, esse formale vniuersalis est in anima, & non in rebus, & 1. p. q. 85. art. 2. ad 2. inquit, cum dicitur vniuersale abstractum, duo intelliguntur, scilicet ipsa natura rei, & abstractio, seu vniuersalitas: pro eodem ergo reputat D. Thomas abstractionem, quæ est actus intellectus, & vniuersalitatem; & vnitatem etiam ponit in ipsa vnitatem cognitionis, quæ habet esse in anima, & non in forma ficta, quæ se teneat ex parte rerum.

273 Resp. explicando 1. D. Thomæ testimonium: est vnum vnitatem cognitionis, effectiue conc. formaliter neg. Est enim vnum vnitatem resultante in obiecto ex cognitione naturæ per modum vnius, nõ tamen est vnũ per ipsammet cognitionem; hanc esse mentem D. Thomæ clare ex ipso monstrauimus art. 4. nec non tota quæst. 2. de ente rationis. Ad 2. testimonium dicimus, quod esse formale vniuersalis est in anima obiectiue, non subiectiue, qualiter sunt in anima cognitiones, quæ in ipsa subiectantur. Ad 3. testimonium disting. consequ. pro eodem reputat abstractionem passiuam, & vniuersalitatem conc. consequ. abstractionem actiuam, neg. consequ. Abstractio actiua est actus præscindens naturam à singularibus; abstractio passiuæ est vnitas rationis ex cognitione præscindente resultans; vniuersalitas ergo quæ natura est formaliter vniuersalis, non in actiua, sed in passi-

ua abstractione formaliter consistit.

274 Obijcies 2. Naturam esse vniuersalem metaphisicè est extrinseca denominatio: ergo non est formaliter vniuersalis vnitatem rationis obiectiua, sed vnitatem extrinseca cognitionis abstrahentis. Prob. antec. 1. Denominatio extrinseca est, quæ conuenit subiecto ab extrinseco: sed talis est vniuersalitas respectu naturæ, cum hæc non sit ab intrinseco vniuersalis: ergo est denominatio extrinseca. Prob. 2. antec. Naturam esse abstractam à singularibus est denominatio extrinseca; cum nil aliud sit, quam esse inadæquatè cognitam: sed naturam esse vniuersalem metaphisicè, est esse abstractam à singularibus: ergo idem quod prius. Prob. 3. idem antec. Naturam esse metaphisicè vniuersalem non est quid falsum, & chymericum: ergo est denominatio extrinseca. Prob. consequ. Quælibet forma intrinseca constituens naturam vniuersalem est falsa, & chymérica, cum non sit vera, & realis: ergo si naturam esse metaphisicè vniuersalem non est quid falsum, & chymericum, vniuersalitas non est forma intrinseca, sed extrinseca denominatio.

275 Confirm. Natura constituitur vniuersalis metaphisicè per formam, qua redditur vna, & apta, vt comparetur ad plura; talis est cognitio, qua attinguntur in distinctè singularia: ergo talis cognitio est forma vniuersalis metaphisicè. Prob.

Prob. min. Singularia, vt substant. prædictæ cognitioni, apparent vnū pluribus communicabile, cum ex vi talis cognitionis nulla appareat inter singularia differentia: ergo per illam cognitionem redditur natura vna, & apta, vt comparetur ad plura.

276. *Resp. neg. antec.* Ad eius 1. prob. disting. mai. Denominatio extrinseca est, quæ conuenit subiecto ab extrinseco, formaliter conced. mai. effectiue neg. mai. vniuersalitas, & si efficienter sit ab extrinseco, quia efficiens vniuersalitatem (intellectus scilicet) sit quid extrinsecum naturæ, forma tamē, à qua formaliter sumitur denominatio vniuersalis, conuenit ab intrinseco naturæ, non dimanatiue, sed receptiue, nam vnitas rationis recipitur in natura, non realiter, sed obiectiue, quatenus apprehenditur, ac si naturam intrinsecè afficeret. Ad 2. prob. disting. mai. Naturam esse abstractam causaliter, & inferi est denominatio extrinseca conced. mai. formaliter, & complete neg. mai. & applicata distinctione min. neg. conseq. Actio abstrahens, cum sit practica, solum in fieri, & casualiter denominat naturam abstractam, quæ complete, & formaliter denominaturalis ab vnitate rationis per cognitionem illam introducta, vt in simili explicuimus tum quæst. 1. art. 2. tum in hac quæst. art. 4. vniuersalitas autem consistit in forma, qua natura est complete, & formaliter vniuersalis.

277. *Ad 3. amec. prob. concesso antec. neg. conseq.* Ad cuius prob. neg. antec. quia falsum est, quod affirmatur existere, cum reuera non existat, & chymericum dicitur, quod nullo præfente in re fundamento, temere fingimus: quo circa vnitas rationis naturæ vniuersalis nec falsa est, nec chymérica, quia illam intellectus de natura non affirmat, sed illam apprehendit in natura cum fundamento in reali similitudine, vtraque conformitate: inferiorum prædictam naturam participantium.

278. *Ad confirm. neg. min. ad prob. disting. anteced. apparent singularia, vt vnum, vnitate collectionis conced. ant. vnitate communi indifferenter pluribus neg. antec.* nā licet explicite non appareant differentia singularium per eam cognitionem, attinguntur tamen confusè, quod sufficit, vt impediant communiter, nam redditur natura vna, vnitate solius collectionis, quæ de quolibet singulari nequit affirmari.

§. II.

Statuitur actio, qua fit vniuersale metaphisicum.

279. **T**ertia conclusio. Vniuersale metaphisicum non fit per abstractionem intellectus agentis. **Prob. conclusio.** Per actionem, qua fit vniuersale metaphisicum, existit vnitas illud constituens in

ratione vniuersalis, cum productio rei ponat omnia rei constitutiva sub existentia: sed per abstractionem intellectus agentis non existit vnitas, qua constituitur vniuersale metaphisicum: ergo per talem actionem non fit vniuersale metaphisicum. Prob. min. Per talem actionem, nec existit natura sub vnitatem reali, nec sub vnitatem rationis: ergo non existit sub vnitatem constituyente vniuersale. Anteced. quoad 2. partem est certum, nam vnitas rationis nequit existere nisi ex vi actus, qui sit cognitio, cum esse entis rationis sit cognosci; sed abstractio intellectus agentis non est actus, qui sit cognitio: ergo. Quoad 1. vero partem prob. Vnitas realis est vnitas numerica, & singularis, sed per talem actionem non existit natura sub vnitatem numerica, & singulari, cum potius per illam natura abstrahatur à singularibus: ergo ex vi illius actionis non existit natura sub vnitatem reali.

180 Si dicas, quod natura existit ex vi illius actionis sub vnitatem reali, non intrinseca, sed extrinseca, quæ est denominatio extrinseca desumpta ab specie.

181 Contra est, nam iuxta dicta hucusque, vnitas, qua constituitur vniuersale metaphisicum est vnitas intrinseca, & ex parte obiecti se tenens, sed denominatio extrinseca sumpta ab specie non est huiusmodi: ergo non est formaliter vnitas vniuersalis. Et quidem naturam postea cognosci vt vniam

non est denominatio extrinseca desumpta à cognitione, aliter totum sitet obiectum formale logicæ in denominationibus extrinsecis, eadem enim est ratio de denominatione directi media cuiuslibet generis secunda intentione, erit sanè denominatio extrinseca ab actu dirigente desumpta: & vltterius, si naturam esse vniam, est denominatio extrinseca, cum media illa vnitatem sit præcisa ab inferioribus, vel præcisio obiectiua non dabitur, vel ea consistet pro formali in ipso actu præscindente, quorum quodlibet alienum est à doctrina Thomistica, quam in antecedentibus firmauimus: ergo consequenter ad doctrinam communiter receptam intra scholam Angel. Præcept. sustineri nequit solutio.

182 Confirm. obiectum representatum per illam speciem est natura, non multiplex, sed vna; sed obiectum representatum per speciem non constituitur formaliter per ipsam speciem: ergo natura non constituitur vna vnitatem extrinsecam proueniente formaliter ab specie.

183 Quod si propter hæc, aliter rationi nostræ occurras, & dicas, quod natura representata per speciem est vna vnitatem rationis, quæ vnitas licet formaliter, & explicite nequeat fieri sine cognitione, virtualiter tamen potest causari per speciem præuiam, quia species debet representare naturam sub ea vnitatem, sub qua eam pos-

fit intellectus possibilis cognoscit.

184 *Contra est.* Nam quidquid sit, an, & quomodo species representet unitatem rationis, hæc tamen non existit modo sufficiente ex vi representationis speciei productæ ab intellectu agente, vt ex vi talis actionis propriè existat vniuersale metaphisicum: ergo nec modo sufficiente, vt ex vi illius propriè producat, & fiat vniuersale metaphisicum. Patet conseq. cum productio rei eam ponat sub existentia, & antecedit. prob. Ex vi actionis, vi cuius non existit propriè unitas obiectiua rationis, qua constituitur vniuersale metaphisicum, non existit propriè vniuersale metaphisicum; sed ex vi actionis, quæ non est cognitio, nequit propriè existere unitas obiectiua rationis, cum ens rationis non existat, nisi dum actualiter cognoscitur ab intellectu: ergo ex vi actionis productiue speciei non existit propriè vniuersale metaphisicum.

185 *Explicatur.* Ex hoc, quod modo conseruetur in memoria species representans relationem rationis, in qua vniuersale logicum consistit, non sequitur, quod modo conseruetur existens vniuersale logicum, nisi modò sit cognitio factiua ipsius: ergo ex hoc quod ab intellectu agente producat species representans unitatem rationis, in qua vniuersale metaphisicum consistit, non colligitur, quod fiat, siue reddatur existens vniuersale

metaphisicum, nisi detur cognitio effectiua illius unitatis.

186 *Vltima conclusio.* Vniuersale metaphisicum fit immediatè per abstractionem intellectus possibilis, tam negatiuam, quam positiuam. Prob. 1. pars conclusionis. Per illam actionem immediatè fit vniuersale metaphisicum, per quam fit immediatè fundamentum proximum vniuersalitatis logicæ, cum supra vniuersale metaphisicum fundetur immediatè secunda intentio vniuersalis logici: sed per abstractionem negatiuam intellectus possibilis immediatè fit fundamentum proximum vniuersalis logici: ergo immediatè fit per illam vniuersale metaphisicum. Prob. min. Per abstractionem negatiuam intellectus possibilis natura redditur vna positiue, & indifferens ad plura: sed supra naturam vnā positiue, & indifferentem ad plura fundatur immediatè vniuersalitas logica: ergo fit immediatè per talem abstractionem fundamentum proximum vniuersalis logici. Prob. mai. Unitas, qua natura excludit differentias, est unitas positiua, & sub qua natura est indifferens ad plura, cum repugnantia ad essendum in pluribus proueniat à differentijs: sed per illam abstractionem natura redditur vna obiectiue, cum cognoscatur ac si in se esset vna, qua unitate obiectiua excludit differentias: ergo fit immediatè per illam abstractionem natura vna positiue, & indifferens ad plura.

287 *Secunda vero pars conclusionis prob. Ideo per abstractionem negativam intellectus possibilis ponitur unitas positiva, & indifferentia ad plura, quod est fundamentum vniuersalitatis logicæ, quia per talem abstractionem cognoscitur natura, exclusis differentijs: sed per abstractionem positivam cognoscitur natura, exclusis differentijs: ergo per eam ponitur etiam fundamentum proximū vniuersalitatis logicæ. Prob. min. Abstractio positiva separat naturam ab inferioribus, cognoscendo inferiora, à quibus eam separat: sed non stat separari naturam ab inferioribus, nisi exclusis differentijs, medijs quibus natura erat in inferioribus: ergo per abstractionem positivam cognoscitur natura exclusis differentijs.*

§. III.

Soluantur argumenta.

288

O *Bijcies 1. contra 1. conclusionem D. Thomæ Opusc. 55. asserentem, quod una, & eadem natura, que singularis erat, & indiuiduatur per materiam in singularibus hominibus sit postea vniuersalis per actionem intellectus depurantis ipsam à conditionibus indiuiduantibus, que sunt hic, & nunc: sed actio intellectus depurantis naturam est actio intellectus agentis producens speciem representantem naturam sine conditionibus indiuiduantibus.*

bus: ergo per talem actionem sit natura vniuersalis: non logicè: ergo metaphisicè.

289 *Resp. explicando mai. sit postea vniuersalis per actionem intellectus depurantis, sit mediata conced. mai. immediate neg. mai. Nam cum intellectus agens producat speciem representantem naturam sine singularibus, qua specie determinatus intellectus possibilis cognoscit naturam, ac si in se esset una, obiectiuam existentiam communicando unitati, sit consequens, quod ab actione depurante initietur vniuersalitas, cum ab ipsa ponatur species, quæ est necessaria, vt existat vniuersalitas, quæ tamen solum existit ex vi actus, qui cognitio sit. Et quidem Angelicus Precept. sæpè docet (vt constat ex testimonijs supra positjs) quod vniuersale est vnum unitate cognitionis, per quod satis excludit ab efficiencia immediata vniuersalis actionem intellectus agentis, qui non est cognoscitivus.*

290 *Obijcies 2. Vniuersale metaphisicum est natura vna cum non repugnantia ad essendum in pluribus: sed per abstractionem intellectus agentis sit natura vna cum non repugnantia ad essendum in pluribus: ergo per abstractionem intellectus agentis sit vniuersale metaphisicum. Prob. min. per illam abstractionem abstrahitur natura à singularibus, à quibus prouenit pluralitas, & distinctio, repugnantiaque ad essendum in pluribus: ergo sit per talem abstractionem*

nem

nem natura vna cum non repugnancia, vt sit in pluribus. Patet consequens, nam illa actio facit naturam vnā, & indifferentem, quæ tollit pluralitatem, vnde casus erat multiplex, & repugnabat esse in pluribus.

291 *Confirm.* 1. Natura nulli appropriata est natura vna, & indifferens ad plura: sed per abstractionem intellectus agentis natura manet nulli appropriata: ergo manet vna, & indifferens ad plura. *Confirm.* 2. Inter esse singulare, vel vniuersale metaphisice non datur medium: sed natura ex vi representationis speciei non est singularis: ergo est vniuersalis.

292 *Resp.* concessa mai. disting. min. per abstractionem intellectus agentis fit natura vna, vnitatem; quæ talis sit virtualiter, & in actu primo conced. min. quæ talis sit formaliter, & in actu secundo neg. min. & neg. consequens, quia vniuersale metaphisicum non fit nisi per illam actionem, vnde cuius existunt formaliter, & in actu secundo eius constitutiua, cuiusmodi est vnitatem, quæ ex vi representationis speciei solum in actu primo existit, quatenus existit id, quo determinatur intellectus, vt illi tribuat sua cognitione existentiam.

293 Si dicatur voluntarie, & sine vilo prorsus fundamento asseritur esse vnitatem fictam vniuersalem: ergo ex quo nequeat existere vnde solus speciei vnitatem ficta, non bene inferitur, quod non existat ex vi illius vnitatem vni-

uersalis. *Vitetur* illa species in actu secundo repræsentat naturam, & non differentias, seu sine differentiis: ergo natura repræsentata est vniuersalis vna in actu secundo. *Deinde.* Natura repræsentata per illam speciem actu est obiectum illius speciei: non multiplex: ergo vnum: sed non vnitatem singularem: ergo actu vnum vnitatem communi, & propria vniuersalis metaphisici.

294 *Resp.* quod satis rationabiliter adstruitur illa vnitatem rationis, imò nescimus qua doctrina consequentia oppositum asseratur intra Scholam D. Thomæ: si enim vnitatem extrinsecam ab specie sumpta est formaliter vnitatem vniuersalem metaphisici, cum vnitatem speciei sit vnitatem vniuersalem in repræsentando, vniuersale metaphisicum erit pro formali indistinctum ab vniuersali in repræsentando; quomodo ergo in sua vi manent rationes, quibus probamus vniuersalia in essendo distincta omnino ab vniuersali in repræsentando? Deinde, cum mediâ illa vnitatem natura sit vna, & distincta à singularibus, si illa consistit pro formali in specie repræsentatiua distincta realiter à singularibus, distinctio naturæ à singularibus erit distinctio realis, sicut supra arguebamus contra negantes præcisiones obiectivas, vel præcisionem, & distinctionem obiectivam statuentes indeterminationem extrinsecam ab actu præseidente desumptam. Denique, si semel naturam esse vnā potest esse denominatio extrin-

trinfeca; cur respectus (idem de alijs instrumentis logicalibus) quo constituitur in esse vniuersalis logici, non erit denominatio extrinfeca ab actu cōparatio dēsumpta? Hæc sane, & alia, quæ ex his inferuntur, satis rationabiliter suadent, quod cum fundamento procedamus præsertim suppositis his, quæ velut indubia in Behola D. Thomæ supra propugnauimus.

295 Ad 2. instantiam. Ingo in specie, vi cuius cognoui relationem rationis, asseruata modo in memoria; & rogo, an ex vi illius existat modo (omni cognitione seclusa) vniuersale logicum. Quare concessio antec. neg. conseq. Nam ille est actus secundus repræsentationis comparative ad speciem, quæ suum munus exercet in actu secundo, dum per modum principij secundat intellectum ad cognitionem, non tamen est actus secundus vnitatis repræsentatæ, vsque quo media cognitione fiat obiectiue præsens intellectui. Ad 3. resp. quod obiectum speciei impressæ, vt actu sit obiectum illius, prout exigitur ab ipsa, sufficit, quod actu possibiliter sit, quod scilicet, detur actu possibilitas illius, quo modo entia rationis ex vi speciei impressæ, qua repræsentatur, possibiliter existunt; vnde ex vi speciei produci ab intellectu agere existit de facto in natura denominatio extrinfeca repræsentatæ virtualiter, seu in actu primo sine differentijs, vnitas tamen naturæ sic repræsentatæ de facto non existit.

296 Hinc ad 1. Confirm. resp. quod natura ex vi repræsentationis speciei nulli est appropriata; non appropriatione in actu primo sumpta, & quæ sufficit, vt per speciem impressam repræsentetur, modo proportionato speciei; non tamen modo sufficiente, vt existat. Nec valet si dicas: actu est illa species similitudo naturæ, & actu non est si similitudo indiuiduorum; ergo natura repræsentata actu non est appropriata indiuiduis. Nam nulla est conseq. solum enim inferitur, quod natura actu extrinfecè denominetur repræsentata, & non sic denominentur indiuidua, ad quod non requiritur, quod non appropriatio, seu vnitas, sit, aut existat; nisi tantum possibiliter, & in actu primo, quod sufficit, vt per speciem impressam repræsentetur.

297 Ad 2. Confirm. resp. quod ex vi repræsentationis speciei nec natura est actu singularis, nec vniuersalis metaphisicè; quia ille status est virtualiter tantum talis, & in actu primo, in quo nec singularitas, nec vniuersalitas actu competunt naturæ; sicut nec particularitas logica, nec vniuersalitas competunt naturæ ex vi abstractionis, quia ex vi talis ab utroque præcinditur.

298 Obijcies contra vltimam conclusionem. Per abstractionem negatiuam intellectus possibilis nulla fingitur vnitas in obiecto: ergo vel vniuersale Metaphisicum non dicit vnitatem, vel illud non sit per abstractionem ne-

negatiuam intellectus possibilis, Prob. antec. Per cognitionem naturæ secundum se nulla fingitur vnitas in obiecto : sed abstractio negatiua est cognitio naturæ secundum se : ergo per abstractionem negatiuam nulla fingitur vnitas in obiecto.

199 *Confirm.* Non fit vniuersale logicum fundamentaliter proxime, vtique quo natura redditur proximè potens comparari ad inferiora in qua comparatione, seu respectu vniuersale logicum formaliter consistit : sed per abstractionem negatiuam intellectus possibilis non fit natura proximè potens comparari ad inferiora : ergo vel vniuersale metaphysicum, non est id, supra quod immediate fundatur vniuersalitas logica, vel illud non fit per abstractionem negatiuam. Prob. min. Non cognitis inferioribus, à quibus natura est abstracta, manet natura impotens proximè comparari ad illa, nequit enim intellectus comparare hoc ad illud, nisi cognoscat hoc, & illud sed per abstractionem negatiuam non cognoscuntur inferiora, à quibus natura abstrahitur : ergo. Quod vrgetur ex eo, quod natura nequit esse proximè apta ad eiusmodi respectu n, in quo consistit vniuersalitas logica, dum est indifferens ad hanc, vel illā speciem vniuersalitatis, intellectus enim debet ei tribuere determinatam intentionem vniuersalitatis : sed non cognitis inferioribus, à quibus est abstra-

ctum, v. g. coloratum, hoc manet indifferens, tum ad intentionem generis, si compararetur ad hanc, & illam speciem coloris, tum ad secundam intentionem accidentis quati prædicabilis, si compararetur ad hoc, & illud subiectum coloris, hominem v. g. Et Equum : ergo non cognitis inferioribus, natura non est proximè apta, vt compararetur ad illa.

500 *Resp.* neg. antec. Ad eius prob. constat ex dictis in artic. antec. nam natura secundum se ratione status est vna positiuè, cum ratione status habet vnitatem obiectiuam præcisionis, qua excludit differentias inferiorum. Dicitur autem absolute, quod secundum se est vna negatiuè, & absolute non dicitur, quod secundum se est vna positiuè, nisi cum illo addito, *ratione status* : quia ly *secundum se* idem sonat, ac essentialiter, & cum natura non sit essentialiter multiplex, in quo consistit esse vnā negatiuè, inde fit, quod absolute dicitur. *Natura secundum se est vna negatiuè* : at cum essentialiter non excludat sui multipliciter, in qua multipliciter exclusionem consistit vnitas positiuā, ideo absolute est falsum : *Natura secundum se est vna positiuè* : addita tamen illa restrictione, *ratione status*, est vera, quia ratione status solitudinis, dicit vnitatem, qua pluralitatem excludit.

301 *Ad Confirm.* resp. quod vniuersale metaphysicum est fundamentum proximum vniuersali-

tatis logicę, quod fundamentum ponitur per abstractionem negati-
tam: Ad 1. prob. in contrarium di-
ſting. mai. non cognitis inferiori-
bus, nec antecederet a. comparati-
uam, nec in exercitio illius, conc. mai.
antecedenter præſiſſe neg. mai. Et con-
ceſſa. mla. neg. conſeq. Sicut, vt
cognoſcatur natura ſecundū quod
eſt radix ſuarū proprietatum, quod
eſt cognoſcere illam comparati-
uā proprietates, nō requiritur, quod
proprietates prius abſolute cogno-
ſcantur, ſed ſufficit, quod tunc pri-
mo cognoſcantur in ipſo exercitio
cognoſcendi naturam comparati-
uā ad illas. Ita neceſſum non eſt,
quod inferiora abſolute præcog-
noſcantur, vt natura poſſit ad illa
comparariſed ſufficit, quod in ipſo
exercitio comparationis cognoſ-
cantur. Et vtriuſque ratio eſt, quia
cum vnum extremum eſt ratio
cognoſcendi alterum, ſufficit quod
cognoſcatur illud, vt in ipſo exer-
citio cognoſcatur, & alterum, qua
ratione cognoſcuntur propieta-
tes, dum natura illarum radix cog-
noſcitur, quia ſcilicet natura eſt ra-
tio cognoſcendi proprietates: cum
ergo ſolam illam naturam deſen-
damus vniuerſalem (vt conſtabit
quaſt. ſequentē) quæ ex ſe inſert
poſſibilitatem plurimū inferiorū,
ſit conſequens, quod poſſint infe-
riora cognoſci, cum cognoſcitur
ipſa natura, quæ eſt radix, & ra-
tio illorum.

302 Hinc ad Id, quo pro-
batio vrgetur, reſp. neg. anteced.
quia illa indifferentia naturæ eſt

extrinſeca, & quæ non tollitur per
additionē fundamenti, ſed per po-
ſitionem termini, qui ſufficienter
ponitur, dum in ipſo exercitio cō-
parationis inferiora cognoſcuntur,
quia ratione, albedo indifferentis, vt
referatur relatione ſimilitudinis ad
aliā albedinem, vel relatione diſ-
ſimilitudinis ad nigredinem, eſt pi-
hilominus fundamentum, proxi-
mum ſimilitudinis, quia indiffe-
rentia illa eſt extrinſeca, & quæ au-
fertur, non per additionem fun-
damenti, ſed per poſitionem termini.
Alia quæ militat contra vltimam
partem eſſendem conſeſſionis, con-
tra abstractionem ſcilicet poſiti-
uam, opportuniſſe diſcutientur in-
fra, dum de vniuerſali logico aga-
mus.

ART. VII.

In quo conſiſtat, & per quem actum ſit
vniuerſale logicum?

303. **I**tem obſervare op-
portet, quod in vni-
uerſali logico, & eſt natura, quæ
denominatur vniuerſalis, & ipſa
vniuerſalitas, de qua ſola pro-
cedit dubium, cum natura in
nulla re determinate conſiſtat.
Præterea obſervandum eſt, quod
cognitio (quoad præſenſilitigium)
alia eſt abſoluta, alia compara-
tiua; abſoluta eſt, qua natura
atingitur ſine ordine ad infe-
riora; comparatiua eſt, qua
cognoſcitur per ordinem ad il-
la. Rurſus comparatio naturæ ad
in-

inferiora est duplex: simplex; & composita: simplex est, quia natura apprehenditur, & apparens esse in pluribus: composita, quia determinatur natura de pluribus.

Sup. siue inq. multoq. 1.

Ubiq. in de 4. 1.

Ubiq. in de 4. 1.

Ubiq. in de 4. 1.

Decembris forma vniuersalis logici.

Ubiq. in de 4. 1.

Ubiq. in de 4. 1.

Ubiq. in de 4. 1.

Ubiq. in de 4. 1.

Ubiq. in de 4. 1.

Ubiq. in de 4. 1.

Ubiq. in de 4. 1.

Ubiq. in de 4. 1.

Ubiq. in de 4. 1.

Ubiq. in de 4. 1.

Ubiq. in de 4. 1.

Ubiq. in de 4. 1.

Ubiq. in de 4. 1.

Ubiq. in de 4. 1.

Ubiq. in de 4. 1.

Ubiq. in de 4. 1.

Ubiq. in de 4. 1.

Ubiq. in de 4. 1.

Ubiq. in de 4. 1.

Ubiq. in de 4. 1.

Ubiq. in de 4. 1.

Ubiq. in de 4. 1.

Ubiq. in de 4. 1.

Ubiq. in de 4. 1.

Ubiq. in de 4. 1.

Ubiq. in de 4. 1.

Ubiq. in de 4. 1.

Ubiq. in de 4. 1.

Ubiq. in de 4. 1.

Ubiq. in de 4. 1.

Ubiq. in de 4. 1.

Ubiq. in de 4. 1.

Ubiq. in de 4. 1.

Ubiq. in de 4. 1.

Ubiq. in de 4. 1.

305. *Superius* in super con-
clusio ratione: Vniuersale logicum
constituitur formaliter per respec-
tum ad inferiora: sed non per res-
pectum, qui realis: ergo consti-
tuitur formaliter per respectum
rationis ad inferiora. Mai. videtur
certa: tum quia vniuersale logi-
cum formaliter vt tale est vnum in
multis, seu versus multa: sed vnum
versus multa dicit de formali res-
pectum ad multa, scilicet inferiora:
ergo constituitur formaliter
per respectum ad inferiora. Tum
quia vniuersale logicum formaliter
vt tale est superius: sed superius,
vt tale, dicit pro formali respectum
ad inferiora: ergo. Min. vero Prob.
respectus, qui nullatenus est talis in
re, non est respectus realis: sed res-
pectus ille ad inferiora nullatenus
est talis in re, cum a parte rei, nec
detur vna natura superior ad mul-
ta, nec apta: vt vna manens sit in
multis: ergo talis respectus non est
respectus realis.

306. Si dicat: 1. maiorem hu-
ius discursus esse falsam, quia vni-
uersale logicum nihil aliud est, quam
natura abstracta ab inferioribus, vt
potens cognosci in illis, siue vt
cognoscibilis in illis: constituitur
autem cognoscibilis in pluribus
per cognitiones possibili, quibus
potest cognosci in pluribus, non
per aliquem respectum ipsius na-
ture ad inferiora.

307. Contra est. Forma, que diu-
actu existit, non redit ad existens
vniuersale logicum, non est consti-
tutiva vniuersalis logici, concretum

enim formaliter redditur existens ab existentia suæ formæ: sed, cognitiones possibiles, dum actu existunt, non reddunt formaliter existens vniuersale logicum: ergo hoc non constituitur formaliter per cognitiones possibiles. Prob. min. Cognitiones possibiles, dum actu existunt, reddunt naturam cognitā actu existentem in pluribus; ergo non reddunt formaliter existens vniuersale logicum. Patet conseq. Nam vniuersale logicum non redditur formaliter existens ab eo, quod ipsum iam existens supponit: sed cognosci vt actu existens in pluribus supponit iam existentem aptitudinem ad essendum in pluribus, in qua aptitudine consistit formaliter vniuersale logicum: ergo si per cognitiones possibiles, dum actu existunt, redditur natura existens in pluribus, per illas dū actu existunt, non redditur formaliter existens vniuersale logicum.

308 *Confirm.* obiectum cognitionis non constituitur formaliter per ipsam cognitionem; sed obiectum illarum cognitionum possibile est natura capax ad essendum in pluribus: ergo per cognitiones non constituitur capax vt sit in pluribus. *Argetur* Potentia non constituitur formaliter potens cognoscere per cognitionem possibilem, sed per suam virtutem elicitivam cognitionis: ergo obiectum non constituitur formaliter potens cognosci per cognitionem possibilem, sed per rationem obiectiuam potentem terminare cognitionem.

Patet conseq. Nam idē obiectum constitueretur cognoscibile per cognitiones possibiles, quia per cognitiones actuales constituitur cognitum: sed hæc ratio est nulla, si quidem potentia, quæ per cognitionem actualem constituitur cognoscens, nō constituitur potens cognoscere per cognitionem possibilem: ergo.

309 *Si dicat* 2. quod & si natura sit vniuersalis formaliter ab aptitudine, ad essendum in pluribus, hæc aptitudo non est talis ex parte obiecti: sed tantum ex parte modi cognoscendi, ac proinde non est respectus rationis.

310 *Contra est.* Natura ex vi illius cognitionis, qua cognoscitur apta ad essendum in pluribus obijcitur, & apparet cognoscenti, ac si esset apta ad existendum in pluribus: sed quod obijcitur, & apparet cognoscenti, ex parte obiecti se tenet: ergo cognoscitur apta ex parte obiecti. *Confirm.* Modus ille cognoscendi naturam aptam ad essendum in pluribus est modus, qui talis est in representando, & non pure in essendo, aliàs non denominaret naturam, quam cognoscit, aptam ad essendum in pluribus. Ergo aptitudo naturæ ad essendum in pluribus representatur per cognitionem: sed quod representatur per cognitionem, ex parte obiecti se tenet: ergo illa aptitudo se tenet ex parte obiecti, ac proinde, si ex parte obiecti non est aptitudo, & respectus realis, respectus, & aptitudo, quibus con-

constituitur vniuersale logicum, non sunt aliquid reale: sed quia in antecedentibus satis impugnata est doctrina solutionis, ab inferiori illius impugnatione abstinemus.

311. Secunda conclusio. Respectus ad inferiora, in quo consistit vniuersale logicum, non est respectus ad inferiora, ut à quibus natura est abstracta, nec est respectus ad inferiora, ut de quibus predicatur, aut predicari potest, sed est respectus ad illa, ut in quibus potest esse. Prima pars conclusionis prob. Vniuersale logicum, ut ab vniuersali metaphilico distinctum, est vnum in multis, vnum scilicet potens esse in multis, seu identificari cum multis, sed per respectum ad inferiora, ut à quibus natura fuit abstracta, non respicit naturam multam, ut in quibus potest esse, & cum quibus potest identificari, sed potius, ut à quibus separatur, & dividitur: ergo vniuersale logicum non constituitur respectu, quo natura respiciat inferiora, ut à quibus est abstracta.

312. Explicatur, & confirm. vnum respiciens plura, ut in quibus potest esse, est vnum respiciens plura, non ut terminum à quo, sed ut terminum ad quem: sed vnum respiciens plura, ut à quibus est abstractum, est vnum respiciens plura, ut terminum à quo, non ad quem: ergo vnum respiciens plura, ut in quibus potest esse, non est vnum respiciens plura, ut à quibus est abstractum: sed vni-

uersale logicum est vnum respiciens plura, ut in quibus potest esse, hoc enim aperte constat ex illius distinctionis communis plausu recepta scilicet 3. vnum in multis: ergo vniuersale logicum non est vnum respiciens plura, ut à quibus est abstractum.

313. Secunda pars conclusionis prob. Vniuersale logicum non consistit in illo respectu, qui supponit vniuersale logicum: sed respectus ad plura, ut de quibus predicatur, supponit vniuersale logicum: ergo vniuersale logicum non consistit in respectu ad plura, ut de quibus predicatur. Prob. min. Respectus naturæ ad multa, ut de quibus predicatur, supponit predicabilitatem, sicut quilibet actus supponit suam potentiam: sed dum natura est predicabilis de multis iam est vniuersalis logicè, cum vniuersale logicum sit vnum predicabile de multis: ergo respectus naturæ ad plura, ut de quibus predicatur, supponit vniuersale logicum.

314. Tertia pars ex eadem ratione constat. Respectus enim naturæ ad plura, ut de quibus potest predicari, est predicabilitas: sed predicabilitas supponit vniuersalitatem logicam: ergo respectus naturæ ad plura, ut de quibus potest predicari, supponit vniuersale logicum, ac proinde non constituit formaliter illud. Prob. min. Tum quia predicabilitas est passio vniuersalitatis: ergo supponit vni-

vniuersalitatē. *Tūm* quia sicut actualis prædicatio supponit prædicabilitatem, ita posse prædicari de multis, supponit posse esse in multis, seu identificari cum multis: sed dum supponitur vnum potens identificari cum multis, supponitur vniuersale logicum, quod primò, & per se est vnum in multis, vt inde sit vnum de multis: ergo.

315 *Hinc veritas* vltimæ partis conclusionis sit manifesta, *tūm* ab exclusionē aliarum partium. *Tūm* quia ex dictis vniuersale logicum consistit formaliter in respectu, quo natura iam per abstractionem vna respicit multa, vt terminum *ad quem*: sed huiusmodi est respectus ad plura, vt in quibus potest esse: ergo consistit formaliter in respectu ad plura, vt in quibus potest esse. Denique Vniuersale in significando est vnum respiciens plura, vt quæ potest significare; & vniuersale in causando est vnum respiciens plura, vt quæ potest causare: ergo vniuersale in essendo est vnum respiciens plura, vt in quibus potest esse.

§. II.

Solvuntur que contra præcedentes conclusiones militant.

316 **C**ontra primam conclusionem obijciens 1. Vniuersale logicum formaliter consistit in aptitudine naturæ,

vt sit in pluribus: sed respectus ad plura supponit aptitudinem ad essendum in pluribus, nam ideo natura respicit plura, vt in quibus potest esse, quia habet aptitudinem, vt sit in illis: ergo vniuersale logicum formaliter non consistit in respectu naturæ ad plura, vt in quibus potest esse.

317 *Confirm.* 1. Relatio ad plura non constituit vniuersale logicum, nec quatenus relatio est, aliàs quævis relatio constitueret vniuersale logicum, nec quatenus relatio vnius ad plura, aliàs relatio Patris ad plures filios constitueret Patrem logicè vniuersalem: ergo vniuersale logicum non constituitur per relationem, seu respectum ad plura. *Confirm.* 2. Vniuersale logicum prædicatur de inferioribus; sed relatio rationis non prædicatur de inferioribus: ergo non constituit vniuersale logicum.

318 *Resp.* disting. mai. Vniuersale logicum consistit in aptitudine *positiua* naturæ, vt sit in pluribus conced. mai. in aptitudine *negatiua* neg. mai. & disting. min. respectus ad plura supponit aptitudinem *negatiuam*, vt sit in pluribus, conced. min. *positiuam* neg. min. & conseq. aptitudo *negatiua* est non repugnantia ad essendum in pluribus, quæ non repugnantia præhabetur in natura, hoc ipso, quod à pluribus sit abstracta; aptitudo vero *positiua* est habitudo naturæ per modum superioris ad plura,

ra, vt in quibus potest esse, quæ sine relatione ad plura nequit intelligi. Vnde cum dicitur, ideo natura respicit plura, quia est apta, ly *quia*, & ly *ideo* denotant illationem logicam consequentis ab antecedente, non causam physicam, aut fundamentum; sicut cū dicitur Petrus est Pater, quia respicit filium, ly *quia* denotat illationem vnius ad aliud, sola distinctione penes implicitum, & explicitum, cum Pater pro formali sit ipse respectus ad filium.

319 *Ad 1. Confirm.* concessio antec. neg. consequ. Non enim constituit vniuersale logicum relatio ad plura, nec quatenus relatio, nec quatenus relatio vnus ad plura, sed quatenus relatio vnius ad plura, vt in quibus potest esse, & cum quibus potest identificari. *Ad 2. Confirm. disting. mal.* Vniuersale logicum, quoad naturam, quæ denominatur vniuersalis, prædicatur de inferioribus, concessio 1. quod secundam intentionem vniuersalitatis, neg. mai. & concessio min. neg. consequ. Et quidem aptitudo ad essendum in pluribus, in quocumque illam ponas, non prædicatur de Petro, & Paulo, de quibus prædicatur homo, quin indeliceat inferre, quod nō sit vnum aptum esse in multis homo vt vniuersalis.

320 *Obijes 2. contra eandem conclusionem.* Vniuersalitas est quædam species vnitatis; sed relatio non est species vni-

tatis, cum relatio non sit causa relictæ diuisionis, nec reddat naturam indiuisibilem: ergo relatio non est vniuersalitas, & consequenter non est forma constitutiva vniuersalis. *Confirm.* Relatio, qua natura respicit inferiora, est in se singularis, cum sit effectus cognitionis singularis: ergo nequit esse constitutiva vniuersalis. Prob. consequ. Singulare nequit constitui per formam, quæ in se sit vniuersalis: ergo etiam è conuerso nequit vniuersale constitui per formam, quæ in se sit singularis.

321 *Resp. disting. mai.* Vniuersalitas pro fundamento est quædam species vnitatis conced. mai. pro formali neg. mai. Quia vniuersale est vnum respiciens plura, vbi vnitatis se habet præsuppositiue, respectus vero ad plura impostatur de formali; sicut vniuersale in causando est vnum cum habitudine ad plures effectus, ita tamen, vt vnitatis supponatur, & respectus ad plura compleat formaliter conceptum causæ vniuersalis. *Ad Confirm.* neg. consequ. quia alias nec in aptitudine consisteret vniuersale, imo, nec esset assignabile in quo consisteret, cum illud deberet esset talis conceptus, vel talis ratio, quæ esset hæc, & non alia, ac proinde singularis. *Ad prob. consequ. neg. consequ.* quia nulla est forma vniuersalis, quæ determinet, & ardeat ad vnum, & sic nequit constituere singulare, de cuius ratione est, quod naturam ad vnum determinet; at potest forma in se vt quod

singularis esset id, quo natura respiciat indifferentem pluram, & sic redere naturam vniuersalem.

312 *Obijcies* denique contra eandem conclusionem, Naturam esse aptam ad existendum in pluribus, est, illam esse cognoscibilem in pluribus: sed per cognitiones possibiles constituitur formaliter cognoscibilis in pluribus: ergo per easdem constituitur formaliter apta ad existendum in pluribus. Min. Prob. Per cognitiones actu existentes constituitur natura actu cognita in pluribus: ergo per easdem ut possibiles constituitur cognoscibilis in pluribus.

318 *In primis* falsa est mai. argumenti, quia naturam esse aptam ad existendum in pluribus respicit pro actu secundo esse actu in pluribus, non esse actu cognitam in pluribus, quod respicit pro actu cognoscibilitatem in pluribus; & ulterius natura non ideo apta est ad existendum in pluribus, quia cognoscibilis in pluribus, sed ideo cognoscibilis, quia apta: non est ergo idem formaliter esse aptam ad existendum in pluribus, ac esse cognoscibilem in pluribus. Deinde minor est absolute falsa, quia potentia formaliter constituta in esse cognoscentis per cognitionem actualem, non est formaliter potens cognoscere per cognitionem possibilem, & sic etiam probatio min. deficit, & si enim committatur antec. non inferitur consequ.

314 *Quare* argumentum solum potest habere aliquam vim ex

falsa suppositione, quod vniuersalitas sit denominatio pure extrinseca cum ipsa cognitione pro formaliter identificata, ex quo intenditur inferre, quod sicut actu existere unam naturam in pluribus nihil aliud est, quam extrinseca denominatio cognita in pluribus, ita esse aptam ad existendum in pluribus sit sola denominatio extrinseca desumpta à cognitione possibili, quia potest cognosci esse in pluribus, quia ab eadem forma, ut possibile, denominatur res possibilis, à qua, ut in actu existente, denominatur actu exercite existens. Ceterum, cum huiusmodi doctrina satis in antecedentibus reiecta, ab opposito procedamus, ideo aptitudinem in forma obiectiua naturæ intrinsece constituimus, quia est in se intrinsece terminans cognitionem, licet ab hac effectiue proveniat. Unde ommissa mai. disting. min. Per cognitiones possibiles constituitur cognoscibilis extrinsece in pluribus, conced. min. intrinsece neg. an. sicut albedinem esse visibilem, si pure extrinsece sumatur, constituitur per visionem possibilem, à qua existente denominatur visibilis, cum tamen absolute sit visibilis intrinsece à sua entitate, ut connotante visionem possibilem.

315 *Contra* 1. partem secundæ conclusionis obijcies. Habitudo naturæ ad inferiora, ut ad terminum, à quo fuit abstracta, est habitudo naturæ ad inferiora, ut ad terminum ad quem: ergo vel in secunda habitudine non consistit
-for-

formaliter vniuersale logicum, vel consistit in prima. Prob. antec. Idem motus philosophicus potest respicere idem punctum, vt terminum à quo, & vt terminum ad quem, vt patet in motu circulari, quo mobile tendit ad idem punctum à quo recessit: ergo eodem motu intellectuali, seu eadem habitudine, qua natura respicit inferiora, vt terminum à quo respicit illa, vt terminum ad quem. Quod confirmatur ex eo, quod in voluntate idem actus est auersio, & conversio in Deum, odium enim Dei, quod est auersio à Deo, est conversio in ipsum, siquidem à Deo specificatur: ergo pariter.

326 *Possit omitti totum.* Quia non disputamus, an habitudo naturæ ad inferiora, vt ad terminum à quo, sit simul habitudo ad illa, vt ad terminum ad quem, sed an constituatur natura vniuersalis per habitudinem ad inferiora, vt ad terminum à quo; & quidquid sit de primo, negamus secundum, asserentes, quod respicere inferiora vt terminum à quo non est forma vniuersalis logici, sed ipsa respicere, vt terminum ad quem, siue sit duplex respicere, siue vnum tantum, de quo non curamus. Resp. Insuper neg. ante. ad cuius prob. neg. conseq. Quia motus philosophicus ex se petit formaliter, quod sit inter duos terminos, à quo scilicet, & ad quem, vnde si contingat (vt in motu circulari) quod idem sit terminus à quo, & ad quem, motus sine sui variatione illum dupliciter

respicit: at cum motus intellectualis, seu tendentia per rationem talis, non sit necessario inter duos terminos, sed attingat solum id, quod per modum obiecti formalis ipsi correspondet, si obiectum, seu terminus est duplex formaliter, nequit esse eadem tendentia; & sic se habent inferiora, vt à quibus natura est abstracta, & diuisa, & vt in quibus potest esse, sunt enim duo termini specificè diversi respectu habitudinis, quæ ex se non habet inter duplicem terminum oppositum versari.

327 *Ad confirm.* Ibi insertam neg. antec. Odium enim Dei est sanè auersio à Deo, sed non est conversio in ipsum, & si ab ipso dicatur specificari; quia actus, qui per se primò est fuga, & recessus ab aliquo, cuiusmodi est odium, specificatur à termino, à quo fugit, & recedit.

328 *Contra* reliquas eiusdem conclusionis partes obijcies. Essentia est perfectior proprietatibus: sed actualis prædicatio naturæ de inferioribus est perfectior aptitudine ad essendum in pluribus, & aptitudine, vt prædicetur de pluribus: ergo in actuali prædicatione consistit essentia vniuersalis. Prob. min. Prædicatio sit medio iudicio affirmante naturam de inferioribus, quod iudicium longe perfectius est simplici apprehensione, qua natura apprehenditur vt potens esse in multis, & vt potens prædicari de multis: ergo actualis prædicatio est perfectior.

329 *Confirm.* 1. Vniuersale non pertinet ad considerationem logicam, quatenus est, aut potest esse in multis, hoc enim spectat ad Metaphysicam, sed quatenus medio artificio logico prædicatur, aut potest prædicari de multis: ergo in prædicabilitate consistit essentia vniuersalis logici formaliter. *Confirm.* 2. Quando actus sunt subordinati, sufficit vna potentia respectu illorum, quo circa ab eadem potentia intellectiva procedunt apprehensio, iudicium, & discursus, quia sunt actus subordinati: sed existere in multis, & prædicari de multis sunt actus subordinati: ergo prædicabilitas, quæ est potentia ad prædicari de multis, non est distincta à potentia ad essendum in multis, quæ est essentia vniuersalis, ac proinde prædicabilitas non est proprietas vniuersalis.

330 *Resp.* disting. mai. essentia in rebus physicis est perfectior, conced. mai. in entibus rationis neg. mai. nam in physicis proprietates dimanant ab essentia, vnde necessarius est perfectior; in entibus autem rationis non dicitur essentia id, à quo alteram dimanet, sed quod primo efficitur ab intellectu, primoque convenit subiecto, vnde essentia non est necessario perfectior. *Ad 1. confirm.* neg. antec. nam licet esse in multis, quoad esse in se inspectum, non spectet ad logicam, quoad secundam tamen intentionem, qua ut abstractum, & vnum respicit per modum superioris illa mul-

ta pertinet ex proprio munere ad Logicam, quæ suum proprium artificium in eiusmodi adinvenit secundis intentionibus proprii etiam ad aliam secundam intentionem prædicabilitatis *Ad 2. confirm.* disting. mai. Quando actus sunt subordinati, sufficit eadem potentia in rebus physicis conced. mai. in entibus rationis, neg. mai. nam quando potentia est rationis, quot fuerint cognitiones cognoscentes rem per ordinem ad diversos actus, tot erunt potentie, cum potentia eiusmodi non detur, nisi cognita natura ut apta ad hunc, vel illum actum; cumque per cognitionem, qua natura cognoscitur apta ad essendum in multis, non cognoscatur apta ad prædicari de multis, per cognitionem, qua fit potentia, ut existat in multis, non fit potentia, ut prædicetur de multis.

§. III.

Decernitur actio, quæ fit vniuersale Logicum.

331 **T**ertia conclusio. Vniuersale logicum non fit per cognitionem absolutam, sed per comparativam naturæ ad inferiora. Hæc conclusio (sicut & sequentes) quasi corollarium est eorum, quæ statuta sunt §. antecedente: Eamque esse de mente D. Thomæ constat ex testimoniis ibi adductis, & prob. Cognito comparativa est (quoad præsens attinet) cognitio attingens naturam cum res-

respectu ad inferiora: sed universale logicum non aliter fit quam per cognitionem attingentem naturam cum respectu ad inferiora: ergo non aliter fit, quam per cognitionem comparativam. Prob. min. Universale logicum consistit formaliter in respectu naturæ ad inferiora: ergo non aliter fit, quam per cognitionem attingentem naturam cum respectu ad inferiora.

332 Nec dicas, quod & si universale logicum consistat formaliter in tali respectu, ut tamen talis respectus, seu relatio resultet, sufficit quod per abstractionem ponatur fundamentum proximum, nam statim resultat relatio, quin sit necessaria cognitio directe terminata ad illam.

333 Nam contra est. Relatio naturæ ad inferiora est relatio rationis, quæ nequit existere aliter, quam in esse cognito: ergo dum per cognitionem non attingatur respectus, non existet universale logicum formaliter: sed cognitio, quæ attingat respectum naturæ ad inferiora comparat naturam ad inferiora: ergo universale logicum formaliter non existit, nisi ex vi actionis comparantis naturam ad inferiora.

334 Obijcies. Abstractio per quam natura attingitur, non cognitis inferioribus, est actus absolutus: sed per talem abstractionem fit universale logicum formaliter: ergo universale logicum formaliter fit per cognitionem absolu-

tam. Prob. min. 1. Per contractionem naturæ ad singularia fit singulari formaliter: ergo per abstractionem naturæ à singularibus fit universale formaliter. Prob. 2. eadem min. Natura abstracta per intellectum à singularibus habet in illo statu quidquid haberet, si à parte rei esset separata à singularibus, sed si à parte rei esset separata à singularibus, à parte rei esset universalis formaliter. Prob. 3. ex vi illius abstractionis natura est una, & apta ad essendum in pluribus, siquidem nulli individuo est appropriata, sed est indifferens ad omnia: ergo ex vi illius est formaliter universale.

335 Confirm. ex D. Thoma. p. quæst. 85. art. 2. ad 2. dicente, *ad esse abstractum sequitur in natura intentio universalitatis*: sed intentio universalitatis fit per actionem ad quæ sequitur: ergo fit per actionem, qua natura abstrahitur à singularibus. Vigetur. Posito fundamento proximo relationis, resultat absque nova actione relatio: sed posita naturæ abstractione, ponitur fundamentum proximum relationis, in qua consistit universale logicum: ergo seclusa alia actione, ponitur ex vi abstractionis universale logicum formaliter.

336 Resp. neg. min. ad cit. 1. prob. disting. antec. per contractionem fit singulare metaphisicè, & primo intentionaliter conced. antec. Logice, & secundo intemionaliter neg. antec. Singulare logicè, & secundo intentionaliter consistit in respectu

du, de subiectibilis per modum inferioris ad naturam, & inde natura pariter constituitur in esse vniuersalis logicè per respectum superioris ad singularia, vt ad inferiora, licet in esse vniuersalis metaphisicè constituatur per abstractionem ab illis. *Ad 2. prob. min. resp. neg. mai.* quia si natura esset in re separata à singularibus diceret in re, seu haberet realem respectum ad singularia, quem rea em respectum nequit habere vt abstracta; respectum autem rationis nequit habere vsque quo ab intellecta per actionem comparatiuam fingatur. *Ad 3. prob. disting. antec. est vna, & apta, negatiuè, id est, non repugnans conc. antec. positiuè, neg. antec. primi generis indifferentia sufficit ad vniuersale metaphisicum, ad vniuersale verò logicum aptitudo positiua desideratur; quæ solutio constat ex dictis §. precedente.*

337 *Ad confirm. resp. explicando D. Thomam: ad esse abstractum; sequitur immediate, & quouis alio secluso, intentio vniuersalitas, neg. mai. mediare, conced. mai.* sequitur enim ad esse abstractum intentio vniuersalitatis, sed mediante noua consideratione comparatiua, quæ solutio constat etiam ex dictis in simili §. antecedente, & eam esse de mente D. Thomæ colligitur apperte ex testimonijs supra adductis, vbi docet, vniuersale fieri, dum intellectus comparat vnu alteri. *Ad id, quo vergetur argumentum, disting. mai. posito funda-*

mento proximo, resultat statim, relatio realis conced. mai. hæc enim naturali sequela, consequitur fundamentum: relatio, variatio, neg. mai. nam, hæc non fit, nisi ex vñ cognitionis attingentis ipsam; unde concessa min. neg. conseq.

338 *Quarta conclusio.* Vniuersale Logicum non fit per actionem attingentem naturam cum respectu ad inferiora, vt ad terminum à quo abstracta fuit, Constat de mente D. Thomæ in 1. sent. dist. 2. quaest. 1. art. 3. vbi ait; *Ex hoc quod intellectus intelligit animal, vt in pluribus speciebus, attribuit ei intentionem generis; ergo genus (idem de quolibet vniuersali.) fit per actum quo natura intelligitur vt in multis, & non vt separata à multis. Patet etiam conclusio ex supra statutis.* Vniuersale quippe fit per actum, quo attingitur id, in quo formaliter consistit; sed non consistit formaliter vniuersale logicum in respectu, quo natura respiciat multa, vt à quibus est abstracta, sed vt in quibus potest esse: ergo non fit per actum, quo cognoscatur respiciens multa, vt à quibus est abstracta, sed vt in quibus potest esse. *Nec obstat*, quod posito fundamento (vnitate scilicet abstractionis) & termino, scilicet singularibus, quæ cognoscuntur per talem abstractionem positiuam, resultat relatio. *Nam* vt iam diximus, hoc, est verum in entibus realibus, secus rationis, quæ cum consistant in cognoscendi, petunt, vt fiant, novam cognitionem.

339 Si dicat: Prædicabilitas est relatio rationis; & tamen fit sola cognitione fundamenti, scilicet vniuersalis logici: ergo etiam relatio rationis non petit, vt fiat, actionem distinctam ab ea, qua ponitur fundamentum. Min. constat ex eo, quod vniuersale logicum, hoc ipso, quod existat, est prædicabile de multis, cum hoc ipso quod existat, sit vnum in multis, & de multis: ergo cognitio effectiua vniuersalitatis logicæ, efficit etiam prædicabilitatem.

340 Resp. neg. min. ad prob. resp. vniuersale, hoc ipso quod existat, esse prædicabile, remote, & radicaliter, secus proximè; quia hoc ipso, quod existat vniuersale logicum, potest ab intellectu comparari ad multa, vt ad ea, de quibus prædicari potest; non est tamen proximè prædicabile, donec ad multa, vt de quibus prædicari potest illud actu compareret intellectus.

341 Vltima conclusio. Vniuersale logicum non fit per comparisonem compositam, quæ est actualis affirmatio naturæ de inferioribus, sed per comparisonem simplicem, quæ est apprehensio naturæ, vt aptæ ad existendum in pluribus. Prob. comparatio composita est actualis prædictio naturæ de inferioribus; sed actualis prædictio naturæ de inferioribus supponit naturam vniuersalem, ac per consequens eam non efficit: ergo comparatio composita non efficit naturam vniuersalem. Prob. min. Quilibet actus supponit suam po-

tentiam: ergo actualis prædictio naturæ de inferioribus supponit naturam aptam, vt prædicetur de inferioribus, sed cum natura est apta, vt prædicetur de inferioribus, iam est logicè vniuersalis, cū iam sit vna natura potens esse in multis, & prædicari de multis. In qua aptitudine vniuersalitas, & inde prædicabilitas, consistit, iuxta superius dicta: ergo actualis prædictio supponit: naturam vniuersalem.

342 Ex hoc autem patet ratione sequitur, quod vniuersale logicum non fiat per comparisonem discursivam: tum quia prædictio actualis, eo quod supponit vniuersale, non efficit illud; sed discursus supponit prædicationem, ac proinde supponit vniuersale: ergo non efficit illud. Tum, quia ad discursum solum spectat comparare principia ad conclusiones: sed vniuersale fit per comparisonem naturæ ad inferiora, quæ alterius rationis est à prima comparisonem: ergo discursus non efficit vniuersale.

343 Quoad 2. vero partem prob. conclusio. Vniuersale logicum fit per actum, quo natura cognoscitur vt apta ad existendum in pluribus, sed per simplicem apprehensionem cognoscitur natura apta, vt sit in pluribus: ergo per comparisonem, quæ sit simplex apprehensio, fit vniuersale logicum. Prob. min. Tum quia de natura abstracta prædicamus aptitudinem, vt sit in pluribus: ergo apprehendimus eam aptam vt sit in pluribus. Patet conseq.

seq. cum iudicium nostrum præcedat simplex apprehensio, prius enim apprehendit intellectus identitatem hominis cum animali, vt postea ferat sententiam per affirmationem, qua determinat iudicium hominē esse animal. Tum quia simplici apprehensione potest cognosci vnum cum habitudine ad aliud, vt cum apprehenditur Pater, cognoscitur enim comparatiuē ad filium: ergo simplici apprehensione cognoscitur natura cum habitudine ad inferiora. Videantur dicta in quæst. 1. art. vltimo.

344. *Obijcies.* Vniuersale logicum fit per actum, quo cognoscitur natura in pluribus: sed hic actus est comparatio composita: ergo fit per comparisonem compositam. Prob. min. concipere naturam vt in pluribus est concipere naturam vt identificatam cum pluribus: sed hoc nequit cognosci nisi per comparisonem compositam, enuntiationem scilicet, quā sola denotatur identitas naturæ cum pluribus: ergo. *Consum.* facere vniuersale est cognoscere vnam in multis, & de multis: ergo per iudicium, & dicendum potest fieri vniuersale.

345. *Possent in principis omnia præmissa, & negari conseq.* quia identitas actualis naturæ cum inferioribus non solum potest iudicari, sed simpliciter apprehendi. Imo, vt à nobis iudicium feratur super illam, debet in simplici apprehensione precedere. Sed pro veritate, aliter resp. disting. mai. per

actum quo natura cognoscitur in pluribus, actus existens in illis neg. mai. aptitudinaliter conced. mai. vt unum actus, quo natura cognoscitur a prædicto in pluribus, non est comparatio composita, sed simplex.

346. *Instas.* 1. Illo actu fit vniuersale, quo cognoscitur natura, vt superior, & simul inferiora, vt potest illius correlativa: sed inferiora nequeant cognosci, nisi cognoscantur. vt includentia naturam, nam constituantur per inclusionem naturæ: ergo natura fit per actum, quo cognoscitur natura actu inclusa in inferioribus. *Instas.* 2. Nam per illum actum fit natura vniuersalis, per quem fit proximè capax prædicabilitatis: sed per actum, quo cognoscitur actu identificata cum pluribus, fit proximè capax vniuersalitatis, ideo enim proximè potest prædicari de multis, quia est identificata cum multis: ergo fit vniuersale per actum, quo natura cognoscitur identificata cum pluribus.

347. *Resp.* disting. mai. quo cognoscantur natura, vt superior, & simul inferiora, vt in quoque in recto, neg. mai. natura in recto, & inferiora in obliquo conced. mai. & neg. min. quia licet inferiora constituentur passim per inclusionem naturæ, logicè tamen constituentur per respectu subiectionis ad naturam superiorem. Ad instantiam, concessa mai. neg. min. quia licet fundamentum proximum prædicationis est identitas prædicati cum sub-

subiecto, ita fundamentum proximum predicabilitatis est aptitudo, ut predicatum identificetur cum subiecto, quare natura sit proxime capax predicabilitatis per actum, quo cognoscitur ut identificabilis cum pluribus, sive ut apta ad existendum in pluribus.

348. Ad consiam. principalis argumenti resp. disting. mai. facere universale est cognoscere practice unum in multis, & de multis, conced. mai. est cognoscere speculative ut neg. mai. iudicium autem, & discursus attingunt speculative universale, quia cum supponat ipsam factum, vel factibile. Inde procedunt, vel ad affirmandum, vel ad probandum universalitatem competere naturae; solum autem practice cognoscuntur universalitas, cum in ipso exercitio comparatur natura ad inferiora, quod fit, dum apprehenditur cum habitudine superioris ad plura, ut ad sibi inferiora.

ART. VIII.

An universale servet in actuali predicatione universalitatem?

349. Hoc institimus dubio. Solvunt, ut aptitudo universalis, quam hucusque explicuimus, plenius per sum actum innoscatur, & licet primus actus sit contractio ad inferiora, quia tamen predicator est actus notior, & alias eadem militat ratio, Ideo de predicatione procedit dubium, in

quo partem affirmantem tenemus communiter Thomista, cum quibus sit.

350. Conclusio. Universale retinet in actuali predicatione universalitatem. Prob. homo ut superior respectu Petri est universalis; sed in hac actuali predicatione, Petrus est homo; predicatur homo, ut superior respectu Petri: ergo ut universalis, & consequenter retinet in actuali predicatione universalitatem. Prob. min. 1. in illa predicatione predicatur homo ut praecisus a differentis, ita, ut nulla differentia individualis praedicetur de Petro, alias illa propositio non differret ab hac, Petrus est Petrus, vel ab hac, Petrus est hic homo. quod patet quam sit falsum: sed homo, ut praecisus a differentiis individualibus est superior respectu Petri: ergo in illa predicatione homo predicatur ut superior respectu Petri. Prob. 2. eadem min. Illa praedicatio non est aequali de aequali: ergo est superioris de inferiori. Patet conseq. & antec. ex eo constat, quia illa praedicatio non est singularis de singulari, alias non differret ab illis duabus propositionibus supra positis: sed hoc ipso non est aequalis de aequali; Petro enim, qui est singularis quoddam, solum singularis est aequalis: ergo non est aequalis de aequali.

351. Confirm. ut praedicatio illa sit vera, sufficit, quod res, quae praedicatur, identificetur cum subiecto, nec requiritur, quod ut identificetur, sive ut nullo modo, distinc-

ta prædicetur de subiecto: ergo in illa prædicatione *Petrus est homo*, prædicatur homo de Petro, vt ab illius differentia individuali præcisus, ac proinde vt superior respectu Petri. Patet conseq. & antec. prob. quia prædicatum in propositione affirmatiua attribuitur subiecto, & cum illo componitur, ex quo resultant in subiecto, & prædicato relationes talium, quibus se mutuo respiciunt: sed hæc omnia non coherent cum eo, quod prædicatum non dicatur de subiecto, vt aliquomodo à subiecto distinctum: ergo sic dicitur, seu prædicatur de subiecto, vt aliquomodo scilicet ab ipso distinctum. Quod roboratur ex D. Thoma 1. p. q. 13. art. 12. in c. docet quod in qualibet propositione affirmatiua vera oppo-
ret, quod prædicatum, & subiectum significant idem secundum rem aliquomodo, & diuersum secundum rationem: & post pauca subdit: Hinc verò diuersitati, quæ est secundum rationem correspondet pluralitas subiecti, & prædicati, identitatem vero rei significat intellectus per ipsam compositionem.

352 *Obijcies 1.* in hac propositione *Petrus est homo*, homo attingitur, vt identificatus cum Petro, ergo non attingitur, vt communis pluribus. Patet conseq. quia natura identificata cum Petro est natura distincta ab ea, quæ cum reliquis indiuiduis identificatur, ergo non est communis illis.

353 *Dist. antec.* Homo attingitur vt præcisè identificatus cum Petro nego ant. vt identificatus, &

vt aliquomodo distinctus conc. antec. id enim, quod ex parte rei cognoscitur, & affirmatur est realis identitas hominis cum Petro, cū tamen cōpositio sit distinctorū vnio, necesse est extrema illa ex modo cognoscēdi attingi vt distincta per rationem, vt ex D. Thom. vidimus, quærit. proximè cit. 1. p. art. 12.

354 *Obijcies 2.* Natura communis dividitur in inferiora per cognitiones, per quas cognoscitur identificata cum illis; sed diuisura non est in membris illo modo, quo erat in se ante diuisionem: ergo natura, quæ ante diuisionem erat in se vniuersalis, amittit vniuersalitatem per cognitionem representantem eam, vt identificatam cum inferioribus.

355 *Dist. mai.* natura communis dividitur quoad rem cognitam materialiter sumptam, conc. mai. quoad rem cognitam formaliter sumptam neg. mai. & concessa minor. neg. conseq. natura communis materialiter sumpta est natura à parte rei multiplex, & diuisa in inferioribus; natura vero formaliter communis est natura prout obiectivè præcisà, & prout sic non dividitur, dum cognoscitur, vt identificata cum eis; concipitur enim natura sic præcisà, modo compositivo, vt superior, vt determinabilis, & vt partibilis in inferiora tantquam in partes subiectivas, ac subinde cognoscitur taliter homo identificatus cum Petro, vt possit tota eius natura prædicari de Paulo, tota quidem formaliter, & ob-

fectiue; sicut materialiter solum predicetur natura, quæ identificatur cum Petro.

356 Denique obijcies. In hoc complexo, *hic homo*, ly *homo* amittit vniuersalitatem ratione hæcæitaris expressè representata: per pro nomen *hic*: ergo in hac propositione, *Petrus est homo*, ly *homo* amittit vniuersalitatem ratione Petreitaris expressè representata in subiecto.

357 Resp. quod si ly *hic homo* sumitur in vi termini incomplexi, est omnino singularis, quia partes non exercent ibi suam significationem, sed induunt nouam, eamque simplicem significationem: si tamen accipitur, vt terminus complexus, in quo partes seorsim significant, & se habent per modum determinantis, & determinabilis, ly *homo* seruat vniuersalitatem specificam, quia significat naturam distinctam ex modo concipiendi ab hæcæitate.

QVÆSTIO IV.

De predicabilibus in communi.

Traclatus predicabilium Author fuit Porphyrius, Patria Tyrus, natione Phœnix, professione primò Catholicus, deinde Apostata, & Christiani nominis hostis accerrimus, quo non obstante, SS. DD. & Patres libellum hunc commentarijs illustrarunt propter eius vtilitatem

ad ordinantia prædicamenta, vnde idem Porphyrius illum inscripsit *Is agoge ad Aristotelis categorias*, id est, introductionem, præuiamque doctrinam ad prædicamentorum notitiã valde necessariam.

ARTIC. I.

An predicabilia sint tantum quinque?

Cum predicabilitas sit passio vniuersalitatis, nil aliud est prædicabile, quàm ipsum vniuersale vt potens prædicari de pluribus; vnde easdem conditiones, quas notauimus in quæst. præced. art. 1. requiri ad vniuersale, debet habere prædicabile, de quo agunt in præsentî Logici, videantur ibi, ne acta agamus. Nec rursus sermo est in præsentî de prædicabili pro substracto, id est, de natura, quæ denominatur prædicabilis; non enim inquiritur, an naturæ, quæ prædicantur, sint tantum quinque; sed an sint quinque tantum intentiones prædicabiliũ, siue prædicabilia sumpta formaliter.

3 Sic conclusio. *Predicabilia sunt tantum quinque*; nimirum, Genus, Species, Differentia, Proprium, & Accidens. Ita omnes AA. tam antiqui, quàm recentes, qui diuisionem istam indicant exactissimam, & prob. Prædicabilia differunt penes diuersos modos, quibus vniuersalia prædicantur, seu prædicari possunt de inferioribus: sed modi, quibus

vniversalia possunt prædicari de inferioribus, sunt tantum quinque: ergo prædicabilia sunt tantum quinque. Prob. min. Vniuersale solum potest prædicari de inferioribus, vel essentialiter, vel accidentaliter; si essentialiter, vel ut tota essentia inferioris, & sic est species; vel ut pars essentiae, & si ut pars essentiae, vel ut pars potentialis, & est genus, vel ut pars actualis, & est differentia: si uero prædicetur accidentaliter, vel prædicatur, ut accidens fluens ab essentia, necessarioque debitum subiecto, & est proprium, vel ut accidens pure contingenter adueniens, & est accidens commune: ergo modi, quibus vniuersale potest prædicari de inferioribus, sunt tantum quinque, scilicet, ut genus, ut species, ut differentia, ut proprium, & ut accidens.

4. Contra hanc conclusionem tot possunt argumenta confici quod postea difficultatem ingerunt in hoc, vel illo prædicabili; ne tamen eadem repetantur, solum obijciuntur, quæ contra ipsam diuisionem videntur magis directe militare. Obijcies ergo 1. ad probandum prædicabilia esse plura quam quinque. Tot sunt prædicabilia quot sunt prædicamenta: sed prædicamenta sunt decem: ergo, & prædicabilia. Mai. prob. Tum quia tot sunt partes vniuersalis (ac proinde prædicabilia) quot sunt partes entis: sed partes entis sunt prædicamen-

ta: ergo tot sunt prædicabilia quot prædicamenta. Tum quia tot sunt prædicabilia quot sunt modi prædicandi: sed tot sunt modi prædicandi, quot sunt modi essendi, ac proinde quot sunt prædicamenta, quæ differunt penes diuersos modos essendi: ergo tot sunt prædicabilia, quot sunt prædicamenta.

5. Resp. neg. mai. Ad eius 1. prob. disting. mai. tot sunt partes vniuersalis pro materiali, quot sunt partes entis, conced. mai. pro formali neg. mai. & concessa min. neg. conseq. Quia partes vniuersalis pro materiali sunt naturæ, quæ denominantur vniuersales, & hæc atem sunt tot, quot sunt prædicamenta, partes autem vniuersalis pro formali sunt intentiones prædicabilium, & hæc sunt tantum quinque, licet sint decem prædicamenta. Ad 2. respond. Quod tot sunt modi prædicandi, quot sunt modi essendi, non absolute, sed per modum superioris in inferiori, quod quinque tantum modis contingit.

6. Obijcies 2. Hæc prædicatio Deus est homo est prædicatio vniuersalis, & superioris de inferiori: & tamen non pertinet ad quatuor priora prædicabilia, cum nec essentialis, nec necessaria sit talis prædicatio, nec ulterius pertinet ad quintum prædicabile, cum humanitas vniatur Deo per se, & substantialiter, quo modo non vniatur cum subiecto accidens commune: ergo aliud prædicabile, præter illa

Illa quinque, debet pro ea prædicatione assignari. *Confirm.* Si tres Personæ Diuinæ assumerent tres humanitates, homo prædicaretur de qualibet illarum, vt vniuersalis, & superior: sed non prædicaretur vt genus, differentia, propriū, aut accidens, vt ex se patet, nec aliās prædicaretur vt species: ergo nō prædicaretur vt prædicabile aliquod ex quinque assignatis. Prob. min. Species prædicatur de pluribus solo numero differentibus; sed tres Personæ Diuinæ non differunt solo numero, nam secundum D. Thom. quæ carent materia, non possunt solo numero differre: ergo homo non prædicaretur tunc casus vt species de tribus diuinis Personis.

7 *Vrgetur.* Differentia subalterna, & infima constituunt duo prædicabilia differentia: ergo prædicabilia sunt plura, quàm quinque. Prob. antec. Quia ideo genus, & species constituunt duo prædicabilia diuersa, quia genus prædicatur de pluribus specie differentibus, species vero de differentibus solo numero: sed differentia subalterna, v. g. *sensibile* prædicatur de pluribus differentibus specie, de homine scilicet, & equo, & differentia infima v. g. *rationale*, prædicatur de differentibus solo numero, de Petro scilicet, & Paulo: ergo constituunt duo prædicabilia diuersa.

8 *Resp.* quod illa prædicatio *Deus est homo*, est prædicatio speciei, sicut illa, *Christus est homo*,

quia supposita notitia Incarnationis, ly *Deus* non sumitur pro Deo absolute, vt præcisè subsistit in Deitate, sed pro Deo, vt terminante naturam humanam, & prout in ea subsistente; Deo autem vt subsistenti in natura humana, non accidentaliter, sed essentialiter conuenit humanitas, est enim Deus vniuoce nobiscum homo, de quo Theologi 3. p. q. 16. art. 1. *Quod si* ab his pro nunc præscindendo, aliter respondere placet, dices, cum alijs, quod sicut stat prædicatū esse substantiā, & nihilominus contingenter prædicabiliter conuenire subiecto, vt videre est in hac prædicatione, *anulus est aureus*, ita in exēplo argumenti, humanitas, quæ est natura substantialis, & media vnione substantiali vnita Deo, contingenter nihilominus prædicabiliter conuenit ipsi, quia libere humanitatem assumpsit, ac proinde quod ea prædicatio absolute spectat, quoad modum prædicandi, qui in præsentī præcipuè attenditur, ad quintum prædicabile, licet res prædicata sit species substantialis media vnione substantiali conueniens simpliciter subiecto.

9 *Ad confirm. neg. min.* quoad vltimam partem: ad cuius prob. concessa mai. disting. min. Tres Personæ Diuinæ, vt *Personæ*, non differunt solo numero, conced. min. vt *indiuia natura humane*, neg. min. essent enim in illo euentu tres homines solo numero distincti, licet Personæ non differ-

rent solo numero; homo enim est nomen naturæ, & in eo euenia distinguerentur solo numero naturæ assumptæ, licet personalitates, quas in recto importat *ly persona*, non differrent solo numero.

10 *Ad id*, quo argumentum vrgetur, neg. antec. ad eius prob. neg. causalem mai. Non enim ideo præcisè constituunt duo diuersa prædicabilia genus, & species, quia genus de specie differentibus, species vero de solo numero distinctis prædicatur; sed quia genus prædicatur *in quid incomplete*, vt pars potentialis essentiae inferiorum, species autem prædicatur *in quid complete*, vt dicens scilicet totam essentiam, qui modus diuersus variat identitatem, cum maiorem identitatem dicat tota essentia cum constituto per ipsam, quam pars sola essentia; at quod de pluribus specie, vel solo numero differentibus prædicatur, identitatem non variat, nec enim est maior identitas Philosophiæ, quam albedinis, estò Philosophia solo numero distinctis conueniat, albedo vero conueniat specie etiam differentibus.

11 *Si dicas*. Diuersitas prædicabilium desumitur ex diuersitate termini, relatio enim prædicabilitatis est diuersa, cum terminus est diuersus: sed terminus, quem respicit differentia subalterna, scilicet inferiora specie distincta, est diuersus ab eo, quem respicit differentia infima,

scilicet inferiora solo numero distincta: ergo prædicabilia sunt distincta.

12 *Resp.* disting. mai. diuersitas prædicabilium desumitur ex diuersitate termini *formali*, conced. mai. *materialis*, neg. mai. & sub eadem distinctione min. nego consequ. Terminus formalis differentia sunt inferiora, vt subiectibilia in quale essentialiter, & in hac ratione inferiora differentia subalternæ, & infimæ non differunt: quod autem prædicta inferiora sunt species, vel indiuidua, est distinctio. purè materialis comparatiuè ad modum prædicabilitatis differentie, & sic non facit diuersa prædicabilia.

13 *Obijcies* 3. Ad probandum prædicabilia esse pauciora, quam quinque. Tot modis dicitur vnũ oppositorum, quot dicitur alterum, teste Arist. 1. topic. cap. 13. sed vniuersale, & particulare, seu superius, & inferius sunt opposita: ergo cum inferius duobus tantum modis dicatur, nempe species, & indiuiduum, superius quoque erit tantum duplex, scilicet genus, & species. *Confirm.* 1. Tot sunt prædicabilia, quot sunt prædicata: sed Aristor. in 1. topic. cap. 4. quatuor tantum numerat prædicata, scilicet genus, *definitionem, proprium*, & *accidens*: ergo quatuor tantum sunt prædicabilia.

14. *Confirm.* 2. Diuersitas prædicabilium sumitur ex diuerso modo prædicandi: sed duo tantum sunt modi prædicandi, scilicet essen-

essentialiter, & accidentaliter: ergo duo tantum sunt prædicabilia.

15 *Resp. disting. mai.* Tot modis dicitur vnum oppositorum, quot dicitur alterum, *si sumantur, et formaliter opposita*, conced. mai. *si et materialiter opposita*, neg. mai. at particularia formaliter sumpta sunt quinque, quia constituuntur per subijcibilitatem ad naturam superiore, & sicut quinque modis potest superius prædicari de inferiori, ita potest quinque modis inferius subijci superiori.

Ad 1. confirm. disting. mai. Tot sunt prædicabilia, quot sunt prædicata *Logica*, conced. mai. quot sunt prædicata *topica*, neg. mai. Prædicata topica sunt loca, ex quibus argumenta probabilia, seu topica formari possunt, & quia ad hunc finem eodem prorsus modo conducunt, species, diffinitio, & differentia, idcirco Aristot. qui prædicto loco sola prædicata topica numeravit, hæc tria sub sola diffinitione comprehendit.

16 *Ad 2. confirm. concessa mai. disting. min.* Duo tantum sunt, *in genere, vel in specie subalterna*, modi prædicandi, conced. min. *in specie infima*, neg. min. Quilibet ex illis modis prædicandi, essentialiter scilicet, & accidentaliter, diuiditur in plures species infimas; vnde solum sequitur, quod prædicabilia sint tantum duo in specie subalterna, non vero, quod non sint quinque in specie infima.

17 *Instas.* Modi prædicandi intrinsecè, & extrinsecè, non con-

stituunt duo prædicabilia in specie infima; vnde istæ prædicationis, *homo est visus, homo est albus*, ad idem quantum prædicabile pertinent: ergo nec modi prædicandi separabiliter, & inseparabiliter, constituunt duo prædicabilia accidentis, quantum scilicet, & quantum. *Neg. conseq.* nam in primo exemplo, etsi sit diuersus modus denominationis, non tamen connexionis, æquè enim contingenter competunt album, & vitum his, de quibus, vt superiora, prædicantur; at in proprio, & accidente communi modus connexionis est diuersus; cum connectio proprii cum subiecto sit necessaria, connectio vero accidentis sit contingens.

ARTIC. II.

An vniuersale sit genus ad quinque prædicabilia?

18 **N**aturæ, quæ denominantur vniuersales, non esse species vnius generis, res est certa, cum inter eas numerentur substantia, & accidens, ens reale, & rationis, quibus secundum se inspectis nequit genus commune assignari. Procedit ergo dubium de vniuersali formaliter sumpto pro secunda intentione vniuersalis. In quo sensu sit nostra, communisque inter AA.

19 *Conclusio.* Vniuersale est genus ad quinque prædicabilia. Prob. Genus est, quod prædicatur vniuoce in quid de pluribus diffe-

rentibus specie. sed quinque prædicabilia differunt specie, & de eis prædicatur vniuersale in quid, & vniuocè: ergo est genus ad quinque prædicabilia. Min. quoad primam, & secundam partem est certa; nam prædicabilia habent modos prædicandi, & essendi in inferioribus, essentialiter distinctos, scilicet, in quid, & in quale, necessario, & contingenter, completè, & incompletè; sunt præterea omnia prædicabilia pro formali essentialiter vniuersalia, quod enim essentialiter est vnum aptum prædicari de multis, essentialiter est vnum aptum esse in multis: ergo quinque prædicabilia differunt specie, & de eis vniuersale prædicatur in quid. Quod autè prædicetur vniuocè de omnibus, prob. Ratio, quam simpliciter participant inferiora, vniuocè prædicatur de illis: sed rationem vniuersalis participant simpliciter omnia prædicabilia, nam quodlibet ex illis est simpliciter vnum aptum esse in multis: ergo vniuersale prædicatur vniuocè de illis. *Que communis ratio ex solutione objectionum maiorem statim lucem accipiet.*

20 *Obijcies* 1. Modus prædicandi essentialiter, & modus prædicandi accidentaliter, non conueniunt vniuocè: sed ex prædicabilibus quædam prædicantur accidentaliter, quædam essentialiter: ergo prædicabilia in ratione prædicabilium non conueniunt vniuocè, ac subindè vniuersale

non est genus ad illa. Prob. mai. Quæ prædicantur essentialiter, sunt in inferioribus per se, quæ verò prædicantur accidentaliter, sunt in illis contingenter, & per accidens: sed modus essendi per se, & modus essendi per accidens non conueniunt vniuocè: ergo non conueniunt vniuocè modus prædicandi essentialiter, & modus prædicandi accidentaliter.

21 *Confirm.* 1. Ad substantiam, & accidens nil datur commune vniuocum: sed quædam prædicabilia sunt substantiæ, & quædam sunt accidentia: ergo nil commune vniuocum potest dari ad omnia illa. *Confirmat.* 2. Vniuersale est vnum potens identificari cum multis: sed accidens nequit identificari simpliciter, sed tantum secundum quid, cum multis: ergo non est simpliciter, ac proinde, nec vniuocè, vniuersale.

22 *Resp. neg. mai.* Ad eius prob. concessa mai. disting. min. Modus essendi per se, & modus essendi per accidens non conueniunt vniuocè, *in essendo absolute*, conced. min. *in essendo per modum superioris in inferiori*, neg. min. & conseq. Etenim esse hominè est esse simpliciter, & per se, esse vero album est esse secundum quid, & per accidens; cæterum album simpliciter, & non minus, quàm homo, est potens esse per modum superioris in inferioribus, quia quod conuenit per accidens, æquè est aptum esse in inferioribus, quibus conuenit per accidens, ac illud,

Iud, quod conuenit per se.

23 *Ad 1. confirm.* disting. mai. ad substantiam, & accidens *primò intentionaliter sumpt.* nil potest dari commune vniuocum, conced. mai. secundò intentionaliter sumpt. neg. mai. & disting. min. quædam prædicabilia *pro substracto* sunt substantiæ, & quædam sunt accidentia, conced. min. *pro formali*, neg. min. & conseq. Pro formali omnia prædicabilia sunt accidens rationis, secunda scilicet intentio vniuersalitatis, aut prædicabilitatis, in qua omnia conueniunt vniuocè, nam ita simpliciter est affirmatio, & prædictio ea, in qua accidens dicitur de subiecto, sicut ea, in qua prædicatur substantia, licet prædicatum, quod prima simpliciter affirmat, non sit simpliciter ens, sicut quod affirmat secunda.

24 *Ad 2. confirm.* concessa mai. disting. min. accidens, *in abstracto*, nequit simpliciter identificari cum multis, conc. min. *in concreto*, neg. min. nequit albedo identificari cū subiecto, bene tamen album, quia album supponit pro subiecto habente albedinem, quod est idem cum substantia; quo circa non albedo, sed album, constituit quintum prædicabile.

25 *Instas.* Differentia propriissima, & communis non conueniunt vniuocè in ratione differentię, quia cum communis diuersificet accidentialiter, diuersificat secundum quid: sed accidens commune, cum prædicetur acciden-

taliter, prædicatur secundum quid: ergo non conuenit vniuocè cum alijs prædicabilibus. *Concessa mai.* neg. min nam distinctio, seu differentia purè accidentalis, est distinctio secundum quid, cum relinquat intactam identitatem simpliciter talem; cæterum prædictio accidentalis est simpliciter prædictio, cum sit simpliciter affirmatio, est quod affirmat, sit tale secundum quid.

26 *Obijcies 2.* Si vniuersale esset genus ad quinque prædicabilia, containeretur sub genere primo prædicabili, esset enim quoddam genus sub genere (quod est primum prædicabile) omnia genera comprehendente cõtentum: consequens est falsum: ergo, & illud ex quo sequitur. Prob. min. Superius non potest contineri sub inferiori, aliàs esset respectu eiusdem superius, & inferius; sed vniuersale est superius ad genus primum prædicabile: ergo nequit contineri sub genere primo prædicabili.

27 *Pro solutione* nota, quod cum intellectus noster sit reflexiuus supra suos actus, potest cognoscendo iterum rem à se prius cognitam, supra intentionem rationis factam ex vi primæ cognitionis fundare aliam, quarum prima, etsi sit secunda intentio, dicitur prima relate ad secundam, seu posteriorem, v.g. in exemplo argumenti; postquam intellectus cognoscit naturam genericam, comparatiue ad species, &

speciem comparative ad indiuidua, vniueque tribuit secundam intentionem generis, & alteri secundam intentionem speciei; postea abstrahit ab illis rationem communem vniuersalis; in qua conueniunt, & hanc communem rationem vniuersalis superiorē ad illa denominat genus per aliam secundam intentionem generis: ita superadditam priori intentioni vniuersalitatis: vnde quod prius erat vniuersale est postea denominatiue, & accidentaliter genus, quia secunda intentio posterior accedit priori; sicut licet homo sit homo, & sit species, essentialiter tamen est homo, & accidentaliter est species, quia secunda intentio speciei accedit ipsi.

28 Ex his infertur 1. quod licet omnia predicabilia differant inter se, quia alterum est species, alterum genus, alterum differentia, &c. omnia tamen conueniunt in eo, quod sint quaedam species vniuersalis sub ipso, vt sub genere conueniunt, & sic ipsum genus primum predicabile, quod pro formali est essentialiter genus relatē ad hanc, & illam speciem sibi inferiorem, est accidentaliter, & denominatiue species relatē ad vniuersale: Imò secundum predicabile speciei, quod relatē ad indiuidua est essentialiter species predicabilis, est accidentaliter species quaedam vniuersalis relatē ad suum genus, scilicet vniuersale.

29 Infertur 2. quod cum in hac

superadditione secundarum intentionum, prima se habeat, velut essentialiter, & secunda posterius adueniens se habeat accidentaliter, non est necessum, quod quae accidentaliter conuenit rationi superiori, conueniat etiā inferioribus sub illa contentis v. g. in casu argumenti non valet, *species secundum predicabile est vniuersale, sed vniuersale est genus, ergo species secundum predicabile est genus*, sicut non valet ista, *homo est species, Petrus est homo, ergo Petrus est species*, nam ratio speciei respectu hominis, & secunda intentio generis respectu vniuersalis est quid accidentaliter adueniens ipsis ratione abstractionis, & superioritatis ad sua inferiora, ac proinde ad inferiora non descendens.

30 Infertur denique, quod in huiusmodi secundis intentionibus possunt concreta predicari de abstractis, vnde haec propositio est vera, *specieitas est species*, quia ipsum abstractū specieitatis potest esse subiectum secundae intentionis speciei superadditae relatē ad vniuersales; & similiter est vera haec, *genereitas est species*, quia secunda intentio generis est subiectum denominatum à secunda intentione speciei in ordine ad vniuersale. Alia plura possunt ex his colligi pro plurimis dilucidis sophismatibus, quae ex reflexione in infinitum harum secundarum intentionum formari possunt, sed sufficiant dicta pro capto incipientium.

Ex

31. *Ex his* ad argumentum facile est solutio: nam disting. mai. contineretur *essentialiter* sub genere primo prædicabili, neg. mai. *accidentaliter, & denominatiue* conced. mai. nam sicut animal, quod prædicatur in quid de pluribus differentibus specie; est *essentialiter* animal, & solum *denominatiue* est genus sub genere primo prædicabili contentum; ita vniuersale, quod in quid dicitur de prædicabilibus differentibus specie, *essentialiter* est vniuersale, & solum *accidentaliter* est genus contentum sub genere primo prædicabili; vnde non inconuenit, quod superius contineatur *accidentaliter* sub inferiori, sicut nec quod idem secundum diuersas considerationes, seu secundas intentiones sit superius, & inferius, vt patet ex prænotatis.

32. *Instas* 1. Quia animal est superius ad hominem, nec *accidentaliter* potest sub homine contineri: ergo si vniuersale continetur *accidentaliter* sub primo prædicabili, non est genus ad illud. *Instas* 2. Vniuersale, vt genus, est superius ad omnia prædicabilia, ac proinde ad primum prædicabile: sed vt genus est inferius ad primum prædicabile: ergo secundum eandem rationem, & respectu eiusdem est superius, & inferius.

33. *Instas* 3. Vniuersale *accidentaliter* est genus: sed genus est vniuersale: ergo vniuersale est *accidentaliter* vniuersale: ergo vel

non est *essentialiter* vniuersale, vel non est *accidentaliter* genus. Denique: Species diuisiue alicuius generis non possunt ad inuicem prædicari, album enim non est *accidentaliter* nigrum, nec è contra: sed si vniuersale esset genus ad quinque prædicabilia, species diuisiue vniuersalis prædicarentur ad inuicem, genus enim esset species, & aliqua species esset genus: ergo vniuersale, nec *accidentaliter*, est genus.

34. *Resp. ad* 1. Instantiam dist. antec. ideo *precisè*, quia animal est superius ad hominem, nequit *accidentaliter* sub homine contineri, neg. anteced. Ideo, & *quia nec animal, nec secunda intentio generis continentur sub homine*, conced. anteced. Cæterum licet vniuersale non contineatur secundum se sub genere, continetur sub genere secunda intentio generis, à qua vniuersale denominatur *accidentaliter* genus, quo circa potest vniuersale contineri *accidentaliter* sub genere. *Ad* 2. instantiam resp. quod vniuersale, vt genus, est superius ad primum prædicabile, ly vt dicente conditionem, vt vniuersalitas sit superior, non tamen dicente rem, quæ est superior, nam genericitas non est res, quæ est superior, hæc enim est vniuersalitas, posita genericitate, vt conditione: similiter vniuersale è conuerso est inferius, vt genus, ly vt denotante rem, quæ est inferior, nam genericitas, à qua vniuersale denominatur, est, quæ con-

continetur, vt interior, sub genere primo prædicabili omnia genera comprehendente, vnde non est idem, nec eodẽ modo sumptum, quod est superius, & inferius.

35 *Ad 3. instantiam* conced. primam consequ. sed ex qua non infertur secunda, quia vniuersale est vniuersale essentialiter per se ipsum, & simul est accidentaliter vniuersale per intentionem superadditam generis. Sicut in sententia eorum, qui tenent vnum Patrem esse alteri similem per relationem similitudinis distinctam à paternitate, Pater est per se, & per aliud relatiuus; ita vniuersale, quod per se est vniuersale, est etiam per secundam intentionem generis superadditam, ac proindè accidentaliter, vniuersale.

36 *Ad ultimam instantiam* disting. mai. Species diuinarum generis, si sint species substantiales, non possunt ad inuicem prædicari, cõced. mai. Species accidentales, neg. mai. Potentia quippè, & habitus sunt species diuinarum qualitatis, & tamen vna de altera prædicatur, intellectus enim est sciens. Similiter relatio fundata in actione, & fundata in unitate sunt species relationis, & vna de altera prædicatur, vt cum dicitur, vnus Pater est similis alteri: album autem, & nigrum; nõ ideo, non prædicantur ad inuicem, quia species sunt diuinarum eiusdem generis, sed ob specialem oppositio-

nem inter albedinem, & nigredinem, propter quam in eodem subiecto non cohærent.

37 *Obijcies 3.* Genus non transcendit differentias: sed vniuersale transgredit differentias, quia differentiarum sunt vniuersales: ergo vniuersale non est genus. *R. sp.* Quod differentia vnus vniuersalis ab alio est essentialiter, & per se ipsam differentia, qua vnum differt ab alio, est tamen accidentaliter, & per secundam intentionem superadditam vniuersalis, quatenus intellectus per actum reflexum comparat illam rationem differentiarum ad sibi inferiora, & sic ei tribuit secundam intentionem vniuersalis; vnde vniuersale non transcendit differentias prædicabilium, vt sunt illorum differentiarum, quibus inter se differunt.

38 *Denique obijcies.* Vniuersale est accidens quantum prædicabile, cum sit accidens rationis: ergo non est genus. *Disting.* anteced. Est accidens quantum prædicabile, *comparatiue ad hoc, & illud subiectum*, conced. antec. *comparatiue ad hoc, & illud vniuersale*, neg. anteced. nam sicut coloratum est accidens hominis, & equi, & tamen est essentia albi, & nigri; ita vniuersale est accidens naturæ sensitivæ, vel spiritualis, est tamen de essentia generis, & speciei.

QVÆSTIO V.

De genere, specie, & indiuiduo.

I **D**escendimus ad prædicabilia in particulari, inter quæ primò occurrunt genus, species, & indiuiduum, eaque omnia sub eadem comprehendimus quæstione, quia species sunt correlatiua generis, & indiuidua speciei, correlatiua autem sunt simul natura, & cognitione.

ARTIC. I.

An diffinitio generis sit bona?

2 **O**missis varijs acceptionibus generis, vt ad præsens spectat, diffinitur à Porphyrio, quod prædicatur de pluribus differentibus specie in eo quodquid, quam diffinitionem esse exactam probat communis Scholasticorum consensus; & præterea probatur, quia constat genere, & differentia: ergo est bona. Prob. antec. singulas eius partes euoluendo.

3 Particula prædicatur de pluribus ponitur loco generis, nam in hoc quod est prædicari de pluribus, omnia prædicabilia conueniunt; & cum id, quod prædicatur de pluribus sit vniuersale, quod in omnium prædicabilium diffinitione sub intelligitur, ly prædicari de pluribus accipitur ita, vt supponat conditiones, quas supra diximus requiri ad ratio-

nem vniuersalis. Reliquæ particulae ponuntur loco differentia, nam per eas differt genus à reliquis prædicabilibus: per particulam de pluribus differentibus specie differt à specie, quæ est secundum prædicabile, nam species prædicatur de solo numero differentibus; & tali particula denotatur genus prædicari, vt partem essentia, & non vt totam essentiam, quia pluribus specie differentibus nequit esse communis tota essentia, vnde propriè denotatur, quod genus prædicatur in quid incompletè, vt pars scilicèt determinabilis per differentias ad singulas species, in quo stat potissimè discrimen ab specie; nam per hoc præcisè, quod inferiora differant numero, vel specie, non habetur diuersitas prædicabilium essentialis iuxta dicta in quæst. præced. art. 1. num. 10.

4 Per particulam in eo quodquid, differt ab alijs tribus prædicabilibus, differentia scilicèt, propria, & accidentè; ab his duobus, quia prædicantur in quale etiam ex parte rei prædicatæ; à differentia vero, quia prædicatur in quale ex parte modi prædicandi. Pro cuius intelligentia obserua, quid significare essentiam, & substantiam, quale vero significare accidens qualificans, & determinans; vnde illud prædicatur in quid ex parte rei prædicatæ, quod prædicat rē, quæ est de essentia subiecti; illud autem prædicatur ex parte rei prædicatæ in quale, quod prædicat rem,

rem, quæ est accidens qualificans subiectum, & extra essentiam illius. Hinc si genus compares cum proprio, & accidente, inuenies ab illis differre per prædicari *in quid*, quia tam proprium, quam accidens, dicunt aliquid, quod est extra essentiam subiecti, genus vero dicit partem essentiae illius. Prædicari autem *in quid* ex parte modi est prædicari substantiue, per modum scilicet per se stantis, & ita ut per illud prædicatum possimus respondere quaestioni *quid est*; unde è conuerso prædicari *in quale* ex parte modi est prædicati adiectiue, seu per modum alteri adiacentis, & ita, ut per illud prædicatum possimus respondere quaestioni *qualis sit res*.

Hinc si genus cum differentia compares, inuenies etiam ab ea in ratione prædicabilis distingui, quia genus, animal v. g. prædicatur in quid etiam ex parte modi, quia prædicatur substantiue, & ita, ut interroganti, quid sit homo, aut equus, possimus respondere, est animal; differentia vero, & si ex parte rei prædicatæ prædicetur in quid, v. g. rationale, quia est de essentia subiecti, ex modo nihilominus prædicandi prædicatur in quale, quia prædicatur adiectiue, & ita, ut interroganti, qualis sit homo, rectè respondeamus, est rationalis. Ex quo colligitur, quod genus tam ex parte rei, quàm ex parte modi prædicatur *in quid*, per quod distinguitur, & à proprio, accidenteque communi,

quæ tam ex parte rei, quàm ex parte modi prædicantur *in quale*, & à differentia, quæ ex parte modi prædicatur *in quale*, & si ex parte rei prædicetur *in quid*.

5 *Obijcies* 1. ad probandum, quod genus in communi non possit diffiniri: Solum potest diffiniri, quod constat genere, & differentia: sed sola species constat genere, & differentia: ergo sola species potest diffiniri, ac proinde nequit diffiniri genus. *Confirm.* 1. Genera suprema, quia suprema, non possunt diffiniri: sed genus, ut genus, est superius ad suprema genera: ergo multo minus potest diffiniri genus, ut genus. *Confirm.* 2. Si genus posset diffiniri, diffiniretur per se ipsam, cum quæuis diffinitio debeat constare genere, & differentia: sed nequit per se ipsum diffiniri, quia diffinitum non debet ingredi diffinitionem: ergo nequit diffiniri.

6 *Resp.* concessis præmissis, disting. consequ. sola species, quæ, vel essentialiter, vel denominatiue sit species, potest diffiniri, conced. consequ. quæ essentialiter præcisè ut species neg. consequ. genus autem est denominatiue species, & sic potest diffiniri, sicut potest diffiniri homo, qui denominatiue tantum est species.

7 *Ad 1. confirm. resp.* Quod genera suprema pro materiali, id est, res, quæ denominantur genera suprema, nequeunt diffiniri, quia cum sint suprema, genere non constant, ac possunt diffiniri pro-

for:

formali, ratione scilicet secundæ intentionis, à qua denominantur genera: genus ergo, quod in præfenti diffinitur, non est supæius ad genera suprema pro materiali, sed solum pro formali, unde ex quo genera suprema non possint primò intentionaliter sumpta diffiniri, male infertur, quod genus, ut genus, scilicet secundæ intentio generis, non possit diffiniri. *Ad 2. confirm.* Resp. quod genus diffinitur per uniuersale, quod in diffinitione obtinet rationem generis, unde uniuersale ingreditur signatè, ratio autem generis exercitè, & non inconuenit, quod genus diffiniatur per se ipsum exercitè, & si non debeat diffiniri per se ipsum signatè: Sicut cum diffinitur per animal, ut genus, animal ingreditur diffinitionem signatè, genereitas autem animalis non nisi concomitanter, & in exercitio intrat diffinitionem.

8. *Obijcies* 2. contra ipsam diffinitionem. Genera suprema prædicantur de differentibus genere, ut substantia prædicatur de spiritali, & corporea, quæ genere differunt: ergo genus non solum prædicatur de differentibus specie. *Confirm.* Genus prædicatur etiam, ut genus de indiuiduis, quæ solo numero differunt, ut animal de Petro, & Paulo: ergo idem quod prius.

9 *Resp. dist. antec.* Genera suprema prædicantur de pluribus differentibus genere, ut differunt genere,

neg. antec. ut differunt specie subalternæ, cōc. antec. Spirituale enim, & corporeum sunt genera diuersa cōparatiuè ad inferiora, sunt uero species subalternæ, ut comparantur ad suum genus, nempe ad substantiā, quæ prædicatur de ipsis ut sunt species subijcibiles ipsis, ut generi. *Ad confirm. dist. antec.* Genus prædicatur mediātè de indiuiduis, conc. antec. immediātè, neg. antec. nec debuit exprimi ordo ad indiuidua in diffinitione generis; tūm, quia relatio generis est per se, & specificatiuè in ordine solum ad terminū immediatū. Tūm quia implicite continetur in illa particula *differentibus specie*, quod enim prædicatur essentialiter de specie, ut pars illius; necessarium est prædicari de indiuiduis, ut pars essentialis eorum, cum species sit tota essentia indiuidui.

10 *Dices.* Dātur indiuidua, de quibus genus prædicatur immediātè, indiuidua scilicet incompleta, seu generica, ut cū animal prædicatur de hoc, & illo animali: ergo terminus, quem immediātè respicit genus, non sunt tantum species.

11 *Pro solutione,* & ne eadem dubia bis examinentur, nota, quod licet genus animal v.g. non indiuiduetur, nisi mediante specie, intellectus tamen potest concipere animal ut indiuiduum, quin concipiat differētiā intermediā specie; quia nec de essentia animalis, nec huius animalis, ut talis, est aliqua differentia specifica, unde eadem indiuiduatio, quæ

quæ indiuiduat animal mediante specie, potest concipi ut Immediatè afficiens, & indiuiduans animal, quæ est doctrina D. Thomæ opusc. 55. dicentis: *Intellectus apprehendit formam genericam universalem in hoc indiuiduo, antequam deveniamus ad formam hominis, vel alterius speciei.*

12 *Hoc supposito*, resp. quod genus prædicatur de indiividuis genericis, animal v.g. de hoc, & illo animali, prædicatione speciei, quia proprium speciei est quod prædicetur dicendo totam essentiam illius, de quo prædicatur, animal autem dicit totam essentiam huius animalis; ita enim comparatur animal ad hoc, & illud animal, sicut homo ad hunc, & illum hominem. *Nec ob est*, quod talis species comparatiuè ad hoc, & illud animal, nec est species subalterna, nec infima; nam ratio subalterne, vel infimæ conuenit speciei per ordinem ad indiuidua metaphisicè completa, secus per ordinem ad incompleta; per ordinem tamen ad illa prædicatur, ut species, quia prædicatur, ut dicens totam illorum essentiam, in quo stat quidditas secundi prædicabilis speciei.

13 *Obijcies* 3. Differentia subalterna prædicatur de pluribus differentiis specie, & prædicatur *in quid*, cum prædicetur essentialiter: ergo diffinitio conuenit alijs à genere. *Confirm.* Genus differt ab specie in modo prædicandi: sed diffinitio non expli-

cat differentiam generis à specie in modo prædicandi, cum per prædicari *in quid* conueniat cum specie: ergo diffinitio non est bona. *Vrgetur.* Genus prædicatur de speciebus, ut subijcibilibus; sed species, ut subijcibiles, solo numero differunt: ergo non prædicatur de pluribus differentiis specie.

14 *Resp.* Quod differentia subalterna prædicatur *in quid*, essentialiter ex parte rei prædicatæ, ex parte tamen modi prædicandi prædicatur *in quale.* Ad 1. *confirm.* concessa mai. neg. min. nam diffinitio per ly prædicari *in quid* de pluribus differentiis specie explicat, quod prædicetur, ut pars potentialis essentiae, & non ut tota essentia, in quo consistit proprius modus prædicandi speciei. *Nec ob est*, quod genus est secunda substantia, & secunda substantia significat iuxta Arist. in cap. de substantia *in quale quid*, ac proinde genus prædicabitur *in quale quid.* Nam ideo secunda substantia dicitur significare *in quale quid*, quia in propositione, in qua secunda substantia dicitur de prima, cum secunda substantia sit prædicatum, se habet, ut determinatio subiecti, hoc enim est proprium prædicati, ut prædicati; quod non obstat, ut ipsa prædicetur *in quid*, cum prædicetur substantiæ.

15 *Ad id*, quo vrgetur argumentum, disting. mai. Genus prædicatur de speciebus, ut subijcibilibus, ly *ut dicente res*, de quibus prædicatur, neg. mai. dicente conditio-

mem, ut de eis genus prædicetur, conced. mai. & disting. min. Species, ut subijcibiles solo numero differunt, id est, res, quæ subijciuntur, solo numero differunt, nego min. intentiones ipsa subijcibilitatis, conced. min. & neg. conseq. nam animal, quod est genus, prædicatur de homine, & equo, ut subijcibilibus, ita, ut homo, & equus, qui specie differunt, per res, de quibus prædicetur, intentiones vero subijcibilitatis sint pura conditio, ut de ipsis prædicetur.

ARTIC. II.

Quod sit diffinitum in diffinitione generis.

16 **I**n quolibet concreto accidentali duo importantur, subiectum scilicet, siue substractum, & forma; unde in hoc concreto *genus* importatur natura, quæ denominatur genus, & secunda intentio generis, cui natura subternitur, & à qua genus denominatur. Certum debet esse, quod natura secundum se inspecta non est diffinitum huius diffinitionis. *Tum* quia diffinitum est genus, & natura secundum se inspecta non est genus. *Tum* quia diffinitum est id, cuius essentiam explicat diffinitio, & diffinitio hæc non explicat essentiam rei, quæ denominatur genus, secundum se sumptæ: Imò secundum se sumptæ nequit vnica diffinitione diffiniri, cum res, quæ denominatur genus, modo sit substan-

tia, modo accidens, aliquando sit ens reale, & sæpè sit ens rationis, quæ omnia secundum se sumptæ nequeunt vnica diffinitione diffiniri.

17 *Similiter* est certum, quod diffinitum huius diffinitionis non est secunda intentio generis abstractè, & secundum se sumptæ, quia diffinitio debet aliquomodo conuenire diffinito, & hæc diffinitio nullo modo conuenit secundæ intentioni secundum se sumptæ, genere itas quippè seorsim à subiecto, nec *ut quod*, nec *ut quo* prædicatur de pluribus differentibus specie *in quid*. Deuoluitur ergo difficultas ad naturam, & secundam intentionem, ut componunt hoc concretum *genus*: sed cum prout sic possint tripliciter considerari natura, & secunda intentio, scilicet, vel vtraque in recto, vel natura in recto, & secunda intentio de connotato, vel tandem è contra, secunda intentio in recto, & natura de connotato, quo triplici modo potest resolui questio; Ideo alij tenent diffinitum esse aggregatum dicens in recto naturam, & secundam intentionem; alij esse naturam, ut connotantem secundam intentionem, ita, ut natura diffiniatur in recto, & secunda intentio in obliquo; alij denique sentiunt, quod secunda intentio est diffinitum formale, & per se, ita, ut ipsa sit, quæ diffinitur in recto, natura vero de connotato, quam ultimam sententiam pos. Caiet. amplectuntur.

frequentius nostri, quibus contentiunt Scotistæ apud Merinero, cap. 2. de genere, quæst. 1. cum quibus conclusio sit.

5. 1.

Diffinitum formale quod in diffinitione generis est secunda intentio in concreto, siue, ut connotans naturam.

18 **P**rob. ratione. Diffinitum formale quod in diffinitione generis est id, cuius essentia per eam innotescit, est enim diffinitio *ratio explicans essentiam rei*, id est, diffiniti: sed per hanc diffinitionem solum explicatur essentia genericitatis connotantis naturam, in qua genericitas exercetur: ergo sola genericitas, seu secunda intentio genericitatis connotantis naturam est diffinitum formale quod diffinitionis generis. Min. cum exclusiua sit, & faciat hunc sensum; *secunda intentionis essentiam explicat, & nullius alterius explicat essentiam*, habet duas partes probandas: prob. ergo contra alias sententias, quod alterius essentiam non explicet. Diffinitio generis nullo modo explicat essentiam rei, quæ subternitur genericitati: ergo nullius alterius à secunda intentione essentiam explicat. Patet conseq. cum in hoc concreto genus, quod supponitur diffiniri, nil aliud sit, quam res, quæ subternitur secundæ intentioni, & ipsa secunda intentio. An-

teced. autem prob. nam explicare essentiam rei, quæ subternitur genericitati, est exprimere in quo consistat, seu quid sit res, quæ subternitur genericitati: sed diffinitio nullo modo explicat quid sit res, quæ subternitur genericitati, sed quem effectum exerceat in illa genericitas: ergo nullo modo explicat essentiam rei, quæ subternitur genericitati.

19 *Dices 1.* quod ut subiectum, seu subtractum importetur in ratio simul cum ipsa secunda intentione, non requiritur, quod diffinitio exprimat diffinitiuè, quid sit subiectum, sed sufficit, quod ibi in confuso importatum sit id, de quo verificatur diffinitio; diffinitio autem generis solum verificatur de subtracto, natura enim, & non secunda intentio, est quæ predicatur de pluribus. Et idem dicendum de diffinitione cuiuslibet concreti accidentalis; eadem est enim ratio de cuiuslibet diffinitione, ac de diffinitione genericis.

20 *Dices 2.* quod diffinitio non explicat essentiam subtracti absolute sumpti, bene tamen ut subtracti, & reduplicatiue, ut substat secundæ intentioni, quod sufficit, ut sit diffinitum quod diffinitionis, cum aliàs sit id, pro quo supponit, & de quo verificatur diffinitio.

21 *Sed contra 1.* solutionem obstat. Nam illud quod est in ratio diffinitum alicuius diffinitionis debet per ipsam diffinitionem inno-

Inobrescere, & explicari, est enim diffinitum, cuius essentia per diffinitionem exprimitur: sed diffinitio generis non explicat quid sit natura, quæ generitati subternitur: ergo natura, quæ generitati subternitur, non est in recto diffinitum illius diffinitionis. *Explicatur.* Licet in pluribus diffinitionibus rerum, quæ dicunt respectum, ad aliud, seu aliud connotant, ponatur illud aliud, quod connotant, ut in diffinitione scientiæ ponitur scibile, & in diffinitione potentiae, & habitus eorū obiectum, quia tamen illud aliud non est, cuius essentia per diffinitionem exprimitur, non est diffinitum: talium diffinitionum, unde nec scibile est diffinitum in diffinitione scientiæ, nec obiectū in diffinitione potentiae, & habitus: sed per diffinitionem concreti *accidentalis* non exprimitur essentia subiecti, sed solum ponitur, & importatur, ut id, in quo suum effectum formale exercet forma, quæ per diffinitionem exprimitur: ergo in diffinitione concreti accidentalis subiectum non est diffinitum.

22 *Confirm.* Vel subiectum diffinitur secundum aliquid, quod ex se habeat, ut distinctum à forma, vel solum diffinitur ut præcisè substat formæ, & unice secundum effectum formalem, quæ habet ab illa: Primum est falsum; ex secundo autem inferitur, quod non sit diffinitum aggregatum dicens in recto subiectum, & formam: ergo aggregatum dicens in

recto naturam, & secundam intentionem non est diffinitum. Minus quoad 2. partem videtur certa, nā esse diffinitum subiectum, præcisè ut substat formæ, & secundum effectum, quæ habet ab illa, est diffiniri purè ratione formæ; ac præcisè nullum modo ratione sui: sed esse diffinitum in recto simul cum forma est ipsum per se, & ratione etiā sui diffiniri: ergo si præcisè ut substat formæ diffinitur subiectum, ipsum simul cum forma non est in recto diffinitum.

23 *Quod secundum vero partem prob. min.* Tum ex dictis; nam diffinitio non explicat quid sit secundum se subiectum, aut in quo consistat, ut distinctum à forma: ergo subiectum non est diffinitum secundum ea, quæ ipsi ex se conveniunt, ut à forma distincto. Tum quia diffinitio generis, & cuiuslibet concreti accidentalis, est unica, & simplex diffinitio: sed si explicaret, quid utraque pars ex se habeat, seu quid sit utraque pars, non esset unica diffinitio, sed plures, utpotè plures quidditates diuersas explanans, & cum ipsis, ut pluribus, & diuersis, adæquata: ergo nō est diffinitum aggregatum, ut dicens in recto utramque partem.

24 *Vergetur.* Aggregatum, ut dicens in recto utramque partem est ens per accidens: sed ens per accidens nō est unica diffinitione diffinibile: ergo diffinitum in diffinitione concreti accidentalis, qui

vnica diffinitione diffinitur, non est aggregatum dicens in recto vtramque partem. Mai. videtur certa; nam ens per accidens dicitur, quod constat pluribus quidditatibus ad diuersa prädicamenta pertinentibus, ex talibus enim nequit vnū per se resultare: sed aggregatum, prout dicens in recto vtramque partē, dicit plures quidditates ad diuersa prädicamenta pertinentes, cum dicat substantiā, & accidens: ergo est ens per accidens. Min. autem prob. *tum* ex D. Thoma, & Philosopho. 7. metaph. asserentibus, quod ens per accidens nequit diffiniri; *tum* quia diffinitio simpliciter talis, quae scilicet, est vna simpliciter diffinitio, vnico constat genere, vnicaque differentia; sed ens per accidens, cū pluribus, diuersarumque prädicamentorum rebus constat, non gaudet vnico genere, vnicaque differentia, sed pluribus, & omnino diuersis: ergo nequit vnica diffinitione diffiniri.

15. Nec valet, quod aggregatum, non dicit ex aequo, & disparatē vtramque partem, & si vtrāque in recto dicat, & dicit enim partes, vt ordinatas, & ex quibus vt accidentaliter vnitis per modum potentiae, & actus, aggregatum resultat.

16. Nam *ex diffinitio* praecluditur solutio: iuxta ipsius enim doctrinam aggregatum non diffinitur vt dicit in recto ordinem partium, aut compositionem, ipsaeque partes in obliquo, sed vt dicit

in recto vtramque partem: sed vt dicens in recto vtramque partem est ens per accidens, quod nequit vnica diffinitione diffiniri; cum prout sic dicat in recto plures quidditates ad diuersa prädicamenta pertinentes: ergo prout dicens in recto vtrāque partem nequit vnica diffinitione diffiniri. *Explicatur.* Licet aggregatū illud pro formali sit vnum per se, quia forma est vna, similiterque ordo, aut cōpositio suarum partium habeat vnitate, partes tamen, vt in recto cōsideratae, sunt plures quidditates cōpletas, quarum quilibet pertinet ad diuersum prädicamentum, sed iuxta sententiam oppositam non est diffinitum, nisi vt dicens in recto vtramque partē: ergo non est diffinitum aggregatū, nisi vt dicens plures quidditates cōpletas, quarum quilibet ad diuersum prädicamentum pertinet: prout sic est ens per accidens: vnica diffinitione non diffinibile: ergo non est diffinibile vnica diffinitione, vt dicens in recto vtramque partem.

27. Contra secundā autem solutionem principālē assignatam num. 20. obstat: nam natura reduplicatiue vt subsistans generalitatis, ita diffinitur, vt diffinitio nil exprimat proprium naturae, vt distinctio a se eius intentionis: ergo ita diffinitur, vt subsistat, quod natura nullo modo sit diffinitum, id enim, cuius essentiam non explicat diffinitio, non est diffinitum illius. *Explicatur.* Licet in diffinitione, ubi ponatur

cor-

corpus, tamquam id, in quo exercetur effectus formalis albedinis; scilicet, disgregare visum, tamen nil propriū corporis, ut ab albedine distincti, explicat diffinitio, per hanc enim diffinitionem, *corpus disgregatū visus*, omnino latet quid sit corpus: sed ut corpus dicatur diffinitum, ita debet explicari per diffinitionem, ut substantia albedini, quod aliquomodo innotescat per illam quid sit corpus, alias, si solius albedinis essentiam explicat, sola albedo est diffinitum: ergo quod natura ut substantia diffinitatur, si nil proprium naturæ exprimit diffinitio, non sufficit, ut natura sit diffinitum.

23 *Confirm.* Diffinitum cuiuslibet diffinitionis est id, cui per se conuenit diffinitio, cum diffinitio nil aliud sit, quam essentia diffiniti: sed naturæ, adhuc reduplicatiue ut substantia, non conuenit per se prædicari de pluribus, sed per aliud, per secundam scilicet intentionem: ergo natura, adhuc prout substantia secundæ intentioni, non est diffinitum. *Nec dicas*, quod naturæ, ut substantia, conuenit prædicari de pluribus *ut quod* per aliud, quod est aliquid sui, nempe per formam, secundam scilicet intentionem, quam formaliter dicit natura, ut substantia. *Nam contra* ex dictis est; natura, ut substantia, ita est diffinitum quod iuxta sententiam oppositam, ut ipsa natura in recto sit diffinitum: sed ipsi in recto consideratæ conuenit per

aliud prædicabilitas de pluribus, quod, aliud accidit omnino naturæ in recto sumptæ: ergo vel diffinitio non conuenit per se diffinito, quod est absurdum, vel falsum est, quod natura in recto sit diffinitum.

29 *Explicatur.* Licet paries, ut substantia albedini, sit essentialiter id, quod habet albedinem, tamen adhuc ut substantia albedini, non est id, cui disgregare visum conuenit per se, & essentialiter, sed per accidens, & per aliud: ergo pariter licet natura, ut substantia genericitati, sit essentialiter id, quod habet genericitatem, tamen, adhuc ut substantia non conuenit per se, & essentialiter prædicari de pluribus, sed per accidens, & per aliud. Pater consequ. & anteced. prob. Paries, ut substantia albedini, ita se habet in ordine ad disgregandum visum, ut tota ratio disgregandi sit albedo, sicut in aqua sustentante calorem tota ratio calefaciendi est calor: sed albedo distinguitur à pariete, ut substantia: ergo parieti, ut substantia, non conuenit essentialiter, & per se, sed per accidens, & per aliud, disgregare visum.

30 *Urgetur.* Natura, ut substantia genericitati, non prædicatur de pluribus differentibus specie, nam hæc est falsa, *homo est animal ut substantia genericitati*, cum homo nequeat genericitati substat: ergo natura, ut substantia genericitati, non est diffinitum. Prob. consequ. Ideo

regant AA. opponit, quod secunda intentio sit diffinitum, quia secunda intentio non est quæ prædicatur de pluribus differentibus specie, ut asserit diffinitio: ergo si natura, ut substat generi, non prædicatur, natura ut substat generi non est diffinitum.

31. *Nec prodest dicere*, quod natura ut subsistens prædicatur, ly ut dicente conditionem, ut prædicatur, non rem, quæ prædicatur. Nam contra est, quia si natura sola est quæ prædicatur: ergo ipsa sola est diffinitum quod. Paret consequens iuxta AA. oppositos, quod non prædicatur ut quod non est diffinitum quod, ideoque iuxta ipsos secunda intentio non est diffinitum quod, quia licet ut quod prædicetur, secus tamen ut quod: ergo si sola natura est, quæ prædicatur ut quod, sola ipsa est diffinitum quod: ergo diffinitum quod non est natura reduplicative ut subsistens, sed sola natura: sed nil proprium nature explicat diffinitio, & nature convenit omnino per accidens, & per aliud, prædicari: ergo diffinitum est id, quod nullo modo explicatur per diffinitionem, & cui diffinitio convenit omnino per accidens, & per aliud, quo nil falsius.

32. *Ex his patet iam min.* illa principalis primi syllogismi quoad id, quod positive affirmat, scilicet, quod secunda intentio sit id, cuius essentiam explicat diffinitio; nam illius essentiam expli-

cat, cuius effectus formalis, exprimitur in diffinitione: sed prædicari de pluribus, quod exprimitur in diffinitione generis, est effectus formalis genericitatis connotata natura, ut subiecto, in quo exercetur: ergo diffinitio generis explicat essentiam genericitatis. *Confirm.* Licet id, quod videtur, sit coloratum, obiectum tamen formale quod specificatum vi- sus est color, connotato subiecto: ergo licet id, quod prædicatur de inferioribus, sit genus, diffinitum tamen formale quod, est genericitas, connotato subiecto. Prob. consequens. Ideo primum est verum, quia subiectum coloris, quod dicitur coloratum, non videtur ratione sui, sed ratione coloris, obiectum quippe specificatum debet attingi ratione sui: sed diffinitio non debet convenire diffinito: ratione alterius, sed ratione sui: ergo cum prædicari de pluribus conveniat nature ratione genericitatis, genericitas, & non natura, est diffinitum formale quod.

33. *Denique prob.* conclusio contra Thomistas oppositum sentientes. Per diffinitionem concretæ logicæ solum ut quod diffinitur quod comprehenditur sub obiecto formali quod Logicæ: sed sub subiecto formali quod Logicæ solum comprehenditur secunda intentio inconcreta, cum hæc sola sit obiectum formale quod Logicæ iuxta Thomistas: ergo sola secunda intentio inconcreta est

est diffinitum formale *quod* huius diffinitionis. *E explicatur.* Obiectum formale *quod* Logicæ, cuius naturam Logica in communi considerat, est secunda intentio inconcreto: ergo talis considerationis Logicæ, nimirum in tractatu de prædicabilibus, obiectum formale *quod* est talis secunda intentio, prædicabilis scilicet, inconcreto: Sed diffinitum *quod* per hanc, & reliquas prædicabilium diffinitiones, est obiectum formale *quod* talis considerationis Logicæ: ergo secunda intentio prædicabilis inconcreto est diffinitum formale *quod* harum diffinitionum, quibus prædicabilia diffiniuntur, ac proinde diffinitum formale *quod* diffinitionis talis prædicabilis, generis scilicet, est genericitas inconcreto.

§. II. *Idem*

Solvuntur argumenta.

34 **O**bjicies pro prima sententia. Compositum substantiale dicens in recto materiam, & formam est una simpliciter quidditas unica diffinitione diffiniibilis: ergo compositum accidentale dicens in recto subiectum, quod est velut materia, & formam, est una quidditas unica diffinitione diffiniibilis. *Confirm. 1.* Vnio Civilis plurium partium sufficit, ut ex eis resultet totum politicum, nempe Civitas, unica diffinitione diffiniibile: similiter ex

unione Logica partium syllogismi resultat syllogismus unica diffinitione diffiniibilis: ergo unio accidentalis partium generis sufficit, ut ex eis resultet totum unica diffinitione diffiniibile. *Confirm. 2.* Et si pluribus constet quidditatibus aggregatum, habet tamen suam essentiam determinatam, omne quippe exilens habet hanc determinate essentiam, & non aliam, aliter non posset existere: sed quævis essentia determinata potest unica, & determinata diffinitione diffiniri: ergo aggregatum est unica diffinitione diffiniibile.

35 *Resp. neg. conseq.* Quia partes compositi substantialis sunt intra eandem lineam substantiæ quid incompletum, & quarum una per se actuatur simpliciter ab alia; compositum verò accidentale dicit partes, quarum quælibet est ens completum, & ad distinctum prædicamentum pertinens, unde nequit ex eis una per se resultare. *Nec ob est,* quod in cõcretis Logicis subiectum, seu substratum potest pertinere ad idem genus Logicum, ut cum supra unam secundam intentionem fundatur alia. *Nam* licet hoc ita sit, quælibet ex illis intentionibus est quid completum, & cui accedit secunda intentio superueniens.

36 *Ad 1. confirm.* disting. antec. totum politicum unica diffinitione diffiniibile, ut dicitur in recto omnes partes, neg. antec. ut dicitur in recto ordinatione civilem, & de commo-

tate partes, conced. antec. Similiter ad aliud exemplū resp. quod syllogismus ut dicens in recto propositiones, quæ sunt eius materia, & forma syllogistica, nō est vnica diffinitione diffinibilis, & solū potest sic diffiniri, si dicat in recto formam, & de connotato propositiones, quæ sunt illius materia. *Nec obstat*, quod etiam pro formali syllogismus dicit plures secundas intentiones, præmissarum scilicet, & conclusionis. *Non obstat, tūc*, quia eiusmodi secundæ intentiones sunt intra lineam talis arte facti, syllogismi scilicet, incompletæ, ad vnā totā formam ex se ordinatæ. *Tūc etiam*, quia syllogismus omnino pro formali dicit ordinem præmissarum, seu coordinationem earum per modum antecedentis cum consequente, qui ordo, & si plures secundas intentiones supponat, est vnus, ac proinde vnica diffinitione diffinibilis.

37 *Ad 2. confirm. resp.* quod sicut equiuoca in particulari, canis, v.g. nequeunt diffiniri, æquiuoca tamen in communi diffiniri possunt, quia ipsum conuenire in non conueniendo est aliqua essentia vnica diffinitione diffinibilis; ita ratio communis aggregati consistens in constare pluribus quidditatibus diuersis est aliqua essentia vnica diffinitione diffinibilis; hoc tamen, vel illud aggregatum in particulari, ut aggregatum, nequit vnica diffinitione diffiniri, quia prout sic dicit in recto plu-

res quidditates vnica diffinitione indiffinibiles.

38 *Si infes.* Vnica specie possunt repræsentari plures quidditates omnino diuersæ, ut contingit in specie Angeli: ergo, & possunt vnica diffinitione diffiniri. *Neg. consequ.* quia diffinitio obiectiua (de qua sola loquimur) est eadem quidditas, quæ diffinitur, magis explicata, vnde implicat in terminis, quod quidditates in recto diffinitæ sint plures, & diuersæ, & quod diffinitio sit vna: At species est quidditas obiecti in esse solum repræsentatiua, quod nō commensuratur cum quidditate absolute, sed sub ea ratione, sub qua ipsam repræsentat, ordinis scilicet, vel coordinationis cum alijs quidditatibus ad eundem finem, ut contingit in specie Angeli, ideoque possunt plures quidditates per illam repræsentari. *Hinc* Angelus eadem specie, imò eodem conceptu comprehensiuo attingit hominem, & eius ridiculitatem, distincta tamen diffinitione obiectiua, vtrumque diffinit.

39. *Obijcies* pro secunda sententia. Diffinitum quod in diffinitione generis est illud, cui in recto conuenit diffinitio, & de quo diffinitio generis verificatur: sed prædicari de pluribus conuenit in recto naturæ, & non secundæ intentioni, quia natura, & non secunda intentio, est quæ prædicatur de pluribus: ergo natura est diffinitum quod. Explicatur.

tur. Eo modo est aliquid diffinitum, quo ei convenit diffinitio: sed prædicari de pluribus non convenit *ut quod* secundæ intentioni, sed naturæ: ergo natura, & non secunda intentio, est diffinitum quod.

40 *Confirm.* 1. Soli naturæ cōvenit prædicari essentialiter, seu in *quid* de inferioribus, sola enim natura est de essentia inferiorum: sed diffinitio generis soli illi convenit, quod prædicatur in *qua*: ergo soli naturæ cōvenit, ac proinde sola natura est diffinitum. *Confirmat.* 2. Ideo natura non esset diffinitum, quia ipsi per se, & essentialiter non convenit diffinitio, sed per accidens, & per aliud: sed licet naturæ secundum se sumptæ per accidens conveniat prædicari; naturæ tamen ut subsistat secundæ intentioni, essentialiter convenit prædicari, sicut licet Petro conveniat per accidens referri ad filium, Petro tamen, ut Patri, essentialiter convenit referri ad filium: ergo natura, ut subsistat secundæ intentioni, est diffinitum.

41 *Respond.* prænotando, quod cum accidens diffinitur inconcreto, diffinitur per subiectum, ut cum dicitur, album est corpus disgregativum visus, quæ est diffinitio physica albi, vel cum metaphysicè diffinitur, est calorativum disgregativum visus; utrobique enim ponitur subiectum, corpus scilicet, & si in diffinitione physica ponatur expresse

loco generis. In secunda vero importetur implicite in ipso genere metaphysico, scilicet, *ly calorativum* quod supponit pro subiecto, ex quo male inferes, quod subiectum sit diffinitum, sed tantum quod sit id, per quod essentia diffiniti explicatur, & pro quo supponit; unde huiusmodi diffinitiones sunt diffinitiones pe additamentum, id est, non sunt plenè diffinitiones, quia in eis ponitur aliquid, quod est extra essentiam rei, quam intendit exprimere diffinitio.

42 *Hinc ad argumentum*, vel neg. absolute mai. vel illam disting. illud est diffinitum quod, cui in recto per se, & essentialiter, convenit diffinitio, concedo mai. accidentaliter, & per aliud, neg. mai. & sub eadem diffinitione min. neg. conseq. Nec interest, quod natura sola sit id, quod prædicatur; hoc enim solum probat, quod natura sit id, pro quo supponit diffinitum, scilicet genus, & consequenter de quo diffinitio verificatur, accidentaliter tamen, & per aliud, per secundam videlicet intentionem, quæ est tota ratio, cur natura prædicetur; non tamen probat, quod natura sit diffinitum, cum illius essentiam non explicet diffinitio, & si per ordinem, & connotationem illius explicet essentiam secundæ intentionis.

43 *Vnde ad explicationem*, disting. mai. Eo modo est diffinitum.

nitum, quo ei conuenit definitio, si definitio sit perfectè talis conced. mai. si sit definitio per additamentum, neg. mai. In definitione, quæ plenè, & simpliciter est talis, idem est pro quo supponit, & de quo definitio in recto, & ut quod, verificatur, ac definitum, qua ratione homo, & quodlibet aliud concretum substantiale, & est definitum, cuius essentiam explicat definitio, & est etiam pro quo supponit in recto definitio: at in definitione concreti accidentalis, quæ est definitio per additamentum, aliud est pro quo supponit, & de quo in recto verificatur, aliud, definitum, primum et subiectum, quod substernitur formæ, pro hoc enim supponit concretum; secundum verò est forma, quia solius formæ essentiam explicat definitio. Hinc homini conuenit per se, & essentialiter, esse animal rationale, quæ est eius definitio; corpori vero accidentaliter tantum, & per aliud conuenit disgregare visum, quæ est definitio albi.

44. Ad 1. confirm. disting. mai. soli naturæ conuenit prædicari essentialiter, ly essentialiter cadente solum supra prædicari, conced. mai. cadente supra conuenit, neg. mai. & applicata disting. min. neg. consequ. Natura est id, quod prædicatur essentialiter, non tamen essentialiter ei conuenit prædicari, quia accidit ei status intentionalis, in quo solo potest præ-

dicari. Ad 2. confirm. concessa mai. disting. min. naturæ, ut substat, conuenit essentialiter, ratione obliqui, prædicari, conced. min. ratione illius, quod natura, ut substat, dicitur in recto, neg. min. & consequ. nam natura, ut substat, secundum id, quod dicitur in recto, non est cui conueniat, nisi per accidens prædicari; quod autem ratione obliqui essentialiter conueniat, probat obliquum esse totam essentiam, quæ est capite definitio, ac proinde, quod ipsum sit vnice definitum formale.

45. Denique obieci directè contra conclusionem. Definitum in definitione generis est genus: sed secunda intentio non est genus ergo non est definitum. Confirm. 1. Id, cui non conuenit definitio, non est definitum: sed prædicari inquit de pluribus differentiis specie non conuenit secundæ intentioni, ut connotat generalitatem: ergo non est definitum. Confirmat. 2. A definitione ad definitum, & è contra, est mutua consequentia; sed à definitione generis ad secundam intentionem non est bona consequentia, non enim valet, prædicatur de pluribus, ergo est secundæ intentionis generis; nec è contra: ergo idem quod prius.

46. Vergetur. Iuxta Diu. Thomam opusc. 56. Terminus prædicat, quod significat; sed genus non prædicat secundam intentionem, sed naturam: ergo non significat secundam intentionem, sed

sed naturam, sed diffinitum est id, quod significat genus: ergo non est diffinitum secunda intentio, sed natura.

47 *Resp.* disting. mai. diffinitum huius diffinitionis est genus, pro formali, conced. mai. pro materiali, neg. mai. & sub eadem distinctione min. neg. conseq. nam licet natura sit id, pro quo supponit genus, ex hoc solum suadet ipsam esse subtractum rei diffinitæ; res autem diffinita est secunda intentio, quæ est forma illius concreti, cuius essentia solum per formali explicatur per diffinitionem.

48 *Ad 1. confirm.* disting. mai. id, cui non convenit, nec ut quo, nec ut quod diffinitio, non est diffinitum, conced. mai. cui non convenit præcisè ut quod, sub dist. non est diffinitum, in diffinitione concreti substantialis, conced. mai. concreti accidentalis, neg. mai. In diffinitione quippe concreti accidentalis, id, cui ut quod convenit diffinitio, est purè subtractum materiale formæ, cuius essentia diffinitivè explicatur, unde ipsa forma, cui ut quod convenit diffinitio, est vñce diffinitum; forma enim est tota ratio, ob quam de subiecto in recto verificatur diffinitio.

49 *Ad 2. confirm.* disting. mai. à diffinitione perfecta ad diffinitum valet consequentia, conced. mai. à diffinitione per additamentum, neg. mai. nam cum diffinitio per additamentum inclu-

dat aliquid, quod est extra essentiam diffiniti, non adæquatur cum diffinito. *Vel dic*, quod prædicari ut quo de pluribus dicitur ad conuertentiam cum secunda intentione, & sic ipsa est diffinitum, quia in huiusmodi diffinitionibus est diffinitum id, cui, ut quo diffinitio competit iuxta dicta.

50 *Ad id*, quo videtur argumentum, disting. mai. Terminus absolutus idem prædicat, quod significat, conc. mai. terminus connotativus, sub dist. idem prædicat, quod significat, & eodem modo, neg. mai. & diverso modo conced. mai. Terminus connotativus, al-
bum v.g. albedinem, quam in recto significat, prædicat in obliquo, & subtractum, quod solum in obliquo connotat, prædicat in recto; & ratio est quia significatur id, quod exprimitur per terminum, prædicatur vero id, quod identificatur cum subiecto; & quia albedo exprimitur per ly album, non tamen identificatur cum subiecto, cum dicis, *Petrus est albus*, ideo albedo significatur in recto, & prædicatur in obliquo, nam *Petrus est albus*, idem est, ac *Petrus est habens albedinem*.

ARTIC. III.

Quomodo, & de quibus genus prædicatur?

51 **A**D exactam notitiam generis aliqua sunt sub hoc titulo examinanda dubiola. Ea autem, de quibus genus prædicatur, vel sunt species diuinae illius, de quibus dubium non est prædicari genus, ut genus; vel sunt indiuidua generica, ut cum animal prædicatur de hoc, & illo animali, de quibus in art. 1. huius quæst. 5. determinauimus non prædicari genus, ut genus, sed ut speciem: vel sunt indiuidua specifica completa, ut Petrus, & Paulus, & circa hæc relictat vnice comperiendum, an genus prædicetur de illis, ut genus. Sit ergo conclusio.

§. I.

De indiuiduis specificis prædicatur genus, ut genus.

52 **P**rob. De illis prædicatur genus, ut genus, de quibus prædicatur, ut pars potentialis essentiae illorum: sed animal, v. g. prædicatur de Petro, & Paulo, ut pars potentialis essentiae illorum: ergo de illis prædicatur genus, ut genus. Prob. min. animal prædicatur de Petro, & Paulo, ut pars materialis, & potentialis speciei: sed species est tota essentia indiuiduorum: ergo

prædicatur de indiuiduis, scilicet: Petro, & Paulo, ut pars potentia: lis essentiae eorum. *Confirm.* Animal prædicatur de Petro, & Paulo, ut superius, & vniuocum: ergo ut vniuersale: sed non prædicatur, ut differentia eorum, ut proprium, vel ut accidens, cum non prædicetur in quale, nec prædicatur ut species, cum animal non sit tota essentia indiuiduorum: ergo prædicatur, ut genus.

53 *Obijcies* 1. Vnius prædicationis non est nisi vnus terminus: sed terminus relationis generis sunt species: ergo non indiuidua. *Resp.* disting. mai. non est nisi vnus terminus formalis, & primarius, conced. mai. materialis, & secundarius, neg. mai. & concessa min. neg. conseq. quia cum eo, quod species sint terminus formalis, & immediatus relationis generis, stat, quod indiuidua sint terminus materialis, seu secundarius, & medius eiusdem.

54 *Si dicas.* Differentia infima, v. g. rationale, descendit ad Petrum, & Paulum media specie: & tamē diuerso modo prædicatur de specie: ac de indiuiduis: ergo & si genus descendat ad indiuidua mediante specie, poterit diuerso modo prædicari de indiuiduis, ac de speciebus. *Resp.* disting. mai. differentia infima descendit mediante specie, ut termino sibi equali, conced. mai. ut termino inferiori, quem respiciat per modum vniuersalis, neg. mai. & concessa min. neg. conseq. nam cum differentia non sit vniuers-

universalis respectu speciei, eo quod respectu speciei non est superior, sed æqualis, inde nequit eodem modo prædicari de specie sibi æquali, ac indiuiduis, quæ respicit, ut superior, & vniuersalis: at genus tam respectu speciei, quam respectu indiuiduorum est vniuersalis, ac subinde de specie, & indiuiduis eodem genere prædicationis prædicatur.

55 *Obijcies* 2. Genus non præcatur, ut pars, sed ut totum potentiale: ergo ex quo de indiuiduis specificis prædicatur, ut pars, male inferitur, quod de illis prædicatur, ut genus. *Occasione* huius argumenti, inquirunt in præsentī Logici, an genus prædicatur de suis inferioribus, ut pars, vel ut totum: pro quo sit secunda conclusio.

§. II.

Genus ex modo prædicandi, & pro eo, pro quo supponit in recto, prædicatur, ut totum.

56 *S*upponit conclusio, quod genus prædicatur dicens pro expresso partem metaphisicam essentia, attamen asserit, quod ex parte eius, pro quo supponit in recto genus, prædicatur, ut totum, & prob. ex D. Thoma de ente, & essent. cap. 3. dicente: *Si animal non esset totum, quod est homo, non diceretur de eo, cum nulla pars prædicatur de toto: ex quibus elicitur ratio: ut prædicatio sit vera, debet prædicarum identificari cū*

subiecto: sed si genus ex parte eius, pro quo supponit in recto, non prædicatur, ut totum, non identificatur cum speciebus, v. g. de quibus prædicatur: ergo non verè prædicabitur de ipsis, ac proinde non prædicabitur ut genus. Min. constat ex eo, quod pars, ut pars, non identificatur cum toto, vnde nec anima hominis est homo, nec illius materia est homo.

57 *Confirm.* Genus (& idem de reliquis vniuersalibus) est totum potentiale, quatenus continet in potentia obiectiua inferiora, cum quibus realiter identificatur: sed prædicatur de inferioribus, quatenus continet in potentia obiectiua inferiora, cum quibus realiter identificatur: ergo prædicatur ut totum potentiale de inferioribus. Prob. min. Genus prædicatur ut quid logice contrahibile, & determinabile ad hanc, & illam speciem: sed est logice contrahibile ad hanc, & illam speciem, quatenus continet in potentia obiectiua inferiora, cum quibus realiter identificatur, nam contrahibilitas pure logica petit identitatem realem extremorum contractionis, & distinctionem obiectiuam, ut cuius vnum actu obiectiue non sit aliud, sit tamen aliud obiectiue in potentia: ergo genus prædicatur ut continens in potentia obiectiua inferiora, cum quibus realiter identificatur. Ex quibus constat ad argumentum, occasione cuius excitatur dubiū: nam

nam genus prædicatur de indi-
viduis specificis, sicut de speciebus;
dicēs scilicet expressè solam par-
tem metaphisicam essentia ex
parte rei, ex modo tamē prædicā-
di, & ex parte eius, pro quo sup-
ponit in recto, prædicatur, vt to-
tum potentiale.

58. *Obijcies* 1. Materia prima
nequit prædicari de composito,
quia partem, quam compositum
addit, non continet materia actu,
sed in potentia: sed totum poten-
tiale non continet actu differen-
tias, quas inferiora superaddunt,
sed solum in potentia: ergo vt to-
tum potentiale nequit prædicari
de inferioribus, *Confirm.* Prædica-
tum in prædicatione affirmatiua
vera debet esse idem actu cum
subiecto: ergo debet actu conti-
nere quiddam continet subie-
ctum: ergo si genus, vt totum
potentiale, non continet actu in-
feriora, nequit de illis verè præ-
dicari.

59. *Resp.* disting. mai. quia cō-
tinet in potentia reali, & physica
partem, quam superaddit compo-
situm, conced. mai. quia conti-
net in potentia solum Logica, & ob-
iectiua, neg. mai. Id enim, quod
in potentia reali cōtinet alterum
distinguitur realiter ab illo, quo
circa non habet identitatem re-
quisitam, vt verè prædicetur de
illo: id autem, quod in potentia
tantum Logica continet alterum,
est idem realiter cum illo, sola
intercedente distinctione rationis,
quæ non obstat, sed requiritur, vt

ad illud possit per modum præ-
dicati comparari.

60. *Ad confirm.* disting. antec
debet esse idem actu realiter cum
subiecto, conced. antec. obiecti uē
neg. antec. quia cum in propo-
sitione prædicatum vniatur cum
subiecto modo compositiuo, po-
tius debent esse distincta per ra-
tionem, apta tamen, vt possint
ad inuicem media affirmatione
componi. Sed vt hoc clarius per-
cipiatur, sit tertia conclusio.

§. III.

*Genus non prædicatur per se, & for-
maliter de differentijs.*

61. **C**onclusio hæc, quæ sup-
ponens identitatem
realem generis cum differentijs,
negat identitatem in esse formali,
& obiectiuo, est expressa conclu-
sio Philosophi, lib. 3. Metaphis.
text. 10. & D. Thomæ ibi lect. 8.
necnon de ente, & essentia, cap.
7. & alibi sæpè, vnde eam frequē-
tius amplectuntur AA. præsertim
Thomistæ. Et prob. Genus nequit
esse de conceptu formali diffe-
rentiarum: ergo nequit prædica-
ri per se, & formaliter de diffe-
rentijs. Conseq. patet, & anteced.
prob. tum quia ideò iuxta Philo-
sophum in loco cit. Ens non est
genus, quia transcendit formali-
ter differentias. Tum quia genus, &
differentia sunt partes metaphisi-
cæ componētes essentiam specifi-
cā: sed essentia nequit metaphisi-
cæ

et componi ex partibus, quarum vnus sit de conceptu metaphisico alterius; compositio enim in ea linea, in qua est compositio, petit partes distinctas: ergo genus non est de conceptu formali, & metaphisico differentiarum.

62. *Confirm.* Si animal esset de conceptu formali rationalis, sequeretur, quod homo, in quantum rationalis, esset animal: consequens est falsum: ergo & id, ex quo sequitur. Prob. min. *Tum*, quia in quantum animal, conuenit homo cum Brutis, & in quantum rationalis, non conuenit cum Brutis: ergo in quantum rationalis, non est animal. *Tum*, quia in quantum rationalis, differt a Brutis, & non differt, in quantum animal: ergo in quantum rationalis, non est animal.

63. *Ex his colligitur* (he questiones postea multiplicemus) quod differentia subalterna non sit de conceptu differentie infimæ, nam si sensibile, v.g. quod est differentia constitutiva animalis, esset de conceptu metaphisico rationalis, animal, vt animal, esset de conceptu metaphisico illius, cum animal sit metaphisice essentialiter viuens sensibile: sed probatum est, quod animal non sit de conceptu metaphisico rationalis: ergo sensibile non est de conceptu metaphisico rationalis.

64. *Obijcies* 1. De qualibet differentia substantiæ prædicatur formaliter substantia: sed substantia est genus: ergo genus prædicatur

formaliter de differentiis. Prob. mai. qualibet differentia substantiæ est substantia, cum nulla sit accidens: ergo de qualibet differentia prædicatur formaliter substantia. *Confirm.* 1. Quidquid prædicatur formaliter de subiecto, prædicatur formaliter de constitutiuo illius: sed genus prædicatur formaliter de specie, cuius constitutiuum est differentia: ergo prædicatur formaliter de differentia. *Confirm.* 2. Hic syllogismus est bonus: *omnis homo formaliter est animal, omnis homo formaliter est rationalis; ergo aliquod rationale formaliter est animal: sed præmissæ sunt veræ: ergo & consequens est verum.*

65. *Resp.* disting. mai. prædicatur formaliter substantia, *abstracta à completa, & incompleta*, conced. mai. substantia completa, neg. mai. substantia autem, quæ est genus, est substantia completa, nam substantia à completa, & incompleta abstracti, cum sit transcendens differentias, non est genus, vnde substantia, quæ est genus, numquam formaliter prædicatur de differentiis.

66. *Ad 1. confirm.* disting. mai. quod prædicatur formaliter de subiecto, prædicatur formaliter de constitutiuo adequato illius, conced. mai. de constitutiuo quolibet, *etiam inadéquato, & exparte compositionis metaphisicæ*, neg. mai. nam cum constitutiuum inadéquatum huiusmodi sit *cum quo*, vt comparat, facit compositionem

item metaphisicam ipsum genus, debet esse extra conceptum metaphisicum illius, ac proinde non prædicatur formaliter de eiusmodi constitutio.

67 *Ad 2. confirm. neg. mai.* nam ille syllogismus est defectuosus, quia ratione illius particulæ *formaliter*, quæ in nulla præmissa distribuitur, arguitur ex puris particularibus, idem est enim, ac si argueretur, homo sub aliqua formalitate est animal, & sub aliqua formalitate est rationalis, ex quibus inutiliter inferes, quod sub formalitate, sub qua est rationalis, sit animal, seu quod formalitas rationalis sit formalitas animalis; sicut hic syllogismus non tenet, *De conceptu hominis est materia, de conceptu hominis est forma, ergo de conceptu formæ est materia*; ex eo enim quod utrumque sit de conceptu hominis, perperam inferitur, quod vnum sit de conceptu alterius.

68 *Obijcies 2.* Ideo de rationali non prædicaretur formaliter animal, quia rationale est pars metaphisica: sed animal est pars metaphisica, quo non obstante, prædicatur de eo formaliter genus substantiæ: ergo nulla est ratio, ob quam animal non prædicetur formaliter de rationali. *Confirm.* Rationale est substantia animata, & viuens: sed de viuento prædicatur formaliter substantia completa: ergo, & de rationali.

69 *Vergetur.* Differentia constitutiva generis, scilicet subalterna,

est de conceptu differentię inferioris, per quam genus contrahitur: ergo, & ipsum genus per illam constitutum est de conceptu differentię inferioris. Prob. antec. Differentia specifica equi est essentialiter corporea, & materialis, non est enim spiritalis: sed corporeum, & materiale sunt differentię subalternæ: ergo differentia superior subalterna est de conceptu differentię specificę inferioris.

70 *Resp. disting. mai.* quia rationale est pars metaphisica, cum ipso animali, ut comparte, conced. mai. quia est pars metaphisica, absolute neg. mai. Ratio partis metaphisicę probat exclusionem alterius compartis à suo cōceptu metaphisico, unde sequitur, quod si rationale componit cum anima, si essentiam metaphisicam hominis, animal nō est de cōceptu metaphisico rationalis, & è conuerso: at animal non est pars metaphisica, quæ cum substantia completa, seu cum genere substantiæ componat aliquod totum metaphisicum, sed est quoddam totum metaphisicum compositū ex genere substantiæ, alijsque generibus intermedijs, & sua propria differentia, scilicet sensibili; ex quo sequitur, quod de sensibili non prædicetur formaliter genus substantiæ, secus de animali.

71 *Dices.* Animal est pars metaphisica essentialiter contrahibilis, & determinabilis per differentias: ergo non est quoddam totum

tum metaphisicum, totum quippe in ea linea, in qua est totum, non ordinatur per se ad aliud componendum, nec est ulterius in ea linea essentialiter contrahibile, & determinabiles. *Neg. conseq.* eius probatio inserta solum conuincit, quod in linea subalterna, in qua animal est totum metaphisicum, aliud non sit, ad cuius compositionem metaphisicam ordinetur; non tamen quod in linea specifica a thoma ultimo quidditatiue determinata aliud totum metaphisicum non sit, ad cuius compositionem ordinetur, cum quidditas subalterna ex se ordinetur ad compositionem infinitam.

72 *Ad confirm.* resp. quod rationale formaliter non est substantia animata, aut viuens, sed taliter viuens, ita ut viuere correspondeat viuenti; talitas autem correspondeat rationali, & absolute.

73 *Ad id,* quo argumentum vrgetur, *neg. antec.* Ad eius prob. disting. mai. Differentia specifica equi est essentialiter determinatiue corporea, & materialis, conced. mai. essentialiter constitutiue, *neg. mai.* & disting. min. corporeum, & materiale constitutiue sunt differentie subalterne; conced. min. corporeum, & materiale determinatiue, *neg. min.* & conseq. Ultima differentia equi est corporea, & materialis determinatiue, quia corpus, quod constitutum supponit, determinat ad talem, vel talem speciem corporis; non est ra-

men corporea constitutiue, quia potius in ratione corporis conuenit Equus cum alijs corporibus; a quibus per suam ultimam differentiam differt; corporeum autem constitutiue, non determinatiue, est differentia subalterna, quæ ultimo specificè determinatur per differentiam equi.

74 *Si in 1.* Differentia specifica equi prouenit ab anima equi, ut est principium sentiendi: ergo est formaliter sensibilis, ac proinde sensibile, quod est differentia subalterna, prædicatur formaliter de differentia infima. *Resp.* disting. anteced. ut est principium sentiendi determinatiue, conced. antec. constitutiue, *neg. antec.* & *neg. absolute conseq.* quia esse determinatiue sensibilè differentia infima, nil est aliud, quàm esse determinationè sensibilis, quod non est esse formaliter sensibilem. *Nec obstar.* quod differentia illa prouenit ab anima equi, ut est principium eliciendi proprias operationes, quæ sunt formaliter sentitiuæ. *Nam,* etiam in ipsis operationibus equi, & est ratio communis sensationis, & talis sensationis, quæ talitas est sentitiua determinatiue, non constitutiue, & formaliter.

75 *Si in 2.* Differentia specifica equi est ens substantiale incomplete: sed differentia, qua genus supremum substantiæ constituitur, est ratio entis substantialis incompleti, cum conceptus cuiuslibet differentie sit in com-

pletus; ergo differentia specifica equi includit essentialiter differentiam sui generis supremi. *Resp.* omniſſa mai. neg. min. vel potius ſuppoſitum, nam genus ſupremum ſubſtantie, cum ſupra ſe nō habeat genus, non conſtat differentia, ac proinde nulla eſt differentia talis generis, quæ includatur in differentiis inferiorum.

76 *Nec ex hoc inferas*, quod ſenſibile, v.g. quod eſt vere differentia animalis, & quid incompletum, ſit ratio transcendens differentias infimas, & ii animal, quia eſt completum, differentias inferiorum non transcendat. *Non inferas* quidem, nam & ſi conceptus transcendens differentias debeat eſſe quid incompletum, vel abſtrahens ſaltem a completo; & incompleto, non tamen omne incompletum eſt transcendens, niſi ſit de conceptu conſtitutio metaphyſico differentiarum, quale nequit eſſe ſenſibile, quod ut conſtitutionum animalis cum differentia ſpecifica componit metaphyſicè ſpeciem hominis, vel equi.

77 *Si tandem inferes*, Si differentie infimæ accidunt generi, ſalvatur genus, etiam ſi non dentur plures ſpecies, imo etiam ſi nulla ſit poſſibilis, cum quælibet eſſentia ſalvetur ſine poſſibilitate etiā illius, quod omnino accidit ipſi: ſed genus nequit ſalvari, ubi plures ſpecies non ſunt ſaltem poſſibiles: ergo differentie non accidunt generi. Occaſione huius inquirunt Logici, an genus, ut tale,

ſalvetur in vnica ſpecie? Pro cuius reſolutione ſit quarta conſeſio.

§. IV.

Genus nequit ſalvari ſine poſſibilitate ſaltem plurium ſpecierum.

78 *Supponit conſeſio*, quod ratio generica, animal v.g. ſalvatur philicè, & quoad id, quod actu dicit, in qualibet ſpecie, hæc enim prædicata, *uiuens ſenſibile*, in qualibet reperiuntur ſpecie animalis. Proccedit ergo dubium de genere, ut tali, ut ſcilicet eſt quoddam totum potentiale contrahibile per differentias, in quo ſenſu negamus, quod genus poſſit ſalvari ſine plurium ſpecierum poſſibilitate, & ſi non requiratur, quod plures ſpecies ſint exiſtentes.

79 *Prob. 1. ex D. Thoma 1. poſter. lect. 11. dicente: Non eſt poſſibile inuenire aliquod genus, cuius vna tantum ſit ſpecies*, quod alibi ſæpè repetit. Prob. inſuper ratione. Genus eſt ratio poſitiue indifferens, ad plures ſpecies: ergo nequit ſalvari genus ſine plurium ſpecierum poſſibilitate. Pater conſequentia indifferencia poſitiua ad plura nequit ſalvari, ſi illa plura repugnent. An rec. vero prob. Genus eſt ratio potentialis contrahibilis media differentia ad hanc ſpeciem præ alia: ergo eſt ratio poſitiue indifferens ad plures ſpecies. An rec. conſtat ex eo, quod genus eſt pars potentialis, & materialis eſſen-

essentia, unde sicut de ratione materia est, quod perat determinari per formam ad physicè componendam hanc speciem præ alia, ita genus est ratio determinabilis per differentiam ad componendum metaphysicè hanc speciem præ alia. Hulus rationalis, & aliarum, quæ possent subiungi, efficacia amplius dignoscetur, dum art. 5. probemus idem de specie (imò de quocumque predicabili) in ordine ad plurimum individuum possibilitatem.

80 *Obijcies.* Materia cœlestis saluatur sub vnica forma cœli sine plurimum possibilitate: ergo, & si genus sit pars materialis speciei, potest saluari in vna specie sine plurimum possibilitate. *Confirm. 1.* Etiam si solus homo esset possibilis, hæc prædicatio, *Petrus est animal*, esset prædicatio generis: ergo etiam si sola species hominis esset possibilis, animal esset genus. *Prob. antec.* quia illa prædictio non esset prædicatio proprii, accidentis, aut differentie, cum animal de Petro prædicetur in quid, nec esset prædicatio speciei, cum animal non sit tota essentia Petri: ergo esset prædicatio generis. *Confirm. 2.* Species potest saluari in vnico individuo: ergo genus potest saluari in vnica specie.

81 *Resp. neg. conseq.* quia ratio materiae solum potest saluari, vel per hoc, quod recipiat per modum primi subiecti, sic enim recipere est proprium materiae, vel per hoc, quod sit potentialiter in-

differentens ad plura, ratio enim indifferencie potentialis est etiam propria materiae, seu illius, quod per modum materiae se habet: cum ergo ratio partis potentialis non possit saluari in genere per hoc, quod recipiat differentiam, restat, ut solum possit saluari per hoc quod sit potentialiter indifferens ad plura: at ratio materiae in materia cœlesti eiusmodi indifferenciam non requirit, cum sine ipsa saluetur ratio primi subiecti receptiui formæ.

82 *Ad 1. confirmat. resp.* quod illa prædicatio reduceretur ad speciem; quia cum animal actu includat viuens sensibile, quod sensibile esset in eo euentu differentia infima hominis, siquidem non esset ratio determinabilis per alias differentias, inde fit, quod animal esset compositum ex genere, & differentia infima, quod est proprium speciei; quia tamen sensibile non esset adæquata differentia hominis, sed simul cum rationali, adæquata enim differentia ex sensibili, & rationali constaret; inde etiam fit, quod animal non esset tota essentia Petri, & consequenter quod illa prædicatio non proprie, & simpliciter, sed reductiue, esset prædicatio speciei.

83 *Ad 2. confirm. neg. anteced.* quia vel species consideratur secundum prædicata, quæ actu dicit, & sic saluatur species in vno individuo, ceterum in hoc sensu etiam in vnica specie saluatur genus

Iuxta superius dicta, vel consideratur species, ut contrahibilis per differentiam individualement ad hoc potius Individuum, quam ad aliud, & in hoc sensu repugnat species, ubi plura individua repugnent, contrahibilitas enim, & indifferentia ad plura, saluari nequit sine possibilitate saltem plurium: in eodem ergo sensu (quantum ad hoc) saluatur, vel non saluatur ratio speciei in unico individuo, quo saluatur, vel non saluatur ratio generis in unica specie.

84. *Dicit.* Genus se habet per modum partis potentialis, incompletæ, & perfectibilis, ac proinde essentialiter petit differentias, quibus perficiatur, & cōpleatur, ideoque nos ipsi diximus genus se habere per modum materiz; at species est actus essentialiter completus, quo circa ex vi sui conceptus essentialis, non petit differentias individuales, quibus determinetur. *Uterius.* Communiter receptum est apud Logicos, quod species saluatur in unico individuo, genus vero non saluatur in unica specie: aliqua est ergo disparitas assignanda inter genus, & speciem.

85. *Resp.* quod licet genus aliter sit determinabilis, & contrahibilis per differentias específicas, aliter species per differentias individuales, utrumque tamen debet esse positum indifferentens ad plura, aliter nullum ex illis poterit denominari à secunda intentione vniuersalitatis, sicque so-

lum considerabuntur genus, & species secundum prædicata, quæ actu includunt, in quo pari passu currunt quoad saluari in unica specie, vel individuo. De ratione autem indifferentis ad plura est, quod plura non repugnent, seu sint possibilia; unde quod aliter genus petat plures species, aliter species plura individua, non probat, quod utrumque non petat plura.

86. *Alietas* autem consistit in eo, quod genus petit plures species, ut obtineat totam perfectionem, cuius genus est capax; nā genus habet perfectionem à differentiis specificis, cumque omnes illas non habeat in unica specie, inde non obtinet in illa omnem perfectionem, quam potest habere, ex quo fit, quod genus sit velut materia, quæ non solum determinatur per formam, sed & ab illa perficitur: species autem per differentias individuales non perficitur, sed limitatur, & coarctatur, unde perfectione, cuius est capax, in quolibet conseruat individuo: Et in hoc sensu verum tenet, quod genus (quoad perfectionem, cuius est capax) non saluatur in unica specie, cum tamen in vno individuo species saluetur.

87. *Ex his constat* ad replicam, ob quam excitatum est dubium; differentia enim accidit generi constitutiue, non determinatiue, id est, genus non constituitur per differentias, essentialiter tamen est quid determinabile, & contrahi-

hibile per illas, vnde non sequitur, quod sine plurium specierum possibilitate saluetur ratio generis. *Quia tamen* pluries in presenti inculcatum est, quod genus est velut materia, dubitatur ultimo, sit-ne verum quod inter Philosophos communiter circumferatur, scilicet, quod genus sumitur à materia, differentia vero à forma, cui comuni dicto occasionem dedit Aristot. lib. 8. metaph. text. 9. dicens, *aliquid de aliquo significat ratio diffinitiva, & oportet, hoc quidem, ut materiam, illud verò, ut formam esse.* Pro quo sit,

§. V.

Genus in rebus compositis ex materia, & forma, sumitur à materia, ut à prima radice, ex qua provenit, quod concipiatur natura generica, ut determinabilis per differentiam specificam,

38 **F**acilius eiusmodi communis dicti intelligentia est, quod cum forma in philosophis sit actus determinans, & perficiens materiam, & materia sit imperfecta, determinabilisque per varias formas, ita proportionem servata in metaphisicis, genus est conceptus imperfectus, determinabilis per differentias, differentia vero est conceptus actuans, & perficiens genus; ex quo sumpta est occasio, ut dicatur genus sumi à materia, scilicet, quia assimilatur matriæ, differentia vero à forma, quia scilicet assimilatur formæ. Cum au-

tem amplius videatur intendere Philosophus, nec non D. Thomas sapientissime illud dictum repetens, & expressio explicans; ideo, ut magis proprie, ut debet, accipiatur.

89 *Observandum est*, quod genus, seu gradus genericus præstat proxime à forma; omnes enim gradus rei, eius essentiam confluantes nulla actuali distinctione differunt à parte rei, ut quæst. præced. monstrauimus: ergo proueniunt omnes ab eadem forma. Deinde. Ab eo prouenit esse animal, quod sui communicatione præstat esse viuens sensituum: sed hoc præstat media sui communicatione forma, anima scilicet: ergo à forma prouenit gradus genericus. Quod cum ita sit, ingerit difficultatē, vnde proueniat, quod ex gradibus identificatis, vnus concipiatur (genericus scilicet) ut quid potentiale, & contrahibile per alium, quæ contrahibilitas, & potentialitas est propria generis, & huius radicem, fundamentumque dicimus esse materiam in rebus compositis ex materia, & forma, quod prob.

90 *Illud est* prima radix, & fundamentum, ut intellectus concipiat naturam, ut potentialem, & ulterius determinabilem, in quo consistit ratio generis, quod est prima radix, & fundamentum, ut compositum concipiatur habens prius esse potentiale, & imperfectum, quam actuale, & perfectum: sed huiusmodi fundamentum, & radix in rebus materialibus est

materia: ergo materia est in rebus materialibus, à qua, vt à prima radice sumitur genus. Mai. est certa: nam concipi hominē, in quantum animal, vt quid potentiale, & vltius perfectibile per rationalitatē, nil aliud est, quàm concipi habēs prius esse potentiale, & imperfectum, quàm actuale, & perfectum: ergo prima radix, & fundamentum vnius, est prima radix, & fundamentum alterius.

determinat ad specialem gradum, scilicet formam, & aliud, quod determinatur, scilicet materia.

91. Diximus autem hoc esse verum in rebus tantum materialibus, quia in rebus spiritualibus genus sumitur ab earum potentialitate physica, quæ respectu rerum spiritualium est earum essentia, vt ex se non habens existentiam, sed ex se in potentia ad illam; differentia vero sumitur ab earum maiori actualitate, quæ consistit in maiori accessu ad actum purum; hoc est, in perfectiori participatione diuinæ simplicitatis, quæ ex vniuersaliori modo operandi nobis innotescit.

93. Si dicas. Substantiæ spirituales, & corporeæ non habent materiam communem; & tamen habent genus commune; siquidē collocantur sub eodem predicamento: ergo etiam in rebus corporeis genus non sumitur à materia. Confirm. Gradus genericus, & individualis sunt oppositi: sed gradus individualis sumitur iuxta Thomam à materia: ergo ab ea non sumitur gradus genericus.

94. Resp. disting. mai. Non habent materiam communem, secundum conceptum formalem potentialitatis physice, neg. mai. secundum conceptum materiale, conced. mai. & concessa min. neg. consequ. Ratio generis sumitur à potentialitate physica, in qua habenda conueniunt Angelis v.g. & homo: quod autem hæc potentialitas sit in vno

91. Min. autem prob. Nam fundamentum, & radix eiusmodi conceptibilitatis est quia quod procedit de potentia ad actum, prius peruenit ad actum imperfectum, quàm perfectum: sed prima ratio procedendi de potentia ad actum est materia: ergo materia est prima radix, & fundamentum, vt intellectus concipiat compositum ex illa, vt habens prius esse potentiale, & imperfectum, quàm actuale, & perfectum. Explicatur: Sicut res se habet ad esse, & operari, ita se habet ad intelligi: sed prima radix, à qua sumitur, quod materia sit prius sub esse imperfecto, v.g. prius sit sub forma seminis, quàm sub forma Embryonis, & sub hac prius, quàm sub forma viuentis, est ipsius materie pura potentialitas, & maxima distantia ab actu perfecto: ergo eiusdem potentialitas radix est, vt compositum intelligatur habens prius esse imperfectum, quàm perfectum. Vnde D. Thomas 1. p. quest. 50. art. 2. ad 1. ait: *In rebus materialibus aliud est, quod*

materia, in alio vero sit præcise potentia receptiva existentiae, est quid materiale respectu potentialitatis, & ratio solum, ut in hoc, v.g. In homine, sumatur ratio generis à materia.

95 *Ad confirm.* resp. quod gradus genericus, & individualis non sunt oppositi, sed sunt idem realiter, & ita comparantur obiectivè etiam, ut unus sit determinatio alterius; sunt ergo illi gradus formaliter oppositi, idest, formaliter distincti, cui non obest, quod uterque gradus sumatur à materia, cum sumatur à materia diverso modo sumpta; genericus scilicet à materia secundum se, ut potentiali, individualis vero à materia, ut signata quantitate.

ARTIC. IV.

Examinantur diffinitiones speciei.

96 **S**pecies, quæ secundum est prædicabile, potest considerari, vel ut subijcitur generi superiori, & sub hac consideratione denominatur species subijcibilis, vel ut respicit individua inferiora, sicque denominatur species prædicabilis; utroque modo eam diffiniunt

Porphirius, & utroque modo eam in examen vocamus.

§. I.

Diffinitio speciei ut subijcibilis exponitur.

97 **D**iffiniunt Porphyrius speciem subijcibilem sic, *qua ponitur sub genere, & de qua genus in eo quod quid prædicatur; sed cum species subijcibilis, alia sit infima, alia subalternas, utraque convenit in eo, quod est subijci generi, differunt tamen in eo, quod species subalternas habet sub se alias species; & eas non habet species infima, quod tamen discrimen non debet exprimere diffinitio communis. Ut tamen diffinitionis traditæ bonitas melius percipiatur.*

98 *Obijcies* 1. Individua specifica ponuntur sub genere, & de eis genus in eo quod quid prædicatur: ergo diffinitio convenit alijs à diffinito. *Diffin.* anteced. ponuntur immediate sub genere, neg. anteced. mediatè conced. anteced. & neg. conseq. quia diffinitio debet accipi de positione immediata, & quæ subijcibili conveniat ratione sui, non de mediata, & quæ convenit medianre ipsa specie, quomodo individua specifica subijciuntur generi.

99 *Instabis* 1. Individua generica, ut hoc animal, ponuntur immediate sub genere: ergo etiam intellecta diffinitione de subiectione immediata, convenit diffinitio alijs à diffinito. *Instabis* 2. Homo est species

subijcibilis generi substantiæ: & tamen non subijcitur immediatè generi substantiæ: ergo vel species subijcibilis non benè diffinitur, vel diffinitio non debet intelligi de subiectione immediata.

100 *Resp.* diffing. antec. Individua generica ponuntur immediatè sub genere, ut genus est, neg. anteced. sub genere, ut species est, conced. anteced. hæc enim prædicatio, *hoc animal est animal*, est prædicatio speciei iuxta dicta in hac quæst. 5. artic. 1. *Ad 2. instantiam*, concessis præmissis, neg. cōseq. quia licet homo non subijciatur immediatè generi substantiæ, subijcitur tamen immediatè animali, quod est eius genus proximū; nec enim petitur, quod cuiusque generi species immediatè subijciatur.

101 *Obijcies* 2. Genus diffinitur per speciem: ergo species non debet diffiniri per genus. Prob. cōseq. nam aliàs committeretur circulus, qui in diffinitionibus est vitandus. *Re p.* neg. cōseq. quin potius, cum genus, & species sint correlatiua, debet vnum diffiniri per aliud, sunt enim correlatiua simul natura, & cognitione, vnde pater diffinitur per filium, & filius per patrem; nec iste est circulus vitiosus, quem recitudo diffinitionis debeat vitare.

102 *Instabis* 1. diffinitio debet esse notior diffinito: ergo si species diffinitur per genus, & è conuerso, idem est notius, & ignotius respectu eiusdem. *Instabis* 2.

loco cuiuslibet partis diffinitionis licet ponere diffinitionem talis partis, ut colligitur ex Arist. 2. topic. cap. 5. ergo in diffinitione speciei licebit ponere loco generis, huius diffinitionem, vnde poterit species diffiniri sic. *Species est, qua ponitur sub eo, sub quo ponitur species*, quo nil absurdus.

103 *Resp.* neg. cōseq. Nam ex quo diffinitio debeat esse notior diffinito, male inferitur, quod quælibet pars, præsertim extrinseca, ut est correlatiuum, sit notior; solum enim inferitur, quod ordo ad genus sit notior specie, & ordo ad speciem sit notior genere. *Ad 2. instantiam resp.* Aristot. esse intelligendum de parte intrinseca, loco cuius, licet ponere talis partis diffinitionem, non de parte extrinseca, cuiusmodi est correlatiuum.

§. II.

Traditur diffinitio speciei ut prædicabilis.

104 **S**peciem, ut prædicabilem, diffiniuit sic Porphyrius. *Qua predicatur de pluribus differentibus numero in eo quod quid.* Per ly *predicari de pluribus* conuenit species cum alijs prædicabilibus, cumque in omnibus subintelligatur vniuersale, cuius proprietas est prædicabilitas, debent excludi à ratione speciei, quæ conditiones non habent requi-

quibus, vt sint vniuersalia. Per
ly differentibus numero differt à
genere, quod prædicatur de plu-
ribus differentibus specie, quæ
differentia ita accipienda est, vt
terminus immediatus relationis
generis sint plura specie distin-
cta, speciei vero terminus imme-
diatus sint plura solo numero
distincta. Per illam particulam
in eo quod quid denotatur speciem
prædicari essentialiter, tam ex
parte rei prædicatæ, per quod dif-
fert à proprio, & accidente,
quàm ex parte modi prædican-
di, per quod differt à differen-
tia, quæ ex parte modi prædi-
catur in quale. Rursus per eandem
particulam denotatur, quod spe-
cies non solum prædicatur essen-
tialiter, sed dicendo totam es-
sentiam; nam nec potest dice-
re partem essentialis determinan-
tem, vt differentia, quia præ-
dicaretur in quale, nec partem es-
sentialis determinabilem, vt ge-
nus, quia non prædicaretur de so-
lo numero differentibus, vt de-
bet prædicari dicendo totam es-
sentiam, quod est proprium spe-
ciei.

105 Obijciat 1. Per hanc dif-
finitionem diffinitur species in
communi; sed species in com-
muni prædicatur de differenti-
bus specie, nam prædicatur de
homine, & equo, qui specie dif-
ferunt; ergo non rectè dicitur
in diffinitione, quod species de-
beat prædicari de solo numero
differentibus.

106 Resp. disting. mai. diffini-
tur species in communi, ly in
communi dicente rem per se diffinitam,
neg. mai. dicente statum accidenta-
lem rei diffinitam conced. mal. & di-
sting. min. Species in communi,
essentialiter sumpta prædicatur de
pluribus differentibus specie neg.
min. denominatiue, & ratione sta-
tus, conced. min. & neg. conseq:
Nam cum diffinitur species, dif-
finitur vt abstracta ab hac, & illa
specie, ita tamen, vt ratio diffi-
nita sit ratio speciei, status vero
abstractionis sit conditio, vt dif-
finitur, vnde prædicata, per quæ
diffinitur, debent corresponde-
re rei, quæ diffinitur, non statui
abstractionis, quæ est conditio, vt
diffinitur. Hinc prædicari de plu-
ribus differentibus numero con-
uenit omni speciei, homini sci-
licet, & equo, & alijs speciebus,
quibus tamen non conuenit præ-
dicari de pluribus differentibus
specie, quia huiusmodi prædica-
tio est propria status accidenta-
lis abstractionis, sub quo species
diffinitur, & sic non descendit ad
hanc, & illam speciem, quæ ibi
diffinitur; hæc enim prædicatio-
nes, homo est species, equus est spe-
cies, sunt prædicationes accidenti-
tis quinti prædicabilis, nam acce-
dit homini, & equo denominari
à secunda intentione speciei.

107 Obijciat 2. Species prædi-
catur de individuis in quid incom-
pletè: ergo non prædicatur dicen-
do totam essentialis, ac proinde
non differt in hoc species à gene-
re.

re. Prob. antec. De essentia indiuiduorum est differentia indiuidualis: sed hanc non dicit species: ergo non dicit totam essentiam indiuiduorum. Neg. anteced. Ad prob. disting. mai. De essentia metaphisica indiuiduorum est differentia indiuidualis, neg. mai. de essentia, phisica conced. mai. & concessa min. disting. conseq. non dicit tota essentiam, phisicam conced. conseq. metaphisicam neg. conseq.

108 Si dicat. Sicut se habet differentia specifica ad speciem, ita indiuidualis uad indiuiduum: sed illa pertinet ad essentiam metaphisicam speciei: ergo ista pertinet ad essentiam metaphisicam indiuidui. Resp. non ita, & eodem modo se habere vtramque, quia de essentia metaphisica rei solum iudicamus esse ea prædicata, per quæ respondemus questionibus, quid est res, aut qualis quidditatiue sit, cuiusmodi sunt species, & differentia specifica, non indiuidualis; nam ut ait Damascenus, cap. 9. Dialecticæ. Proprietas indiuidualis non ostendit, nec quale quid est, nec quid est rei, sed quis est: interroganti enim, quis est iste, dicimus, Petrus; deinde interroganti, quid est Petrus, dicimus, homo. Species ergo dicit totam essentiam indiuidui, qua respondemus inquirenti illius quidditatem.

§. III.

Species ut subijcibilis non est prædicabilis.

109 **P**rob. Speciem ut subijcibilem esse prædicabilem, vel est, quod per eandem formam, qua est subijcibilis, sit prædicabilis, vel quod esse subijcibilem sit causa, aut ratio, ut sit prædicabilis: sed in neutro sensu est verum: ergo species, ut subijcibilis, non est prædicabilis. Prob. min. quoad 1. partem: Species, ut subijcibilis, dicit formaliter respectum inferioris ad genus, ut superius; ut prædicabilis autem dicit respectum superioris ad indiuidua, ut inferiora: sed isti respectus sunt omnino diuersi: ergo per eandem formam, qua est subijcibilis, non est prædicabilis. Quoad 2. vero partem prob. Tum quia stat speciem esse prædicabilem, & non esse subijcibilem, substantia enim comparata ad hanc, & illam substantiam est species prædicabilis, & tamen cum supra se non habeat genus, non est species subijcibilis: ergo subijcibilitas non est causa, aut ratio vniuersalitatis. Tum quia ut intellectus comparet naturam ad inferiora, nullatenus per se requiritur, quod illam prius comparet ad genus: ergo idem, quod prius.

110 Si obijcias 1. Species respicit genus, ut aliquid sibi intrinsecum,

cum, inferiora vero, vt aliquid extrinsecum: ergo prius respicit genus, quam inferiora, ac proinde prius est subijcibilis, quam prædicabilis. *Posses* omitti totum, quia ex quo sit prius subijcibilis, quàm prædicabilis, non sequitur, quod vnum sit ratio, aut causa alterius, licet è conuerso bene sequatur, ex eo, quod vnum sit ratio, aut causa alterius, quod sit prius altero. *Deinde*, disting. antec. respicit vt quid sibi intrinsecum genus, *consideratum per modum partis actualis*, conced. antec. *per modum totius potentialis*, neg. antec. quia prout sic est correlatiuum speciei, & correlatiuum est terminus extrinsecus relationi.

111 *Si secundo* obijcias. Species ponitur immediatè sub genere: sed indiuiduum non ponitur immediatè sub genere: ergo species, vt posita sub genere (sic est subijcibilis) non est indiuiduum, ac proinde vt subijcibilis est vniuersalis. *Disting.* cōseq. Est vniuersalis, *logicè*, neg. cōseq. *metaphysicè*, subdisting. est metaphysicè vniuersalis, *formaliter*, neg. cōseq. *præsuppositiuè*, conced. cōseq. Vt species subijciatur generi debet prius per abstractionem constitui vniuersalis, alia tamen est forma, qua subijcitur, alia, qua fit vniuersalis; illa est respectus ad genus, hæc autem est vnitas præcisionis.

112 *Habetur* ex his, quod subijcibilitas, & prædicabilitas sunt diuersi omnino respectus, qui in eo-

dem subtrahio, seu subiecto materialiter coincidunt; nam stat speciem esse prædicabilem, & non esse subijcibilem, vt probatum est; stat insuper esse subijcibilem, & non esse prædicabilem, vt ita-
tim probabitur de natura Angelica: vnus ergo respectus non oritur ex alio, nec habet connexionem cum alio. *Rursus*, quod natura abstracta debeat prius comparari ad genus, quàm ad indiuidua, vel è conuerso, nulla ratione suadetur necessarium: sunt ergo tales respectus disparati, & si in subiecto coincident materialiter; qua etiam ratione species ipsa subijcibilis comparatiuè ad hanc, & illam speciem subijcibilem, est subtrahitum, quod denominatur vniuersale.

ARTIC. V.

An natura Angelica, supposita eius immultiplicabilitate, sit species prædicabilis

113 **P**osses eodem modo excitari dubium circa quamlibet intentionem vniuersalis, imò circa vniuersale in communi, an scilicet, natura, cui plura habere inferiora repugnet, possit esse vniuersalis, cum vniuersale sit *vnus in multis*, & *de multis*, opportune tamen illud AA. frequentius excitant circa speciem, tùm, vt dicta immediatè de inconnexione subij-

subiectionis speciei cum prædicabilitate dilucidentur, tum, quia cum natura Angelica sit, cui in sententia D. Thomæ repugnant plura indiuidua solo numero distincta, opportunè de specie, quæ respicit pro termino plura solo numero distincta, excitatur questio, posita, exempli causa, ipsa natura Angelica, in qua hypotesis dubij, iuxta D. Thomæ mentem verum habet. Hinc dignoscitur iam dissidium esse magna ex parte domesticum, & quod aliter locum non habet, nisi plurium indiuiduorum impossibilitate supposita.

114 Pro resolutione autem uni-
cè supponenda est tradita sæpe distinctio vniuersalitaris negati-
uæ, & positiuæ, quarum prima
consistit in unitate præcisionis,
qua natura præscinditur à singu-
laritate, seu cognoscitur sine illa;
secunda vero consistit in aptitudi-
ne positiua, vi cuius natura à singu-
laritate præcisâ respicit plura in-
feriora, in quibus potest existere,
in qua aptitudine, & respectu cõ-
sistit iuxta superius dicta vniuer-
sale logicum, de quo solo proce-
dit dubium; nam quid de prima
vniuersalitate sit dicendum res-
pectu naturæ Angelicæ ex pro-
gressu ipsius dubij constabit. Alia,
quæ supponi possent, & deberent,
omittimus modo, quia nec
adeo certa, vt ab aliquibus non
reuocentur in vtrum, & clarius
possunt postea ex ipsa disputatio-
ne colligi, quàm modo, vt indu-
bia, præsupponi.

115 Sententia affirmatiua in
Scola D. Thomæ satis plausibilis
à pluribus Thomistis defenditur:
negatiuam autem sustinent com-
muniter extranei, & ex Thomi-
stis, Soncinnas, Herueus, Iauellus;
quos refert, & sequitur Prado,
Lince, Moneta, Aguirre, Curiel, &
nouissimè Mag. Palanco satis soli-
dè, & eruditè: quam sententiam
amplectimur, vt magis cõsonam
principijs, tum vniuersalitaris lo-
gicæ, tum in multiplicabilitatis
Angelicæ, quæ cum D. Thomæ
omnes eius Discipuli propugna-
mus.

6. I.

Probatur sententia negans.

116 **P**rob. 1. ex Angelico
Præcept. quærit vni-
ca de spiritualibus creaturis, art. 9.
ad 4. dicente: *Natura Angelica pro-
hibetur esse in multis: ex eo, quod non
est nata recipi in aliquo subiecto: si
enim natura Angelica esset spe-
cies prædicabilis, ideo esset (vt
AA. dicunt) quia repugnantia ad
plura non oritur ex conceptu na-
turæ: sed hoc est falsum, cum iux-
ta D. Thomam repugnantia oria-
tur ex eo, quod non est nata re-
cipi in materia, & non esse na-
tam recipi in materia habeat ex
conceptu naturæ: ergo iuxta mē-
tem D. Thomæ non est species
prædicabilis. Deinde iuxta ipsum
ibid. art. 8. Si autem Angelus est for-
ma simplex abstracta à materia, im-
possibile est etiam fingere plures An-
ge-*

gelos: sed antecedens est verum, nam Angelus est forma simplex abstracta à materia: ergo & consequens est verum, ac proinde plures Angeli, quos sic, vel aliter, configunt AA. oppositi, vt saluent terminum relationis vniuersalis, sine fundamento finguntur. *Accedit ad hæc expressa doctrina D. Thomæ 1. p. q. 13. art. 9. vbi ad vniuersale adhuc secundum rationem tantum, exigit possibilitatem plurium inferiorum, ideoque negat naturam Solis esse secundum rem vniuersalem, bene vero secundum rationem; sed quia de hoc iterum infra.*

117 *Prob. 2. conclusio* ratione. Vniuersale est vnum potens esse in multis: sed natura Angelica non potest esse in multis: ergo natura Angelica non est vniuersalis. Mai. est diffinitio vniuersalis, & minor supponit præsens questio, quia naturam posse esse in multis, id est est, ac eam posse multiplicari: sed supponit præsens questio naturam Angelicam non posse multiplicari: ergo supponit præsens questio eam non posse esse in multis.

118 *Dices*, quod supponitur, naturam Angelicam non posse esse in multis; cæterum cum repugnantia ad essendum in multis non proveniat ex conceptu inadæquato naturæ, sed ex conceptu adæquato comprehendente etiam indiuiduationem, inde est, quod natura Angelica inadæquate concepta, & quantum est ex

conceptu specifico naturæ, possit esse vniuersalis.

119 Hæc solutio, in qua tota nititur probabilitas sententiæ oppositæ, dupliciter venit impugnanda; primo probando, quod iuxta sententiam D. Thomæ, quæ supponit questio, immultiplicabilitas naturæ Angelicæ oritur ex conceptu specifico naturæ; secundo, quod dummodo repugnent plura, ex quocumque capite repugnantia proveniat, repugnat vniuersalitas. Prima ergo via impugnatur. Natura Angelica ex conceptu specifico naturæ est immultiplicabilis purè indiuidualiter: sed dum concipitur inadæquate, concipitur secundum specificam rationem naturæ: ergo dum concipitur inadæquate, concipitur indiuidualiter immultiplicabilis, ac proinde etiam inadæquate concepta nequit esse vniuersalis.

120 *Prob. mai. 1.* Naturæ Angelicæ ex conceptu specifico naturæ repugnat materia: ergo ex conceptu naturæ specifico est solo numero immultiplicabilis. Antec. est certum, nam Angelus materialis sigmentum est, non minus repugnans, quam Hircocernus, & consequ. prob. Cui repugnat essenziale principium multiplicationis purè numericæ, repugnat multiplicatio purè numerica, ac proinde est solo numero immultiplicabilis: sed essenziale principium multiplicationis purè numericæ est in via D. Thomæ materia: ergo

go si naturæ Angelicæ ex conceptu specifico naturæ repugnat materiæ, ex eodem conceptu specifico naturæ est solo numero immultiplicabilis. *Explicatur.* Angelus ex suo conceptu specifico est substantiâ completa immaterialis: ergo ex suo conceptu specifico excludit materiæ: sed ex conceptu, ex quo excludit materiæ, pugnat cum multiplicatione purè numerica, quæ essentialiter pendet à materiæ: ergo ex conceptu specifico pugnat cum multiplicatione purè numerica.

121 *Si dicat* 1. quod ex conceptu specifico excludit materiæ, sed non excludit omne aliud principium multiplicationis, quia ex conceptu specifico non excludit indifferentiam ad plura, sed eam admittit, indifferenti autem in quantum talis repugnare non potest multiplicari per plura.

122 *Contra est.* Nam solutio perit principium; indifferentiam enim ad plura, quam ex doctrina inconcussa D. Thomæ, probat impugnatio repugnantem, assignat pro alio principio multiplicationis à materiæ distincto, unde eadem impugnatione supra posita refutatur. Indifferentia enim ad plura solo numero distincta nequit esse ex vi alicuius conceptus, vi cuius est repugnantia ad illa: sed vi conceptus specifici est in natura Angelica repugnantia ad plura solo numero distincta: ergo vi conceptus specifici non est indifferentia ad illa. Prob. min.

ex dictis. Ex conceptu specifico est repugnantia cum materiæ: ergo ex conceptu specifico est repugnantia ad plura solo numero distincta. Pater consequenter iuxta sententiam, quam cum D. Thoma supponimus, nam iuxta eam hæc consequentia est infalibilis, *repugnat materiæ, ergo repugnat multiplicationi purè numerica*, ergo si ex conceptu etiam specifico est verum antecedens, ex eodem etiam est verum consequens, ac proinde adstrui nequit indifferentia, seu non repugnantia ad plura ex conceptu, ex quo, siue à quo repugnantia cum materiæ non excluditur.

123 *Ex huius impugnationis doctrina* constat nullam esse solutionem aliorum dicentium, quod ut res sit physicè multiplicabilis solo numero, requiritur materiæ, secus tamen, ut sit logicè multiplicabilis, seu per rationem. Nam ut natura Angelica concipiat, ut vniuersalis, debet concipi, ut realiter multiplicabilis intra eandem speciem, nam debet concipi, ut potens identificari realiter cum pluribus reali numero distinctis, natura enim Angelica, quæ vera, & realis natura est, nequit vere affirmari de illis, cum quibus realiter non identificatur: ergo debet concipi cum materiæ, siue ut materialis, cum iuxta dicta solum ratione materiæ potest esse intra eandem speciem res multiplicabilis: sed dum concipitur Angelus materialis, iam non concipitur.

cipitur Angelus: ergo natura Angelica nequit vere concipi universalis.

124. *Prob. 1.* eadem mai. Natura Angelica supponitur in presenti essentialiter immultiplicabilis intra eandem speciem iuxta sententiam D. Thomæ: ergo supponitur immultiplicabilis ex conceptu specifico, & non solum ex conceptu purè individuali. *Prob. conseq.* Supponitur immultiplicabilis essentialiter, ita, ut conceptus specificus naturæ Angelicæ non saluetur, si in pluribus solo numero distinctis eadè specificè repariatur natura: ergo supponitur immultiplicabilis ex conceptu specifico, & non solum ex conceptu purè individuali. Pater conseq. nā si multiplicatio oppositionem nō habeat cum conceptu specifico, quod est idē, ac ex conceptu specifico non esse immultiplicabilē, saluabitur conceptus specificus illius naturæ, etiā si in pluribus repariatur, & si cōceptus individualis illæ non maneat. Antec. autē ex eo constat, quod hæc est sententia, quæ supponitur in presenti, scilicet, quod cōceptus specificus naturæ Angelicæ destrueretur, si cum pluribus identificaretur solo numero distinctis, hoc enim est, quod sententiā D. Thomæ propugnat, contra asserentes naturam Angelicam esse essentialiter capacem, ut pluribus gaudeat individuis intra eandem speciem.

125. *Confirm. & explicatur.* Natura Angelica non est immulti-

plicabilis ex eo præcisè, quod est in vno individuo: tum ex sua specie potuerit esse in pluribus, hoc enim esset deludere, potius, quàm supponere sententiam D. Thomæ, nā ita fieret, quod ea species, Angelus scilicet, posset esse multiplex numero, & solum non posset esse multiplex numero, quia Gabriel, vel Michael, quod quidem in qualibet specie materiali essentialiter multiplicabili contingit, cum Petrus non possit esse multiplex numero, & si homo sit multiplex numero: ergo ne sententiā de immultiplicabilitate naturæ Angelicæ ad hos terminos à disputatione alienos trahatur, ita est immultiplicabilis ex eo quod est in vno individuo, quod ipsa ex sua specie non potuerit esse in pluribus: ergo ipsa ex sua specie est solo numero immultiplicabilis.

126. *Vergetur.* Hæc consequentia est legitima: Angelus est in suo esse specifico substantia completè immaterialis: ergo, est unicum individuum: ergo non fiat, quod antecedens sit verum, & consequens sit falsum: ergo ex conceptu specifico est connexus Angelus cum eo, quod non sit multiplex solo numero, ac proinde cum eo, quod non dentur plura individua intra eandem speciem: itē ergo ex conceptu specifico oritur propugnatio ad multiplicationem eius: ergo non fiat.

127. *Si dicatur,* quod illa consequentia est bona, si arguatur à cōceptu specifico, naturæ Angelicæ

secus tamen, si arguatur ab eo præcise, & inadæquate sumpto, quomodo non connectitur cum consequenti, licet licet bene valeat, *est bonum, ergo verum*, quia utrumque est in re idem, obiectiue tantum, & implicite, vnum ab altero præciscit.

118 *Contra est.* Nam arguere à conceptu specifico realiter sumpto, seu prout est in re, est arguere à natura specifica prout reperitur indiuiduata, v.g. in Gabriele: ergo si solum sic arguendo, illa consequentia est bona, solum habet repugnantiam cum multiplicatione purè numerica natura Angelica prout in Gabriele, secus vero natura Angelica: at hoc est alienum omnino à sententia Thomistica, imò à quacumque sententia, cum nullus dabitur sit, quod natura Angelica prout indiuiduata nequeat esse multiplex: ergo. *Explicatur.* Vel natura Angelica, saluis constitutis metaphisicis prout in sua specie, connectitur essentialiter cū eo, quod sit vnum tantum indiuiduum, vel non connectitur: si non connectitur ergo & si talis natura sit solum Gabriel, v.g. hoc tamen est per accidens, & aliter potuit euenire, potuit enim, salua eius specie metaphisica, esse in pluribus: ergo sententia D. Thomæ non aliter debet intelligi, quam posset sustineri de qualibet natura materiali? v.g. de natura Solis, quam Deus vnico alligauit indiuiduo, cum tamen absolute posset in

plura diuidere: consequens reddit falsam sententiam, quam supponit: ergo falsum est antecedens. *Si connectitur:* ergo prædicata metaphisica Angell prout ipsum constitunt metaphisice in sua specie pugnant cum falsitate illius consequentis: vel ergo immultiplicabilitas naturæ Angelicæ deferitur, vel ex specie sua pugnat cum pluralitate, quam requirit vniuersalitas.

119 *Quod si* propter hæc dicas, verum esse, quod natura Angelica nequit in sua specie præciscindere saltem pro implicito à radice vnus singularitatis; cum tamen à singularitate ipsa omnino præscindat, potest concipi, vt indifferens ad plura, ac subindè, vt vniuersalis.

130 *Contra est.* Quia conceptus specificus includens metaphisice radicem vnus tantum singularitatis est conceptus includens obiectiue repugnantiam ad plura: sed cuius obiectiua inclusionem repugnantiam ad plura non stat vniuersalitas, tū quia non stat obiectiua indifferentia, quam vniuersalitas requirit, tū quia semper manet obiectiue ex tali conceptu repugnans terminus vniuersalitatis, multiplex scilicet indiuiduum, tū quia si obiectiue includeret, & si nō explicaret, ipsam singularitatem, non esset vniuersalis: sed quoad repugnantiam ad plura, quam excludit vniuersalitas, obstat non minus radix vnus tantum singularitatis cum pluribus in-

Incomponibilibus, quam ipsa singularitas, licet hæc-formaliter, illa vero radicaliter obstat: ergo ea præcisio solum pro explicito à radice vnus tantum singularitatis obstat vniuersalitati.

131 *Hinc excluditur* alia solutio asserens, quod prædicata specifica possunt considerari, vt constituentia naturam, & vt radican- tia vnicam tantum singularitatē, & sub primo munere possunt subire denominationem vniuersalis. *Excluditur*, inquam, nam ea duo munera, vel ita adæquare distinguuntur, vt conceptus constituendi speciem excludat obiectiue conceptum radice; vel inadæquate, & ita, vt vnus alium obiectiue includat: Primum est falsum, vt probationes adductæ conuincunt, alias conceptus constituturius speciei nullam ex se haberet repugnantiam cum multiplicatione, quod ostendimus falsum. Si inadæquate, & vt communiter solent à Thomistis distingui penes implicitum, & explicitum conceptus essentiae, & naturæ; ergo conceptus constituendi speciem includit obiectiue radicem vnus tantum singularitatis, ac proinde repugnantiam ad plura: *Hinc exemplum* præcisionis veri à bono, quo solent muniri hæc solutiones, & quod pro se adducebat solutio assignata n. 12. est nullum; nam verum non præscindit præcisione perfecta à bono, sicque vnum essentialiter metaphysice includitur in altero, cum

tamen præcisio, de qua est litigiū, debeat esse talis, vt natura Angelica excluderet à suo conceptu repugnantiam ad plura, vt esset logicè vniuersalis; sicut conceptus non excludens differentias inferiorum, conceptus v. g. entis, non est logicè vnus, & vniuersus.

132 *Prob.* denique eadem maior. Individuatio vna, vel multiplex est propter naturam, & non è conuerso: ergo quod multiplex individuū sit possibile, vel impossibile, oritur, vt ex prima radice ex natura: ergo si multiplex individuū intra eandem speciem repugnat in naturā Angelicā, hæc repugnantia oritur ex conceptu naturæ. Hæc secunda consequ. legitime inferitur ex prima, & prima ex anteced. nam in his, quæ propter aliud producantur, ex illo alio habent, vt ex prima radice, sicut quod dentur, vel non dentur, quod sint, vel non sint possibilia, qua ratione probant cum D. Thoma communiter eius discipuli, quod, & si possibilia essent plura individua Angelica intra eandem speciem. de facili tamen non darentur, quia eis in suo conseruari, & operari natura non indiget, sicut videmus quod in natura Solis vnicum tantum est individuū, & si plura sit absolute, possibilia. *Explicatur.* Quod plura individua sint possibilia in specie substantiali materiali; oritur ex conceptu specifico naturæ materialis, quia enim talis essentia

est, pete plura Individua: ergo quod in specie substantiali omnino immateriali, repugnet plura Individua, oritur ex conceptu specifico naturæ omnino immaterialis.

133 *Alia* via supra proposita impugnat doctrina solutionis principalis, si prius observes duo, quæ videntur omnino certa. *Primum* est, quid diversum esse, quod aliter quid ex aliquo capite non repugnet, ab eo, quod sit possibile; ad primum enim sufficit, quod ex illo capite repugnantia non oriatur, ad secundum vero est necessarium, quod possint poni, quæ ad eius existentiam requiruntur; qua ratione, & si homini ex capite animalis non repugnet immensitas, hominem tamen huiusmodi, est impossibile. *Secundum* est, quod licet relatio, qua natura vera, & realis, respicit, ut universalis, inferiora, sit opus rationis, & relatio ficta, media tamen illa nequit natura vera, & realis, refferri ad individua ficta; nam solum potest esse universalis respectu eorum, de quibus prædicetur prædicatione vera: sed natura vera, & realis, nequit vere prædicari de Individuo fictis: ergo nequit vera, & realis natura, refferri relatione universalis ad individua ficta. His observatis.

134 *Opposita* doctrinæ solutio impugnat. Et si repugnancia plurium Individuorum non oriatur ex cōceptu specifico naturæ, plura tamen Individua Angelica in-

tra eandem speciem sunt omnino impossibilia, sed natura Angelica nequit respicere, ut inferiora, Individua omnino impossibilia: ergo nequit respicere, ut inferiora, plura intra eandem speciem Individua Angelica: ergo nequit esse species prædicabilis. Hæc ultimarum conseq. patet, nam terminus relationis speciei sunt plura Individua ipsam participantia; sed repugnante termino relationis, repugnat relatio: ergo si plura Individua Angelica intra eandem speciem sunt impossibilia, impossibilis quoque est natura Angelicæ relatio speciei. Minus autem, in qua sola est difficultas, prob. Natura Angelica nequit esse species prædicabilis respectu eorum Individuorum, cum quibus nequit identificari, ac proinde de quibus nequit verè prædicari, cum universale sit unum potens identificari cum multis, & prædicari de multis: sed vera, & realis natura, qualis est natura Angelica, nequit identificari cum Individuis impossibilibus, & de ipsis prædicari: ergo nequit respicere, ut inferiora, Individua impossibilia.

135 *Dices* 1. quod terminus primarius relationis speciei potest esse unicum tantum Individuum, si tamen ita respiciatur à natura, ut non se adæquet cum illo, nam hoc ipso, quod Individuum respiciat non se adæquando cum illo, respicit illud natura, ut superior, & consequenter potens, quantum est ex se, ad plura se exten-

tendere, in quo vniuersalitas con-

sistit. *Sed contra* est, quia in pri-

mis configitur nouus terminus

vniuersalitatis, quo questio hæc

reditur inutilis; eo enim du-

bium præsens iudicatur diffi-

le, quia vniuersale est vnum in

multis, & de multis, vt Logici

omnes vno ore tradunt, & suppo-

nitur vterius ea multa esse in-

possibilia in specie Angelica: er-

go si pro termino vniuersalitatis

assignatur vnum tantum indiui-

duum, & definitio communis

deseritur, & questio præsens fit

inutilis. *Vterius.* Natura Angelica

iuxta solutionem ita respicit il-

lud vnicum indiuiduum, vt non

se adæquet cum illo, ac proinde,

vt quantum est ex se, valeat ex-

tendi ad plura, aliter non erit vni-

uersalis: ergo illud vnicum indi-

uiduum non est terminus adæquan-

sus: ergo vel alia indiui-

dua sunt possibilia, & sic tollitur

causæ questionis, vel natura respi-

cit pro termino vnicum indiui-

duum se adæquando cum illo.

137 *Dices* 2. quod licet plura

indiuidua Angelica intra eandem

speciem sint impossibilia, non

sunt tamen impossibilia ex con-

ceptu naturæ, ac proinde natura

refertur ad illa, vt ad terminum,

cum quo posset, quantum est ex se

identificari, si alias illa ex se ipsius

non repugnarent.

138 *Sed contra* est 1. Licet illa

plura non sint impossibilia ex cō-

ceptu naturæ, naturæ tamen ex

conceptu naturæ repugnat iden-

tificari cum impossibilibus: er-

go si illa plura sunt ex se impos-

sibilia, nequit natura, quantum est

ex se, identificari cum illis. Prob.

ante. Enti vero, & reali, repug-

nat ex suo proprio conceptu idē-

tificatio cum ente chimerico, &

impossibili: sed natura Angelica

ex conceptu naturæ est ens verū,

& reale: ergo ex conceptu naturæ

repugnat ei identificatio cum in-

diuiduis impossibilibus. *Explica-*

tur, quod impossibilitas mentis

aurei v. g. non proueniat ex eo,

quod homo sit in proprio cōcep-

tu ens verū, & reale, homini tamē

ex proprio conceptu repugnat

identificatio cum mōte aureo, &

hoc idē quia aliud est quod ex

proprio conceptu hominis im-

possibilitas illius aggregati non

proueniat aliud, quod non proue-

niat ex proprio hominis cōceptu

repugnantia, ut identificetur cum illo, sicut, & cum quolibet impossibili: ergo & si ex conceptu proprio naturæ Angelicæ nõ oriatur impossibilitas, cõceptui tamõ proprio naturæ Angelicæ repugnat identificatio cõ impossibilius.

139. *Contra 2.* Vel natura Angelica, pro casu, pro quo illa plura non essent ex se impossibilia, ea respiceret, modo tamen ea nõ respicit, vel inodo ea respicit sub conditione ex parte ipsorũ, quod essent possibilia: Si primum, sequitur, quod modo non sit vniuersalis, sed quod esset in casu, qui non esset casus questionis; Imò in casu, in quo non esset natura Angelica, nam natura Angelica nõ est, sed natura materialis, intra cuius speciem sunt plura individua possibilia. Si secundum: ergo modo habet pro termino formali, & primo suæ vniuersalitatis natura Angelica terminum absolute impossibilem, & si possibilem sub hypotesi, seu conditione impossibili. At hoc est falsum, & in via D. Thomæ nullatenus sustinendum; Ideo enim negant Thomistæ possibilitatem poenitentiae in Christo. D. quia actus primarius poenitentiae, dolor scilicet de peccatis, est Christo impossibilis, nec sufficientem purant dolorem, quo doleret, si peccaret, similiterque negat possibilitatem temperantiae in Angelis, quia moderatio passionũ illis est impossibilis, nec satis iudicant actus conditionatos, quibus moderarentur passiones, si essent possibiles.

140. *Dices* denique, quod natura Angelica respicit pro termino primario plura, non quidem in re existentia, aut possibilia, bene tamen existet obiectiue, siue concepta ut possibilia cum fundamento in re; in ipso scilicet conceptu naturæ, nã hoc ipso, quod ex tali conceptu non repugnant, adest in tali conceptu fundamentum ad illa concipienda, ut possibilia, quod sufficit ad vniuersalitatem rationem tantum, cuiusmodi est natura Angelica.

141. *Sed contra est.* Quia plura illa individua concepta, ut possibilia, siue (quod idem est iuxta solutionem) ut obiectiue existentia, vel sunt individua ficta, vel sunt vera, & realia individua: neutro modo tenet solutio: ergo est nulla; Prob. min. quoad 1. partem: Individua, quæ respiciat natura Angelica pro termino suæ vniuersalitatis, debent esse talia, ut cum ipsis possit natura identificari, verèque de ipsis predicari: sed vera, & realis natura, qualis est Angelica, nequit identificari cum individuis fictis, nec verè de ipsis predicari: ergo individua illa obiectiue, existentia, vel non sunt terminus naturæ Angelicæ in ratione vniuersalis, vel non sunt individua ficta. *Explicit* ex prænotatis. Et si relatio, qua natura respiciat inferiora, sit relatio rationis, natura tamen Angelica, quæ refertur media illa, est natura vera, & realis, cui correspondent pro termino indi-

diuidua, quæ licet vt subiectiua dicant respectum rationis, quæ tamen talem respectum dicunt, sunt vera, & realia indiuidua, aliter de ipsis nunquam poterit verè predicari natura Angelica: ergo vel terminus vniuersalitatis naturæ veræ, & realis, non sunt plura inferiora, vel non sunt plura inferiora ficta.

142. *Quod autem illa indiuidua non sint vera, & realia, prob. Indiuidua illa talia sunt, vt eis repugnet pro aliquo casu possibili poni in re: ergo non sunt indiuidua vera, & realia. Vterius. Ea indiuidua obiectiue existentia talia sunt, vt si existerent, cum contradictione existerent: sed ens verum, & reale, tale est, vt si existat, sine contradictione existat: ergo talia indiuidua non sunt ens verum, & reale. Ex quo sequitur, quod talia indiuidua sunt indiuidua ficta. Illud enim, cui repugnat habere aliud esse, præter esse obiectiuium in intellectu, est ens rationis, & fictum, nisi communis entis rationis definitio deseratur; sed illa indiuidua obiectiue existentia nullum aliud possunt habere esse præter esse obiectiuium in intellectu ea sic concipiente: ergo sunt indiuidua ficta.*

143. *Nec dicas, quod non possunt habere aliud esse absolute, bene tamen ex conceptu naturæ, ex quo non repugnat ea habere esse reale. Num in primis sequitur, nullam ferè esse chimæram, quam à linea entis ficti non possis*

relegare, & intra lineam entis veræ, & realis constituisse: identitas enim hominis cum equo non repugnat ex capite animalis, ac proinde si hoc sufficit, vt sit aliquomodo verum ens reale possibile, erit in aliquo sensu talis identitas verè, & realiter possibilis. *Deinde illa indiuidua sic obiectiue existentia sunt simpliciter, & absolute in linea, vel entis realis, vel rationis: sed non sunt absolute, & simpliciter in linea entis realis, cum simpliciter, & absolute repugnent: ergo sunt simpliciter, & absolute indiuidua rationis, seu ficta: sed ipsi naturæ Angelicæ repugnat ex conceptu veræ, & realis naturæ, predicari verè de indiuiduis simpliciter, & absolute fictis, & si ex illa non oriatur repugnantia, vt non sint entia ficta, vt supra est ostensum: ergo.*

144. *Confirm. Repugnat ordo ad terminum primarium absolute impossibilem, & si repugnantia non oriatur ex omni capite: ergo repugnat ordo in natura ad veram identitatem cum pluribus, si vera identitas cum pluribus est absolute impossibilis, & si impossibilitas non oriatur ex conceptu naturæ. Patet consequens. Et antec. ostenditur. Tum, quia dū actus est absolute impossibilis, aptitudo ad illum est absolute impossibilis. Tum (& tacita solutio præoccupatur) quia si actus primarius alicuius ordinis, seu aptitudinis, esset actus præcisè vt non repugnās ex aliquo capite, posset de-*

defensari in Christo poenitentia ad dolorem de peccatis non repugnantem ex capite naturæ humanæ, nam & si ipsi naturæ aliomparta repugnent peccata, non tamen ex ipsa, sicut plura Individua repugnant naturæ Angelicæ, & si non ex ipsa: Similiter posset defendi in Angelis temperantia ad moderamen passionum, ut non repugnantium ipsis ex capite creaturæ intellectualis, & si repugnent absolute, quia creatura purè, & perfectè intellectualis est: consequens est falsum, præsertim in via D. Thomæ: ergo falsum est antecedens.

145 *Ex quibus* ultimo impugnatur solutio. Quod individua Angelica non repugnent ex conceptu inadæquato naturæ, verificatur per hoc, quod talis conceptus omnino præscindat à titulo repugnantia, nam hoc ipso ex conceptu sic præscindente individua non repugnat: sed hoc non est sufficiens fundamentum, ut Individua concipiantur possibilia, vera possibilitate, nec absolute, nec ex capite, seu conceptu naturæ: ergo non repugnantia plurium ex conceptu naturæ, non sufficit, ut concipiantur possibilia, possibilitate, quam vera, & realis natura exigit, ut possit affirmari verè de ipsis. Min. quoad eius primam partem de absoluta possibilitate fatetur solutio, & quoad 2. prob. *Tum* ratione. Per hoc quod conceptus ille præscindat tam à titulo impossibilitatis,

quam à titulo possibilitatis plurium, præscindit à titulo impossibilitatis plurium, si enim præscindit ab utroque, ergo præscindit ab vno: sed ex vi conceptus præscindentis tam ab impossibilitate, quam à possibilitate plurium, non est fundamentum, ut illa plura potius concipiantur ex vi illius conceptus possibilia, quam impossibilia: ergo ex hoc, quod ille conceptus omnino præscindat à titulo impossibilitatis plurium, non habetur sufficiens fundamentum, ut illa plura concipiantur ex vi talis conceptus possibilia.

146 *Tum* exemplo, quod ipsis Logicis est manifestum, quod eorum conceptus naturæ secundum se præscindat omnino à singularitate, non sufficit, ut verè affirmetur, quod natura ex vi talis conceptus est non singularis, quia ex vi talis conceptus tam à singularitate, quam à non singularitate præscindit, quod sufficit, ut à singularitate præscindat: ergo quod conceptus specificus naturæ Angelicæ præscindat omnino ab impossibilitate plurium, non sufficit ut cum fundamento in re affirmetur, quod ex vi talis conceptus plura sint possibilia, seu sint non impossibilia, per hoc enim, quod ab utroque præscindat verificatur, quod ab impossibilitate plurium præscindit: minus ergo rectè assignatur pro fundamento ad concipienda plura Individua verè pos-

possibilia ex conceptu naturæ,
conceptus ipse naturæ non dicens
impossibilitatem plurium,

natura materialis, & non per pro-
priam, ideo formamus intentiones com-
munes, quæ uniformiter ipsæ, & illis
conueniunt,

§. II.

Soluntur argumenta,

147 **O**bjicies 1. D. Thom.
in quæst. vnica de
spiritualibus creaturis art. 9. ad 4.
dicente: *Sicut hac albedo non probi-
betur habere sub se multa indiuidua
ex hoc, quod est albedo, sed ex hoc,
quod est in hoc, quod pertinet ad ra-
tionem indiuidui, ita natura huius
Angeli non prohibetur esse in multis
ex hoc, quod est natura in tali ordine
rerum, quod pertinet ad rationem spe-
ciei, sed ex hoc, quod non est natus reci-
pi in aliquo subiecto, quod pertinet
ad rationem indiuidui.* Ex quibus
clare constat, quod conceptus
specificus naturæ Angelicæ nul-
lum habet ex se impedimentum,
vt possit esse in pluribus, sed om-
ne impedimentum provenire ex
conceptu indiuidui, à quo cum
præscindat conceptus specificus,
potest sub inducere intentionem
vniuersalis.

148 *Confirm.* 1. ex eodem An-
gel. Præcept. 1. p. q. 13. art. 9. adde-
rente, naturam Solis posse intelli-
gi vt in pluribus existentem, quia
intellectus intelligit naturam cuius-
libet speciei per abstractionem à singu-
lari: quam doctrinam affert etiam
pro natura Angelica opusc. 42.
cap. 3. dicens, quia naturam Ange-
licam cognoscimus per speciem alienam

149 *Sed in primis, ex testimo-
nijs D. Thomæ tantum habetur,
quod impedimentum, vt natura
Angelica sit in multis, non oritur
ex conceptu speciei, ac proinde
quod talis conceptus ab impedi-
mento præscindit; ex quo non se-
quitur, quod ex vi talis concep-
tus sit fundamentum, vt concipia-
tur, vt postiuè potens esse in plu-
ribus, nam præcisio à repugnan-
tia plurium non est sufficiens fun-
damentum ad concipiendam plu-
rimum possibilitatem positiuam, si
alias illa plura absolute repug-
nent, vt probatum est.*

150 *Nec obstat, si dicas. Vbi
nullum est impedimentum, vt
natura comparatur ad plura, po-
test intellectus eam comparare
ad plura: sed si natura inadæquarè
concepta præscindit secundum
conceptum specificum ab impedi-
mento plurium, nullum est in
ea vt sic concepta impedimen-
tum, vt comparatur ad plura: er-
go potest intellectus eam compa-
rare ad plura.*

151 *Resp. disting. mai. Vbi nul-
lum est contrariè impedimentum,
conced, mai. vbi nullum est parè
præcisue, subdisting. potest prohibi-
to, & sine fundamento ex parte ob-
iecti comparare naturam ad plu-
ra, omitt. mai. cum fundamento ex
parte obiecti, neg. mai. Sicut aërem
secundum se non habere lucem,*

Ad 3.

non

non præbet fundamentum, vt concipiatur secundum se tenebrosus, ita naturam Angelicam ex conceptu specifico naturæ non esse singularem, quod est non habere impedimentum præcisiue, non est fundamentum sufficiens, vt concipiatur non singularis, seu potens esse in multis; nam ex vi illius conceptu tam ab impedimento, quam ab exclusione impedimenti præcindit. *Præterquam quod* illa plura semper remanent impossibilia, & licet ex natura non oriatur impossibilitas eorum, ex illa tamen oritur repugnantia, vt identificetur cum indiuiduis ex se impossibilibus.

152 *Instabis.* Et si ex vi talis conceptus non sit fundamentum, vt comparetur ad plura indiuidua possibilia absolute, bene tamen ad plura possibilia ex tali conceptu naturæ, cum ex tali conceptu non repugnent: ergo per comparisonem ad plura, vt præcisè possibilia ex tali conceptu, potest natura Angelica esse vniuersalis. *Viterius* natura abstrahita abstractione purè negatiua à singularitate est fundamentum proximum vniuersalitatis Logicæ, vt nos ipsi propugnauimus q. 2. sed vniuersalitas Logica continet in comparatione ad plura, & per abstractionem negatiuam concipitur natura vt præcisè non habens impedimentum ad plura: ergo naturam Angelicam non habere ex conceptu naturæ impedimentum ad plura, est sufficiens funda-

mentum, vt comparetur ad plura. *Denique.* Si plura non repugnant ex conceptu naturæ, ita respicit natura, quantum est ex se, illa plura, vt si ipsa alias non repugnarent, cum ipsis identificaretur, sicut identificatur cum illo unico indiuiduo, quod habet: ergo potest eadem relatione respicere illud vnicum indiuiduum, & illa plura, si non repugnarent, sicut datur de facto potentia visiva, quæ prout est modo, & eadem manens, posset videre Angelum, si esset coloratus.

153 *Resp.* ad 1. Instantiam neg. anteced. *Tum* quia per hoc, quod sint possibilia ex tali conceptu, non desinunt esse absolute impossibilia, & indiuidua ficta, ad quæ ipsa natura ex conceptu naturæ pugnat comparari. *Tum* quia repugnatio pro omni casu termino primario relationis, repugnat absolute relatio, & per hoc, quod plura ex conceptu naturæ non repugnent, non redditur possibilis pro aliquo casu identitas cum pluribus. *Tum* quia licet non repugnans absolute, & possibile equipolleat, secus tamen non repugnans ex aliquo tantum capite, & possibile adhuc ex illo capite. Quod patet exemplo supra adducto, & satis manifesto; licet enim aliquid non esse non singulare absolute, inferat bene esse singulare, non esse tamen ex aliquo tantum capite non singulare, non inferat esse ex illo capite singulare, vnde non bene valet, *homo secundum se non est*

non singularis, ergo secundum se est singularis; quia secundum se, siue ex capite prædicatorum essentialium ab utroque præscindit: ergo quod plura indiuidua non sint ex conceptu naturæ impossibilia, seu non possibilia, nõ inferit, quod ex conceptu naturæ sint possibilia, potest enim ex conceptu naturæ rãm à possibilitate positiua, quàm ab eius exclusione præcindere.

154 *Ad 2. instantiam, disting. mai. natura abstracta abstractione negatiua, si ex se inferat possibilitatem plurium, est fundamentum proximum vniuersalitatis. Logice, conced. mai. si non inferat, neg. mai. & disting. min. concipitur natura, vt præcisè non habens formaliter impedimentum ad plura, conced. min. vt præcisè non habens illatiuè, neg. min. & conseq. quia vt constat ex dictis ibidem, solum ponitur fundamentum proximum vniuersalitatis Logice per abstractionem negatiuam; cum natura abstracta, titulo materialis inferit possibilitatem plurium, quæ possunt cognosci in ipso exercitio, quo comparatur ad illa, nam per præcisè non dicere impedimentum, sufficiens fundamentum non ponitur.*

155 *Ad 3. instantiam, neg. anteced. nam si illa plura non repugnarent, respiceret tunc casus illa indiuidua natura, quæ tunc casus non esset natura Angelica, modo tamen illa non respicit, quia respectus est impossibilis,*

dum terminus formalis primarius est impossibilis. *Nec exemplum adductum probat oppositum, nam eo omisso, adest disparitas; quia & si Angelus coloratus absolute repugnet, non tamen ideo repugnat obiectum formale primarium potentie viuæ, scilicet coloratum, à quo solo pender species potentie, sicut ex eo quod deficiat similiter hic determinate filius, dum filius detur, datur terminus formalis primarius paternitatis; at repugnante identitate cum pluribus, repugnat actus primarius, terminusque formalis vniuersalitatis, ac proinde repugnat vniuersalitas.*

156. *Hec diximus, vt constet quod nullatenus inferitur, naturam posse cum fundamento concipi, vt posituè potentem identificari cum pluribus, ex quo secundum conceptum naturæ non prohibeatur esse in pluribus, vt asserit D. Thomas. Modo insistendo primo conclusionis fundamento, aliter resp. explicando D. Thomæ testimonium; natura huius Angelini non prohibetur esse in multis ex eo quod pertinet explicite ad rationem speciei, cõced. antec. ex eo, quod pertinet implicite neg. antec. nam licet natura Angelica ex conceptu specifico non exprimat repugnantiam ad plura, eam tamen includit, nam includit exigentiam vnius tantum singularitatis, quæ exigentia est principium oppositum plurium indiuiduorum possibilitati.*

157 *Instabis 1.* D. Thomas duo asserit, & quod esse in pluribus non prohibetur naturæ Angelicæ ex conceptu specifico, & quod prohibetur ex conceptu pertinente ad rationem individui, ac proinde sentit, quod ex solo conceptu individui oritur repugnantia: ergo non oritur ex conceptu specifico pro implicito, nam conceptus ille adhuc pro implicito, & pertinet ad rationem speciei, & non pertinet ad rationem individui.

158 *Instabis 2.* Si illa repugnantia ortum traheret ex exigentia conceptus specifici, potiori iure debuit dicere D. Thomas, quod repugnantia oritur ex pertinentibus ad rationem speciei, quā ex pertinentibus ad rationem individui, cum conceptus ille radicis vnius singularitatis pertinet formaliter ad rationem speciei, & solum radicaliter, seu illatiuē ad rationem individui: sed D. Thomas oppositum asserit, reducens repugnantiam ad solam rationem individui: ergo in conceptu specifico nulla est repugnantia.

159 *Instabis 3.* Si conceptus radicandi vnicam singularitatem pertinet ad rationem speciei, talis conceptus radicis se habebit ut conceptus inadæquatè solum distinctus à conceptu differentiali speciei: sed conceptus solum inadæquatè distinctus à conceptu differentiali speciei, pertinet explicitè ad rationem speciei: ergo vel

in conceptu specifico nō est ratio radicis, vel natura Angelica prohibetur esse in multis ex eo, quod pertinet explicitè ad rationem speciei. Omnia patent, & min. prob. ex eo, quod non alia ratione conceptus ad pertinet explicitè ad rationem specificā relationis, nisi quia inadæquatè differat conceptu peculiari *In.* Denique. Singularitas non est passio naturæ Angelicæ: ergo non radicatur in ipsa natura, nam solum passiones alius cuius essentia radicanitur in illa.

160 *Resp. ad 1.* instantiam distingu. antec. sentit D. Thomas, quod ex solo conceptu individui oritur formaliter, & proximè, repugnantia, conced. antec. *exigentia*, & illatiuē, subdit. ex solo conceptu individui, radicaliter sumpti conc. antec. formaliter sumpti, neg. antec. formalis, & immediata oppositio cum pluribus oritur ex eo, quod natura illa non est nisi in vno individuo, ratio tamē, & radix, cur nequeat esse, nisi in vno, petitur ex immaterialitate completa constituyente speciem: ex quo non sequitur, quod falso dixerit D. Thomas, quod repugnantia illa non oritur ex conceptu specifico, sed ex conceptu individuali. Nam ea exigentia est conceptus ipse individui radicaliter sumpti, qui quidem conceptus, & si sit de pertinentibus implicitè ad rationem speciei, secus explicitè, in quo solo sensu negat D. Thomas repugnantiam pertinere ad rationem speciei.

161. Ad 2. instantiam neg. respondetur: quædam nam D. Thomas ita asseruit pertinere ad rationem individui repugnantiam, ut conceptum specificum includeret, & sic solum ab eo illam excludere intelligeretur pro explicito constitutionis specificæ; ait enim, quod ea natura prohibetur esse in multis ex eo, quod non est nata recipi in aliquo subiecto; naturam autem non esse natam recipi, est ipsam (quod verba etiam sonant) non esse natam, non præcisè individui, ac proinde ex ipsa natura provenit repugnantia; ut recipiatur in subiecto, seu materia, à qua pèdet essentialiter pluralitas: quia tamen talis conceptus nō pertinet explicitè ad constitutionem speciei, & est ipse conceptus radicalis individui, potiori iure dixit, oriri repugnantiam ex pertinentibus ad rationem individui, & non ex pertinentibus ad rationem speciei.

162. Ad 3. instantiam resp. concessa mai. disting. min. pertinet explicitè ad rationem speciei, adequatam, ut ambit utrumque munus constituendi, & radicandi, conced. min. inaduatam, & sub munere præciso constituendi, neg. min. & conseq. sicut natura sub munere naturæ non pertinet ad expressum conceptum essentia sub munere essentia, utrumque tamen munus est de ratione explicita adequata eiusdem quidditatis; ita immaterialitas specifica completa sub munere radicandi unicuique individuum non pertinet

ad exprellum conceptum sui ipsius sub munere constituentis, utrumque tamen munus est de ratione explicita adequata speciei. Quod exemplo magis ad rem comprobatur in ipsa natura materiali, cuius naturæ specificæ pars est materia, ac proinde pertinet ad rationem speciei, quæ tamen materia per modum radicis exigit plura individua possibiliter sub ea natura specifica, quam componit; unde uterque conceptus est de ratione adequata illius, & si sub munere radicandi sit solum pro implicito de conceptu ipsius sub munere componendi, seu constituendi speciem.

163. Ad 4. instantiam resp. quod radicalio unius singulariter in natura complete spirituali, vel plurium in natura materiali, non sumitur strictè pro radicalione eius generis, qualis est passionum fluentium à natura, sed pro existentia identitatis cum una tantum, vel pluribus singularitatibus, fundata in ipso conceptu specifico; ex eo enim, quod natura talis speciei est, exigit unū tantum individuum, vel plura esse possibiliter.

164. Si dicat. Natura Angelica ex conceptu generico est spiritualis completè: & tamen ex conceptu generico non inferitur impossibilitatem plurium individuum: ergo nec etiam ex immaterialitate completa specifica inferitur eorum impossibilitas. Viterius. Præcisio solum quoad explicitum entis à modis ipsam di-

individentibus, tum est, ut cum fundamento in re possimus ipsam concipere sub positiva unitate: ergo si saltem quoad explicitum præscindit natura à determinatione ad unicum individuum, & existentia illius, hoc sufficeret, ut cum fundamento in re possimus ipsam concipere sub positiva communitate.

165 *Resp.* concessa mai. disting. min. non infert ex conceptu generico impossibilitatem plurium, quæ specie, & numero differant, conced. min. quæ solo numero differant, neg. min. non negamus naturæ Angelicæ, nisi possibilitatem termini primarij relationis speciei prædicabilis: plura scilicet solo numero distincta, hæc autem repugnant ex quocumque conceptu, ex quo repugnet materia, ac proinde repugnant ex conceptu generico spiritualitatis completæ.

166 *Ad aliam instantiam resp.* quod ens concipimus sub positiva unitate, quæ talis est solum pro explicito, & qua conceptus communis entis est unus solum dialecticè, & ex modo significandi, secus logicè, & obiectivè, unde defectu unitatis excluditur communiter à ratione uniuersalis: ex quo solum sequitur, quod natura Angelica sit dialecticè communis, secus logicè, & obiectivè. *Præter quam quod* inferiora entis cognoscit intellectus similia in essendo, in qua similitudine potest inuenire fundamentum ut ea concipiat ut unum, non quia præ-

cise ens à pluralitate præscindat: at plura individua Angelica specificè similia repugnant, & alias pura præcisiō à non repugnantia non sufficit, ut concipiantur, ut positivè possibiliter.

167 *Ex his* tandem constat ad confirmationem principalis argumenti ex D. Thoma: ideo enim naturam Solis dixit uniuersalem, & hoc secundum rationem tantum, quia intellectus intelligit naturam per abstractionem a singulari, supposita tamen plurium possibilitate, quæ ex ipsa quidditate naturæ abstractæ colligatur; alias, ut quid ibi D. Thomas exigit plurium individuum possibilitatem, ut naturam Solis statuat uniuersalem secundum rationem tantum, & ut distinctam à natura de facto existente in pluribus, quam vocat uniuersalem secundum rem, & rationem? *Ad aliud testimonium* ex opusculo 42. quod opusculum est dubij Authoris, resp. quod naturam Angelicam concipi per speciem rei materialis, sicut non sufficit, ut eam concipiamus communem ad individua materialia, ita nec ut ea concipiamus pluribus individuis communem; solum quippe ei possumus tribuere intentiones, quarum est capax, & in quarum capacitate convenit cum natura materiali.

168 *Obijcies* 2. Prædicatio naturæ Gabrielis de Gabriele est prædicatio superioris de inferiori, nam talis prædicatio, non est æqualis de æquali, alias prædicatio

tio esset identica, & non formalis: ergo natura Gabrielis est vniuersalis. *Confirm.* Individuum Gabrielis non ponitur immediatè sub genere, sed mediante specie: at si individuum, & species essent æqualia, vtrumque poneretur immediatè sub genere: ergo non sunt æqualia, ac proindè ad plus se extendit natura Gabrielis, quam individuum. *Vergetur.* Individuum est, quod de vno tantum prædicatur: sed natura Gabrielis, vt à singularitate præcisa, non est individuum: ergo non de vno tantum, sed de pluribus potest prædicari, ac proindè est vniuersalis.

169. *Resp. neg.* antecedit ad eius insertam prob. resp. quod illa prædicatio non est æqualis positivè de æquali, est tamen negativè æqualis de æquali, id est, non est prædicatio, in qua se extendit ad plura prædicatū, quam subiectū, est tamen prædicatio, in qua prædicatum non ita exprimit determinationem, ac subiectum: ex hoc autem non sequitur, quod non sit prædicatio formalis, ad hoc enim sufficit, quod extrema sint obiectivè distincta, qualiter distinguuntur natura specifica, & eius individuatio; & est simile, casu, quo sola species humana esset inter species animalis possibilis, hæc prædicatio, *homo est animal*, esset formalis, & æqualis negativè de æquali, quæ tamen non esset superioris de inferiori, cum animal non esset superius, nec ge-

nus in sententia etiam aliquorum nobis modo adversantium, variaque assignantium discrimina inter genus respectu specierum, & speciem respectu individuum.

170. *Ad confirm.* concessa mai. neg. min. nam vt individuum non ponatur immediatè sub genere, sed mediante specie, sufficit quod species exprimat minorem determinationem, quam individuum, nam hoc ipso est negativè vniuersalis, ac proindè minorem exprimens distantiam à genere positivè superiori, quam individuum ultimo determinatum: dicit autem minorem determinationem, quā individuum, species, quia illud exprimit hæcceitatem, à qua omnino præscindit species, licet, quia species non præscindit pro implicito ab exigentia illius, ad aliud nequeat se extendere individuum.

171. *Ad id*, quo argumentum vergetur, resp. quod individuum nequit prædicari adhuc dialecticè, & ex modo significandi de pluribus, quia non potest concipi sine expressa repugnantia, vt prædicetur de pluribus, quam expressè non dicit natura Angelica à singularitate præcisa, ideoque dialecticè; & ex modo significandi est communis, negativè scilicet, quatenus non exprimit in conceptu naturæ repugnantiam, vt prædicetur de pluribus; unde vox illam significans est terminus communis iuxta dicta in summis de

communitate iudus termini *Deus*.

172 *Dicitur*: ergo non minus singularē facimus naturā creatā, quālis est Angelica, quam naturā Diuinā, quę est essentialiter singularis. *Vterius*, Individuū speciei Angelicę subijci-
tur generi media sua specie: ergo ut subijcibile respicit pro termino speciem: ergo respicit speciem ut prædicabilem, solum quippē ut prædicabilis est terminus correlatiuus Individui, ut subijcibilis, *Denique*, Natura specifica Angeli ita contrahitur per individuationem, ut per hanc determinetur ad hoc individuū: ergo ipsa ex se erat indifferens ad illud, & ad aliā, ac proinde vniuersalis, solum enim indifferens potest ab alio determinari.

173 *Resp.* neg. conseq. quia natura Diuina ita est singularis, ut singularitas sit de essentia naturę Diuinę in eius metaphisico conceptu intimē imbibita; at natura specifica Angeli, nec exprimit, nec includit in sui conceptu metaphisico singularitatem. *Ex hoc autem* non inferas, quod natura Angelica sit plusquam negatiuē communis, & vniuersalis. Nam communitas logicę, & positiuę non solum obstat singularitas, verum exigentia vsus tantum singularitatis, vnde licet naturę Diuinę repugnet ex perfectiori titulo communitas logica positiuā, sufficiente tamen titulo repugnat naturę Angelicę.

174 *Ad 2. instantiam* resp. quod

In diuicuum Angelicū respicit pro termino speciem subijcibilem, ut est negatiuē vniuersalis, & prædicabilis; ut positiuē autem vniuersale, & prædicabile, solum respicitur ab ipso pro termino genus, nam licet hoc respiciat mediante specie, respectu tamen solius generis exercet inferioritatem logicā, & positiuā, in qua consistit subijcibilitas logica, & positiuā individui.

175 *Ad vltimā* disting. antec. determinatur per individuationem, *determinatione formali*, cōced. antec. *radicali*, neg. antec. & conseq. quia ut natura esset indifferens indifferentia positiuā, de quā sola loquimur, necessum erat, quod a suo conceptu excluderet determinationem etiam radicalem ad vnum; ex quo autem determinetur formaliter, solum sequitur, quod sit indifferens negatiuē, id est, quod determinationē formalem, nec habeat, nec excludat ex conceptu naturę, nam hoc ipso, quod eam ex tali conceptu non habeat, potest eam habere, ac proinde ex vi talis conceptus capax est determinationis formalis.

176 *Colliges* ex dictis, quod vniuersale secundum rem, & rationem, est illud, cuius plura dantur individua existentia inter se similia, quibus visis, sumit intellectus occasionem abstrahendi ab illis rationem, in qua assimilantur, & eam comparandi ad illa: vniuersale vero secunda rationem

nem tantum esse illud, cuius non dantur actu plura indiuidua, possunt tamen dari, qui ex conceptu nature materialis, eorum inferitur possibilitas, quaratione iuxta D. Thomam ubi supra natura Solis est vniuersalis secundum rationem tantum, natura vero humana dicitur ab ipso vniuersalis secundum rem, & rationem simul.

ARTIC. VI.

Quid sit indiuiduum?

177 **I**ndiuiduum, quod correlatiuum est speciei, dupliciter accipitur, primo intentionaliter, & secundo intentionaliter. Primo intentionaliter acceptum est concretum metaphysice compositum ex natura specifica, & differentia indiuidualis; secundo intentionaliter sumptum est compositum constans ex indiuiduo primo intentionaliter sumpto, vt substracto, & ex secunda intentione, vel subiectionis ad speciem, vel predicabilis de vno tantum.

178 *Primo intentionaliter sumptum diffinitur à D. Thoma 1. p. q. 29. art. 4. Indiuisum in se, & diuisum à quolibet alio; & lib. 10. metaph. lect. 11. Quod non diuiditur ulterius, nec formaliter, nec materiali differentia, id est, indiuiduum non est diuisibile in partes subiectiuas, quarum singulae sint ipsum diuisum, & sicut homo diuiditur, vt in partes subiectiuas,*

in Petrum, & Paulum, quorum quilibet est homo; unde non negat posse diuidi in partes integrantes, vt Petrus est diuisibilis in caput, pedes, & manus, quorum nihil est Petrus; & aqua diuiditur in plures partes, quarum quilibet, & si sit aqua, non est tamen illa prima aqua, quae diuiditur. Quod si aliquis homo est diuisibilis in partes subiectiuas, vt in Petrum, & Paulum, quorum quilibet est aliquis homo, hoc tamen non obstat rectitudini diffinitionis, qua solum indiuiduum determinatum diffinitur, & aliquis homo non est indiuiduum determinatum, sed vaguum.

179 *Aliter diffiniuit Porphyrius indiuiduum primo intentionaliter sumptum, scilicet, cuius collectio proprietatum in vno reperiatur in altero reperi non potest, qua diffinitione describitur potissime indiuiduum substantiae, per suas proprietates, vt melius innotescat. Proprietates autem continent hi versus:*

Forma, figura, locus, tempus, cum nomine sanguis,

Patria, sunt septem, quae non habet vnus, & alter.

In quibus ly *forma* non accipitur pro forma substantiali, sed pro qualitate in colore, & complexionem; *figura* vero accipitur pro partium proportionem, & lineamentis; cetera accipiuntur, vt sonant. Ex his affectionibus, cum plura sint accidentia communia, plures possunt in pluribus reperi col-

collectio tamen earum vni tantum conuenire potest.

180 *Individuum* secundo intentionaliter sumptum diffinitur Porphirius dupliciter; vt subijcibile sic, *quod immediatè subijcitur speciei*: vt prædicabile autem sic, *quod de vno tantum prædicatur*, in qua vltima diffinitione denotatur individuum non habere sub se inferius, de quo prædicetur, prædicatione formali, & artificiosa, qua ratione asseruit Aristot. cap. de substantia, quod prima substantia de nullo prædicatur, de nullo scilicet sibi inferiori, sed tantum de se ipsa, prædicatione idètica, & in qua nulla est ex parte obiecti maior ratio, vt vnum sit prædicatum, aut subiectum, quam aliud, vt in hac propositione, *Petrus est Petrus*. Ex quo iterum colligitur quod hic diffinitur individuum determinatum, & quod propriè est individuum, non vagum, quod de pluribus prædicatur.

181 *Obijcies*. Individuum est singulare: sed singulare nequit diffiniri: ergo nequit diffiniri individuum, ac proinde frustra in eo diffiniendo laboramus. Si dicas, quod singulare exercitè sumptum nequit diffiniri, secus tamen signatè sumptum, & vt significatur nomine exprimente solam singularitatem, vt significatur his nominibus, *individuum*, *singulare*, *Prima substantia*, & alijs huiusmodi.

182 *Contra est*, nam singulare

signatè sumptum, & vt exprimitur eis nominibus, non prædicatur de vno tantum, sed de pluribus: ergo vel diffinitio individui, vt prædicabilis, non est bona, vel per eam non diffinitur individuum signatè sumptum. Ex quo rursus sequitur, quod individuum non sit essentialiter de vno tantum prædicabile, oppositum enim eius, quod alicui conuenit essentialiter, in nullo statu potest ipsi competere: sed individuum signatè sumptum, & abstractum ab hoc, & illo individuo, prædicatur de pluribus, ac proinde non prædicatur de vno tantum: ergo individuo non conuenit essentialiter prædicari de vno tantum.

183 *Resp.* Solutione data, & ad replicam disting. anteced. non prædicatur de vno tantum ratione status abstractionis, sub quo diffinitur conced. antec. res ipsa, sed individuum, quod sub illo statu diffinitur, neg. anteced. Nam sicut species prædicatur ratione secundæ intentionis signatè importata de pluribus differentibus specie, nam *homo est species*, *equus est species*, sunt prædicationes veræ, quin ideo falsum sit, quod species prædicetur de solo numero differentibus; ita Petrus, & quodlibet aliud individuum de vno tantum prædicatur, & si secunda intentio individui signatè sumpta in cōcreto prædicetur, vt *quod*, de pluribus, quod accidit individuo essentialiter sumpto, & vt est id, cui essentialiter competi diffinitio.

Hinc

184 Hinc ad 2. replicam resp. quod oppositum eius, quod conuenit essentialiter individuo, nunquam ei competit. Petrus enim, vel Paulus numquam potest prædicari nisi de vno tantum; vnde prædicari de pluribus competit rationi individui denominatiue acceptæ, & vt quod, cui prout sic numquam non conuenit prædicabilitas de pluribus: sicut secundæ intentioni speciei, vt quod sumptæ, semper conuenit posse prædicari de pluribus differentiibus specie, quin ipsi vt quo conueniat aliquando prædicari de pluribus, nisi solo numero differentibus.

ARTIC. VII.

An detur vnus conceptus communis individui.

185 **S**it conclusio. Ratio individui non est ratio vniuoca ad omnia individua. Duo supponit conclusio, vt omnino certa: primum est, quod ab omnibus indiuiduis secundò intentionaliter sumptis est abstrahibilis vna communis ratio vniuoca ipsis; nam licet indiuidua secundò intentionaliter sumpta dicant pro subtrahito; & præsuppositiue differentias, quibus differunt, formaliter tamen solum dicunt secundam intentionem prædicabilis, aut subijcibilis, in qua vniuocè conueniunt, sicut omnes species conueniunt vniuocè in se-

cunda intentione speciei, & si præsuppositiue quilibet includat suam differentiam specificam. Secundum, quod conclusio præsupponit, est, quod datur vna analogicè saltem ratio metaphisica individui communis omnibus indiuiduis primò intentionaliter sumptis; nam licet talis ratio includat indiuiduorum differentias, eas tamen confundit sub explicito conceptu conuenientie in faciendo differre, in quo omnes sunt similes; vnde licet non detur indiuiduum exercitè sumptum, quod sit commune, Petrus v.g. vel Paulus, datur tamen ratio individui, quæ signatè sumpta est omnibus communis.

186 Conclusio igitur asserit, quod conceptus communis individui primò intentionaliter, seu metaphisicè acceptus, non est vniuocè communis omnibus indiuiduis, quod breuiter prob. Ratio includens diuersitatem inferiorum non est ipsis vniuoca: sed talis est ratio communis individui primò intentionaliter sumptæ ergo non est vniuoca. Prob. min. ratio communis individui includit differentias indiuiduales, nam includit quidquid est de essentia individui: sed tota diuersitas inferiorum sunt differentie indiuiduales: ergo includit inferiorum diuersitatem.

187 Confirm. Hæcceitas siue differentia numerica est simplex conceptus non conilians genere; & differentia: ergo ratio includens

dens hæcceitates indiuiduorum, ut includit ratio indiuidui, includit inferiorum diuersitatem. Patet conseq. nam idèd, & si hæcceitates includeret, non includeret earum diuersitatem, quia eas includeret sub ratione communi hæcceitatis omnibus vniuoca: sed si hæcceitas est simplex conceptus non constans ratione communi vniuoca, & ratione differentiali, nequit eas sic includere: ergo. Antec. autem constat, quia de illo conceptu differentiali iterum inquiram; & si componitur ex genere, & differentia, abibimus in infinitum, vel sistendum erit in conceptu simplici differentie indiuidualis, & respectu huius formæ argumentum, nam hic etiam est similis alteri conceptui differentiali hæcceitatis in faciendo differre, quod est oppositæ sententie motium, ut vniuocationem propugnet.

128 *Obijcies.* Illa ratio communis est vniuoca, in qua inferiora conueniunt: sed omnia indiuidua conueniunt in ratione indiuidui, nam sicut Petrus est indiuiduum, Paulus est indiuiduum: ergo ratio communis indiuidui est vniuoca. Confirmat. *Persona* in communi est ratio communis vniuoca omnibus personis, teste D. Thom. 1. p. q. 10. art. 4. ergo, & ratio indiuidui, cum iuxta D. Thomam ibidem *persona* significet aliquid commune admodum indiuidui vagi.

129 *Resp. disting. mai.* In qua

inferiora conueniunt, & non differunt, conc. mai. in qua conueniunt, & differunt neg. mai. & applicata distinctione min. neg. conseq. Indiuidua enim per vnum, & eundem conceptum conueniunt, & differunt, cum hæcceitas sit simplex conceptus, in quo assimulantur, & dissimulantur indiuidua, ac proinde ratio includens hæcceitates partim est eadem, & partim diuersa, ac proinde analogæ; esse enim Paulum indiuiduum, sicut est Petrus, est esse solum proportionaliter vnum, nam est solum assimilari in eo, quod ita se habet Paulus in sui diuersitate à Petro, sicut se habet Petrus in sui diuersitate à Paulo.

190 *Ad confirm. disting. antec.* *Persona* est ratio communis vniuoca, dialecticè, & ex modo significandi, conced. antec. logicè, & ex parte obiecti neg. antec. nam cum *persona* directè significet substantiam, quæ est modus, & complementum naturæ, est quid substantiale incompletum; cum autem ratio substantiæ incompletæ sit transcendens, & ratio analogæ, & non vniuoca logicè, & obiectiue, respectu inferiorum, & si dialecticè sit vniuoca, nec amplius intendit D. Thomas; cum ibi asserat, quod *persona* ad nullum ex quinque prædicabilibus pertinet,

(010)

QVÆSTIO VI.

De differentia, proprio, & accidente.

191 **E**Xpositis vniuersalibus quæ prædicantur in quid, restant explicanda quæ prædicantur in quale: ea sunt differentia, proprium, et accidens, inter quæ, quia primum locum obtinet differentia, primo venit examinanda.

ART. 1.

Diffinitiones, et diuisiones differentie expendantur.

192 **D**ifferentia nil aliud est quam forma faciens differre vnum ab alio. Differunt proprie secundum D. Thomam 1. p. q. 9. art. 1. ad 3. quæ in aliquo conueniunt, disconueniunt in alio, nam quæ in nullo conueniunt, ut genera suprema, non differunt, sed sunt primo diuersa; unde omne differens est diuersum, non tamen omne diuersum est differens.

193 **D**icitur Porphirius differentiam in communem propriam, et propriissimam. Differentia communis est *accidens separabile faciens differre vnum ab alio, vel idem à se ipso*, ut sedere facit differre hominem sedentem à non sedente, vel à se ipso, ut stante. Differentia propria est *accidens in separabile faciens vnum differre ab alio*, ut nasi curuitas, vel cæruleus oculorum color. Differentia

propriissima est, *quæ vnum facit differre essentialiter ab alio*, ut rationalitas, per quam homo differt ab equo. Tria hæc membra comprehenduntur sub duobus in alia diuisione differentie, quæ in præsentī etiam assignat Porphirius, in eam, *quæ facit differre per se*, sub quo primo membro comprehenditur propriissima, et in eam, *quæ facit differre per accidens* sub quo membro comprehenduntur communis, et propria, nam licet hæc faciat differre proprie, non tamen simpliciter, sicut accidens est proprie ens, non tamen est ens simpliciter.

194 **E**x quibus constat, et quod diuisio sit adæquata, & quod sit analogica. Hoc secundum constat: quia sola differentia propriissima est simpliciter differentia, aliæ vero tantum secundum quid, cum faciāt differre precise secundū quid: ergo ratio differentie, quæ diuiditur, conuenit simpliciter vni membro diuidenti, alijs vero secundum quid, ac proinde diuisio est analogica. Et hæc quidē ratio probat analogiam diuisionis differentie primo intentionaliter sumptæ in illa tria; quod autem secundo intentionaliter sumpta differentia, et ut constituit prædicabile differentie, diuidatur etiā analogicè in illa tria prob. nā licet illa tria sint simpliciter, et vniuoce prædicabilia, non tamen sunt simpliciter prædicabilia differentie, cum sola differentia propriissima prædicetur in quale quid, aliæ enim differentie nullo modo prædicantur in quid: ergo etiam

in ratione tertij prædicabilis sola propriissima pertinet simpliciter ad prædicabile differentia.

195 Quod autem prædicta divisio sit adequata, patet ex eo, quod nulla est differentia, quæ non faciat differre, vel per se, vel per accidens, simpliciter scilicet, vel secundum quid: sed sub his comprehenduntur differentie, communis, propria, aut propriissima: ergo nulla est differentia, quæ non sit communis, propria, aut propriissima. Accedit ad hæc, quod omnis differentia, de qua dubitatur, ad quam ex illis pertineat, ad aliquam ex illis reducitur; nam propria passio, ut *visibilitas*, reducitur ad differentiam propriam, licet enim *visibilitas* non suscipiat magis, & minus suscipere tamen magis, & minus non iudicatur à Porphyrio quid necessario exactum, sed pure permissum, à conceptu differentie propriæ, quæ essentialiter constituit solum in eo, quod sit accidens inseparabile: Differentia autem individualis reducitur ad propriissimam, quia facit aliud simpliciter, & constituit speciem, non metaphysicam, sed physicam, & pro ut à parte rei. Similiter differentia, quæ una Persona differt in divinis ab alia, est propriissima, nam per eam, ut per metaphysicū constitutivum, differt Pater à Filio; & licet Pater non sit aliud à Filio, facere tamen aliud solum est proprium differentie propriissimæ, quæ est differentia specifica, aut naturæ, secus illius, quæ tantum est differentia personalis.

196 Nec contra eiusmodi divisionis bonitatem obstat, quod aliqua differentia, ut *disgregativum visus* est communis, propria, & propriissima, nam respectu hominis est communis, respectu Cigni est propria, & respectu albi est propriissima. Non obstat, nam differentia eadem materialiter potest esse communis, propria, & propriissima; ex hoc enim solum sequitur, quod membra dividenda non sint entitative distincta, non tamen, quod non sint formaliter distincta, quod sufficit, ut divisio sit bona.

197 Differentiam igitur propriissimam, quæ sola constituit tertium prædicabile, quadrupliciter diffinit Porphyrius, iuxta quatuor, quæ exercet munera; habet enim dividere genus, constituere speciem, esse rationem distinguendi unum ab alio, & esse insuper prædicabilem de pluribus: Vnde sub primo munere diffinitur, quæ suapte natura separat ea, quæ sunt sub eodem genere: sub secundo verò, est id, in quo species excedit genus; sub tertio est, quæ differt inter se singula; sub quarto denique diffinitur differentia, quæ prædicatur de pluribus differens specie in eo quod quale, seu in quale quid. Totum patet in sensibili, quod est differentia propriissima animalis: separat enim ea, quæ sunt sub eodem genere viventis, est quo animal excedit vivens, est insuper id, quo animal differt ab alijs viventibus, quæ animalia non sunt, & denique est prædicabile in quale quid de homine, & Equo, qui specie differunt.

198 *Scilicet non solum differentia subalterna ut sensibile, sed infima, ut rationale, sit differentia propriissima, ingerit difficultatem, quomodo differentia infime conveniat predicari de pluribus differentibus specie, ut ultima diffinitio asserit, rationale enim solum potest esse univertale respectu individuum, Petri scilicet, & Pauli, qui solo numero differant. Ad quod resp. quod Porphyrius solam differentiam subalternam diffiniuit, ut pote notioem nobis, infime quippe differentia sunt regulariter nobis incognita, & innominata. Posset autem differentia in communi diffiniri, quae predicatur de pluribus in quale quid, accidit enim differentia, ut predicabili; quod illius inferiora differant solo numero, vel specie, ut ostensum est quaest. 4. art. 1. & solum est de essentia illius, quod predicetur ut pars determinativa essentiae, quod significat ly in quale quid, ut manet explicatum quaest. 5. artic. 1. unde diffinitio non debet exprimere, quae sit diversitas inferiorum.*

199 *Resp. 2. praedictam diffinitionem competere etiam differentiae infimae, v. g. rationali nam ly de differentibus specie in diffinitione positum debet accipi de differentibus specie per ipsam differentiam non inter se, sed ab alijs, quomodo rationale predicatur de differentibus specie per ipsam ab alijs animalibus; nam per rationale differunt specie Petrus, & Paulus ab individuis aliarum specierum ani-*

malis, seu ab animalibus, quae rationalia non sunt. Cum enim relatio optime diffiniatur per eius fundamentum, & fundamentum relationis differentiae sit munus facendi differre, quae per ipsam constituentur, ab alijs; optime exponitur diffinitio sic intellecta; nam rationale v. g. non facit differre Petrum à Paulo, sed Petrum, Paulum, aliaque individua per ipsam specificò constituta facit differre ab alijs, quae per ipsam non constituentur.

200 *Ex quibus dignoscitur nullius esse momenti argumenta, quae contra expositionem istam solent obijci. Si enim opponas, I. sequeretur, quod posset diffiniri differentia per predicari de differentibus genere, nam ab alijs differunt etiam genere inferiora differentiae. Resp. neg. conseq. cuius inserta probatio non est efficax, nam licet Petrus, & Paulus, v. g. differant etiam genere à lapide, non differunt tamen genere per ipsam differentiam rationalitatis, & diffinitio differentiae non debet explicare, quomodo inferiora absolute differant, sed quomodo differant per ipsam differentiam, quae de illis predicatur. Nec est vlla differentia quae faciat inferiora genere differre, sed vel specie infima, vel subalterna; unde licet inferiora differant genere ab alijs, non tamen per ipsam differentiam cui accidit, quod constitutum ex ipsa & ex ratione communi, sit aliàs genus, differant genere ab alijs, non tamen per ipsam differentiam.*

201. Si opponas. 2. sequeretur, quod species posset definiiri etiam per praedicabilitatem de pluribus differentibus specie, nam inferiora illius differunt specie ab alijs per ipsam speciem; cum species constitutiva rei sit distinctiva eiusdem ab alijs, extra illam speciem existentibus.

Resp. neg. conseq. quia Petrus, & Paulus non differunt specie ab alijs per suam speciem, humanitatem scilicet, adaequatè sumptam, quo solo modo est species, sed per ipsam in adaequatè sumptam, & ratione solius differentiae, scilicet rationalitatis; nam adaequatè sumpta species includit animalitatè etiam, quæ est ratio conveniendi, non differendi.

202. Si denique opponas. In alijs praedicabilibus particula de differentibus specie, vel numero, intelligitur de differentibus inter se, non ab alijs: ergo pariter in definitione differentiae. Resp. neg. conseq. Quia: fundamentum relationis tertij praedicabilis est convenientia plurium in vna ratione faciente ea differre ab alijs, quo fundamento cetera praedicabilia non gaudent; quare sola differentia debuit definiri per praedicari de pluribus.

differentibus specie

ab alijs.

(*)

ART. I I.

An differentia sit universalis per ordinem ad speciem?

203. Differentia potest considerari per ordinem ad speciem, vel subalternam, vel infimam, quam constituit, vel per ordinem ad inferiora speciei: v.g. sensibile potest considerari, vel per ordinem ad speciem subalternam animalis, vel per ordinem ad inferiora illius, species scilicet sub animali contentas, aut individua illarum: & similiter rationale potest considerari, vel per ordinem ad speciem hominis, quam constituit, vel per ordinem ad Petrum, & Paulum, quæ sunt inferiora talis speciei. Inquirimus, an differentia sit universalis per ordinem ad speciem ex ipsa constitutam, vel solum per ordinem ad inferiora speciei, in quo dubio sit cum communi sententia.

204. Conclusio. Differentia non constituitur universalis per ordinem ad speciem, sed per respectum ad inferiora speciei. Probatur. Univerfale constituitur per respectum ad sibi inferiora: sed differentia non respicit speciem, ut sibi inferiorem: ergo non est universalis per ordinem ad speciem. Mai. est certa, nam universalis, ut tale, est superius, & superius constituitur per respectum ad sibi inferiora. Min. autem prob. quod non exceditur à differentia, sed adaequatur ei illa, non respicitur à differentia, ut sibi inferius: at species non exceditur à differentia, sed adaequa-

sup.

tur cum illa, nam species, & differentia dicuntur ad convertentiam cum bene valeat, est homo, ergo rationalis, & è conuerso: ergo differentia non respicit speciem, vt sibi inferiorem. *Confirm.* Vniversale est vnum in multis, & de multis, ac proinde constituitur per respectum ad plura: sed species, quam constituit differentia, tantum est vna, sicut ipsa differentia: ergo non constituitur vniversalis per ordinem ad speciem.

205 Si dicas, quod species est vna formaliter, virtualiter tamen est multiplex quia continet in potentia plura inferiora, in quæ potest dividi. *Contra est.* Nam vniversale constituitur per respectum ad plura formaliter: ergo si species non est plura formaliter, differentia non est vniversalis per ordinem ad speciem. *Prob. ant.* tum quia vniversale constituitur per ordinem ad pluralitatē, quam in se non habet: sed solam pluralitatem formalem in se non habet, cum quodlibet vniversale sit virtualiter, & in potentia plura, in quæ dividi potest: ergo constituitur per respectum ad plura formaliter. *Tum etiam* quia constituitur per respectum ad plura, quæ respiciat vt superius: sed vniversale tantum est superius respectu plurium, quæ sint plura formaliter: ergo idem quod prius.

206 *Obijcies* 1. Differentia est vniversalis per ordinem ad illud, respectu cuius exercet munus differentie: sed exercet munus dif-

ferentie respectu speciei: ergo est vniversalis per ordinem ad speciem. *Confirm.* 1. Differentia debet esse vniversalis per ordinem ad terminū, quem immediatius respicit, sed immediatius respicit speciem, quam inferiora speciei, cū hæc respiciat mediante illa: ergo respectu speciei, & non inferiorum illius est vniversalis. *Confirm.* 2. eodem modo, quo prædicatum dicitur de subiecto, prædicatur de omni contento sub illo: ergo eodem modo, quo differentia prædicatur de specie, prædicabitur de inferioribus sub specie contentis: ergo vel de inferioribus speciei non prædicatur, vt vniversalis, vel vt vniversalis prædicatur de specie.

207 *Resp.* disting. mai. respectu cuius, vt sibi inferioris, exercet munus differentie, conced. mai. respectu cuius, vt sibi equalis, neg. mai. & applicata distinctione min. neg. conseq. nam licet exerceat munus differentie etiam respectu speciei, cum tamen illud non exerceat per modum superioris, sed æqualis cum ipsa specie, nequit esse vniversalis per ordinem ad illam. *Ex quo* ad 1. confirmat. eodem modo respond. disting. maior. debet esse vniversalis per ordinem ad terminum, quem, vt sibi inferiorem, immediatius respicit, conced. maior. quem, vt sibi æqualem, immediatius respicit, neg. maior. nam per ordinem ad terminum, quem differentia non respicit, vt sibi inferiorem, nullo modo est superior, ac proinde

nec vniversalis. Ex quo colliges, quod inferiora speciei sunt vnicus terminus differentia, vt vniversalis, ac proinde, quod, vt vniversalis, formaliter, seu media relatione vniversalis non respicit inferiora speciei mediante speciei cuius oppositum accidit in genere, quod quia, respicit inferiora individua mediante specie, etiam sibi inferiori, & est vniversale primario per ordinem ad species, & eadem relatione generis respicit species, & individua.

108 *Ad 2. confirm. disting. antec. eodem modo, quoad prædicationem essentialem, vel accidentalem, conced. ant. quoad prædicationem per modum superioris, aut equalis, neg. antec.* quia quod excedit ea, quæ continentur sub subiecto, potest non excedere subiectum, sed adæquari cum illo, ac proinde potest, vt superius, & vniversale, dici de contentis sub subiecto, quin, vt superius, & vniversale, prædicatur de subiecto.

109 *Dices.* Nequit differentia esse constitutiva individui contenti sub specie, quin sit constitutiva speciei: ergo nequit esse vniversalis respectu individui, quin sit vniversalis respectu speciei. *Neg. consequ.* quia differentia constituit individuum ratione naturæ specificæ, quam participat individuum, ac subinde prius debet constituere speciem, quam individuum: at est vniversalis respectu individui ratione superioritatis, quam non habet respectu nature specificæ, habet tamen respectu individui.

210 *Obijcies 2.* Differentia prædicatur de specie, & de indiuiduis, & species de solis indiuiduis, cum de se ipsa non possit, nisi prædicatione identica prædicari: ergo ad plus se extendit differentia, quam species, ac proinde respectu speciei est vniversalis. *Disting. antec. de specie, vt sibi inferiori, & de indiuiduis, neg. antec. de specie, vt sibi equali, & de indiuiduis, vt sibi inferioribus, conced. antec. & neg. consequ.* quia etiam species prædicatur de indiuiduis, vt sibi inferioribus, & de differentia, vt equali, unde remanent species, & differentia omnino sibi æquales, quin vna in alteram superioritatem exerceat.

211 *Denique obijcies.* Quidquid prædicatur de vniversali, vt ipsi æquale, est vniversale, nam vniversale solo vniversali potest æquari: ergo si differentia prædicatur de specie, quæ est vniversalis, vt ipsi æqualis, differentia erit vniversalis. *Resp. disting. antec. est vniversale, per ordinem ad aliud vniversale, de quo dicitur, vt equalis, neg. antec. per ordinem ad sibi inferiora, conced. ant.* ex quo solum sequitur, quod differentia sit vniversalis respectu sibi inferiorum, non tamen respectu speciei, cui est equalis: sicut æqualis Regi est Rex non quidem respectu Regis, cui est æqualis, sed respectu sibi subditorum.

212 *Si dicas.* Differentia, vt respicit speciem, non est singularis: ergo est vniversalis. *Neg. consequ.* quia licet quodlibet prædicatū debeat

beat esse, vel singulare, vel universale, non tamen necessario respectu huius debet esse, vel singulare, vel universale, sicut species respectu generis, nec est singularis, nec universalis, licet ipsa sit universalis.

ART. III.

De proprio quarto predicabili.

213 **D**icitur Porphyrius, proprium quatuor modis accipi posse: *Proprium* primo modo est, quod convenit soli, sed non omni, ut esse Grammaticum convenit soli homini, sed non omni. *Proprium* secundo modo est, quod convenit omni, sed non soli, ut esse bipedem convenit omni homini, sed non soli. *Proprium* tertio modo est, quod convenit omni, & soli, sed non semper, ut canescere, quod convenit omni, & soli homini, non tamen semper, sed in senectute. *Proprium* quarto modo est, quod convenit omni soli, & semper, ut risibile, respectu hominis, cui soli, semper, & in omnibus convenit individuis.

214 *Ex hac autem* propriorum descriptione colligitur iam quod proprium simpliciter tale solum est proprium quarto modo, ac proinde quod divisio est analogica. *Proprium* quippe simpliciter tale, nec debet esse commune, nec contingens: sed quod non convenit soli, est commune, quod non convenit omni, & semper, est contingens: ergo proprium simpliciter tale so-

lum est, quod convenit omni, soli, & semper. Vnde dicitur requiruntur ad huiusmodi proprium conditiones. Prima est, quod profluat ab essentia rei, & connectatur cum illa, quia debet rei necessario convenire, & ita, ut sub carentia existentie illius res nequeat intelligi: sed ad hoc necessarium est, quod profluat ab essentia rei, & cum illa connectatur: ergo. *Secunda* conditio est, quod dicatur ad conversionem cum re, cuius est proprium, quia cum tali re adæquatur, quæ ratione bene valet, est homo, ergo risibile, & è converso. Vnde Aristot. lib. 1. Topic. cap. 4. distulit proprium, quod non indicat quid est esse rei, (non enim est quidditas rei) soli tamen inest, & conversim predicatur.

215 *Dividitur* proprium simpliciter tale in genericum, & specificum: *Proprium* generi cum est, quod profluit à gradu generico, & connectitur cum illo, ut potentia sensitiva, quæ provenit à gradu generico animalis, & cum eo connectitur. *Proprium* specificum est, quod profluit à gradu specifico, & connectitur cum illo, ut risibile, quod provenit à gradu specifico hominis, cum quo dicitur ad conversionem, & cum quo necessario connectitur.

216 *Dividitur* præterea in physicum, & metaphysicum: *Physicum* est quod physice dimanat ab essentia rei, ut risibilitas, quæ physice oritur ab essentia hominis. *Metaphysicum*, quod nostro modo inte-

alunde superveniente, potest violenter impediri motus, quem tamen semper exigit grave extrinsecum existens: sicut in his etiam, quæ ab extrinseco in sui existentia non pendent, potest Deus absolute existentiam auferre, quin ideo proprietates non sint, nam etiam ablata divinitus ab homine risibilitate, eam semper exigit essentia hominis.

210 *Ad alia exempla* ab opposito suadentia diffinitionem proprii non esse bonam resp. quod nigredo convenit necessario Corvo, necessitate orta ex eius individuali temperamento, secus orta ex eius prædicatis specificis, & qualiter proprium ex prædicatis specificis necessario oritur; & idem dicimus de bipedalitate, quæ nec oritur a gradu specifico hominis, cum alijs ab homine conveniat, nec à gradu generico animalis; cum pluribus animalibus non competat; sed oritur à temperamento, & dispositione organica, quæ sunt principia materialia individuantia. Hinc absolute dicenda sunt accidentia communia, nam licet phisicè non possunt adesse, & abesse, possunt tamen metaphisicè, & obiective negari de essentia, ipsa metaphisicè illata, quomodo intelligitur, ut statim conitabit, *ly adesse, & abesse* possunt in diffinitione accidentis communis.

211 *Si dicas*, etiam risibilitas potest negari de essentia hominis, nam casu, quo Deus separaret risibilitatem ab homine, homo non

esset risibilis: ergo in hoc, quod est abesse per solam negationem, nequit accidens commune differre à proprio. *Resp.* disting. antec. potest negari risibilitas de homine enuntiando eam actu non convenire homini, conced. antec. exactivè, neg. antec. & neg. conseq. quia nigredo, ita potest negari de essentia metaphisica Corvi, ut etiam exactivè negetur de ipsa, idest, etiam potest vere negari de illa, quod nigredinem exigar, Imò, quod affirmetur oppositum, idest, Corvum esse album, in nullo præiudicat essentia metaphisica Corvi; de essentia autem metaphisica hominis nequit negari existentia risibilitatis, aut concipi homo sub opposito contrariè prædicato, quin metaphisicè destruaturs essentia hominis.

ART. IV.

De accidenti quinto predicabili.

212

Accidens commune diffiniuit ita Porphyrius, quod *adest, & abest, præter subiecti corruptionem; vbi* advertes 1. quod *ly &* non est accipiendum copulativè, repugnat enim, quod accidens adit simul, & desit; sed debet accipi diffiunctivè, idest, siue adit, siue desit accidens, non destruitur subiectum, in quo sensu diffiunctivè, inconveniens non est, sed congruum, quod diffinitio tradatur per opposita.

213

Advertes 2. quod paulo ante iam insinuvimus, quod *ly*

ad hoc, & illud coloratum, & sic licet semper sit accidens prædicamentaliter, secus prædicabiliter, nã de albo, & nigro prædicatur, vt genus, & de hoc, & illo colorato, vt species, vnde in ordine ad ea inferiora non est quantum prædicabile, de quo in præsententi potest insuper comparari ad inferiora ratione substracti, ad hominem, v.g. & Equum, & sic est accidens quantum prædicabile, homo enim contingenter est albus.

228. Si opponas. Vel accidens prædicatur pro formali de substracto, & ita, vt color sit, qui prædicatur de homine, vel substractum illius, idest, subiectum habens colorem: Si primum, nequit vere prædicari de homine, nam color non identificatur cum homine, vt prædicatio vera exigit: si secundum, non prædicatur contingenter, siquidem licet homo non sit essentialiter habens albedinem, essentialiter tamen est id, quod est substractum albedinis: ergo nullo modo accidens potest respicere, vt accidens, inferiora ratione substracti.

229. Resp. quod accidens in concreto prædicat de substracto formam, etiam in concreto, & cum forma in concreto, v.g. coloratum, supponat non pro forma, sed pro substracto, quod identificatur cum homine, seu est ipse homo: inde euenit, quod prædicatio sit vera, nam subiectum, & prædicatum supponunt pro eodem. Ad huius impugnationem. Resp. quod licet homo non sit cõtingenter id, quod est

substractum coloris, contingenter tamen est substractum coloris, & contingenter est habens albedinem, nam accidit ipsi, quod habeat albedinem. Nec ex hoc sequitur, quod coloratum abstrahatur ab homine, & Equo, vt coloratis, ly vt reduplicatiue sumpto, nam sic sunt essentialiter colorata; sed ly vt specificatiue sumpto, idest, abstrahitur ab illis, vt dicentibus solum exercite colorem in obliquo, qua ratione, & sunt in recto inferiora substracti, & accidit ipsis esse colorata.

230. Si infles. Coloratum prædicatur adiectiue de homine & Equo: ergo coloratum non affert secum suum suppositum, seu substractum, sed immediatè applicat formam subiecto. Vterius. Terminus prædicat solum, quod significat: sed coloratum solum colorem significat: ergo solum colorem, & non substractum prædicat.

231. Resp. conced. conseq. ex quo solum inferitur, quod coloratum nõ afferat secum suppositum, quod de novo subijciat, seu ponat sub verbo, sicque sensus non sit, homo est substractum, quod est coloratum, sicut in simili diximus supra quæst. 3. art. 4. secus tamen, quod coloratum non supponat pro substracto, ita, vt sensus sit, homo est substractum immediatum coloris, homo est habens albedinem, nam quævis propositio affirmatiua significat extremorum identitatem, quæ vere nequit affirmari, si vel extrema non supponant, vel non supponat pro eodem. Ad aliam in-

nem distinctis, ut *Deus, Ens*, vel ut *entitativum*, & *divinum*, in quibus forma, & suppositum, vel subiectum, sola ratione differunt. Quod proportionali modo locum habet etiam in entibus rationis, hæc quipè concreta, *genus species* dicunt formam, & substractum, quod potest esse separabile à forma, ac subinde quasi realiter distinctū: hæc autem concreta, *ens rationis, unum rationis*, possunt dici cōcreta metaphisica, quia subiectum, & forma differunt solū ex modo significandi.

235. Supponendum est: id quod apud omnes est certum, scilicet, concretum posse vere prædicari de concreto, quoties significant formas in eodem subiecto, seu supposito existentes, ut *homo est animal, album est dulce* sunt prædicationes veræ, quia animalitas, & humanitas sunt in eodem supposito, similiterque albedo, & dulcedo in eodem substracto. *Ratio est*, quia quoties extrema supponunt pro eodem, prædictio est vera: sic contingit, cum predicatur concretum de concreto, si significant formas in eodem subiecto existentes; nam si concreta sunt substantialia, idem est suppositum constitutum per utramque formam; si est accidentale, idē est substractum utriusque formæ, pro quo substracto concretæ supponunt: ergo prædicationes sunt veræ.

§. I.

Mutū conferuntur concreta, & abstracta.

236. Sit conclusio. *Concreta physica non prædicantur vere de suis abstractis, nec è converso abstracta de concretis, bene tamen concretæ metaphisica de suis abstractis, & è converso.* Probatur prima pars ratione D. Thomæ opusc. 69. Extrema prædicationis affirmatiuæ veræ debent supponere pro eodem: sed cōcretum physicum, & eius abstractū nequeunt supponere pro eodem: ergo vnum de altero requirit verè prædicari. Prob. min. Concretum supponit pro supposito, vel substracto, eius vero abstractum supponit pro sola forma: sed in concretis physicis, suppositum, siue substractū, differt realiter à sua forma: ergo concretum, & abstractum non supponunt pro eodem.

237. Ex quo inferitur, quod hæc prædicationes, *humanitas est homo*, & è converso *homo est humanitas*, similiterque hæc, *albedo est album*, & è converso, *album est albedo*, sunt prædicationes falsæ: quia id, pro quo supponit vnum extremum, differt realiter ab eo, pro quo supponit aliud: nam licet in primo exemplo homo supponat pro supposito ut per humanitatem constituto, suppositum tamen adhuc sic constitutum differt realiter inadæquate ab humanitate, & ut propositio sit vera, debet id, pro quo in recto supponit

nam extrema esse idem realiter adequatè. Ex quo ab opposito sequitur: quod hæc propositio *homo est albus* est vera, quia licet albedo realiter differat ab homine, substractum tamen, pro quo solo in recto supponit album, adequatè identificatur cum homine, & idem dices de hac, animal est genus, nam licet genericitas non identificetur cum animali, substractum tamen, pro quo solo supponit in recto genus, est idem adequatè cum animali.

238 Diximus autem concreta huiusmodi non vere prædicari de suis abstractis, quia de abstractis aliorum possunt vere prædicari, cum forma, pro qua supponit abstractum, potest esse substractum formæ alterius concreti, tunc enim abstractum, & concretum supponunt pro eodem. Vnde istæ prædicationes, *humanitas est sancta, superficies est alba, albedo est similis*, sunt veræ, nam humanitas est substractum sanctitatis, superficies albedinis, albedo similitudinis, & cum pro tali substracto supponant concreta, *sanctum, album, simile*, propositiones evadunt veræ: hæc autem propositio, *quantitas est quanta*, est vera, sumpto ly *quanta*, prout est idem ac *extensa*, prout scilicet, est concretum huius abstracti, *extensio*, nam quantitas est habens in se effectum extensionis. Similiter in concretis, quasi philosophis, entis rationis, supra descriptis, est vera hæc, *genericitas est species*, nam ipsa genericitas est quædam species universalis: & similiter est vera hæc, *specificitas est species*, nam similiter

ipsa specificitas est quædam species universalis: & generaliter in his, cum una secunda intentio est substractum alterius.

239 Secunda autem pars conclusionis patet ex eo, quod cum in concretis metaphisicis suppositum, seu substractum solum per rationem, seu ex modo significandi differat à forma, forma, & substractum supponunt pro eodem. Vnde hæc prædicationes sunt veræ. *Deus est Deitas, Ens est entitas*, & è converso, similiterque est vera hæc, *entitas rationis est ens rationis*, & è converso.

§. II.

Comparantur inuicem abstracta.

240 Secunda conclusio. *Abstracta significantia formas realiter identificatas verè prædicantur ad inuicem.* Prob. eadem ratione cum præcedente. Quoties extrema supponunt pro eodem, prædictio est vera: sed dum abstracta significant formas realiter identificatas, supponunt pro eodem: ergo verè prædicantur ad inuicem abstracta significantia formas realiter identificatas. Prob. min. Abstracta, quæ sunt extrema, supponunt pro formis: sed forme sunt realiter idem: ergo extrema supponunt pro eodem.

241 Cum tamen prædictio sit dupliciter vera, vel in sensu identico solum, vel in sensu etiam formali, ut ex prænotatis conitat, ad-

adhuc restat pro abstractis genericis, specificis, & differentialibus, examinare, an etiam in sensu formali vere prædicentur, pro quo sit.

242 Tertia conclusio. *Abstracta generica verè prædicantur in sensu etiam formali de abstractis specificis*, unde hæc prædicationes, *humanitas est animalitas, albedo est color*, sunt in sensu formali veræ. Prob. Prædicatio concreti generici de specifico est in sensu formali vera, vt conceditur ab omnibus, unde hæc prædicationes, *homo est animal, album est coloratum*, sunt veræ in sensu formali: ergo etiam in sensu formali est vera prædicatio abstracti generici de specifico. Prob. consequ. Ideo primum est verum, quia prædicatum est de conceptu quidditativo subiecti: sed hæc eadem ratio militat in abstractis, nam animalitas est de conceptu quidditativo humanitatis, sicut animal est de conceptu quidditativo hominis: ergo si concretum genericum prædicatur in sensu formali de specifico, etiam abstractum genericum prædicatur in sensu formali de specifico.

243 Confirm. Ratio communis, in qua inferiora univoce, essentialiter conveniunt, potest de illis verè, & formaliter prædicari: sed in animalitate conveniunt univoce essentialiter humanitas, & Equinitas: ergo animalitas vere, & formaliter prædicatur de humanitate, & Equinitate. Prob. min. nam in primis animalitas est de essentia humanitatis, & Equinitatis, deinde

de in animalitate præcissa à differentiis nullam in aequalitatem habent humanitas, & Equinitas: ergo conveniunt in animalitate univoce, & essentialiter.

244 Patet ex his, quod abstracta differentialia verè, & in sensu formali prædicentur de specificis; nam hæc prædicatio, *homo est rationalis*, est prædicatio vera in sensu formali: ergo est vera in sensu etiam formali hæc, *humanitas est rationalitas*. Patet consequ. ex dictis, ideo enim prima prædicatio est vera in sensu formali, quia prædicatum, rationale scilicet, est de conceptu quidditativo hominis: sed eodem modo rationalitas est de conceptu quidditativo humanitatis: ergo prædicatur verè in sensu formali de humanitate.

245 Si opponas. Humanitas tantum inadæquatè est animalitas: sed ex dictis supra constat; quod prædicatum, & subiectum debent adæquatè identificari: ergo animalitas non prædicatur verè de humanitate. Resp. quod humanitas distinguitur obiectivè ab animalitate, realiter tamen identificatur adæquatè cum humanitate, cum animalitas solum obiectivè sit pars humanitatis, in re tamen est etiam ipsa rationalitas, ac proinde est in re tota humanitas. Ex quo non inferas, quod non sit vera in sensu formali ea propositio, nam ad hoc non requiritur, quod animalitas sit de conceptu quidditativo adæ-

adæquato humanitatis, alias hæc propositio, *homo est animal*, non esset vera in sensu formali; sufficit enim quod sit de conceptu quidditativo, & si inadæquato.

246 Ultima conclusio. *Abstracta generica prædicantur verè de differentialibus, non tamen in sensu formali.* Quod 2. partem constat conclusio, nam genus non est de conceptu metaphisico differentialium, ut quæst. 5. art. 3. manet probatum, ac subinde prædicatio non est in sensu formali vera, rationalitas enim, ut rationalitas, non est animalitas. Quod 1. vero partem prob. animalitas, & rationalitas sunt idem realiter: ergo supponunt pro eodem realiter: sed prædicatio, in qua extrema supponunt pro eodem realiter, est prædicatio vera: ergo verè prædicatur animalitas de rationalitate.

247 Si dicat, quod cum abstracta significant sua significata cum abstractione, & præcisione, propositio illa facit sensum formalem, & cum in sensu formali sit falsa, absolute est falsa.

248 Contra est quia abstractio, & præcisio, quam importat abstractum, est præcisè à substracto formæ, cum sit abstractio formalis: ergo licet de suo substracto posset non prædicari verè animalitas, sicque hæc sit falsa, animalitas est animal, & hæc, rationalitas est animal, secus tamen de suo abstracto differentia-

li. Patet consequ. nam ideo non esset vera iuxta solutionem, quia ratione abstractionis facit sensum formalem: ergo si respectu sui abstracti differentialis non dicit abstractionem, & præcisionem, non est cur non sit vera, etiam si non sit vera in sensu formali.

249 Confirm. Præcisio unius ab alio tunc impedit prædicationem absolute veram, quando præcisio importatur signate, & exprimitur, ut pars subiecti, vel prædicati, secus tamen quando solum importatur exercitè, & ex modo significandi: sed abstractio, & præcisio solum importatur in animalitate exercitè, & ex modo significandi: ergo non impedit absolutam veritatem prædicationis. Unde hæc erit falsa, *rationalitas, ut rationalitas, vel in quantum rationalitas, est animalitas*, hæc tamen, *rationalitas est animalitas est vera*, cum faciat sensum identicum, & identificentur animalitas, & rationalitas. Hæc sufficiant pro re non spectante ex professione ad Logicum, præsertim cum quidquid ad substantiam prædicationum pertinet, maneat explicatum.

QVÆSTIO VII.

De Ante prædicamentis.

Classes, quas Aristoteles Categorías, idest prædicatorum series inscripuit, latine dicuntur prædicamenta. Est autem prædicamentum: Ordo, aut series prædicatorum essentialium ab uno supremo genere, quo nihil est superius, usque ad indiuiduum, quo nihil est inferius: v. gr. prædicamentum substantiæ est ordo, quo hæc prædicata Petri, homo, animal, viuens, corpus collocantur sub supremo genere substantiæ; qui utique ordo consistit in eo, quod indiuiduum, quod est vltimum subijcibile, participat supremum genus medijs his gradibus; nam Petrus immediate subijcitur homini, homo animali, animal viuenti, viuens corpori, corpus substantiæ.

2 *Librum hunc de prædicamentis, qui primus est Logicæ, & pro cuius noticia præmisimus cum communi Doctorum questiones præcedentes (ad ordinanda quippe prædicabilia necessum fuit illa prænoscere) diuisit Aristot. in quatuordecim capita, & claritatis gratia, diuidunt Logici in tres partes, scilicet in ante prædicamenta, prædicamenta, & post prædicamenta. Ante prædicamenta sunt præbulum ad prædicamenta, siue*

præcognita quædam necessaria ad intelligenda prædicamenta, eaque reduxit Aristoteles in primis quatuor capitibus ad tres diffinitiones, duas diuisiones, duas regulas, entisque diuisionem in decem Categorías: de quibus sigillatim in sequentibus disseremus.

ART. I.

Quæ sint diffinitiones vniuocorum, æquiuocorum, & denominatiuorum?

3 **I**n prædicamentis triplex potest fieri comparatio. *Prima*, ad rationem entis, quod sub se comprehendit omnia prædicamenta. *Secunda*, prædicatorum adinuicem in vna classe existentium. *Tertia*, vnius prædicamenti ad alia; & quia plura prædicamenta in ratione eis superiori analogicè, vel æquiuocè conueniunt; & ea, quæ sunt in eodem prædicamento conueniunt vniuocè; ea verò, quæ sunt in vno prædicamento solùm denominatiuè possunt conuenire alteri; idcirco præmittuntur diffinitiones æquiuocorum, vniuocorum, & denominatiuorum.

4 *Æquiuoca sunt: Quorum nomen est commune, ratio verò substantiæ nomini accommodata, diuersa. Dicitur, quorum nomen est commune, ut denotetur hic diffiniri æquiuoca æquiuocata, non æquiuoca æqui-*

uocantia: æquiuoca æquiuocata sunt res significatæ per nomen æquiuocum, non quidem res ipsæ secundum se, sed prout in solo nomine significante conueniunt: æquiuoca æquiuocantia sunt nomina, quæ res ita significant, ut nullam inter eas significant conuenientiam: diffiniuntur ergo res ut subsunt nominibus æquiuocis, non nomina ut res æquiuocè significant. Dicitur, *ratio substantiæ*, accepta substantia pro rei quidditate, non pro ente existente per se. Dicitur tandem, *nomini accommodata*, ad denotandum non sufficere pro æquiuocis, quod res sint diuersæ; sed requiri, quod eorum diuersitas per nomen illis commune significetur. Vnde canis terrestris, & cœlestis, ut hoc nomine *canis* significatur, sunt æquiuoca; quia eorum quidditas, ut per *ly canis* significatur, est diuersa. Ad æquiuoca reducuntur analogæ, quæ prout à purè æquiuocis distinguuntur, possunt diffiniri: *Quorum nomen est commune, ratio verò substantiæ nomini accommodata, est partim eadem, partim diuersa.*

5 Et si dicas: æquiuoca non possunt diffiniri, cum non habeant vnā essentiam: ergo frustra conamur illa diffinire. *Dist. ant.* æquiuoca *exercitè sumpta* non possunt diffiniri: *conc. ant.* æquiuoca *signatè sumpta*, non possunt diffiniri: *neg. ant.* æquiuoca *signatè sumpta* sunt æquiuoca ut signi-

ficantur hoc nomine *æquiuoca*, & sic possunt diffiniri; quia per hoc nomen *æquiuoca* significantur, ut conueniunt in non conuenire, & ut conueniunt in significari vno nomine: æquiuoca *exercitè sumpta* sunt æquiuoca ut significantur hoc nomine *canis*, & sic non possunt diffiniri; quia per hoc nomen *canis* non significantur ut conueniunt in non conuenire, vel significari vno nomine.

6 Dices: Ut conueniunt in non conuenire sunt vniuoca, sed æquiuoca non possunt diffiniri ut vniuoca: ergo non possunt diffiniri ut conuenientia in non conuenire. *Dist. mai.* sunt vniuoca *denominatiuè*, & ut subsunt huic nomini *æquiuoca*: *conced. mai.* sunt vniuoca *formaliter*, & ut subsunt peculiaribus nominibus, *canis* v.g. & *sanum*: *neg. mai.* & *dist. min.* non possunt diffiniri ut vniuoca *essentialiter*: *conced. min.* ut vniuoca *denominatiuè*: *neg. min.* & *conseq.*

7 Vniuoca diffiniuntur, quorum nomen est commune, & ratio substantiæ nomini accommodata est eadem. Etiam intelligitur diffinitio de vniuocis vniuocatis, quæ in eo, quod est habere nomen commune, conueniunt cum æquiuocis; in ceteris verò particulis discriminantur: *Nota* tamen quod vniuoca, alia sunt stricta, illa scilicet, quorum nomen est commune, & conceptus essentialis est idem; ut Petrus, & Paulus, quo-

quorum nomen, scilicet *homo*, est commune, & per illud eadem vtriusque essentia significatur: alia sunt vniuoca communiter dicta, ea nimirum, quorum nomen est commune, & conceptus obiectiuus est idem, siue talis conceptus sit essentialis, siue sit accidentalis, vt Petrus, & Paulus, quatenus sub hoc nomine *album* comprehenduntur; habent enim nomen commune, sed per illud non significatur essentia eadem in vtroque. Philosophus in presenti diffiniuit vniuoca stricta; quia diffiniuit vniuoca ad intelligendam comparisonem eorum, quæ in eodem predicamento collocantur; quorum certè nomen est commune, & per illud significatur ratio, in qua essentialiter conueniunt; vniuoca verò communiter dicta comprehendit sub denominatiuis: quibus tamen si diffinitionem vniuocorum adaptare velis, per ly *ratio substantia* intelliges, non quod essentia sit eadem, sed quod conceptus obiectiuus, siue sit accedens, siue essentia, sit idem in rebus, vt per illud nomen significatur.

§ 8. *Denominatiua dicuntur (inquit Aristot.) quæ ab aliquo nominis appellationem habent solo differentia casu: in qua diffinitione non diffiniuntur nomina, sed res, vt per nomen significantur: dicitur solo differentia casu, id est differentia in sola cadentia, aut terminatione finali; vnde sensus dif-*

initionis est ille: denominatiua dicuntur ea, quorum nomen trahit originem vocis, & significationis ab alio, à quo differt in sola terminatione; vt *album*, est denominatiuin, quia nomen *album* deriuatur quoad vocem, & significationem ab albedine cum sola differentia in terminatione; album enim, & albedo incipiunt eisdem litteris, & desinunt diuersis.

§ 9. *Denominatiua sunt in triplici differentia; nam quædam sunt denominatiua re, & non voce, vt studiosus, & virtuosus: studiosus enim trahit significationem, non tamen vocem à virtute; similiter musica cum accipitur pro focmina perita artis musicæ, & musica cum supponit pro ipsa arte: musica enim primo modo accepta, quoad significationem deriuatur à musica secundo modo accepta, non tamen quoad vocem; cum ab ea in terminatione non differat. Alia sunt denominatiua voce, & non re, vt studiosus, & studium; studiosus enim quoad vocem ortum ducit ab studio, non tamen quoad significationem. Alia tandem sunt denominatiua re, & voce; vt fortis, & fortitudo, pius, & pietas, & hæc sunt propriè denominatiua. Interrogas: vtrum sola concreta accidentalia, vt album, iustum, & his similia sint denominatiua; an etiam superiori diffinitione comprehendantur concreta substantiæ, vt homo, & rationale, quorum*

nomina ab humanitate, & rationalitate trahunt originem?

10 *Resp.* Sub hac diffinitione solum comprehendit concreta accidentalialia. Tunc quia cum denominatiua diffinierit Aristoteles ad intelligendam comparationem eorum, quæ sunt in uno prædicamento, ad res alterius prædicamenti; sola concreta, quorum nomen desumitur à rebus alterius prædicamenti, sunt denominatiua; sed sola concreta accidentalialia sunt denominatiua. Prob. min. Sola concreta accidentalialia denominantur à forma sibi accidentaliali; sed cuiuslibet est accidentalialis res alterius prædicamenti: ergo sola concreta accidentalialia sunt ea, quorum nomen desumitur à rebus alterius prædicamenti. 2. De Deo nihil denominatiue, sed omnia dici essentialiter, frequenter docent Theologi: ergo censent denominatiuum, & accidentale non distingui. 3. *Ly ab aliquo* in diffinitione, idem valet ac ab alio; aliquid enim est aliud quid: ergo forma, à qua sumitur denominatio, est extrà essentiam denominatiui ergo denominatiuum est concretum accidentale.

11 Denique colligitur ex illa particula diffinitionis, *nominis appellationem*; in qua inuinitur, denominatiuis applicari nomen proprium alterius: ergo id, à quo sumunt denominationem est extrà essentia illorum; à propria quippe forma non habent res nominis ap-

pellationem, aut applicationem, sed habent ab ea proprium nomen. Sed nota; formam denominatiui debere esse accidentalem prædicabiliter, non prædicamentaliter, id est, debere esse extrà essentiam denominatiui, siue talis forma sit substantia, siue sit accidens; unde aureum dictum de annulo est denominatiuum. quia licet aureum sit substantia, est extrà essentiam annuli; & album sumptum non adiectiue pro subiecto habere albedinem, sed substantiue pro aggregato dicente in recto, & ex æquo corpus, & albedinem non est denominatiuum; quia etiam albedo sit accidens, non est extrà essentiam eius.

ART. II.

Quæ sint diuisiones, & regulæ ante prædicamentales.

15 **D**uas diuisiones præmisit Philosophus, quarum prima sic habet: *Eorum, quæ dicuntur, quedam cum complexione dicuntur, ut homo albus, quedam sine complexione, ut homo.* Hic etiam Philosophus non, voces, sed res vt substantiant nominibus diuisit, eo certe sine, vt ostenderet excludi à prædicamento res, quæ voce complexa significantur; solent enim pertinere ad diuersa prædicamenta, vt *homo albus*, ad prædicamentum substantiæ, & qualitatis.

13. *Secunda diuisio his verbis trad-*

trahitur: *Horii quæ sunt, alia de subiecto dicuntur, in subiecto verò nō sunt; ut homines alia in subiecto sunt, de nullo verò dicuntur subiecto, ut hoc album alia de subiecto dicuntur, & sunt etiam in subiecto, ut album; alia denique, nec in subiecto sunt, nec de ullo dicuntur subiecto, ut Petrus.*

14 *Subiectum;* aliud est inhesionis, illud scilicet, in quo aliquid existit per modum accidentis; aliud attributionis, illud nempe, de quo aliquid prædicatur. Cū ergo ait Philosophus aliquid esse, vel non esse in subiecto, loquitur de subiecto inhesionis; loquitur verò de subiecto attributionis, cū asserit, aliquid prædicari, aut non prædicari de subiecto.

15 *Quarè* per ea, quæ dicuntur de subiecto, & nō sunt in subiecto intelligit substantias vniuersales, hoc est, genera, & species prædicamenti substantiæ: per ea, quæ sunt in subiecto, & de subiecto dicuntur intelligit genera, & species accidentium: per ea, quæ nec sunt in subiecto, nec de subiecto dicuntur, intelligit substantias particulares: per ea tandem, quæ in subiecto sunt, sed de nullo subiecto dicuntur, intelligit accidentia particularia.

16 *Circà* hanc diuisionem aduerte primò; in ea quatuor contineri diuisiones: *prima*, eorum quæ sunt (intellige directè in prædicamento, per quod excludes a diuisione huius diuisionis omnia incompleta, ut materiam, formā, & differentias) in ea, quæ sunt in subiecto,

& ea quæ nō sunt in subiecto; quæ diuisio est analoga, cū sit entis in accidens, & substantiam. *Secunda* eorum quæ sunt, in ea, quæ dicuntur de subiecto, & ea quæ nō dicuntur de subiecto: quæ diuisio est subiecti in accidentia, cū sit diuisio entis in vniuersale, & particulare. *Tertia* eorum quæ dicuntur de subiecto, in ea quæ sunt in subiecto, & ea quæ in subiecto nō sunt; & hæc est accidentis in substantia, cū sit diuisio vniuersalis in substantiam, & accidēs. *Quarta* est eorum, quæ de nullo dicuntur, in ea quæ sunt in subiecto, & ea quæ nō sunt in subiecto; & hæc etiam potest dici accidentis in substantia, cū sit diuisio singularis in substantiam, & accidēs.

17 *Aduerte* 2. quod cū diuisum sit res ponibilis in eodem prædicamento, dici, vel nō dici de subiecto intelligitur quidditatiuè: prædicationes enim directæ intrà idem prædicamentum sunt quidditatiuæ; quarè rectè dixit Philosophus, hoc album de nullo subiecto posse dici, quia licet possit dici de Petro, nō tamèn quidditatiuè.

18 *Aduerte* 3. Notitiam huius diuisionis præquiri ad prædicamentā; quia cū sit series prædicatorum, quorum alia sunt superiora, & alia inferiora, necessarium fuit præmittere notitiam eorum, quæ dicuntur de subiecto, & eorū quæ de subiecto nō dicuntur.

19 *Regule*, quas in tertio capite tradidit Aristoteles sunt duæ. Prima est: *Cum quidpiam de quo-*

piam, ut de subiecto prædicatur, quæ dicuntur de prædicato, dicuntur etiam de subiecto. Ut quia animal prædicatur de homine, & de animali prædicatur viuens, etiam viuens prædicatur de homine. Legitima huius regulæ explicatio est, quod cum quidpiam de quopiam prædicatur quidditatiuè, quiddid dicitur quidditatiuè de prædicato, dicitur etiam quidditatiuè de subiecto. Ratio est: nam Aristoteles statuit hanc regulam ut per eam dignosceremus, quænam in recta linea prædicamentali deberent constitui; ut si intelligatur de prædicatione quidditativa, & non aliter, per eam dignoscitur quæ prædicata debeant in recta linea prædicamentali constitui: ergo sic debet intelligi. Prob. min. per eam sic intellectam constat quæ prædicata dicuntur quidditatiuè de subiecto; sed in recta linea prædicamentali non ponuntur prædicata, quæ identicè, vel denominatiuè, sed ea solum quæ quidditatiuè dicuntur de subiecto: ergo. Vnde per hanc regulam cognoscimus, in recta linea prædicamentali substantiæ poni animal, viuentis, corpus, & substantiam, quia in ea ponuntur quæ de prima substantia, ut de Petro, dicuntur quidditatiuè; & eiusmodi prædicata dici quidditatiuè de Petro, probatur: quia de Petro prædicatur homo quidditatiuè, & de homine animal, de animali viuens, de viuenti corpus, de corpore substantia: ergo animal, viuens, corpus, &

substantia prædicantur quidditatiuè de Petro.

20. *Confirm. cum quidpiam de quopiam prædicatur, potest aliquid dici accidentaliter de prædicato, quin dicatur accidentaliter de subiecto; & patet: nam de homine prædicatur animal, & de animali genus; & tamen de homine non prædicatur genus: ergo intellecta de prædicatione accidentali regula non est vera.*

21. *Secunda regula est bimembris, & sic se habet: Diuersa genera non subalternatim posita diuersas specificè habent differentias: genera verò quorum vnum sub altero collocatur non inconuenit easdem habere differentias. Genera non subalternatim posita sunt, quorum vnum non collocatur sub altero, nec vtrumque sub vnotertio; vnde genera, quæ sub vnotertio collocantur possunt habere easdem differentias; animal enim volucres, & terrestres, quorum vtrumque subiicitur animali, diuiditur per easdem differentias, cum vtrumque diuidatur per bipes, & quadrupes; sicut enim ex terrestribus, alia duos, alia quatuor habent pedes, ita in volucris, alia duos, alia quatuor, ut Gryphi, pedes habent: & per hæc patet prima pars regulæ. In secunda docemur, quod differentia constitutiva generis inferioris est diuisiva generis superioris; ut sensibile, quod constituit animal, diuidit viuens. Et deseruit tota regula ad cognoscendum*

dem differentias, quæ ponantur ad latus cuiusvis prædicamenti.

ART. III.

Quid, & quotuplex sit analogum?

Acturi de diuisione entis in decem prædicamenta, de qua sermonem instituit Philosophus cap. 4. huius lib. debemus præmittere notationem analogorum, cum circa præfatam diuisionem non modica sit difficultas in decernendo, sit nè vniuoca, vel analogæ; & insuper præsens doctrina sit necessaria valde ad intelligentiam vniuocorum, & æquiuocorum, quorum diffinitiones dedimus suprâ artic. 1. ex Aristotele.

13. *Analogia* nomen est Græcum significans proportionem, siue proportionalitatem; est autem proportio, *habitus prius quantitatis ad aliam*, vt si compares lineam ad lineam: proportionalitas verò est *habitus proportionum*; vt si dicas, ita se habere duodecim ad sex, sicut se habent quatuor ad duo.

14. *Analogæ*, attendente re significata per nomen, definiuntur: *Quorum nomen est commune, ratio verò significata, partim est eadem, partim diuersa*. Deducitur hæc diffinitio ex Arist. 4. Metaph. cap. 2. text. 2. & 7. Metaph. cap. 4. text.

15. Et constat primo; per eam non distinguî analogæ analogantia, id est nomina; sed analogæ analogata, id est res vt subsunt no-

minibus. Constat secundò; analogæ esse media inter vniuocæ, & purè æquiuocæ, cum de his diuersitatem, & de illis participant vniuocitatem.

16. *Analogia* diuiditur primò in physicam, & logicam: analogæ physicae sunt, *quorum nomen est commune, & ratio significata est simpliciter eadem, sed inequalitèr participata*; vt animal, quod nobilliori modo est in homine, quàm in Equo. Analogæ logicae sunt, *quorum nomen est commune, & ratio significata est eadem secundum quid, & simpliciter diuersa*; vt sanum, dictum de animali, vrina, & medicina: sumitur hæc diuisio ex D. Th. in 1. d. 19. q. 5. art. 2. ad 1. Analogæ physicae sunt secundum quid analogæ, & simpliciter vniuocæ; vnde à D. Th. vocantur analogæ secundum esse, & non secundum intentionem; quia intentio, sed ratio significata præcisa ab inferioribus omnino est eadem; quæ etiam de causa dicuntur physica, & non logica, quia apud Logicum, qui considerat res cum præcisione, nullam habent diuersitatem, licet eam habeant quoad Physicum, qui res considerat vt à parte rei existunt. Dicuntur analogæ analogia physica quælibet prædicata superiora, præter speciem infimam: quia cum sola species infima participetur æqualitèr ab inferioribus, sola illa est vniuoca vniuocatione opposita analogiæ physice. Ex quo inferes, quod vt aliqua ratio sit logicè analogæ, non sufficit

cū quod inæqualitèr participetur, inæqualitate orta à differentijs; sed requiritur, quod ratio cōmunis præcisa à differentijs habeat ex se inæqualitatem.

26 *Analogologica*; alia sunt proportionis, seu attributionis, alia proportionalitatis: analogia attributionis sunt, quorum nomen est commune, ratio verò significata est eadem secundum terminum, & diuersa secundum habitudinem ad illum. Ita D. Thom. 1.1. Metaph. lect. 3. Exemplum: animal, vrina, & medicina, vt significantur hoc nomine sanum, sunt analogia attributionis: quia in eis ratio significata, nempe sanitas, est eadem secundum terminum, cum eadem sit sanitas, quam animal, vrina, & medicina respiciunt, & diuersa secundum habitudinem ad illum, cum habitudines eorum sint diuersæ: animal enim per modum subiecti, vrina per modum signi, medicina per modum causæ respicit sanitatem.

27 *Dicitur* hæc analogia attributionis, aut proportionis, quia res significata per nomen inuenitur principaliter in vno, à quo cætera denominantur propter proportionem, aut ordinem ad illud; illi enim tribuitur, quod reliqua sic denominentur.

28 *Proprietates* analogorum attributionis ex Caliet. cōmuniter receptæ opusc. de nominum analogia, sunt quatuor. *Prima*: quod ratio significata per nomen intrinsecè inueniatur in principaliori

analogato, in alijs verò per extrinsecā denominationem, & per respectum ad illud. *Secunda*: quod ratio significata per nomen sit vna numero, & non multiplicetur in analogatis. *Tertia*: quod analogatū principale ponatur in diffinitione cæterorum; quia cum hæc sint talia per respectum ad primum, nō possunt intelligi, aut diffiniri sine ordine ad illud. *Quarta*: quod nomen analogo nullus conceptus formalis, vel obiectiuus cōmunis omnibus analogatis correspondeat; vnde sanum, quod est analogum attributionis significat sanitatem, quæ solum est intrinsecè in animali; non multiplicatur in vrina, & medicina; nō potest diffiniri medicina vt sana nisi per ordinem ad sanitatem animalis; nec ab animali, vrina, & medicina potest abstrahi conceptus sanitatis, qui omnibus illis sit communis.

29 *Analogia* proportionalitatis sunt, quorum nomen est commune; ratio verò significata est eadem proportionalitèr. Id est, est simili secundum proportionem: quod contingit quando, sicut res vna comparatur ad aliam quid, ita alia comparatur ad aliud v.g. quia sicut se habet visus ad corpus, ita se habet intellectus ad animam, in eo quod sicut visus repræsentat corpori visibilia, ita intellectus repræsentat animæ intelligibilia, licet modus vtriusque potētia sit diuersus: intellectus, & oculus, vt significantur hoc nomine visus sunt analogia proportionalitatis. Similitèr, quia sicut se ha-

habent fundamēt in ad cōmuniū,
& fons ad riuos, ita se habent cor
ad vitam, & Pater ad filios; funda-
mentum, cor, fons, & Pater sunt
analogæ proportionalitatis, vt sig-
nificantur hoc nomine *principium*.

30 *Hic tamen adverte*: propor-
tionalitatem posse inueniri in vni-
uocis; nām licet se habet animal
hominis ad rationale, ita se habet
animal equi ad hīnabile; quia ta-
men per hoc nomen *animal* non
significatur proportionalitas, sed
identitas hominis cum equo in
ratione animalis, ideo homo, &
equus vt significantur hoc nomi-
ne *animal* (& idem dico de qui-
buscumque alijs vt nomine vni-
uoco designantur) non sunt ana-
logæ proportionalitatis, sed sim-
plicitēr vniuocæ.

31 *Subdiuiditur* analogiā pro-
portionalitatis, in analogiam pro-
portionalitatis propriæ, & impro-
priæ. Analogæ proportionalitatis
propriæ sunt, quibus ratio significa-
ta per nomen conuenit propriè, & ab-
que metaphora. Vt punctum, & fan-
damentum, quibus ratio principij
linear, & domus conueniuntque
metaphora. Analogæ proportio-
nalitatis impropriæ sunt, quando
ratio significata per nomen con-
uenit vni propriè, & alijs meta-
phoricè: vt ridere respectu homi-
nis, & prati.

32 *Quatuor* ex Gaier. vbi su-
pra, numerantur proprietates ana-
logorum proportionalitatis pro-
priæ: *prima*, quod ratio significata
per nomen sit in omnibus intrin-

secè: *secunda*, quod non sit vna nu-
mero, sed multiplex in illis: *tertia*,
quod vnum non debeat diffiniri
per alterum: *quarta*, quod possit
abstrahi conceptus, eis aliquomo-
do communis.

ART. IV.

Quæ sint causa analogiæ?

33 *Notandum est*, quod cūm
analogia Logica, de
qua tantū est sermo, sit conue-
nientia cūm diuersitate, illud est
causa analogiæ, quod est princi-
pium, & ratio, ob quam ratio cō-
munis particeps est ab inferioribus
cūm diuersitate.

34. *Prima conclusio*: *Sola transcen-*
dentia est sufficiens causa analogiæ.
Prædicatum illud dicitur transcē-
dens, quod imbibitur in vltimis
differeñtijs suorum inferiorum,
ita vt de illis formalitēr prædice-
tur; quare asserimus, nullum esse
prædicatum transcendens; quod
logicè non sit analogum. Conclu-
sio sic explicata defenditur. Coni-
muniter a Thomistis, alijsque plu-
ribus cōtra Scotū, Suarez, & alios.

29 *Et probatur*: 1. ex D. Th. 1. q. 10. Metaph. lect. 1. & q. 2. de verit.
art. 11. probat ex transcendentia
entis, illud non esse vniuocūm res-
pectu suorum inferiorum. *Secundo*
hac ratione: sola transcendentia
sufficit, vt ratio transcendens sit
partim eadem, & partim diuer-
sa: ergo sola illa sufficit; vt sit
analogæ. Prob. antec. ratio trans-
cendentis est, vt in ea conue-
niant

niant inferiora, & ut inferiora simul differant per eam: ergo sola transcendens sufficit, ut ratio transcendens sit partim eadem, & partim diuersa. Antec. quoad primam partem patet; quia in ratione communi inferioribus conveniunt inferiora; sed ratio transcendens est communis inferioribus: ergo conveniunt in ea. Quoad secundam verò probatur: inferiora differunt per differentias: ergo differunt per rationem transcendentem. Prob. conseq. quæ differunt per differentias, differunt per id, quod est de conceptu quidditativo differentiarum; sed ratio transcendens est de conceptu quidditativo differentiarum: ergo si inferiora differunt per differentias, differunt per rationem transcendentem. *Confr.* Ideo quæ differunt per rationale non differunt per animal, quia animal est extra conceptum rationalis: ergo si ratio transcendens, v. g. ens, est de conceptu rationalis, quæ differunt per rationale, differunt per ens.

36 *Dices*: quæ differunt per differentias non differunt per ens, nam ad hoc sufficit quod ens non sit de conceptu explicito differentiarum: sicut ob hanc rationem Personæ Divinæ differunt per relationes, & non in natura, esto natura transcendat relationes: & homo, & equus conveniunt in ente, & non in differentiis, licet ens transcendat differentias.

37 *Contra*: quæ conveniunt in

animali, conveniunt in viventi; & quæ conveniunt in substantia conveniunt in ente; quia videns est de conceptu implicito animalis, & ens de conceptu implicito substantiæ: ergo quæ differunt per rationale differunt per ens, hoc ipso quod ens sit de conceptu implicito rationalis.

38 *Confirm.* quæ differunt per rationale non conveniunt simpliciter in ente: ergo differunt per ens. Patet. conseq. quia quæ non conveniunt in ente simpliciter, cōveniunt in illo secundum quid; ac subinde partim conveniunt, & partim differunt. Antec. verò prob. Tum quia ratio, in qua simpliciter conveniunt inferiora, perfecte præcinditur à differentiis; sed si ens est transcendens, non præcinditur perfecte à differentiis: ergo quæ differunt per rationale, si ens est transcendens, non conveniunt simpliciter in ente. Tum quia conceptus, in quo aliqua differunt, & conceptus, in quo nullo modo differunt, sed simpliciter conveniunt, non potest esse simplex, sed debet esse compositus; atqui rationale, & ens non faciunt compositionem, sed sunt simplex conceptus: ergo quæ differunt per rationale, non conveniunt simpliciter in ente.

39 *Nec motiva solutionis* urgent: nam ad primum. 2.º p. quod essentia in Divinis transcendit realiter, non logicè relationes, nam imbibitur in eis, non per modum superioris logici multiplicati in eis.

eisdem, sed per modum entitatis, quæ cum omnimoda sui identitate communis est illis: tunc autem, quæ differunt in aliqua differentia, differunt in eo, quod est de conceptu illius, quando id quod est de conceptu illius, differt sicut ipsa differentia, secus verò quando ita est de conceptu differentiæ, ut non obstante distinctione differentiæ, ipsam suam servat unitatem: quare itat, personas Divinas distingui per relationes, & non distingui in natura; quia naturaliter sit de conceptu relationum, quæ distinguuntur, non est distincta; non tamen itat differre per differentias, & non differre per ens; quia ens ita est de conceptu differentiarum, ut multiplicetur in eis, & distinguitur quoties ipsæmet differentiæ distinguuntur.

40. *Ad 2. Resp.* quod homo, & equus conveniunt secundum quid in differentiis, licet nomen, vel conceptus significans differentias non exprimat convenientiam; unde non sequitur quod homo, & equus non differant in ente, estò verum sit nomine, vel conceptu entis eorum non exprimi differentiam.

41. *Secundà prob. conclusio:* Accidens ut abstrahit à completo, & incompleto est analogum respectu novem generum accidentis, alias esset genus ad illa; ac subinde novem genera accidentis non essent genera suprema: similiter ens ut abstrahit à completo, & incompleto est analogum respectu

Petri, & Pauli, cum conveniant in ente, & differant per ens, hoc est, per differentias individuales, quarum quælibet formaliter est ens; sed in prædictis sola transcendentia potest esse causa analogiæ: ergo. *Prob. min.* Ex prædictis novem generibus non participat unum rationem accidentis dependentem ab alio; nec unum participat illam simpliciter, & alterum secundum quid: similiter nec Petrus participat rationem entis dependentem à Paulo, nec alter illorum contrahit simpliciter, & alter secundum quid: ergo cum præter transcendentiam, dependentiam, aut inæqualem participationem, nulla assignari possit causa analogiæ, sequitur quod in prædictis sola transcendentia sit causa analogiæ.

42. *Obije. 1. contra conclusionem:* in ea ratione communi magis conveniunt inferiora, quæ est principium maioris convenientiæ inter illa; sed ratio transcendens, v. g. ens, est principium maioris convenientiæ inter inferiora entis, quam animal inter inferiora animalis: ergo magis conveniunt inferiora entis in ente, quam inferiora animalis in animali: hæc conveniunt univoce in animali: ergo & illa in ente. *Min. primi syllogismi prob.* Ens est suis inferioribus ratio conveniendi in ultimis differentiis; animal non est suis inferioribus ratio conveniendi in ultimis differentiis: ergo.

43. *Disjunctio.* Ens est principium

maioris convenientiæ *ex: ens: facit:*
 concedo *min: intensius:* neg. *min:*
 Ens enim facit sua inferiora in
 pluribus convenire, quia facit ea
 convenire, nedum in genere, sed
 etiam in differentiis: non tamen
 facit adeo perfecte convenire;
 quia cum eo ipso quod faciat cō-
 venire in differentiis, faciat etiam
 differre, non facit simpliciter con-
 venire, sed partim differre, & par-
 tim convenire.

44 *Instas:* Ratio metaphisicè
 composita, ut animal, non est suis
 inferioribus ratio conveniendi,
 & differendi: ergo multo minus
 ratio simplicissima, qualis est ra-
 tio transcendens. *Resp.* quod ratio
 transcendens, etiā non sit compo-
 sita ex genere, & differentia, non
 est simplex, sed actu includens
 inferiorum diversitatem; unde
 non mirum quod sit ratio conve-
 niendi, & differendi potiori iure,
 quam animal; quod licet sit compo-
 situm ex genere, & differentia,
 inferiorum diversitatem actu non
 includit.

45 *Obijcies 2.* Verum est trans-
 cendens respectu suorum inferior-
 um; & tamen non est analogum,
 sed univocum: ergo. Prob. *min:*
Verum est obiectum specificativū
intellectus: at obiectum specifica-
 tivum intellectus est univocum,
 nam unitas potentiæ sumitur ab
 unitate obiecti: ergo. *Neg. min:*
 ad probationem. *Resp.* quod sicut
 stat potentiam esse unam specifi-
 cè, & obiectum esse unum gene-
 ricè; ut patet in visu, & unius obie-

ctum est color; ita stat, potentiam
 esse unam simpliciter, & obiectū
 esse unum analogicè, & secundū
 quid: ut enim potentia (maximè
 si sit univocalis, qualis est intelle-
 ctus, & voluntas) sit una, sufficit,
 quod omnia obiecta, ad quæ se
 extendit conveniant in una ratio-
 ne, quæ sit proportionaliter ead-
 em.

46 *Obijcies 3.* inferiora anima-
 lis conveniunt simpliciter in ani-
 mali: ergo in ente, quod est de
 cōceptu animalis. *Neg. conseq.* quia
 licet ens sit de conceptu anima-
 lis, est etiam de conceptu rationa-
 lis, & ea, quæ conveniunt simplici-
 ter in genere, conveniunt simplici-
 ter in eo, quod est de conceptu
 generis, nisi simul sit de conceptu
 differentie.

47 *Secunda conclusio.* Depen-
 dentia in participanda ratione cō-
 muni est sufficiens causa analogi-
 æ. Traditur à D. Thom. qui 1.
 part. q. 13. art. 5. & q. 4. art. 3. ex
 dependentia creature à Deo in
 ratione entis infert, ens esse analo-
 gum ad Deum, & creaturas, &
 prob. Tunc dependent inferiora
 in participanda ratione commu-
 ni, quando ratio communis signi-
 ficata per nomen, hoc est, concep-
 tus obiectivus, secundum se præ-
 cisse consideratus, invenitur in
 vno dependentè ab altero; sed
 cum ratio significata per nomen
 invenitur in vno dependentè ab
 altero, est partim eadem, & par-
 tim diversa, ac subindè analogæ:
 ergo dependentia in ratione com-
 ma-

muni participanda est iusticiens causa analogiæ. Prob. min. Tum, quia ratio, quæ reperitur in vno dependentè ab altero non est omnino diuersa, vt de se pater, nec est omnino eadem in vno, & in altero. Tum quia idem à se ipso non dependet. Tum etiam, quia ratio, quæ secundùm se considerata inuenitur in vno cum dependentia ab altero, non potest præscindi à dependentia ab altero, quod autem præscindi nequit à dependentia ab altero, nec à diuersitate potest omnino præscindi, cum dependentia diuersitatem essentialitèr includat: ergo ratio quæ reperitur in vno dependentè ab altero est partim eadem, & partim diuersa.

48. *Confirm.* Ratio conueniēs vni simpliciter, & alteri secundùm quid non est vniuoca, sed analogæ; at ratio quæ reperitur in vno dependentè ab altero conuenit vni simpliciter, & alteri secundùm quid: ergo non est vniuoca, sed analogæ. Maior est certa: Tum quia, ea quæ non participant simpliciter aliquam rationem, non sunt idem simpliciter in illa ratione; homo enim pictus non est vnum; & idem simpliciter in ratione hominis cum vino; quia non est simpliciter homo, sicut vivus. Tum quia ideo sanum non est vniuocum respectu medicinæ, & animalis, quia sanitas conuenit simpliciter animali, & secundùm quid medicinæ: ergo ratio

conueniens vni simpliciter, & alteri secundùm quid, non est illis vniuocè communis. Maior verò probatur; quod conuenit vni ratione habitudinis ad alterum, & alteri propter se, conuenit vni simpliciter, & alteri secundùm quid; sed ratio, quæ conuenit vni dependentè ab alio, conuenit vni ratione habitudinis ad alterum, & alteri propter se: ergo ratio quæ conuenit vni dependentè ab alio, conuenit vni simpliciter, & alteri secundùm quid. Maior explicatur superiori exemplo medicinæ, quæ ideo dicitur secundùm quid sana, quia præcisè denominatur sana ratione habitudinis ad alterum, nempe ad animal, cui propter se conuenit esse sanum: ergo quod conuenit vni ratione habitudinis ad alterum, & alteri propter se, conuenit vni simpliciter, & alteri secundùm quid. Min. verò prob. Ratio quæ conuenit vni dependentè ab altero, ei, à quo alter dependet, conuenit propter se, ei verò quod ab altero dependet conuenit ratione alterius: ergo conuenit vni ratione habitudinis ad alterum, & alteri propter se.

49. *Obijci.* Actus participat rationem communem qualitatis dependentè à potentia; & tamen ratio qualitatis vniuocè præcatur de actu, & potentia: ergo dependentia vnius ab altero in participanda ratione com-

inuni non est sufficiens causa analogia.

50 *Dist. mai.* actus participat rationem qualitatis dependenter à potentia, dependentia intrinseca rationi communi qualitatis, & proueniente ab ea; *neg. mai.* dependentia extrinseca rationi communi qualitatis, & proueniente à conceptu differentiali actus; concedo *mai.* & concessa *min.* *dist.* consequens; non est causa analogia dependentia orta à conceptu differentiali; concedo consequens. orta à ratione communi; *neg.* consequens.

51 *Instas:* dependentia vnius ab altero, v.g. effectus à causa nequit esse intrinseca rationi communi causæ, & effectui; ergo prædicta dependentia non potest esse causa analogia. *Prob. ant.* si dependentia esset intrinseca rationi, quæ communis est causæ, & effectui, esset intrinseca causæ, & effectui; nam quod convenit superiori, convenit omnibus contentis sub eo; sed dependentia non est intrinseca causæ, & effectui, cum causâ ut talis nullam dependentiam dicat; ergo dependentia non est intrinseca causæ, & effectui.

52 *Neg. antec.* ad prob. *dist. mai.* quod convenit superiori convenit omnibus contentis sub eo, si superius sit vnum simpliciter; concedo *mai.* Si sit vnum secundum quid; *neg. mai.* quia si superius sit vnum secundum quid, includit diuersitatem inferiorum,

& diuorinatio participatur ab eis, quo circa potest rationi communi causæ, & effectui, si sit vna secundum quid, esse intrinseca dependentia, & independentia, quin independentia participetur ab effectui, nec dependentia à causâ participetur; sicut de conceptu entis sunt (ut dicemus infra) modi essendi per se, & in alio, quin modus essendi in alio prædicetur de substantia, nec modus essendi per se de accidenti prædicetur.

53 *Inquires:* Vtrum transcendentia, & dependentia constituât peculiarem speciem analogia distinctam ab analogia proportionalitatis, & proportionalitatis? *Resp.* negativè; non enim sunt species, sed causæ analogia, quæ si proueniat ex transcendentia, est proportionalitatis, cum ratio significata per nomen in omnibus intrinsecè imbibatur; si verò proueniat ex dependentia, aliquando est analogia attributionis, nempe cum ratio significata per nomen ab vno principali intrinsecè, ab alijs verò extrinsecè participatur, ut contingit in hoc analogo *sanum*: aliquando est proportionalitatis, ut cum ab vno principali, & ab alijs intrinsecè participatur ratio significata per nomen, sed deficienter, ut contingit in hoc analogo *ens*, cuius conceptum obiectivum intrinsecè, sed deficienter participant substantia, & nouem genera accidentium.

ARTIC. V.

*Utrum ratio communis entis realis
transcendat quascunque
differentias?*

54 **P**remittere oportet quid sit ens, & quid sit transcendere. Ens dicitur dupliciter, participialiter, & nominaliter: ens participialiter sumptum est, quod significatur per participium verbi *sum, es, fui*; & est idem ac *existens*; nominaliter dictum est idem, ac *non repugnans, possibile, seu aptum ad realiter existendum*.

55 *Rationem* aliquam transcendere differentias est ita includi in differentiis, ut per illam in recto possint quidditatiue diffiniri; ad hoc autem minimè requiritur, quod si vnum concipitur expresse, eadem expressione concipiatur alterum, sed sufficit quod conceptus obiecti vus vnus non possit adæquatè diffiniri sine altero. Procedit difficultas præsens de ente nominaliter dicto; utrum, scilicet transcendat differentias, ita ut quælibet formaliter, & præcisiuè sumpta sit ens reale.

§. I.

Vnica conclusio.

56 **R**atio communis entis realis transcendit quascunque inferiorum differentias. Ita omnes Thomistæ; quibus consentiunt

Suarez, Vazquez, Hurtado, Iellez, Alphonsius, & plures alij, contra Scotum, Merinero, Lycherū, Arriaga, Izquierdo, P. Lince, & Quirós.

57 *Primum* sententiæ nostræ fundamentum est authoritas Angelici Præceptoris, qui q. 1. de verit. artic. 1. ait: *Enti nihil potest addi extraneum per modum, quod differentia additur generi, vel accidens subiecto; quia qualibet natura essentialiter est ens: ergo ex D. Th. ens includitur essentialiter in quacunque differentia*. Id ipsum docuit 1. 2. quæst. 94. art. 2. dicens: *Illud quod primò cadit in apprehensione est ens, cuius intellectus includitur in omnibus quacunque quis apprehendit*. Videatur præterea in 1. dist. 22. quæst. 1. art. 3. ad 2. & 8. Met. text. 16. lect. vltim.

58 *Prima conclusionis ratio* sic instruitur: ens reale transcendit ea, quæ formaliter sunt entia; sed differentia omnes sunt formaliter entia: ergo transcendit omnes differentias. Prob. min. Rationalitas, v. g. formaliter considerata, hoc est, ut præcisa ab animali, est possibilis: ergo est ens. Patet conseq. nam possibile, seu potens existere, & ens sunt formaliter idem: ergo si rationalitas formaliter est possibilis, formaliter est ens. Antec. verò prob. possibile est quod excludit suum contradictorium; sed rationalitas formaliter excludit suum contradictorium, nempe non rationalitatem: ergo formaliter est pos-

possibilis. Mai. solum eget explanatione: nam possibile est, quod sine contradictione potest existere; sed existere sine contradictione est existere excluso contradictorio: ergo possibile est quod excludit suum contradictorium; id est, ex cuius existentia sequitur exclusio proprii contradictorii.

59 *Dicitur*: rationalitatem non esse formaliter possibilem, nec impossibilem, sed ab utroque præscindere; nec formaliter excludere suum contradictorium, nempe non rationalitatem; quia formaliter sumpta præscinditur à prædicatis, per quæ non diffinitur, & non diffinitur per possibile, nec per impossibile, nec per oppositionem cum suo contradictorio, sed per talitatem, aut determinationem animalis ad hominem.

60 *Sed contra* 1. Animal formaliter excludit non animal: ergo rationalitas formaliter excludit non rationalitatem. Antec. admittitur à contrariis, & merito; quia quod non excludit suum contradictorium non est possibile, est enim repugnans id, quod contradictorium sui secum comparitur; at animal formaliter est possibile, cum sit formaliter ens: ergo excludit formaliter suum contradictorium, nempe non animal.

Consequentia verò prob. Tum quia ita opponitur rationale non rationali, ac animal non animali. Tum quia animal non diffinitur

per exclusionem non animalis, sed per viuens sensibile; nec ens diffinitur per recessum à nihilo, sed per potens existere; & tamen animal, & ens formaliter excludunt non animal, & nihil: ergo etsi rationalitas non diffiniatur per exclusionem non rationalis, sed per talitatem, aut determinationem, cum quia animal constituit hominem, poterit formaliter excludere non rationalitatem. Tum etiam, quia animal, & ens ideo formaliter excludunt non animal, & nihil; quia cum illa diffinitio *viuens sensibile* sit inadæquata, & similiter illa *potens existere*, restant alia prædicata quidditativa, per quæ possit animal, & ens iterum inadæquate diffiniri, inter quæ una est esse exclusivum proprii contradictorii; sed hæc ratio, se tota, militat in rationalitate: ergo rationalitas formaliter excludit non rationalitatem.

61 *Contra* 2. Rationalitas formaliter est vera rationalitas: ergo possibilis. Prob. antec. Est rationalitas potius quam non rationalitas: ergo est vera rationalitas. Pater consequ. Nam rationalitas abstrahens à vera, & falsa non est potius rationalitas, quam non rationalitas. Antec. verò prob. Rationalitas formaliter, est rationalitas potius quam inanimabilis: ergo à fortiori est formaliter rationalitas potius quam non rationalitas.

62 *Contra* 3. Rationalitas formaliter

maliter sumpta non præscinditur à possibili, & impossibili: ergo determinatè est possibilis. Probo antec. Tum quia rationalitas formaliter, est determinatio animalis ad hominem; sed repugnat ex terminis, determinatione animalis ad hominem esse impossibilem, cum repugnet requisitum ad aliquid possibile esse impossibile: ergo rationalitas formaliter, non præscinditur, sed determinatè excludit impossibilitatem sui. Tum quia formalitati, quæ præscinditur à duobus, non repugnat formaliter coniungi cum utroque; nam si id repugnaret, vnum saltem ex illis excluderet determinatè, ac subindè cum altero determinatè coniungeretur; sed rationalitati formaliter sumptæ repugnat coniungi cum impossibili, quia rationalitas impossibilis non est talitas animalis, ac subindè non est rationalitas: ergo formaliter sumpta non præscinditur à possibili, & impossibili, sed coniungitur cum possibili.

63 *Confirm.* Differentia chymicæ determinatè est impossibilis, cum ratione illius ipsa chymicæ sit impossibilis: ergo differentia entis realis determinatè est possibilis, cum ratione illius quodlibet ens reale sit possibile. *Progetur:* homo per rationalitatem distinguitur ab omni eo, quod non est homo: ergo per rationalitatem distinguitur homo ab impossibili: ergo rationalitas formaliter est possibilis.

64 *Si dicat:* rationalitatem, & aliam quamcumque differentiam esse possibilem ut *quod*, non tamen ut *quod*; quia licet sit constitutiva possibilis, & id, quo ens excludit non ens, non tamen ipsa est in se formaliter possibilis, nec ipsa in se est quod excludit formaliter non ens.

65 *Contra:* Ex duplici conceptu, quorum neuter est formaliter possibilis, nequit resultare tertium, quod sit formaliter possibile: ergo si nec ens, nec talitas, aut determinatio illius ad reale prædicto sunt formaliter possibilia, nequit ex illis resultare ens reale, quod sit formaliter possibile: ergo si nec ens, nec prædicta determinatio sunt possibilia ut *quod*; nec ut *quod* erit possibile aliquod eorum.

66 *Contra 2.* Differentia, iuxta solutionem, est formaliter possibilis ut *quod*, id est, constitutiva possibilis: ergo formaliter pugnat cum eo, quod sit impossibilis ut *quod*. Patet consequ. Nam quod est impossibile ut *quod* nequit esse constitutum possibile: sed si differentia formaliter sumpta est constitutiva possibilis, pugnat formaliter cum eo, quod non sit constitutiva possibilis: ergo formaliter sumpta pugnat cum eo, quod sit impossibilis ut *quod*. Tunc sic: sed quod pugnat cum eo, quod sit impossibile ut *quod*, non præscinditur à possibili, & impossibili, sed determinatè est ut *quod* possibile; alias non pugnaret cum

esse vt *quod* impossibile: ergo falsum est, quod differentia ratione sui, & formaliter sumpta præscindatur à possibili, & impossibili.

67 *Probatur* 2. conclusio, & præcedens ratio magis roboratur. Intelligibile transcendit differentias inferiorum: ergo, & ens. Patet consequ. & antec. prob. quæcūque inferiorum differentia formaliter, & vt præcisa à ratione communi, quam determinat, est intelligibilis; immò de facto intelligitur, cum per eam species definiatur: ergo. *Confirm.* 1. Talitas intelligibilis est intelligibilis: ergo talitas entis est ens. Antec. patet; nam cum voces sint signa conceptuum, quidquid est nominabile est intelligibile; sed talitas intelligibilis vt *quod*, & vt præcisa ab intelligibili, est nominabilis: ergo prout sic est intelligibilis. Consequ. verò prob. nam sicut talitas entis superadditur per rationē enti, ita talitas intelligibilis superadditur per rationem intelligibili; hoc non obstante, talitas intelligibilis est intelligibilis: ergo hoc non obstante, talitas, aut determinatio entis est ens. *Confirm.* 2. Talitas differentię est differentia: ergo ratio communis differentię transcendit suas differentias. Cū ergo ens differentias eius non transceder?

68 *Denique* probatur conclusio contra Scotum; qui ex eo putat differentias entis non esse formaliter entia, quia differentia est præcisa ratio distinguēdi ab alijs,

quæ subindè nihil includit, quod sit ratio conueniendi cum illis, cum sit simplex conceptus, non compositus ex ratione conueniēdi, & differendi. Vltimæ differentię, quantumuis simplices conueniunt in ratione vltimæ differentię; conueniunt in ratione entis *quale*, siue entis adiectiue, vt Scotus loquitur, cum quælibet earum sit ens quale, vel ens adiectiue; conueniunt præterea in ratione intelligibilis: ergo non obstante earum simplicitate, includunt prædicatum illis commune; conuenientia quippè inferiorum in aliquo prædicato sufficiens fundamentum est, vt illud possit præcindi, & concipi commune ad illa: ergo pariter possunt differentię conuenire in ente, & illud per modum transcendentis formaliter includere.

69 *Colliges ex dictis*, differentias esse formaliter ens *quale*, & ens *quid*, hoc est, ens adiectiue, & ens substantiue: nam ens *quale*, aut adiectiue est determinatio entis, ac subindè includit ens in obliquo. Ens *quid*, seu substantiue, est, quod potest realiter existere, ac subindè est ens in recto; atqui probatum est, differentias formaliter nedum esse determinaciones entis, sed per se ipsas esse possibiles, ac per consequens aptas ad realiter existendum: ergo differentię formaliter sunt, nedum ens *quale*, & adiectiue, sed ens *quid*, & substantiue.

70 *Colliges* 2. Ens a differentiis non distingui formaliter, hoc est, per exclusionem vnius conceptus ab alio, vt distinguuntur animal, & rationale; sed tantum distingui penes implicitum, & explicitum, ea nimirum distinctione, qua inter se distinguuntur diffinitio, & diffinitum, eas, & illius attributa, verum scilicet, & bonum cum reliquis entis proprietatibus.

§. II.

Obiectionibus satisfit.

71 **O** *Bijcies* 1. Per ultimam differentiam hominis homo præcisè differt ab alijs: ergo non includit aliquid, in quo conuenit cum illis. Prob. antec. Si in vltima differentia hominis conueniret homo cum alijs, non distingueret hominem ab alijs per se ipsam, sed per aliam superadditam; at distinguit hominem ab alijs per se ipsam: ergo per eam non conuenit homo cum alijs, sed præcisè differt ab illis. Prob. mai. nam animal eo indiget differentia superaddita, vt hominem distinguat ab alijs, quia in animali homo conuenit cum alijs: ergo.

72 *Confirmat.* Vltima differentia non componitur ex conceptu communi, & differentiali; aliàs non esset vltima, cum restaret distinctio facienda per conceptum differentialem illam compo-

nentem, & daretur processus in infinitum, quia differentia non esset simplex conceptus, sed resolvable in duos, ex quibus conceptus ille differentialis pari ratione deberet componi ex conceptu communi, & differentiali: ergo vltima differentia non includit conceptum communem entis, sed est præcisè conceptus differentialis.

73 *Nego antec.* ad probat. dist. mai. Si in vltima differentia hominis conueniret homo vniuocè cum alijs, illa non distingueret hominem ab alijs per se ipsam: conced. mai. Si conueniret analogicè: neg. mai. animal enim eo indiget differentia superaddita, quia in animali conuenit homo cum equo vniuocè; conuenientia quippè vniuoca est conuenientia sine diuersitate, cum sit conuenientia identitatis obiectiue; quare id, in quo inferiora conueniunt vniuocè, nequit per se ipsum illa distinguere: at conuenientia analogica, cum sit conuenientia proportionis, est conuenientia cum diuersitate, quare differentia quæ per se ipsam diuersificat inferiora, potest includere prædicatum, in quo analogicam habeant conuenientiam.

74 *Ad confirm.* disting. antec. Differentia non componitur ex conceptu communi vniuoco; & differentiali: conced. antec. analogo: neg. antec. Conceptus vniuocus, & differentialis faciant com-

positionem, cum vnus sit extra alium; conceptus verò analogus, & differentialis compositionem non faciunt, quia cum vnus alterum transcendat, vnus non est extra alium; quare ex entis transcendentia, nec sequitur differentiam ultimam indigere vteriori differentia, nec dari in differentijs processum in infinitum; idem enim conceptus rationalis est ens, in quo conuenit cum alijs entibus, & est rationale, in quo differt ab his, quæ non sunt rationalia; sicut in opposita sententia, idem conceptus talis differentia est differentia, in quo conuenit cum alijs differentijs, & est talis differentia, per quod differt ab his, quæ non sunt talis differentia.

75 *Obijc. 1.* Ratio communis non includitur in ratione determinante, vt patet in animali, quod non includitur in rationali; sed ratio communis entis determinatur per differentias, v. gr. per esse per se, & esse in alio, ad substantiam, & accidens: ergo non includitur in differentijs ratio communis entis.

76 *Distin. mai.* Ratio communis non includitur in ratione determinante, si determinatio fiat per veram, & propriam contractionem, conced. mai. si fiat per maiorem eiusdem expressionem, neg. mai. Solum vera contractio est determinationis communis facta per conceptum eidem

superadditum, & metaphysicè extraneum ab essentia ipsius; hoc modo determinantur rationes vniuocè communes, & idcirco non includuntur quidditatiuè in ratione determinante: prædicta verò analogia, cum diuersitatem inferiorum actu includant, non determinantur per additionem conceptus obiectiui, sed per conceptum obiectiuum exprimentem magis id, quod implicite, sed actu continebat ratio communis; quare non inconuenit, superiora analogia includi quidditatiuè in ratione determinante.

77 *Si infles:* rationalitas propriè contrahit rationem animalis: ergo propriè contrahit ens, quia ens est de ratione animalis. *Distin. conseq.* Rationalitas contrahit propriè ens determinatum ad animal, conced. conseq. ens absolute sumptum, neg. conseq. Quia cum ens determinatum ad animal sit vniuocum, ac proinde extra conceptum differentia; propriè contrahitur per eam; ens verò absolute sumptum, cum sit analogum, solum potest determinari per differentias, quas actu includit, quo circa propriè contrahi non potest, sed determinari per maiorem earundem expressionem.

78 *Obijc. 3.* Perfectas, quæ est differentia entis non diffinitur per ens: ergo ens non transcendit differentias. Prob. ant. perfectas est

est conceptus adueniens, & superadditus enti; sed nihil diffinitur per id, quod aduenit: ergo. *Confirma.* perfectitas non diffinitur per solum ens: ergo diffinitur per ens, & aliquid aliud; sed hoc aliud solum potest esse differentia entis: ergo differentia entis non est ens, sed aliquid aliud.

79 *Neg. antec.* ad probat. dist. antec. perfectitas est conceptus superadditus enti, quoad explicitum: conc. ant. quoad implicitum: neg. antec. est enim perfectitas maior explicatio entis, cum quo stat optime, eam non distinguere formaliter ab ente, sicut animal rationale est maior hominis expressio, cum quo comparitur, illud ab homine, nec realiter, nec formaliter distinguere.

80 *Ad confirm. dist. consequens* diffinitur perfectitas per aliquid aliud quoad modum explicandi: conced. consequ. per aliquid aliud formaliter: neg. consequ. Id enim, quod est aliud ab ente quoad modum explicandi, potest esse idem formaliter cum ente; ex his enim, quæ differunt penes implicitum, & explicitum, potest vnum esse de alterius diffinitione, ut patet in quocumque diffinito, & eius diffinitione; nec putes diffinitionem, & diffinitum in omnibus parificari enti, & differentiis; disident, & sanè, in eo quod diffinitio exprimit totam confusionem diffiniti, differentia verò non est expressio totius entis, sed entis inadæquatè sumpti, idest partis;

quæ actu inclusa, seu in distincta, cum reliquis latebat in ente. Tenet ergo exemplum quoad modum distinctionis; nam sicut diffinitio non addit aliquid extraneum diffinito, sed est expressio omnium, quæ actu latebant in illius quidditate; ita differentia nihil extraneum ab ente enti superaddunt, sed exprimiunt partem illius, quod erat inclusum in entis quidditate.

81 *Si dicar.* Rationalitas diffinitur, principium discurrendi, ubi nulla entis fit mentio: ergo non diffinitur per ens. *Dist. consequ.* non diffinitur per ens, ut per predicatum speciale: conced. consequ. ut per predicatum quidditatiuè inclusum in ipsa diffinitione: neg. consequ. Nam sicut animal diffinitur per ens, quia diffinitur per viuens, & substantiam, de quorū quidditate est ens; ita rationale diffinitur per ens, quia diffinitur per principium, talitatem, aut determinationem, de quorum quidditate est ens.

82 *Obijcies* 4. Modus non est formaliter ipsa res, sed determinatio rei; at perfectitas est modus entis: ergo non est formaliter ens, sed entis determinatio. *Dist. mai.* modus, qui tantum distinguitur à re, ut maior expressio ipsius, non est formaliter ipsa res: neg. mai. modus, qui plusquam per modum expressionis distinguitur à re: conced. mai. at perfectitas ut maior expressio entis distinguitur ab ente; quo circa formalissimè est ens, tametsi sit modus entis.

83 *Obijcies* 5. Quicquid est formaliter ens causatur à Deo; sed malitia peccati non causatur à Deo: ergo malitia peccati non est formaliter ens: ergo aliquod inferius ente non est formaliter ens, nec transcenditur ab ente. *Diff. mai.* quicquid est formaliter ens, quoad expressiones non dicentes deformitatem, causatur à Deo: conced. mai. quoad expressiones dicentes deformitatem: neg. mai. Quare licet malitia peccati sit formaliter ens, causatur à Deo ut entitas, ut libera, & ut vitalis, quia in his expressionibus nulla relucet deformitas; non tamen causatur quoad expressionem malitiæ, quia in ea deformitas explicata importatur.

84 *Obijcies* 6. Per ultimam differentiam equus est magis dissimilis homini, quam Petrus Paulo: ergo est summè dissimilis, ac subindè nullatenus ei similis: ergo cum homine per ultimam differentiam non convenit equus in ente. Prob. conseq. nihil est magis simile, quam id quod secundum omnes formalitates est simile: ergo si Petrus est magis dissimilis Paulo, quam equus homini, equus non est similis homini secundum omnes formalitates: ergo ultimò deveniendum est ad aliquam, in qua differat, & nullo modo sit similis homini: ergo per ultimam differentiam est equus summè dissimilis homini.

85 *Neg. conseq. ad prob. diff.*

mai. nihil est magis simile *extensivè*: conc. mai. *intensivè*: neg. mai. Similius enim est alteri, quod in tribus convenit cum altero, in duobus simpliciter, & in tertio secundum quid, quam id, quod in tribus convenit cum altero, in uno simpliciter, & in duobus secundum quid; Petrus ergo similior est Paulo, quam equus homini, quia Petrus convenit cum Paulo in genere, differentia, & hæcceitate, sed in genere, & differentia simpliciter, & hæcceitate secundum quid; equus vero convenit cum homine in genere, differentia, & hæcceitate, sed in hæcceitate, & differentia specifica secundum quid, & in solo genere simpliciter.

86 *Denique obijcies*. Animal, & rationale distinguuntur penès excludens, & exclusum, quia dicunt habitudinem ad distincta connotata, scilicet ad sensationem, & discursum; sed ens, & rationale dicunt habitudinem ad diversa connotata, nimirum ad existentiam, & ad discursum: ergo datur sufficiens fundamentum ad prædictam distinctionem excludentis, & exclusi inter ens, & rationale.

87 *Diff. mai.* ideo præcisè: neg. mai. ideo, & quia habitudo ad unum connotatum non est de conceptu habitudinis ad alterum: conced. mai. quare distinguuntur formaliter animal. & rationale, quia habitudo ad discursum non est de quidditate habitudinis ad sensationem.

tionem: ens autem, & rationale non distinguuntur formaliter, quia de conceptu habitudinis ad discursum est habitudo ad existentiam; habitudo quippe rationalis ad discursum formaliter est vera, possibilis, & distincta à nihilo, ac subinde potens existere; quod est habitudinem ad discursum includere formaliter ordinem ad existentiam.

ART. VI.

Utrum ens reale sit analogum ad Deum, & creaturas, necnon ad substantiam, & accidens, & qua analogia?

88 **S**upponit titulus, ens diuidi in reale, & rationale; & posse rursus ens reale subdividi. *Primò*, in completum, & incompletum, id est, in ens quod directe ponitur in predicamento, ut homo, & albedo, & in ens quod reductiue in predicamento ponitur, ut differentie, partes phisicæ, & modi. *Secundò*, in creatum, & increatum, id est, in Deum, & creaturas. *Tertiò*, in ens per se, & in alio, hoc est, in substantiam, & accidens.

89 *Supponimus* 2. Ens non esse purè æquiuocum respectu suorum inferiorum; nam omnia participant aliquid aliud præter nomen, nempe vel rationem entis, vel similitudinem entis, aut proportionem cum ente.

90 *Supponimus* 3. Ens non dici

æquiuocè de ente reali, & ente rationis; nam ens rationis, nec intrinsecè, nec simpliciter participat rationem entis, sed tantum secundum quid; unde sicut homo non est uniuocè communis uiuo, & picto, ita nec ens est uniuocè commune enti reali, entique rationis.

§. I.

Prima conclusio.

91 **E**ns reale ut abstrahit à completo, & incompleto non dicitur uniuocè, sed analogicè de Deo, & creaturis. Ita omnes Thomistæ; & insuper Suarez, Vazquez, Hurtado, Tellez, Conimbric. Alphons. Contra Scotum, Nominales, Arriaga, Oviedo, & Lince.

92 *Probatur primò ex D. Th.* qui 1. contra gent. cap. 32. ait: *Relinquitur ergo, nihil de Deo, & rebus alijs uniuocè predicari.* Videatur etiam 1. p. q. 13. artic. 5. & 3. Metaph. lect. 8.

93 *Secundò prob. ratione*, quæ supposita transcendentia entis in ultimis differentijs, efficaciter suadet hanc sententiam: Ratio, in qua non conueniunt simpliciter inferiora, non est simpliciter eadem; sed in ente non conueniunt simpliciter Deus, & creatura: ergo ratio entis non est simpliciter eadem respectu Dei, & creaturæ. Prob. min. Deus, & creatura differunt per rationem

entis, cum differentia Dei à creatura formaliter sit ens: ergo Deus, & creatura non conueniunt simpliciter in ente.

94. *Confirm. 1.* Vnum est indiuisum in se; sed ratio entis non est simpliciter indiuisa in se: ergo non est simpliciter vna. Prob. min. Ratio entis est essentialiter multiplex: ergo non est simpliciter indiuisa. Prob. ant. Est multiplex per se ipsam, cum non sit multiplex per aliquid, quod non sit formaliter ens: ergo essentialiter est multiplex.

95. *Confirm. 1.* Ratio communis, de cuius essentia sunt differentiae, est partim eadem, & partim diuersa; sed de essentia entis sunt differentiae; ergo ratio entis est partim eadem, & partim diuersa. Mai. est certa, quia cum diuersitas sit effectus formalis differentiae, essentialiter est diuersa ratio communis de cuius essentia sunt differentiae. Min. verò prob. Tum quia ideo animal hominis, & animal equi sunt de essentia animalis in communi, quia animal hominis formaliter est animal; & animal equi formaliter est animal; sed differentiae sunt formaliter entia: ergo sunt de essentia entis. Tum quia de essentia entis sunt quaecumque non addunt aliquid supra ens; sed differentiae nihil addunt supra ens, quia nihil addunt quod non sit formaliter ens: ergo sunt de essentia entis.

96. *Secundo prob. conclusio.* Ratio significata per hoc nomen *ens*

inuenitur cum diuersitate, nec dum physica, & orta à differentiis, sed logica, & orta à ratione ab eis praecisa, in Deo, & creaturis: ergo est analogica. Prob. anteced. Ratio significata per hoc nomen *albus* inuenitur cum diuersitate logica in homine albo secundum se totum, & in Aethiope albo tantum secundum dentes: ergo ratio significata per hoc nomen *ens* inuenitur cum diuersitate logica in Deo, & creaturis. Antec. videtur certum; nam homo secundum se totum albus est albus simpliciter, Aethiops autem est albus secundum quid. Conseq. verò prob. Ideo album descendit cum diuersitate logica ad predicata inferiora, quia ratio albi significata per hoc nomen *albus* reperitur totaliter in vno, & limitate, siue ex parte in altero; sed *esse*, quod est ratio significata per hoc nomen *ens*, inuenitur plene, & totaliter in Deo, est enim Deus plenitudo essendi; & limitate, seu ex parte in creaturis: ergo ratio significata per *ens* inuenitur cum diuersitate logica in creaturis.

97. *Tertio prob. conclusio.* Si ens esset vniuocum ad Deum, & creaturas, esset genus ad illa: consequens est falsum: ergo. Prob. min. Tum quia si ens esset genus, Deus componeretur ex genere, & differentia, quod est impossibile, cum summa Dei actualitas generis potentialitatem excludat. Tum quia si ens esset genus ad Deum,

Deum, & creaturas, daretur genus superius decem prædicamentis, quæ subinde non essent suprema genera; contra Aristotelem, D. Thom. & communem Metaphilicorum sensum: ergo.

98 *Obij. 1.* Mensura debet esse eiusdem rationis cum re, quam mensurat; sed esse Dei est mensura creaturarum: ergo est eiusdem rationis cum illis in essendo: ergo in ratione entis uniuocè conuenit cum illis. *Confirm.* Nihil cognoscitur nisi per aliquod eiusdem rationis cum illo: sed per esse Dei cognoscuntur creaturæ: ergo Deus in essendo est eiusdem rationis cum creaturis.

99 *Dist. mai.* Mensura homogenea, & adæquata debet esse eiusdem rationis cum re mensurata: conced. mai. mensura atherogæna, & excedens; neg. mai. Deus autem non est mensura adæquata cum creaturis, sed excedens illas: quare non debet esse eiusdem rationis cum creaturis. *Ad confirmat.* *Resp.* quod ut vnum per aliud cognoscatur, non requiritur, quod illud sit eiusdem rationis cum re cognita, sed sufficit quod, vel sit eiusdem rationis, vel illam contineat eminenter; ut contingit in Deo, in quo cognoscuntur creaturæ, quia licet non sit eiusdem rationis cum illis, illas per modum causæ continet eminenter.

100 *Obij. 2.* Diuersitas orta ex differentis non obstat uniuocationi; sed tota diuersitas inter

Deum, & creaturas oritur ex differentijs, scilicet ex conceptu finiti, & infiniti: ergo ea non obstat, Deus & creatura conueniunt uniuocè. *Dist. mai.* Diuersitas orta ex differentijs acta inclusis in ratione communi non obstat uniuocationi: neg. mai. Diuersitas orta ex differentijs superadditis rationi communi: conced. mai. Cæterum differentiarum, quibus Deus, & creatura distinguuntur, non sunt superadditæ enti, cum sint formaliter entia; unde diuersitas ex illis orta impedit uniuocationem entis.

§. II.

Secunda conclusio.

101 **E**ns est abstractum à completo, & incompleto non est uniuocum respectu substantiæ, & accidentis. Ita D. D. relati pro præcedente, quibus fauet Aristot. 7. Metaph. text. 15. ibi: *Ens neque æquiuocè dicitur, neque eodem modo.* Necnon D. Thomas locis suprà citatis.

102 *Et prob. 1. ex dictis;* nam transcendentia alicuius rationis communis est sufficiens causa analogiæ; sed ratio communis entis est transcendens respectu substantiæ, & accidentis: ergo est analogæ.

103 *Secundo prob.* Substantia est ens simpliciter, & accidens est ens secundum quid: ergo substantia, & accidens non conueniunt uniuocè.

uniuocè in ratione entis. Prob. ant. Ens est quod potest existerè; sed existerè conuenit simpliciter substantiæ, & accidenti secundum quid: ergo. Prob. min. Substantia existit per se, & accidens in alio; sed existerè solum dicitur simpliciter de his, quæ existunt per se: ergo.

104 *Confirm.* Et simul explicatur hæc ratio: Illud dicitur simpliciter tale, quod nomen ex prima sui institutione significat; unde *Nero* simpliciter est ille, ad quem significandum primo imposita fuit vox *Ner*; sed nomina fuerunt primo imposita ad significandum id, quod est per se tale, ut patet in hoc termino *sanum*, qui ex vi primæ impositionis solum significat animal, quod est per se sanum; reliqua verò, quæ ab alio dicuntur sana, significat per translationem: ergo illud tantum est simpliciter tale, quod est tale per se: ergo solum existit simpliciter quod existit per se. *Denique prob.* hæc conclusio rationibus, quibus probata est prior; nam ferè omnes probant analogiam entis ad accidens, & substantiam.

105 *Obijcies* 1. accidens in ratione entis non dependet à substantia: ergo conuenit uniuocè cum illa. Prob. ant. quod conuenit accidenti in quantum ens, conuenit omni enti; sed non omne ens dependet à substantia, nam substantia ab ea non dependet: ergo accidens in quantum ens non

dependet à substantia.

106 *In primis dato antecedenti, neg. conseq.* quia seclusa dependentia accidentis à substantia, sola transcendentia entis sufficit, ut accidens, & substantia non uniuocentur in ente. *Secundò. Resp. neg.* antec. ad probat. dist. mai. Si quod conuenit accidenti in quantum ens, sit de conceptu explicito entis, conuenit omni enti: conc. mai. si sit de conceptu implicito entis: neg. mai. Cum enim iuxta sæpè dicta, differentiarum inferiorum continentur actu in ente, seu implicitè, dependentia, & perfectas, quæ sunt differentiarum substantiarum, & accidentis, non explicitè, sed implicitè in ente continentur; quod sufficit ut sint de conceptu entis; non tamen sufficit ut omni enti conueniant; quia cum conceptus entis non sit simpliciter vnus, sed sit etiam multiplex, non requiritur quod omnia, quæ conceptus entis includit, omnibus inferioribus conueniant.

107 *Obijcies* 2. Accidens non est ens metaphoricè, sed verè; verè quippè existit, & causat: ergo est simpliciter ens. *Nego conseq.* quia licet accidens intrinsecè, & verè participet rationem entis, illam non participat simpliciter, ac subindè nec uniuocè.

— — —

§. III.

Tertia conclusio.

108

Ens completum non est
vniuocum ad decem

prædicamenta. Eam tradidit expressè D. Thomas 2. ad Annibaldum, dist. 25. q. 1. artic. 3. dicens; quod quæcumque non conueniunt in uno genere generalissimo non potest de eis aliquid vniuocè dici. Et 8. Metaph. lect. 5. inquit: *Ens non expectat aliquid additum ad hoc ut fiat hoc, idest, substantia, vel quantitas, vel qualitas; ergo modi, per quos contrahitur ens ut sit substantia, quantitas, vel qualitas, &c. non sunt superadditi, nec extra conceptum entis, quod diuiditur in decem prædicamenta; ergo ens quod diuiditur in decem prædicamenta, scilicet ens completum non est vniuocum; ratio quippe communis, cui non superadduntur inferiorum differentiæ, includit eas ac subindè non est vniuoca. Id ipsum reperit S. D. in 1. dist. 22. q. 1. art. 3. ad 2. Et in dist. 19. q. 5. art. 2. & 4. Metaph. lect. 1.*

109 *Ratio conclusiouis est: quod non est simpliciter ens, non est simpliciter vnum in ratione entis completi cum substantia completa; sed accidens etiam completum non est simpliciter ens; ergo non est simpliciter vnum in ratione entis completi cum substantia completa: ergo inferiora entis completi, nempe substantia*

completa, & accidens completum non conueniunt vniuocè in ratione entis completi: ergo nec ens completum est vniuocum ad illa. Mai. patet; nam quod non est simpliciter ens, non est simpliciter ens completum; sicut quod non est simpliciter homo, non est simpliciter homo perfectus; sed quod non est simpliciter ens completum, non est simpliciter vnum cum substantia completa in ratione entis completi; cum substantia completa simpliciter sit ens completum: ergo. Minor vero prob. accidens completum nõ est ens per se: ergo non est ens simpliciter. Prob. conseq. illud est simpliciter tale, quod nomen ex vi suæ institutionis primò significat; sed nomen quodlibet, & proinde nomen *ens* ex vi suæ institutionis primario significat ens per se: ergo solum ens per se est ens simpliciter.

110 *Confirm. Nec album ut tale, nec albedo est ens simpliciter: ergo accidens completum, nec in concreto, nec in abstracto est ens simpliciter. Prob. ant. quoad primam partem: esse album non est esse simpliciter, sed est esse secundum quid: ergo album ut tale nõ est ens simpliciter; ens enim constituitur per esse. Quoad secundam verò partem patet anteced. Tum quia albedo est esse albi, ut albi; sed esse albi, ut albi non est esse simpliciter: ergo. Tum quia albedo, licet respectiue ad differentiam, & ad modos v. g. intensiõis, &*

in-

inhærentiæ sit ens completum, simpliciter non est ens completum; sed ens, quod non est completum non est simpliciter ens: ergo albedo non est simpliciter ens. Maior est certa; quia albedo est forma constituens album, ac subinde pars ipsius: ergo non est simpliciter ens completum. Minor verò prob. quia partes non recipiunt simpliciter denominationem totius, unde pars domus non est simpliciter domus: ergo.

111 *Confirm. 2.* Esse simpliciter est esse absolute; sed esse album non est esse absolute: ergo non est esse simpliciter. Prob. min. quod incipit esse album, non incipit esse; nec quod desinit esse album, desinit esse: ergo esse album non est esse absolute; esse namque absolute nihil aliud est, quam esse sine addito, vel esse nudè prolatum.

112 *Ex his denique prob. conclusio:* Vnitas proportionalis non est vnitas simpliciter; sed substantia, & accidens sunt tantum vnum proportionaliter: ergo non sunt vnum simpliciter. Maior est certa; quia proportionalitas includit diuersitatem, cum enim inter quatuor terminos versetur, & consistat in eo, quod *A.* se habet ad *B.* sicut *C.* ad *D.* non præscinditur perfecte à differentiis, nec importat naturam communem extremis, sed conuenientiam eorum in modo se habendi ad proprios terminos. *Min. verò prob.* Nā substantia est ens simpliciter, &

accidens est ens secundum quid: ergo solum sunt proportionaliter vnum. *Prob. conseq.* Nam, ea, quorum vnum est tale simpliciter, & alterum tale secundum quid non habent vnā naturam communem, sed conueniunt in modo se habendi ad sibi propria; homo enim viuus, & pictus naturam communem hominis minimè participant, sed conueniunt in eo; quod sicut homo viuus constat ex veris membris, sic pictus ex apparentibus: ergo substantia, & accidens tantum sunt vnum proportionaliter.

113 *Obijctes 1.* Ratio entis completi præscinditur perfecte à modis, quibus distinguuntur prædicamenta: ergo est ratio vniuoca. *Prob. antec.* Hæ prædicationes sunt veræ: *Substantia est ens completum; quantitas est ens completum;* sed veræ non essent, si ratio entis completi à prædictis modis non præscinderetur: ergo. *Prob. min.* Ideo *Populus* nequit de quolibet Ciue seorsim prædicari, quia non præscinditur ab eorum diuersitate: ergo si ratio entis completi non præscinderetur ab inferiorum diuersitate, de illis non posset prædicari.

114 *Neg. antec.* ad prob. neg. min. ad cuius prob. disting. antec. Ideo præcisè *populus* nequit de quolibet prædicari, quia non præscinditur perfecte ab eorum diuersitate: *neg. ant.* quia nec perfecte, nec imperfecte præscinditur ab eorum diuersitate: conc. ant. Cæterum

rūm ens completum præscinditur saltem imperfectè à substantia, & quantitate; quo circa potest de eis seorsim prædicari; etenim populus explicitè importat conuictum polyticum, qui vni seorsim à reliquis nequit conuenire; ens verò dicit explicitè esse, in quo omnia proportionantur; & esse, in quo omnia proportionantur, cuiuslibet eorum seorsim potest conuenire: quare potest ens completum ab inferioribus præscindi, modo quo nequit à Ciuium pluralitate Populus præscindi.

115 *Obijcies 2.* Causæ analogiæ sunt transcendentes, & dependentiæ; sed ens completum non est transcendens, cum differentiæ nō sint formaliter entia completa, nec vnum ens completum dependeat ab alio: ergo. *Neg. min. pro secunda parte;* quia accidens completum, cum sit entis ens, dependet à substantia in ratione entis, & licet accidens completum ab altero accidenti completo non dependeat, cōuenit analogicè cum illo propter diuersum modum respiciendi substantiam, à qua vtrumque dependet; sicut in ratione sanī analogantur vrina, & medicina, propter dependentiam in ratione sanī non vniūs ab altero, sed vtriusque à sanitate animalis, quam diuerso modo respiciunt.

116 *Obijcies 3.* Ens completum prædicatur vniuocè de Petro, & Paulo: ergo de substantia, & accidente. *Neg. conseq.* quia nec ens completum est transcendens res-

pectu Petri, & Pauli, nec in ratione entis completi dependet vnus ab altero, aut vterque ab vnoterrio; at licet ens completum non sit transcendens respectu prædicamentorum, vnum tamen in ratione entis completi pendet ab alio, vt accidens à substantia, vel vtrumque ab vnoterrio, vt à substantia quantitas, & relatio.

§. IV.

Quarta conclusio.

117 **E**ns est analogum ad Deum, & creaturas, ad substantiam, & accidens vtriusque analogia, nempe proportionalitatis, & attributionis. Prima pars probatur. Analogia proportionalitatis inuenitur inter ea, in quibus ratio significata per nomen intrinsecè reperitur; sed ratio significata per hoc nomen ens intrinsecè reperitur in Deo, & creaturis, necnon in substantia, & accidenti: ergo.

118 *Secundò prob.* Ratio significata per hoc nomen ens non est aliqua natura communis omnibus, sed est modus ille se habendi ad proprium esse, in quo omnia proportionantur, vt patet ex dictis: ergo ratio significata per nomen est proportionaliter eadem: ergo ens est analogum proportionalitatis. Patet conseq. à diffinitione ad diffinitum.

119 *Est obijcias 1.* Non sunt analogia proportionalitatis ea, quorum

rum vnum intrat in alterius diffinitionem, vt constat ex eorum conditionibus; sed Deus intrat in diffinitionem creaturæ: ergo. *Diff. min.* Deus intrat in diffinitionem adequatam, & comprehensiuam creaturæ: conced. min. in inadæquatam, & metaphisicam: neg. min. Homo enim diffinitur metaphisicè per solum animal rationale; quare inter Deum, & creaturam adest prædicta analogia; quia hæc solum petit quod vnum possit sine altero inadæquatè diffiniri, ad differentiam analogorum attributionis, ex quibus analogata minus principalia vt talia, nec inadæquatè possunt independentè ab altero diffiniri; medicina quippè vt sana, nullo modo potest nisi per ordinem ad sanitatem diffiniri.

110 *Secunda pars conclusionis* est expressa D. Thom. 4. Metaph. lect. 4. & lib. 11. lect. 3. Vbi analogiam entis respectu substantiæ, & accidentis comparat analogiæ sani dicti de animali, vrina, & medicina.

111 *Et prob.* Nam creaturæ sub aliqua consideratione denominantur extrinsecè entia ab entitate Diuina; (idem suo modo dices de accidente respectu ad substantiam) ergo sub aliqua consideratione ens est analogum attributionis respectu Dei, & creaturarum, respectuque substantiæ, & accidentis. *Prob. antec.* Hoc nomen ens aliquando significat entitatem intrinsecè repertam in so-

lo Deo: sed dum entitas consideratur existens in solo Deo, creaturæ ab illa possunt extrinsecè de denominari entia: ergo creaturæ sub aliqua consideratione possunt denominari extrinsecè entia ab entitate Diuina. *Min. patet:* nam vrina, & medicina denominantur extrinsecè sana à sanitate existente in animali ratione habitudinis, quam per modum signi, & causæ dicunt ad illam; sed creaturæ dicunt habitudinem ad entitatem Diuinam per modum signi, & effectus: ergo possunt denominari extrinsecè entia ab entitate Diuina.

Maior vero prob. Tum ex illo Isaia 40. Omnes gentes quasi non sint, sic sunt coram eo: ergo aliquando esse solum significat esse Dei. Tum quia qui est est nomen proprium Dei, iuxta illud Exodi, qui est misit me ad vos. Tum etiam, quia aliquando, bonum significat solam bonitatem Dei, iuxta illud Lucæ 18. Nemo bonus nisi solus Deus: ergo, & ens potest in aliqua significatione usurpari pro solo Deo.

112 *Confirm.* Licet animal comestibile v.g. Piscis sit intrinsecè sanum; ratione habitudinis ad sanitatem hominis per modum cibi, dicitur ab ea sanus extrinsecè: ergo pariter, licet creaturæ sint intrinsecè ens, poterunt ratione habitudinis per modum signi, aut effectus ad entitatem Dei, denominari ab ea extrinsecè entia. Unde sicut sanitas intrinseca piscis præsuppositiuè se habet, & non for-

formaliter ad denominandū piscem sanum per modum cibi; ita entitas intrinseca creaturæ præsuppositivè se habet, & non formaliter ad denominationem entis fundatam in habitudine creaturæ per modum signi, & effectus ad entitatem Divinam.

123 *Et si obijcias*. Si creatura denominaretur ens ab entitate Divina, diceretur saltem extrinsecè ens per essentiam, sicut à sanitate animalis medicina dicitur sana; consequens est falsum: ergo & illud ex quo sequitur. *Resp. neg. sequelam*; quia sicut medicina denominatur à sanitate animalis sana, non tamen sana intrinsecè, quia hæc denominatio est propria principalis analogati; ita creatura ab entitate Divina denominatur ens; sed non ens per essentiam, quia hæc denominatio indicat modum proprium, quo forma in principali analogato reperitur.

ART. VII.

Utrum detur unus conceptus entis realis perfectè præcisus ab inferioribus?

124 **V**ix præsentī dubitationi locum relinquit tradita doctrina de transcendentia, & analogia entis rectè perpensa: quia tamen aliqui, transcendētia, & analogia entis concessa, contendunt, posse nihilominus præscindi perfectè ens à

suis inferioribus, idcirco cum communi Thomistarum hunc instituimus articulum; pro cuius resolutione.

125 *Notabis* 1. Conceptum entis alium esse formalem, alium obiectivum: *formalis* est imago intention. lis repræsentans in actu secundo rationem entis; *obiectivus* est ratio entis ut cognita, id est, id quod per modum obiecti conceptui formali entis coram respondet.

126 *Notabis* 2. Conceptum aliquem obiectivum dupliciter posse præscindi à suis inferioribus, nempe perfectè, & imperfectè; præscinditur perfectè, quando ita præscinditur, ut inferiora à quibus abstrahitur, actu non includat; imperfectè præscinditur, quando inferiora, à quibus abstrahitur, actu includuntur in ratione communi. Et quidem supponimus dari unum conceptum obiectivum entis imperfectè præcisum à suis inferioribus. Quæ suppositio patet: nam ratio communis pluribus cognita, non cognitis expressè eorum differentiis, est conceptus obiectivus imperfectè præcisus à suis inferioribus; talis est ratio entis: ergo ratio entis est conceptus obiectivus imperfectè præcisus à suis inferioribus. Prob. min. Audito hoc nomine *ens* repræsentatur, & cognoscitur ratio entis; sed audito hoc nomine *ens* repræsentatur, & cognoscitur *esse*, quod est commune omnibus entis inferioribus, non re-

repræsentatis, & cognitis eorum differentijs: ergo. His ita statutis sit.

§. I.

Statuitur conclusio.

127 **N**on datur conceptus obiectivus entis perfectè præcisi à suis inferioribus. Oppositum huius conclusionis, quæ directè resolvitur dubium, tenent omnes, qui vniucationem entis propugnant, quibus adde ex notitis Soto, & Ortiz: nostræ tamen sententiæ communiter subscribunt Thomistæ, necnon Vazquez, Rubio, Alphons. & alij ex alijs familijs.

128 *Probatur ergo* 1. ex sæpè dictis. Nihil præcinditur perfectè ab eo, quod est de essentia illius; quæ ratione nec homo à rationali, nec animal à vivente sensibili possunt perfectè præcindi; sed inferiora, & eorum differentia sunt de essentia entis: ergo nequit ens perfectè præcindi à suis inferioribus. Prob. min. Ens non contrahitur ad inferiora per aliquid sibi superadditum; sed contrahitur ad inferiora per differentias: ergo differentia sunt de essentia entis. Pater hæc consequ. Nam quidquid non est de essentia entis, est extraneum ab ente, & superadditum enti: ergo si differentia non sunt extraneæ, nec enti superadditæ, sunt de essentia entis.

129 *Confirm. 1.* Quælibet dif-

ferentia est formaliter ens: ergo est de conceptu entis saltem inadæquato. Pater consequ. quia implicat quod *A.* sit formaliter *B.* & quod *B.* sit adæquatè extra conceptum *A.* sicut implicat, quod rationale sit formaliter homo, & quod homo non sit formaliter, saltem inadæquatè rationalis; & implicat quod homo sit formaliter animal, & quod animal sit extra essentiam hominis adæquatè sumpti: cuius ratio est, nam si *A.* est formaliter *B.* identificatur formaliter cum *B.* ergo vel cum *B.* adæquatè sumpto, vel cum *B.* inadæquatè sumpto. Si primum: ergo tota essentia *B.* est *A.* Si secundum: ergo *A.* est pars essentia *B.* ergo si differentia quælibet est formaliter ens, quælibet differentia est saltem pars essentia entis; sed nihil potest præcindi à parte sibi essentiali, ut patet in homine, qui nequit à rationali præcindi: ergo nequit ens perfectè præcindi à differentijs.

130 *Confirmatur 2.* Sicut ratio communis non potest perfectè præcindi ab eo, quod est de essentia ipsius, ita nequit præcindi ab eo, de cuius essentia est ipsa ratio communis; sed ens est de essentia cuiuslibet differentia: ergo non potest perfectè præcindi ab illa. Prob. mai. Sicut non potest aliquid separari ab eo, à quo est inseparabile, ita nec potest separari ab eo, quod est inseparabile ab ipso: sed sicut res quælibet est inseparabilis ab eo, quod est de

de essentia ipsius; ita a quolibet re-
to, quod est de essentia ipsius, est
inseparabile: ergo sicut nulla ra-
tio communis potest præcindi
ab eo, quod est de essentia ipsius,
ita nec potest præcindi ab eo, de
cuius essentia est ipsa. Conseq. pa-
tet, nam præcisio est separatio
quædam obiectiua.

131 *Secundò prob. conclusio.* Ens
respectu suorum inferiorum non est
vniuocum: ergo non præcindi-
tur perfecte à differentiis. Prob.
conseq. Quia conceptus perfecte
præcisus à differentiis est omnino
vnus, ac per consequens vniuo-
cus; cum enim tota diuersitas pro-
ueniat à differentiis, conceptus
perfecte præcisus à differentiis,
nullam actum includit diuersitatem,
sed tantum in potentia, quod est
conceptum esse perfecte vnum.
Confirm. Ideo animal est perfecte
vnum, & vniuocum, quia diuersi-
tatem inferiorum non includit
actu, sed in potentia: ergo si ens
non includit actu, sed in potentia
diuersitatem inferiorum, non est
cui non sit vniuocum.

132 *Dices:* Animal esse vniuo-
cum. Tum quia est perfecte præci-
sum à differentiis, & descendit
æqualiter ad inferiora. Tum quia
nec differentie sunt de conceptu
animalis, nec animal est de con-
ceptu illarum. Cæterum ens non
est vniuocum. Tum quia licet sit
perfecte præcisum ab inferiori-
bus descendit inæqualiter, & di-
uersimodè ad illa. Tum quia licet
differentie non sint de conceptu

entis, ipsum tamen ens est de con-
ceptu differentiarum.

133 *Sed contra 1.* Quando ratio
communis non includit actu di-
uersitatem, inæqualis participa-
tio ipsius ab inferioribus non
prouenit ab eo, quod ratio com-
munis actu includit, sed ab eo,
quod continet in potentia, nem-
pe à differentiis; sed inæquali-
tas in participando prædicatum
commune orta à differentiis non
impedit illius vniuocationem:
ergo ex quo ens inæqualiter ad
inferiora descendat, non sequi-
tur quod non sit vniuocum, si
actu diuersitatem inferiorum non
includit.

134 *Nec valet dicere:* quod ens
non includit actu diuersitatem,
exigit tamen descendere cum
præfata diuersitate. *Non quidem
valet;* quia animal, & quæuis ra-
tio generica petit descendere
cum diuersitate ad inferiora; pe-
tit enim contrahi per differen-
tias essentialiter inæquales; & ra-
men quia diuersitatem actu non
continent, veram vniuocatio-
nem non amittunt: ergo ens si
diuersitatem actu non includit,
erit vniuocum, esse cum prædi-
cta diuersitate petat descendere
ad inferiora.

135 *Contra 2.* Si ens est de
conceptu differentiarum, diffe-
rentie sunt de conceptu entis; si-
quidem differentie non sunt ali-
quid extraneum, & superadditum
essentia entis; ac subinde sunt de
essentia entis: ergo si differentie

Ec

non

non sunt de conceptu entis, nec ens de conceptu earum: ergo non est cur contrarij negent ens esse vniuocū, si concedunt illud præscindi perfectè à differentijs.

136 *Denique probatur conclusio.* Tum ex Philosopho 8. Metaph. text. 6. docente: ens immediatè significare substantiam, quantitatem qualitatem, &c. sed si ens significaret conceptum obiectiuum perfectè præcisum, illud, & non inferiora immediatè significaret; sicut hac ratione vox *homo* non significat immediatè Petrum, & Paulum, sed naturam humanam; ergo. Tum ex D. Thoma 8. Metaph. lect. 7. ubi ait: *Quod ens secundum se non expectat aliquid ad hoc, ut sit substantia, quantitas, &c.* ergo ut fiat substantia non expectat rationem constitutiuam substantiæ: ergo ens per seipsum est substantia; ac proinde includit essentialiter modos, quibus inferiora constituuntur: non ergo perfectè præscinditur ab eis.

S. II.

Soluantur obiectiones.

137 **O**biectio 1. Ens præscinditur perfectè ab eo, quod non est de essentia illius; sed differentiæ non sunt de essentia illius: ergo præscinditur perfectè à differentijs. Prob. min. de eo, de quo ens prædicatur, prædicatur quidquid est de essen-

tia entis; itea de aliquo prædicatur ens, de quo non prædicantur differentię: ergo differentię non sunt de essentia illius: prob. min., nam ens prædicatur de substantia, & de substantia non prædicatur esse in alio, quod est differentia entis: ergo.

138 *Confirm. 1.* Substantia est ens: substantia non est aliquid, quod essentialiter est substantia, & accidens: ergo ens non est essentialiter substantia, & accidens: ergo non includit essentialiter inferiora, cum illorum diuersitate.

139 *Confirm. 2.* ex D. Thoma. cap. 1. de ente, & essentia, dicente: *Id, in quod intellectus, resoluit omnes conceptiones est ens: unde oportet, quod omnes aliæ conceptiones se habeant ex additione ad ens: ergo differentię non sunt de conceptu entis.*

140 *Resp. neg. min.* ad probationem disting. mai. de eo, de quo prædicatur ens, prædicatur quidquid est de essentia entis *pro explicito*, conced. mai. quidquid est de essentia entis *pro implicito*, neg. mai. Ens *pro explicito* tantum dicit *esse*, in quo omnia inferiora entis proportionaliter sunt vnum, & hoc prædicatur de substantia, cum dicitur, *substantia est ens*: ens vero *pro implicito*, dicit omnia, quæ formaliter sunt entia, & hæc non prædicantur de substantia.

141 *Ad 1. confirm. dist. consequ.* ergo ens non est aliquid, quod essen-

ten-

Essentialiter explicitè sit substantia, & accidens conced. consequ. non est aliquid, quod essentialiter implicitè, est substantia, & accidens, neg. consequ. ens quippè, ex vi conceptus, qui correspondet huic nomini ens, non exprimit substantiam, & accidens, exprimit tamen esse, quod si exactè velis diffinire, non nisi per substantiam, & accidens poterit exponere. *Ad 2. confir. resp.* D. Thom. ut patet ex locis supra citatis, non intendere, quod differentia addant ad ens conceptum extraneum, sed quod addant ad ens maiorem expressionem.

142 *Dices*: cum prædicatur animal, prædicatur quidquid est de essentia animalitatem implicitè, quàm explicitè: ergo cum prædicatur ens, prædicatur quidquid est de essentia entis tam implicitè, quàm explicitè.

143 *Neg. conseq.* quia animal, cum sit uniuocum, dicit rationem unam simpliciter communem omnibus inferioribus, ac proinde dicit rationem, cui secundum se totam non repugnat enuntiari de quolibet inferiori: inferiora quippè pugnant inter se per differentias, quare cum ratio communis uniuoca nullam actu involuat differentiam, nihil actu includit impediens ipsam identificari cum quolibet inferiori; ens vero, cum sit analogum, dicit rationem partim diuersam, ac subindè constitutam ex ipsiusmet inferiorum differen-

tijs, quo circa nequit secundum se totum de quolibet seorsum affirmari.

Sicut in hac propositione. Pater est Deus, prædicatum non dicitur de subiecto secundum se totum, quia includit formaliter, non solum essentiam, quæ communis est tribus personis, sed relationes, per quas inter se differunt; unde sicut non valet, *Pater est Deus*: ergo *Pater est, Pater, & Filius*, etiam si Pater, & Filius sint de essentia Dei; ita non valet: *substantia est ens*: ergo *substantia est substantia, & accidens*, etiam si substantia, & accidens sint de conceptu entis. Discriminantur ergo uniuoca, & analogia in eo, quod uniuoca prædicantur adæquatè de suis inferioribus, ac subindè prædicant quidquid actu continent; analogia vero prædicantur inadæquatè, ac subindè prædicant solà partem de suis inferioribus.

144 *Istas*: ergo in hac prædicatione *substantia est ens*, non prædicatur de substantia ens superius ad substantiam, & accidens, sed pars entis, nempe substantia: ergo non est prædicatio superius de inferiori, sed æqualis de æquali.

145 *Disting. conseq.* non prædicatur ens superius pro implicito ad substantiam, & accidens, concedo consequ. non prædicatur ens quæst explicitum superius ad substantiam, & accidens, nego consequ. ens enim, quod ibi prædicatur de substantia, non

includit ens, quod conuenit accidenti, nam de essentia entis, quod conuenit accidenti, est esse in alio, quod repugnat substantiæ: exprimit tamen *esse*, in quo proportionantur substantia, & accidens, non expressis modis, per quos differunt; quod sufficit, ut quoad explicitum ens sit insuperius, & commune. Unde sicut in hac prædicatione *homo est animal*, animal, quod prædicatur, pro materiali est animal, quod est homo; sed obiectiue est animal commune homini, & Equo, quia prædicatur animal excludens à conceptu obiectiue eorum differentias; ita in illa prædicatione *substantia est ens*, ens quod prædicatur, pro implicito etiam obiectiue est ens, quod determinatè est substantia; sed quoad explicitum est ens commune substantiæ, & accidenti, quia prædicatur ens non dicens in conceptu explicito eorum differentias.

146 *Obieciis* 2. Posterius non est de conceptu prioris, sed ens est prius differentiis: ergo differentia non sunt de conceptu entis: potest ergo ens ab eis perfectè præcindi. Prob. min. Id est prius altero, à quo non valet subsistendi consequentia, valet tamen vice versa, sed non valet ab ente ad inferiora, non enim valet, *est ens*, ergo *est substantia*; valet tamen vice versa, nam bene valet, *est substantia*: ergo *est ens*: ergo.

147 *Confirm.* nulla res potest

constitui per opposita; sed modi, per quos ens determinatur, nempe esse per se, & esse in alio sunt oppositi: ergo non constituunt ens, ac per consequens non sunt de essentia entis.

148 *Confirm.* 2. Cum intellectus est certus de vno conceptu obiectiue, & de alio est incertus illi distinguuntur obiectiue; sed potest quis esse certus de eo, quod aliquid sit ens, & incertus sit ne substantia, vel accidens: ergo conceptus entis, & conceptus substantiæ, & accidentis sunt subiectiue distincti: ergo vnus non est de essentia alterius.

149 *Disting. mai.* posterius non est de conceptu prioris, id est de conceptu illius, quod est prius quoad implicitum, & quoad explicitum, conced. mai. de conceptu prioris, id est de conceptu illius, quod est prius tantum quoad explicitum, neg. mai. ens autem est prius tantum quoad explicitum suis inferioribus, & hoc sufficit, ut ab ente ad inferiora non valeat subsistendi consequentia: sicut non valet ab individuo vago ad determinatum, non enim valet: *est quidam homo*: ergo *est Petrus*, etiam si individuum vagum non sit conceptus perfectè præcitus ab inferioribus, hoc est, ab individuis determinatis.

150 *Ad confirmat. disting. mai.* nulla res perfectè vna, potest constitui per opposita, conced. maior, nulla res, si sit vna secundum quid, sub disting. non potest quoad

Explicitum constitui per opposita conced. mal. quoad *implicitum*, nego mal. potest ergo cōceptus entis cum sit vnus secundum quid, *Implicitè* constitui per oppositos modos essendi per se, & essendi in alio.

151 *Ad 2. confirm.* dist. mal. cum intellectus est certus de vno conceptu, & incertus de alio illi cōceptus distinguuntur obiectiue *perfectè*, vel *imperfectè* conc. mal. *perfectè* subdividit. si vnus per alterum nequeat diffiniri quidditative, conc. mal. si vnus per alterum possit quidditative diffiniri neg. mal. Ens ergo, & illius inferiora distinguuntur obiectiue sed imperfectè; quia inferiora possunt diffiniri per ens, & ens per illius inferiora; eo enim ipso quod substantia, & accidens sint formaliter, & diffinitive totum ens, totum ens est formaliter, & diffinitive substantia; & accidens.

152 *Obijciat* 3. Animal includitur quidditative in inferioribus; & tamen perfectè ab illis abstrahitur: ergo licet ens includatur quidditative in inferioribus, poterit ab illis abstrahi perfectè. *Confirmatur*: malitia peccati formaliter est ens, & tamen potest perfectè præscindi ab eis; ergo etsi differentie entis sint formaliter entia, poterit ens perfectè præscindi ab eis. Prob. min. Voluntas diuina perfectè præscindit ens à malitia, nam vult entitatem actus peccaminosi, quin adhuc implicitè velit eius malitiam: ergo

multo magis poterit præscindi per intellectum perfectè ens a malitia.

153 *Resp.* quod animal non includitur in inferioribus adæquate sumptis, cum in eorum differentijs minimè includatur, quare potest abstrahi perfectè ab homine v.g. considerato non adæquate, sed inadæquate; hoc est, ab homine ea parte, qua dicit conceptum differentialem; cæterum ens includitur quidditative in inferioribus adæquate sumptis, cum nulla sit formalitas in inferioribus, quæ non sit formaliter ens, quare non potest ab illis, etiam in adæquate sumptis abstrahi perfectè.

154 *Ad confirm.* neg. min. & ad probat. respond. Quod licet voluntas diuina possit velle entitatem, quin vilo modo velit malitiam, intellectus (cuius est præscindere) non potest intelligere entitatem, quin saltem implicitè intelligat malitiam. *ratio* disparitatis stat in eo, quod ex duobus inter se distinctis quoad implicitū, & explicitum, potest vnum attingi ab aliqua potentia, quin vilo modo attingatur alterum, quando vnum est extra sphaeram obiecti illius potentie, & non alterum; secus vero, si vtrunque intra sphaeram potentie sit contentum: cum ergo entitas, & malitia, quæ sola ratione penes implicitum, & explicitum distinguuntur, sint duo conceptus, quorum alter, nempe malitia

subterfugit sphæram obiecti voluntatis Dei, alter, vero, scilicet, entitas, intra terminos illius continetur, uterque vero, sub obiecto diuini intellectus contineatur, sit consequens, posse expressionem entis esse volitam a Deo, quin malitia, vel implicite sit volita, non tamen posse intelligi entitatem, quin implicite malitia intelligatur.

155 *Obijcies* 4. Sicut diuersitas opponitur vnitati, ita identitas opponitur distinctioni; sed potest intellectus distinguere obiectiue duo prædicata; etiam si de conceptu eorum sit identitas vnius cum altero, ut patet in attributis diuinis v.g. iustitia, & misericordia, quæ intellectus distinguit, etiam si vnum sit de conceptu alterius: ergo potest intellectus vniificare plura entia, etiam si diuersitas vnius ab altero sit de conceptu eorum, vtraliū.

156 *Resp.* disting. antec. potest intellectus distinguere obiectiue *perfectè* vnum attributum ab altero. *neg. antec. imperfeclè*, hoc est, *penes implicitum, & explicium*, cōced. antec. & disting. consequ. potest ens vniificari *perfectè*, & excludendo à suo conceptu formali differentias; *neg. consequ. imperfeclè*, & eas non exprimendo, cōced. consequ.

157 *Denique* obijcies. Ens (idē de vero) est obiectum specificatiuum intellectus: ergo dicit conceptum omnino vnum, & vniuocum, ac proinde perfectè præ-

cedens ab interiorum diuersitate: iam ergo datur conceptus entis perfectè præcisus. Cetera patent, & prima consequ. prob. quia specificatiuum potentie omnimoda vnitatem specifica gaudens debet esse omnino vnum, cum potentia hauriat suam vnitatem specificam ab obiecto.

158 *Huius argumenti*, quod iam tetigimus supra artic. 4. materia spectat ex professo discutienda ad lib. 3. de Anim. vnde ibi q. 10 artic. 3. de illa difficultate agimus, & ex ibi dictis breuiter pronuncietur, quod ens ut specificatiuum intellectus, nec est analogum, neque est vniuocum, quia hæ denominationes conueniunt respectu inferiorum, & ens ut specificatiuum inferiora non habet, non enim participatur ab inferioribus ratio specificatiui, a quibus participatur ratio entis; vnde, & si homo sit ens, homo tamen non est specificatiuum intellectus; est ergo specificatiuum ens ut est forma vna numero collectionis omnium entium, sub qua ratione immobiliter supponit, nam substantia v.g. non attingitur ab intellectu, quia tale ens, & si tale ens attingatur, ac proinde talitas quæ se habet de formali ut sit inferior ente (nam non est inferior, quia ens, sed quia tale ens) se habet purè de materiali ad specificandum, cum è conuerso non specificet, quia tale ens, sed quia ens, aliter hæc esset vera, *tale ens est specificatiuum*, sicut hæc en vera,

ra, tale ens est inferius ente. Ens ergo sic sumptum nec est perfecte perfectum, nec imperfecte à suis inferioribus, cum illa sic sumptum non habeat, nec vt totum potentiale specificet, sed vt forma, & actus collectionis omnium entium.

ARTIC. VIII.

Vtrum ens adequate diuidatur in decem predicamenta.

159 **T** Radidit Philosophus hanc diuisionē cap.

4. huius libri, pro qua breuiter examinanda, exponendæ sunt prius.

§. I.

Diffinitio predicamenti, & conditiones, vt aliquid ponatur in predicamento.

160 **P** Redicamenta possunt considerari primo intentionaliter, & secundo intentionaliter, idest, vel pro naturis realibus, in quas diuiditur ens, vel pro secundis intentionibus generum, & specierum per quas prædictæ naturæ coordinantur per modum superioris, & inferioris. De predicamenti primo modo consideratis agit metaphisicus: de illis vero in posteriori acceptione agunt Logici in præsentī.

161 *Rurſus* predicamentum logicè sumptum, aliquando sumi-

tur pro genere generalissimo, cui subijciuntur omnia pertinentia ad aliquam ex decem classibus, aliquando sumitur pro serie prædicatorum essentialium ab aliquo supremo genere vsque ad indiuiduum, & in hac consideratione diffinitur predicamentum: *Series aut coordinati prædicatorum essentialium ab vno supremo genere, quo nihil est superius, v'que ad indiuiduum, quo nihil est inferius.*

162 *Ex hac diffinitione rectè* perpenſa colliges, plures conditiones requiri, vt aliquid ponatur in predicamento.

Requiritur 1. quod sit ens reale. Nam hæc diuisio est introducta, vt cognoscamus entia realia, & ea possimus diffinire.

Requiritur 2. quod sit aliquid creatum: nam hæc diuisio est entis in decem suprema genera, & Dens, vt dicemus quæst. sequenti, sub nullo genere continetur.

Tertio requiritur, quod sit vniuocum, quia in predicamento solum ponuntur, genus supremum, & ea, quæ generi supremo essentialiter subijciuntur; & tam genus supremum, quam inferiora ipsi subiecta, sunt vniuoca.

Quarto exigitur, quod sit in cōplexum, quia res ponibilis in predicamento debet esse, & concipi, vt vna quidditas; & res complexa non est, vel non concipitur, vt vna quidditas.

Requiritur 3. quod sit ens completum: quia quicquid ponitur in predicamento, debet esse indiuiduum,

duum, aut potens prædicari de indiuiduo, & entia incompleta, nec sunt indiuiduum proprie loquendo, nec de indiuiduo possunt prædicari.

Requiritur sexto, quod sit ens per se, nam entia per accidens constât diuersis quidditatibus, ac subinde non collocantur in vno prædicamento, sed pertinent ad diuersa.

Tandem requiritur, quod id quod ponitur in prædicamento, sit genus, species, aut indiuiduum: ratio est, quia prædicamentum est ordinatio eorum, quæ sub vno genere essentialiter collocantur; at sub genere tantum collocantur essentialiter genera, subalterna, species, & indiuiduum, nam differentia non subiicitur generi essentialiter: ergo.

163 Ex his inferes primo, ens rationis ad nullum prædicamentum pertinere 2. quod Deus non est in prædicamento, sed super omnia prædicamenta, vt causa illorum 3. ens, cum sit analogum, non poni sub determinato prædicamento, sed per omnia prædicamenta diuagari 4. excludi à prædicamento: nedum entia complexa, vt homo albus, sed etiam incompleta, vt complexe significantur v.g. animal rationale. 5. entia incompleta, vt materia; & forma, punctum, modus vnionis, & inhaerentia, pertinere ad prædicamentum rei, quam compleunt, reductiue tantum, & indirecte 6. poni in prædicamento ac-

cidentia in abstracto, & non accidentia in concreto, quia ista, & non illa sunt entia per accidens; cum ista, & non illa, content diuersis quidditatibus. Denique inferes, differentias poni ad latas prædicamenti, & indirecte, quia cum genera de eis non prædicantur essentialiter, nequit ex ipsis confici series prædicatorum essentialium à genere supremo ad indiuiduum.

§. II.

Unica conclusio.

164 **E**Ns reale creatum, per se, uniuocum, completum, incomplexum, &c. adæquate diuiditur in decem prædicamenta: nimirum, in substantiam, quantitatem, qualitatem, relationem, actionem, & passionem ubi, sitam, quando, & habitum. Ita Philosophi, cui communiter Philosophi, imò, & SS. PP. consentiunt; præsertim D. Augustinus lib. Cathegoriarum, cap. 8. & D. Thomas 3. metaphis. lectione 9. cuius ratione.

165 *Probatur conclusio.* Prædicamenta sunt prædicata, quæ de prima substantia possunt dici, ordinabilia inter se per modum superioris, & inferioris: huiusmodi prædicata sunt tantum decem: ergo prædicamenta sunt tantum decem. Probatur min. quidquid de prima substantia prædicatur, vel prædicatur

essentia

essentialiter, vel accidentaliter: si essentialiter, est *substantia*; si accidentaliter, vel vt quid intrinsecum substantiæ, vel vt quid desumptum ab intrinseco; si vt intrinsecum, vel illud est respectuum, & est *relatio*, vel est absolutum, & est *quantitas*, si consequitur materiam, vel *qualitas*, si sequitur ad formam: si vero est desumptum ab extrinseco, illud extrinsecum, vel est ornamentum substantiæ, & est *habitus*, vel principium, & est *actio*, vel terminus, & est *passio*; vel mensura, & est *quando*, si sit mensura durationis, vel *ubi*, si sit mensura substantiæ quoad existentiam eius in loco absolute, vel *situs*, si sit mensura illius, quoad ordinationem partium in loco: ergo decem sunt tantum prædicata ordinabilia per modum superioris, & inferioris, quæ de prima substantia possunt dici.

166 *Pro intelligentia rationis factæ* nota 1. eam non esse rigorosam demonstrationem, sed probabilem discursum, quo aptissime vtuntur Philosophi, vt rebus incerta quædam genera distributis, prompte, & ordinate in eis discernendis, & demonstrandis, valeant procedere: quo circa immorari non vacat in dissolvendis obiecti inculis, quæ contra eam institui solent..

167 *Nota 2.* inter principia extrinseca, à quibus potest provenire prædicatum accidentale primæ substantiæ non numerari

causam finalem, sed tantum efficientem, quia causa finalis non causat aliquid seorsum ab efficiente, sed cum illa, & quatenus illam mouet, quare nullum à fine seorsum sumitur prædicatum præter id, quod sumitur ab efficiente.

168 *Nota tertio*, cum dicitur quantitatem sumi à materia, & qualitatem à forma, debere intelligi de radice, à qua primo dimanant; nam licet vtræque dimanet proxime a forma, vel à composito, principium tamen radicale quantitatis est materia, qualitatis vero forma.

169 *Nota 4.* Quod licet potentia, & relatio respiciant aliquid extrinsecum, non numerantur inter ea, quæ sumuntur ab extrinseco, quia potentia, & relatio non desumunt propriam denominationem à termino, vel obiecto, sicut actio, quando, & habitus: paternitas enim non habet denominationem à filio, sicut eam accipit actio ab agente.

170 *Denique* nota gratiam, & virtutes supernaturales directe collocari in prædicamento, quia sunt qualitates complete compositæ ex genere, & differentia, quantum in nobilitate excessus materialis est, & impertinens, ..

vt eas à prædicamento qualitaris relegamus.

QVÆSTIO VIII.

De tribus primis prædicamentis.

1 **P**rimum locum inter cætera prædicamenta tenent *substantia, quantitas, & relatio*, de quibus Philosophus, quinto, sexto, & septimo capite huius libri vno fere ordine disputauit, id est, primò definitionem, deinde diuisionem, tandem proprietates eorum demonstrando. Hunc, & nos ordinem Philippi vestigijs insistentes libenter persequemur.

ARTIC. I.

Quid, & quotuplex sit substantia, & quæ sint illius proprietates?

2 **S**ubstantia, quæ, nominis attenda impositione, dicitur a substantiando accidentibus, solet accipi communiter, & propriè; communiter accepta idem est atque essentia, vel quidditas cuiusvis rei, siue res illa sit accidens, siue distincta sit ab accidenti; vnde dicere consueuimus, substantiam albedinis esse segregare visum: propriè accepta substantia est, *ens per se existens*; siue ens, cui debetur per se existere.

§. I.

Diuisio substantiæ.

3 **D**ividitur substantia in finitam, & infinitam.

Infinita est, quæ nullis terminis clauditur, vt Deus optimus maximus, qui vniuersos essendi terminos supergreditur: *finita* est, quæ certis limitibus comprehenditur, vt creatura; inter has substantias potissimum discrimen stat in eo, quod prior per se ipsam, id est, per essentiam existit, posterior vero petit per se existere, actualem vero existentiam non à se, & per essentiam, sed per aliquid à se distinctum participare.

4 *Diuiditur* secundo substantia finita, & creata, in completam, & incompletam: *completa*, quæ sola prædicamentalis est, est substantia ad alterius compositionem, vel complementum ex se non ordinata, vt *homo*, *Petrus*: incompleta est substantia ad alteram componendam, aut completandam ordinata, vt partes philicæ nimirum, materia, & modi substantiales, nempe vnio substantia, & existentia.

5 *Tertiò* substantia completa, seu prædicamentalis diuiditur in primam, & secundam. Prima diffinitur ab Aristoteli, quæ *neq. in subiecto aliquo est, neq. de subiecto dicitur*: huiusmodi sunt substantiæ singulares, vt Petrus, Bocehalus. Substantias secundas diffinit Aristoteles in plurali dicens: sunt genera, & species, in quibus in sunt primæ, id est, in quibus continentur, non actu, sed in potentia primæ: vel vt in eodem capite ait: *quæ non sunt in subiecto, de subiecto tamen dicuntur*.

6 Circa quam diuisionem aliquarum dubitationes occurrunt. Primo enim dubitatur. Vtrum diuisum sit substantia primo intentionaliter sumpta, an potius sit substantia secundo intentionaliter accepta?

7 Et respondetur posse recte diuidi substantiam secundo intentionaliter sumptam in primam, & secundam; iuxta mentem vero Philosophi, & interpretum, substantia, quæ diuiditur in primam, & secundam, est substantia primo intentionaliter sumpta. Prima pars patet: substantia, ut ponibilis in prædicamento, est substantia secundo intentionaliter sumpta; sed substantia, ut ponibilis in prædicamento, recte diuiditur in primam, & secundam: ergo substantia secundo intentionaliter sumpta potest recte diuidi in primam, & secundam. Maior est certa: nam substantia, ut ponibilis in prædicamento, est substantia ut ordinabilis in certa linea entis per modum superioris, & inferioris, hunc autem ordinem esse secundam intentionem rationis, nullus dubitat. Minor vero probatur: diuisio in primam, & secundam substantiam est diuisio in substantiam per modum subiecti, & prædicati; sed substantia ponibilis in prædicamento recte diuiditur in eam, quæ subijciatur, & in eam, quæ prædicatur: ergo.

8 Secunda pars attentionis suaderetur. Tum quia diuisio substantiæ in primam, & secundam, est

specialis in prædicamento substantiæ; sed si diuisum esset substantia secundo intentionaliter sumpta, specialis non esset: ergo. Probatur minor: quodlibet ex nouem generibus posset etiam diuidi sumptum secundo intentionaliter, in vniuersalem, & particularem; ergo diuisio hæc non est specialis. Tum quia diuisum huius diuisionis est substantia per modum generis, aut prædicati communis in vtriusque membri definitione: sed ponitur in vtriusque membri definitione substantia sub alia ratione primo intentionaliter: ergo. Probatur in definitione primæ, & secundæ substantiæ ponitur substantia, prout illi conuenit non esse in subiecto, sed non esse in subiecto, non est secunda intentio, sed prima: ergo.

9 Dubitatur 1. qualis sit hæc diuisio? Et asserimus primo, diuisionem esse exactam, quia ad hoc sufficit, quod membra sint formaliter distincta; at prima, & secunda substantia distinguuntur formaliter; nam licet Petrus, qui est prima substantia, realiter sit homo, qui est secunda substantia; tamen Petrus est prima substantia, ut particularis, & homo est secunda substantia, ut vniuersalis, Petrus autem, ut particularis, & homo, ut vniuersalis formaliter, distinguuntur: ergo.

10 Nec valet si opponas 1. substantiam, quæ diuiditur in primam, & secundam, non est substantia particularis: ergo est substantia com-

com-

communis: ergo est secunda substantia : coincidit ergo diuisum cum vno ex membris diuidentibus, & illud non excedit. 2. *Alterum* membrum huius diuisionis est prima substantia abstrahens ab hac, & illa prima substantia : ergo est substantia vniuersalis: ergo est secunda substantia : ergo vnum ex membris non distinguitur ab altero.

11 *Resp.* Enim ad 1. disting. cōseq. ergo est substantia communis *denominatiue*, conced. cōseq. *essentialiter*, neg. cōseq. Nam sicut animal, quod diuiditur in rationale, & irrationale, est commune accidentaliter, & essentialiter solum est viuens sensibile, ita substantia, quæ diuiditur in primam, & secundam, est communis, & secunda *denominatiue*, sed essentialiter tantum est ens per se existens: vnde non diuisum essentialiter sumptum, sed diuisum denominatiue consideratum coincidit cum vno ex membris diuidentibus: membrum quippe diuidens non est substantia essentialiter considerata, sed substantia communis, vt communis.

12 *Ad 2. disting.* cōseq. est substantia vniuersalis *denominatiue*, conced. cōseq. *essentialiter*, neg. cōseq. Nam sicut homo abstrahens ab hoc, & illo, est essentialiter homo, & accidentaliter vniuersalis: ita prima substantia abstrahens ab hac, & illa, essentialiter est prima substantia, vniuersalis vero, & secunda solum accidentaliter.

13 *Afferimus* secundo, quod diuisio substantiæ in primam, & secundam potest esse generis in species, & analogi in analogata; sed ad mentem Arist. & eius interpretum est diuisio subiecti in accidentia rationis.

14 *Prima pars* patet: nam, vt supra vidimus, potest diuidi in primam, & secundam substantia vt ordinabilis in prædicamento; sed substantia vt ordinabilis in prædicamento diuiditur in primam, & secundam, vt genus in species: ergo diuisio substantiæ in primam, & secundam potest esse generis in species. Prob. min. secunda intentio ordinabilis in prædicamento diuiditur vt in proprias species in secundam intentionem ordinabilis in eo per modum superioris, & in secundam ordinabilis in eo per modum inferioris: sed prima, & secunda substantia formaliter dicunt secundas intentiones ordinabiles in prædicamento per modum superioris, & inferioris: ergo.

15 *Secunda pars* assertionis probatur. Diuisio substantiæ in primam, & secundam potest esse diuisio substantiæ, vt substantat accidentibus, in varia munera substantiæ, hoc est, in substantiam, vt primo substantat accidentibus, & in substantiam, vt secundo substantat illis; sed diuisio hoc modo tradita est analogi in analogata: ergo hæc diuisio potest esse analogi in analogata. Prob. min. Diuisio, in qua ratio communis vni ex membris con-

conuenit per se, alteri per aliud, & per attributionem ad illud, est analogi in analogata: sed diuisio substantiæ prædicto modo explicata est huiusmodi; nam substantia, quæ est ratio communis, primo, & per se conuenit primæ substantiæ, & secundæ ratione illius; homo enim est albus, quia Petrus est albus, & non vice versa: ergo.

16 Tertia pars constat; nam præsens diuisio iuxta mentem Arist. est diuisio in primam, & secundam substantiam sub ea peculiari ratione, sub qua eas diffiniuit Arist. in præsentī: sed eas diffiniuit in præsentī per prædicari de primis, & de nullo prædicari, quæ sunt accidentia rationis, secundæ scilicet intentiones vniuersalis, & particularis: ergo prædicta diuisio iuxta mentem Aristot. est diuisio subiecti in accidentia rationis. Nec obest, quod Aristot. in præsentī explicuit per prædicari, & non prædicari munus substantiæ primo, & secundo, quod munus est aliquid reale. Non obest, quia sicut hæc distinctio bipes risibile, & si explicet essentiam hominis, est accidentalis, quia illam explicat per accidentia hominis; ita prædicari de primis, & de nullo prædicari est distinctio secundæ intentionis rationis, & si per eam explicetur munus reale substantiæ primæ, & secundæ substantiæ.

§. II.

Quid sit constitutum substantiæ.

17 **E**X plurimis opinionibus, quæ in hac parte circumferuntur, una, vel altera refutata, propriam mentem aperiemus: asserit prima opinio, constitui substantiam per negationem essendi in alio.

18 Sed rejicitur communiter: quia nullius entis positui constitutum est negatio: sed substantia est ens posituum: ergo constitutum illius non est negatio.

19 Asserit secunda opinio, constitui substantiam per conceptum substantiæ accidentibus. Sed rejicitur. Tum, quia Deus est substantia, & nulli accidenti substat. Tum, quia ideo substantia substat accidentibus, quia per se existit, seu in se sit: ergo substat accidentibus non est quod primo intelligitur in illa: ergo non est constitutum illius, nam hoc est, quod primo in substantia intelligitur. Nec obstat, quod substantia dicitur à subsistendo, nam lapis dicitur alando pedem, quin laedere pedem sit eius constitutum; alia est enim sæpè origo significationis, alia essentia rei significatæ.

20 Tertia opinio perat substantiam sic metaphysicè diffinita quidditas rei, quæ durantes res durat, & quæ deficiente, res desinit. Sed, rejicitur, quia conuenit enti artificiali v.g. Cathedræ, quæ non est substan-

stan-

stantia; imò conuenit essentiæ cuiuscumque rei, nam de quacumque essentiâ est verum, quod ea durante, res durat, & ea deficiente, res deficit. *Si dicas* solam substantiam esse rem. *Contra est*, quia tunc dicere, quod substantia est quidditas rei, esset idem, ac substantia est quidditas substantiæ, quod nil ineptius. *Et ulterius* semper explicatur ratio substantiæ per aliquid sibi commune cum reliquis essentijs omnium entium, ut ex impugnatione posita patet.

21 *Quarta censet*, substantiam rectè explicari per hoc, quod sit *primum ens, vel de integritate primi entis*. Dicitur autem primum ens, quod in vnoquoque ente est primum per modum subiecti, vel radicitus, vel quia in eo reliqua dantur propter illud. *Sed displicet*, nam *primum* duo dicit, scilicet, negationem prioris, & respectum ad posterius; sed substantia, nec constituitur per negationem, nec per respectum, ut patet ex impugnatione primæ, & secundæ opinionis: ergo non constituitur per rationem primi entis.

22 *Quanta* explicat substantiam per hoc, quod sit *ens per se primo intentum à natura, & nō propter aliud adequate ab ipso distinctum*. Sed minus rectè: quia prima substantia non est per se primo intentum à natura, species enim, & non singularia iuxta D. Thomam 1. part. quæst. 47. artic. 2. per se primo intenduntur à natura. *Tunc* quia, licet per se primo in-

tendi à natura conueniat omni, & soli substantiæ, eius tamen metaphysicum constitutum non consistit in eo, quod per se primo intendatur, id enim non est, quod primo intelligamus de substantia; imò ideo per se primo intenditur, quia taliter est constituta, tali, scilicet perfectione, & dignitate: ergo.

23 *Pari denique* laborat vitiō opinio, quæ substantiam explicandam credit per *ens non distinctum adequate à supposito*. *Tum* quia conuenit composito accidentali v.g. sedenri, quod cum suppositum necessario includat, ab eo non distinguitur adequate. *Tum* quia licet omni, & soli substantiæ conueniat, non explicat, in quo substantia consistat, cum in nulla negatione, ac subinde, nec in negatione distinctionis valeat consistere.

24 *Quare* cum cōmuni Thomistarum. *Resp.* Substantiam, ut opponitur accidenti, & ut abstrahit à completa, & incompleta, constitui per rationem quidditatis, cui debetur esse per se. Ita D. Thom. 1. part. quæst. 3. art. 5. ad 1. & 1. dist. 8. quæst. 4. art. 2. ad 2. & quæst. 7. de potent. art. 3. ad 4. & delimitur hæc resolutio ex D. Damasc. cap. 13. Logicæ, ubi eam tradit explicans, quid sit existere per se, ait enim; *substantia est res per se existens, non indigens aliquo ad consistentiam*.

25 *Prob. præterea*: ens constituitur per ordinem ad existentiam:

tiam : ergo inferiora immediata entis, quorum vnum est substantia, debent constitui per ordinem ad saliter existendum, id est, ad existendum modo existendi sibi proprio. Sed modus existendi per se est proprius modus, quo substantia existit : ergo constituitur per ordinem ad existendum per se. *Confirm.* constitutum substantiæ, debet explicari cum proportionem ad constitutum accidentis : sed constitutum accidentis explicatur per esse in alio : ergo substantiæ constitutum debet explicari per esse per se.

16 *Oppones* 1. Substantiæ incompletæ, ut materia, & forma, unio, existentia, & subsistentia, non existunt per se : ergo existeret per se non est constitutum substantiæ, ut abstrahit à completæ, & incompletæ. *Prob. antec.* quia prædictæ substantiæ indigent altero ad sui consistentiam. *Confirm.* potest à Deo produci accidens per se existens : ergo per se existeret non est constitutum substantiæ.

17 *Dicitur antec.* Substantiæ incompletæ non existunt per se, ut quod conc. antec. ut quod neg. antec. quia suppositum, quod per se existit, ut quod, nequit intelligi per se existens sine illis, nequit enim homo intelligi per se existens sine materia, forma, unione, existentia, & subsistentia, quod est, eas existeret per se, ut quo.

18 *Dices* 1. Forma, unio, existentia, & subsistentia, existunt in

alio, scilicet in materia, vel in composito : ergo inhaerent : ergo nullo modo existunt per se. *Dices* 2. Si substantiæ incompletæ existunt per se, ut quo, existeret per se in definitione substantiæ debet intelligi disiunctivè, nempe substantia est, quæ existit per se, vel est pars, siue complementum eius, quod per se existit : at hæc potius est divisio, quam definitio substantiæ : ergo definitio eo modo intellecta non est bona.

19 *Disting.* antec. existunt in alio adequate distincto ab ipsis, neg. antec. inadequate distincto ab ipsis, conced. antec. & neg. consequ. illud enim inhaeret, quod ad venit eam substantialiter completo, ac proinde non inhaeret, quod existit in alio à se constituto ; cum ergo prædictæ substantiæ incompletæ non distinguantur adequate ab ente substantialiter completo, sed illud constituent ; sit consequens, quod licet existant in illo, non inhaereant, ac subinde nihil obest, quo minus saltem, ut quo per se existant. *Ad 2. resp.* *proder.* Quod cum substantia abstrahens à completæ, & incompletæ sit ratio analogæ, hoc est, ratio partim eadem, & partim diversa, non inconuenit, quod definitio sit aliquomodo divisio, & includat diversitatem, quam in existendo per se, dicunt substantia completæ, & incompletæ, licet prædictam diversitatem non exprimat, sed confundat definitio sub ly *existeret per se*, in quo suo modo conveniunt exist.

existere per se ut quod, & existeret per se per modum partis.

30 *Ad confirm.* Disting. antec. potest à Deo produci accidens per se existens præter naturaliter conced. antec. accidens per se existens naturaliter, & exactè, nego antec. & hoc modo intelligitur existens per se in definitione substantiæ, nam eas per se existens idem est in ea, ac ens, cui debetur per se existeret.

31 *Obijcies 2.* Suppositum est formaliter substantia; & tamen non debetur illi existeret per se, sed potius est ens constitutum existentia per se: ergo. *Confirmat.* Deus est substantia; & non debetur illi existeret per se; cum sit ipsa existentia per se: ergo.

32 *Resp. 1.* Quod suppositum est substantia cum complemento substantiæ, scilicet, cum subsistentia, vel existentia per se: unde licet supposito adæquatè sumpto non debeat existeret per se, debetur tamen substantiæ, ut præuenit subsistentiam, qua ratione ipsa non est suppositum, sed pars illius. *Ex his ad confirm.* respond. quod Deus est realiter ipsa existentia per se, sed ratione distinctionis virtualis naturæ ab existentia, potest concipi, ut quidditas, cui per se existeret debetur.

Secundo resp. quod Deo, & supposito debetur existentia per se, non debito physico fundato in distinctione, carentia, & potentialitate, sed debito logico fundato in necessitate per se existen-

di, in quo sensu non absurde dicitur, deberi unicuique rei sua essentialia prædicata: unde rectè dicimus substantiæ in communi deberi existentiam per se, connectione, & debito a physico, & logico abstrahente.

6. III.

Quæ sint substantia proprietates

33 *Ex ab Aristotel.* recensentur substantiæ proprietates prima est non esse in subiecto, & intelligitur de subiecto inhesionis, in quo dicitur esse, quod existit in substantia completa, cuius non est pars, aut complementum: sic intellecta proprietas conuenit omni substantiæ, tam primæ, quàm secundæ, siue completæ, siue incompletæ: nulla enim existit in subiecto completo, cuius non sit pars, aut modus completius.

34 *Secunda proprietas est, quod predicatur uniuocè de subiecto, & intelligitur nomine subiecti prima substantia, & per predicationem uniuocam predicatio directa, formalis, & strictè uniuoca, hoc est, non analogica, nec denominatiua. Proprietas hæc sic intellecta conuenit omni, & soli secundæ substantiæ.*

35 *Tercia est: quod prima substantia significat hoc aliquid; secunda vero significat quale quid. Hæc proprietas conuenit nominibus, sed aptatur rebus, dicendo, pri-*

mas

mas substantias significari, ut *hoc aliquid*; secundas vero significari *in quales*; quia, ut explicat D. Tho. 7. metaphis. lect. 13. primæ substantiæ in propositione tenent locum subiecti, & materiæ per se stantis, secundæ vero tenent locum prædicati, & formæ; forma autem dicitur qualitas materiæ, quia illi adiacet, & ab ea sustentatur. Hæc etiam proprietas conuenit soli substantiæ; nam esse subiectum cum omni proprietate, idest, omnibus subiecti, & vltimate sublatæ, soli primæ substantiæ potest conuenire; significari vero, ut qualitatem essentialem huius subiecti tantum conuenit secundæ substantiæ.

36 *Quarta proprietas substantiæ est, quod illi nihil est contrarium*: intelligenda est hæc proprietas de contrariis strictè, de his scilicet, quæ sub eodem genere maxime distant, & ab eodem subiecto mutuo se expellunt: cum enim substantia non sit in subiecto, nihil potest substantiam expellere à subiecto; ac proinde substantiæ nihil est contrarium strictè; contrarietate autem large, & prout idem est, ac oppositio, potest substantiæ aliquid esse contrarium, ut igni non ignis, & formæ ignis forma aquæ. Hæc proprietas non est propria substantiæ quarto modo, nam conuenit substantiæ, & quantitati.

37 *Quinta proprietas substantiæ est, non suscipere magis, & minus*: excluditur per hanc proprietatem à substantia augmentum intensuum, nempe augmentum illud, à quo substantia denominatur magis substantia, non vero augmentum extensuum, illud scilicet, à quo substantia denominatur maior: quare vnus homo est maior altero, sed non est magis, homo quam alter: quod si ab Aristot. prima substantia dicitur magis substantia, quam secunda, ideo est, quia prima substantia pluribus substat, quod est substantiæ magis extensiuè, non quia prima sit magis substantia intensiuè. Hæc etiam proprietas est communis substantiæ, & alijs, nempe quantitati, & relationi.

38 *Sexta, & vltima substantiæ proprietas est, eam esse susceptiuam contrariorum*; quæ proprietas sanè intellecta conuenit omni, & soli substantiæ. Debet autem intelligi primo de substantia creata, licet enim Deo non conueniat suscipere contraria, conuenit tamen cælo, quod recipit motus contrarios, scilicet, motum ab Oriente in Occidens, & motum ab Occidente in Oriens, qui sunt contrarij; conuenit etiam Angelis, qui recipiunt contrarios motus intentionales, nempe à morem, & odium; conuenit tandem substantijs corruptibilibus, quas, contrarias suscipe-

re qualitates satis experimur: intelligitur secundo, proprietas de receptione contrariorum per intrinsecam sui mutationem; qua ratione oratio non suscipit contraria, scilicet, veritatem, & falsitatem, nam haec oratio, *Petrus sedet*, sine sui mutatione transit de vera in falsam per extrinsecam obiecti mutationem, siquidem eadem existens, Petro sedente, est vera, & Petro non sedente, est falsa. Intelligitur tertio, de receptione contrariorum non simul, sed successiue. Denique intelligitur de receptione per modum subiecti quod; nam ut quo etiam quantitas recipit accidentia, quatenus substantiam disponit, ut illa possit recipere, ut explicat Sanctus Doct. 1. 2. quaest. 7. art. 1. & quaest. 2. de virtutibus, art. 3. ad 2.

ARTIC. II.

Utrum Deus ponatur in predicamento substantiae?

39 **C**irca hoc dubium sententiam affirmativam tenent aliqui recentiores: sed negativa est vera, & communis: eam tenet D. Thom. 1. part. quaest. 13. art. 5. & 1. contra g. cap. 23.

§. I.

Probatur conclusio.

40 **P**rimo. Deus non componitur ex genere, & differentia: ergo non contrahitur

sub genere generalissimo substantiae; ac subinde in predicamento substantiae minime collocatur, prob. antec. Compositio ex genere, & differentia est compositio ex conceptibus obiectivis, quorum unus cum fundamento in re concepta, concipitur, ut potentia, & alter, ut actus; sed ex parte Dei nullum est fundamentum, ut in eo concipiamus aliquid ut in potentia: ergo Deus non componitur ex genere, & differentia: minor videtur certa: quia non minus repugnat potentialitas actui puro, quam rei potentiali summa actualitas; sed in re potentiali nullum est fundamentum, ut aliquid in ea per modum actus puri concipiatur: ergo nec in actu puro est fundamentum, ut in eo aliquid potentiale possit concipi. Mai. verò probatur. Genus est res, concepta cum fundamento in re ut determinabilis per differentiam, & differentia est res concepta cum fundamento, ut determinatiua generis; sed quod concipitur, ut determinabile, concipitur ut in potentia, concipitur enim ut in differens ad hanc, & illam speciem; & quod concipitur, ut determinativum, concipitur ut in actu, nam concipitur ut dans speciem: ergo.

41 Si dicas, potentialitatem, & indeterminationem generis non se tenere ex parte obiecti, sed ex parte nostri conceptus; cum quo tota identificatur: ratio

tio quippe generica dicitur in determinata, non quia res ipsa ex parte obiecti sit in determinata, sed quia confusa, & in determinate nos rem illam concipimus, unde Deo genus non repugnat, quia non repugnat, nos illam concipere conceptu, vi cuius cum a creaturis non discernamus.

42. *Contra*: Ratio generica est res ipsa concepta, vt indifferens ad plures species: ergo est res ipsa ex parte obiecti in determinata, ac per consequens est res ipsa concepta, vt potentialis: ergo si non potest aliquid in Deo concipi, vt potentiale, nihil in Deo potest concipi, vt habens rationem generis. *Confirmatur*: Conceptus, à quo res denominatur genus, non est potentialis in esse entitativo, sed in esse representativo: ergo repræsentat rem vt potentialem: ergo eiusmodi potentialitas se tenet ex parte obiecti: ergo si repugnat, Deum concipi cum potentialitate ex parte obiecti, repugnat, concipi Deum conceptu potenciali, ac subinde repugnat concipi in Deo aliquid, quod habeat rationem generis.

43. *Confirm. principalis ratio*: Repugnat concipi in Deo aliquid per modum differentie substantie: ergo repugnat Deo compositio ex substantia, vt ex genere, & ex eius differentia: *prob. ant.* repugnat concipi prædicatum

proprium Dei, quod formaliter non sit substantia: ergo repugnat concipi in Deo aliquid per modum differentie substantie. Patet consequens, nam differentie debent esse extra conceptum generis, & è conuerso genus extra conceptum earum. *Antec.* autem prob. Prædicatum proprium Dei est formaliter infinitum: ergo formaliter est omnis perfectio: ergo differentia, quæ est prædicatum proprium Dei, formaliter est substantia.

44. *Si dicas*: Quodlibet prædicatum proprium Dei est formaliter infinitum, non tamen in omni linea, sed in propria. *Contra*: Quodlibet prædicatum proprium Dei est formaliter actus purus: ergo formaliter est in omni linea infinitus. Probat. consequens. Quia quod in suo conceptu omnem perfectionem non includit, ad aliquam est in potentia; sed quod est in potentia ad aliquam perfectionem, non est actus purus: ergo quod in omni linea non est infinitum, & omnem perfectionem formaliter non includit, non est formaliter actus purus.

45. *Prob. 2. conclusio*. Deo, & creaturis nihil commune vniuocum potest assignari: ergo Deus, & creaturæ non conueniunt vniuocè in genere substantie. *ant. prob.* Deus est ens in actu per essentiam; creaturæ vero sunt entia in potentia ad existen-

dum: sed ab ente in potentia, & ab ente in actu nequit abstrahi ratio communis vniuoca: ergo. *Prob. min.* Tum quia ens in potentia est ens per attributionem ad ens in actu: ergo conuenit analogice cum ente in actu. Tum quia à colorato in potentia, & colorato in actu non potest abstrahi ratio communis vniuoca colorati, vel albi, vel alterius speciei contentæ sub colorato: ergo nec ab ente creato, quod nominaliter sumptum (idest quoad essentiam) est ens in potentia, & à Deo, qui per essentiam est ens in actu, & existens, nequit abstrahi ratio communis vniuoca. *Dicta* à nobis confirmat Diu. Augustin. in lib. 1. de cognit. verè vitæ cap. 3. ubi ait: *Ratio manifestè probat, nullum prädicamentum Deo propriè conuenire: ergo diuinam substantiam substantiæ prädicamentum non capit.*

§. II.

Soluantur obiectiones.

46 **O** *Bijcies* i. Sicut opponitur compositio simplicitati, ita distinctio opponitur vnitati: sed non obstante vnitæ reali inter prädicata diuina, vnum ab altero diuinguimus per rationem: ergo non obstante diuina simplicitate, stabit in Deo compositio per rationem: sed compositio ex ge-

nere, & differentia est talis per rationem: ergo talis compositio Deo non repugnat; nihil ergo prohibet, quod Deus in prädicamento substantiæ collocetur.

47 *Resp.* quod distinctio opponitur vnitati, sicut compositio simplicitati, si cætera sint paria; at cætera in præsentia non sunt paria, quia distinctio rationis inter diuina attributa non est distinctio per exclusionem vnius, à conceptu formali alterius; sed est distinctio penes implicitum, & explicitum, idest, per maiorem expressionem vnius, quam alterius; & ad hoc datur fundamentum in Deo, Dei scilicet eminentia, qui cum simplex sit, sed æquiualeat pluribus inter se distinctis, non potest vnico conceptu à nobis compræhendi, subindeque præbet intellectui nostro occasionem, vt illum per plures cõceptus in plura diuidat obiecta; at compositio ex genere, & differentia requirit, præter non expressionem vnius in conceptu alterius, potentialitatem, & exclusionem vnius à conceptu alterius, genus quippè nequit actu includere differentias, nec differentias esse de conceptu generis admittunt Logici; cumque ex parte Dei, vt potè infiniti, & actus puri, fundamentum non sit ad hoc, vt in eo concipiatur vnum, vt excludens alterum, & vt in potentia ad illud, sit consequens, repugnare Deo compositionem ex genere, & dif-

differentia, tamen distinctio rationis inter diuina attributa illi non repugnet.

+3 *Obijcies* 2. Christus ponitur in prædicamento substantiæ; Christus est Deus: ergo Deus ponitur in prædicamento substantiæ. *Neg. conseq.* Nam variatur appellatio: poni quippe in prædicamento, cum sit terminus secundæ intentionis, appellat supra significatum formale subiecti, scilicet, supra naturam, quæ est ratio formalis; ob quam concreta ponuntur in prædicamento; quare medium diuersimodè accipitur in præmissis nam in maiori de Christo ratione naturæ humanæ dicitur poni in prædicamento; in minori, cum ibi nulla sit appellatio, verificatur de Christo esse Deum ratione suppositi, ac per consequens male in consequenti infertur, Deum poni in prædicamento cum ratione appellationis sit idem dicere, Deum poni in prædicamento, ac dicere Deum ratione naturæ diuinæ in prædicamento constitui. *Vnde* claritatis gratia disting. mai. Christus, vt homo, ponitur in prædicamento concedo mai. vt Deus nego mai. & concessa minori, disting. conseq. ergo Deus, vt sistens in natura humana, ponitur in prædicamento, concedo conseq. vt subsistens in diuina, nego conseq.

+4 *Obijcies* 3. Iuxta D. Augustin. libro 5. de Trinitat. cap. 9. &

Boetium libro 2. de Trinitat. cap. 10. quædam prædicamenta, substantia, videlicet, actio, & relatio, dicuntur proprie de Deo: ergo Deus ponitur in his prædicamentis. *Respond.* De Deo dici proprie substantiam, actionem, & relationem, ad differentiam quantitatis, qualitatis, & similitum, quæ metaphorice Deo competunt; ex hoc tamen non sequitur, quod vniuoce dicantur substantia, actio, & relatio de Deo, & creaturis, sed quod dicantur analogicè, analogia proportionalitatis propriæ; vnde nec sequitur, quod in præfatis prædicamentis Deus sit constituendus, cum in eis solum creaturæ, & quæ cum eis vniuoce conueniunt, possint constitui.

§. III.

Colligitur ex dictis coordinatio prædicamenti substantia.

50 **S**ubstantia completa creata, quæ est genus supremum huius prædicamenti, diuiditur primo per differentias corporei, & incorporei, in spiritum, & corpus; *Spiritus* in plures species Angelorum. *Corpus*, per corruptibile, & incorruptibile, in cœleste, & sublunare. *Cœleste* in diuersos Orbes Cœlestes. *Sublunare* per se mouens, & non se mouens, in viuens, & non viuens. *Non*

viuens, per simplex, & compositum, in elementū, & mixtum, & horū quodlibet in varias species. *Viuens* per sensibile, & in sensibile, in animal, & non animal. *Non animal* in diuersas plantas. *Animal*, per rationale, & irrationale, in bruta, & hominem. *Bruta*, in varias species Brutorum. *Homo*, per differentias indiuiduales, in Petrum, & Paulum, & reliqua in diuidua: vnde in recta linea prædicamenti substantiæ, relictis ad laus differentijs, descendimus a supremo genere vsque ad indiuiduum per prædicta genera, & species; & ascendimus per ea ab indiuiduo vsque ad genus supremum: v. g. descendimus à substantia ad Petrum, per corpus, sub lunare, viuens, animal, & hominem; & ascendimus à Petro vsque ad substantiam per hominem, animal, viuens, sub lunare, & corpus.

ARTIC. III.

In quo consistat ratio formalis quantitatis?

51 **Q**uantitas aliquando sumitur pro perfectione cuiuscunque rei, quæ dicitur quantitas virtutis, & ab ea Deus, magnus dicitur, & excelsus: illa tamen prætermilla, quia solum est quantitas metaphoricè. Quantitas strictè, & propriè, quæ dicitur quantitas molis, nihil est aliud, quam magnitudo, & extensio corporibus propria.

Eam diffiniuit Arist. in cōcreto 5: metaphil. cap. 13. dicens: *Quantum dicitur, quod est diuisibile in ea, quæ in sunt, quorum utrumque, aut singula, vnum quid, & hoc aliquid aptum est esse.* Ac si clarius diceret: *Quantum est diuisibile, in partes integrantes, quarum qualibet separata à toto, est totum per se, & aliquid vnum.* Dicitur diuisibile ad excludendas res simplices; in ea, quæ in sunt, ad excludendam diuisionem mixti in elementa, quæ non sunt formaliter, sed virtualiter in mixto, & ideo non est diuisio quantitatis: quorum utrumque, aut singula vnum quid aptum est esse, ad excludendam diuisionem compositi in materiam, & formam, quæ diuisæ non possunt per se existere, sicut existunt diuisæ partes quantitatis.

52. Pro resolutione difficultatis advertè primo In quantitate in veniri varios effectus formales, ex quibus venari possumus conceptum constitutum eius: inuenitur quippè in ea, extensio partium quantitatis, & substantiæ in ordine ad se; extensio earumdem partium in ordine ad locum, impenetrabilitas partium inter se, & cum altera quantitate; diuisibilitas proxima, & mensurabilitas tam actiua, quam passiva.

53. Advertè secundo, certum esse in pluribus ex his effectibus prout dicunt actum, non posse consistere essentiam quantitatis, cum ab ea sint separabiles, & de facto sint separati, vt p. tet in Eu-
cha-

charistia, in qua extensio in ordine ad locum quantitati Corporis Christi D. non competit, & in ingressu Christi D. annis clavis ad locum, ubi erant Apostoli, & in egressu à sepulcro, lapide non revolutus, uti quantitas Christi D. cum alijs quantitatibus fuit penetrata; quare difficultas procedit de aptitudine, siue exigentia horum effectuum; an scilicet in ea essentia quantitatis consistat.

54 *Tertio* advertè: certum esse, exigentiam horum effectuum esse essentiam quantitatis. Nihilominus cum essentia metaphysica rei sit, quod primo intelligitur in ea, & ratione cuius cetera illi convenire intelliguntur, inquirimus, quis sit expressis effectibus, quem primo quantitas nostro modo concipiendi, radiceat, & ratione cuius reliquos intelligitur exigere.

55 *Nostra* communisq[ue] in Schola D. Thomæ conclusio. *Ratio formalis quantitatis consistit in extensione partium in ordine ad se.* Pro conclusionis intelligentia notabis duo. *Primum* est, partes extendi in ordine ad se, per hoc, quod una pars sit extra aliam; esse vero unam partem extra aliam, non est unam partem esse realiter distinctam ab alia, sed est unam partem uniri alteri secundum extremitatem, & non secundum se totam. *Secundum* est; quod partes, quas quantitas extendit, alie sunt partes substantie; alie sunt partes ipsius quantitatis; extensio

actualis partium substantie in ordine ad se nequit esse constitutum essentiali quantitatis, cum sit effectus, qui de facto separatur in Eucharistia à panis, & vini quantitate. Consistit ergo essentia quantitatis in extensione aptitudinali partium substantie in ordine ad se, vel in extensione actuali partium ipsius quantitatis in ordine ad se: quo supposito. *Prob. 1. conclusio ex D. Thoma opusc. 70. q. 5. art. 3. ad 3. ibi: Ordo partium in toto includitur in rationes essentiali quantitatis, tamquam differentia constitutiva ipsius*, quod alibi sæpè reperit.

56 *Prob. 2. conclusio ratione.* Ratio formalis quantitatis est, vel effectus ille, vel exigentia effectus illius, quem primo intelligimus præitari à quantitate, & ratione cuius reliquos communicat; huiusmodi est extensio partium in ordine ad se: ergo ratio formalis quantitatis est extensio partium in ordine ad se. *Prob. min. quoad primam partem; inter effectus formales, prius intelligitur is, quem forma præstat in ordine ad se, quam illi, quos in ordine ad alia communicat: ergo inter effectus, quantitatis prius intelligitur extensio partium in ordine ad se, quam effectus, quos communicat in ordine ad alia. Sed reliqui effectus quantitatis præstantur ab ea in ordine ad alia: ergo extensio partium in ordine ad se intelligitur prius, quam reliqui effectus quantitatis.*

Quoad secundam vero partem probatur; nam ideo quantitas occupat locum, quia habet in se partes extensas; nam occupare locum nihil aliud est, quam corpus adæquari loco, & locum corpori; duo autem corpora ideo adæquantur, quia habent partes eiusdem extensionis. Deinde, corpus ideo expellit aliud corpus à loco, quia occupat locum, & est in loco modo diuisibili. Præterea ideo potest quantitas ab aliquo agente diuidi in partes, quia habet partes extensas. Denique, ut possit mensurare, vel mensurari, debet in ea supponi extensio, mensura enim est id, quo cognoscitur quantitas rei, & non potest quantitas panni v. g. per viam innotescere, nisi extensio æqualis vix in panno supponatur, nec vna potest quantitatem panni notificare, quin supponatur in vna extensio, æqualis extensioni panni: ergo extensio partium in ordine ad se est ratio, & fundamentum alterius cuiuscunque effectus quantitatis.

57 Confirmat. Ille debet conferri effectus primarius quantitatis, qui est inseparabilis à forma communicata, omnibus alijs separatis, cum solus effectus primarius sit, sine quo forma nequit communicari. Sed extensio partium in ordine ad se est huiusmodi: ergo est effectus primarius quantitatis. Probat. min. quantitas Christi D. in Eucharistia nullum aliud effectum formalem

præstat subitantiæ præter extensionem partium in ordine ad se: ergo hic solus effectus non separatur à quantitate, omnibus alijs separatis. Antec. prob. quantum ad non communicationem aliorum effectum, nam substantia Corporis Christi prout in Eucharistia, nec est extensa in ordine ad locum, nec aliud Corpus arcet à loco, nec est proximè diuisibilis, nec mensurare potest, aut mensurari: sed hi sunt ex numeratis supra effectus omnes quantitatis, præter extensionem partium in ordine ad se: ergo omnes illi, non communicantur; communicata quantitate.

Quod verò communicetur extensio partium in ordine ad se. Prob. quia in Eucharistia partes Corporis Christi non sunt confusæ, nec se totis vniæ, sed sunt ordinatæ, & vna extra aliam, non in ordine ad locum, sed quoad se: ibi enim sunt verisimè caput, manus, pedes, & alia membra, de quorum ratione est ordo partium, cum de ratione illorum sit temperamentum, & figura, quæ line ordine, & dispositione vnius partis extra aliam nequeunt intelligi, quod luculenter expressit Angelicus Doct. in 4. dist. 10. q. 1. art. 3. quæstiunc. 3. ad 2. dicens: *Quamuis non sit accipere ordinem partium Corporis Christi secundum comparationem ad partes hominis, tamen est accipere ordinem ipsarum partium ad inuicem in Corpore Christi secundum propriam quantitatem*: ergo quantitas

tas in Eucharistia extendit partes substantiæ in ordine ad se.

58 *Interrogabis* in qua extensione quantitas essentialiter, & determinatè consistat, an in extensione actuali suarum partium, an in extensione aptitudinali partium substantiæ?

59 *Respondetur*. Consistere essentialiter quantitatatis in extensione aptitudinali partium substantiæ. Ratio est, quia cum accidens sit entis ens, & non sit propter se, sed propter substantiam, effectus primarius quantitatatis, quæ est accidens, non est, quem ex se, & in se habet, sed quem ex se communicat substantiæ; sicut licet per existentiam existant natura, & ipsamet existentia, effectus primarius existentie, non est reddere se ipsam existentem, sed existentem reddere naturam.

60 *Obijcies* 1. D. Thom. opuscul. 52. dicentem: propriam rationem quantitatatis esse rationem mensuræ, & 1. p. quæst. 18. art. 2. ubi diffinit quantitatem per hoc quod sit mensura substantiæ. *Respondet*, rationem mensuræ esse propriam rationem quantitatatis, non per modum differentie essentialis, nam differentiam essentialem ait S. D. ubi supra, esse ordinem partium in toto, sed per modum proprietatis quarto modo. Diffinit autem quantitatem per rationem mensuræ descriptivè, sicut, & eam descriptivè diffinitur Philosophus per diffusibilitatem; nam quidditativè

diffinitur quantitas: *Accidens, quod partes substantiæ reddit extensas.*

61 *Obijcies* 2. Effectus primarius est, quem præstat forma per præcisam communicationem sui; sed extensionem partium substantiæ in toto non præstat quantitas sola communicatione sui: ergo hæc extensio non est effectus primarius quantitatatis. Prob. min. extensio partium substantiæ in toto duo dicit, aliud, eas partes esse unitas, aliud, eas non esse unitas se totis; neutrum præstat quantitas substantiæ sola communicatione sui; nam illas esse unitas tribuitur ab unionem substantiali, distincta, vel in distincta a partibus, illas vero non uniri se totis consistit in defectu unionis, quæ se totis unirentur, qui effectus cum quantitate non identificatur: ergo.

62 *Neg. min.* ad probationem. *Resp.* Præter unionem substantialem, dari inter partes substantiæ unionem integram, quæ est unio secundum extremitates, à qua provenit eas non uniri secundum se totas, & hæc posterior unio identificatur cum quantitate, & præstat ab ea per solam communicationem sui. *Alia* possent obijci, sed omittuntur, quia de hoc iterum agimus ex professo lib. 2. de Anim. quæst. 1. artic. 3.

1. artic. 3.

ARTIC. IV.

*Verum substantia materialis antea-
denter ad actualem quantitatem
habeat partes inter se di-
stinctas?*

63 **S**upponimus 1. Cum sen-
sientia, quæ contra nomi-
nales, & vnum, vel alterum recen-
tiores, cõmunis est inter Theo-
logos, & Philosophos, quantita-
tem distinguere realiter à re quan-
titatis, cuius potissima ratio desumi-
tur ex Sacrosancto Mysterio Eu-
charistiæ, in quo manet quanti-
tas panis, destructa substantia pa-
nis, quod manifestè probat, quan-
titem panis ab ipsius substantia
realiter distinguere, cum realis
separatio sit signum realis distin-
ctionis.

64 Respondent nominales, de-
structa substantia panis, destrui
quantitatem identificatam cum
substantia panis, & solum mane-
re quantitatem aliorum acciden-
tium identificatam cum illis.

65 Contra 1. quantitas, quæ
permanet in Eucharistia, natu-
raliter est impenetrabilis cū sub-
stantia corporea v. g. cum alia
hostia non consecrata; sed quan-
titas identificata cum acciden-
tibus non est naturaliter impene-
trabilis cum substantia corporea;
quæ iuxta solutionem datam,
compatiuntur in eodem loco sub-
stantia, & accidēs, quorum quod-
libet propriam habet quantita-

tem secum identificatam: ergo
quantitas, quæ permanet, non
est quantitas identificata cum ac-
cidentibus. Confirmatur: quanti-
tas substantiæ eiusdem rationis est
cum quantitate accidentium: er-
go si quantitas accidentium pa-
nis pellit à loco, quem occupat,
quantitatem aliorum acciden-
tium, pellit etiam à loco, quem
occupat; quantitatem propriæ
substantiæ: atqui substantia panis,
& accidentia erant ante conse-
crationem in eodem loco: ergo
non habebant singula proprias
quantitates, sed vna erat quantitas
omnium.

66 Hinc deduci potest ratio
naturalis, qua probatur hoc as-
serum, si enim quantitas identi-
ficaretur cum substantia, mate-
ria, & forma haberent proprias
quantitates secum identificatas:
ergo vel materia, & forma in eo-
dem loco non essent, vel duæ
quantitates essent naturaliter in eo-
dem loco: consequens quoad
utramque partem est falsum: er-
go, & illud, ex quo sequitur.

67 Supponimus, & præ nota-
mus secundo, distinctionem du-
pliciter accipi, primo ut oppo-
nitur co-fusioni, qua ratione di-
cuntur esse distincta, quæ sunt de-
bitè ordinata: secundo sumitur
distinctio, ut opponitur identita-
ti, qua ratione distincta nuncu-
pantur, quorum vnum non est
alterum.

68 Supponimus 4. contra Ovie-
do, Comptom. Izquierdo, & alios
R.R.

R. R. quod substantia non ita habet antecedenter ad quantitatem partes, ut necdum sint distinctæ, sed etiam extensæ, aut in ordine ad se, aut in ordine ad locum. *Partes* hæc suppositio ex dictis in artic. antec. nam substantia nequit habere effectum formalem quantitatis antecedenter ad quantitatem: sed extensio partium in ordine ad se, & in ordine ad locum est effectus formalis quantitatis, prima extensio effectus primarius, secunda effectus secundarius, ut ex supradictis constat: ergo neutram extensionem potest habere substantia antecedenter ad quantitatem.

69 *Confirm.* Impenetrabilitatem, seu resistentiam ad penetrationem nequit habere substantia antecedenter ad quantitatem iuxta adversarios existimantes impenetrabilitatem esse effectum primarium, & proprium quantitatis: sed si substantia haberet antecedenter ad quantitatem partes extensas, haberet antecedenter ad quantitatem impenetrabilitatem: ergo non habet partes extensas antecedenter ad quantitatem. Prob. min. Partes extensæ resistunt penetrationi: ergo habens partes extensas antecedenter ad quantitatem, est impenetrabile antecedenter ad quantitatem. Prob. antec. *Tum* quia partes ideo resistunt penetrationi, quia non sunt unitæ se totis, sed secundum extremitates, quod nihil aliud est, quam esse extensas. *Tum* quia

assigna quare partes quantitatis sint impenetrabiles, si ratio huius non est extensio earum?

70 *Demite.* Si substantia separata à quantitate posset, ut concedit opposita sententia, habere extensionem quoad locum, illa haberet ex se trinam dimensionem, quod est apertè falsum; quia trina dimensio scilicet, longitudo, latitudo, & profunditas non sunt species substantiæ, sed quantitatis. *Possset* etiam dividi, mensurare, esse æqualis, vel inæqualis; quod est contra D. Thom. qui 4. contra g. cap. 65. docet substantiam remota quantitate, remanere indivisibilem, & contra Philosophum, qui loco supra citato, diffiniuit quantitatem per divisibilitatem, & in præsent. capite, rationem æqualis, aut inæqualis propriissimam esse quantitatis demonstravit. *Possset* præterea figurari, quod tamen repugnat, cum figura ex terminatione relulet quantitatis. *Possset* denique colorari, comprimi, dilatarî, minui, augeri, & id genus sexcenta, quæ viris alioquin Philosophis, & qui doctrinam Peripateticam à limine saluauerint, omnino distonant. Sed de hoc iterum in lib. 2. de Anim. q. 2. art. 1.

71 *His suppositis.* Aliqui censent, substantiam materiale adhuc sub quantitate existentem nullas habere partes substantiales substantia-liter distinctas, sed esse substantia-liter simplicem. ac subinde totam sub tota quantitate,

te, totamque suo qualibet parte quantitatis. Hi sunt PP. Complutenses in Logica disputatione 13. quæst. 3. & in libris de Generat. disputat. 5. à quæst. 3. ad 7. ubi plures pro se referunt Authores, quos etiam refert, & sequitur Mag. Parra, hic tract. 4. dub. 4. num. 17. Alij admittunt substantiam sub quantitate habere partes entitativè distinctas, eas tamen illi denegant antecederet ad quantitatem, vel independenter ab ea: hi sunt Ioan. à S. Thoma, Socus Flandria, & Araujo.

§. I.

Prima conclusio.

72 **S**ubstantia affecta quantitate non est tota sub tota quantitate, & tota sub qualibet parte, sed præter partes quantitatis habet proprias substantia-liter, & entitativè distinctas, ratione quarum ita est tota sub tota quantitate, ut partes illius sint sub partibus quantitatis. Probatur primo. Substantia pedis non est substantia capitis: ergo substantia hominis habet partes entitativè distinctas. Prob. antecedens. Substantia pedis est realiter separabilis à substantia capitis: ergo substantia pedis non est substantia capitis. Patet consequ. nam quæ realiter possunt separari, realiter distinguuntur.

73 *Dices.* Quæ realiter possunt separari, possunt realiter distinguui; at non semper distinguuntur

actu, quare separabilitas substantiæ pedis à substantia capitis non arguit distinctionem actualem, sed potentialem substantiæ pedis à substantia capitis.

74 *Contra solutionem istam*, sola PP. Complut. autoritate munitam, & ad solum effugiendam vini huius argumenti excogitam, stat 1. ex separabilitate animæ rationalis à materia, quantitatis à re quanta, unius partis quantitatis ab altera, & substantiæ à natura, probant efficaciter, & evidenter Philosophi distinctionem realem actualem animæ rationalis à materia, quantitatis à re quanta, unius partis quantitatis ab altera, & substantiæ à natura: ergo separabilitas est signum evidens distinctionis realis actualis inter ea, quæ possunt separari.

75 *Obstat* 1. Repugnat, idem à se ipso realiter separari: ergo quæ separari possunt realiter distinguuntur. *Obstat* 3. Quod, caret partibus actu distinctis, est indivisibile; sed quod potest habere partes realiter separatas, non est indivisibile: ergo quod potest habere partes realiter separatas, non caret partibus actu distinctis. Prob. mai. nā ideo punctum est indivisibile, quia nullas habet partes: ergo.

76 *Obstat* 4. Permanente re, nequit deficere quod est de essentia illius: sed quod identificatur cum re, est de essentia illius: ergo permanente re, nequit deficere, aut separari, quod cum illa identificatur.

77 *Vergetur* extrema realiter distincta non possunt realiter identificari: ergo nec identificata possunt realiter distingui. Prob. anteced. vel identificarentur salvis eorum differentiis, vel eis destructis; primum est impossibile, nam vnum extremum esset, & non esset alterum; esset, quia identificaretur cum altero; non esset, quia differret ab altero per differentiam; si dicatur secundum; extrema destruerentur, quia deficientibus eorum differentiis, deficientibus ipsorum constitutiva: ergo realiter distincta nequeunt realiter identificari.

78 *Secundò* probatur conclusio, & tradita solutio refutatur destrui, & non destrui, siue existere, & non existere non possunt verificari de eodem; sed potest destrui, ac proinde non existere substantia pedis, non destructa, sed existente substantia capitis: ergo substantia pedis, & substantia capitis non sunt idem.

79 *Confirm.* Tunc aliquid destruitur, cum id, quod erat, non existit: ergo cum destruitur substantia pedis, id, quod erat substantia pedis, non existit: sed existit substantia capitis: ergo substantia pedis non erat substantia capitis.

80 *Tertiò* per nutritionem advenit viventi nova pars substantiæ, quæ succedit loco illius, quæ per actionem caloris naturalis fuerat deperdita, teste Arisl. lib. 1. de Generat. cap. 5. & D. Them,

ibidem lect. 15. ergo substantia viventis non est simplex, sed composita ex præexistente, & ex ea, quæ per nutritionem advenit de nouo.

81 *Nec dicas:* ex utraque fieri vnam, realiter in diuisam in genere substantiæ. *Quia* duo realiter inter se distincta non possunt transire in vnam simplicem entitatem, nisi per conuersionem vnius in alteram, vel per identitatem vnius cum altera, quorum neutrum in nutritione contingit; non primum, *Tum* quia conuersio illa esset transubstantiatio, quæ per vires à gentis naturalis non est possibilis. *Tum* quia in conuersione, terminus à quo desinit omnino quo ad formam, & quoad materiam, materiam autem naturaliter desinere non posse, certissima tenet Philosophia: *Nec secundum* dici potest. *Tum*, quia, ut proximè arguebamus, distinctiua vnius ab altero pertinet ad constitutiva illius, quare remota distinctione rei ab omni eo, quod res non est, res non est ipsa, sed altera.

82 *Confirm.* quia repugnat, quod res sit ipsa, & altera à se ipsa: at qui si extrema realiter distincta possent identificari, res aliqua esset ipsa, & altera à se ipsa: ergo non possunt duo transire in simplicem entitatem per identitatem vnius rei cum altera. *Tum* etiam, quia implicat in terminis, quod Petrus identificetur cum Pauló, non alia ratione, nisi quia

Quest. 8. De tribus primis predicamentis.

Petrus est entitas per se ipsam distincta à Paulo; sed quæcumque realiter distinguuntur, sunt entitates inuicem per semetipsas distinctæ: ergo ex terminis repugnat, illas identificari. Denique rarum diffinitur à Philosophis, quod sub multis dimensionibus parum habet materia. Densum autem, quod sub paruis dimensionibus habet multum materia: ergo sub aliquibus dimensionibus est plus materiæ, quam sub alijs: ergo materia sub quantitate non est in proprio genere indiuisibilis.

83 Obijcies 1. D. Th. qui quodl. 9. quæst. 4. art. 2. ait: *Impossibile est, quod una materia contrarias, & disparatas formas recipiat, nisi secundum diuersas partes; diuersitas autem partium non potest intelligi in materia, non intellecta diuisione, nec diuisio, non intellecta diuisione; quia substantia, quantitate sublata, remanet in diuisibilibus, ut dicitur 1. physic. ergo secundum D. Thom. diuersitas partium non potest intelligi, non intellecta quantitate: ergo tota diuersitas partium est à quantitate: ergo substantia materialis existens sub quantitate nullam in proprio genere substantiæ habet partium diuersitatem.*

84 Confirmat. ex eodem S. D. 3. part. quæst. 76. art. 3. in corpore, ubi ait: *Manifestum est autem, quod natura substantiæ tota est sub qualibet parte dimensionum, sub quibus continetur, sicut sub-*

qualibet parte aeris est tota natura aeris, & sub qualibet parte panis est tota natura panis. Ex quo probat S. D. totum Corpus Christi Domini esse sub qualibet parte quantitatis specierum in Eucharistia, quia nimirum ibi est ad modum substantiæ, tunc ad modum, quo substantia panis erat ibi ante consecrationem: ergo sentit substantiam affectam quantitate nullas ex se habere partes, sed esse sub quantitate substantialiter indiuisibilem; hoc est, totam sub qualibet parte quantitatis.

85 Respond. explicando Dicit Thomam diuersitas partium non potest intelligi non intellecta diuisione, aut quantitate per modum forme dantis partium diuersitatem, neg. anteced. per modum connotati, siue termini, quem substantia connotat, ut talem diuersitatem præter, concedo anteced. prouenit ergo diuersitas partium materiæ à substantia, non ut cumque, sed à substantia, ut est radix quantitatis, quare non intellecta quantitate saltem de connotaro, & ut radicaliter præhabita in substantia, nequit intelligi diuersitas partium in ea: & hanc esse mentem Dicit Thom. conlat: nam in eius Schola ita requiritur quantitas ad diuersitatem indiuiduorum materialium, sicut requiritur ad diuersitatem partium materiæ; cum ergo de mente S. D. non sit, quod in quantita-

tate, & in sola distinctione proueniente ab ea, consistat diuersitas indiuiduorum, sed in distinctione entitativa, & substantiali proueniente formaliter à materia, vt per modum radicis connotat quantitatem; nec in presenti putandum est intendere Diu. Thom. diuersitatem partium materiæ consistere in sola distinctione quantitativa, sed in distinctione entitativa, & substantiali proueniente à materia, vt per modum radicis connotat quantitatem. Maxime cum in prædicto testimonio dicat S. Thom. quod, vt materia recipiat diuersas formas, prærequiritur diuersitas partium, quæ non fiat, non intellecta quantitate: etenim in materia ante formam nullum accidens intelligitur in sententiâ Diu. Thom. ergo Diu. Thom. nequit intelligi de quantitate actuali, sed de quantitate radicaliter præhabita in materia.

86 *Ad confirmat. Resp.* quod exemplorum non requiritur paritas in omnibus; quare cum S. D. asserit, contineri Corpus Christi subqualibet parte specierum sicut natura substantiæ tota est subqualibet parte dimensionum nomine nature intelligit essentiam specificam, & intendit paritatem quoad aliquid sufficiens ad aliqualem mysterij explanationem, quæ consistit in eo; quod, sicut tota essentia specifica substantiæ saluatur subqualibet par-

te quantitatis, ita totum Corpus Christi saluatur subqualibet specierum. Colligitur hæc expositio, tum ex illo termino natura, qui apud Diu. Thom. idem sæpè significat quod essentia, tum quia prædictus loquendi modus consonat cum eo, quo Angelic. Præceptor opusc. de natura materiæ cap. 5. vtitur cum ait: *Tota forma ignis secundum totalitatem suæ essentie est subqualibet parte sua materia cum tota diffinitio ignis cuilibet eius parti conueniat.* Vbi aperte loquitur de essentia specifica, cum ea sit, quam explicat rei diffinitio. Cætera argumenta æquè militant contra sequentem conclusionem, quare post illam opportunius dissoluentur.

§. II.

Secunda conclusio.

87 *Substantia materialis ex se, & antecedenter ad quantitatem habet partes realiter inter se distinctas.* Probatur 1. ex Diu. Thom. 1. 2. quæst. 17. artic. 4. in corp. dicente: *Totum in genere substantia compositum ex suis partibus, vel integralibus, vel essentialibus, est unum simpliciter*: ergo partes integrales totius substantiæ non sunt in genere quantitatis, sed in genere substantiæ. Pater consequ. quia ex substantia, & accidenti non fit unum per se. *Confirm.* iuxta D. Tb. da-

datur compositio totalis integralis in genere substantiæ: ergo dantur in genere substantiæ partes integrales: ergo datur distinctio partium in genere substantiæ; partes enim constituuntur per distinctionem, & diuisionem vnius ab altera; sed vt statim expendemus, nequit distinctio in genere substantiæ procedere à quantitate: ergo substantia antecedenter ad quantitatem habet partes inter se distinctas.

88 *Prob. 2. conclusio* ratione, quæ ex dictis §. præcedenti illam efficaciter conuincit. Distinctio partium substantiæ non prouenit formaliter à quantitate: ergo substantia habet ex se partes distinctas. *Prob. antec.* distinctio substantialis non prouenit formaliter ab accidenti: distinctio partium substantiæ est substantialis: ergo non prouenit formaliter à quantitate. Tenet, conseq. nam quantitas est accidens; & maior est euident; nam effectus formalis, substantialis nequit cum accidenti identificari. *Min.* vero probatur, nam partes substantiæ ita distinguuntur, vt vna non sit substantialiter altera: hoc est distinguuntur ita, vt vtraque sit substantia, & vna non sit illa numero substantia, quæ est altera: ergo distinctio partium substantiæ est substantialis.

89 *Confirm. 1.* Idem est constitutum rei, & illius distinctum; at vna pars substantiæ non constituitur per quantitatem, sed

antecedenter ad illam per se ipsam: ergo nec distinguitur ab alia per quantitatem vt per rationem formalem, sed antecedenter ad illam per se ipsam. *Prob. min.* nihil potest conuiui in genere substantiæ per formam accidentalem; at partes substantiæ sunt partes in proprio genere substantiæ, siquidem nulla est integra substantia totius: ergo nulla conuitur per quantitatem, sed per se ipsam.

90 *Confirm. 2.* Quod res vna in se, & in sua entitate non sit altera, à nullo extra ipsam potest formaliter prouenire: ergo quod hæc pars in se, & in sua entitate non sit illa, à nullo entitati partis superaddito, potest prouenire. *Antec. prob.* ab eo, quod est extra rem, solum potest prouenire effectus formalis extrinsecus illi: sed rem in sua entitate non esse alteram, non est effectus formalis extrinsecus: ergo. *Prob. min.* quod rei conuenit quoad intrinseca, & omni extrinseco secluso, non est effectus formalis illi extrinsecus: sed res, quæ in se, & in sua entitate non est altera quoad sibi intrinseca, & secluso quolibet extrinseco, non est altera: ergo rem in sua entitate non esse alteram, non est effectus formalis illi extrinsecus.

91 *Vergetur.* Quæ tantum differunt accidentaliter substantialiter, & essentialiter sunt idem, sed partes substantiæ non sunt essentialiter, & substantialiter idem:

ergo non differunt tantum accidentaliter : ergo tota distinctio inter eas non est accidens : ergo tota distinctio inter eas non identificatur cum quantitate , quæ est accidens , sed cum substantia , ac subindè partes substantiæ differunt se ipsis , & non per quantitatem.

92. *Denique.* Substantia vnius partis v. g. pedis per vnam , & eandem formam distinguitur realiter ab omni eo , quod non est ipsa : sed non distinguitur per quantitatem , vt per formam , ab ipsa met quantitate , quæ non est substantia pedis : ergo nec distinguitur per quantitatem , vt per formam , à substantia alterius partis , v. gr. à substantia capitis , quæ pariter non est substantia pedis.

93. *Tertio* probatur conclusio : duæ substantiæ totales non distinguuntur per quantitates , sed per se ipsas , vt præhabent quantitatem : ergo nec duæ substantiæ partiales distinguuntur per quantitates partiales , sed per se ipsas , vt præhabent quantitatem.

94. *Confirm.* quantitates totales supponunt , & non faciunt distinctionem inter subiecta , nimirum inter substantias totales : ergo quantitates partiales supponunt , & non faciunt distinctionem partialem inter subiecta , nempe inter substantias partiales.

95. *Quarto.* Ex opposita sententia sequuntur in convenientiam

tia deducta , s. precedenti ex indiuisibilitate substantiæ affectæ quantitate : nam sicut Deus defacto in Eucharistia conseruat quantitatem panis sine substantia panis , ita posset destruere quantitatem panis , & illius substantiam conseruare : tunc ergo vel partes substantiæ panis , quæ dum erant sub quantitate , realiter distinguebantur , conseruarent mutuam distinctionem , vel illam amitterent ? *Si primum :* ergo distinctio partium non prouenit à quantitate formaliter ; cum ibi aliqua tunc foret distinctio , & tamen nulla esset quantitas : *Si dicas* secundum : ergo quæ prius fuerunt realiter distincta , modo identificantur realiter , & si Deus , vt posset , redderet eas pristinae quantitati ; quæ modo realiter identificantur , postea realiter distinguerentur ; consequens subitèneri nequit : ergo.

S. III.

Soluantur argumenta.

96. **O**bjicies 1. Substantia pro priori ad quantitatem non habet partes unitas , nec habet partes non unitas : ergo non habet partes. Anteced. quoad primam partem probatur : substantia pro priori naturæ ad quantitatem non habet partes unitas secundum se rotas , nam in eodem instanti pro

posteriori naturæ habet illas extensas per quantitatem: nec habet partes unitas secundum extremitates, hoc est, medijs indivisibilibus, alias antecederet ad quantitatem haberet partes, quarum una esset extra aliam, ac subinde partes extensas: ergo substantia pro priori ad quantitatem non habet partes unitas. Quo ad secundam vero partem prob. antec. Substantia pro priori ad quantitatem est unum per se; sed ex partibus non unitis unum per se non resultat: ergo substantia pro priori ad quantitatem non habet partes non unitas.

97 *Disting. antec.* pro prima parte: substantia, ut prævenit quantitatem, non habet partes unitas *inter se immediatè*, conced. *anteced. mediatè*, & *in tertio* neg. antec. partes quippè substantiæ pro priori ad quantitatem, nec sunt unitæ se totis, nec sunt unitæ secundum extremitates: omnes tamen sunt unitæ uni, & eidem existentia, quod sufficit, ut ex eis resultet unum per se, sicut ex partibus quantitatis resultat unum per se, etiam si pes, & caput non uniuntur immediate; quia videlicet uniuntur mediatè, & in tertio, idest, media alia parte, cui pes, & caput uniuntur.

98 *Instas* 1. entitates nullam inter se habentes unionem, non possunt existerè per eandem existentiam: ergo si partes substantiæ pro priori ad quantitatem

non sunt unitæ inter se, non possunt uniri uni, & eidem existentia. Consequ. patet, & anteced. prob. nam ideo duæ formæ substantiales non possunt existerè per eandem existentiam, quia inter se nullam habere unionem supponuntur: ergo.

99 *Instas* 2. partes illæ substantiæ inter se non unitæ, nec sunt finitæ, nec infinitæ: ergo non constat substantia ex partibus inter se non unitis. Antec. quoad 1. partem patet, nam infinitum in actu secundum multitudinem repugnat; & quo ad primam partem prob. si partes illæ substantiæ essent finitæ, essent etiam finitæ partes quantitatis extendentes illam, cum partes quantitatis partes substantiæ non excedant: at partes quantitatis finitæ non sunt, sed divisibiles in infinitum: ergo partes substantiæ non sunt finitæ.

100 *Instas* 3. Ex partibus, quæ non comparantur ad invicem, ut potentia, & actus, non potest unum per se componi: sed partes inter se non unitæ non comparantur ad invicem, ut actus, & potentia: ergo substantia, quæ pro priori ad quantitatem, est unum per se, non componitur ex partibus non unitis inter se.

101 *Resp. disting. antec.* entitates nullam inter se habentes unionem *proximè*, nec *radicaliter*, non possunt existerè per eandem existentiam, conced. antec. nullam inter se habentes unionem

pro-

proximè, neg. anteced. at partes substantiæ materialis, licet antecedenter ad quantitatem non sint inter se proximè vnitæ, sunt tamen vnitæ radicaliter, & exactiue; quia cum ex natura sua ordinentur ad componendam substantiam, cuius operationes indigent extensione, & quantitate, ex natura sua petunt quantitatem, per quam extendantur, & medijs indiuisibilibus inter se vniuntur. Vnde non sequitur, quod pari ratione plures naturæ completæ, & plures formæ substantiales possint existere per vnicam existentiam; quia plures naturæ completæ, aut plures formæ substantiales, nec proximè, nec exactiue habent inter se vniõem pro priori ad existentiam; non enim ordinantur ex natura sua ad constituendum vnicum principium operationum indigentium ad sui efficientiam quantitate eas vniente medijs indiuisibilibus.

102 *Dices*: duæ naturæ completæ non possunt existere per eandem existentiam; sed quælibet pars aquæ v.g. ablata quantitate, est natura completa: ergo partes aquæ, ablata quantitate, non possunt existere per eandem existentiam. Prob. min. quælibet pars aquæ constat ex materia, & forma, ex se sufficientibus ad constituendum indiuiduum aquæ completum; si enim partes illæ ponerentur seorsim sub proprijs quantitatibus, quælibet esset indi-

uiduum aquæ completum: ergo. 103 *Disting. min.* Quælibet pars aquæ, vt radicaliter præhabet propriam quantitatem diuisam ab aliterius quantitate, est natura completa, conced. min. quælibet pars aquæ, vt præhabet quantitatem communi termino copulatam quantitati alterius partis neg. min. & disting. consequens. Ergo partes aquæ, vt radicaliter præhabentes proprias quantitates, non possunt existere per eandem existentiam concedo consequ. vt præhabent quantitatem continuam, & utrique parti communem, neg. consequ. etenim substantia materialis, illam indiuiduationem, quam habet sub quantitate, retinet à mota quantitate, per ordinem ad illam, vnde, sicut guttæ aquæ sub vnica quantitate constituunt vnicum indiuiduum, & sub pluribus quantitatibus sunt plura indiuidua; ita ablata quantitate, per ordinem ad plures quantitates, sunt plura indiuidua, vt vero dicunt per modum radicis ordinem ad vnā quantitatem, constituunt vnicum indiuiduum, possuntque subinde communicare in vna existentia, vel existere pluribus; ea nimirum potentia, qua dum sunt sub quantitate, possunt indifferenter communicare in vnica quantitate, vel existere sub pluribus.

104 *Ad secundam* disting. anteced. partes illæ non sunt insinuatæ in actū, conced. anteced. in po-

tentia neg. anteced. quælibet enim pars componitur ex alijs in infinitum, cæterum cum numerus, aut multitudo resultet ex diuisione, & partes illæ ratione vnius existentie, qua existunt omnes, sint vnum, & non plura in actu, fit consequens ex eis non resultare multitudinem, aut numerum actu infinitum, sed infinitum. syncategorematicè, vel in potentia, vt dicitur ex communi Philosophorum sententia de partibus quantitat. lib. 8. Physicorum præfens namque obiectio æque militat contra partes quantitatis, ac contra partes substantiæ pro priori ad quantitatem.

105 *Ad 3. d. disting. mal.* ex partibus, quæ non comparantur ad inuicem, vt potentia, & actus, si comparantur ad tertium, per modum potentie, vel per modum actus non potest fieri vnum per se, neg. mal. nec inter se comparatur, vt potentia, & actus, nec ad tertium comparantur per modum potentie, vel per modum actus, neg. mal. etenim partes quantitatis non comparantur ad inuicem vt potentia, & actus, & tamen, quia ipsæ comparantur ab substantiam per modum actus, ex eis fit vnum per se: fit ergo vnum per se ex partibus substantiæ, quia licet vna relate ad alteram non sit potentia vel actus, vaines per modum vnius subiecti, vel potentie comparantur ad vnum actum, scilicet ad existentiam: vel ideo ex eis fit vnum per se, quia

licet, vna pars materiæ, nec sit actus, nec potentia respectu alterius, omnes tamen comparantur, vt potentia ad formam, & ad omnes comparatur forma, vt actus.

106. *Obijcies 2.* omnis distinctio actualis. prouenit ab aliquo actu: sed in materia prima, ablata quantitate, nullus est actus, qui possit illius partes integraliter distinguere: ergo materia, ablata quantitate, non habet partes actu distinctas. Maior est Philosophi 7. metaph. textu 49. dicentis: *Actus est, qui distinguit*; & minor est certa, quia in materia prima ex se nullus est actus, cum primus illius actus sit forma.

107 *Respond.* quod omnis distinctio prouenit ab actu, vel ab ordine ad actum, vt patet in materia coelesti, & sublunari, quæ ex se non habent actum, & tamen ex se distinguuntur specificè, quia ex se dicunt ordinem ad diuersos actus, nempe ad formas, quarum vna est corruptibilis, altera incorruptibilis: distinguuntur ergo integraliter partes materiæ, non per quantitatem, quæ est actus, sed per ordinem ad illam, hoc e. r. distinguuntur ex se, quia ex se perunt partes quantitatis, quibus possint ordinate extendi, & existerè in confusè.

108 *Obijcies 3.* Si substantia ex se haberet partes, conuolueret illi distinctio quantitatis, esset enim diuisibilis in partes, quæ diuisæ possent per se existere: consequens est falsum: ergo, & illud, ex quo sequitur.

Neg.

109 *Neg. sequel.* Ad probat. disting. anteced. substantia esset diuisibilis *proximè*, & *naturaliter*, neg. anteced. *remotè*, & *supernaturaliter*, conced. anteced. diffinitio autem quãtitatis intelligenda est de diuisibilitate naturali, & proxima, quæ consistit in solutione continuitatis, hoc est, in separatione partium à termino communi, medio quo erant copulata; & hæc diuisibilitas repugnat substantiæ; licet diuisio per absolutam separationem partium ab existentia, cui omnes communicabant, possit ei diuinitus conuenire.

ARTIC. V.

Quotuplex sit quantitas?

110 **D**ividitur quantitas in continuam, & discretam: continua est: Cuius partes copulantur aliquo termino communi. Vt linea, cuius partes copulantur aliquo indiuisibili, nimirum puncto illas hinc inde afficiente. Discreta est, cuius partes nullo termino communi copulantur. Vt numerus, qui constat unitatibus ordinate se habentibus; sed non copulatis medio termino communi.

111 *Prædicta diuisio* est essentialis; quia essentia quantitatis est extensio partium, & quantitates præfata habent distinctam essentialiter extensionem; est

præterea generis in species sub alternas, quia quælibet ex illis in plures alias species sub diuiditur.

§. I.

Quantitatis continua multiplex diuisio.

112 **D**ividitur 1. quantitas continua in permanentem, & successiuam: permanens est, cuius partes simul existunt, vt magnitudo corporea: successiuæ: cuius partes non simul existunt, sed alie existunt prius, alie posterius, vt tempus.

113 *Sub diuiditur* quantitas continua permanens in lineam; superficiem, & corpus. Linea est longitudo sine latitudine, nec profunditate; superficies: latitudo sine profunditate; corpus: quantitas triplex dimensionis, hoc est, longitudinis, latitudinis, & profunditatis. Vnde corpus cum trinam dimensionem includat, includit lineam, & superficiem; superficies vero, quæ duas dimensiones, hoc est, longitudinem, & latitudinem includit, includit lineam; linea vero, quæ unicam dimensionem, nempe longitudinem, importat, simplex est extensio, utpote longitudo sola, expers latitudinis, & profunditatis.

114 *Si inquiras*, utrum hæc diuisio sit generis in species? Respond. affirm. Ratio est quia illa

Gg 3 di-

quæsiō est generis in species, in qua membra diuidentia simpliciter participant rationem communem, & differunt essentialiter per intranea illius: sed præsens diuisiō est huiusmodi: ergo. *Pr. b. min.* Quo ad primam partem: communis ratio quantitatis continuæ, est extensio partium, & earum unio, medio termino communis; sed linea, superficies, & corpus vere habent partes extensas, cum non sint indiuisibilia, easque habent unitas, medio termino comuni, nam partes lineæ punctis, partes superficiei lineis, partes corporis superficiebus sunt unitæ: ergo.

Quoad secundam vero partem probatur *min.* Linea, superficies, & corpus differunt penes longitudinem, & latitudinem, & profunditatem; sed longitudo, & latitudo, & profunditas sunt distinctæ essentialiter extensiones: ergo differunt essentialiter. *Pr. b. min.* ubi *continuitas* est distincta, distincta est extensio: sed in linea superficie, & corpore continuitas est distincta, nam continuitas in eis sunt diuersa: ergo. Vide, assertionem nostram docent Philosophus 5. metaph. cap. 17. & D. Thom. ibidem.

115 Si opponat. Vna species non ordinatur ad componendam aliam, nec includitur in alia: sed linea, & superficies ordinantur ad componendum corpus, & in eo includuntur, corpus enim componitur ex lineis, & super-

ficiibus: ergo prædicta non sunt species quantitatis. *Confirmat. 1.* Corpus ponitur directe sub genere substantiæ: ergo non est species quantitatis. *Confirmat. 2.* Cum duo corpora plana se tangent, superficies vnius penetratur cum superficie alterius, cum vtraque superficies sit in eodem loco ab eadem aëris superficie contenta: sed nulla species quantitatis est penetrabilis: ergo superficies non est species quantitatis.

116 *Resp.* concessa mai. distingu. *min.* Linea, & superficies ~~ut indiuisibiles~~ ordinantur ad componendum corpus conced. *min.* ut *diuisibiles* neg. *min.* & conseq. Linea est diuisibilis secundum longitudinem, & sub tali ratione est species quantitatis, sub qua tamen non ordinatur ad componendum corpus, sed ut indiuisibilis secundum latitudinem, quæ ratione non est species quantitatis, sed quid reductiue pertinet ad genus quantitatis; & idem proportionabiliter dicendum de superficie diuisibili secundum latitudinem, & indiuisibili secundum profunditatem. Corpus similiter solum pro materiali, & præsuppositiue includit longitudinem lineæ, & latitudinem superficiei, quæ ratione inconueniens non est, quod vna species includat aliam, sicut intra genus quantitatis discrete senarius pro materiali componitur externarijs; formaliter tamen corpus longitudinem, & la-

ritudinem non dicit, sed solum profunditatem, secundum quam differt a linea, & superficie: & licet longitudo lineæ indigeat corpore, ut phisice exinat, non tamen ut sit longitudo, & distincta extensio à latitudine superficiei, & profunditate corporis.

117 *Ad 1. confirm. Resp.* quod corpus aliquando sumitur pro substantia materiali, aliquando pro magnitudine triæ dimensionis: primo modo ponitur sub genere substantiæ; posteriori modo (& sic de corpore nunc loquimur) est species quantitatis. *Ad 2. confirm. Resp.* quod in eo casu una superficies tangit secundum se totam alteram superficiem, ea ratione, qua indivisibilis est secundum profunditatem; qua ratione tamen divisibilis est secundum latitudinem, aut lateraliter illam non tangit, una quippè aliam arceret à suo loco.

118 *In quires ulterius*, utrum locus sit species quantitatis distincta à superficie. *Resp.* negative: tum quia Philosophus recensens species quantitatis 5. metaph. cap. 13. loci non meminit. Tum quia locus nihil aliud est, quam ultima superficies corporis continentis locatum; ergo non est species quantitatis à superficie distincta. Prob. consequ. Vbi non est distincta extensio, non est distincta species quantitatis; sed ut superficies contineat locatum, non requiritur extensio distincta ab extensione

superficiei: ergo si locus nihil est aliud, quam ultima superficies corporis continentis locatum, non est species quantitatis distincta à superficie.

119 *Dices*: cur ergo Aristot. in præsentī cap. locum numerat inter species quantitatis. *Resp.* quia in præsentī non agit de quantitate, quoad essentialia, sicut in 5. metaph. sed de quantitate, ut mensura, & locus formaliter, ut talis, addit supra superficiem, specialem rationem mensuræ, nam superficies secundum se, tantum est mensura intrinseca substantiæ; superficies vero ut locus, cum addat continentiam locati, addit quoque esse mensuram extrinsecam illius.

120 *Quantitas* continua successiva dividitur in duas species, scilicet, in motum, & tempus motus est; *actus entis in potentia*; idest via, & tendentia mobilis ab vno termino ad alterum: tempus vero est, *numerus motus secundum prius, & posterius*, idest mensura, qua certificamur de partibus prioribus, & posterioribus motus.

121 *In quires*, an motus, & tempus sint veræ species quantitatis? *Negativa* sententia est expressa D. Thom. lib. 5. metaph. lect. 15. & ideo asserit non numerari ibi a Philosopho inter species quantitatis: unde ipsius ratione prob. species quantitatis sunt quæta, idest, extensæ, & divisibiles per se, siue ratione sui, non ratio-

ne alterius. Sed motus non est extensus, & diuisibilis ratione sui, sed ratione alterius, scilicet, ratione spatij: ergo non est vera species quantitatis. *Prob. min.* motum esse diuisibilem, & extensum est habere partes priores, & posteriores: sed eas habet ratione spatij: ergo ratione spatij est extensus, & diuisibilis. *Prob. min.* idem mobile post derelictum terminum à quo non statim acquirit terminum ad quem, sed successiue peruenit ad illum, quia post terminum à quo non sequitur immediate terminus ad quem; sed interiacet spatium, cui secundum se totum nequit esse simul praesens, & idcirco prius fit illi praesens secundum partes priores, & deinde secundum posteriores: ergo motus habet partes priores, & posteriores ratione spatij.

122. *Confirm.* Motus discretus Angelus est derelictio vnius loci, & adquisitio alterius: & tamen quia ab Angelo exercetur independentem ab spatio inter medio, caret successione: ergo derelictio vnius termini, & adquisitio alterius, in quo consistit motus, non petit per se, sed ratione spatij, successione.

123. Ex hoc non inferas, quod motus est quantus formaliter per ipsam quantitatem spatij, cum quantitas spatij sit perennans, & continuata punctis; quantitas vero motus sit transiens, & eius continuatiuum sit mutatum esse. *Non inferas* quidem, non enim

hoc intendit ratio facta; sed quod extensio successiua, quae reperitur in motu, accidit motui, qui successiue ex se, & ratione sui non est, sed dependenter à quantitate permanente spatij, & sic dependet ab eo in ratione communi quantitatis, in ratione scilicet extensionis; quod sufficit, ut tantum secundum quid, & analogice sit quantus, ac proinde quod non sit vera species quantitatis.

124. *Ex his facile conijcitur*, quod, idem dicendum sit de tempore, quia tempus nihil est aliud, quam motus primi mobilis, ut mensurat durationes motuum inferiorum, ac proinde nullam habens extensionem distinctam à motu: ergo quemadmodum motus non est species per se quantitatis, nec tempus per se est species quantitatis.

§. II.

De quantitatis discreta diuisione.

125. **D**iximus quantitatem

discretam esse, cuius partes nullo termino communi copulantur: Duas quantitatis discretae species Philosophus assignauit, nempe numerum, & orationem: numerus est multitudo numerata per unum, ut sex homines: numerus, alius dicitur numerans, alius, numeratus: numer-

merus numerans improprie dicitur numerus, est enim actus, quo intellectus designat partes rei numeratæ: numerus numeratus sunt res ipsæ numeratæ, ut tres homines, sex equi; qui tamen adhuc est duplex, *formalis*, & *materialis*, numerus numeratus formaliter, est ipsa ratio numeri abstracta à materia, ut cum dicimus senarius constat sex unitatibus; non determinantes, an senarius ille sit hominum, vel equorum: numerus numeratus materialis est numerus contractus ad materiam, ut sex homines, sex equi.

126 *Dividitur præterea in transcendentalē, & prædicamentalem: transcendentalis est quævis multitudo resultans ex quibuscunque unitatibus, ut sex Angeli decem prædicamenta prædicamentalis est multitudo resultans ex diuisione continui.*

127 *Oratio, quæ est altera species quantitatis discretæ: diffinitur: numerus syllabarum, & mensura durationis earum; id est, est multitudo syllabarum, in qua non solum attenditur, quot sunt, sed quantum vnaquæque duret: est ergo oratio plures syllabæ, quarum alie sunt longæ, alie breues, vel omnes sunt longæ, aut omnes breues: ita colligitur ex D. Thom. opusc. 48. cap. 2. dicente: Oratio est numerus pertinens ad mensuram durationis syllabarum.*

128 *Pro cuius diffinitionis intelligentia nota 1. orationem in*

præsentī non accipitur, ut accipitur à Grammatico, Rhetorico, vel Dialectico; sed accipi pro quacunque syllabarum collectio-
ne: unde hæc vox *homines* est oratio, prout oratio accipitur in præsentī. 2. *Nota*, diffinitione superius tradita exponi orationem vocalem, sed quia oratio, quæ est species quantitatis discretæ, comprehendit sub se, non solum, vocalem, sed quoscunque motus aliquibus morulis interruptos, ut plures sonitus tubæ, & plures saltationes, potest vniuersaliter diffiniri dicendo, oratio est *numerus motuum, & mensura durationis eorum*; id est, multitudo motuum proprias habentium durationes.

129 *Circa prædictas species quantitatis inquirens primo: Vtrum numerus prædicamentalis sit vera species quantitatis?*

130 *Resp.* affirmatiuè cum Philosopho, tam in præsentī, quàm in 5. Metaph. cap. 13. ubi enumerat species quantitatis in ratione extensionis, quibus numerum adiungit, necnon cum D. Thom. ibi lect. 15. & 1. part. quæst. 30. & prob. Numerus quantitatus est ens reale completum, & vnum per se: ergo est ponibilis directe in aliquo prædicamento; non alio, quam in prædicamento quantitatis: ergo cum non collocetur in eo, ut genus suprænum, debet in eo contrahi, ut vera species quantitatis: consequenter tenet, nam quodlibet ens reale, per se, & completum

tum continetur sub ente diuino in decem predicamenta : ergo debet in aliquo eorum directe collocari.

Antecedens quoad primam partem patet, tum, quia numerus quantitatiuus est obiectum arithmeticae, quae est scientia realis, tum, quia tres quantitates sunt numerus quantitatiuus; sed a parte rei dantur tres quantitates : ergo datur a parte rei numerus quantitatiuus. *Quoad 2.* vero probatur, quia numerus, v. g. ternarius non ordinatur ex se ad componendum alium. *Quoad 3.* denique partem suadetur, tum, quia obiectum scientiae est ens per se, ens enim per accidens, cum diffiniri non possit, nec demonstrari potest, aut sciri : sed numerus quantitatiuus est obiectum scientiae, scilicet arithmeticae : ergo. Tum, quia, quod componitur ex partibus ordinatis, est vnum per se : vnde domus, quae componitur ex partibus ordinatis, est vnum per se, & acervus lapidum, qui constat ex partibus, quae nullum ordinem habent, non est vnus per se : sed numerus constat partibus ordinatis : ergo numerus est ens per se. *Prob. min.* Numerus constat ex partibus comprehensis sub vna, ultra quam non possunt progredi : ergo ex partibus ordinatis.

131 *Confirm.* Quod constat ex partibus, quarum vna determinat reliquas, est vnum per se ; sed numerus est huiusmodi : ergo. *Prob. min.* Vltima vnitas determinat

reliquas, nam in numero senario quinque vnitates, quae indifferentes erant, vt numerum senarium, vel denarium componerent, si adueniat altera vnitas, & illa sit vltima, constituunt numerum, non denarium, sed senarium : ergo.

132 *Si opponas :* Ex pluribus entibus in actu completis non fit vnum per se : sed numerus componitur ex pluribus entibus in actu completis, v. g. ternarius hominum ex tribus hominibus : ergo non est ens per se, ac proinde, nec species quantitatis. *Confirm. 1.* Numerus non solum componitur ex vnitatibus, sed ex numeris, v. g. senarius ex duobus ternariis : sed ternarii sub nulla ratione sunt entia in completa : ergo componitur ex entibus completis, vt completis, & consequenter non est vnum per se. *Confirm. 2.* Ideo numerus esset ens reale per se, quia dicitur plures vnitates, vt determinatas per vltimam : sed a parte rei non datur vltima vnitas, seu non datur vnitas, quae a parte rei sit vltima, cum in ternario, v. g. hominum, non sit a parte rei maior ratio, vt Petrus sit potius vltima vnitas, quam Paulus, aut Franciscus, cum non sit maior ratio, vt numerando incipiamus ab vno, & desinamus in alio, quam è conuerso : ergo vel numerus non est ens reale, vel non est ens per se.

133 *Respond.* concessa mai. disting. min. Numerus componitur ex pluribus entibus completis in

genere quantitatis continua concedi-
min. completis in proprio genere
quantitatis discretæ, nego min. &
conseq. Numerus prædicamenta-
lis componitur ex quantitatibus
vt diuisiis, & discontinuatis, qua
ratione quilibet est vnitas in di-
uisiuilibus, & quid in completum in
genere quantitatis discretæ; quod
autē ipsæ in se sint extensæ, & en-
tia completa in linea quantitatis
continuæ de materiali se habet ad
compositionem numeri; sicut
supra diximus, corpus formaliter
vt tale componi ex lineis, & su-
perficiebus, vt indiuisibilibus, &
si ipsæ in se sint alias diuisibiles.
Hinc numerus habet suam pecu-
liarem extensionem omnino di-
uersam, & formaliter indepen-
dentem à quantitate continua,
cum enim numerus resultat ex
diuisione continuitatis, addit su-
pra continuitatem plures unitates
per se ordinabiles ad componen-
dum tertium quid ex ipsis, & vlti-
ma unitate vt forma resultans:
Nec ob est quod specialem impe-
netrabilitatem non addat; hæc
enim non est proprietas quantita-
tis in communi, sed solum quan-
titatis continuæ. *Hinc* etiam in-
fertur, quod cum Philosophus ait
in lib. 10. Metaph. textu 20. quod
numerus est plura quanta, acci-
piendus est de numero pro mate-
riali; formaliter enim est plures
unitates ordinatæ sub vltima.

134 *Ad 1. confirm.* Resp. quod
senarius non componitur forma-
liter externarijs vt talibus, quia vt

talia dicunt tres unitates vt ordi-
natas sub vltima, velut sub forma;
qua ratione nullus numerus or-
dinatur per se ad compositionem
alterius, cum prout sic sit ens cō-
pletum ad alterius constitutio-
nem minime ordinatum: compo-
nitur ergo senarius ex sex unita-
tibus, quæ sunt materia duplicis
ternarij vt præscindentibus a sui
coordinatione sub vltima uni-
tate.

135 *Ad 2. confirm.* Resp. quod
sicut à parte rei datur aliquid ne-
cessarium ad viuendum, non quia
detur aliquid determinatè, quod
sit necessarium ad videndum, sed
quia datur aliquid necessarium
disiunctim, vel conditionatim,
hic scilicet, vel ille oculus, vel
ille determinate, casusq; 10 deficiat
alterita à parte rei datur vltima
vnitas, non quia detur aliquid,
quod determinate sit vltima vni-
tas, sed quia datur aliquid, quod
disiunctim, siue conditionate sit
vltima vnitas, quia ex illis tribus,
unitatibus aliquam vage sump-
tam nequit excedere ternarius,
sed vna, vel altera debet reliquas
concludere, & quælibet, ex sup-
positione, quod incipiamus nu-
merando ab alijs, erit determinate
vltima. *Hinc* vltima formaliter
vnitas datur independentem ab in-
tellectu, qui dicitur numerus nu-
merans, vltima vero materialiter,
id est, quod hæc vnitas, potius
quàm alia, sit vltima, dependet ab
intellectu numerante.

2-136 *Inquires 3. Vtrum oratio sit*
vt-

vera species quantitatis? Resp. quod oratio est species quantitatis, non tamen specialis, & à cæteris distincta: *prima pars* patet, nam oratio, ut ex eius diffinitione constat, est numerus, est enim plures motus morulis quibusdam interrupti: sed numerus, ut vidimus est vera species quantitatis: ergo.

Quoad secundam vero partem probatur, quia oratio non habet specialem extensionem; ergo non est species quantitatis distincta ab alijs; *Anteced. prob.* Extensio totius non est specialis, aut distincta ab extensione partium, si simul accipiantur: sed partes orationis, simul sumptæ non habent specialem extensionem: ergo nec oratio habet specialem extensionem, prob. min. Partes orationis simul sumptæ sunt motus discreti, siue interrupti; atqui motus discreti non habent specialem extensionem; nam motus secundum se habent extensionem continuam, motus vero, ut discreti, habent extensionem numeri: ergo partes simul sumptæ non habent extensionem specialem distinctam ab extensione numeri, & quantitatis continuæ: non ergo constituit oratio propriam speciem quantitatis à reliquis condistinctam.

137 *Vnde Philosophus in metaphysica*, ubi de quantitate quoad ipsius essentialia egit, non meminit orationis, nec eam inter quantitatis species numeravit: numeravit tamen eam inter species

quantitatis in præteriti; quia hic agebat de quantitate per modum mensuræ, & oratio in ratione mensuræ differt à numero, quia numerus solas mensurat unitates, oratio vero mensurat durationes unius cuiusque motus; quare voces istæ *sermonis*, & *temporis* in ratione numeri sunt eiusdem speciei, cum utraque sit syllabarum ternarius; sunt tamen diuersæ speciei in ratione mensuræ, cum alter *antibachius*, alter *pes* sit *dactylus*.

§. III.

Proprietates quantitatis, & coordinatio huius predicamenti.

138 **T***Res in presenti recenset Arist. proprietates quantitatis: Prima est non habere contrarium, una enim ab eodem subiecto alteram non expellit: Secunda non suscipere magis, aut minus, nec enim vnus numerus est magis numerus, quam alter, neque vna linea magis linea, quam altera, licet sit maior quam altera: potest enim eadem quantitas maiorem suscipere extensionem, sed nequit in eadem parte subiecti esse magis, vel minus extensa: Tertia proprietas quantitatis est, quod ab ea res dicantur æquales, vel inæquales, & hoc, ait Arist. esse quantitati maxime proprium, siue proprium quarto modo.*

139 *Si opponas aduersus primam proprietatem: magnum, & parvum sunt*

sunt contraria, & tamen sunt species quantitatis: similiter sursum, & deorsum contrariantur; & tamen sunt quantitates, cum sint species loci.

140 *Resp.* Arist. 1. Quod magnum, & parvum non sunt quantitates, sed relationes, cum nihil dicatur parvum, aut magnum nisi comparatione aliorum. 2. *Resp.* magnum, & parvum non esse contraria, quia ab eodem subiecto non se expellunt: adolescens enim est magnus respectu Pygmaei, & parvus respectu Gigantis. Similiter sursum, & deorsum non pertinent ad locum, prout est quantitas, sed prout in voluit ubi, quod est distinctum pradicamentum.

141 *Si secundò opponas*, in alijs præter quantitatem inveniuntur æquale, & inæquale, ut in duobus ponderibus, & duobus caloribus eiusdem gradus: ergo tertia proprietas non est maxime propria quantitatis.

142 *Resp.* In alijs præter quantitatem inveniuntur æquale, & inæquale metaphorice, & per imitationem quantitatis, nõ proprie: nam æqualia sunt, quæ eadem mensura mensurantur, & mensura proprie in solo genere quantitatis reperitur.

143 *Plures alias quantitatis proprietates assignat Arist.* alijs in locis, ut quod sit diuisibilis, quod sit mensura, quod sit finita, vel infinita, longa, vel brevis, profunda, gravis, levis, aspera, lenis, densa,

rara; in quibus, quia difficultate vacant, non immoramur.

144 *Series* huius pradicamenti facili ex dictis: in eo quippe genus supremum est quantitas mollis, quæ veluti in species subalternas diuiditur in continuam, & discretam: sub discreta duæ sunt species numerus, & oratio; sub numero, plures species numerales, ut binarius, ternarius; sub oratione diuersæ mensuræ motuum, ut in carmine pedes & stylus, & spondæas; in musica toni diapente, & diapason; sub quantitate continua sunt tres species infimæ, scilicet, linea, superficies, & corpus, & earum individua, nempe hæc linea, hæc superficies, &c.

ARTIC. VI.

Quid, & quotuplex sit relatio?

145 *I*dem est in præsentirelatio, ac respectus, ordo, aut tendentia unius ad alterum; unde relatiua ab Arist. vocantur ad aliquid, siue ad aliud, quia non significantur absolute, & ad se, sed comparative, & sub habitudine ad aliud, ex quo inferes in quacumque relatione requiri subiectum fundamentum, & terminum: subiectum est, quod denominatur relatum, siue respiciens; fundamentum, quod determinat, & coopræ subiectum, ut ad aliud referatur; terminus vero est illud extremum, quod ex vi relationis respicit, & ad quod tendit subiectum.

145 *Diuiditur* 1. relatio in relationem secundum esse, & in relationem secundum dici: *Relatiua secundi: in esse* (more Arist. qui relatiua diffiniuit in concreto) sunt ea, quorum totum esse est in ordine ad aliud: Relatiua secundum dici sunt res absoluta, quas consequitur aliquis respectus: Ita colligitur aperte ex D. Thom. 1. part. quæst. 13. art. 7. ad 1. & quæst. 12. de veritate, art. 6. & alibi sæpè. Quibus in locis docet relatiua secundum esse, dici ea, quæ sunt imposita ad significandas ipsas habitudines relatiuas, vel ad significandas tantum, aut principaliter ipsas relationes: relatiua vero secundum dici esse ea, quæ principaliter significant qualitates, vel aliquid huiusmodi, ad quæ ramen consequuntur relationes; vnde non tam significant respectum, quàm absolutum, cum respectu, siue absolutum respectiue; vnde scientia, quæ principaliter significat qualitatem, & ex consequenti relationem, quia qualitatem, in qua scientia consistit, non potest nomen exprimere sine respectu: ergo iux. D. Thom. relatiua secundum dici sunt res absolutæ, ad quas relatio consequitur; relatiua vero secundum esse sunt, non res absolutæ, sed ipsæmet relationes: sed relationes vt contra positæ rebus absolutis, quas consequitur relatio, totum suum esse habent in ordine ad alterum: ergo relatiua secundum esse ex mente D. Thom. sunt ea, quorum totum suum esse est in ordine ad aliud;

relatiua vero secundum dici sunt res absolutæ, quas consequitur aliquis respectus.

147 *Secundò* diuiditur relatio in realem, & rationis, illa est ordo vnus ad alterum ante operationem intellectus, vt ordo, vel respectus patris ad filium: illa vero est respectus vnus ad alterum per operationem intellectus vnum ad alterum comparantis, vt respectus generis ad inferiora, & respectus eiusdem ad se ipsum.

148 *Diuiditur* relatio realis in creatam, & increatam, sub increata continentur relationes diuinæ; sub creata ceteræ relationes. Relatio realis creata, alia est prædicamentalis, alia transcendentalis: prædicamentalis est, quæ determinatum prædicamentum constituit, & diffinitur: *Respectus realis finitus, cuius totum esse est ad aliud*: Transcendentalis est, quæ dirigitur per plura prædicamenta, & diffiniri potest; *habitus realis finitus ad aliud, non sub ratione puri termini, sed sub ratione cause, vel mensuræ, vel sub alia simili formalitate.*

149 *Antequam* ad diuidendam relationem prædicamentalem deueniamus, admonendus est primo, diuisionem relationis in relationem secundum esse, & in relationem secundum dici non coincidere cum diuisione in relationem realem, & rationis; nam quædam relatiua secundum esse sunt relatiua rationis, vt dextrum, & sinistrum in columna, & quædam relatiua secundum dici sunt rela-

et sua realia, ut scientia, & sensus, quæ important relationes secundum dici, sed reales ad scibile, & sensibile. Unde prædictæ diuisiones sunt diuisiones immediatæ relationis in communi desumptæ à distinctis principiis: ita D. Thom. quæst. 7. de potentia, artic. 10. ad 11.

150. *Momendus es secundo:* relationem secundum esse non coincidere cum relatione prædicamentali; cum relatione tamen transcendentali coincidere relationem secundum dici. *Prima pars* patet; nam relatio prædicamentalis est realis, & creata; at dantur relationes rationis secundum esse, & relationes increatæ secundum esse, nam in entibus rationis, & in Deo dantur respectus, quorum totum esse est ad aliud, totum quippe esse vniuersalis est respicere inferiora, & totum esse Patris Eterni in quantum talis est ad filium: ergo relatio prædicamentalis, & relatio secundum esse non sunt idem. *Secunda vero pars* ex eo constat, quia relatio transcendentalis est, quæ non pertinet ad vnum determinare genus, sed per diuersa genera diuagatur; talis est relatio secundum dici: ergo. *Probatum* relatio secundum dici est absolutum respectiue significatum; sed absolutum respectiue significatum diuagatur per diuersa genera: inuenitur quippe in omni prædicamento, cum dentur substantiæ quantitates, qualitates, &c. dicentes respectum, vel depen-

dentia, vel specificationis, vel mensurationis ad aliquid extrinsecum: ergo.

151. *Tertio* admoneri debes relationem prædicamentalem, & transcendentalem in aliquibus conuenire, & in alijs discriminari: conueniunt *primo* in eo, quod utraque petit subiectum, fundamentum, & terminum. *Secundo* in eo, quod utraq; versatur inter extrema realiter distincta, nihil enim ad se ipsam potest realiter, siue transcendentaliter, siue prædicamentaliter, referri.

152. *Discriminantur* vero, *Primo* in eo, quod relatio prædicamentalis est purus respectus, & terminum respicit per modum puri termini, id est, per modum termini, qui præter hoc quod est respicit à suo correlatiue, nullum aliud munus exercet, causæ, effectus, subiecti, formæ, aut simili: relatio vero transcendentalis, nec est purus respectus, sed est actio, unio, representatio, vel aliquid huiusmodi respectiue significat, nec respicit terminum ut purum terminum, sed ut exercet munus causæ, subiecti, mensuræ, vel quid simile: cuius differentia ratio satis colligitur ex vtriusque relationis diuisione, nam dum in definitione prædicamentalis dicitur, quod totum illius esse est ad aliud, indicatur, quod relatio prædicamentalis, licet sit in alio, vel ab alio, in proprio tamen, & peculiari conceptu non exprimit esse in alio, vel ab alio, aut circa aliud, quod

quod est purè respicere, & ad terminum per modum puri termini, & non aliter, dicere habitudinem: in diffinitione autem relationis transcendentalis non petitur, quod eorum illius esse sit ad aliud; unde nec purè respicit, sed vel dependet, vel repræsentat, vel unit, nec terminus purè respicitur, sed respicitur, ut causat, & recipit, vel ut specificat.

153 *Discriminantur secundo, in eo, quod relatio prædicamentalis requirit terminum existentem: relatiua quippè prædicamentalia sunt simul natura, & cognitione; relatio vero transcendentalis terminum sibi coexistentem non requirit: unde existit scientia de Rosa, quæ relatio transcendentalis est, Rosa non existente: non negamus aliquas relationes transcendentales desiderare terminos coexistentes: iauitio enim petit obiectum præsens, & unio extrema existentia; id tamen non ex conceptu relationis transcendentalis, sed ex alijs capitibus exposcunt.*

154 Pergimus iam ad diuindendas relationes prædicamentales, quas possumus diuidere ratione fundamenti, & ratione comparisonis inter extrema: ratione fundamenti primo diuinit eas Philosophus in tria genera relationum: *relationes primi generis* sunt illæ, quæ fundantur super unitatem, & numerum: per unitatem intelligitur conformitas, aut conuenientia: per numerum diuersi-

tas, aut disconuenientia: unde sub hoc genere collocantur relationes similitudinis, & dissimilitudinis, æqualitatis, & inæqualitatis, identitatis, & diueritatis.

155 *Relationes secundi generis* sunt, quæ fundantur super actionem, & passionem, aut supra potentiam, siue actiuam, siue passiuiam determinatas actione, & passionem; ut relationes inter Patrem, & Filium, Seruum, & Dominum, Discipulum, & Magistrum. *Relationes tertij generis* sunt quæ fundantur supra mensuram, & mensurabile; quod non intelligitur de mensura quantitativa, super eam enim potius fundantur relationes primi generis, nempe æqualitas, aut inæqualitas, sed de mensura perfectionis essentialis, hoc est de specificatiuo, à quo perfectio essentialis rei desumitur: unde comprehenduntur sub hoc genere relationes potentie, & habitus ad obiecta, ut sensus ad sensibile, scientia ad scibile, necnon relationes exemplati ad exemplar, ut creaturæ ad Deum.

156 *Vbi discernes inter relationes istas, & earum fundamenta, fundamenta enim specificantur à terminis, hoc est scientia à scibili, sensus à sensibili, ipsæ tamen relationes non specificantur à terminis, sed à fundamento per ordinem ad terminos, vel connotatis terminis, & ratio est; quia specificatiuum est causa, & mensura rei specificata, ac per consequens prius illa, terminus autem*

relationis prædicamentalis non est causa relationis, sed purus terminus, nec est prior, sed simul natura, & cognitione cum illa: non ergo terminus specificat relationem prædicamentalem, sed illam specificat fundamentum, sicut teste Arist. in præsentī, diuersitatem illius causat diuersitas fundamenti.

157 *Ratione cōparationis* inter terminos relationis diuiditur relatio prædicamentalis in mutuam, & non mutuam: *mutua* est: cui ex parte termini correspondet alia relatio realis ei relatiue opposita; vt relatio Patris ad Filium, cui ex parte Filij correspondet relatio Filij ad Patrem: *non mutua* est, cui ex parte termini non correspondet alia relatio realis, vt relatio creaturæ ad Deum: nam quamuis creatura referatur realiter ad Deum, Deus non refertur realiter ad creaturam: Idemque dices de relationibus tertij generis, vt de relatione scientiæ ad scibile, in qua scientia refertur realiter ad scibile, sed non è contrā. Relationes mutuae versantur inter extrema eiusdem ordinis, hoc est inter extrema, quorum quodlibet potest referri realiter ad alterum; relationes vero non mutuae versantur inter extrema diuersi ordinis; hoc est inter extrema, quorum vnum propter superioritatem, aut independentiam non potest realiter ad alterum referri. Sub diuiditur relatio *mutua* in relationem æquiparantiæ, &

disquiparantiæ. *Relatio æquiparantiæ* est cui ex parte termini correspondet altera relatio eiusdem denominationis, vt relatio similitudinis, quæ intercedit inter extrema, quorum vtrumque denominatur simile. *Relatio disquiparantiæ* est, cui ex parte termini altera relatio diuersæ denominationis correspondet, vt relatio Paternitatis, quæ versatur inter duos, quorum alter denominatur Pater, alter vero non Pater, sed Filius denominatur. Si vero in utroque extremo sint relationes, quæ nec sint eiusdem denominationis, nec se mutuo respiciant, erunt relationes disparatæ vt relatio Paternitatis in vno extremo, & relatio similitudinis in altero.

ARTIC. VI.

Vtrum dentur relationes reales prædicamentales, & in quo consistat?

158 **C**onsulto addimus in titulo, prædicamentales, nam relationes secundum dici, siue transcendentales, nec antiqui Philosophi negauerunt. Nec disputamus in præsentī, vtrū dentur relationes reales realiter distinctæ ab entitatibus absolutis pertinentibus ad reliqua prædicamenta; de hoc enim infra erit sermo: sed vtrum dētur relationes reales, hoc est formalitates
Hh ali-

aliquæ relatiuæ, & non absolutæ distinctæ, vel indistinctæ ab entitatibus absolutis.

159 *Existimauerunt.* Nominales relationes prædicamentales nihil aliud esse, quam denominationes extrinsecas, vel aliquid rationis, quibus consentire videntur, *tum* illi, qui prædictas relationes putant consistere, quoad esse formale ipsarum incognitione comparatiua, quæ intellectus vnum extremum cognoscit comparatiue ad aliud; *tum* illi, qui tenent relationem, realem nihil aliud esse, quam motuum sufficiens ex parte rerum, vt intellectus possit vnum alteri comparari, & motuum istud dicunt, esse aggregatum ex subiecto, fundamento proximo, & termino; consentiunt præterea Nominalibus ex parte, qui relationes prædicamentales censet esse respectus rationis secundum conceptum differentialem ad.

§. I.

Sit prima conclusio.

160. **D**antur relationes reales prædicamentales: est communis Philosophorum, Theologorum, & SS. Patrum, maxime D. August. tom. 2. epist. 66. & tom. 3. lib. 5. de Trinitate, cap. 3. necnon D. Thom. qui expresso impugnat eos, qui dicebant relationem non esse rem naturæ, sed aliquid rationis, 1. p.

quæst. 13. & alibi sæpè. Et prob. 1. Relatio Patris ad Filium est prædicamentalis: sed relatio Patris ad Filium increatis est realis: ergo datur relatio realis prædicamentalis. Minor, in qua est difficultas probatur: in diuinis relatio Patris ad Filium est realis: ergo increatis relatio Patris ad Filium est realis. Prob. conseq. ideo Patres, & concilia docent, quod Pater Aternus refertur realiter ad Filium, quia generat Filium, & est principium illius: sed increatis Pater generat Filium, & est principium illius: ergo sicut in diuinis relatio Patris ad Filium est realis, etiam increatis relatio Patris ad Filium est realis.

161. *Si dicat:* relationem Patris ad Filium, in diuinis esse transcendentelem, cum sit substantialis, & identificata cum essentia Patris: ac subinde ex illa non probari, quod detur increatis relatio realis prædicamentalis Patris ad Filium.

162. *Contra.* Quia datur in diuinis Pater, qui genuit Filium, & est principium illius: datur relatio Patris, quæ est formalitas relatiua virtualiter distincta ab omni formalitate absoluta, cuius proinde totum esse est ad aliud: ergo quia datur increatis Pater, qui generat Filium, & est principium illius, datur increatis relatio Patris, quæ est formalitas relatiua distincta ab omni formalitate absoluta, cuius totum esse est ad aliud: sed formalitas

itas respectiva distincta formaliter ab omni formalitate absoluta, cuius totum esse est ad aliud, est relatio prædicamentalis, cum nõ diuagetur per omnia, sed speciale prædicamentum constituat: ergo ex quo relatio Patris ad Filium in diuinis sit realis, bene infertur dari in creatis relationem prædicamentalem reale Patris ad Filium.

163 *Prob. 2. conclusio:* nullo intellectu considerante, duæ quantitates eiusdem extensionis sunt æquales: sed æqualitas est relatio prædicamentalis: ergo nullo intellectu considerante datur relatio prædicamentalis. Maior est per se nota. Et *min. prob.* res vna constituitur æqualis alteri per habitudinem ad alteram in ratione puri termini: ergo æqualitas est relatio prædicamentalis. *Prob. antec.* res quælibet potest intelligi, sine eo, per quod non constituitur; & æquale non potest intelligi, sine habitudine ad alterum per modum puri termini: ergo. *Prob. min.* æquale nequit intelligi absolute, sed debet intelligi ut alteri æquale: ergo nequit intelligi sine habitudine ad alterum: alias hæc habitudine, cum sit pura respectiva, est ad aliud per modum puri termini: ergo æquale nequit intelligi sine habitudine ad aliud per modum puri termini.

164 *Prob. 3.* Inter partes vniuersi datur ordo realis: sed hic ordo est relatio prædicamentalis: ergo. Mai. est certa, nam, ut ait D.

Thom. q. ciata de potentia, b. n. num vniuersi conuinit in ordine vnus rei ad aliam, sicut bonum exercitus consistit in ordine partium eius; & *min. prob.* Ordo partium vniuersi non est formaliter ordo dependentiæ, sed est ordo per modum puri respectus: ergo non est ordo transcendentalis, sed prædicamentalis. *Prob. ant.* ordo inter patres vniuersi resultat ex eo quod alii ab alijs dependent, ex hoc, scilicet, quod alii sunt causæ, alii vero effectus: ergo perfectus ordo non est formaliter dependentia, sed est præcisè respectus ex dependentia resultans.

165 *Confirm.* Sicut se habet proportio ad quantitates, & harmonia ad voces, ita se habet ordo ad partes vniuersi: at qui proportio non est formaliter quantitates longæ, & breues, sed ordo ex illis resultans, nec harmonia est ipsæmet voces, graues, & acutæ, sed ordo ex illis resultans: ergo nec ordo vniuersi est ipsæmet causæ, & effectus, siue res, prout alii pendunt ab alijs, sed est respectus ex earum mutua, multiplicique resultans dependentia.

166 *Confirm. 2.* Partium vniuersi dependentia desumitur à distincto principio, ac earum ordo: ergo ordo non est formaliter partium dependentia, sed resultat ex illa. Probatur anteced. dependentia vnus partis ab altera desumitur à propria vtriusque natura nude sumpta; ordo vero vnus ad alteram non desumitur

tur à propria natura præcisè: sed à fine totius vniuersi, ac proinde à naturis partium, vt per aliquid superadditum ordinantur ad finem vniuersi: ergo.

§. II.

Secunda conclusio.

167 **R**elatio predicamentalis est realis, etiam

secundum conceptum ad. Prob. 1. conceptus ad est conceptus quasi differentialis relationis predicamentalis: sed relatio predicamentalis etiam secundum conceptum differentialem est realis: ergo et realis secundum conceptum ad. Prob. min. Conceptus communis, & conceptus differentialis in quacunque re identificantur: sed relatio predicamentalis secundum conceptum communem accidentis est realis: ergo etiam est realis secundum conceptum specificum relationis.

168. Secundo ideo relatio predicamentalis secundum conceptum communem, nempe secundum conceptum in, & vt respicit subiectum, est realis, quia realiter inheret, & existit in subiecto: sed præfata relatio realiter refertur, & respicit terminum: relatio enim predicamentalis non per fictionem intellectus, sed ex natura rei ordinatur ad terminum: ergo præfata relatio etiam secundum conceptum differentialem, nempe se-

cundum conceptum ad, & vt respicit terminum, est realis.

169 Prob. 3. Realis oppositio provenit à reali formalitate: sed à conceptu ad relationis provenit realis oppositio: ergo conceptus ad est formalitas realis. Denique conclusionem nostram tradit expressè D. Thom. quæst. 8. de potentia, artic. 2. in corpor. & ad 12. dicens: *Licet ad aliquid non significetur, vt inherens, tamen oportet, quod sit inherens, quando relatio est res aliqua.*

170 Si opponas D. Thom. 1. part. quæst. 28. artic. 1. dicentem: *Solum in his, quæ dicuntur ad aliquid, & non in alijs generibus, inveniuntur aliqua secundum rationem tantum, quia alia genera (vt quantitas, & qualitas) secundum propriam rationem significant aliquid alicui inherens, ea vero, quæ dicuntur ad aliquid, significant secundum propriam rationem solum respectum ad aliud:* ergo relatio predicamentalis secundum propriam rationem non dicit realitatem.

171 Respond. disting. consequens: ergo relatio predicamentalis secundum propriam rationem non dicit expressè, & ex modo concipiendi realitatem coeque consequ. non dicit realitatem implicite, & ex parte rei eoconceptæ: nego consequ. hoc enim est proprium relationis inter cetera predicamenta, quod in proprio, & differentiali conceptu non explicat ordinem ad subiectum: sed ad terminum, quia

In proprio conceptu non exprimit inhaerentiam, sed respectum, quare cum realitas accidentium desumatur ab existentia eorum in subiecto, relatio in proprio conceptu non explicat realitatem, sed explicat conceptum, qui indifferenter potest in veniri in ente reali, & rationis: ceterum cum relatio praedicamentalis non solum sit respectus ad terminum; sed sit respectus, quo subiectum ex natura rei respicit terminum; & non possit subiectum reddere respiciens ex natura rei terminum, nisi inhaereat illi, sit consequens, relationem in proprio conceptu implicare inhaerentiam, ac subinde expressionem conceptus. Ad relationis praedicamentalis identificari ex parte rei conceptum cum eiusdem realitate.

§. III;

Tertia conclusio.

172 **R**elatio realis praedicamentalis non est extrinseca denominatio desumpta ex rebus absolutis simul sumptis, vel coexistentibus. Est D. Th. locis supra relatis, in quibus docet, relationem esse accidens inhaerens; & probatur ex dictis. *Primo*: quia res aliqua per relationem praedicamentalem ex natura sua ordinantur ad alias; sed coexistentia utriusque entis absolute, non est ordo unius ex natura sua ad

alteram: ergo relatio praedicamentalis non est coexistentia, vel denominatio extrinseca desumpta à rebus absolutis sibi inuicem extrinsece coexistentibus.

173 *Prob. 2.* Si relatio verbi gratia similitudinis inter duo alba, nihil est aliud, quam hoc album, & aliud album huic extrinsecum, vel extrinsecè huic coexistens: ergo relatio non est realis habitudo, realis ordo, vel realis comparatio unius ad alterum, nec similitudo realis involuit duo alba, quorum unum realiter se habeat ad aliud, ordinatur, vel comparatur ad aliud, sed duo alba absoluta, vel per intellectum inuicem comparata: unde sententia haec negat relationes reales cum Auerro, Avicena, Aureolo, quos communiter referunt Authores pro sententia illas negante, quatenus dixerunt relationes esse denominationes desumptas à rebus absolutis, siue à coexistentia illarum; etenim dari in rebus duo entia, quorum utrumque sit album, non negarunt relati Philosophi, negauerunt tamen, illa in re esse intrinsece relata: ergo negantes relationem, non negabant coexistentiam utriusque albi, sed intrinsecum unius ad alterum ordinem; & respectum: negat ergo relationes reales, qui denominationes relatiuas à sola extremorum coexistentia putat provenire,

174 *Prob. 3.* Si effectum realiter referri ad suam causam nihil est

Hb 3

est

est aliud, quam coexistentia effectus, causæ, & actionis productivæ, siue præteritionis illius: ergo pariter causam realiter referri ad effectum, non erit aliquis ordo, extrinsecus causæ ad effectum, sed existentia causæ, & effectus, simul cum existentia, vel præteritione actionis productivæ: ergo nulla est ratio, ob quam Deus non possit realiter referri ad creaturas, sicut creaturæ realiter referuntur ad Deum, extrinsecam, quippe denominationem. Deo ex tempore advenire, nec dedecet, nec repugnat: at iuxta D. Thomam 1. p. quæst. 43. art. 7. & quæst. 28. art. 1. & 4. Deus non refertur realiter ex tempore ad creaturas: ergo relatio non est denominatio extrinseca, sed intrinsecus respectus, unius extremi ad alterum.

175. Denique hæc sententia non salvat distinctionem relationis traditam à Philosopho, nimirum, quod relativa sunt, quorum totum suum esse est ad aliud siquidem in hac sententia nihil datur in rebus, quod ad aliud se habeat, cum nihil in duobus similibus concedat præter extrema omnino absoluta: ergo ad aliud se habere non est in rebus, sed in intellectu ordinante, & comparante. Vnum alteri: ergo, non dantur relationes reales ab Aristot. &

Philosophis diffinitæ.

§. IV.

Quarta conclusio.

176. **R**elatio predicamentalis non consistit in motu sufficienti ex parte rerum, ut intellectus vere comparet unum alteri. Prob. 1. Datur motuum sufficiens ex parte Dei, ut illum cognoscamus creatorem, ac subinde, ut illum vere comparemus ad creaturas: & tamen Dei ad creaturas non datur relatio realis: ergo relatio realis non est præcisè motuum sufficiens ex parte rerum, ut unum alteri comparemus. 2. Sufficit pro motu ad veram comparisonem unius ad alterum, coexistentia duplicis albi, sed ut probatum est, sola coexistentia non est relatio realis: ergo,

177. *Confirm.* vel sola præfata coexistentia est motuum sufficiens, ut intellectus comparet unum alteri, vel non est sufficiens motuum. Si primum, relatio erit saltem inadæquate, & ex parte alterius extremi extrinseca denominationis supra reiecta: si secundum, id quod requiritur præter coexistentiam, ad veram comparisonem, solum potest esse respectus: ergo, vel consistit relatio in intrinseco respectu unius ad alterum, vel non consistit in eo, quod sit motuum sufficiens ad veram comparisonem.

AR.

ARTIC. VII.

§. I.

Vtrum relatio predicamentalis distinguatur realiter à suo fundamento?

Relatio predicamentalis non identificatur cum fundamento, & termino.

178 **D**E relatione transcendentali res est certa, eam à fundamento proximo non distingui realiter: vni enim se ipsa respicit extrema, vt vniuersalia, & scientia per se ipsam pendet ab objecto, & ordinatur ad illud.

179 De predicamentali dubitamus modo, vtrum distinguatur realiter à fundamento; vbi nomine distinctionis realis intelligimus distinctionem actualem ante operationem intellectus; siue illa sit entitativa, siue modalis, de quo infra, nomine vero fundamenti intelligimus, tam subiectū, quod denominatur relatum, quod ab alijs dicitur fundamentum remotum, quam rationem fundandi, quæ à pluribus fundamentum proximum nuncupatur: vnde inquirimus vtrum similitudo v. g. qua Petrus similis est Paulo in albedine, sit ante operationem intellectus distincta à Petro, & ab illius albedine, imo à quouis alio ante absoluto requisito vt Petrus in albedine sit similis Paulo.

180 **I**Ta communiter Thomistaræ, quibus adherent Scotus, Molina, Rubio contra Suarez, Vazquez, Arriaga, Quiros, Izquierdo, & alios, quam plures ex R.R. Conclusio autem prob. ex dictis in præcedenti art. 3. conclus. 3. Nam coniunctum ex fundamento, & termino non est relatio realis: ergo, vel non datur relatio realis predicamentalis, vel relatio predicamentalis non identificatur cum fundamento, & termino. *Antec. prob.* relatio realis est, cuius totum esse est ad aliud; hoc est ad terminum: sed terminus non est aliud à coniuncto ex fundamento, & termino: ergo coniunctum illud non est relatio.

181 Si dicas non tota relatio, sed relatio inadæquate, sumpta pro fundamento, est ad aliud, nempe ad terminum, qui est altera pars relationis. Contra 1. totum esse relationis est ad aliud, vt constat ex diffinitione: ergo tota relatio est ad aliud: sed terminus non est ad se ipsum: ergo terminus est extra totam relationem. 2. Relatio sumpta inadæquate pro fundamento habet esse realiter ad aliud; hoc est ad terminum: ergo fundamentum vt distinctum à termino respicit realiter terminum,

¶ h 4

num, & refertur realiter ad illud: sed tota relatio fundamenti ad terminum, v. g. tota similitudo huius albi ad illud, consistit in eo, per quod hoc album respicit illud, seu assimilatur illi: ergo tota relatio, qua hoc album assimilatur alteri, non identificatur cum fundamento, & termino, sed cum neutro, vel cum solo fundamento.

182. Si secundo dicas: totum esse coniuncti, vt potentis cognosci comparatiue, esse ad aliud, quia sub illo conceptu nihil aliud exprimitur, quam quomodo se habeat vna pars ad aliam.

183. Contra. Esse coniuncti ex duobus albis, vt potentis cognosci, præcedit cognitionem: sed esse illius coniuncti ante operationem intellectus, non est ad aliud: ergo esse illius coniuncti, vt potentis comparatiue cognosci non est ad aliud. *Prob. min.* esse illius coniuncti complexiue sumpti non est ad aliud adæquate distinctum à coniuncto, vt de se patet, nec esse illius coniuncti complexiue sumpti est ad aliud inadæquate distinctum à coniuncto, nempe ad vnā partem ipsius, siquidem vtrumque album collectiue non refertur ad vnum ex duobus; nec tandem esse coniuncti ratione vtriusque partis diuisiue sumptæ, hoc est quodlibet ex illis albis, est ad aliud ante operationem intellectus, alias per se ipsam esset vnum album simile alteri, & respiciens

illud, ac subinde relatio non identificaretur cum vtroque; ergo esse coniuncti, ex duobus albis ante operationem intellectus nullo modo est ad aliud.

184. Deinde, ex duobus albis ante operationem intellectus non est vnum, per se; sed relatio prædicamentalis est vnum ens per se: ergo coniunctum illud non est vnum per se. *Prob. antec.* licet intellectus possit adunare duo alba comparando vnum ad alterum, tamen à parte rei, & ex se ipsis illa nullam habent vñionem: ergo coniunctum ex illis ante operationem intellectus non est vnum per se. Patet conseq. quia ex duobus entibus completis nullo modo vultis, nequit vnum per se resultare. Reliquas probationes vide art. præced. conclus. 3.

§. II.

Relatio predicamentalis non identificatur adæquate cum fundamento.

185. **P**robatur primo conclusio ex Angelico Preceptore pluribus in locis, in quibus illam manifeste videtur tradere, nam 1. part. quæst. 18. artic. 2. ait: *Sic est in creaturis in eo, quod dicitur relative, non solum inuenitur respectus ad alterum; sed aliquid absolute, ita in Deo, sed aliter; nam id, quod inuenitur in creatura, præter id, quod continetur sub signifi-*

atione nominis relatiui, est alia res, in Deo autem non est alia res; id id, quod inuenitur in creatura præter id, quod continetur sub significatione nominis relatiui est fundamentum proximum, & remotum: ergo fundamentum tam proximum, quam remotum est alia res à significatione nominis relatiui, nempe ab ipsa relatione.

186 Deinde quæst. 8. de potent. art. 2. inquit: *Substantia creata non potest identificare sibi relationem, quia est diffinita ad tale genus, in quo differt à substantia Dei, quæ cum infinita sit, & super omnia genera potest alia sibi identificare: sed plurimum relationum prædicamentorum fundamentum est substantia, ut fundamentum identitatis specificæ inter Petrum, & Paulum, & diuersitatis specificæ inter Petrum, & Equum: ergo plures relationes prædicamentales non identificantur cum fundamento. Id ipsum repetit alibi sæpè, 1. sent. dist. 4. q. 1. art. 1. ad 3. & ibi. d. 20. q. 1. art. 1. & dist. 21. quæst. 1. artic. 2. & 4. contra g. cap. 14.*

187 Dicitur D. Thom. in his, & in pluribus locis, quæ pro se Thomistæ allegant, docere quidem relationem esse accidens inhaerens, & distingui realiter à substantia; ibi tamen loqui de relationibus, quæ mediare fundantur, in substantia, & illi conueniunt ratione alicuius accidentis absoluti in illa existentis, ut de relatione

æqualitatis, quæ fundatur proxime, non in substantia, sed in quantitate, & de relatione paternitatis, quæ conuenit substantiæ ratione alicuius accidentis absoluti, nempe ratione actionis generatiuæ. De his enim verum est, quod ait D. Thom. in 2. dist. 33. q. 1. art. 1. & alibi, nimirum, inesse substantiæ, & facere cum ea compositionem accidentis ad subiectum, quia cum quantitas, & actio generatiua sint accidentia, relatio, quæ cum eis identificatur, vere inhaeret, & distinguitur à substantia.

188 Sed hæc solutio longe distat à mente D. Thom. primo, quia clare docet, omnem relationem distingui realiter à substantia: ait enim in 1. distinct. 4. q. 1. art. 1. ad 3. nulla relatio est substantia in creaturis. Secundo, quia in eo, quod est distingui à substantia, constituitur discrimen inter relationes creatas, & diuinas: ergo comprehendit nomine relationis creatæ eas etiam, quæ immediate fundantur in substantia. Tercio, quia loco citato ex 4. contra g. ait: *Quod in nobis relationes habent esse dependens (quia eorum esse est ad aliud) sub esse substantiæ: Unde habent proprium modum essendi secundum propriam rationem, sicut in alijs accidentibus constituitur.* Vbi relationem ab alijs accidentibus distinguit, & eam, prout ab alijs accidentibus distinguitur, docet differre à substantia. Quarto, nam S. Doctor loquens de creatione passiuæ, quæ est

relatio, q. 3. de potentia, art. 3. ad 3. ait: *Quia illa relatio accidentis est, & secundum suum esse considerata, prout inheret subiecto, posterius est recreata.* Sed creatio passiva, quæ est relatio, immediatè fundatur in substantia: ergo dum docet S. Thom. relationem creatam distingui realiter à substantia, loquitur etiam de relationibus, quæ immediatè fundantur in substantia.

189 Quinto, nam 4. contra g. cap. 14. inquit: *Relatio realiter substantiæ adueniens postremum, & imperfectissimum esse habet. Postremum quidem, quia non solum præexigit esse substantiæ, sed etiam esse aliorum accidentium, ex quibus causatur relatio:* ergo relationes fundatæ mediatè in substantia, & immediatè in accidentibus distinguuntur, realiter, non solum à substantia, sed etiam ab accidentibus, in quibus fundantur proximè. Denique, nam iuxta D. S. Immo iuxta omnes Philosophos dantur relationes prædicamentales non mutue: at qui nulla daretur non mutua, si relatio non esset superaddita extremis: sed esset extrema simul sumpta, vel vnum cum connotatione alterius: cum coexistere, vel connotare alterum, commune sit omnibus omnino relationis: ergo relatio est respectus realiter superadditus extremis, nempe fundamento, & termino.

190 Prob. 2. conclusio. ratione. Deficiente relatione perseverat fundamentum: ergo relatio distinguitur realiter à fundamento.

Patet conteq. nam ea, quorum vnum perseverat, altero deficiente, realiter separantur: sed quæ realiter separantur, realiter distinguuntur: ergo si deficiente relatione, perseverat fundamentum, relatio distinguitur realiter à fundamento. Antecedens vero prob. deficiente relatione: similitudinis in albedine inter Petrum, & Paulum, per hoc, quod Paulus reddatur niger potest in Petro perseverare albedo, quæ erat fundamentum similitudinis: ergo deficiente relatione, perseverat fundamentum.

191 Dices. Deficiente relatione quo ad entitatem, non perseverat fundamentum, quia entitas vnius, & alterius est eadem; perseverat tamen fundamentum, deficiente relatione, solum quoad denominationem, quia cum ad denominandum relatum pendeat à termino, quem connotat, ex deficiente solius terminus deficit denominatio relati, quin deficiat fundamentum.

192 Sed contra. Et si possit, perseverare forma quo ad entitatem, deficiente eius effectu secundario, secus tamen deficiente effectu primario: sed exercitium denominandi relatum est effectus primarius relationis: ergo deficiente exercitio eiusmodi denominationis, deficit relatio quo ad entitatem: sed deficiente tali exercitio, non deficit, sed perseverat iuxta solutionem fundamentum: ergo entitas fundamenti, & relatio -

ionis non est eadem. Mai est eu-
dens, *tum* quia effectus primarius
formæ est ipsi essentialis. *Tum*
quia entitas formæ nequit perfe-
cerare sine aliquo effectu forma-
i, alias existeret, & non existeret,
cum effectus formalis sit ipsa for-
na communicata: sed non com-
municato effectu primario, nul-
lum potest communicare effe-
ctum: ergo nequit entitas formæ
existere, deficiente eius effectu pri-
mario.

Min. vero prob. relatio quo ad
entitatem est formalitas relatiua
obiectiue distincta à fundamen-
to: sed formalitati relatiuæ ob-
iectiue distinctæ à fundamento, es-
sentialiter, & primario convenit
exercitium constituendi actu re-
latum: ergo relationi quo ad en-
titatē essentialiter convenit exer-
citiū constituendi actu relatum.
Mai videtur certa, quia si datur
relatio prædicamentalis, quæ sit
ealis, non consistens in entitati-
us absolutis simul simpliciter; sed
in vero, & reali ordine vnus ad
alterum, relatio formaliter non
est realitas absoluta, & ad se, sed
est realitas respectiua, & ad aliud;
sed realitas absoluta, & ad se, &
ealitas respectiua, & ad aliud
sunt formalitates saltem obiecti-
ue distinctæ: ergo relatio quo ad
entitatem est formalitas distincta

fundamento, quod est entitas
absoluta. *Min. vero, prob.* forma-
litate relatiuæ ex propria ratione
distinctæ ab absoluta, aliquis effe-
ctus formalis primarius sibi pro-

prius, & essentialis debet corres-
pondere: sed effectus proprius
formalitati relatiuæ, vt distin-
gitur ab absoluta, est exercitiū
constituendi actu relatum, ne-
quit enim aliud assignari: ergo
formalitati relatiuæ est essentialiter
prædictum exercitiū.

193. *Explicatur hoc:* eo ipso,
quod in homine inueniantur hæ
duæ formalitates, *animal*, & *ratio-
nale* debet vtrique seorsim assignari
aliqua denominatio, siue ef-
fectus formalis primarius, pro-
prius, & essentialis. Vnde non so-
lum debet correspondere anima-
li effectus formalis constituendi
actu hominem sensitivum; sed ra-
tionali, vt distinguitur ab anima-
li, debet essentialiter correspon-
dere effectus formalis actu consti-
tuendi hominem discursivum: er-
go eo ipso, quod in Petro dentur
hæ duæ formalitates *albedo*, & *re-
latio*, debet vtrique corresponde-
re essentialiter propria denomi-
natio, propriusque effectus for-
malis primarius: ergo non solum
debet albedini correspondere ef-
fectus formalis constituendi Pe-
trum actu album, sed relationi
debet essentialiter correspondere
effectus formalis constituendi Pe-
trum actu relatum: ergo deficien-
te hac denominatione, siue ef-
fectu formali, deficit relatio quo
ad entitatem: ergo si deficiente
prædicta denominatione, perse-
uerat fundamentum, relatio quo
ad entitatem non est formalitas
identificata, sed realiter distincta
ab illo.

Prob.

194 *Prob. 3. conclusio.* Si relatio similitudinis identificaretur cum fundamento, esset relatio transcendentalis, & non prædicamentalis, consequens est falsum: ergo, & illud, ex quo sequitur: prob. sequela, quod per omnia prædicamenta diuagatur, & cum omnibus illis identificatur, non constituit speciale prædicamentum, sed transcendit omnia; sed si relatio similitudinis non distinguitur à suo fundamento, diuagatur per omnia prædicamenta, & identificatur cum omnibus, cum similitudo, hoc est, identitas in specie possit fundari in qualibet substantia, & in quolibet accidenti: ergo relatio similitudinis non esset prædicamentalis, sed transcendentalis.

195 *Dices.* Illas esse relationes transcendentales, quæ sub proprio conceptu relatio considerantur in alijs prædicamentis, ut actio, & duratio; similitudo vero sub proprio conceptu hic solus consideratur, & ideo non est relatio transcendentalis, sed prædicamentalis.

196 *Contra:* unitas, & veritas sub proprio conceptu non considerantur in alijs prædicamentis, & tamen, quia in omnibus rebus reperiuntur, non considerantur in speciali prædicamento, sed transcendunt omnia: ergo licet similitudo non consideretur in alijs prædicamentis, si tamen in omnibus reperitur, non debet in speciali prædicamento conside-

rari, sed debet reputari formalitas transcendentalis.

§. III.

Diluuntur obiectiones.

197 *O* *Rijcies* 1. D. Thom. 3. part. quæst. 16. artic. 3. ad 1. dicenem: *Ea, quæ relatiue dicuntur, poss. ut alicui subiecto aduenire de nouo, absque eius mutatione, sicut homo sit dexter per mutationem illius, qui sit ei sinister.* Idem habet S. D. 5. philosoph. lect. 7. necnon D. August. lib. 5. de Trinitate, cap. ultimo, & S. Anselmus in monologio, cap. 25. *Confirm.* ex eodem Ang. Præceptore opusc. 48. tract. 5. cap. 2. ubi similitudo (inquit) *fortis non est aliqua res alia ab ipsa albedine, sed solum est ipsa albedo, ut se habet ad albedinem Platonis: ergo.*

198 *Resp.* ex his, quæ docet D. Thom. quæst. 8. de potentia, artic. 2. scilicet relationem in re esse accidens inherens, ex propria tamen ratione, siue ex modo significandi non inherere: quia nihil, inquit, *prohibet aliquid esse inherens, quod tamen non significatur, ut inherens, sicut etiam actio non significatur in agente, sed ut ab agente, & tamen constat actionem esse in agente, & similiter licet ad aliquid non significetur, ut inherens, tamen oportet, ut sit inherens; quod amplius explicuit ibidem, quæst. 7. artic. 9. ad 7. dicens: Relatio aliud habet in quantum est accidens, aliud in quantum est*

relatio; in quantum enim est accidens, habet, quod sit in subiecto, & ita est liquid inhaerens, licet non ex hoc, quod est relatio, sicut actio ex hoc, quod est actio, consideratur, ut ab agente, in quantum vero est accidens, consideratur ut in subiecto agente, & ideo nihil prohibet, quod esse destinat huiusmodi accidens sine mutatione eius, in quo fit, quia sua ratio non perficitur prout est in subiecto, sed prout transit in aliud.

Ex quibus verbis, facillis est solutio argumenti. Relatio enim potest considerari, ut accidens, & ut relatio: ut accidens inhaeret subiecto, est alia res ab illo, & per sui aduentum de nouo, mutat subiectum: ut relatio vero, nec inhaeret, nec est alia res; imo nec est res, cum conceptus ad pro explicito, nec sit calis, nec rationis, nec subiectum, ea adueniente; siue peruenit, mutatur; sicut enim agens, ut agens iuxta Philosophos non mutatur, est actio inhaereat agenti, non quia actio non sit accidens inhaerens agenti (in probabili sententia) sed quia, ut actio, siue secundum conceptum ab, & ex modo significandi non inhaeret, ita Petrus per hoc praecise, & formaliter, prout de nouo incipiat esse similis alteri, non mutatur, non quia similitudo non sit accidens inhaerens Petro, sed quia ut relatio similitudinis, & secundum conceptum ad, siue ex modo sig-

nificandi, non inhaeret: non ergo negat Diu. Thom. quod relatio de nouo adueniens realiter immutat subiectum; sed asserit, quod per expressionem ad, & sub explicito conceptu relationis illud non immutat, eo quod sub praedicto conceptu subiectum non respicit; sed tota est ad terminum per quem patet ad confirmationem.

199. *Obijciēs 1.* Ex quo deficiat unio in materia, & formam, per manentibus materia, & forma, non sequitur, quod detur unio distincta realiter ab extremis; nec ex quo deficiat relatio Patris ad secundum Filium, perseverante relatione ad primum, sequitur, quod relatio ad secundum sit realiter distincta à relatione ad primum; nec tandem ex quo deficiat hoc, quod est actu fundare relationem, permanente albedine, sequitur, quod actu fundare relationem, sit quid realiter ab albedine distinctum; ergo nec ex eo, quod perseverante fundamento, relatio deficiat, sequitur, relationem à fundamento realiter esse distinctam; ac proinde ratio conclusionis est nulla.

200. *Neg. cōseq.* quia omnes illarum denominationes, seu effectus, qui referuntur in antecedenti sunt secundarii respectu essentialis, quarum sunt effectus; nam exercitium unionis est effectus secundarius materiae, & formae, quod per suasmet entitates materiae.

& actus, connotata actione agentis, redduntur unitæ: *Similiter denominationis, seu effectus primarius Paternitatis non est respicere primum, aut secundum determinatè filium, sed filium vage, vnde deficiente secundo filio, solum deficit effectus secundarius relationis præexistentis, qui defectus solum arguit deficientiam relationis quoad illam denominationem, non tamen deficientiam relationis quoad entitatem. Denique, actu fundare relationem non est exercitium primum albedinis, sed secundarium; primum quippe eius exercitium est reddere album; vnde sicut bene valet. Deficit in hoc subiecto denominatio albi: ergo deficit in illo entitas albedinis, seu albedo quoad entitatem; ita valet: Deficit esse relatum, seu denominari relatum: ergo deficit relatio quoad entitatem, quia talis denominatio est exercitium primum relationis.*

201 *Si dicas: Cur sicut ponimus effectum secundarium entitatum materiæ, & formæ exercitium vniendi, quod, vt datur, solum indiget connotato actionis unitæ; & sicut dicitur effectus secundarius albedinis actu fundare relationem similitudinis, quod exercitium fundandi, vt datur, solum indiget connotato alterius albedinis; non dicemus pariter effectum secundarium fundamenti albedinis, v. g. exercitium denominandi*

formaliter relatum, siue simile, quod, vt datur, solo indigeat connotato termini, alterius nimirum albedinis, sicque defectus exercitij referendi sit defectus exercitij secundarij, qui defectus nullius entitatis deficientiam arguat, sed solius denominationis?

202 *Resp. ex dictis In prob. conclusionis licere primum, & non licere secundum; quia formalitas relationis debet esse in suo conceptu metaphysico: formalitas saltem obiectiue distincta ab omni absoluto, aliàs negatur veræ relationis conceptus; entitas autem absoluta cum connotatione termini non est quid obiectiue distinctum ab absoluto, cum absolutum non amittat conceptum talis per connotationem termini, aliquid quippe à re distinctum connotare per omnia entium genera diuagatur, cum tamen relatio sit peculiare genus entis: ergo exercitium referendi nequit esse exercitium secundarium alicuius formalitatis absolute, sed debet esse exercitium primum formalitatis, cuius totum esse sit in ordine ad aliud: Nunc ergo assigna, quomodo talis formalitas saluatur entitatiue, deficiente illo exercitio referendi sibi essentiali; hoc enim æque difficile est, ac ponere rationalitatem entitatiue existentem sine conceptu constituendi rationale, vel ergo conceptus veræ relationis negatur in re, vel de-*

lescit aliqua entitas, aut modus, lesciente denominatione relationis. Illæ vero denominationes in argumento relatæ non exigunt correspondere formalitati obiective distinctæ à primaria rei formalitate, sed eidem obiective possunt correspondere, addita solum connotatione alicuius reniti, eo quod sunt exercitia iusdem generis, consequenter habentia ad effectum primum.

203. *Obijcies 3.* Similitudo uorum alborum est relatio prædicamentalis; sed hæc non consistit in respectu super addito ipsius, ut coexistentibus, & albedini: ergo relatio prædicamentalis non est respectus realiter super additis fundamento, & termino. *rob. min. 1.* Similitudo duorum alborum consistit in ea forma, per quam unum album est sicut aliud; sed hæc forma non est respectus super additus, sed est duplex albedo se ipsa simul utriusque subiectum album constituens: ergo similitudo non consistit in respectu super addito. *rob. min. 2.* Similitudo duorum alborum est formaliter albedo utriusque: sed albedo utriusque non est respectus super additus uobus albis simul sumptis: ergo prædicta similitudo non est respectus super additus duobus albis simul sumptis. *Ma. prob. iuxta Arist. 8. metaph. cap. 5. Similia sunt quorum qualitas est una: sed unitas qualitatis duplicis albi est*

albedo utriusque, nam eo solui, quod utraque sit albedo, qualitas utriusque est una specie: ergo.

204. *Confirm. 1.* Relatio prædicamentalis diuersitatis inter hominem, & equum est formaliter eorum distinctio; at eorum distinctio nihil inuoluit præter ipsorum entitates, quæ se ipsis distinguuntur: ergo. *Confirm. 2.* Quantitates eiusdem extensionis, extensionem eandem haberent, si Deus impediret resultantiam modi relatiui, quam haberent, si modus resultaret: ergo sine resultantia modi relatiui essent æquales, ac subinde relatæ prædicamentaliiter. Patet consequentia, quia quantitates esse æquales, est formaliter illas habere eandem extensionem.

205. *Respond.* Quod duo alba, si nullus eis respectus super addatur, sunt similia fundamentaliter, non formaliter, quia datur in eis fundamentum similitudinis, scilicet duplex albedo; non tamen datur in eis forma, ut cuius unum sit simile alteri; nam duplex albedo denominat utrumque subiectum absolute album, unumquodque autem ex illis habens se in eo, quod est esse album, sicuti se habet alterum, non denominat albedo, sed realis habitudo ad alterum, utrique albedini superaddita: unde neg. min. ad probationem neg. etiam min. nam unum esse album, sicut est aliud, est denominatio, siue effectus formalis realis respectivus, si ly sicut (ut

(ut supponimus) dicat comparationem non intentionalem; sed realem, ac subinde à sola forma realiter respectiva potens præstari.

206 *Ad 2. probationem neg. mai.* ad probationem respond. Philosophum esse intelligendum non in sensu formali, ita ut similitudinem explicuerit per fundamentum; siue causam, ex qua resultat, & non per formam, in qua consistit, sicut etiam distinguitur Pater dicendo Pater est, *qui genuit Filium*: ubi relatio Paternitatis exponitur per generationem, quæ est illius fundamentum, & non respectum prædicamentalem, in quo formaliter consistit Paternitas.

207 *Ad 1. confirmat.* principalis argumenti, neg. mai. quod scilicet relatio diuersitatis inter hominem, & equum, sit eorum distinctio; nam homo, & equus distinguuntur formaliter per formas diuersæ rationis, referuntur vero relatione diuersitatis per habitudinem accidentalem superadditam: unde distinctio non est formaliter relatio diuersitatis, sed fundamentum, & causa relationis diuersitatis; cui solutioni non parum fauet, quod Deus distinguitur realiter à creaturis, non tamen refertur relatione reali diuersitatis; non ergo distinctio realis est formaliter relatio realis diuersitatis.

208 *Ad 2. confirm. neg. conseq.* ad probationem respond.

Quæ duæ quantitates æquales habent à parte rei æqualem extensionem per relationem superadditam: habent præterea per se ipsas eandem extensionem fundamentaliter, non actualiter (non enim datur à parte rei unitas actualis distincta à numerali) quod si ab eis Deus relationem superadditam auferret, haberent (modo prædicto) eandem extensionem, non tamen haberent æqualitatem, quia æqualitas non consistit formaliter in eo, quod una sit, v. g. vnus palmi, & altera sit vnus palmi, sed in habitudine, qua, quia ambæ sunt vnus palmi, se mutuo respiciunt.

209 *Inas 1.* Propriori ad resultantiam relationis superadditæ, quælibet albedo est similis alteri in virtute producendi accidens relatiuum, cum quælibet sit formaliter, & proxime potens producere accidens relatiuum; sed ea similitudo non constituitur per accidens relatiuum, quia nec virtus, nec relatio causæ constituitur per effectus: ergo ea similitudo (eadem de reliquis est ratio) non est albedini superaddita. *Secundo* si Deus ab utraque albedine tolleretur omnem relationem superadditam, utraque esset similis in eo, quod neutra modum relatiuum haberet; at ea similitudo non esset fundamentalis, sed formalis: ergo similitudo formalis stat sine modo superaddito. *Min. prob.* similitudo

to fundamentalis est, quæ potest addi formalis per aduentum relationis superaddita: at prædicta similitudo non esset huiusmodi; quia per aduentum relationis superaddita tolleretur similitudo tans in eo, quod neutra sit relatio superaddita; ergo.

210. *Respond.* Quod cum virtus producendi relationem similitudinis in albedine, sit essentia albedinis, similitudo formalis in virtute producendi relationem similitudinis, est ipsa formalis similitudo in albedine, quare sicut ante relationem similitudinis in albedine, duæ albedines in eo, quod albedines, non sunt formaliter similes, ita nec ante eandem relationem similitudinis sunt duæ albedines formaliter similes in virtute fundandi relationes similitudinis. *Nec obstat*, quod formaliter sit quælibet albedo potens fundare, seu producere relationem, nam ex hoc solum sequitur, quod ante relationem est forma constitutiva fundamenti: non tamen sequitur, quod ante relationem sit forma constitutiva similitudinis in virtute producendi relationem.

211. *Ad 2. instantiam*, neg. minor, quia relatio realis, qualis est formalis similitudo, nequit esse causa, & fundamentum aliqua negatio: quare albedines diuinitus distinctæ relatione, essent à parte rei similes fundamenta- liter, ly *fundamentaliter* um pro

relate ad similitudinem formalem per intellectum, qui inter negationes illas apprehensas admodum entis, posset, comparando vnam alteri, fingere similitudinem; non vero sumpto ly *fundamentaliter* relate ad similitudinem formalem à parte rei existentem: essent ergo albedines illæ à parte rei similes negativæ, id est, non dissimiles; non tamen essent positivæ similes; hoc est verum ad inuicem relate.

212. *Obijcies 4.* data distinctione relationis à fundamento sequeretur primo, quod producta gratia habituali, produceretur relatio coexistentiæ in omnibus rebus illi coexistentibus: consequens est falsum: ergo. Probo. min. quia relatio illa esset intrinsecè supernaturalis, cum enim exigit existentiam termini, connecteretur cum existentia gratiæ intrinsecè supernaturali, quo nihil absurdius. *Secundo*, sequeretur, quod per hoc, quod quis incipiat in India esse albus, resulteret in omni albo existente in Hispania aliqua entitas, quod videtur incredibile.

213. *Respond. neg. mai.* nam per aduentum noui termini purè materialis, & secundarij non resultat noua relatio, sed præexistens relatio extenditur ad illum, eo modo, quo adueniente secundo filio, relatio præexistens ad primum se extendit ad secundum, nulla in entitate relationis mutatione facta, quia

terminus de nouo positus est materialis, & secundarius, cuius defectus, vel existentia minimè immutat relationem: gratia ergo de nouo producta, res naturales coexistent ipsi per eandem relationem, per quam coexisterant inuicem, quia noua existentia gratiae esset existentia noui termini solum materialis, & secundarij; nec talis relatio de nouo extenderetur ad gratiam, vt formam supernaturalem, sed vt existentem in eadem duratione, pure per accidens se habente respectu relationis coexistentiae, quod illa forma esset supernaturalis, cum non connecteretur formaliter cum gratia, vt supernaturali, sed vt in eadem duratione existere, & ideo relatio illa non esset supernaturalis. Et argumentum tenentur soluere aduersarij; nam & si relatio coexistentiae. Sit haec entitas absoluta, connotato termino in eadem duratione existente, connectitur cum illo: dicant ergo quo modo entitates naturales, vt coexistentes gratiae connectuntur cum gratia, si haec est forma supernaturalis?

214 *Ad 2. Resp.* eodem modo, quod alba, quae sunt in Hispania, per relationem, per quam supponuntur esse inter se similia, sunt etiam similia albo, quod producit in India, quia illud album est terminus materialis, ad quem sine nouitate entita-

tua prior relatio potest extendi, vnde nec sequitur absurdum, quod alij inferunt, nempe producto vno ente, vniuersum esse immutandum, quia non requiritur, quod noue in omnibus rebus resulerent relationes; sed quod priores nouam denominationē, eamque secundariam communent subiectis.

§. IV.

Vltimum argumentum diluitur.

215 **D**Enique obijcies. Dux relationes v.g. dux relationes paternitatis sunt similes inter se absque alia relatione superaddita: ergo dux albedines erunt inter se similes absque relatione entitati albedinum superaddita: conseq. tenet à paritate rationis, & anteced. prob. quia si dux relationes paternitatis essent inter se similes per aliam relationem superadditam, rursus relatio superaddita esset dissimilis relationibus paternitatis (cum reuera sit dissimilis) per aliam relationem dissimilitudinis superadditam; & iterum relatio dissimilitudinis superaddita esset similis alteri relationi dissimilitudinis per relationē superadditam, & sic in infinitum: consequens est absurdum: ergo & illud ex quo sequitur.

216 *Hoc argumentum est, in cuius solutione diuisi sunt AA. nostrae*

stræ sententiæ, pluribus negantibus ullam relationem posse fundare aliam, alijs concedentibus relationes supra alias fundatas. Sed hi ultimi videntur recedere à sententiâ Diu. Thom. qui quæ de potentia, artic. 3. ad 2. vniuersaliter loquens de omni relatione ait: *Nulla relatio refertur ad aliam relationem*. Et 4. contra g. cap. 4. necnon in lib. 3. Phisic. lect. 1. litt. C. asserit, quod quia relatio habet debilissimum esse, oportet, quod super aliquod aliud indetur: non ergo ipsa potest fundare aliam. Deinde, processus à infinitum relationum non appareret, quomodo possit vitari; illi autem concedere, satis est à veritate extraneum. Et eodem modo negamus existentiam relationis referri ad aliam existentiam eiusdem speciei per relationem superadditam, quia talis existentia eiusdem debilitatis est, et ipsa relatio, cuius est existentia, & si minus potentialis sit, iam illa.

217 *Necessum* ergo est, vt, vel regemus relationes v. g. paternitatis esse formaliter similes a parte rei, sed tantum fundamentaliter, *ly fundamentaliter* relata ad similitudinem formalem, ut sic relatio rationis eo modo, quo supra num. 130. diximus duas qualitates carentes relatione esse fundamentaliter à parte rei similes in carere relatione, relatè *ly fundamentaliter* ad similitudinem formalem, & quæ

sic relatio rationis, sicut enim carentia, quia parum nihil, nequit relationem realem fundare, ita vna relatio, & si realis, quia tamen debilissimæ entitatis nequit aliam relationem fundare. Nec ob est, quod Diu. Thomas quæst. 7. de potentia, artic. 9. ad 1. non solum asserat, quod relatio non refertur media ad aliam relationem, sed, & quod refertur per se ipsam. *Non ob est*, quia hoc ita est accipiendum, vt relatio v. g. paternitatis, quæ subiectum refert ad filium, se ipsa quoque referatur ad eundem terminum, sicut existentia, vi cuius existit compositum, se ipsa existit sine alia existentia superaddita; non tamen accipiendum est respectu termini diuersi, ad quem non refert directe subiectum, respectu scilicet alterius relationis sibi similis, vel diuersæ in ordine ad quam directe non constituit subiectum diuersum, vel simile. Quæ solutio est valde probabilis, & à nobis ultimo loco breuiter exposita in priori editione.

218 *Vel potest* etiam respond. quod relationes v. g. paternitatis, se ipsis sunt à parte rei formaliter similes sine relatione superaddita, & se ipsis sunt diuersæ formaliter à qualibet alia relatione diuersæ rationis, & sic nec fundantur ad aliam relationem realem, nec expectant relationem rationis, vt dicantur formaliter similes, vel diuersæ. *Non enim* satis percep-

tibile est, quod relatio hæc sit a parte rei, & illa alia sit etiam a parte rei, & utraque sit forma eiusdem speciei, & quod a parte rei vna non sit formaliter sicut altera, quod est idem, ac esse similem formaliter alteri, sed expectanda sit fictio intellectus, ut sit similis formaliter alteri. Nec est idem de carentijs, quæ cum a parte rei non sint nisi negationes, nil mirum, quod ad denominationem positivam, qualis est denominatio similitudinis, expectent fictionem intellectus. Quam solutionem ibi expressio defendimus, & modo magis consonam indicamus Angel. Doctori, qui in loco immediatè citat, ex quaest. 7. de potentia vniuersaliter dixit relationem referri per se ipsam, ex quo statim intulit, *unde non sequitur processus in infinitum*, si enim relatio paternitatis v.g. solum refertur ad aliam eiusdem speciei per respectum rationis in esse similis: ergo processus in infinitum non vitatur ex hoc, quod relatio refertur per se ipsam, sed ex hoc quod non refertur nisi per relationem rationis.

219 *Sed opponet* 1. Vna albedo non est formaliter similis alteri per se ipsam: ergo nec vna paternitas alteri paternitati. Prob. consequ. Tum a paritate rationis. Tum, quia ideo primum est verum, quia deficit denominatio similis, perseverantæ fundamentum realiter, scilicet albedine-

sed perseverante realiter paternitate, potest deficere similitudo ipsius, deficiente nimirum alia paternitate, cui illa erat similis: ergo vel albedines sunt se ipsis formaliter similes sine relatione superaddita, vel duæ relationes non sunt se ipsis formaliter similes sine relatione superaddita.

220 *Respond. neg. consequ.* Quia forma absoluta, qualis est albedo, nequit habere pro effectu secundario denominationem propriam formæ relatiuæ, quia nec conceptus veræ relationis saluaretur, ut in superioribus est ostensum; nec ens finitum ad certum genus determinatum, potest secum identificari effectum proprium formæ diversi adeo generis etiam supremi, qualis est relatio: at intra idem iam genus relationis potest vna relatio alterius effectum proprium secum identificare, & pro secundario habere, dum hic consequenter se habeat ad primum, sicut consequenter se habet; nam sicut entitas albedinis, quæ primario facit album, ex consequenti habet per semetipsam fundare relationem similitudinis ad aliam albedinem, & diversitatis ad nigredinem, quia hi effectus sunt intra lineam absolutam, & consequuntur ipsam unitatem specificam albedinis; ita intra lineam relatiuam consequenter se habet ad hanc specificè relationem similitudo cum alia eiusdem rationis, & diversitas ab

ab alia alterius speciei. Per quæ constat ad utramque consequ. probationem.

221 *Instabis* 1. Ut relatio Paternitatis habere pro effectu secundario similitudinem cum alia Paternitate, debebat respicere ut terminos subordinatos relationem filiationis, ad quam primario refertur, referendo subiectum, & aliam relationem paternitatis: at non sic eos respicit, cum disparate omnino se habeant v. g. respectu paternitatis Petri filius ipsius Petri, & Paternitas Pauli: ergo relatio Paternitatis non habet pro effectu secundario denominationem similis cum alia Paternitate.

222 *Instabis* 2. Nam, & si relatio similitudinis non differat genere supremo relationis à relatione Paternitatis, differt tamen genere intermedio, & ita ut relatio similitudinis funderetur in unitate, relatio Paternitatis in actione, & sic una relatio, & si de linea relatiua, non est tamen de linea relatiua alterius, sed est diuersi generis ab altera; sed quia albedo est alterius generis à relatione, nequit relationem identificare: ergo nec relatio Paternitatis relationem similitudinis.

223 *Confirmat* ex eo, quod si paternitas est per se ipsam similis alteri paternitati, & dissimilis alteri relationi diuersæ rationis, v. g. filiationi, erunt admittendæ in Diuinis relationes, rea-

les dissimilitudinis, & diuersitatis distinctæ saltem virtualiter à quatuor illis, nempe, à paternitate, filiatione, spiratione actiua, & spiratione passiuâ, quas verissimè profiteamur: consequens est contra communem sententiam Theologorum 1. part. quest. 42. art. 1. ergo falsum est id, ex quo sequitur.

224 *Respond.* ad 1. Instantiam concessa mai. neg. min. nam, & si illi termini secundum se inspecti disparate se habeant, secus tamen in ordine ad paternitatem, cuius terminus primarius est filius, & secundarius alia paternitas, quæ est si Pauli, est tamen paternitas, sicut paternitas Petri. *Instoque argumētum* nam quam subordinationem habent absolute inter se actio generatiua elicitâ à Paulo, & Francis genitus à Petro? Et nihilominus genitus absolute actionis generatiuæ elicitâ à Petro, quæ se ipsa est primario fundamentum relationis Paternitatis ad Franciscum genitum à Petro, est secundario fundamentum relationis similitudinis ad actionem generatiuam elicitam à Paulo.

225 *Ad 2. instantiam. Respond.* Quod sicut eadem entitas habitus Philosophici fundans primario relationem tertij generis ad suum seibile, fundat ex consequenti, & secundario relationis primi generis, similitudinis scilicet ad alium habitum Philosophicū, & diuersitatis ad aliam

scientiam specie diuersam, etiam si ratio fundandi formaliter vt fundans diuersas, illas relationes sit diuersa, vt potè aqua pender diuersitas etiam in genere intermedio, relationum primi, & tertij generis; ita, & si, relationes paternitatis, & similitudinis, sint differentes, specie, & in genere intermedio, potest, relatio, quæ primario est paternitas, esse secundario, & ex consequenti similitudo cum paternitate; quod nequit euenire in forma absoluta, quæ differt à relatione genere supremo, & cuius identitas cum relatione, vt cum effectu secundario, destrueret conceptum, veræ relationis. *Vnde* in forma disting. min. quia est alterius generis, etiam *supremi*, & cuius identitas destrueret conceptum, veræ relationis, conced. min. quia est alterius generis, vt cum quæ neg. min. & conseq.

126. *Ad confirm.* neg. sequela mai. licet enim relationes diuinæ persemetipsas sint realiter similes, vel dissimiles, non tamen propterea cogimur concedere in Deo plures relationes quam quatuor, quia prædictæ denominationes similes, & dissimiles non sunt distinctæ etiam virtualiter à paternitate, filiatione, & vtraque spiratione; sed sunt hæ relationes, vt ex consequenti præstant alias denominationes: nam dissimilitudo, qua paternitas est filiationi dissimilis, est ipsamet paternitas, quæ primario, & constitutive respicit filium, vt gen-

tum, & secundario, siue ex consequenti respicit filiationem, vt relationem alterius rationis. ab ipsa paternitate.

127. *Hinc inferes*, quod etiam ipsa existentia relationis refertur media relatione, cuius est existentia, nam sicut existentia relationis est existentia sui, & ipsius relationis, ita relatio existens per illam, est relatio sui, & ipsius existentia; quare sicut relatio vt referatur ad quoscumque terminos, non indiget relatione superaddita, ita existentia relationis, vt ad quoscumque terminos referatur, relatione superaddita relationi per eam existentem non eget: Relatio quippe est relatio sui complete sumptæ, & subinde sui, & sui complementi, nempe existentia.

128. *Inquires*, vtum distinctio realis relationis à suo fundamento sit entitativa, vel modalis? Respond. Eam non esse entitativam, sed modalem: ratio est, quia ea distinguuntur entitative, quæ mutuo separari possunt, ea vero distinguuntur modaliter, quæ separari possunt non mutuo, sed separatio relationis à fundamento nequit esse mutua, & potest esse non mutua, quia fundamentum potest permanere deficiente relatione, relatio vero deficiente fundamento nequit perseverare: ergo distinctio relationis à fundamento non est entitativa, sed modalis.

ARTIC. VIII.

An omnis relatio prædicamentalis terminetur formaliter ad relatiuum?

229 **D**istingendum est in præfenti, id quod terminat relationem, & id, vi, seu ratione cuius illam terminat: non dubitamus, id quod terminat relationem esse aliquid absolutum, unde litigium reducitur ad rationem formalem terminandi; sicut, licet id, quod denominatur simile, sit aliquid absolutum, album scilicet, nihilominus tamen supra diximus esse aliquid relatiuum id, ratione cuius est formaliter simile. Et quia supra diuisimus relationes in mutuas, & non mutuas, de vtrisque procedit dubium, quod separatim decidemus.

§. I.

Prima conclusio.

230 **R**elationes mutue terminantur formaliter ad relatiuum. Ita Thomistæ, vno vel altero dempto, contra Scotum, Suarez, Vazquez, Oviedo, Izquierdo, Hurtado, Tellez, Capreolum, & Soto.

231 Et probatur primo ex Angel. Præcept. 1. p. q. 40. art. 2. ad 4. ibi: Cum dicitur, quod relatiui esse est ad aliud se habere, per ly aliud intelligitur correlatiuum, quod non est prius natura, sed simul natura, & cognitione, at correlatiuum non est

absolutum, sed relatiuum: correlatiuum enim constituitur per relationem: ergo relationis esse est ad relatiuum.

232 *Probatur ratione.* Relationes mutue habent inter se oppositionem relatiuam mutuam: ergo terminus formalis vnus relationis est altera relatio. Antecedens videtur certum, nam paternitas opponitur relatiue filiationi, & filiatio paternitati; non enim sunt Paternitas, & filiatio relationes disparatæ, vt paternitas, & similitudo cum altera paternitate: cõpatiuntur quippè in eodẽ subiecto paternitas, & similitudo cum alia paternitate; paternitas vero, & filiatio ex proprijs conceptibus, & ratione suæ oppositionis in eodẽ subiecto non coherent: consequentia vero probatur, nam oppositio relationis est cum suo termino formali, opponi quippè in relatione est respicere: ergo si vna ex relationibus mutuis alteri opponitur relatiue, vna relatio est terminus formalis alterius relationis.

Confirmatur. Sicut se habet respicere in patre, ita se habet respicere in filio, sed pater respicit filium, quia generat, ly quia non dicente rationem formalem, sed fundamentum: ergo filius respicitur à patre, quia gentus, ly quia non dicente rationem formalem, sed fundamentum: ergo ratio formalis terminandi in filio non est fundamentum, sed relatio.

133. *Dices primo.* Ex hoc tantum sequi, quod ex parte fundamenti relatio sit ratio formalis opponendi relatiue fundamentum cum termino, & similiter relatio ex parte termini sit ratio formalis opponendi terminum relatiue cum fundamento, vna tamen relatio non respicit aliam, alias relationes essent *ut quod* oppositæ, & non solum rationes formales, quibus extrema opponerentur.

134. *Sed solutio videtur* sistere in litigio vocis concedens re ipsa quidquid sententia nostra intendit; à principio enim dubij monuimus, quod illud procedit de ratione formali se mutuo relatiue opponendi, & terminandi extrema, quæ *ut quod* mutuo relatiue opponuntur: sed solutio videtur fateri, quod relationes sint rationes formales terminandi, & se mutuo relatiue opponendi extrema, quæ *ut quod* mutuo relatiue opponuntur: ergo re ipsa concedit quidquid intendimus, & solum restat vocis litigium, an scilicet relatio dicenda sit quæ *ut quod* opponitur, & respicit.

135. *Confirm.* & explicatur. Oppositio relatiua non consistit præcisè in conceptu referendi, sed in conceptu referendi, & simul etiam terminandi, ut ex se est manifestum: ergo oppositio relatiua mutua consistit in conceptu mutuo referendi, & terminandi: sed iuxta solutionem relatio est ratio formalis se mutuo relatiue

opponendi extrema: ergo relatio est in extremis ratio formalis mutuo referendi, & terminandi: ergo extrema terminant ut constituta per relationem, ut per rationem formalem terminandi. *Tunc sic:* Sed ut constituta per relationem, ut per rationem formalem terminandi, sunt termini formaliter relatiui: ergo in huiusmodi relationibus mutuis terminus formaliter, ut terminus, est relatiuus.

136. *Progetur.* Pater, & filius ut pater formaliter, & filius, mutuo relatiue opponuntur: ergo formaliter ut pater, & filius, se mutuo respiciunt: sed formaliter ut pater, & filius sunt relatiua: ergo formaliter ut relatiua se mutuo respiciunt: ergo quidquid sit, an vna relatio respiciat aliam, in quo sit solutio, vnum tamen relatiuum, ut relatiuum, respicit aliud relatiuum, ut relatiuum.

137. *Hinc pro litigio vocis* dicimus ex dictis in artic. anteced. quod relatio creata, & si primario non detur ut sit, & referatur, sed ut subiectum referatur per ipsam, ipsa etiam secundo respicit, & refertur: imò ipsa est forma quæ primario opposita cum alia, licet non dicatur opponi *ut quod*, ne his vocibus denotetur ipsam esse subiectum oppositionis, est tamen forma quæ opposita, sicut visus est forma *ut quæ* opposita cum cæcitate, & si sit ratione cuius videns opponitur *ut quod* cum cæco.

238 *Dices 2.* Quod relatio nō solum opponitur cum suo termino formali, sed multo magis cum correlatione se tenente ex parte termini formalis ad fundamentum ipsius: duæ enim relationes, v.g. relatio Petri ad Paulum, & relatio Pauli ad Petrum opponuntur sicut via à Matrilo in Cōplutum, & via à Compluto in Matritum, quæ sunt ex diametro oppositæ, quia vna respiciat aliā, quia respiciunt terminos ex diametro oppositos, vna scilicet Matritum, & alia Complutum.

239 *Sed contra est.* Relatiua mutua sunt opposita mutuo relatiuè, oppositione scilicet de linea relatiua: ergo vtrumque oppositum formaliter vt tale est in linea relatiua. Patet consequ. nam aliàs oppositio inter illa extrema, vel non esset relatiua, vel saltem in linea relatiua non esset oppositio mutua: sed fundamentum sistens in sola linea fundamenti non est de linea relatiua: ergo cum correlatione termini formalis non opponitur fundamentum mutuo relatiuè.

240 *Confirm.* & explicatur, ex impugnatione alterius solutionis. Pater, & Filius, si præcisè considerentur, vt generans, & genitum, nō opponuntur formaliter oppositione de linea relatiua; si autem considerares Patrem, vt Patrem, & Filium, solum vt genitum, inuenires fortè oppositionem relatiuam, sed non mutuam, quia tantum ex parte vnius extremi est

relatio, si autem vtrumque consideres, vt Patrem formaliter, & vt Filium, tunc inter ipsos inuenies oppositionem relatiuam mutuam: ergo oppositio relatiua mutua solum saluatur, dum extremum vtrumque attenditur formaliter, vt relatiuum: ergo vel relatiua mutua non sunt mutuo opposita relatiue, vel oppositio vnius relationis non est cum fundamento alterius, sed solum cum alia relatione. *Vltèrius* relatiua mutua formaliter vt talia opponuntur mutuo relatiue; sed oppositio relatiua consistit in respectu: ergo relatiua mutua formaliter vt talia se mutuo respiciunt, ac proinde vnum relatiuum formaliter vt tale terminat respectum alterius relatiui.

241 *Nec exemplum* pro solutionem adductum suadet oppositum; oppositio enim vnius viæ cum alia non consistit in respectu vnius ad aliam, cum oppositio, & contrarietas motuum sit præcisè ratione terminorum, vt ab ipsis motibus distinctorum, vnde calor, & frigus non opponuntur, quia frigefactio, & calefactio opponuntur, sed è converso, hæc opponuntur contrariè, quia calor, & frigus opponuntur contrariè; & similiter viæ, seu motus in duo ex diametro opposita loca opponuntur, quia loci tali inter se situatione distantes ex diametro opponuntur; at oppositio relationum est oppositio respectiua, seu quæ in respectu consistit, vnde si est

op-

oppositio mutua, consistet in mutuo respectu, à quo si ex parte extremorum præcindas, inuenietur forte in illis incompatibilitas, sed non incompatibilitas relatiua, quæ sit mutua.

§. II.

Soluuntur argumenta.

241 **O** *Bijcies* 1. Relationes mutua non terminantur ad relatiuum, quia prædicamentales, nam vt statim dicemus, relationes tertij generis, quæ sunt prædicamentales, terminantur ad absolutum; nec quia mutua, siquidem iuxta D. Thomam 3. part. quaest. 35. art. 5. in Christo Domino non datur respectu B. Virginis. relatio realis filiationis, qua possit terminare relationem maternitatis: ergo ex nullo capite relationes mutua terminantur ad relatiuum.

243 *Resp.* neg. antec. pro secunda parte. Ad prob. resp. quod relatio Maternitatis B. Virginis ex se est mutua, idest, exigit esse mutuam; per accidens tamen, & ob incapacitatem termini, qui propter sui immutabilitatem incapax est relationis temporalis, non est mutua, ac proinde nec terminata ad relatiuum, sed ad fundamentum relationis, ex quo non sequitur, quod relatio mutua, vt mutua, & secundum essentiam mutua, non terminetur semper ad relatiuum, nam essentia mu-

tua, vt mutua, est essentia proprietatis separabilis diuinitus à Maternitate, sicut essentia risibilitatis est essentia proprietatis separabilis diuinitus ab homine; vnde sicut in casu separationis risibilitatis, male inferres, quod risibilitas non consisteret essentialiter in potestate proxima ad ridendum, quia & situnc casus detur essentia rationalitatis, quæ est exactiue risibilitas, non tamen datur essentia risibilitatis; ita in casu argumenti male inferres, quod relatio mutua secundum essentiam mutua non terminetur ad relatiuum, quia & si in eo casu maneat relatio Maternitatis, quæ est exactiue mutua, essentia tamen mutua non manet.

244 *Infl.* 1. Maternitas, seu relatio Maternitatis B. Virginis est eiusdem speciei cum alijs relationibus Maternitatis: ergo si terminus formalis illius non est relatio, nec terminus aliarum est relatio. *Infl.* 2. Relatio Maternitatis intelligitur in sua specie constituta, & si in genito non resultet realis relatio filiationis: ergo intelligitur iam specificè terminata, & si relatio filiationis non resultet: sed non intelligitur terminata ad relatiuum: ergo ad absolutum, ac proinde cum resultat filiatio, vel etiam si resultet (in quo casu est mutua) terminatur ad absolutum.

245 *Resp.* concesso antec. neg. conseq. quia præterquam quod species relationis non sumitur à

termino, sed a fundamento iuxta statim dicenda, esse terminum absolutum, vel relatiuum est quid materiale respectu Maternitatis specificè consideratæ. *Ad 2. instantiam.* Concessis omnibus neg. vltimam. conseq. quæ subinfertur. Relatio enim Maternitatis specificè considerata non habet pro termino formali, nec absolutum, nec relatiuum, sed ab utroque præscindit, nam relatio mutua, aut non mutua; accidit tali relationi specificè consideratæ, & sic etiam accidit ipsi terminus relatiuus, aut non relatiuus, siue absolutus, vnde nec sequitur, quod vt mutua non terminetur ad relatiuum, nec quod specificè varietur, dum non terminatur ad relatiuum.

146 *Obijcies 2. iuxta commune proloquiū Philosophorum posita fundamento, & termino, statim resultat relatio:* ergo terminus cum fundamento est causa, & prior relatione; sed terminus, vt relatiuus non est prior, sed simul cum relatione: ergo nulla relatio terminatur ad terminum, vt relatiuum.

147 *Respond.* Relationem mutua, resultare posito termino fundamentaliter, non posito termino formaliter, nam terminus fundamentaliter acceptus est entitas absoluta, & prior; at formaliter sumptus est relatiuus, & simul, quare ex præiua positione illius, non alius, resultat relatio mutua.

148 *Instas primo.* Ad resultantiam relationis prærequiritur positio termini, sicut requiritur positio fundamenti; at prærequiritur positio fundamenti formaliter sumpti: ergo & termini sumpti formaliter. *Instas secundo.* Relatio resultat ad positionem eius, à quo specificatur; sed specificatur à termino sumpto formaliter: ergo resultat ex positione illius sumpti formaliter.

149 *Respond.* negando maiorem, si ly: sicut dicat peritatem in omnibus, nam ad resultantiam relationis mutua prærequiruntur, quæ possunt præuenire relationem mutuam, & terminus formaliter vt talis, cum debeat esse oppositus relatiue, non potest præuenire relationem mutuam; sicut potest eam præuenire fundamentum, vt tale, quod non debet esse per se oppositum relatiue; vnde non oportet, quod sicut prærequiritur ad relationem mutuam fundamentum, formaliter vt tale; terminus formaliter, vt talis, sit etiam præquisitus.

150 *Ad secundam instantiam* nego minorem, relatio enim non specificatur à termino formaliter sumpto, sed à fundamento, non enim habet esse à termino, sed ad terminum, si enim relatio specificaretur à termino, cum specificatum, etiam extrinsecum, sit vere, & proprie causa, hinc fieret, quod iam relatio prædicamentalis, non respiceret terminum, vt purum terminum, quod est contra

tra commune protoquium inter
AA. agentes de relatione prædica-
mentali.

251 *Obijcies* 3. Relatio diffini-
tur per terminum; sed non potest
diffiniri per suum correlatiuum:
ergo terminus relationis non est
ipſius correlatiuum: *prob. min.* 1.
Ea, per quæ aliquid diffinitur, ſunt
illo priora; at correlatiuum non
eſt prius, ſed ſimul cum ratio-
ne: ergo terminus relationis non
eſt ipſius correlatiuum. *Prob.* 2.
eadem minor: Non potest diffiniri
relatio per æque ignotum; ſed
correlatiua, ſunt æque ignota,
cum ſint ſimul cognitione: ergo
non potest vnum per alterum dif-
finiri. *Prob.* 3. *min.* Si diffiniretur
per correlatiuum, poſſet relatio
ingredi propriam diffinitionem,
quia cum iuxta *Ariſt.* 2. topic. cap.
2. vice partis diffinitionis poſſit
eius diffinitio ſubrogari, ſi pater
diffiniretur per filium, loco filij
poſſet poni diffinitio filij, nempe
qui eſt ad patrem, vbi pater ſui dif-
finitionem intraret; conſequens
aduerſatur regulis diffinitionis:
ergo.

252 *Denique prob. eadem*
min. Si relatio diffiniretur per
ſuum correlatiuum, vt Pater per
Filium, & Filius per Patrem, dare-
tur in diffinitionibus circulus,
quem tamen reprobatur D. Thom.
1. p. q. 25. art. 2. dicens, Omnipoten-
tiam non eſſe diſtinctam per
poſſibile relatiuè acceptam, ne
detur circulus in manifestatione
Omnipotentiae, & ne eam diffinire

dicendo, *Eſt, quæ poteſt omnia poſſibi-
bilia*, ſit idem, ac dicere: *Deus eſt*
Omnipotens, quia poteſt omnia quæ
poteſt: ergo.

253 *Reſpond.* negando *min.*
Relatio enim diffinitur per eſſe ad
aliquid, & eſſe ad aliquid, non eſt
prius relatione; non ergo diffi-
nientia debent eſſe priora diffini-
to. Ad 2. *prob. reſp.* Non poſſe
aliquid diffiniri per diffinitionē,
quæ ſecundum ſe totam ſit æque
ignota, ac diffinitum, poſſe tamen
diffiniri per diffinitionem, cuius
aliqua pars ſit æque ignota, dum-
modo diffinitio ſecundum ſe to-
tam ſit notior. Ad 3. *prob. reſp.* quod
loco partis intrinſecæ diffinitionis
poteſt ingredi diffinitio illius, at
correlatiuum eſt pars extrinſeca,
quare vice ipſius eius diffinitio
nequit ingredi.

254 *Ad ultimam prob. reſp.* In
diffinitione relatiuorum, maxime
ſi ſint relatiua mutua, non eſſe vi-
tioſum circulum in diffiniendo;
quia ex vna parte, cum eſſentia
vnius ſit ad aliud, & e conuerſo,
nequit vnum diffiniri, niſi per
aliud, & e conuerſo; & ex alia cir-
culus ille non eſt vniformis (quæ
ſemper eſt vitioſus) ſed difor-
mis, quia vnum diffinitur cum
aliqua diuerſitate per aliud, qua-
tenus vnum in recto diffinitur
per alterum in obliquo.

255 *Obijcies* 4. Diſſimilitudo
inter album, & nigrum eſt relatio
mutua, ſed hæc non terminatur
ad relatiuum: ergo *prob. mai.* al-
bum, vt diſſimile nigro refertur
ad

ad nigrum, ut ipsi albo dissimile, sed nigrum per relationem dissimilitudinis non est dissimile albo, sed per nigredinem; quia cum utrumque sit dissimile, in relatione dissimilitudinis potius sunt similia: ergo dissimilitudo albi non terminatur ad relatiuum.

256 *Nego min.* ad prob. dist. mai. album, ut dissimile refertur ad nigrum, ut sibi dissimile in nigredine, conc. mai. ut sibi dissimile in dissimilitudine, neg. mai. & concessa min. neg. conseq. Relatio enim dissimilitudinis ex parte albi terminatur formaliter ad relationem dissimilitudinis ex parte nigri, verum dissimilitudo ex parte nigri, & est dissimilitudo nigri; qua videlicet nigrum est dissimile albo, quod est, eam esse, ut quo dissimilem, & est similis in se dissimilitudini albi, quod est, eam esse similem ut quod. Refertur ergo album per relationem dissimilitudinis ad relationem dissimilitudinis nigri, ut quo consideratam, id est, quatenus constituit nigrum dissimile albo, non ad prædictam relationem, ut quod consideratam, id est, ad eam, ut est similis in se dissimilitudini albi, terminus enim qui illius relationis est nigrum, constitutum dissimile per propriam relationem dissimilitudinis.

257 *Obijcies 4.* Si omnis relatio mutua terminaretur ad relatiuum, relatio mutua, ut abstrahit ab omni relatione mutua terminaretur ad relatiuum; consequens

est impossibile: ergo. Prob. min. quia relationi mutue in communi non potest correspondere in suo termino relatio mutua superior, aut inferior, cum relatio, & terminus debeant dici ad conuertentiam, nec relatio mutua æqualis, alias darentur duo genera relationis mutue, nec ab omnibus relationibus mutuis abstrahi posset una ratio communis relationis mutue: ergo.

258 *Confirm.* relatio mutua ex suo conceptu communi est ad aliam relationem: ergo in conceptu communi relationis mutue includitur distinctio vnus ab alia: ergo vel nequit ab omnibus abstrahi ratio vna communis, aut ex conceptu communi relationis mutue, vna non est ad aliam.

259 *Respond.* in primis hoc argumentum debere etiam solui ab oppositæ sententiæ AA. qui licet negent relationem mutuam ad aliam ex parte termini relationem formaliter terminari, negare tamen non possunt, quod exigat dari in termino aliam relationem; relatio enim mutua, ut mutua, nequit saluari nisi saltem exigat aliam ex parte termini relationem, alias mutua non est; ipsis ergo etiam incumbit explicare, quomodo relatio mutua in communi, & si sub ea comprehendantur omnes relationes mutue, exigat in termino aliam relationem distinctam à relatione omnes comprehendente. Adest præterea exemplum in conceptu di-

distinctorum realiter communi, & simpliciter participato ab omnibus distinctis realiter ut talibus; quomodo scilicet, conceptus ille communis distincti realiter omne realiter distinctum comprehendens sit vnus simpliciter conceptus, cum diuersitatem inferiorum videatur includere; & quomodo ex parte termini distinctionis (respectu cuius differt realiter) importetur terminus realiter distinctus, cum omne realiter distinctum sub conceptu communi comprehendatur.

260 *Quare resp. disting. mai.* Relatio mutua terminaretur, ut abstrahit ab omni relatione mutua, ad relatiuum, terminaretur *signate*, conced. mai. *exercitè*, sub *disting. exercitè connexiue* conced. mai. *formaliter*, neg. mai. Relatio mutua in communi dicitur signate id, quod est de essentia relationis mutue, respectum scilicet ad relationem mutuò cooppositam, respectum quidem non exercendum per relationem illam in communi, sed quem ratio illa communis petit mutuò exerceri in relatione qualibet mutua in singulari. *Hinc* dicimus, quod relatio signate concepta correspondens ex parte termini conceptui illi communi relationis mutue est ipsi æqualis, imò est eadem relatio mutua in communi ex parte termini apprehensa, quæ ut quod signate concepta in communi nō gaudet prout ibi reali distinctione à relatione concepta ipsi op-

posita; ut quo tamen petit, quod quælibet relatio in particulari distinguatur realiter à relatione coopposita. Quod patet ex emplo adducto conceptus communis distincti realiter ab alio, connotat enim aliud ex parte termini apprehensum, & si sit in re ipsum, quod sub conceptu communi apprehenditur.

261 *Ad confirm. resp. concessio* anteced. *disting. conseq. in conceptu communi* includitur distinctio vnus ab alia *in concipi, vel ex parte subiecti, vel ex parte termini*, conced. conseq. *in ratione relationis mutue*, neg. conseq. Conceptus ille communis relationis mutue solum differt à conceptu relationis prout in cōmuni etia conceptæ, ut terminantis, penes concipi, vel ex parte subiecti, vel ex parte termini; in ratione tamen essentiali relationis mutue non differt, sed conuenit, in exigendo scilicet, quod quæuis relatio mutua differat in particulari à sibi coopposita relatione; conceptus tamen communis relationis mutue est idem essentialiter cum conceptu communi relationis cooppositæ.

§. III.

Resoluitur dubium circa relationes non mutuas.

262 **R**elationes non mutue non terminantur formaliter ad relatiuum, sed ad absolutum. Prob. ex D. Thom. quæst.

quæst. 9. de potent. art. 8. dicente: *Relatiua illa, in quibus non est eadem ratio referendi ex utraque parte, non sunt simul natura, sed alterutrum est prius naturaliter*: sed relatio ex parte termini non est prior naturaliter relatione ex parte fundamenti: ergo relatiua, in quibus non est eadem ratio referendi ex utraque parte, scilicet, non mutua, non terminantur ad relatiuum.

263 *Prob. insuper ratione.* Relationes non mutua, non terminantur formaliter ad aliam relationem, quæ sit relatio realis; non terminantur formaliter ad aliam relationem, quæ sit relatio rationis: ergo non terminantur formaliter ad aliam relationem. Mai. videtur certissima, nam ex parte termini non est relatio realis: ergo non terminantur ad relationem, quæ sit relatio realis. Minor prob. A parte rei, & nullo intellectu considerante, dantur huiusmodi relationes reales non mutua; relatio v.g. B. Virginis in ratione Matris ad Christum D. & relatio creaturæ ad Deum, vt ad Dominum, & Creatorem: ergo à parte rei, & nullo intellectu considerante, datur terminus formalis talium relationum. Prob. consequ. implicat, quod detur relatio sine suo termino formali: ergo si relationes illæ dantur à parte rei, à parte rei datur terminus formalis illarum. Prob. antec. Implicat dari relationem, quin actu detur respectus ad aliud: ergo quin

detur illud aliud terminans actu talem respectum: ergo quin detur in eo actu id, ratione cuius terminat respectum: sed id, ratione cuius terminat respectum, est terminus formalis relationis: ergo implicat relatio sine suo termino formali, ac per consequens, si relationes huiusmodi sunt à parte rei, & relatio rationis in termino non est à parte rei, non terminantur formaliter ad relationem rationis.

264 *Dices*, quod huiusmodi relationes non mutua terminantur ad relationem, seu ad relatiuum reale, non intrinsecum, sed extrinsecum, ad terminum scilicet, vt extrinsecè denominatum à relatione terminata ad ipsum, prout sic enim est, & si extrinsecè, in linea relatiua, vnde relatio Maternitatis B. Virginis terminatur ad Christum, vt extrinsecè relatinè denominatum ab ipsa.

265 *Sed contra est.* Relatio realis ex suo conceptu est ad aliud realiter: ergo implicat, quod eius terminus formalis non differat realiter ab ipsa: sed denominatio extrinseca ab ipsa proueniens non differt realiter ab ipsa, vt per se est manifestum: ergo denominatio extrinseca ab ipsa proueniens non est terminus formalis illius. Nec dicas, quod etsi terminus formalis ipsius non differat ab ipsa, differt tamè ab ipsa terminus, qui ipsam terminat, terminus scilicet constitutus per extrinsecam denominationem proueniens ab ipsa.

266 *Nam contra stat impug-*
natio præcedens. Terminus forma-
 lis relationis per se primo termi-
 nat relationem, cum terminus
 per ipsam constitutus terminet
 ratione ipsius: ergo vel relatio ex
 suo conceptu quidditativus non
 est *ad aliud*, vel terminus formalis
 relationis realis debet esse distin-
 ctus realiter ab ipsa. Prob. con-
 seq. per ly *ad aliud* intelligitur cor-
 relativum formaliter, vt corre-
 lativum, vt ipsi AA. oppositi in-
 tendunt: sed si terminus forma-
 lis non est realiter distinctus, cor-
 relativum vt correlativum non
 est realiter distinctum, & si illud,
 quod est correlativum, sit reali-
 ter distinctum: ergo si terminus
 formalis per se primo terminat,
 vel relatio non est ex suo concep-
 tu quidditativus ad aliud, vel
 terminus formalis relationis rea-
 lis debet esse realiter distinctus
 ab ipsa.

267 *Confirm.* Et explicatur cō-
 tra Thomistas oppositum sentien-
 tes. Ratio formalis referendi sub-
 iectum ad terminum, v. g. ratio
 formalis referendi scientiam no-
 stram (quæ refertur relatione non
 mutua tertij generis) ad suum sci-
 bile, est realiter distincta à scien-
 tia, quæ refertur per ipsam: ergo
 ratio formalis terminandi in sci-
 bili est realiter distincta à relatio-
 ne scientiæ terminata ad ipsum.
 Antec. est certum, cum Thomi-
 stæ in hac parte oppositum sen-
 tientes distinguant realiter rela-
 tionem prædicamentalem à sub-

iecto, & fundamento, & conseq.
 prob. Oppositio realis relationis,
 vi cuius est *ad aliud*, magis est cum
 termino, qui ipsam terminat,
 quam cum subiecto, aut funda-
 mento, quod refertur per ipsam,
 imò cum hoc non explicat oppo-
 sitionem, sed cum solo termino,
 indeque relatio in Divinis, retenta
 identitate cum eo, quod refer-
 tur, differt realiter nihilominus
 à termino sibi cooppo-
 sito: ergo si hoc non obstante, ratio for-
 malis referendi scientiam est rea-
 liter distincta à scientia, cum qua
 non opponitur, ratio formalis
 terminandi in scibili debet esse
 realiter distincta à relatione ter-
 minata ad scibile, cum qua oppo-
 nitur formaliter.

268 *Contra 2.* Res quælibet termi-
 nat relationem ratione illius for-
 mæ, vi cuius recipit denominatio-
 nem extrinsecam respecti: sed hanc
 denominationem extrinsecam res-
 pecti, recipit res per se ipsa, & non
 per formam extrinsecam: ergo
 per se ipsam, & non per extrinse-
 cam relationem res quælibet ter-
 minat relationem. Mai. est clara,
 nam res quælibet refertur ad ter-
 minum per formam, vi cuius ac-
 tive communicat termino deno-
 minationem: ergo à simili res
 quælibet terminat relationem per
 formam, vi cuius recipit passi-
 ve denominationem. Min. vero
 prob. Ratio formalis recipiendi ef-
 fectum formæ, siue intrinsecum,
 siue extrinsecum, non est ipsa
 forma, sed capacitas subiecti: er-

go prædictam denominationem, quæ est effectus formalis extrinsecus relationis, recipit terminus per se ipsum, & non per relationem.

259 *Confirmatur.* Vel relatio Maternitatis B. Virginis terminatur ad genitum, vt denominationem ab ipsa, ly *us* dicente prædictum extrinsecum ibi exercitum, vel dicente rationem formalem, vi cuius terminus terminatur formaliter; si primum, non est ad rem dubij, secundum vero est omnino falsum: ergo solutio ex omni capite est nulla. Min. quoad 1. partem est euidens. Nam sic intellecta doctrina solutionis, nec in vtrum est veritabilis; quælibet enim actio, vel habitudo terminatur ad aliud, quod in ipsa terminatione denominatur extrinsecè tale ab actione, vel habitudine, hoc enim nil aliud est, quàm quod relatio terminetur ad absolutum, quod habet concomitantem eam denominationem, quod quid veritas; cum impossibile sit, quod terminetur actio, aut habitudo, & ibi non sit concomitantem extrinsecè denominatio. Quoad 2. vero partem prob. ratio formalis terminandi signatè attingitur ab habitudine, cum terminus habitudinis non aliter sit terminus formalis illius, quàm vt constitutus per illam: sed relatio nullo modo signatè tali est via, habitudo, aut relatio, ad se ipsam: ergo nullo modo fertur signatè in denominationem ab

ipsa relatione indistinctam. *Quod* exemplo cuiusvis actionis ad aliud terminatæ sit manifestius, nec enim denominatio intellecti, est id, vi cuius obiectum terminatur intellectionem, nec vi denominationis extrinsecæ voliti terminatur aliqua res volitionem.

270 *Vergetur.* Relatio non denominat formaliter terminum extrinsecè relatum mutuo ad ipsam, conceptus enim referendi in relatione, seu conceptus ad nulli extrinsecò est communicabilis, qua ratione dixit D. Thomas 2. contra gent. cap. 13. dicentem: *A relatione verò non inuenitur aliquid denominari, quasi exterius existente, sed inherente: sed* vltèrius non denominat ipsum terminantem, hæc enim denominatio nequit prouenire à forma, quæ terminatur, & non terminat: ergo nulla prouenit denominatio in termino à relatione, vi cuius terminet relationem.

271 *Obijciat* 1. D. Thomam 1. p. q. 40. art. 2. ad 4. dicentem, cum dicitur, quod esse relatiui est ad aliud se habere, per ly ad aliud intelligitur correlatiuum, quod non est prius, sed simul natura; sed omne relatiuum est ad aliud: ergo omne relatiuum est ad correlatiuum, ac proinde nullum est ad absolutum.

272 *Respondet* ex ipso D. Thoma adducto supra in prob. conclusionis, quod per ly *aliud* intelligitur correlatiuum in relatiuis mutuis, in quibus solis est eadem

ratio referendi ex parte vtriusque extremi: in quo non hunc sensum intendimus, quod sit relatiuum mutuum æquiparantiæ, & non disquiparantiæ, in quibus relatiuis ratio referendi est eadem: sed generaliter de omnibus relatiuis mutuis intelligendum esse D. Thomam asserimus; in omnibus enim illis est eadem ratio, ex parte vtriusque, vt vnum ad alterum inuicem referatur.

273 *Obijcies* 2. Deus per id à parte rei terminat formaliter relationem creaturæ, per quod realiter est Dominus; sed est Dominus realiter per denominationem extrinsecā à relatione, quæ est in creatura: ergo per eam terminat relationem creaturæ. Prob. min. *Tim*, quia esse Dominum realiter est quid reale relatiuum in Deo; non intrinsecum: ergo extrinsecum. *Tim*, quia D. Thomas 1. p. q. 13. artic. 7. asserit expresse, quod Deus dicitur relatiuè ad creaturam quia creatura refertur ad ipsum.

274 *Confirm.* Ratio terminandi ex parte Dei relationem seruitutis creaturæ non est Deitas præcisè, sed dominium; at dominium, vt distinctum à Deitate non est quid intrinsecum Deo: ergo.

275 *Disting. mai.* Per id terminat relationem creaturæ Deus, per quod est Dominus, *formaliter*, neg. mai. per quod est Dominus, *fundamentaliter*. conced. mai. sicut paries non terminat visionē per id, per quod est visus forma-

liter, sed per id per quod est visus fundamentaliter, hoc est, non per ipsam visionem, sed per colorem: nec fauet contrarijs authoritas D. Thom. dicentis Deum referri ad creaturas, quia creaturæ referuntur ad Deum: ibi enim loquitur de relatione rationis ex parte Dei, cuius occasio, aut fundamentum est realitudo creaturæ ad Deum, nam Deum referri realiter ad creaturas intrinsecè, aut extrinsecè, contrarij non concedunt.

276 *Ad confirm. respond.* Quod ratio terminandi ex parte Dei prædictam relationem, nec est Deitas præcisè, nec dominium formaliter, sed illius fundamentum nēpe potestas coerciua Dei, vt docet, D. Thom. quæst. 7. de potent. cit.

277 *Obijcies* 3. Terminus relationis prædicamentalis est purus terminus; at Deus secundum suā entitatem absolutam non est purus terminus, sed causa creaturæ, nec scibile secundum suum esse absolutum, est purus terminus, sed mensura, & specificatiuum scientiæ: ergo relationes creaturæ ad Deum, & scientiæ ad scibile, quæ sunt non mutue, non terminantur ad absolutum, sed ad relatiuum.

278 *Resp.* Quod Deus (& idem dic de scibili respectu scientiæ) necdum dicit relationem prædicamentalem, sed etiam aliam transcendētalem ad creaturam, prædicamentalem quidem secundum quod

quod inspicitur ab ipsa ut purus terminus, transcendentalem autem, prout respicitur ab ea per modum causæ, a qua dependet.

179 *Obijcies* 4. Inter relationem, & illius terminum formalem datur oppositio relatiua: ergo in utroque extremo debet reperiri ratio oppositionis relatiuæ; sed ratio oppositionis relatiuæ est relatio: ergo debet ex parte utriusque extremi dari relatio, ac subinde nullum est absolutum.

180 *Confirm.* Non datur oppositio contraria nisi inter contraria, nec contradictoria nisi inter contradictoria: ergo nec relatiua nisi inter inter relatiua.

181 *Resp.* concessa prima cōseq. disting. min. sub sumptam; sed ratio oppositionis relatiuæ, ex parte alterius extremi est relatio, conced. min. ex parte utriusque, neg. min. quia oppositio relatiua adæquatè sumpta non consistit in eo, quod duo se mutuo respiciant, sed in eo, quod vnum respiciat, & alterum respiciatur, quare oppositio relatiua in adæquatè, & ex parte vnius extremi est relatio, & inadæquatè, & ex parte alterius non est relatio, sed terminus relationis: potest ergo terminus relationis, sine relatione ex parte sui opponi relatiuè, quia licet non sit relatio, terminat relationem.

182 *Ad confirm.* neg. cōseq. Quia oppositio contradictoria debet esse inter ens, & non ens, & hæc etiam inuicem sibi contradicunt, oppositio vero contraria

debet esse inter ens, & ens quæ sub eodem genere ab eodem subiecto mutuo se expellant, & hæc etiam mutuo sibi contrariantur. Oppositio verò relatiua est inter relationem, & terminum, prouenitque ab eo, quod vnum respiciat, & alterum respiciatur, ex hoc enim præcisè, & omni alio secluso oritur impossibilitas vnius cū altero; at respici non est conceptus relatiuus determinare quare ita oppositio relatiua, quia sit inter relatiua.

183 *Denique obijcies.* Relatiua sunt simul cognitione iuxta Arist. hic: sed si relatio terminaretur ad absolutum, non essent simul cognitione, quia ad cognoscendum relationem sufficeret cognoscere absolutum termini: ergo.

184 *Resp.* Quod relatio est simul cognitione cum termino, quia non potest intelligi sine termino, terminus autem est simul ex nostro modo cōcipiendi cum relatione, quia videlicet non possumus, ut ait D. Thom. concipere terminum relationis, nisi sub opposita habitudine ad illam, non quia in re sit relatiuus, sed quia sine relatione, quam terminat non potest existere.

§. IV.

Colliguntur ex dictis proprietates relatiuorum, & arbor huius prædicamenti.

185

Q *Uatuor relatiuorum proprietates enumerantur.*
Kk 2

merauit Aristot. in hoc cap. *Prima est habere contrarium*, sed hanc ex aliena sententia designauit, competitque relatiuis duntaxat secundum dici, vt, vitio, & virtuti, sciētiæ, & errori; ex propria vero sententia oppositum cap. de quātitate docuit, asserens relationi nihil esse contrarium, & merito; contraria enim dicunt ordinem ad subiectum, ad quod relatio non respicit, est enim solum ad terminum.

286 *Secundo est recipere magis, & minus*, hæc etiam proprietas non traditur ab ipso ex propria sententia, vt fateatur ipse, & solum conuenit relationi ratione fundamenti, quando in qualitate fundatur.

287 *Tertia est dici ad conuertentiam* hoc est quod relatiuum, vt tale, per habitudinem ad aliud exprimitur, & vice versa, vt si est pater, est pater filij, si est filius, est filij patris.

288 *Quarta demum proprietas*, quarto modo conueniens relatiuis est, quod sint simul natura, & cognitione, esse simul natura est, quod vnum formaliter, vt tale non sit causa alterius, sed mutuo se inferant; esse simul cognitione est vnum sine ordine ad aliud intelligi non posse.

189 *Arbor* huius prædicamenti sic se habet. Relatio realis secundum esse alia est fundata in unitate, & numero, alia in actione, & passione, alia in mensura, & mensurabilitate, sub primo mem-

bro relationes æqualitatis, & inæqualitatis, similitudinis, & dissimilitudinis, conuenientie, & diuersitatis, atque proportionis continentur. *Sub secundo* relationes causæ, & effectus agentis, & passi, actionis, & effectus, motus, & termini. *Sub tertio* relationes potentie, & habitus, actusque ad obiectum, & exemplari ad exemplar comprehenduntur; quarum quæuis pro diuersitate potentie, & exemplaris in varias species potest subdiuidi.

QVÆSTIO IX.

De reliquis prædicamentis, & de post prædicamentis.

1 **L**icet circa reliqua prædicamenta non nullæ difficultates occurrant diligenti examine dignæ, tamen ferè omnes solent exagitari in metaphisica, vel in libris de Anima, quare in præsentia, sat erit prælibare, quæ ad discernendum sigillatim decem prædicamenta sufficiant, quod sanè præstabimus, si solita methode vniuscuiusque naturæ, species, & proprietates succintè percurramus.

§. I.

Diffinitur qualitas.

2 **D**ifficultas in diffinenda qualitate oritur, si ex eo quod genera suprema, cū simplicissima sunt, nequeunt proprie

præ diffiniri, *tum*, eo quod qualitas, cum sit accidēs absolutum, & non sit per se sensibile, nobis, nec actum, nec connotatum exhibet, per quod illam possimus explicare.

3 Eam nihilominus diffiniuit Arist. dicens: *qualitas est, qua quales esse dicimur*: placet definitio communiter Philosophis, exceptis aliquibus recentioribus, qui eam multipliciter carpunt. *Primo*, quia exponit ignotum per æque ignotum; *sed negamus* antecedens, quia *quale* notius est nobis, quam qualitas, concretum enim, siue compositum notius est abstracto, aut forma, ut dicitur 7. metaph. cap. 1. unde notior est nobis sapiens, aut iustus, quem ex operibus deprehendimus, quam ipsa sapientia, & iustitia, quam sola mente assequimur.

4 Secundo eam despiciunt, quia cum postea diffiniat Arist. *quale* dicendo, *qualia sunt, qua denominatiue ab his dicuntur*, nimirum à qualitatibus, committit circulū, qualitatem per quale, & quale per qualitatem diffiniens. Resp. quod non commisit circulum, quia quale diffiniuit per qualitatem, postquam, præmissa explicatione specierum qualitatis, qualitatem ipsam reddidit notiozem; diffiniuit ergo qualitatem ignoram per effectum formalem eius, quoad nos magis notum, nempe per concretum: ipsum vero *quale*, seu concretum diffiniuit per qualitatem, quæ est notior natura, & diuisione

in suas species reddita est notior. Licet autem sine circulo vicioso explicare notiora natura per notiora nobis, & iterum notiora nobis per notiora natura.

5 Illam tertio reijciunt, quia pari ratione posset quantitas diffiniri, *qua quanti dicimur*: & actio; *qua agentes dicimur*: sed negatur paritas, quia cætera prædicamenta sunt per se sensibilia, ut quantitas, aut dicunt ordinem ad aliquid extrinsecum, quod ad earū cognitionem iuuare possit, ut actio tota qualitas vero, nec est per se sensibilis, nec extrinsecum ex propria actione respicit.

6 Alias diffinitiones qualitatis minus aptas afferunt aliqui recentiores, quarum una est: *accidēs capax intensiōis, aut remissionis ratione sui*. Sed reijcitur, quia nec conuenit figuræ, nec potentia, & impotentia naturali, quæ incendi non possunt, nec remitti.

7 Altera est: *accidens complens perfectionem substantia in existendo, aut operando*. Reijcitur pariter, *tum* quia vitium est qualitas, & non perficit; *tum*, quia lux aëris, est qualitas, & perfectionem aëris, nec in existendo, nec in operando complet.

8 Alij diffiniunt qualitatem per accidens absolutum distinctum à quantitate. Sed minus recte, quia non inquirimus, quid non sit qualitas, sed quid sit

§. II.

Quot sunt species qualitatis?

9 **D**ividit Philosophus qualitatem in hoc, cap. in quatuor species, quæ sunt genera subalterna; ea sunt, habitus, & dispositio, potentia, & impotentia, passio, & passibilis qualitas, forma, & figura.

10 Huius divisionis sufficientiam colligit, ita D. Thom. 1. 2. q. 49. art. 2. qualitas est modus, siue dispositio substantiæ; at his quatuor modis, & non pluribus, potest disponi substantia: ergo. Prob. min. solum potest disponi, vel in ordine ad naturam, vel secundum actionem, & passionem, vel secundum quantitatem; sed in ordine ad naturam subiecti disponitur per habitum, & dispositionem; quæ est prima species; secundum actionem, vel passionem, ex parte principij actionis, vel passionis, disponitur substantia per naturalem potentiam, vel impotentiam, quæ est secunda species, ex parte vero terminij per passionem; & passibilem qualitatem, quæ est tertia species, tandem secundum quantitatem disponitur substantia per formam, & figuram, quæ est quarta species: ergo.

11 *Obijcies* 1. Scientia est habitus, ac subindè in prima specie; & tamen est principium actionis, cum sit actiuus: calor est in ter-

tia specie, & est principium calefactionis: figura est in quarta, & est actiuus; nam accura scindit, rotunda iubat ad motum: ergo principium actionis non constituit secundam speciem.

12 *Secundo.* Omnis qualitas est terminus actionis, cum omnis producatur primario, aut secundo: ergo terminus actionis non constituit tertiam speciem. 3. esse conueniens, aut disconueniens naturæ, conuenit potentia naturali, quæ bene afficit suum principium, calori, qui conueniens est igni, dulcedini, quæ bene afficit saccharum, rotunditati, quæ conueniens est terræ: ergo non conuenit soli habitui, & dispositioni.

13 *Resp.* Quod qualitates ponuntur in determinata specie, ratione illius, quod per se primo consideratur in eis; v. g. vitium, & est principium actus vitiosi, & est dispositio praua naturæ rationalis, sed quia in eo per se primo consideratur, quod sit praua dispositio, collocatur in prima specie potius, quam in secunda: unde licet scientia, calor, & figura habeant actiuitatem, non ponuntur in secunda specie, quia actiuitas non est, quod primo in eis consideratur; nec ponitur omnis qualitas in tertia specie, quia non in omni per se primo consideratur esse terminum actionis. Denique non collocantur in prima, potentia, calor, dulcedo, & figura, quia nec in illis conueni-

nientia ad naturam est, quæ primo consideratur.

litas facile mobilis à subiecto, per quâ subiectum bene, ve' male se habet.

§. III.

De habitu, & dispositione.

14 **P**rima species qualitat-
is est qualitas, qua
subiectum se habet, & afficitur
conuenienter, vel disconuenienter
ad propriam naturam. Diuiditur
in habitum, & dispositionem: ha-
bitus in præsentem non accipitur,
vt est participium deriuatum ab
habendo, qua ratione significat
rem habitam, nec vt est nomen
significans, indumentum, aut
quancumque rei dispositionem,
per quam aliquis dicitur hoc, vel
illo modo se habere, sed vt est
nomen significans id, quo res be-
ne, vel male se habet in ordine ad
se, vel in ordine ad aliud, talis est
pulchritudo, per quam res in or-
dine ad se bene se habet, & scientia,
per quam bene se habet in or-
dine ad operationem: scientia
quippe non respicit operationem
absolutè, hoc enim est proprium
potentiæ naturalis, sed operatio-
nem rectam, & conuenientem natu-
ræ scientis. *Habitus* ergo in hac
acceptiōe diffinitur: *qualitas diffi-*
cile mobilis à subiecto, per quam sub-
iectum bene, vel male se habet. Dis-
positio vero, non accipitur in
præsentem, vt est nomen commune
omni qualitati, id est, vt est præ-
cisè modus, & determinatio sub-
stantiæ, sed præcisè vt est condi-
tincta ab habitu, & diffinitur: *Qua-*

15 Vbi obserua qualitatē
posse facile, vel difficile esse mo-
bilem per se, vel per accidens: illa
est per se difficile mobilis, quæ ex
natura sua petit difficile moueri,
eo quod habet causas stables suæ
permanentia, illa est per accidens
difficile mobilis, quæ non ex na-
tura sua, sed ratione subiecti, in
quo inuenitur, difficile potest mo-
ueri, quare stat, quod aliqua quali-
tas sit dispositio, & habeat modū
habitus, vt vitium, siue error,
quæ cum causas stables suæ con-
seruationis non habeant ratione
subiecti, illiusque prauæ disposi-
tionis sæpè firmiter, & quasi im-
mobilitè in hærent, stat etiam,
quod qualitas sit habitus, & ha-
beat modum dispositionis, vt vir-
tus recedens acquisita: quæ ob pra-
uam dispositionē subiecti ex con-
traria consuetudine, facile potest
dimoueri. Differunt ergo habitus,
& dispositio non per multum, vel
parum durare, sed per hoc, quod
est natura sua petere, vel non pe-
tere permanentiam.

16 Dices: ergo visio beata, cū
sit ab intrinseco inamissibilis erit
habitus. *Resp.* Esse eminentè habi-
tum, & actum; actum, quia est ac-
tualis tendentia ad obiectum, ha-
bitum, non quia sit operatiuus, id
enim minime requiritur, cum sa-
nitas sit habitus, & operatiua non
sit, sed quia est qualitas difficile
mobilis, & conuenienter disponit
propriū subiectum.

17 *Et si inquirat.* Vtrum habitus, & dispositio differant specie? *Resp.* Affirmatiue cum S. Th. 1. 2. q. 49. artic. 2. ad 5. Ratio est, quia vna, & eadem species non potest ex se, & ab intrinseco petere oppositas condiciones; at dispositio est qualitas ex se, & ab intrinseco fluens; habitus vero ex se, & ab intrinseco per manens: ergo differunt specie.

18 *Oppones 1.* Actus, & habitus scientiæ, sunt eiusdem speciei: sed actus est dispositio: ergo. *Respond.* Quod actus, & habitus per ordinem ad obiectum, sunt eiusdem speciei, quia sub eadem ratione formalis obiectiua tendunt ad illud, sed per ordinem ad subiectum differunt specie; quia actus fluenter, & mutabiliter, habitus permanenter perficit illud; actus enim procedit ex principiis firmis, sed per modum fluxus, & viæ, ac subindè mutabiliter, habitus vero, procedit ex eisdem, sed per modum termini, ac subindè permanenter.

19 *Oppones 2.* Oppositum illius, quod conuenit alicui per se, nec per accidens potest illi conuenire: sed habitui conuenit per accidens posse facile moueri: ergo posse difficile moueri non conuenit per se habitui. *Resp.* Quod posse absolute facile moueri, conuenit habitui, & dispositioni, quod ergo specialiter, & vt differentia conuenit per se habitui, est difficile moueri ex actiue, & ex natura sua, hoc autem nec per accidens potest dispositioni competere.

s. IV.

De naturali potentia, & impotentia.

20 **P**otentia alia est Logica, siue obiectiua consistens in non repugnantia ad existendum, qua ratione possibile dicitur esse in potentia; alia est Physica, quæ nihil est aliud, quam vis realis agendi, siue realis capacitas recipiendi de hac est sermo in præsentia, & diffinitur: *Qualitas per se primo ordinata ad actionem, aut passionem.* Per hanc ultimam particulam denotatur distinctio potentia à prima, tertia, & quarta specie qualitatís, quæ vel non ordinantur, vel saltem non ordinantur primo, & per se ad actionem, & passionem: vnde merito D. Thom. 3. p. q. 63. art. 2. constituit characterem in genere potentia, & non in genere habitus, quia ordinatur ad posse agere, vel recipere, non autem ad modum bene, vel male agendi, vel recipiendi bene.

21 *Præterea* dicunt Thomistæ distingui essentialiter primam, & secundam speciem qualitatís, quia differunt ex finibus, ad quos ab intrinseco ordinantur, prima quippe species respicit per se primo naturam, eam bene, vel male disponendo, secunda vero respicit per se primo operationem, aut passionem absolute, & sub ratione indifferenti ad bonum, & ma-

malum: ergo differunt essentialiter. Impotentia autem non accipitur in presenti pro negatione potentia, qua ratione equus est impotens ad discurrendum, sed pro potentia infirma, & imbecilli. Unde potentia, & impotentia differunt accidentaliter, quia obiectum formale utriusque est idem, & tantum differunt penes perfectum, & imperfectum intra eandem speciem.

22 Et si dicas. Virtutes supernaturales sunt potentia, cum dent posse, & tamen sunt habitus: ergo potentia, & habitus non differunt essentialiter. Resp. Eas non esse potentias simpliciter, sed habitus, & si simpliciter necessarios: quia non dantur primo, & per se ad operari, sed ad bene operari, id est conformiter ad naturam subiecti in illo ordine, nempe ad gratiam, quæ natura est in ordine supernaturali.

§. V.

De passione, & passibili qualitate.

23 **P**assio aliquando sumitur pro receptione formæ in subiecto, & sic constituit speciale prædicamentum, aliquando pro forma recepta, & sic accipitur in presenti: verum *Passio* adhuc in hac acceptione stat tripliciter. Primo communiter, nempe recipiendo aliquid, & si nihil abijciatur à re, ut si dicamus aërem pati, dum illuminatur, sed hoc magis est perfici, quam pa-

ti. Secundo dicitur proprie pati, quando aliquid recipitur cum alterius abiectione, etiam si quod abijcitur, non sit rei conueniens, ut cum homo recipit sanitatem, abiectione ægritudine. Tercio propriissime, cum recipitur aliquid, abiectione eo, quod rei erat conueniens, ut homo recipit ægritudinem, abiectione sanitate: hoc modo accipitur passio in presenti, & diffinitur: *Qualitas sensibilis causata ex alteratione*: differunt passio, & passibilis qualitas in eo, quod passio est qualitas resultans ex facili, & transeunte alteratione, ut pavor ex metu: passibilis vero qualitas resultat ex permanenti alteratione, ut diuturnus color palidus.

24 Dices 1. Affectus appetitus sensitivi, ut ira, & tristitia sunt passionibus, & non sunt sensibiles: ergo passio non est sensibilis qualitas. 2. qualitas est, qua quales dicimur; sed iuxta Arist. hic, à passione non dicimur quales: ergo passio non est qualitas. 3. calor, qui est terminus alterationis, est qualitas disconueniens subiecto v.g. aquæ, ac proinde est dispositio pertinens ad primam speciem qualitatis; & tamen est qualitas sensibilis causata ex alteratione: ergo huiusmodi qualitas non est passio pertinens ad tertiam speciem.

25 Ad 1. respond. Quod affectus appetitus sensitivi sunt passionibus, non ut sunt actus vitales: sed ratione alterationis, quam in corpore efficiunt, vel ratione ter-

termini eiusmodi alterationis. Ad 2. resp. quod à passioe dicimur absolute quales; sed non simpliciter, qui enim metu pallefcit ad momentum, non dicitur simpliciter pallidus. Ad 3. resp. solum probari, quod passio, & dispositio differunt accidentaliter, quod libenter fatemur: unde idem calor, ut male disponit subiectum, est dispositio, ut terminat alterationem, est passio.

16 Et si inquiras, quomodo differant passio, & passibilis qualitas. Resp. eas differre accidentaliter: quia differunt per paruam, vel diuturnam durationem, non quidem exactam ex natura qualitatis, sed illis accidentaliter convenientem: pallori quippe accedit, quod ex metu transeunte, aut ex causa diuturna competat subiecto.

§. VI.

De forma, & figura.

17 **O**missis varijs acceptionibus formæ, & figuræ: in præsentî diffiniuntur: qualitas resultans exterminatione quantitatis. Ut ordo ille, qui resultat in circulo exterminatione per vnâ lineam, & in quadrato exterminatione per quatuor: tam forma, quam figura conueniunt in eo, quod vtraque resultat exterminatione quantitatis, & differunt accidentaliter in eo, quod figura inuenitur in rebus naturalibus; forma vero in artificialibus:

vel in eo quod figura inuenitur in quantitate mathematicè sumpta, & abstracta ab accidentibus sensibilibus, ut in circulo, prout concipitur mente, forma vero in quantitate physicè sumpta, & prout coniuncta accidentibus sensibilibus, ut in circulo, prout à parte rei existit, ita D. Thom. 1. phys. lect. 5.

§. VII.

Proprietates, qualitatis, & series prædicamentalis.

18 **T**res proprietates qualitatis recenset Arist. Prima est, habere contrarium, sunt autem contraria, quæ sub eodem genere maxime distant, & ab eodem subiecto mutuo se expellunt: hæc tamen proprietas non conuenit omni qualitati, quia non conuenit figuræ, nec potentix naturali, nec coloribus medijs, ut rubeo, viridi, & fusco; non enim intra idem genus maxime distant.

19 Secunda proprietas est: suscipere magis, & minus; nec ista conuenit omni, non enim conuenit figuræ, nec potentix naturali. Tertia est: quod ab ea dicantur res similes, vel dissimiles, sicut à quantitate dicuntur, æquales, vel inæquales: & hæc proprietas soli conuenit qualitati: nam in alijs generibus solum per analogiam ad qualitatem inuenitur similitudo, aut dissimilitudo.

30 Series huius prædicamenti

facilis est ex dictis. Sub supremo genere, quod est qualitas, ponuntur immediate quatuor species, siue genera subalterna supra explicata: sub primo genere habitus, & dispositio. Habitus diuiditur in operatiuum, & non operatiuum: non operatiuus in corporalem, vt sanitas, & spiritualem, vt gratia: operatiuus in sensitium, & spiritualem: sensituius in temperantiam, & fortitudinem: spirituales in intellectualem, & moralem: intellectualis in practicum, & speculatiuum: moralis in varias virtutes.

31 Sub secundo genere continentur potentia, & impotentia: sub potentia, actiua, & passiua: sub actiua, corporea, & spiritualis: sub corporea, vitalis, vt vegetatiua, nutritiua, &c. & non vitalis, vt calefactiua, & infrigidatiua: sub spirituali intellectus, & voluntas, caracter, & species impressæ.

32 Sub tertio genere ponuntur passio, & passibilis qualitas, & sub his color, sapor, sonus, calor, frigus, siccitas, & humiditas. Sub quarto, constituuntur forma, & figura, & sub his circulus, triangulus, pyramis, quadratum, &c.

ARTIC. II.

De sex ultimis prædicamentis.

33 **A**ristotelis normam sectantes, ab his nos breuissime expedimus. Actio est forma secundum quam in id quod

subijcitur agere denominatur. Ita Gilbertus, sic communiter exponitur est forma, aqua operatiuum principium denominatur agens aliquid circa passum, vt ignis ratione calefactionis, denominatur lignum calefaciens, quare solet diffiniri: *actualitas agentis*, sicut & passio est effectus, illatioque actionis.

34 Nota tamen 1. quod cum inter principium, & terminum productum detur medium, seu id ratione cuius effectus egreditur ab agente, ideo asserimus talem egressionem esse actionem, receptionem autem termini in passio dici passionem, viam vero, seu tendentiam illam ad terminum motum appellari, sed an hæc tria differant, ad Philosophicam remittimus.

35 Nota 2. actionem aliam esse immanentem, aliam transeuntem, immanens est, quæ manet in agente, vt intelligere, & velle, transiens, quæ transit in externam materiam, vt vrere, & secare, prima est per se primo data à natura propter agens perficiendû; secunda propter passum: prima est qualitas, secunda pertinet ad hoc prædicamentum ex D. Thom. opusc. 48. cap. 7. nam sola illa infert passionem.

36 Diuiditur actio sicut, & passio ratione principij in naturalem, & artificialem, ratione termini in substantialem, & accidentalem, & quælibet ex his in innumeras species. Proprietates actionis,

nis, & passionis sunt quatuor. Prima, quod actio sit semper coniuncta motui; secunda, quod inferat motum; tertia, quod habeat contrarium; quarta, quod suscipiat magis, & minus: duæ primæ conueniunt actioni, & passioni ratione sui, posteriores ratione termini.

37 Quando definitur à Gilberto: id, quod ex temporis adiacentia relinquitur, id est, determinatio, per quam res dicuntur esse fuisse, vel futuræ esse tali, vel tali temporis duratione, vt heri, cras, hodie, tali, vel tali anno. Proprietates illius sunt: carere contrario, non suscipere magis, vel minus, & quod quando solum conueniat his, quæ nata sunt incipere esse.

38 Vbi est circumscriptio passiuæ corporis à circumscriptione actiuæ loci proveniens, id est determinatio per quam residitur esse in tali, vel tali loco. Vbi, vel est species infima, vel sunt tot species eius; quor distantia locales, vt ante, & retro, sursum, & deorsum, &c. Proprietates sunt carere contrario, & non suscipere magis, aut minus.

39 Sequitur situs, qui est ordinatio partium in loco, id est esse in loco sic vel sic, vt sedens, iacens, stans. Species eius sunt sedere, cubare, &c. Proprietates eadem, ac præcedentis prædicamenti. Vbi.

40 Tandem habitus est corporis, & eorum, quæ circa corpus sunt adiacentia, id est, applicatio, vel circumpositio vestium ad corpus, vt

esse vestitum, esse armatum. Species habitus sunt iuxta diuersitatem vestium, vt esse armatum, vel togatum; proprietates, non habere contrarium, & suscipere magis, & minus, vt eques solet esse armatior pedite, & diues magis vestitus paupere. Series cuiuscunque ex his prædicamentis ex speciebus assignatis faciliè con- struetur.

ARTIC. III.

De post prædicamentis.

41 **P**ost prædicamēta, cum modi sint ad prædicamenta consecuti, in nullo ex eis sunt determinate contenta. Quinque communiter enumerantur nisi mihi: *Oppositio, prioritas, similitudo, motus, & modus habendi.*

42 *Oppositio est repugnantia aliquorum inter se: & est quadruplex contradiçtoria, priuatiua, contraria, & relatiua, quia oppositio, vel est inter ens, & non ens, vel inter ens, & ens: si inter ens, & non ens, vel taliter vt subiectum non determinent, & sic est contradiçtoria, vel taliter vt subiectum sibi determinent, & erit priuatiua; si vero est oppositio inter ens, & ens, vel esse debet ita vt ens, & ens mutuo se expellant à subiecto, & tunc est contraria, vel ita vt se mutuo respiciant, & est relatiua.*

43 2. Modus post prædicamentalis est prioritas, quæ est antecedentia unius rei ad aliam. Et est quintuplex: videlicet, tempore, natura, subsistendi consequentia, ordine, & dignitate. Tempore est prius, quod præcedit aliud duratione; sic senex est prior puero. Prius natura est, quod licet sit simul tempore cum alio, est tamen causa illius, ut Sol est prior illuminatione. Prius subsistendi consequentia est, quod non infert aliud, infertur tamen ex illo, sic animal est prius homine, & quodvis prædicatum superius est prius inferiore. Prius ordine, ut binarius ternario. Prius dignitate, ut Rex plebeyo. Additur à Theologis prioritas originis repecta in diuinis, secundum quam persona, aqua altera procedit sine causalitate, dicitur prior origine persona procedente.

44 3. Modus est similtas. Sunt autem aliqua simul tripliciter: tempore, natura, & ordine:

tempore, ut quæ in eodem instanti generantur, natura, ut correlatiua, quorum neutrum est causa alterius, ordine ut species ex æquo diuidentes genus.

45 Sequitur 4. loco motus; cuius sex enumerat species Aristoteles, nempe generationem, corruptionem, accretionem, decretionem, alterationem, & motum localem, de quibus latè Philosophi in lib. Philic. & in lib. de Generatione.

46 Vltimum post prædicamentum est, habere; & significat, quocumque modo aliquid possidere, dicitur tamen præsertim 7. modis. 1. habere qualitatem, ut virtutem. 2. habere quantitatem, ut tres vlnas. 3. habere quæ circumstant, ut vestes. 4. habere partes, ut manus, pedes, vel in partibus, ut à nulum in manu. 5. habere aliquid per modum vasis, ut aquam in situla. 6. habere possidendo ut agros,

7. habere ad cohabitandum, ut uxorem.



QVÆSTIO X.

De demonstratione.

I **A**bsoluto libro de prædicamentis, in quo Arist. res simplices ordinatè considerauit, ut primam operationem intellectus, quæ simplici in est apprehensio, dirigeret; subiunxit libros de interpretatione, in quibus docendo naturam enuntiationis, tradidit quidquid ad dirigendam secundam operationem poterat considerari: ut tandem modum, quo tertia est dirigenda præscriberet, instituit libros, quorum alios priorum analyticorum, alios posteriorum analyticorum, hoc est resolutoriorum inscripsit; in illis examinavit demonstrationem ex parte formæ syllogisticæ, in his eam speculatus est ex parte materiæ, docendo nimirum ex quibus debeat constare: sed quia de enuntiatione egimus lib. 2. summu. & de forma syllogistica lib. 3. restat, ut post tractatum de prædicamentis, ad considerandam materiam demonstrationis statim procedamus.

ARTIC. I.

An sint aliqua ante demonstrationem præcognoscenda?

2 **A**nequam Arist. numerum præcognitorum designet, celebre præmittit axioma, ut ex eo lucem accipiat totus demonstra-

tionis tractatus. Axioma tale est: *Omnis doctrina, omnisque disciplina intellectus ex præexistente sit cognitione.* Doctrina, & disciplina differunt in eo, quod doctrina significat cognitionem ut à Magistro traditam, disciplina designat eam, ut in discipulo receptam; eadem quippè cognitio, ut à Magistro dicitur doctrina; & ut in discipulo disciplina; intendit ergo Philosophus hoc axioma sententiam debellare Platonis, qui ut Heracliti, & Cratilli negantium scientias delirium euitaret, in aliud incidit, affirmans, non solum dari scientias, sed & eas esse à natura nobis inditas, ita ut omne nostrum scire nil aliud esset, quam exercitatione sensuum præcedente, quoddam intellectuum reminisci. *Tria sunt ergo in præseni discutienda ordine ipso quo illa discuit Philosophus.* Primum, quomodo tale axioma sit intelligendum, ut Platicum euectatur fundamentum. Secundum, quot sint ante demonstrationem præcognita. Tertium, qui d sit de huiusmodi præcognitis præcognoscendum.

§. I.

Aristotelicum axioma declaratur.

3 **A**sferunt aliqui prædicti axiomatis sensum esse, quod

quod omnis nostra cognitio intellectiva, etiam non discursiva, ex alia præexistente sit, quatenus ortum trahit ex cognitione sensitiva, cum nihil sit in intellectu, quod prius non fuerit in sensu. Sed minus recte, & extra intentum Philosophi. Tum quia ly *ex præexistente sit* sonat veram efficientiam (vt art. seq. constabit) qualem non habet cognitio sensitiva in intellectuam Tum quia Philosophus intendebat statuere cognitionem scientificam comparatam ex vi cognitionis principiorum contra Platonem oppositum propugnantem. Tum quia per huiusmodi assertum non impugnaret Platonem, sed iuaret: diceret enim Plato se etiam asserere cognitionem scientificam dependere à sensitiva, quatenus hac posita, excitatur intellectus, vt prorumpat inmediate in scientificam cognitionem obiecti, cuius erat oblitus. Hac ergo, & alijs expositionibus satis extraneis ab intento Philosophi relictis, vt cum D. Thom. hic lect. 1. littera A. mentem Philosophi explanemus.

4 *Præmittendum* est, quod discursus potest summi dupliciter, adæquatè, prout comprehendit, tam præmissas, quàm conclusionem; & inæquatè, prout dicit solà conclusionem. Inter has acceptiones hoc est discriminè, quod licet, tam præmissæ, quàm conclusio sint de essentia discursus, absolutè vocatur cognitio discursiva, quæ ad conclusionem terminatur, quin talis absolutè denominetur sola cognitio præmissarum. Ratio est: quia terminus *ad quem* tribuit absolutam deno-

minationem motui, non terminus à quo, vt patet in calefactione, quæ talis denominatur à calore, qui est terminus *ad quem* illius, & si frigus sit terminus à quo: sed in motu discursivo mentali cognitio conclusionis consideratur admodum termini *ad quem*, cognitio vero præmissarum apprehenditur per modum termini à quo: ergo. Ex quo colligitur, quod potuit iure optimo Philosophus dicere cognitionem omnem discursivam ex alia præexistente fieri, si cognitio conclusionis est, quæ absolutè debet vocari cognitio discursiva; vt pote circa quam est motus discursus intellectus.

5 *Distinguendum* est igitur in præfati, & axioma, quod Philosophus protulit, & propter quid illud protulit; protulit quidem illud propter adstruendam contra Platonem cognitionem scientificam, non à natura inditam, sed per demonstrationem vere comparatam, axioma autem illud, quod ad hoc convincendum protulit, non debet accipi de sola hac cognitione scientifica, nam hoc esset assumere pro medio id ipsū, quod in vitium vertebatur, sed debet alius sumi pro omni cognitione discursiva, siue in probabilibus, siue in rethoricis, siue in opinatiis, seu tantum in demonstrativis, vt exempla adducta à Philos. convincunt, teste D. Thom. quo supposito, formatur ratio contra opinionem Platonis, & axioma declaratur.

6 *Omnis* cognitio discursiva (cuius nomine intelligenda venit cognitio

no conclusionis) quælibet illa sit, fit ex alia præexistente cognitione; sed cognitio scientifica est cognitio di cursiva: ergo cognitio scientifica ex alia præexistente fit. Sed cognitio, quæ ex alia præexistente fit, non in est à natura, sed ex vi illius præexistētis cognitionis ex qua fit, adquiritur: ergo cognitio scientifica non est nobis à natura indita, sed ex vi alterius cognitionis comparatur. Omnia constare, & maior soli Platoni difficilis, cum ab Aristot. existimetur indemonstrabile principium, non prob. sed inductione quadam declaratur. Nam siue disputes probabiliter, siue rhetoricè, siue opinatiue, siue demonstratiue, aliquod semper principium assumis, cui in rixus probare intendas conclusionem, circa quam est litigium, ut ipsi syllogismi quibus vteris, manifeste conuincunt; sed tunc cognitio circa conclusionem fit ex præexistente cognitione circa principium, quod assumpti, nam interrogatus, quare assensum præbes huic veritati v. g. *homo est risibilis*, respondebis, quia præbui illum huic, *homo est admirabilis*, ex qua legitimè infertur. Verissimum ergo est illud prologium, intellectum, ut debet, de cognitione discursiva, *omnis doctrina, omnisque disciplina ex præexistente fit cognitione*.

7 Ex quo manifestè aliqui pro Platone inferunt dari in causalitate cognitionum processum in infinitum, quia licet cognitio conclusionis fiat ex præexistente cognitione præmissarum, & cognitio earum (si non sint per se notæ) in aliam cognitio-

nem resoluitur; deueniemus tamen ad prima principia, quæ quia ex terminis nota sunt, non indigent ad sui euidentem cognitionem alterius cognitionis præexistentia. An autem lumen primorum principiorum sit habitus superadditus virtuti naturali intellectus, & an supposito, quod sit habitus, fit nobis à natura inditus, vel potius nostris actibus adquisitus, alterius est instituti. De quo Metaphisici, & inde Theolog. 1. 2. q. 1. 51. & 61.

9 Ex dictis constat ad Platonis argumentum consistens in eo, quod antequam adquiramus scientiam, desideramus scire; iam ergo scire illud erat ante acquisitionem nobis notum, cum desiderium non feratur in ignotum. *Constat* (inquam) solutio, nam si sermo est de appetitu innato intellectus erga verum scientificum, talis appetitus non regulatur cognitione, & sic non indiget, quod scire illud sit nobis notum: Si autem argumentum procedit de desiderio, qui est actus elicitus voluntatis, hic quidem supponit aliqualem notitiam conclusionis prout in sua causa, præmissis scilicet, contenta: scilicet tamen possessionem non supponit, cum potius desiderium sit tendentia in illius acquisitionem: sicut cognoscens causam desiderat cognoscere directè, & formaliter effectus, quos in ipsa causa attingebat antea solum virtualiter, & implicite.

§. II.

Præcognita designantur.

10 **C**um præexistens cognitione nequeat esse sine aliquibus præexistentibus cognitis, seu præcognitis, ideo Aristoteles, præexistente cognitione firmata, progreditur statim ad designanda præcognita, seu ea, quæ debent esse ante conclusionem cognita. Sunt ergo iuxta ipsum tria præcognita; principium, subiectum, & passio: cuius designationis sufficientia ex D. Thom. hic lect. 2. probatur.

11 *Scientia* contendit, ut demonstraret in conclusione passionem aliquam de subiecto: sed ad hunc finem debent ante conclusionem tria designata cognosci: ergo illa debent esse ante conclusionem præcognita. Prob. min. Ut passio demonstraretur in conclusione de subiecto, debent præcognosci subiectum, de quo demonstras, & passio, quam demonstras, si enim ignores quid, aut de quo demonstras, nullo modo demonstrare poteris: sed ulterius debes præcognoscere præmissas, quæ sunt principium, vi cuius demonstras: ergo. *Vel aliter.* Ut demonstras passionem de subiecto, sufficit, & requiritur, ut præcognoscas quod demonstras, de quo demonstras, & vi cuius demonstras: sed quod demonstras est passio, de quo demonstras, est subiectum, & vi cuius demonstras, est principium: ergo ut demonstras passionem de subiecto sufficit, & requiritur, quod præcog-

noscas passionem, subiectum, & principium.

12 Dices: Etiam præcognosci debet bonitas consequentiæ; nam ignorato, an conclusio bene inferatur ex præmissis, non præstabitur assensus conclusioni: ergo designatio facta est insufficientis.

13 *Respondet.* consequenter ad dicta q. 1. præm. artic. 7. Quod bonitas consequentiæ potest cognosci signatè cognoscendo syllogismum esse factum iuxta regulas logicæ, ac proinde rectè concludere; & potest cognosci exercitè, cognoscendo, licet tales ignorentur regulæ, has præmissas hic, & nunc cum conclusione connecti. Dicimus ergo, quod prima cognitio bonitatis consequentiæ, & si plurimum iuvet, necessaria tamen simpliciter non est ad veram demonstrationem, & ideo illam omisit Philosophus: secunda verò non distinguitur à cognitione principij ut talis, nam cognoscere principium, ut tale, est illud cognoscere, ut connexum cum conclusione; unde statuto, principium ut tale esse præcognitum, impliciter affirmatur bonitatem consequentiæ esse præcognitam.

14 *Instabis.* 1. De principio solum præcognoscitur iuxta Arist. (ut postea constabit) an sit verum: sed de vi illativa consequentis nequit præcognosci an sit vera, quia illatio non est vera, vel falsa; sed bona, vel mala: ergo in præcognitione principij non includitur præcognitio bonitatis consequentiæ. 2. Cognoscere præcontinentiam conclu-

tionis non stat, quin aliquomodo cognoscatur ipsa conclusio: ergo si ante conclusionem cognoscitur continentia conclusionis, cognoscitur conclusio antè conclusionem, quod est absurdum. 3. Medium debet esse præcognitum, cum in illo nitatur tota vis probatiua conclusionis: sed medium non est subiectum, aut passio, ut patet, alias non reducitur ad principium, cum principium sit quid complexum, & medium sit quid incomplexum: ergo semper est necessum asserere, dari aliquod præcognitum, cuius mentionem non fecit Aristoteles, & quod in præcognitis ab ipso designatis non includitur.

15 *Respond. ad 1. neg. consequ.* Quia ut bonitas consequentiæ præcognoscatur exercitè, dum præcognoscitur signatè veritas principij, non requiritur, quod eandem subeat denominationem, ac principium: sicut qui signatè cognoscit aliquam conditionalem esse veram, cognoscit simul exercitè illationem esse legitimam, non per hoc, quod illationem cognoscat esse veram, sed per hoc quod cognoscendo conditionalem esse veram, cognoscit exercitè id, à quo dependet esse veram, bonitatem, scilicet, consequentiæ.

16 *Ad 2. concedo consequ.* In qua concedenda nullum inuenimus absurdum, sicut nec illud inuenit D. Thom. hic lect. 2. dicens ex Philosopho: *Conclusionem demonstrationis ante ipsam demonstrationem aliquo modo esse præcognitam alio verò modo non; ex dubitationis Platonica solutione manifestat.* Sicut enim cognoscens causam

in ipsa cognitione causæ attingit virtualiter, & implicite illius effectus, & postea progreditur ad illos explicite, & formaliter attingendos per aliam cognitionem; ita attingens præmissas in ipsis attingit virtualiter, & implicite conclusionem, & ex hoc progreditur ad illā explicite, & formaliter per alium actum attingendam.

17 *Ad 3. neg. ex dictis min.* quoad secundam partem, cuius inserta probatio non vrget: nam licet principium sit aliquid complexum, & medium quid incomplexum, hoc tamen incomplexum est ratio formalis, quare illud complexum sit verum in esse principij, cum ratione identitatis extremitatum cum medio, principium, ut tale, sortitur veritatem, vi cuius veritatem consequentis præcontineat, ac proinde cum præcognitione veritatis principij non ponit in numero præcognitio medij.

18 *Ne obstat, si inest:* etiam veritas principij non stat sine subiecto, & passione, de quibus enuntiant identitatem cum medio: & tamen subiectum, & passio sunt distincta præcognita à principio: ergo pariter etiam si veritas principij non stet sine medio, medium erit diuersum præcognitum à principio.

19 *Non obstat* quidem: nam principium ut tale est concretum accidentale, cuius forma dans illi esse connexum cum conclusione est medium; passio autem, & subiectum sunt materia illius: unde sicut cognitio albi in esse albi non ponit in numero cum cognitione albedinis, ponit tamen in numero cum cognitio-

ne corporis, quod est materiale illius; ita præcognitio principij ponit in numero cum præcognitione subiecti, & passionis, quæ sunt illius materia, secus cum præcognitione medij, quod est forma constituens principium in esse principij; quia idem est cognoscere principium vt inferens conclusionem, ac cognoscere formam, vi cuius talem conclusionem infert.

§. III.

Exponuntur, quæ de huiusmodi præcognitis sunt præcognoscenda.

20 **D**Vas in genere præcognitiones statuit Philosophus; *an sit, & quid sit*; harum quælibet sub diuiditur in alias duas; nam præcognitio *an sit* diuiditur in *an sit rei*, & in *an sit veritatis*. Similiter cum diffinitio alia sit *quid rei*, alia *quid nominis*, etiam præcognitio *quid sit* diuiditur in *quid rei*, & *quid nominis*. Ex quo clare percipitur iuxta explicationem D. Th. hic lect. 2. mens Philosophi, scilicet, quod de præcognitis designatis debet per distributionem accommodari præcognosci, *an sint*, *an sint vera*, *quid sint*, & *quid significant*.

21 *Ea igitur accommodando singulis, asserit ex Philosopho D. Th. initio lect. 2. Quod an est veritatis* debet adaptari principio, id est, quod de principio solum debet præcognosci *an sit verum*. Huius asserti ratio est, quia de complexis enuntiatiuis, cuius generis est principium, solum debet præcognosci, quod potest propriè de ipsis dubitari; sed solum potest propriè dubitari de ipsis, *an sint vera*, cum finis intrinsecus

complexi enuntiatiui sit manifestatio veritatis: ergo solum debet de ipsis præcognosci, *an sint vera*. *Vel aliter*. De principio solum debet præcognosci id, ratione cuius est principium conclusionem demonstrans; sed est principium conclusionem demonstrans ratione propriæ veritatis, semel enim quod verum sit extremitates identificari cum medio in præmissis, potest demonstrari earum identitas inter se: ergo solum debet præcognosci de principio *an est illius veritatis*.

22 *Dices*: Aliquando præmissæ non sunt principia indemonstrabilia, vt cum ad probandum tertiam passionem convenire subiecto assumimus pro principio convenientiæ secundæ passionis; hæc enim est vltimius demonstrabilis per convenientiam primæ, & hæc tandem est demonstrabilis quoad nos per diffinitionem subiecti: ergo tunc catus non erit præcognita, sed verè demonstrata veritas principij.

23 *Sed neg. consequ.* Quia semper evadit verum in sensu fortè ali assertum Philosophi. Si enim demonstratio sit potissima cõstans primis simpliciter principijs, tunc manifeste apparet, quod veritas principij, vt pote indemonstrabilis, est præcognita, & non demonstrata: si autè demonstratio conitet præmissis, quæ sint conclusiones superioris demonstrationis, vt in exemplo argumenti, tunc materialiter coincidunt in eadem præmissa ratio cõclusionis, & ratio principij; & in ratione conclusionis est demonstrata, in ratione verò principij

est præcognita; quia ad inferendam
tertiam passionem solum se habet de
formali præcognoscere secundam pas-
sionem verè conuenire subiecto, siue
hæc conuenientia habeat, siue non
habeat causam, de quo, vt demon-
stratio tertie passionis, non curat.

24 *Afferit* 2. Philosophus, quod
de subiecto debet præcognosci *an*
sit, & *quid sit*. Circa intelligentiam
primæ partis non leuè est inter no-
stros dissidium; quibusdam cum Ma-
gistro Soto affirmantibus *ly an sit* de-
bere exponi de an est possibilitatis,
secus existentia, idest, quod, de sub-
iecto debet præcognosci *an sit* pos-
sibile, non tamen præcognosci debet
an sit existens; alijs autem cum Caiet-
ano afferentibus, quod de subiecto
debet etiam præcognosci *an existat*,
seu *an sit* in rerum natura, ita, vt de
subiecto in nulla differentia temp-
oris existente non possit dari scientia.
Quia tamen existimamus vtramque
sententiam in aliquo sensu habere ve-
ritatem, ideo vt Philosophus, & D.
Th. qui pro Caietano videntur mili-
tare, legitimè exponantur.

25 *Dicendum est primò*: Ratio in-
trinseca scientiæ nullo modo petit
præsupponere exercitiam existentiam
sui subiecti. Probat. assertum. Ratio
intrinseca scientiæ solum petit, quod
subiecti essentia sit connexa cū suis
passionibus, nam hoc præcisè dato,
passiones de subiecto demonstran-
tur: sed ad hoc impertinens est esse
exercitum actualis existentia, cum
etiam, de efficiente existentia, con-
nexio persisteret; ergo ratio intrinseca sci-
entiæ non petit exercitiam existentiam

subiecti. *Confirmatur*. Dum scientia
demonstrat hominē esse risibilem,
non demonstrat quod datur homo
substantia exercitè risibilitati, sed quod
si homo datur, datur substantia risibi-
litate: sed hæc veritas ab exercita exi-
stentia hominis non dependet; ergo.

26 *Sed contra obijcies* Philoso-
phum afferentem hic cap. 1. Quod
de subiecto debet præcognosci *quid*
est, & *quia est*: super quæ D. Th. le. Et.
2. *Antequam sciatur de aliquo an sit, non*
poteest sciri propriè de eo quid sit; non
entium enim non sunt diffinitiones; unde
questio an est præcedit questionem quid
est. Rursus ipse Philosophus, lib. 2.
text. 8. ait: *Quærere autem quid est non*
habentis quod est, nihil quærere est. Nec
valet communis expositio de an est
possibilitatis. Tum quia vt benè ad-
venit Caiet. hic. *Ad secundum dubiū*,
ly an est in littera Philosophi, & D.
Th. accipitur semper pro an est exi-
stentiæ, hoc enim sonat *an est*, vt cō-
tra diuisum ad *quid est*, qua ratione di-
xit D. Th. 1. p. q. 2. quod de Deo non
possumus scire *quid sit*, possumus ta-
men per effectus demonstrare *an sit*.

27 *Dicendum est secundò*, vt hæc
explicentur; scientia nostra quoad
sui acquisitionē dependet ab actua-
li exercita existentia subiecti, ac pro-
indè *an est* illius præsupponitur ad
quid est. Sic primus exposuit Philoso-
phi, & D. Tho. autoritates Ferrara
lib. 1. contra gent. cap. 66. quem lau-
dant, & sequuntur Prado, Massius,
Rubio, & alij. Probatur brebiter. Nō
possumus scientiam subiecti acqui-
rere, nisi media aliqua, vel inductio-
ne, vel experientia, vel saltim nisi no-
titia

titia subiecti medio sensuum ministerio ad intellectum perveniat: sed ad hoc necessarium subiectum existeret, cum subiectum exercitè non existens nequeat sui speciem immittere sensibus: ergo. *Ex quo ulterius sequitur questionem an est præcedere questionem quid est: nam non possumus quidditativam notitiam subiecti acquirere nisi præcedat in sensibus illius species: at hæc præcedentia speciei necessario affert scilicet an est, seu existentiam subiecti sensibus expositam: ergo notitiam illius quidditativam præcedit experimentalis notitia illius existentia: ex quo tandem sequitur scientiam præsupponere huiusmodi an est, cum nequeat passionem de subiecto demonstrare, nisi præhabita illius notitia sensuum ministerio introducta.*

28 *Quam conclusionem intellige, ut veritas illius instantia careat, in sensu formali; id est, quod scientia quo ad sui inventionem, & acquisitionem præsupponit an est, vel sui subiecti, vel illius ad cuius instar concipit subiectum, de quo passionem demonstrat. Logica enim sensuum ministerio radicatus acquisita non supponit ens rationis in rerum natura, supponit tamen ens reale, ad cuius instar concipitur ens rationis. Similiter species deferentes fidei, à quibus Theologia dependet (idem de qualibet cognitione pro hoc statu rei spiritualis) sunt in communi, & vera sententia, acquirere, quia Deus, qui est Theologiae subiectum, sit obiectum illas spe-*

cies immitrens; at supponuntur exercitè existentes, & illas species immitrentes effectus creati, ad quorum instar Deum pro hoc statu concipimus; ideoque Theologia ex mutuatis à Philosophia effectuum naturis existentiam Dei à posteriori demonstrat.

29 *Ex his autem colligitur quomodo extremè oppositæ sententiæ supra relatæ ad concordiam revo-centur. Si enim primæ sententiæ sensus sit, quod scientia quo ad intrinsecam sui ab exercitè existentia subiecti non dependet; sed ab illa abstrahit, verum tenet, ut constat ex ratione proposita num. 26. si autem loquamur de scientia quo ad sui inventionem, & quatenus sensuum ministerio acquisita, vera est, ut patet ex immediate dictis, sententia Cayetani; & in hoc sensu verissimæ sunt, ut iacent, autoritates Philosophi, & D. Thomæ, nam de subiecto nullatenus (in sensu explicato) existente, nulla scientia valet acquiri, ac proinde penitus ignorato an est, frustra laboratur circa quid est: quia notitia quidditatis pendet in sui prima acquisitione ab experimentalis notitia sensuum, quæ, subiecto nullatenus existente, non dabitur; ideoque dixit Cayet. quod si subiectum in nulla differentia temporis existat, nulla de illo erit scientia: quia vel debet aliquod illius vestigium stare, si est præteritum; vel dari aliquid cum illius futura existentia connexum, si est futurum; vel ipsum debet esse præsens, ut aliquid illius ad sensus per-*

veniat, quorum nuntiterio possit intellectus scientiam de tali subiecto comparare.

30 *His iam statuis circa primam partem asserti Philosophis circa secundam, scilicet, quod de subiecto debet præcognosci, quid sit, præmittendum est prædictam assertionem posse dupliciter exponi, positiuè, & negatiuè: negatiuè exposita redit hunc sensum, quid sit subiectum demonstrationis, nequit demonstrari, sed solum præcognosci. Positiuè explauata reddit hunc: in demonstrationibus debes præcognosci de subiecto quid sit. Primò modo est vniuersaliter vera: secundò modo est vera in demonstrationibus tantum potissimis, quæ assignant proprium rei propter quid, quod iam syllabatum probamus.*

31 *Et primò prima pars probatione D. Thom. hic lect. 2. Quod per demonstrationem nequit innoscere, est præcognitum, & non demonstratum: sed quodquid est subiecti, nequit per demonstrationem innoscere: ergo est præcognitum, & non demonstratum. Omnia constant, & min. suadetur ex eo, quod vt innosceret per demonstrationem quodquid est subiecti, aliquod debebat assumi principium, per quod demonstraretur: sed quodquid est subiecti, cum sit primum, & subiecti, & scientiæ principium, nequit aliud præsupponere, vi cuius demonstretur: ergo. Fatemur quodquid est subiecti posse aliquo modo per effectus, & signa manifestari, seu explicari, propriè ta-*

men demonstrari non potest: quia si effectus sunt vniuersi, eandem habet difficultatem quodquid est illorum, ac quod quid est causæ: si autem sunt æquiuoci, demonstrabant quidem quoad *an est*, sed non quoad quid est suam causam.

32 *Dices: Plures scientiæ inquirunt, & tradunt quodquid est sui subiecti: subiectum quippè huius, tractatus posterioristici est demonstratio, & tamen in illo discutitur quid sit demonstratio: similiter Logica tradit quid sit modus sciendi, Physica quid sit motus, & Mathematicæ docent, quid sit linea, quid punctum, quid quantitas continua, & discreta: quomodo ergo supponunt præcognitum quod quid est sui subiecti?*

33 *Disting. antec. Inquirunt, & tradunt quodquid est, illud explanando, concedo antec. illud probando, siuè demonstrando, nego antec. Subiectum formale scientiæ est ipsum quodquid est subiecti, de quo passionibus demonstrat, & hoc nunquam in scientijs, quarum sunt subiecta, potest demonstrari: cum hoc autem comparatur, quod scientiæ tradunt, & explicent definitionem subiecti, specialiter si sit sapientia, quæ supra prima principia reflectitur eorum terminos explanando contra negantes ipsa: quia licet definitio subiecti absolute sumpta pertineat ad lumen primorum principiorum, vt principium tamen probatum conclusionum pertinet ad scientiam, qua ratione indiget ab ipsa explicari demonstrati verò nunquam potest.*

34 *Possitūne* exposita conclusio Philosophi probatur : & quidem, quod non sit necesse in quacumque demonstratione præcognoscere, quid sit subiectum, convincitur ex eo, quod datur vera demonstratio, per quam à posteriori probetur an existat subiectum, vt sunt omnes illæ demonstrationes, quibus probatur Dei existentia : sed ad huiusmodi demonstrationes non præcedit præcognitum quodquid est Dei : ergo. Si. niuiter Astrologi demonstrant Solis, & Lunæ eclypsim : & tamen fere omnes sic demonstrantes ignorant quodquid est Solis, & Lunæ : ergo. Quod alijs plurimis exemplis posset comprobari sed quia insinuata sufficiunt.

35 *Prob. iam* debere præcognosci quodquid est subiecti in demonstrationibus potissimis, quæ assignant proprium propterquid rei demonstratæ, & quas præcipuè intendebat Philosophus. Tales demonstrationes concludunt proprias passionem de subiecto : sed ad hoc est necesse præcognoscere quodquid est subiecti : ergo hoc debet esse in huiusmodi demonstrationibus præcognitum. Probat. min. Vt cōcludatur passio convenire subiecto debet sciri radix convenientiæ : sed quodquid est subiecti est radix quare passio convenit subiecto : ergo debet præcognosci quodquid est subiecti, vt passio concludatur de subiecto.

36 *Dices. 1.* Cum per secundam passionem demonstratur de subiecto tertia passio, concluditur passio de subiecto : sed tunc non præ-

cognoscitur quodquid est subiecti, quia medium demonstrationis, scilicet passio, longè differ à quodquid est subiecti : ergo verum non habet conclusio etiam cum concluditur passio de subiecto. 2. Metaphisici, & indè Theologi demonstrant de Deo plures perfectiones per proprium propterquid illarum, vt quod sit æternus, quia immutabilis, summe intelligens, quia summe immaterialis, & alia huiusmodi : & tamen pro hoc statu, in quo adhuc demonstrant, ignorant quodquid est Dei : ergo. 3. Aristoteles hic cap. 1. Solum docet, quod de subiecto debet præcognosci quid nominis, ait enim ; *quod de triangulo præcognoscitur, quid nomen significet* : ergo iuxta ipsum nō est præcognoscendum quodquid est subiecti.

37 *Ad primum, neg. conseq.* Quia conclusio nostra non sustinet quodquid est subiecti debere præcognosci, vt medium proximum probandi in quacumque demonstratione passionem convenire subiecto ; sed quod illo non præcognito, nulla passio potest concludi de subiecto ; hoc autem verum est, etiam si in exemplo argumenti medium illius demonstrationis non sit quodquid est subiecti ; quia si hoc non præsupponeretur antea præcognitum, non sciretur, nec prima, nec secunda passio, ac proindè tertia non posset per secundam de illo demonstrari ; vnde omnium huiusmodi demonstrationum prima radix est quidditas subiecti.

38 *Ad secundum concessa mai.*

disting. min. *Cognitione perfecta, & quidditatiua*, concedo min. *imperfecta, & connotatiua*, nego min. & conseq. Verum est, quod Deum pro hoc statu; sicut per propriam speciem non cognoscimus, ita quidditative attingere non valemus: cum hoc ramen comparitur quod semel sciencies per effectus Deum existere, illius quidditatem per species rerum creaturarum connotative apprehendamus, & aliqualiter describamus, ex quo ulterius progredientes demonstremus eas perfectiones, quæ ab omni sint depuratæ imperfectionis labe; ad quas demonstrationes præcedit præcognitum quodquid est Dei, eo modo, quo pro hoc statu, in quo adhuc demonstramus, potest cognosci; connotative scilicet, & imperfecte: quod sufficit, ut sit absolute vera demonstratio, & quod videtur necessario dicendum, ne dicamus Metaphysicam, & inde Theologiam in illis perfectionibus demonstrandis non se gerere, ut sciencias, sed de his Theologi 1. p. q. 2. art. 2.

39 *Ad tertium* respond. Quod Philosophus sermonem ibi instituit de triangulo, ut est passio lineæ taliter dispositæ, secus autem ut est subiectum passionum, quæ de ipso possunt demonstrari: quæ expositio est D. Thomæ hic lect. 2. dicentis: *Philosophus hic exemplificat de triangulo, ut passio est, non ut est subiectum, cum dicit: de triangulo oportet præscire quoniam hoc significet.*

40: Tandem circa passionem, quæ est ultimum præcognitum, asserendum est cum D. Thoma hic. Non

debere de illa præcognosci an sit, aut quid sit, sed solum quid nominis, seu quid nomen illius significet. Assertum patet quantum ad id, quod affirmat: nam ignorata significatione nominis, nec quid, nec an est rei potest demonstrari; sed ut statim constabit, an sit, & quid sit passio, per demonstrationem innotebit: ergo debet præcedere præcognita nominis illius significatio. Quæ veritas accipienda est de demonstrationibus traditis per doctrinam, & disciplinam medio vocum ministerio; aliter erit de subiecto non supponente præsens præcognitio.

41 *Quantum* ad id vero, quod assertum negat, ut facilius percipiat, præmittendum est conclusionem intelligi in sensu formali, id est, quod illius passionis, quæ probatur per demonstrationem convenire subiecto, non debet præsupponi præcognitum an sit, vel quid sit: unde si quis demonstret hominem esse risibilem, quia est admirativus, non negat conclusio non præcedere præcognitum quid sit admirativum, quod assumitur pro medio; sed non debere præcedere præcognitum quid sit risibile, quod ex vi talis mediij inferitur de homine.

42 *Similiter* præmittendum est, quod passio potest considerari abstractè, & ut est in se quædam quidditas; & concretè, seu ut est affectio huius, in quo solo sensu propriè consideratur, ut passio; nam passio, ut passio, alicuius est, seu aliquem afficit, aliter non concipitur, ut passio. Igitur D. Thomas non negat

gat posse præcognosci ante demonstrationem quidditatem passionis absolute sumptæ per eius diffinitionem; sed negat debere illam præcognosci, ut est affectio huius, seu ut passio est: ut si Geometra demonstraret terram esse rotundam, inconueniens non est, quod ante demonstrationem sciat, in quo consistat, seu quid sit rotunditas; sed quod rotunditas conueniat terræ, seu sit affectio illius, hoc non debet præcognosci: quod quia non notatur aliqui, ut aduertit Cayeranus, propositam D. Thomæ conclusionem impugnant. His præmissis.

43 *Prob. conclusio* ratione D. Thomæ. Non debet præcognosci ante demonstrationem, quod ex vi illius demonstratur: sed ex vi demonstrationis demonstratur an est, & quid est passionis, ut est formaliter passio: ergo neutrum illorum debet ante demonstrationem de passione cognosci, ut est formaliter passio. *Prob. min.* Ex vi demonstrationis demonstratur conuenientia passionis in ordine ad suum proprium subiectum: sed an est, & quid est passionis, ut est formaliter passio, est in ordine ad proprium subiectum, cui conuenit: ergo. *Explicatur.* Totum esse passionis, ut talis est, quod sit affectio huius: sed ex vi demonstrationis demonstratur, quod sit affectio huius: ergo totum esse illius, ut talis ex vi demonstrationis demonstratur. Vnde sicut supra quæst. 5. artic. 1. docuimus accidentia non aliter diffiniri nisi per ordinem ad subiectum; ita passionis, ut talis na-

tura, non aliter, quam per proprii subiecti naturam potest innotescere; & sic per naturam subiecti cognitam, vel quoad an est, vel quoad quid est, passio, ut talis, & non aliter, demonstratur.

ART. II.

Quomodo assensus præmissarum concurrat ad assensum conclusionis?

44 **D** *Occurt nos* artic. præcedente Philosophus cognitionem discursivam fieri ex præexistente cognitione, quare non importunè examinandum statim occurrit quoddam genus causalitatis importet illud fieri. Sed quia alia est divisio causæ in materialem, formalem, efficientem, & finalem; alia in necessariam & contingentem; utroque modo revocatur in utrum illud fieri conclusionis ex præexistente cognitione præmissarum: in quonam, scilicet, genere causæ ex quatuor assignatis fiat; & rursus an necessario, vel contingentem fiat; quorum dubiorum resolutio titulo articuli satisfacit.

§. I.

Prænotantur aliqua pro decisione primæ difficultatis.

45 **P** *Endet prima* difficultatis resolutio ex plena intelligentia plurium, quæ hic Authores congerunt, & quæ fortè difficiliora sunt, quam principalis dubij resolutio. Vnde notabis 1. quod triplex potest fieri combinatio inter præmissas, & conclusionem. *Prima*, comparando præmissas obiectivas cum

cum conclusione etiam obiectiva. *Secunda*, comparando præmissas obiectivas cum assensu mentali conclusionis. *Tertia*, conferendo mentalem assensum præmissarum cum assensu conclusionis mentali.

46 *In prima* igitur harum combinationum statuenda est obiectivè, & in se eadem causalitas, quæ fuerit inter ipsas res per utrumque assensum attractas. Unde quia demonstratio *propter quid*, seu à priori per omnium causarum genera divagatur, aliquando obiectum præmissarum erit in se causa materialis, aliquando formalis, aliquando efficiens, vel finalis rei per mentalem conclusionem attractæ.

47 *Rursus*: cum talis demonstratio aliquando assignet causam realiter causantem rem, quam demonstrat, ut cum ex tali natura hominis, v.g. tales demonstrat proprietates pullulare; aliquando verò solum designet rationem formalem illius, ut cum entis demonstrat attributa ab ipso ente realiter indistincta; iuxta hanc diversitatem diversum fortietur causalitatis modum obiectum præmissarum in obiectum conclusionis: in primo enim casu exercebit causalitatem, quæ talis sit simpliciter, in secundo verò causalitatem, quæ talis sit solum virtualiter. Diximus in demonstratione *propter quid*, seu à priori, quia si demonstratio sit à posteriori, potius obiectum conclusionis exerceat in re causalitatem in obiectum præmissarum, & hoc solum exerceat causalitatem in illud in esse cognoscibilis, de qua causalitate statim.

48 *Si autem* comparentur præmissæ obiectivæ cum conclusione mentali, distinguendum est in ipso præmissarum obiecto duplex munus; aliud immitentis sui speciem intellectui, aliud specificantis sui cognitionem. Sub primo munere exerceat causalitatem effectivam mediarum in assensum conclusionis, sicut immediatam in assensum præmissarum: species enim est virtus, qua obiectum concurret efficienter ad actum intellectus, ut fert iam communis ferè inter nostros opinio: sed hic concursus in actum præmissarum est immediatus: ergo cum actus conclusionis in aliquo vero sensu fiat ex illo, ad actum conclusionis concurret sub eo munere efficienter mediatè. Sub secundo munere, cum ratio obiecti specificantis sistat intra limites causæ formalis extrinsecæ iuxta communiorum in scholis sententiam, in hoc genere concurret ad præmissarum assensum & ratione istius ad assensum conclusionis.

49 *Notabis* 2. Nè quæstio sit de subiecto non supponente, in aliquo sensu, & vero, attingi præmissas, & conclusionem eodem actu; in alio autem sensu, & communi diversos actus pro sui attingentia exposcere. Prima pars tradidit passim à D. Thoma, sed expressius 1. 2. q. 12. artic. 4. ubi ait: *Si absolute principium, & conclusionem intellectus consideret, diversa est consideratio utriusque: in hoc autem, quod propter principia conclusioni assensit, est unus actus intellectus.* Et suadetur ratione ab ipso insinua-
ta:

ra: Actus attingens conclusionem propter principia, & conclusionem, & principia attingit: sed vnus est actus: attingens conclusionem propter principia: ergo vnus est actus attingens conclusionem, & principia.

50 *Secunda autem pars non minus expressa est in D. Thom. quest. 8. de verit. art. 15. & 1. p. q. 58. art. 3. & 1. Et alibi sæpè assente demonstrationem esse discursum formalem, & quod discursus quendam motum nominat, in quo ex vno cognito in alterius cognitionem devenitur, quod saluari nequit sine multiplicitate actuum. Constat etiam ratione. Nam dum attingimus præmissas, & conclusionem, verè discurremus, aliter in nulla operatione intellectiua manifestaretur esse rationale, seu discursuum: sed ad discursum verè talem exiguntur plures actus, tum quia discursus verè talis est motus discretus: Tum quia plura obiecta, & si ordinata discursus exigunt in nobis plures actus, & si ordinatos: Tum quia aliter daretur discursus verè talis in Angelis: Præmissæ ergo, & conclusio exigunt pro sui attingentia pluralitatem actuum.*

51 *Sed quomodo hæc duo in concordiam revocentur difficultatem continet alibi ex profectione examinandam. Sufficiat pro nunc advertere veritatem obiectivam præmissarum posse attingi, ut quod: & ut quo: attingitur, ut quod, dum actus fertur signatè, & directè in eiusmodi veritatem: attingitur, ut*

quo, dum ratione illius, actus fertur, signatè, & directè in veritatem obiectivam conclusionis. Rursus: actum ferri signatè, & directè in veritatem præmissarum stat dupliciter: vel attingendo illam secundum se, & independentè ab eo, quod præcontinet veritatem conclusionis, vel attingendo illam, ut præmissarum veritatem, idest, ut præcontinentem conclusionis veritatem. Exemplum omnium est bonitas finis, quæ potest attingi, ut quo, & ut quod: attingitur, ut quo dum ratione illius attinguntur electivè media: ut quod attingitur dupliciter: vel per simplicem complacentiã, ut bonitas quædam in se est præcisiuè à quolibet influxu in media; vel ut bonitas finis est, cum influxu scilicet in media qua ratione attingitur per actum intentionis.

52 *Si ergo veritas obiectiua præmissarum consideretur absolutè, & præcisiuè à continentia veritatis conclusionis, certum est eam exigere ad sui attingentiam diversos actus ab eo, quem exigit veritas conclusionis: cæterum in hac consideratione, nec pluralitas illa actuum componit discursum, cum ibi nullus sit ordo, nulla causalitas; nec ibi sunt præmissæ, ut præmissæ, aut conclusio, ut talis; sed sunt plures veritates puribus actibus inconnexis attractæ, eo modo, quo si bonitatem finis, & mediorum quamlibet secundum se ames, nullo habito respectu vnus ad alteram: nec in hoc sensu sunt ad rem præsentis difficultatis.*

53 Si autem consideretur veritas obiectiva præmissarum, ut *quod*, & veritas obiectiva conclusionis, ut *quod*, tunc idem actus, qui signatè, & directè fertur in veritatem conclusionis, fertur etiam in directè, & exercitè in veritatem præmissarum. Hic sensus est à D. Thoin. intentus in prima autoritate, patetque assimili in actu electionis, quem à fine in aliquo. verò sensu specificari, indeque haurire bonitatem etiam, aut malitiam communis fert Theologorum sententia; quod verum non esset, si finem nullo modo attingeret. In hoc tamen sensu dubium præsens est de subiecto non supponente; quia dum præmissæ mentales, & conclusio non sunt plures actus, non adest locus veræ causalitatis, quam in præsenti exagimus.

54 Restat ergo, ut procedat dubium de actibus attingentibus veritatem obiectivam præmissarum, ut *quod* non absolute, sed ut præcontinentem veritatem obiectivam conclusionis, & de actu attingente hanc veritatem conclusionis, ut *quod*, non absolute etiam, sed formaliter ut conclusionis veritatem, ut deductam scilicet ex veritate præmissarum: prout sic enim isti actus, & sunt plures, & ordinati, qualiter ad rationem motus discreti requiritur, eo prorsus modo, quo considerantur in voluntate actus intentionis attingens, ut *quod* finem connotando media, & actus electionis attingens, ut *quod* media connotando finem. Sed quia illi duo actus erga præmis-

tas habent per modum vnius assensus respectu conclusionis, ideo in singulari numero fit de illo in præcænti termino, & inquiritur, qualis sit illius influxus in assensum conclusionis.

55 Notabis. 3. Tria esse in præsenti indubitata: *Primum* est quod præmissarum assensus causat assensum conclusionis: *Tum* quia ly *fieri* conclusionis cognitionem ex præexistente assertum à Philosopho aliter saluari nequit. *Tum* quia in negabile est, quod intellectus non nisi ut actuatus præmissarum assensu elicit assensum conclusionis, ut talis. *Secundum* est, quod assensus præmissarum nequid esse agens, *quod* respectu assensus conclusionis: nam agens, *quod* est agens eliciens actionem: sed assensus præmissarum non est agens eliciens assensum conclusionis, cum assensus præmissarum non sit, qui assentitur conclusioni, sed intellectus ratione illius: ergo non assensus, sed intellectus, vel si mauis, suppositum intelligens est agens, *quod* assensum conclusionis. *Tertium* est, quod assensus præmissarum non concurrat in genere causæ materialis ad assensum conclusionis, quia licet ex tali assensu componatur discursus, secus tamen ipse assensus causatus.

56 Tandem notant aliqui, seu potius supponunt assensum præmissarum non concurrere in genere causæ finalis ad assensum conclusionis, cum ille non ordinetur ad illum, sed potius ille ad assensum conclusionis ordinetur. Hoc tamen non

solum supponendum non est tamquam certum; verum reiiciendum est, sic sine distinctione traditum, tamquam falsum. *Tum* quia perfectior cognitio, qualis à supponentibus asseritur assensus præmissarum, non ordinatur ex se, nec est propter imperfectiorem, qualis est cognitio conclusionis. *Tum* quia licet intellectus ex principiis progrediatur ad conclusionem, non tamen propter hanc cognoscit principia, sed potius propter perfectius penetranda principia cognoscit deductas ex illis conclusiones. *Tum* quia aliter in scientia, quam Deus habet creaturarum, in qua cognitio creaturarum est conclusio, & cognitio sui est principium, cognitio sui virtualiter ordinabitur, & erit tamquam propter finem virtualem propter cognitionem creaturarum, & idem à fortiori dicendum erit de nostra scientia beata, quod satis apparet esse falsum.

57 *Nec valet*, quod terminus ad quem motus est finis, ad quem motus ordinatur, & cognitio conclusionis est terminus ad quem motus discreti. *Non valet* quidem: *Tum* quia hoc solum convincit motum ipsum ordinari ad assensum conclusionis, qui concipitur ut terminus ad quem, secus assensum præmissarum, qui apprehenditur ut terminus à quo: sicut licet frigiditas sit propter frigus, quod est terminus ad quem; calor tamen, qui est terminus à quo non est propter frigus, nec ad hoc per se ordinatur.

58 *Tum, & verius*; quia falso supponitur motum discretum esse

quandam vialem tendentiam inter terminum à quo, & ad quem: est enim, ut ad præsens attinet, ipsa cognitio principij considerata admodum termini à quo motus localis, revera tamen influens per modum concausæ principalis in cognitionem conclusionis, quæ concipitur ut terminus ad quem, nulla mentali tendentia inter utrumque terminum mediante. *Transit* ergo, quod in alijs motibus discretis terminus à quo, qui est terminus purè derelictus, & non causans, ordinatur per se ad terminum ad quem: in tali autem motu discreto, in quo cognitio principij, & si consideretur ut terminus à quo, non est purè derelictus, sed causalitate principali influens, cognitio conclusionis cōcepta, ut terminus ad quem, non est revera terminus ad quem ordinis, sed causalitatis, ac proinde tantum est finis effectus, qui improprie est finis; sicut si electionem vocares finem intentionis, & sicut nostra salus solet dici finis incarnationis Verbi.

59 *Quare distinguendum* inter finem effectum, & finem cuius gratia; qua distinctione supposita, asserendum est præmissarum cognitionem esse propter cognitionem conclusionis, tamquam propter finem effectum, eo modo, quo obiectum ipacificans dicitur esse propter perfectionem potentiae; qui finis effectus erit, vel virtualis, vel formalis iuxta utriusque cognitionis distinctionem: quod assertum constat ex dictis, & constabit amplius cum probemus assensum conclusionis esse proprium effectum.

effectum in linea efficientis assensus præmissarum. Quantum ad finem vero cuius gratia, qui proprie & simpliciter est finis, è converso dicendum est, quod sicut conclusio obiectiva est propter *quod quid est* subiecti, quod est radix, & principium passionum omnium, sive conclusionum deductarum, ita cognitio conclusionis est ex natura sua propter cognitionem eiusdem quidditatis subiecti, seu principij, à qua pendet in genere causæ principalis ipsa cognitio conclusionis, sive ipsa conclusio mentalis; omnia enim, quæ de subiecto demonstrantur, ad hoc demonstrantur, ut *quod quid est* subiecti perfectè cognoscatur.

60 *Nec valet* si dicas, quovismodo expositam doctrinam præcedentem supponere falsum: supponit quippe vnam cognitionem posse subordinari alteri, quod falsum esse ostenditur ex eo, quod quævis cognitio est vitima actualitas lineæ intellectivæ: ac proinde impotens alteri actualitati eiusdem lineæ subordinari; quæ ratione plures existentias inter se subordinatas negant Thomistæ in composito substantiali.

61 *Non valet quidem;* quia subordinatio vnius cognitionis ad aliam, est præcisè, ut ad finem extrinsecum perfectiorem, non ut ex ipsa, & cognitione, cui subordinatur, resultet aliquod vnum per se, qualiter resultare posse negant Thomistæ ex pluribus ultimis actualitatibus in linea essendi, scilicet existentij. *Præter quam-* quod licet cognitio sit vitima actualitas, non tamen ita respectu nostri

intellectus, ut inqualibet cognitione exprimatür tota vis virtutis intellectivæ, si enim exprimeretur, nulli alteri cognitioni posset subordinari; sed ita, ut iuxta ætuationem speciei impressæ perfectius per vnam cognitionem, quam per aliam percipiat intellectus obiectum, unde relinquatur locus, ut imperfectior perfectiori subordinetur: è contra vero accidit in existentia, quæ totaliter rem extra causas educit, ac proinde pugnat cum conceptu existentie partialitas, & sic non est locus ut intra idem compositum plures sint, quarum vna subordinetur alteri.

62 *His prælibatis,* in quibus difficiliora sanè dubia insinuavimus breviter exposita, & alibi fortè diffusius exponenda; dissidium, quod restat, ad genus causæ efficientis, & formalis reducitur. Sed cum causæ formalis, alia sit purè extrinseca; alia intrinseca, & quæ perficiendo intrinsecè subiectum, ulterius explicat vim effectivam in operationes, ut anima, vel potentia intellectiva; examinandum est, an assensus præmissarum, qui absque dubio perficit intrinsecè intellectum, explicet ulterius vim effectivam in assensum conclusionis, vel potius sistat intra limites causæ extrinsecæ respectu illius, illuminando quidem intellectum, ut eliciat assensum conclusionis, tunc tamen influendo cum intellectu in illum. Hoc secundum sustinent aliqui extra Scholam D. Thomæ: Primum vero propugnât Thomistæ omnes, quibus adherent Suar. Vazq. Molin. Rub. Couimb. Fonseca. & alij RR.

§. II.

Assensus præmissarum concurrat efficienter ad assensum conclusionis.

63 **S**tat pro nobis Angel. Præceptor, qui ly fieri cognitionem discursivam ex præexistente assertum à Philosopho semper exponit de causalitate efficienti: plura suppetunt huius rei testimonia apud nostros videnda; nobis enim unicum sufficit, sed appertissimum, ex hoc lib. 1. Poster. lect. 3. ubi ait: *Principia se habent in demonstrativis, sicut causæ activæ in naturalibus; unde in 2. Physicor. propositiones syllogismi ponuntur in genere causæ efficientis.*

64 *Probat. conclusio ratione.* Quod intrinsicè complet activitatem virtutis ad aliquem actum, efficienter concurrat ad talem actum: sed assensus præmissarum complet intrinsicè activitatem virtutis intellectivæ ad actum conclusionis: ergo efficienter concurrat ad talem actum. Probantur præmissæ, & primo prob. mai. Tum quia, quod intrinsicè complet activitatem virtutis in aliquem actum est perfectio intrinseca illius in esse activitatis ad talem actum: sed virtus concurrat efficienter ad actum medio eo, quod intrinsicè perficit ipsam in esse activitatis ad actum: ergo. Tum quia virtutem influere, & eius activitatē, ut intrinsicè completam, & perfectam influere, non est duplex influere, sed unicum, & in eodem genere causæ: ergo virtutem influere efficienter in actum est eius activita-

tem ut intrinsicè completam, & perfectam efficienter influere in actum; sed implicat activitatem, ut intrinsicè completam, & perfectam efficienter influere in actum, quin efficienter etiam concurrat, quod ipsam constituit intrinsicè completam, & perfectam in esse activitatis ad actum: ergo. Denique. Id, quo intrinsicè constituitur virtus in esse activitatis ad aliquem actum, efficienter concurrat ad actum: ergo id, quo intrinsicè constituitur in esse completæ activitatis ad actum, efficienter concurrat ad actum. Patet consequ. cum virtus nequeat in actum influere, nisi & sit activitas, & completa activitas in actum.

65 *tam prob. min.* primi syllogismi. Assensus conclusionis, ut talis, est assensus veritatis, ut deductæ ex præmissis; sed assensus præmissarum complet intrinsicè activitatem intellectus ad assensum veritatis, ut deductæ ex præmissis: ergo complet intrinsicè activitatem intellectus ad assensum conclusionis ut talis. Prob. min. Assensus, qui perficiendo intrinsicè activitatem intellectus, est id, ratione cuius assentitur veritati, ut deductæ ex præmissis, est assensus complens intrinsicè activitatem intellectus ad assensum veritatis, ut deductæ ex præmissis: sed assensus præmissarum perficiendo intrinsicè activitatem intellectus est id, ratione cuius assentitur veritati, ut deductæ ex præmissis: ergo complet intrinsicè activitatem intellectus ad assensum veritatis, ut deductæ ex præmissis.

66 *Dices* : Assensum præmissarum esse id, ratione cuius intellectus assentitur veritati, ut deductæ ex præmissis : cæterum *ly ratione cuius* non denotat, nec efficientiam, nec intrinsicè complementum illius in esse talis, cum intellectus se ipso sit tota, & completa activitas ad quodcumque obiectum proportionatum percipiendum, semel posita specie repræsentativa illius: denotat ergo vim illustrantem, & dirigentem ad assensum conclusionis; sicut in voluntate, quæ ratione propositæ bonitatis prorumpit in actum, & tamen *ly ratione bonitatis propositæ* non denotat vim efficientem, sed dirigentem, & illustrantem.

67 *Sed contra stat* primò probatio minoris, quæ amplius contra solutionem explicatur. Assensus præmissarum est id, ratione cuius intellectus assentitur veritati, ut deductæ ex præmissis: non ratione cuius, ut præcisè intellectum illustrantis, & dirigentis: ergo ratione cuius, ut intrinsicè complementis eius activitatem. Prob. m. ex dictis. Illustratio, & directio, ut talis, proponit quidem activitati intellectus inquit, & quomodo debeat tendere, non tamen perficit intrinsicè eius activitatem: sed assensus præmissarum perficit intrinsicè intellectus activitatem: ergo vel nullo modo est id, ratione cuius assentitur veritati, ut deductæ ex præmissis, vel non est id, ratione cuius, ut præcisè dirigentis, & illustrantis.

68 *Obstat* 2. Si Magister dùm dirigit Discipulum, & dùm unus

Angelus illuminat alium, aliquid intrinsicè sua illuminatione derivaret in intellectu illuminati, quo eius activitas intrinsicè perfecta prodiret in actum, efficientèr abique dubio influeret in actum: sed assensus præmissarum ita illuminat intellectum ad assensum conclusionis, ut intrinsicè perficiat eius activitatem: ergo sic illuminat ad assensum conclusionis, ut illuminando intrinsicè compleat activitatem, ac proinde efficientèr influat in talem actum.

69 *Obstat* 3. Intellectus assentiens præmissis non solum obiectivè, verum subiectivè, & intrinsicè habet aliquid, ratione cuius potius assentiatur, quam dissentiat veritati, ut deductæ ex præmissis. Ergo assensus præmissarum concurret ad talem assensum, non solum extrinsicè determinando, & dirigendo, sed intrinsicè determinando, & complendo intellectus activitatem. Prob. antec. intellectus assentitur veritati, ut deductæ ex præmissis, non solum, quia præmissæ sunt veræ, sed quia præstat, assensum præmissis, quæ sunt veræ nam licet præmissæ essent veræ, si eis non præstaret assensum, nec assensum præstaret veritati, ut ex illis deductæ: sed licet præmissas esse veras sit aliquid obiectivum; & extrinsicè activitati intellectus, illis tamen assensum præstare est, quid subiectivum, & intrinsicè: ergo.

70 *Confirmatur* retorquendo voluntatis instantiam. Voluntatem eligere medium, ut vile ad consecutionem finis non solum provenit ex eo, quod finis, qui est intentus, est bo-

cus,

rius, sed ex eo, quod finis, qui est bonus, est intentus: ergo intellectui assentiri veritati ut deductæ ex præmissis, non solum provenit ex eo, quod præmissæ, quibus assentitur, sunt veræ, sed ex eo, quod præmissis, quæ sunt veræ, assentitur.

71 *Explicatur*: Electio medij ut utilis ad consequentiam finis intenti, non solum dependet obiectivè, & extrinsecè à fine intento, verum intrinsecè dependet ab intentione finis: ergo assensus veritatis, ut deductæ ex præmissis, non solum dependet extrinsecè, & obiectivè à præmissis, quibus intellectus assentitur, verum intrinsecè dependet ab assensu, quo illis assentitur. Prob. consequ. Idem primum est verum, quia voluntas media intentione finis eius activitatem intrinsecè determinante, & complente progreditur ad electionem medij, ut utilis ad consequentiam finis: sed ita evenit in secundo casu, vel assigna, cur finem intendere se habeat intrinsecè ad electionem, & præmissis assentiri se habeat purè extrinsecè ad assentiendum veritati, ut ex illis deductæ: ergo.

72 *Urgetur tandem ex ipso solutionis exemplo*. Quia obiectum propositum voluntati ipsam determinat, & complet, concurrat ad eius actum; & quia purè extrinsecè determinat, & complet, purè extrinsecè concurrat ad actum: sed assensus præmissarum complet, & determinat intellectum ad assensum conclusionis; alias, cum sit eius intrinseca perfectio, intrinsecè determinat, & complet; ergo concurrat in-

trinsecè ad assensum conclusionis.

§. III.

Solvuntur Argumenta.

37 **O** *Bijcies* 1. Posita specie repræsentativa conclusionis, & extrinseca determinatione, & illustratione præmissarum, ponitur quidquid exigitur ut intellectus cognoscat conclusionem demonstrativè: ergo superfluit causalitas effectiva præmissarum in conclusionem ad eam demonstrativè cognoscendam. Prob. ant. Posito quidquid requiritur, ut intellectus cognoscat conclusionem esse veram, & quare sit vera, adest quidquid exigitur, ut eam demonstrativè cognoscat: sed posita specie repræsentativa illius, cognoscit intellectus illam esse veram, & extrinseca illustratione præmissarum cognoscit, quare sit vera: ergo.

74 *Respond.* Eodem argumento posse probari intentionem finis se habere extrinsecè ad electionem medij, quia posita intentione finis, & proposita voluntati conducentia medij, habet quidquid requiritur, ut medium eligat, etiam si ab intentione releges effectivam causalitatem in electionem; ergo cum causalitates multiplicandæ non sint sine necessitate, intentio purè extrinsecè concurrat ad electionem. Quare neg. ant. ad prob. disting. mai. adest quidquid exigitur, ut conclusionem demonstrativè cognoscat, demonstratione, quæ talis sit obiectivè conc. mai. quæ talis sit subiectivè neg. mai.

et ommissa min. neg. sub eadem distinctione consequ.

75 *Pro quo nota*: quod discursus potest summi dupliciter, obiectivè, & subiectivè: discursus obiectivus consistit in eo, quod veritas obiectiva conclusionis sit deducta, ex veritate obiectiva præmissarum, qua ratione per hoc præcisè, quod cognoscatur Petrum esse admirativum, v. g. & idè esse admirativum, quia est rationalis, cognoscitur Petrum esse admirativum demonstrativè, demonstratione, quæ sit discursus tantum obiectivus, non subiectivus, & ex parte intelligentis, qualiter Deus, & Angelus scientificè, & demonstrativè cognoscunt rem, cum tamen non discurrant, discursu (in quam) verè tali, ut præcindamus à discursu virtuali, sive æquivalenti, de quo adhuc est sub lite, an in Deo derur, & si frequentius concedatur Angelis. Nec hoc in præsentī exagitur, an scilicet ad scientificam, & demonstrativam cognitionem sufficiat discursus purè obiectivus, de hoc enim agunt Theologi 1. p. q. 14. de scientia Dei: sed hoc solum exagitur, an in discursu subiectivo, & ex parte intelligentis, in quo interveniant plures cognitiones, assensus conclusionis dependeat efficienter ab assensu præmissarum.

76 *Discursus* igitur subiectivus, & de quo in præsentī, non consistit præcisè in eo, quod cognoscatur veritatem unius esse causam veritatis alterius, hoc enim iuxta dicta cognoscunt Deus, & Angelus, qui non discurrunt: nec ulterius consistit in eo, quod postquam unum est cognitum,

alia cognitione alterum cognoscatur, hæc enim pura successio, vel si multas cognitiones etiam datur, dum non discurrimus: ergo consistit in eo, quod diversis cognitionibus utrumque cognoscentes ex vi cognitionis unius in alterius cognitionem deveniamus; sicut motus affectivus voluntatis ex intentione ad electionem subiectivè sumptus non consistit in eo præcisè, quod postquam intendi finem, eligam medium ad eius consecutionem utile, sed in eo quod ex vi intentionis, qua finem intendi, eligam medium ad eius consecutionem utile. Quod si ita est, probatur ly *ex vi* denotare causalitatem efficientem, quia denotat actualitatem, quæ intellectum intrinsecè perficiendo ipsum subiectivè complet, & determinat, ut activè eliciat assensum conclusionis.

77 *Hinc si infles*. Dum intellectus cognoscit conclusionem esse veram, & quare sit vera, eam demonstrativè cognoscit, quovis alio secluso: nam assigna ad quam speciem pertineat illa cognitio, si non est verè scientifica, & demonstrativa: ergo voluntarie ponitur illa subiectiva determinatio, & causalitas ad conclusionem demonstrativè cognoscendam. *Resp.* disting. antec. Eam demonstrativè cognoscit, quovis alio secluso, demonstratione, quæ sit discursus tantum obiectivè, ommitto antec. quæ sit discursus subiectivè, nego antec. nec obstat, quod illa cognitio sit verè scientifica; nam ad hoc sufficit discursus obiectivus, à quo etiam pro nunc præcin-

dimus, nam solum de cognitione scientifica per discursum subiectivum formalem elicitur disputamus.

78 *Obijcies* secundo. Logica dirigit alias scientias ad demonstrationes in earum materia conficiendas, quin ad tales demonstrationes concurrat effectivè iuxta dicta à nobis supra quæst. 1. art. 3. ergo ut præmissæ illuminent intellectum circa assensum conclusionis, non requiritur, quod effectivè concurrant ad assensum conclusionis: sed ut conclusio scientificè attingatur, sufficit species repræsentativa illius, & quod intellectus illuminetur de illa per præmissas: ergo.

79 *Confirm.* 1. Ut intellectus ferat iudicium circa obiectum, quod apprehendit, sufficit apprehensionem illius præcedere, quin apprehensio influat in iudicium: ergo ut intellectus assentiat conclusioni, cuius præmissis assentitur, sufficit earum assensum præcedere, quin in assensum conclusionis influat. *Confirm.* 2. Quod complet activitatem virtutis se tenet ex parte principij: sed assensus præmissarum non se tenet ex parte principij, cum sit actus secundus: ergo non complet activitatem.

80 *Resp.* concessio antec. disting. consequ. Ut illuminent illustratione, quæ sit extrinseca obiecti ostensio, & propositio, concedo consequ. quæ sit intrinseca determinatio virtutis, nego consequ. Logica dirigit alias scientias proponendo ipsis obiecta recte disposita, ut à scientijs attingantur, non

vero ipsas intrinsecè determinando, aut perficiendo. qualiter assensus præmissarum, qui est intrinseca perfectio, & determinatio ipsius virtutis elicientis assensum conclusionis; & hoc secundo modo debet esse illustratio ad discursum, qui subiectivè sit verè talis; quidquid sit, an ad discursum obiectivum sufficiat illustratio, quam intendit replica, de quo non curamus.

81 *Ad 1. confirm.* concessio antec. nego consequ. Quia licet apprehensione non præcedente, intellectus noster non iudicaret, non est tamen apprehensio, vi cuius determinetur ad iudicandum; quod colligimus ex eo, quod sæpè iudicium non conformatur apprehensioni, nam Angelum, ut corporeum apprehendimus, & cum corporeitate carere iudicamus: assensus autem præmissarum præcedit determinando, & complendo, ita ut ex vi illius intellectus, & eliciat assensum conclusionis, & non nisi assensum conclusionis eliciat. *Ad secundam confirm.* respond. Ea probari assensum præmissarum non se tenere ex parte principij productivi assensus conclusionis, non quia sit principium eliciens conclusionis assensum, sed quia principium determinat; & complet ad illum eliciendum; quod patet à simili in intentione respectu electionis.

82 *Obijcies* 3. Implicat intellectum esse facilem ad assensum conclusionis, & non esse intrinsecè completam eius activitatem: sed ex vi solius habitus scientifici intellectus est facilis ad cuiuscumque conclusionis assensum: ergo ex vi illius, quæ

cumque alio præcisso, est activitas intellectus intrinsecè completa ad assensum conclusionis. *Confirmat.* Et si voluntas non possit elicere actum sine propositione obiecti; talis propositio dirigit, & non complet intrinsecè voluntatis activitatem: ergo & si intellectus non possit in assensum conclusionis sine assensu præmissarum, iste assensus dirigit, & non complebit eius activitatem.

83 *Respond.* distinguendo mai. Implicat esse facilem, *facilitate immediate terminata ad assensum conclusionis*, concedo mai. *mediate terminata*, nego mai. & disting. min. Est facilis, *facilitate immediate terminata ad assensum præmissarum*, & *mediate ad illum*, concedo min. *immediate terminata ad ipsum*, neg. min. & conseq. Sicut facilis ad ponendam causam, ex qua sequitur effectus, est facilis ad ponendum effectum, quin idè inferatur positionem causæ non influere in positionem effectus; ita intellectus habens habitum scientificum, cum sit facilis ad assensum præmissarum, ex quo assensus conclusionis sequitur, etiam est facilis ad assensum conclusionis, qui ex illo sequitur, quin ex hoc inferatur per assensum præmissarum intellectum non compleri: imò quia est facilis ad hoc intrinsecum complementum, à quo dependet conclusio, est etiam facilis ad conclusionem, quæ ab illo complemento dependet.

84 *Ad confirm.* neg. conseq. cuius disparitas constat ex dictis: nam sine propositione intellectus non stat

posse proximum voluntatis, tamquam à manifestante obiectum, in quod tendat, non tamquam à dante perfectionem intrinsecam, qua per actum tendat: assensus vero præmissarum, & ostendit causam obiectivam, quare intellectus in conclusionem tendat, & est simul illius determinatio, & perfectio subiectiva, qua intrinsecè actuatus tendat per assensum in illam.

85 *Objc. 4.* Nequit esse causa efficiens assensus conclusionis, quod non existit in instanti, in quo assensus conclusionis producitur, nam causa efficiens, non nisi existendo causat: sed assensus præmissarum in instanti, in quo assensus conclusionis producitur, iam non existit: *Tùm* quia aliter intellectus simul plura intelligeret, & duplici simul actuaretur ultima actualitate: *Tùm* quia uterque assensus componit motum discretum, qui nequit exerceri in instanti, sicut nec quicumque motus: ergo assensus præmissarum non est causa efficiens assensus conclusionis.

86 *Respondent* aliqui neg. min. cuius prima probatio parum vrget: quia nec intellectus intelligit plura ut plura, dum plura intelligit invicem connexa, & ordinata, qualiter connectuntur veritates obiectivæ præmissarum, & conclusionis; nec pluribus simul cognitionibus inter se ordinatis actuari videtur inconveniens, ut nos etiam supra asseruimus reddentes disparitatem inter ultimam actualitatem elendi, & operandi.

Ceterum quia secunda probatio continet difficultates de natura motus discreti, & an noster discursus sit verus motus discretus, ita ut necessario vnus assensus sit post alium, & non simul cum alio, quæ difficultates non solum alio ex se expectant, verum dependent, etiam ut ad præsens conducunt, à necessitate, qua fit assensus ex præmissis, de quo statim; ideo.

87 *Aliter respond.* disting. mai. quod non existit, *nec in se, nec in aliquo ex se relicto*, concedo mai. quod non existit, *in se præcisè*, nego mai. & disting. min. non existit, *in se formaliter*, concedo min. *virtualiter in aliquo ex se relicto*, nego min. & consequ. Deficiente enim existentia assensus præmissarum, perseverat determinatio, quam in intellectu reliquit ad assentiendum conclusioni, sicut transacta intentione, perseverat determinatio ex illa relicta in voluntate, in qua ipsa virtualiter existit: hanc autem virtualem existentiam assensus præmissarum sufficere ad causalitatem effectivam assensus conclusionis pater à simili intentionis, cuius sunt effectus omnes actus, qui ad finis intentioni consequentiam tendunt, ipsa multoties iam non existente. Sed quid sit illa determinatio, seu in quo consistat, an scilicet, sit aliqua species ex assensu relicta, vel aliquis modus ex ipso derivatus iuxta diversa placita, communis est difficultas omnibus illis, quæ elapso tempore ab eorum desitione causant, de quo alibi.

§. IV.

Assensu præmissarum necessitatur intellectus, quoad specificationem ad assensum conclusionis.

88 **C**onclusio est inter Auctores communis, si vnum, vel alterum excipias. Pro eius intelligentia præmittendum est ex D. Thoma 1. 2. q. 9. art. 1. Quod sicut potentia animæ dupliciter sunt in potentia indifferenti, vno modo quantum ad agere, vel non agere, alio modo quantum ad agere hoc, vel illud; ita dupliciter possunt esse necessitatae, vel ita, ut non possint nisi hoc in specie agere, ex suppositione, quod agant, vel ita, ut non possint non agere: prima necessitas dicitur necessitas quoad specificationem, quia est determinatio ad hanc speciem actus; secunda verò dicitur necessitas quoad exercitium, quia est determinatio ad agere, seu ad actum, qui est potentia exercitium. Intellectus ergo necessitatus ad assensum conclusionis quoad specificationem est intellectus, qui ex suppositione quod in conclusionem tendat, necessum est, ut tendat assentiendo, & non dissentiendo, ac proinde est intellectus impotens conclusioni dissentiri: intellectus verò necessitatus quoad exercitium ad conclusionem assensum est intellectus, cui necessum est, ut conclusioni assentiat, ac proinde est impotens non assentiri illi. De prima necessitate loquimur in præsentia conclusione, assertioni sequenti relinquentes secundam.

Mm 3.

89 Si.

89. *Similiter* praeiudicium est resolutionem praeiactam esse respectu intellectus, qui cognoscens praeiudicium esse veras, cognoscit illas cum conclusione connecti: nam licet praeiudicium demonstrationis sint evidentes, ratione cuius evidenter ab intellectu cognoscantur, si tamen ignoret eas esse cum conclusione necessario connexas, & si ipsae sint connexae, poterit postquam assentitur praeiudicium, dissentiri conclusioni: quod fortè, & non aliud intendit, vel saltem probat unus, vel aliter, qui à proposita conclusione recedit. Unde assertum nostrum est: quod posito assensu praeiudicium demonstrationis, est impotens intellectus dissentiri cuicumque conclusioni, quam cognoscat ex illis praeiudicium bene sequi.

90. *Prob. conclusio* hae ratione. Intellectus, cui necessum est, ut si cognoscat conclusionem, cognoscat eam esse veram, est impotens dissentiri conclusioni: sed supposito assensu praeiudicium, necessum est intellectui, ut si cognoscat conclusionem, cognoscat eam esse veram: ergo supposito praeiudicium assensu est impotens dissentiri conclusioni. Mai. est evidens: quia cum dissensus essentialiter sit à falso, vel quod in re sit falsum, vel quod existimetur falsum, licet in re sit verum, implicat intellectum posse dissentiri conclusioni, quam nequit existimare falsam: sed intellectus, cui necessum est, ut si cognoscat conclusionem, cognoscat eam esse veram, nequit conclusionem existimare falsam: ergo. Min. verò probat. *Tim.* quia intellectui cognoscenti eviden-

ter, & quod praeiudicium sunt verae, & quod conclusio quaelibet ex illis illata debet esse vera, necessum est, ut si cognoscat conclusionem, quae inferatur, cognoscat eam esse veram: sed intellectus, supposito praeiudicium assensu, cognoscit evidenter praeiudicium esse veras, & quod conclusio quaelibet ex illis illata debet esse vera, cum ex verò non possit sequi nisi verum, & hoc sit notum: ergo.

91. *Quam rationem* idèd proposuimus utentes semper illa conditionali, si conclusionem cognoscat, & non absolute dicendo, cognoscit conclusionem esse veram; quia adhuc sub iudice lis est, an assentiendo praeiudicium cognoscat simul conclusionem esse veram; hoc enim sonat necessitatem quoad exercitium, de qua in resolutione sequentis: nam ad necessitatem quoad specificationem non requiritur, quod assentiendo praeiudicium, seu cognoscendo praeiudicium esse veras, cognoscat conclusionem esse veram; sed quod si eam cognoscat, cognoscat eam esse veram, & non possit cognoscere eam esse falsam. Unde ut difficultates re vera distinctae non confundantur, cognitio veritatis conclusionis exponenda est conditionatim.

92. *Obijcies.* Modi concludentes indirectè inferunt ex eisdem praeiudicium conclusiones specie diversas, à conclusionibus, quae in modis directè concludentibus inferuntur, v.g. *Baraliptron*, & *Barbara*: ergo assensus talium conclusionum sunt specie diversi: sed positis eisdem praeiudicium, & earum assensu, manet intellectus indifferens ad assensum conclusionis directè, & ad

ad assensum conclusionis indirectæ: ergo manet indifferens ad assensum specie diversos, & consequenter non necessitatur quoad speciem.

93 *Confirm.* In modis imperfectis secundæ, & tertiæ figuræ non apparet immediatè bonitas consequentiæ, cum necessum sit ad eam evidenter ostendendam vti deductione ad impossibile, & reductione ad modos perfectos: ergo respectu syllogismorum, qui in illis modis conficiuntur, potest quis, posito assensu præmissarum, dissentiri conclusioni: sed eiusmodi syllogismi (modo sint in materia necessaria) sunt demonstrativi: ergo posito assensu præmissarum demonstrationis, adhuc potest intellectus dissentiri conclusioni.

94 *Vergetur.* Posito assensu præmissarum opinabilem per legitimam consequentiam inferentium conclusionem opinabilem, potest intellectus dissentiri conclusioni, cum ad opinabilem assensum nequeat dari necessitas: sed posito assensu præmissarum, intellectus iudicat præmissas esse veras: ergo vel ex vero non semper sequitur verum, vel hoc non probat, quod assentiri vni sit necessitas ad assentiendum alteri.

95 *Respond.* Omnis omnibus vsque ad ultimum consequens, quod sub infertur, & illud dist. non necessitatur quoad speciem assensus præmissarum, neg. conf. q. huius assensus præmissarum, omitt. conf. q. Consulto diximus in prob. conclusionis intellectum necessitari à præmissarum assensu ad cuiuscumque assensum conclusionis, quam cognoscat evidenti illatione

sequi ex præmissis; quod autem sit necessitas ad huius, & non alterius conclusionis assensum, parum refert ad præsens, cum non defendamus intellectum necessitari ad hanc speciem infirmam assensus, sed ad speciem assensus.

96 *Ad confirm. resp.* In omnibus syllogismis rectè constructis bonitatem consequentiæ esse ex se immediatè notam, cum bene sequi, & sequi in nullo differant nisi in plurium vocum expressione: nec deductio ad impossibile, vel deductio ostensiva ad modos perfectos convincit oppositum; quia multoties prima principia declarantur simili deductione, & reductione etiã ad universalissimum principium, quin tali deductione ex se indigeant, licet eo medio declarantur ignorantibus. Ex hoc autem solum sequitur, quod supra notavimus, tale scilicet assensum non necessitare per accidens ignarum; non verò sequitur eum non esse necessitantem ex se, & respectu intellectus, qui viam consequentiæ percaleat.

97 *Ad id, quo vergetur argumen-* tum plures respondent in omni discursu probabili intellectum non necessitari ab assensu præmissarum ad assensum conclusionis: quod sibi persuadent ex eo, quod intellectui possunt occurrere aliæ præmissæ æque probabiles, vel probabiliiores prioribus, quibus præstitit assensum, quarum maiori probabilitate motus inferat oppositum conclusionis. Similiter potest intellectus adhuc concessis præmissis, cum earum veritas evidenter non appareat, ulterius eas exami-

nare, & negare, & sic etiam negare conclusionem. *At tandem*, quia etiam concessis præmissis, timet nē sint falsæ: ergo illis adhuc concessis, potest consequenti dissentiri.

98 *His non obstantibus*, cum distinctione loquendum est; vnde dicendum est primo: *Quoties conclusio est vera solum probabiliter, intellectus non necessitatur necessitate consequentis ad illi assentiendum.* Necessitatem consequentis vocamus necessitatem petitam à veritate consequentis; & eam non dari in probabilibus convincunt insinuatæ. Pater insuper ex eo quod necessitas assensus solum petitur ab evidentia veri: sed consequens probabile non est evidenter, imò nec certò verum: ergo. Vnde hanc necessitatem consequentis solum scientificæ demonstrationes petunt, sed non omnes; nam Theologica demonstratio est scientifica, & omnino certa consequentis certitudine, non tamen necessaria necessitate consequentis; est ergo propria demonstrationum precedentium ex præmissis, quarum utraque sit evidenter vera.

99 Dicendum est secundo: *Quando tantum est probabile, quod consequens infertur ex præmissis, intellectus non necessitatur ex earum assensu ad assensum conclusionis.* Hoc assertum comprehendit præmissas, & conclusiones etiam evidentes; & probatur ex eo, quod ut supra diximus, necessitas ad assensum conclusionis provenire nequit ab assensu præmissarum, nisi constet eas cum conclusione connecti: ergo hoc secundo deficiente, & si ponatur primum, talis necessitas

non dabitur: sed dum tantum est probabile, illud non constat: ergo. Ex quo infertur, quod tale consequens petet ex se, si est evidens, assensum necessarium; ex vi tamen assensus præmissarum, quæ tantum probabiliter est cum ipso connecti, nulla datur necessitas ad illi assentiendum.

100 Tandem dicendum est: *Assensus præmissarum probabilium necessitat ad assensum conclusionis deductæ ex illis per evidentem consequentiam.* Imò etiam si præmissæ essent falsæ, eis tamen ab intellectu semel acceptatis, ut veris, & præstito illis assensu necessitabitur ad assensum conclusionis, quæ per evidentem consequentiam deducatur ex illis. Assensum probatur ex eo, quod intellectus iudicans præmissas esse veras, & conclusionem cum illis necessario connecti, necessitatus est, ut si cognoscat conclusionem, iudicet eam esse veram, ac proinde eadem necessitate compulsus est, ut illi assentiatur: sed intellectus assentiens in prædicta hypothese præmissis, iudicat eas esse veras, quia assensus est essentialiter circa verum, vel quod sit in re tale, vel quod iudicetur, ut tale; alias cum consequentia sit evidens, iudicat conclusionem cum illis necessario connecti: ergo. *Aliter.* In hoc syllogismo, omne quod est lapis est substantia, homo est lapis, ergo substantia, si quis concessis præmissis dissentiretur conclusioni, concederet duplicem contradictionem, nimirum, aliquid, quod iuxta ipsum dissentientem est lapis (homo videlicet) non esse substantiam, & omne, quod est lapis, esse substantiam: sed

sed duplici contradictoriæ assentiri est impossibile : ergo, & quod concessis præmissis, dissentiatur conclusioni.

101 *Nec valet*, quod hæc necessitas sit tantum in vi consequentiæ, ac proinde sit necessitas secundum quid talis. Nam solutio non est ad rem præsentis difficultatis : fatemur quidem, quod demonstratio in hoc differt à discursu probabili, quod cum præmissæ demonstrationis sint evidentes, nequit intellectus, earum veritate sibi representata, illi dissentiri ; quod è converso accidit in probabilibus, & opinativis præmissis, quibus cognitis, potest intellectus dissentiri, cum in illis nil appareat cogens ad assensum, ac proinde ex meritis earum nil apparet, quod cogat ad assensum conclusionis. Hoc tamen totum est extra rem præsentis difficultatis ; nam si semel posito præmissarum assensu, & stante bonitate consequentiæ, intellectus iam non potest dissentiri conclusioni : ergo licet talem impossibilitatem dissentendi non petant ex se, nec præmissæ, nec consequens, ex suppositione tamen assensus earum, iam tenetur necessarius intellectus ad non dissentiendum consequenti : hoc, & non amplius, inquiritur in præsentibus : ergo datur ea necessitas, quam præsens exagitat dubium.

102 *Ex his constat* ad fundamenta pro opposita sententia insinuata, num. 97. *Ad primum quidem* ; quia vel præmissæ de novo occurrentes, etiam probabiliore, faciunt intellectum mutare dictamen, & in assensum oppositum priori transire, vel hoc non faciunt, sed perseverat primus

assensus ? Si faciunt, poterit quidem dissentiri conclusioni ; sed prius dissentietur præmissis : si non faciunt, perseverante primò assensu nequit dissentiri conclusioni : ergo solum convincitur non dari necessitatem antecedentem ad non dissentiendum conclusioni, quod fatemur, non verò non dari necessitatem consequentem, seu ortam ex suppositione assensus præmissarum, quæ necessitas est, quæ in præsentibus exagitur. Quod si antequam vllus sit assensus occurrant præmissæ oppositæ æquè probabiles, neutræ quidem petent assensum ; ex suppositione tamen, quod intellectum determinet voluntas ad assentiendum his, & non illis, ad harum conclusionis assensum necessitabitur. Per quod constat ad secundum.

103 *Ad 3. respond.* Illo convinci non necessitari intellectum ad assensum evidentem conclusionis, secus verò non necessitari ad assensum illius probabilem ; nam sicut non obstante formidine præstitit assensum præmissis, ita illa non obstante, tenetur ad non dissentiendum conclusioni : nam hæc iudicia sunt diversa : *Hoc consequens potest esse falsum. Hoc consequens supposita veritate principij, ex quo evidenter infertur, nequit esse in vi illius falsum.* Cognoscit ergo signatè intellectus se posse dissentiri illi conclusioni, quia signatè etiam cognoscit se posse dissentiri præmissis ; ceterum exercitè nequit potentia consequenti illi dissentiri ex suppositione assensus præmissarum.

§. V.

*Assensus præmissarum non necessitat
quoddam exercitium.*

104 **H**anc conclusionem, quam ex nostris tuctur Prædo, & probabilem fides reputat in via D. Thomæ Paræ, conformiorem iudicamus plurimis Ang. Præceptoris testimonijs circa naturam discursus, quæ vix aut egrè possunt in opposita sententia subscindi, salva eorum veritate. Pro quo nota assensum conclusionis esse duplicem: alium virtuale, & implicitum, qui est idè formaliter cum ipso præmissarum assensu, nam assentiens principio, in quo aliud virtualiter continetur, per eundem assensum, quo formaliter assentitur principio contentivo, virtualiter, & implicite assentitur veritati in illo contentæ, & de hoc assensu conclusionis, quem fortè, & non alium, probant fundamenta opposita, nuli venit in mentem disputare, quia evidens est, quod assensus præmissarum, sit necessitas ad assentiendum virtualiter, imò est ipse virtualis assensus conclusionis. Alius est assensus conclusionis formalis, & expressus tendens directe ad illam, & qui est mentalis conclusio primi assensus, & de hoc procedit disputatio.

105 *Similiter nota:* nulli etiam esse dubium, quod si intellectus sit sufficienter applicatus media applicatione ad præmissas, ad iudicandum, & cognoscendum conclusionem esse veram, necessitatus quoque erit quo-

ad exercitium ad assentiendum veritati illius; cum ex vna parte assensus conclusionis nihil aliud sit quam iudicium evidens de illius veritate, & ex alia intellectus semel à voluntate applicatus operetur naturaliter circa id, ad quod applicatur; sicut nequit potentia visiva suspendere visionem obiecti, ex suppositione quod à voluntate applicetur. In hac ergo conditionali: *si intellectus media applicatione ad præmissas est sufficienter applicatus ad cognoscendum conclusionem esse veram, nequit assensum illius suspendere*, convenimus cum authoribus oppositæ sententiæ: ceterum in purificanda conditione est litigium: *Est ne sufficienter applicatus, vel non?* Quod quia plures non notant, magnam conclusionis propositæ probabilitatem non advertunt, supponentes, seu in fundamentis conculcantes sufficientiam applicationis, cum tamen ea esset ex professo probanda, utpotè à qua dependet resolutio difficultatis.

106 *Prob. ergo non purificari conditionem expressa D. Thomæ doctrina 1. p. q. 14. art. 7. In quo ut Deo denegat discursum, assignans duplicem discursum, alium secundum successione, alium secundum causalitatem, & ex utroque eliciens rationem, ut discursum in cognoscendo relegat à Deo, sic ait: Primum quidem: quia secundus discursus præsupponit primum: procedentes enim à principijs ad conclusiones non simul utrumque considerant. Denique: quia discursus talis est procedentis denoto ad ignotum: unde manifestum est, quod quando cognoscitur primum, adhuc ignoratur secundum: sic secundum non*

cognoscitur in primo, sed ex primo. Terminus verò discursus est, quando secundum videtur in primo, resolutis effectibus in eas. Et tunc cessat discursus. Idem repetit 1. p. q. 58. art. 3. ut deneget discursum Angelis, & alibi sæpè. Ex quo elicitur ratio à priori in prædicto testimonio insinuata, qua simul non purificatio conditionis, & conclusio ipsa probatur.

107 *Intellectus non est sufficienter applicatus media sola applicatione ad præmissas, ad eliciendum formalem assensum conclusionis: ergo adhuc posita applicatione ad præmissas, indiget intellectus ad illum eliciendum nova applicatione voluntatis: sed in hac nova applicatione voluntas est libera: ergo elicientia illius assensus est libera, posito adhuc assensu præmissarum. Omnia constant, si anteced. & minorem subsumptam excipias. Prob. primo anteced. Intellectus media applicatione ad præmissas solum est applicatus ad verum præmissarum: sed in verò præmissarum non repræsentatur intellectui verum conclusionis sufficienti modo, ut ad illum tendat per formalem assensum: ergo adhuc assensum non est sufficienter applicatus per primam applicationem. Utraque præmissa constat ex prædicto testimonio D. Thomæ, quia aliter procedentes à principiis ad conclusiones simul utrumque considerarent, & dum cognoscitur primum, non ignorarent adhuc secundum, unde non procederent de noto ad ignotum; ac tandem, & virgenter, quia non daretur in nobis discursus, vel discrimin inter nos, & Angelos*

esset de voce: nam si dum cognoscitur verum præmissarum, in ipso repræsentantur iam sufficienti modo ad assensum expressum veritas conclusionis: ergo cognoscimus clare hoc in illo: ergo superfluit (& consequenter non datur) cognitio, qua cognoscamus hoc ex illo: ergo ipse assensus præmissarum est formalis assensus conclusionis: ergo non discurremus, vel assigna rationem, quare non detur discursus in Angelis.

108 *Dices: Quod licet veritas conclusionis solum repræsentetur evidenter, & clare immediatè, & in se ipsa, quando repræsentatur formaliter, & expressè; mediatè tamen, & in alio potest repræsentari evidenter, & clare, quamvis non repræsentetur explicitè; & ita repræsentatur in præmissis evidentibus, & infallibiliter cum illa connexis, quod satis est, ut supposito primo assensu, secundus necessario eliciatur.*

109 *Alij dicunt, quod vel D. Thomas est accipiendus de principiis cognitis secundum se, non verò cognitis ut contentivis conclusionum, qua ratione interserviunt discursui; vel quod si de illis, ut contentivis, loquitur, in ipsis pro ut sic cognitis, cognoscit intellectus expressè causam conclusionis, & cum sit causa necessario connexa cum conclusione, ex prima cognitione expressa necessitatur ad habendam expressam cognitionem conclusionis.*

110 *Sed prima solutio videtur contradictoria involvere. Quid est enim repræsentari evidenter, & clare, & non repræsentari explicitè? Si enim*

repræsentatur clarè: ergo repræsentatio exprimit repræsentativè conclusionem: ergo *expresse* repræsentatur: ergo repræsentatur *explicitè*, nisi vltèrius fiat distinctio inter *expresse*, & *explicitè*: ergo si conclusio in præmissis repræsentatur clarè, repræsentatur *explicitè*. Sed quidquid sit de voce: ergo intellectus in verò præmissarum cognoscit clarè, & evidenter verum conclusionis: ergo non indiget alia cognitione, quæ sit conclusio mentalis, & qua cognoscat conclusionem in se ipsa. Prob. consequ. Nam ideo Deus, & Angeli non indigent illa distincta cognitione, & consequenter non discurrunt, quia in principio ipso cognoscunt clare evidenter veritatem quæ continetur in illo. Deindè quomodo verificantur omnes illæ propositiones D. Thomæ, scilicet, quod dum intellectus noster discurrit, non simul utrumque considerat; quod procedit de noto ad ignotum; quod non cognoscit secundum in primo sed ex primo?

III *Secunda solutio* quantum ad I. partem ad aliud divertit: nam vel intellectus noster progreditur ex principiis secundum se ad conclusiones, vel ex principiis, vt contentivis: si ex illis secundum se: ergo cum per te in veritate illorum secundum se non appareat verum conclusionis, per applicationem ad primum verum, non est applicatus, vt requirit formalis assensus, ad secundum verum. Si ex principiis, vt contentivis; ergo ex principiis, vt contentivis, progreditur discurrendo. Vel ergo in principiis contentivis apparebat clare veritas

conclusionis, vel solum implicitè: si implicitè, vnde probas adesse necessitatem ad assensum explicitum, & formalem de quo est dubium. Si evidenter, & clarè: ergo falso dixit D. Thomas, quod dum procedimus discurrendo ex principiis ad conclusionem, procedimus de noto ad ignotum, & falsæ quoque sunt reliquæ eius propositiones: ergo non obstante, quod cognoscamus evidenter conclusiones in principiis, ex quibus dicimur discurrere, verè tamen discurrimus: ergo nulla est ratio, qua discursus denegatur Angelis.

112 *Per secundam* solutionis partem proximior est ad veritatem accessus. Sed contra ipsam obstat, quod D. Thomas docet discursum nostrum esse discursum etiam secundum successionem, ex quo intulit, quod non simul consideramus principium, & conclusionem: ergo esse cognitionis unius est in non esse, seu cum iam non existit cognitio alterius: sed si cognitio unius necessitaret ad cognitionem alterius, utraque cognitio existeret in eodem instanti: ergo. Quod præsertim vrget, si partes, seu termini motus discreti nequeant coexistere non solum in eodem instanti temporis discreti (hoc enim est impossibile) verum nec in eodem instanti temporis nostri. Sed quia hæc aliò spectant ex professo discutienda, ideo his insinuat.

113 *Aliter impugnatur* solutio Intellectus iuxta solutionem solum est applicatus ex vi applicationis ad verum, quod est causa veritatis conclu-

clusionis; sed in illo verò, quod est causa, solum implicite importatur veritas conclusionis: ergo ex vi primæ applicationis solum est applicatus, ut exigitur ad assensum conclusionis implicitum, de quo non est dubium, non tamen ut exigitur ad assensum conclusionis expressum, & formalem, de quo disputamus. *Vel aliter.* Eo modo est applicatus ad cognoscendum verum conclusionis ex vi applicationis ad verum præmissarum, quo verum conclusionis representatur, seu importatur in verò præmissarum: sed solum importatur implicite: ergo solum est applicatus ad cognoscendum implicite verum conclusionis ex vi applicationis ad verum præmissarum.

114 *Nec valet* si dicas ita esse: cæterum cum verum præmissarum, in quo continetur, sit connexum cum veritate ipsius conclusionis, cui postea assentitur intellectus expressè, & formaliter, prima applicatio ad cognoscendum implicite veritatem conclusionis est sufficiens applicatio ad illi postea assentiendum formaliter. *Non valet* quidem; nam hæc est petitio principij, & circulus, quin vlla assignetur oppositæ sententiæ ratio. Prob. assumptum; dum redditur pro causali necessitatis quoad exercitium sufficiens applicatio, & dum hac applicationis sufficientia impugnata, redditur pro ratione connexio vnius veri cum alio; vel summitur connexio pro necessitate existendi vnum existente alio; vel pro necessitate cognoscendi vnum ex suppositione, quod cognoscatur aliud.

115 *Si primum;* nihil ad rem, cum ex eo, quod necessum sit vnum existere, existente alio, minime inferatur necessum esse, ut qui cognoscat vnum, cognoscat, & aliud, cuius tot ferè suppetunt exempla, quot connexa. Si secundum: ergo necessum est quod intellectus cognoscat cognitione evidenti, & explicita (de qua sola est dubium) veritatem conclusionis ex suppositione, quod cognoscat veritatem præmissarum: sed hoc redditur pro ratione sufficientiæ applicationis, & sufficiens applicatio redditur pro ratione eiusmodi connexionis: ergo impugnata sufficientia applicationis recurrit solutio ad connexionem, quæ vertitur in vtrum; & impugnata connexione recurrit ad sufficientiam applicationis, de qua dubitatur.

116 *Quod si sufficiens applicatio non est applicatio ad præmissas, ut cognoscatur conclusionemodo, quo requiritur, ut ad illam tendat intellectus per assensum formalem, & evidentem;* ergo indiget intellectus nova applicatione voluntatis; sed voluntas in hac applicatione est libera quoad exercitium: *Hæc est illa min.* subsumpta primi syllogismi nostræ rationis, quæ iam prob. Tum quia ex D. Thoma 2.2. q.2. art.9. licet liberum non sit voluntati detinere intellectum, ne præstet assensum rei scitæ, cui iam attendit, tamen liberum est ipsi facere, quod intellectus ad rem scitam non attendat, sed hæc applicatio, de qua in presenti, est applicatio, ut intellectus attendat, & cognoscat expressè, & directe conclusio.

tionem, quam in præmissis solum cognoscebat in directè, & impliciter: ergo in hac applicatione est libera.

117 Tum quia ex eodem D. Thomæ 1.2.q.7.art.1.ad 3. *Ipsium verum est quoddam particulare bonum contentum sub bono yniuersali*. Ex quò intulit D. Thomæ, quod nullo verò quantumvis necessario potest necessitari voluntas quoad exercitium. Ex quo vltcrius sequitur, quod cum id, quod intellectui proponitur vt verum, voluntati proponatur vt bonum, solum vbi inueniat voluntas summum bonum pro motivo suæ applicationis, poterit necessario se applicare necessitate quoad exercitium: sed in illa applicatione sui, & intellectus ad conclusionem scientificam, non apparet summum bonum, sicut non apparet summum verum: ergo. Tum quia potest voluntas, si semel est necessaria nova applicatio, tollere motivum necessitatis huius novæ applicationis; nam potest suspendere actum quo habet intellectum applicatum ad præmissas, qua prima applicatione sublata, non dabitur secunda applicatio, sicut postquam inrendit suam, potest iterum finis intentionem retractare, qua retractatione posita, non dabitur, nec applicatio intellectus ad consilium de medijs, nec applicatio sui ad electionem. Denique: quia hoc non est dubium ipsis A.A. oppositæ sententiæ, qui ideo eam defendunt, quia existimant, quod licet voluntas possit non applicare intellectum ad considerandas præmissas, semel tamen illo applicato, etiam est

applicatus ad conclusionem, & consequenter nequit ei non assentiri.

118 *His iam stabilitis, nil terere restat obijciendum*, cum præcipuum sententia oppositæ fundamentum impugnatum maneat, & solutum. Nihilominus obijcies D. Thomam 1.p.q.82.art.2. asserentem, *quod intellectus ex necessitate assentit cognita connexioni necessaria conclusionum ad sua principia per demonstrationis deductionem*; quam necessitatem comparat ibi necessitati provenienti ex visione Dei ad amorem ipsius, quam constat esse talem quoad exercitium. Similiter lib.1. Posteriorum lect.2. asserit ex Philosopho, quod assensus minoris est simul tempore cum assensu conclusionis, licet sit prior natura.

119 *Confirm. 1.* Quoties duotermi connectuntur necessario, actio, quæ terminatur ad vnum, nequit non terminari ad aliud: sed iuxta D. Thom. 1.post. lect. 13. ex necessitate sequitur conclusio ad præmissas. *Confirm. 2.* Ideo docetur communiter ex D. Thom. quod voluntas necessitatur quoad exercitium ad diligendum Deum clarè visum, quia in illo, prove sic visio nulla potest inveniri ratio mali: sed supposito assensu præmissarum evidentium nulla in illis apparet ratio falsi, nec etiam illa apparet in connexionem earum cum conclusione: ergo necessitatur intellectus quoad exercitium ad assentiendum conclusioni.

120 *Confirm. 3.* Nequit intellectus magis determinari ex vehementi passione, & imaginatione obiecti sensibilis, quam ex evidente cogni-

tione veritatis præmissarum : sed ex primo determinatur ad cognitionem illius obiecti sensibilis determinatione necessaria quoad exercitium : ergo. *Vergetur* supposita intentione efficaci finis, & quod non detur, nisi vnum medium, etiam si electio illius sit novum exercitium voluntatis, hæc electio, applicatio ; seu exercitium est quoad exercitium necessarium : sed posita maiori eidenti, & determinata per maiorem, hæc, & non alia conclusio cum præmissis connectitur : ergo etiam dato, quod opus sit nova applicatione intellectus ad conclusionem, hæc applicatio, supposita prima erit quoad exercitium necessaria.

121 *Resp.* Nihil magis alienum à veritate quam D. Thomam intendisse in primo testimonio necessitatem quoad exercitium, ut notat ibi Caiet. 5, *Adverte secundo* : nam D. Thomas ibi agit de omnibus bonis, ut ostendat quamnam ex illis ex necessitate velit, & quamnam libere, ad quod adducit similitudinem veritatum intellectus, unde & proponit bona, ad quorum amorem voluntas necessitatur quoad specificationem; nimirum ea, quæ cum beatitudine connectuntur, & huic intento deservit necessitas adducta demonstrationis : & tandem concludit, quod voluntas videntis Deum diligit cum necessario ; sed huic necessitati non comparat demonstrationis necessitatem.

122 *Similiter ad 2. testimonium* dicendum est, quod si discursus noster est motus successivus discretus, ut ex dictis videtur probabilis in D.

Thom. nihil habetur ex illo testimonio, quod nostram conclusionem impugnet, nam quod ille duplex assensus coexistat eidem tempori discreto non probat, quod coexistat eidem instanti, cum hoc sit impossibile, sed necessario erunt duo instantia mensurantia existentiam utriusque, sed quia ab hoc pro nunc præcindimus, dicendum est, vel quod sunt simul tempore, quia est imperceptibilis regulariter inter utrumque mora ; vel quod regulariter coexistunt in eodem instanti, quia licet voluntas possit absolute applicationem suspendere, regulariter hoc non facit.

123 *Ad 1. confirm.* constat ex dictis eius falsitas ; quod si esset vera, probaret ipsum assensum expressum præmissarum esse expressum assensum conclusionis : unde cum D. Th. dixit conclusionem sequi ex necessitate ex præmissis intelligendus est de præmissis, & conclusione obiectivè sumptis, id est, quod ad esse hominem sequitur necessario esse risibilem, non tamen sequitur necessario ad cognitionem hominis cognitio risibilitatis.

124 *Ad 2. concessis præmissis,* neg. conseq. imò suppositum conseq. Scilicet, quod voluntatem posse suspendere assensum conclusionis proveniat ex cognitione alicuius falsitatis : iam enim diximus respectu voluntatis respici ut bonum, quod respectu intellectus dicitur verum ; unde supposito, quod necessaria sit nova applicatio (quod per hanc confirmationem non attingitur) potest inveniri disconvenientiam in applica-

tione, quia sicut obiectū non est summum verum, ita non est summū bonum, & sic replica æquivocat omnino verum & summum verum.

125 *Ad 3. vel neg. min.* cuius falsitatem convincit satis M. à S. Thoma 1.2. q.8. disp. 5. art. 5. Cum etiam illa vehementia posita, possit absolutè voluntas, & si non facilliter, alio divertere intellectum. Vel hoc ommissio, neg. mai. Quia imaginatio vehemens expressè præsentat intellectui obiectum; & cum alias supponatur vehementiam non posse cohiberi, etiam cognitio illius suspendi non potest: præmissæ autem non præsentant expressè intellectui conclusionem, & ideo ad expressam cognitionem illius indiget nova applicatione voluntatis.

126 *Ad id*, quo vrgebatur argument. neg. mai. Quæ si esset vera, probaret etiam voluntatem necessitari quoad exercitium, dum sunt plura medianam quod sint plura, non conducit ad libertatem eligendi, sed ad libertatem eligendi propriè, idest hoc, vel illud, quæ non est libertas exercitij, sed specificationis: quare dum vnum tantum est medium, voluntas necessitatur quoad specificationem, idest, si eligit, hoc, & non aliud eliget, seu proprius loquendo, hoc & non aliud acceptabit; non tamen necessitatur (cum possit retrocedere) ad procedendum ad electionem. Ex quo solum infertur similis necessitas ad conclusionem, scilicet, quod positis præmissis, si voluntas applicat intellectum ad conclusionem, ad hanc, & non aliam debet illum ap-

plicare; quia hæc, & non alia infertur ex præmissis; voluntas tamen non est necessitata ad applicandum.

ART. III.

Quid sit prædicatum de omni per se, & secundum quod ipsum?

127 **P**rædicatum de omni, aliud est de omni prioristice, seu ex parte formæ, aliud est de omni posterioristice, seu ex parte materiæ. Vtrumque convenit in eo, quod nihil subsumatur sub subiecto, de quo tale non dicatur prædicatum, hoc enim indicat ly *de omni*: in eo tamen differunt; quod prædicatum de omni prioristicum præscindit ab eo quod necessario, vel contingenter verè, vel falso, dicatur, quia ratione hæc propositio *omnis homo est albus* est de omni prioristice, & ex vi formæ: prædicatum autem de omni posterioristicum dicit necessariam connexionem cum eo, de quo prædicatur, quia ratione sic illud explicuit Aristoteles: *de omni dicimus, quod non cuidam inest, cuidam non inest; nec interdum competit, interdum non competit, sed omni, & semper, ut de omni homine animal*: quod brevius perstrictum sic expouitur: prædicatum de omni posterioristicum est, quod ita dicitur de subiecto, ut de quocumque sub sumpto sub illo necessario dicatur: si vè nec necessitas oriatur ex essentiali habitudine, ut in exemplo Philosophi, si vè ex connexionem necessaria, ut in hac propositione *omnis homo est risibilis*.

128 *Dices 1.* Hæc propositio
pens

Deus est æternus, cum sit per Dei immutabilitatem verè demonstrabilis, est de omni posterioriſticè, & tamen prædicatum non dicitur de omni ſub ſumpto ſub ſubiectò, cum ſub ſubiectò illius, utpotè ſummè ſingulari, nihil poſſit ſubſumi: ergo prædicatum de omni poſterioriſticè non rectè explanatur. 2. *Ille propoſitiones* in omni verè ſunt tonitrua; in omni hyeme ſunt pluviæ, ſunt de omni poſterioriſticè, cum de facto demonſtentur, & tamè prædicatum non dicitur neceſſario de quocumque ſub ſumpto ſub ſubiectò, cum ſine miraculo poſſit dari ver ſine tonitruis, & ſine pluvijs hyems: ergo 3. *Non ſolum* datur demonſtratio concludens affirmativè, ſed etiam negativè, ut nos ſupra aſſeruimus: ergo cum Philoſophus neceſſaria ad omnem demonſtrationem præmittebat, debebat traddere non ſolum quid ſit dici de omni, ſed quid ſit dici de nullo poſterioriſticè.

129 *Ad primum neg.* conſeq. Quia prædicatum de omni poſterioriſticè non diximus tale, quia debeat dici de omni ſub ſumpto ſub ſubiectò, ſed quia de nullo ſub ſumpto ſub ſubiectò poſſit non dici: ad quod non requiritur, quod ſemper dentur inferiora, quæ ſubſumantur ſub ſubiectò, ſed ſufficit, quod ſi dentur, de illis dicatur prædicatum, quod de ſubiectò dicitur: hoc autem ſemper eſt verum, etiam ſi in propoſitione argumenti nil detur, quod ſub ſubiectò ſubſumatur.

130 *Ad ſecundum neg.* illas propoſitiones ut demonſtratas ſcientificè poſſe eſſe falſas; nam ſcientia ſolum

demonſtrat in verè eſſe tonitrua, & in hyeme pluvijs regulariter, & atenta in plurimam diſpoſitione cauſarum, quod licet pluviæ, & tonitrua aliquando deficiant, numquam eſt falſum. *Nec proterea* negamus ſcientias ſe invicem excedere imperfectione certitudinis, intra lineam tamen talis certitudinis, ut eis nec per ſe, nec per accidens falſum ſub eſſe poſſit: aliter verè virtutes intellectuales non eſſent, ſi poſſent aliquādo in falſum declinare. *Idem dicimus* de alijs propoſitionibus demonſtrabilibus, ut quod Sol oritur, & Luna ecclypſabitur; nam licet talia pro omni tempore nō accidant, pro omni tamen tempore eſt verum illa tali determinato tempore eventura, in quo ſolum ſenſu demonſtrantur.

131 *Ad 3. dicimus*, quod cum præcipua demonſtratio ſit illa, quæ paſſionem aliquam demonſtrat convenire ſubiectò, ideo ſolum explicuit Philoſophus, quid ſit dici de omni: & quia hoc ſcito, facilè percipitur quid ſit dici de nullo poſterioriſticum, videlicet, quod nihil ſubſumatur ſub ſubiectò, à quo non remouetur neceſſario prædicatum. Ex quibus omnibus conſtat prædicatum de omni poſterioriſticum eſſe ſolum ad rem demonſtrationis, cum conſtituat propoſitiones neceſſarias, & quales exigit vera demonſtrari; prædicatum verò de omni prioriſticum præciſè deſideratur, ut propoſitio dicatur dialecticè vniuerſalis.

132 *Circa ſecundum*, quod explanare promiſſimus, quid ſit, ſcilicet, prædicatum per ſe; notandi ſunt quatuor modi perſeicatis, quos ex Phi-

lopho explicat hic D. Thomas, lect. 10. Horum divisio nascitur ex diversa acceptione illius præpositionis *per* : aliquando enim designat habitudinem causæ formalis, ut cum dicitur, *corpus vivit per animam*; vnde quia nil formalis in vnaquaque re, quam eius prædicata diffinitiva, tunc propositio dicitur à D. Thoma esse in primo modo dicendi per se, cum de re prædicatur eius diffinitio, vel aliquod prædicatum in diffinitione positum.

133. Quod ultimum intellige de prædicato ingrediente in recto rei diffinitionem, nam cum relativa diffiniuntur per ordinem ad suum terminum, non terminus, sed ordo ad illum est, qui per se dicitur de diffinito. Rursus: illud intelligendum est non solum de prædicatis, quæ exprimentur in recto in diffinitione rei, sed de omnibus illis, quæ essentialiter imbibuntur, in prædicatis ipsis, per quæ res exponitur; vnde non solum *animal*, & *rationale*, verum *ens*, *substantia*, *corporeum*, & *vincens* hoc modo perfectitate prædicantur de homine. Imò hac perfectitate prædicatur etiam differentia sub alterna de infima, ut si dicas, *rationale est sensibile*, cum talis differentia constituat genus, quod essentialiter contrahitur per differentiam infimam.

134. Secundo designare solet ly *per* habitudinem causæ materialis ut cum dicitur, *corpus est coloratum per superficiem*, cum superficies sit id, cui color immediate inest: & iuxta hanc acceptionem assignatur secundus modus dicendi per se à D. Thoma, cum subiectum ponitur in

diffinitione prædicati, quod est proprium accidens eius, ubi nota non esse idem id, à quo sumpta est occasio assignandi hunc per se dicendi modum, ac ipsum modum dicendi per se: occasio sumpta est ratione subiecti receptivi, quod est causa materialis accidentis recepti; non tamen consistit hic modus dicendi per se in eo quod accidens enuntietur de subiecto, ut cumque; sed requiritur, quod sit subiectum proprium accidentis exigens illud; aliter constitueret modum dicendi, sed non dicendi per se. Hinc si dicas, *corpus est coloratum*, propositionem dices accidentalem, quia corpus, quia tale, non connectitur cum colore: si tamen dicas, *mixtum est coloratum*, propositionem formalem: hunc modum dicendi per se pertinentem, quia esse mixtum exigit esse coloratum: & licet in eodem subiecto concurrant ratio corporis, & ratio mixti, tale subiectum non est coloratum, quia corpus, sed est coloratum, quia mixtum. Vnde utrumque in diffinitione D. Th. positum est necessarium: & quod subiectum sit de diffinitione prædicati, & quod prædicatum sit proprium accidens subiecti, quod tunc evenit, quando prædicatur accidens, quod est passio eius, de quo prædicatur.

135. Tercio ly *per se* denotat id, quod solitarie, & independenter ab alio existit, & in hac acceptione assignatur tertius perfectitatis modus respectu substantiæ, quæ per se, & independentè à quocunque alio existit. Quarto denotat ly *per* habitudinem causæ extrinsecæ, efficientis, scilicet, aut finalis;

lissuxta quod assignatur quartus perfectitatis modus ex Philosopho, & D. Th. *quando aliquid in est propter ipsum*, idest, cum ex parte subiecti importatur propria ratio causandi actionem, quæ ponitur ex parte prædicati; ut si dicas, *calidum calefacit, edificator edificat*: si autem diceres, *edificator ambulat*, enuntiares prædicatum per accidens omnino se habens ad subiectum, cum omnino disparatè se habeant ratio artificis, & ratio ambulantis.

136 *Ex his constat* omnes hos modos perfectitatis esse suis rationibus formalibus diversos, & si aliqui illorum aliquando coincidunt: cum enim propria passio prædicatur de suo proprio, & immediato subiecto, subiectum est causa propriissima prædicati, & sic submunere subiecti illam passionem exigentis pertinebit ad secundum modum dicendi per se, sub ratione autem causæ propriæ illius reducetur ad quartum; licet quia passio admirativum v. g. non significatur per modum actionis, seu effectus ab homine progredientis, sed per modum affectionis illius, absolute est defendendum, quod hæc propositio, *bonus est admirativus*, ad secundum modum pertineat.

137 *Constat similiter, quod prædicatum per se*, quod erat assumptum, propter quod hos quatuor modos perfectitatis præmissimus, tantum invenitur in duobus primis modis perfectitatis, cum in his detur, aut habitudo essentialis, aut necessaria connectio, quod requirit prædicatum, ut sit *per se*, & constituat propositionem necessariam: tertius autem, &

quartus modus perfectitatis prædicationem relinquunt accidentalem. Unde primus, & secundus opponuntur prædicationi contingentis; tertius opponitur accidenti existenti per aliud, & quartus opponitur causæ per accidens: quare primus, & secundus sunt modi per se prædicandi, tertius per se essendi, & quartus per se causandi; è quibus duo primi tantum ad demonstrationem deserviunt.

138 *Ultimum tandem, quod explanatione indiget, est prædicatum secundum quod ipsum*, quod à D. Tho. & à Philosopho dicitur prædicatum *universale*, non in ea acceptione, in qua supra q. 3. egimus de illo, propterea scilicet comparatur ad inferiora, de quibus, ut superius prædicatur; sed propterea dicitur quandam adæquationem ad subiectum, ita ut ad omne, ad quod se extendat subiectum, se extendat (& non amplius) prædicatum. Illud Aristoteles sic explanavit: *universale autem dico, quod cum de omni sit, & per se, & secundum quod ipsum est*. Unde tres solent ad hanc universalitatem conditiones assignari: *Prima*, ut prædicatum sit de omni, idest, quod de quocumque subiecto sub subiecto dicatur, & hoc indicat illa diffinitionis expressio, *quod cum de omni sit*.

139 *Secunda*, ut sit prædicatum per se, idest, necessario conveniens, vel in primo, vel in secundo modo dicendi per se, & ideo dicitur in diffinitione, & *per se*. *Tertia*, quod prædicatum conveniat subiecto, in quantum tali, ac proinde dicantur ad convertentiam, quod manifestat ultima diffinitionis expressio, & *secundum quod ipsum est*.

His omnibus conditionibus constant propositiones, in quibus aut diffinito, aut illius differentia ultima prædicatur de diffinito; aut tandem passio prædicatur de suo proprio subiecto.

140 *Ex omnibus* hucusque dictis inferes iam qualiter comparentur ad invicem omnia prædicata explanata, scilicet, *de omni, per se, & secundum quod ipsum*: hoc enim ultimum, cum plures conditiones requirat, est inferius ad alia duo, & sic omne prædicatum *secundum quod ipsum*, est *de omni*, & *per se* non tamen è converso; quia animal est prædicatum per se, & de omni, respectu hominis, & tamen non est prædicatum secundum quod ipsum, cum homini, quia tali, non conveniat animal, nec cum eo ad convertentiam dicatur. Similiter: si prædicatum *de omni* summatur præcisiivè à prædicato de omni prioristice, & posterioristice, tunc omne prædicatum *per se* est *de omni*, & non è converso, nam *coloratum* est prædicatum de omni respectu hominis, & non est respectu illius prædicatum per se.

141 *Si autem* prædicatum de omni sit illud tantum, quod hic explanavit Aristot. de omni scilicet posterioristice, tunc idem est esse prædicatum *de omni*, ac prædicatum *per se*, & è converso, solumque differunt penes diversam expressionem, per expressionem scilicet universalitatis prædicatum *de omni*, & expressionem connexionis prædicatum *per se*. Quod patet ex eo, quod prædicatum de omni posterioristice est, quod ita dicitur de subiecto, ut de quocumque sub sumpto sub illo necessario dicatur, ut omnes fatentur: sed

quod necessario dicitur, per se dicitur, & è converso, quod per se dicitur, necessario, & de omni dicitur: ergo idem est esse prædicatum de omni posterioristice, ac esse prædicatum per se.

142 *Imò in hac* acceptione quodcumque prædicatum de omni est prædicatum per se, & non è converso: hæc enim propositio *animal est homo* est propositio necessaria, & de prædicato per se, & tamen non est de omni, cum huiusmodi in directæ propositiones non æquivalent universali, ut diximus in disputat. sumul. quæ. 3. art. 8. quare præcedens doctrina restringenda est ad propositiones de prædicato *per se* directas, & ad illas in directas, in quibus modus in directus enuntiandi in nullo variat habitudinem prædicati ab subiecto; sive enim dicas, *homo est rationalis*, sive *rationale est homo* in nullo variatam reddes habitudinē; & sic, sicut prædicatum est per se, ita est de omni posterioristice, & è converso. Qui plura velit, adeat Caiet. hic cap. 4.

143 *Tandem* inferitur, quod licet potissima demonstratio, ea scilicet, in qua propria passio per propriam eius causam demonstratur de subiecto, petat præmissas, quæ sint de prædicato *secundum quod ipsum*; tamen ad omnem demonstrationem hoc non exigitur, sed sufficit, quod propositiones sint de omni posterioristice, seu sint de prædicato per se.

ART. IV.

Quid, & quo duplex sit propositio immediata, & per se nota?

144 **P**ropositio immediata, & per se nota se conveniunt, & ex.

expressione differunt: dicitur *immediata*, quia non datur medium, per quod eius veritas probetur; dicitur *per se nota*, quia eius veritas statim patet intellectui. Vtroque modo diffinitur ex Philosopho a. O. Th. hic lect. 4. ut *immediata sit: Quia non est altera prior, vel qua caret medio, per quod probetur; ut per se nota sic exponitur; qua statim, intellectus terminis, vel notis, cognoscitur*. Sicut enim inter visibilia, alia sunt visibilia per se, scilicet, quæ ratione sui habent lucem, ut Soli alia sunt visibilia per aliud, ut ea omnia, quæ recipiunt lucem à Sole; ita inter intelligibilia, alia sunt veritates, ita manifestæ, ut se ipsis sine lumine, seu medio probativo distincto, sint certo cognoscibiles, & hæ dicuntur veritates *immediatæ*, & per se notæ: alia veritates sunt, quæ indigent medio, seu lumine probativo, ut certò cognoscantur, & hæ dicuntur veritates *mediatæ*, & demonstrabiles.

145 Vbi adverte 1. diffinitionem prædictam esse formaliter intelligendam, ita ut sentus sit, *propositio immediata, aut per se nota in eo genere, in quo talis est, caret medio, per quod probetur*. Vnde si probes unam diffinitionem per aliam, ut si domum esse ædificium constans fundamento parietibus, & tecto, quæ est domus diffinitio per eius causam materialem, probes per hoc, quod ordinatur ad nos defendendos ab incommodis temporum, quæ est eius diffinitio in genere causæ finalis, non inde inferes primam domus diffinitionem non esse per se notam, sed utramque esse notam in suo genere: sicut contra mu-

nus causæ solum est, quod in eo gerere, in quo est causa, ab alia eiusdem ordinis dependeat, secus in genere, in quo non est causa.

146 Adverte 2. non esse idem (si voces propriè usurpentur) aliquid esse intuitivè visum, ac esse per se notum: Solem quippè, & Lunam eclipsari videmus, & tamen per veram causam demonstramus: sensus quippè, qui in accidentibus sitit, rationem ignorat eorum, quorum intellectus, qui ad intima transit, causam, & rationem demonstrat. Si tamen vocum significationem latius accipias, dices illas, & alias eiusmodi veritates esse per se notas quoad sensum, & non quoad intellectum: & in ea ratione, in qua sunt quoad sensum notæ, carent medio illarum veritatem probante, qua ratione dixit Philosophus 2. Topic. cap. 2. *Emp, qui negaverit nivem esse albam, sensu indigere, non medio*.

147 Hinc poterat prima propositionis per se notæ divisio incipere, sed cum notum quoad sensum tantum improprie nimis dicatur per se notum, idè illo omisso. *Propositio immediata, seu per se nota, alia est, quæ dicitur axioma; alia quæ positio nuncupatur*. Axioma describitur ab Aristotele, *principium syllogisticum in demonstrabile per se cognitum à Discipulo, antequam ad Præceptorem accedatur*. Vocatur etiam *maxima, dignitas, effectum, prologium*, eo quod eius veritas ita vniuscuiusque menti insidet, ut licet oppositum possit ore proferre, mente tamen credere non potest, ut ipse Philosophus latius explicat 4.

Metaph. lect. 6. Huiusmodi sunt universalissima principia, *ut quodlibet est, vel non est*, quorum veritas non addiscitur, sed præsupponitur in eo, qui ad scientiam accedit. *Positio* dicitur principium in demonstrabile, sed non ita omnibus insitum, ut sine Præceptoris voce præcognitum necessario supponatur: huius generis sunt principia particularia scientiarum, quæ licet in scientiis non præbentur, utpotè in demonstrabilia, exponuntur tamen, seu explicantur.

148 *Item* dividit hic D. Tho. lect. 5 propositionem per se notam in per se notam secundum se tantum, & in per se notam secundum se, & quoad nos. Circa quam divisionem, ut eius rectitudo percipiatur, advertendum est, illam non esse divisionem propositionis repræsentativæ sumptæ, quæ dicitur propositio formalis, sed propositionis sumptæ obiectivæ, id est veritatis obiectivæ non reduplicativæ, ut repræsentatæ, sed ut repræsentabilis, vel enuntiabilis per propositionem formalem. Huius doctrinæ duplex habetur exemplum; primum divisionis propositionis in veram, & falsam; propositio enim v.g. *Petrus currit*, non dicitur vera, quia conceptus repræsentet Petrum currentem, nec ex eo quod Petrus ut repræsentatus sit currens, sed ex eo, quod cum repræsentetur ut currens, ipse in re currat, unde denominatio vera, vel falsa in propositione, nec desumitur ab ipsius repræsentatione, nec ab obiecto, ut repræsentato per ipsam, sed ab obiecto in re. Aliud exemplum est in communi divisione:

propositionis in necessariam, contingentem, & impossibilem; non enim voces, aut conceptus sunt necessarij, vel impossibiles, nec obiecta formaliter, ut repræsentata, sunt impossibilia, sed tota necessitas, vel impossibilitas, à qua propositio dicitur necessaria, vel impossibilis, exercetur in ipsis rebus; unde ibi accipitur nomine propositionis divisæ ipsa identitas obiectiva extremorum, & hæc ut repræsentabilis, vel enuntiabilis dividitur in propositionem necessariam, contingentem, & impossibilem denominationibus sumptis ab ipsis rebus apprehensibilibus.

149 Similiter igitur in præsentī divisione, cuius divisum non est propositio formalis, sive repræsentativæ sumpta, nam cum provt sic dicat conceptus veritatem obiectivam repræsentantes, si veritas provt in conceptu est per se nota, quoad nos etiam, est per se nota, cum conceptus sit notitia nostra, in quo sensu implicat propositionem esse per se notam secundum se tantum, nec amplius convincent plura, quæ contra præfatam divisionem congerunt ex Aureolo aliqui RR. Divisum ergo est veritas obiectiva per se nota, & hæc ut repræsentabilis, vel cognoscibilis à nobis, dividitur in per se notam secundum se tantum, & per se notam secundum se, & quoad nos, cuius divisionis in hoc congruo sensu (ut probant adducta exempla) sufficientiam probat in præsentī D. Thomas sequenti ratione.

150 Quoties prædicatum est de intrinseca ratione subiecti, propositio est.

est per se nota: sed stat prædicatum esse de intrinseca ratione subiecti, vel secundum se tantum, vel secundum se, & quoad nos: ergo stat propositionem esse per se notam, vel secundum se tantum, vel secundum se, & quoad nos. Prob. min. Stat prædicatum esse de intrinseca ratione subiecti, & hoc nos posse statim explicatis terminis cognoscere, quia nimirum talis identitas est inter extrema omnibus notissima, ut ens, totum, pars, & similia, & stat illam identitatem versari inter extrema non ita nota, sed pro quibus dignoscendis indigemus discursu: sed in primo casu prædicatum erit de intrinseca ratione subiecti, & secundum se, & quoad nos; in secundo vero erit de intrinseca ratione illius secundum se tantum: ergo stat prædicatum esse de intrinseca ratione subiecti, vel secundum se tantum, vel secundum se, & quoad nos.

151 Explicatur in hac propositione *Deus est*, cuius subiecti quidditate à nobis ignorata, pariter non percipitur essentialis illius identitas cum prædicato: unde licet talis essentialis identitas in re detur, & sic illa veritas sit secundum se nota, quia secundum se caret medio, per quod probetur, cum prædicatum sit immediatè de ratione subiecti, tamen quoad nos nequit evidenter constare, nisi utamur aliquo medio, vel discursu ex effectibus creatis petito ad illam quoad an est evidenter cognoscendam, & sic non est per se nota quoad nos. Hæc in præsentem insinuare sufficiat, quia in præsentem traditur divisio à D. Thoma, nam de ea ex professo

Theologi agunt 1. p. quest. 2. artic. 2.

ART. V.

Quis modus dicendi per se faciat propositionem immediatam, & quis demonstrabilem?

152 **R**elictis tertio, & quarto modo perferatis, quos iam diximus non esse modos per se prædicandi, sed essendi, & causandi, ut ad id, quod difficultatem ingerit, transcamus; supponendum est omnes propositiones, quæ sunt in primo modo dicendi per se, esse immediatas, ita, ut licet possint, vel per sensuum inductionem aliquam ex-
plicari, vel à posteriori aliquando quoad an est demonstrati, ut diximus de hac *Deus est*, si existentia, ut aliqui sentiunt, sit divinæ essentiae constitutum metaphysicum; tamen omnes illæ carent medio, per quod à priori probentur, ac proinde absolutè dicendæ sunt immediatæ. Paret suppositio ex eo, quod ad primum modum dicendi per se solum pertinent propositiones de prædicato essentiali subiecto: sed prædicata essentialia, cum sint prima simpliciter, non præsupponunt aliquid, quod sit verè medium, ratione cuius subiecto conveniant: ergo.

153 *Vbi adverte* 1. aliud esse, quod prædicata essentialia servant inter se ordinem prioris, & posterioris quoad intelligentiam, aliud quod sint priora, & posteriora quoad causalitatem. Prius sanè intelligitur in homine ratio entis, quam ratio substan-

tia, & hæc prius quam ratio viventis; cæterum unum prædicatum non est ratio alterius, quia licet homo sit substantia, & ens, non tamen ideo est substantia, quia ens, quod necessarium erat, ut unum posset per aliud demonstrari.

154 *Adverte* 2. quod cum in una quaque substantia (accidentia non constant natura) distinguantur ratio essentia, & ratio naturæ, tamquam duo inadequati conceptus eiusdem rei, alter in ordine ad existentiam, alter in ordine, seu radice operationis consistens; poterit hic, qui est posterior, per illum, qui est prior demonstrari; quia licet prior non exerceat veram causalitatem in posteriorem, est tamen ratio quare posterior sit talis: si enim interrogas, quare has specificè operationes radice homo, & non alias, respondebis rectè; quia est talis essentia, & sicut tale est operari, quale esse, ita talis essentia talium solum operationum potest esse radix. Quod advertimus propter celebrem demonstrationem, qua D. Thomas ex immaterialitate Dei, quæ est eius essentia, probavit illum esse naturæ intellectualis.

155 *Supponendum est* etiam, quod propositiones expectantes ad secundum modum dicendi per se, illæ scilicet, in quibus passionem prædicantur de suis propriis subiectis, sunt verè demonstrabiles, secundum se, si passio, quæ prædicatur, non sit prima passio, sed secunda, tertia, aut quælibet prima posterior; nam omnes hæc passionem conveniunt subiecto ordine quodam, tam prioritatis, quam

causalitatis, ac proinde poterit secunda per primam, & tertia per secundam, & sic deinceps verè demonstrari. Unde difficultas devolvitur ad primam passionem, inter quam, & subiectum, cum nil mediet, quod sit ratio conveniendi, nisi subiecti definitio, dubitatur merito, an hæc sit sufficiens ad primam passionem demonstrandam in se, & objective de subiecto, vel saltem quoad nos.

156 *Et in primis* supponendum est tamquam quid inter nostros, exceptis Sanchez, & Ortiz, communiter receptum, primam passionem esse demonstrabilem quoad nos de subiecto per definitionem ipsius. *Hoc adminus* convincunt autoritates Philosophi, & D. Thomæ infra adducendæ, quæ aliter conciliari non possunt cum inferius dicendis, ut postea constabit. Suadet etiam idem assumptum hæc ratio. Propositio, cuius veritas potest evidenter convinci per medium, quod sit quoad nos verè medium, est propositio quoad nos verè demonstrabilis: sed definitio subiecti est quoad nos verè medium, ratione cuius vincatur evidenter veritas propositionis enuntiantis primam passionem de subiecto: ergo propositio enuntians primam passionem de subiecto est verè demonstrabilis quoad nos per definitionem subiecti.

157 *Proh. min.* quoad primam partem, quam AA. negant scilicet definitionem subiecti esse quoad nos verè medium. Definitio subiecti est verum instrumentum sciendi respectu intellectus connaturaliter proceden-

denris de ignoto ad notum, & de minus noto ad magis notum, quaiiter procedit intellectus noster: ergo respectu intellectus nostri, seu quoad nos, est verè medium. Anted. est in negabile, nisi plausibilem modi sciendi divisionem ab omnibus unanimi consensu acceptam negare velint. Consequentia verò probat. *Tum* quia verum instrumentum sciendi respectu alicuius est respectu illius verè medium sciendi, quotiescumque possit illo uti: sed uti potest intellectus nota diffinitione hominis ad comperendum, an *admirativum* (suppone primam esse passionem hominis) conveniat homini: ergo, *Tum* quia, quod est quoad nos notius ipso subiecto, & convincit prædicatum convenire subiecto, verè est quoad nos medium talis convenientiæ prædicati ad subiectum: sed si diffinitio hominis est verum instrumentum sciendi, quoad nos est quid notius, quàm homo, & alias convincitur media illa, quod admirativum intit homini: ergo, *Tum* quia si est instrumentum sciendi, manifestat ex vi proprii artificii ignotum: ergo latentem in homine causam, cur sit admirativus, notam facit intellectui nostro: ergo est medium, ratione cuius fit intellectui nostro evidens hominem esse admirativum.

158 *Ex quibus iam constat ad motivum oppositæ sententiæ.* Nam licet homo, & animal rationale non sint alia, & alia ratio, sed vna, eademque formalitas clarè, vel confusè cognita, hoc solum probat animal rationale non esse medium inter hominem, & admirativum secundum

se, & obiectivè sumpta, secus vero quoad nos, qui ex confusa cognitione, quam assignat ly *homo*, transitum facimus per eiusdem cognitionem distinctam, ad cognitionem evidentem admirativi; aliter solum differrent quoad nos diffinitio, & diffinitum, sicut *ensis*, & *gladius*, quod est absurdum. Non ergo mediat animal rationale inter admirativum, & hominem; mediat tamen inter hominem ut confusè cognitum, & admirativum cognitum evidenter, ac proinde mediat respectu intellectus, qui prius confusè apprehendit, quæ postea cognoscit distinctè.

159 *His iam statutis:* dicendum est, quod prima passio est indemonstrabilis de subiecto demonstratione, quæ sit talis secundum se, ac proinde quod hæc propositio *homo est admirativus* (supposito quod hæc sit prima passio) est per se nota secundum se. Sentiunt nobiscum Cayetus, Ferrara, Soto, Araujo, Massius, Ioannes Martinez, Sanchez, Ortiz, Lerma, Lince contra Scotum, Capreolum, Ioan. à S. Thoma, Parra, & alios RR. Pro ea videtur aperte militare D. Thomas lib. 1. Poster. lect. 36. dicens: *Quadam sunt principia indemonstrabilia affirmativa, in quibus unum de alio predicatur significando, quod hoc sit essentialiter illud, sicut cum genus prædicatur de specie, vel quod hoc sit in illo, sicut cum passio predicatur de proprio, & immediato subiecto.*

160 *Dices ita esse:* ceterum subiectum immediatum primæ passionis est diffinitio ipsius subiecti: ex quo tantum sequitur primam passionem de

de diffinitione subiecti esse secundum se in demonstrabilem, secus vero esse in demonstrabilem de subiecto media ipsius diffinitione. *Sed obstat* contra praefatam expositionem nimia improprietas appellandi subiectum immediatum passionis diffinitionem subiecti contra positivè ad subiectum ipsum; hinc improprietissime diceret, quod subiectum, cui immediatè in est qualitas sensibilis, non est quantum, sed diffinitio quanti: sed D. Thomas loquitur de subiecto, cui passio significatur in esse ex illis verbis, *vel quod hoc sit in illo*: ergo non intellexit nomine subiecti immediati diffinitionem subiecti contra positivè ad subiectum ipsum. Sed ex hoc.

161 *Prob. conclusio* ratione. Ut admirativum sit demonstrabile secundum se de homine, debet dari medium, quod non sit formaliter, & metaphisicè ipse homo, de quo demonstratur admirativum; sed *animal rationale*, quæ est diffinitio obiectiva hominis, est formaliter, & metaphisicè ipse homo, de quo demonstratur admirativum, quid enim aliud est metaphisicè, & obiectivè (quavis reduplicatione utaris) animal rationale, quam homo, & homo, quam animal rationale? ergo diffinitio obiectiva hominis non est sufficiens medium, ut de homine sit demonstrabile secundum se admirativum.

162 *Prob. mai.* Tum quia ut admirativum sit demonstrabile secundum se de homine, debet dari medium, quod secundum se non sit formaliter id ipsum, quod in quaestione ver savor: sed si medium secun-

dum se sumptum est formaliter, & metaphisicè homo, idem est formaliter quærere, an homo sit admirativus, ac quærere, an illud, quod vocas medium, sit admirativum; nam obiectivè, & in se, in nullo distinguuntur, *an homo sit admirativus, & an id, quod formaliter, & metaphisicè est homo, sit admirativum*: ergo. Tum quia ut admirativum sit secundum se demonstrabile de homine, debes assignare tria secundum se distincta, *hominem*, scilicet, de quo demonstras, *admirativum*, quod demonstras, & *medium*, ratione cuius demonstras de homine admirativum; sed si medium secundum se sumptum est formaliter, & metaphisicè homo, hæc tria secundum se distincta non assignas, nam homo, & quod vocas medium, sunt secundum se idem formaliter, & metaphisicè: ergo.

163 *Huic rationi* minimè satisfacit per distinctionem quoad implicitum, & explicitum, quæ gaudet homo, & eius diffinitio, sicut similis distinctio sufficit, ut de ente demonstretur à priori eius proprietates, & de Deo attributa.

164 *Non satisfacit* quidem: nam ratio nostra non invenit difficultatem in eo, quod cum sola distinctione quoad explicitum possit dari medium à priori demonstrans; sed difficultatem invenit in tali distinctione quoad explicitum: unde sic retorqueantur exempla. Ut de ente sit demonstrabilis intelligibilitas per immaterialitatem, tali distinctione quoad explicitum gaudet hæc tria, ut alia sit metaphisicè, & formaliter ratio entis, de

de quo demonstras, alia immaterialis, per quod demonstras, alia intelligibilis, quod demonstras, ratio ens est alia per ordinem ad existentiam, ratio immaterialis per elongationem, seu abstrahibilitatem à materia, ratio intelligibilis per esse perfectivum intellectus: sed distinctio quoad explicitum animalis rationalis ab homine non est talis, ut alia sit metaphysicè ratio hominis, alia animalis rationalis, alsig: a enim constitutiva metaphysica distincta utriusque: ergo non sunt ad rem aliæ distinctiones quoad explicitum respectu talis distinctionis, quæ non reddit animal rationale, & hominem, aliud, & aliud metaphysicè, sed idem, cognitum clarè, vel confusè.

165: Similiter: distinctio quoad explicitum inter prædicata divina talis est, ut ad aliam lineam adæquatè, vel in adæquate distinctam pertineant iuxta diversitatem prædicatorum, quæ demonstrantur: alia est enim linea essentia, alia naturæ, alietate in adæquata, & penes distincta connotata: ad aliam adæquatè lineam pertinet intellectus, ad aliam voluntas, sicut ad aliam pertinet verum, ad aliam bonum: ergo si talis esset distinctio inter hominem, & animal rationale, ad aliam lineam pertineret homo, ad aliam animal rationale, quo nil absurdus. Ex quo viterius sequeretur, quod sicut duas ponis in Deo rationes formales, aliam iustitiæ, aliam misericordiæ, posses statuerere quatuor: aliam iustitiæ, aliam distinctionis iustitiæ, aliam misericordiæ, & aliam distinctionis, seu descriptionis misericordiæ;

cum per te diffinitio, & res diffinita gaudeant metaphysicè, & secundum se ea distinctione, qua gaudent, ut possit vnum per aliud demonstrari, divina attributa.

166. Ex quo videtur, & confirmatur ratio conclusivis. Quia bonitas est medium, & ratio, quare ens potest terminare appetitum, deficiente illa, ens non potest terminare appetitum: sed etiam si deficeret intellectus, qui hominem confusè cognitum divideret in illos duos conceptus obiectivos animal, & rationale, qui sunt hominis diffinitio, homo esset in se admirativus: ergo licet illa obiectiva partitio conceptuum sit nobis procedentibus de ignoto ad notum ratio, secundum se tamen non est ratio, cur homo sit admirativus.

167. Ex his constat ad fundamenta opposita. Nam si dicas 1. Plura demonstrantur secundum se de aliquo per medium solum quoad explicitum distinctum ab illo, ut in ente, & in divinis attributis: sed sic differunt diffinitio, & diffinitum: ergo. Resp. disting. mai. Distinctione fundata in ipsis rerum constitutivis metaphysicis, concedo mai. Fundata præcisse in nostro imperfecto modo concipiendi eandem omnino formalitatem clarè, vel confusè, neg. mai. & sub eadem distinct. min. neg. conseq. solutio patet ex dictis.

168. Si dicas. 2. Qui cognoscit rem per eius veram causam, rem verè demonstrat: sed qui cognoscit hominem esse admirativum, quia est animal rationale, cognoscit hominem esse admirativum per eius veram causam: ergo verè demonstrat homi-

minem esse admirativum. *Respond.* Eodem argumento posse probari, quod qui cognosceret hominem esse admirativum, quia est homo, admirativum secundum se demonstraret, nam in se, & obiectivè quid aliud est hominem esse causam, ac animal rationale esse causam admirativi? Undè disting. mai. per veram causam, *que ut distincta à subiecto, de quo demonstratur, sit vera causa*, concedo mai. *que in di. distincta omnino sit vera causa*, nego mai. & sub eadem distinct. min. nego conseq. Nam licet esse animal rationale sit causa admirativi, non tamen est causa, cur homo in se, & obiectivè sit admirativus; quia ad hoc talis debebat esse, ut homo ratione sui non esset causa, & ratione illius, quod super addit animal rationale, esset causa; quod quidem est falsum, cum animal rationale nullam adhuc formalitatem addat supra esse hominis, ratione cuius homo in se, & obiectivè transeat de non esse causæ admirativi ad esse causæ.

169 Si dicas 3. Iuxta D. Thomam 1. p. quæst. 2. art. 1. ex hoc aliqua propositio est per se nota, quod prædicatum includitur in ratione subiecti: sed admirativum non includitur in ratione hominis: ergo non est propositio per se nota, quæ enuntiat de homine admirativum. *Explicat.* mai. ly ex hoc dicentem causam sufficientem, concedo mai. *adæquatam, subdist.* ex hoc quod includitur, *vel formaliter, vel virtualiter proxime*, concedo mai. *formaliter præcisè*, nego mai. & disting. min. non includitur *formaliter*, concedo min. *virtualiter pro-*

xime, neg. min. & conseq. Non est de essentia hominis admirativum, radix tamen proxima illius, animal scilicet rationale, non solum est de essentia, verum est ipsa essentia hominis, inter quam, & admirativum nil mediatur: hanc autem inclusionem sufficere, nec aliam intendisse, ut necessarium, D. Thomam, constat ex eo, quod aliter saluare non possunt A.A. ut saluant, & verè defendunt, quod hæc propositio animal rationale est admirativum, sit per se nota.

170 Si tandem opponas plura Philosoph. & D. Thomæ testimonia allèrenium, quod potissima demonstratio, & quod per pulchrum demonstrandi genus est, cum passio concluditur de suo subiecto, per quod quid est subiecti. *Resp.* quod propter has, & similes auctoritates sustinemus primam passionem esse demonstrabilem quoad nos, ut sic conciliantur omnia D. Thomæ loca, videlicet, & quod prima passio sit in demonstrabilis, ut supra nos docuit, & quod sit demonstrabilis, ut modo nos docet. Dicitur autem potissima demonstratio, & per pulchrum demonstrandi genus, quia quoad nos, qui ex confusa cognitione ad distinctam procedimus, est maximè accommodata,

& convincens; & quia ex ea reliquæ quoad nos demonstrationes dependent.

* * * (X) * * *

ART. VI.

Quid, & quotuplex sit demonstratio.

171 **P**remissis iam ad demonstrationem requisitis, rest. t. dignoscere quid sit ipsa demonstratio, ad quam ordinantur, & quæ totius logici operis scopus est, & finis principalis. Duo ergo desiderantur ad eius perfectam notitiam, quid sit, & quotuplex sit, ubi an membra div. demia talia sint, ut in eis integrè sa. vetur propria demonstrationis quidditas; sic enim perfectè cognoscetur quid nomine demonstrationis designetur.

§. I.

Diffinitiones demonstrationis exp. diuntur.

172 **D**upliciter diffinit Philo-
sophus demonstrationem; & per causam finalem, quæ in executione est demonstrationis effectus; & per causam materiale, seu per ea, ex quibus demonstrationis artefactum constatur. Primo modum diffinit dicens: *Demonstratio nem autem voco syllogismum Apodicticon, idest facientem scire, seu scientialem;* quæ diffinitio est optima designans rationem communem syllogismi, per quam demonstratio convenit cum syllogismis opinativis, & fallacibus; & rationem differentialem, in qua discriminatur ab illis, quia sola demonstratio generat scientiam, seu facit scire, alij verò syllogismi, vel solam opinionem, vel errorem pariunt. Est

insuper congruus diffiniendi modus, quia instrumenta rectè diffiniuntur in ordine ad finem, propter cuius consequutionem assumuntur, & nulli est dubium, quod instrumenti sciendi, quale est demonstratio, finis proprius est scientia, quæ media illa comparatur: recta igitur est demonstrationis diffinitio, *syllogismus faciens scire.*

173 Secundo modo diffinit Philo-
sophus demonstrationem, dicens: *demonstratio est syllogismus constans exprimis, veris, immediatis, notioribus, prioribus, causisque conclusio- nis;* & hanc debere esse demonstrationis materiam, seu eius definitionem per causam materiale probavit Philosoph. per primam definitionem, nam ea tradita subiungit: *Sic igitur necesse est, &c.* quasi diceret, *Demonstratio est syllogismus faciens scire;* ergo constare exprimis, veris, &c. nam ut faciat scire, ex talibus debet constare.

Nec obstat, ut secunda diffinitio sit verè talis, quod probetur per aliam, quia propositionem immediatam in vno genere posse per aliam in alio genere immediatam demonstrari artic. præced. ostendimus, & solum data diffinitione adequata, quæ omnes causas rei simul exprimeret, ea non possit probari per aliam: Supposito tamen, quod ut debilitati nostri intellectus videretur confusio, debeant varæ eiusdem rei diffinitiones tradi, necessum est, quod definitio exponens rem per unam eius causam, possit demonstrari per aliam eiusdem rei definitionem, quæ rem per aliam causam declarat.

174 Exponentes igitur singulas diffinitionis particulas, *ly ex veris* denotat præmissas demonstrationis ab omni debere esse falsitate alienas, quia cum causæ sint conclusionis omnino veræ, in se debent præcontinerere veritatem, quam causant, ac proindè ipsæ debent esse omnino veræ. Imò, cum conclusio causata non solum sit vera, sed vera necessariò, & scientifica, ipsæ quoque præmissæ demonstrativæ debent esse necessario veræ, ac proindè debent esse propositiones *de omni* posterioritice, seu necessariæ, & hoc satis insinuat in *ly veris*, cum absolute verum non dicatur, quod modò est verum, modò est falsum, sed quod ex se, & ab intrinseco est verum, ac proindè, cui ex se, & ab intrinseco repugnat falsum.

175 *Nec obstat*: quod ex falso aliquando sequitur verum, ut ex eo, quod homo sit equus, benè inferitur hominem esse animal: & similiter ex contingenti veritate, hac scilicet, *Petrus currit*, sequitur hæc: *ergo est ens mobile*, quæ est veritas omninò necessaria. *Non obest* quidem: nam demonstratio non ostendit, quod res sit talis solum ex suppositione aliqua contingenti, sed quod res sit absolute talis; ac proindè debet assumere pro medio aliquid, quod non dependeat ex libera concessione alterius, aut ex suppositione contingenti, quod sit tale, sed quod absolute sit tale. Illæ ergo probationes convincunt, quod consequens sit verum ex suppositione solum contingenti, quod antecedens admittatur, ut verum; non tamen

convincunt, quod consequens sit verum absolute. Vndè potius ostendunt, quàm bona sit consequentia, quàm quod consequens sit verum.

176 *Ly primis*, & *ly immediatis* idem denotat duplici expressione declaratum; & utraque intenditur præmissas debere esse in demonstrabiles, ac proindè, quibus non sint aliæ veritates priores, per quas possint probari. Quod si strictè, ut iacet, accipias, de demonstratione tantum potissima, & in quam, velut in primam omnium radicem, reliquæ resolvuntur, est intelligendum: quod forte intendebat Philosoph. assignans talem demonstrationem, ut ea totaliter quietaretur intellectus, nec ulteriorem anxius quærat causam. Quod si omnibus (ut debet) veris demonstrationibus est accommodandum, ita intellige: demonstratio debet constare præmissis, quæ, vel sint principia in demonstrabilia, vel in se inibitant in demonstrabilium veritatem, ita, ut in ea resolvantur.

177 Tres restantes particule modum explicant, quo præmissæ præstāt conclusioni: sunt quippè præstantiores titulo certitudinis, titulo præcedentiæ, & titulo causalitatis. Causalitatis titulum exprimit *ly causis que conclusionis*, in quo denotatur præmissas obiectivas esse causas, vel realiter, vel virtualiter causantes conclusionem obiectivam, ut supra artic. 2. notavimus; videtur ibi, ne acta agamus: ipsas autem præmissas mentales iam in eod. art. ostendimus concurrere in genere causæ efficientis ad assensum conclusionis mentalem. Titulum præ-

præcedentiæ exprimit ly prioribus, quia veritas præmissarum cognoscitur prius prioritate scilicet naturæ, quàm veritas conclusionis: imò ipsa in se, & obiectivè est prior (cum sit causa) prioritate causalitatis formalis, vel virtualis, quàm veritas conclusionis. Et licet satis videretur insinuata eiusmodi prioritas per rationem causæ, necessarium fuit tamen distinctis expressionibus uti, quia licet omnis causa sit prior, non tamen omne prius est causa.

§. II.

Excessus certitudinis defenditur.

178. **C**ontra tertium autem titulum, excessum scilicet certitudinis, quem v. detur designate ly notioribus plura congerunt aliqui Recentiores, vel quia distinguunt inter esse notius, & esse certius, primum concedentes, & secundum negantes; vel quia absolute iudicant præmissas non esse certiores, nec notiores, aut evidētiore conclusionē. *Assumptum* probant. Tū quia intellectus eadem indivisibili certitudine, & evidētia assentitur toti huic principio, *qua sunt eadem vni tertio, sunt eadem inter se*: ergo non magis assentitur vni parti, quàm alteri: sed identitas cum tertio exprimitur in præmissis, & identitas inter se in conclusione: ergo non magis assentitur præmissis, quàm conclusioni. Tū quia id dicitur certius, quod firmiores habet causas suæ certitudinis; sed conclusio habet easdem causas suæ certitudinis, ac habent præmissæ, cum causa causæ sit causa cau-

lati, & præmissas esse causas conclusionis iam supra est monstratum: ergo.

179. Tū quia quando æquè impossibile est aliter se habere conclusionem, ac præmissas, æquè certa est conclusio, ac certæ sunt præmissæ: sed æquè impossibile est aliter se habere conclusionem scientificam, ac præmissas, cum scientia, quæ talen conclusionem demonstrat, nullatenus possit (vtpotè virtus intellectualis) adhuc per accidens aliter se habere: ergo. Tū quia causa naturalis debite applicata operatur quantum potest, & præmissas esse causas naturales conclusionis debite per discursum applicatas, nulli est dubium: ergo in conclusionem influunt totam, qua gaudent, certitudinem.

180. *Confirm. 1.* Deum esse est consequens demonstrativè illatum ex veritate effectuum; sed Deum esse non est minus certum, imò & magis certum quàm quodlibet verum creatum: ergo. *Confirm. 2.* Si præmissæ titulo causæ conclusionis essent certiores conclusionē, cum utraque sit illius causa, utraque esset certior illa: hoc est falsum, cum conclusio Theologica excedat in certitudine præmissam naturalem, ex qua simul cum alia præmissa de fide infertur: ergo.

181. *Confirm. 3.* Si conclusio cederet in certitudine præmissis, sequeretur, quod dum deveniremus ad demonstrandam ultimam passionem, esset taliter diminuta prima certitudo quidditatis subiecti in antecedentium passionum demonstrationibus inter medijs, ut nulla ferè certitudo esset in con-

con-

conclusionem demonstrativa ultimæ passionis, consequens est alienum à veritate: ergo & antecedens. *Vergetur.* Philosoph. & D. Thomas solum asserunt hic lect. 6. in qua ex professio examinant præsentis litigij materiam, quod præmissæ sunt notiores conclusionem; nec ullum in eis personat verbum de excessu certitudinis, ut constabit legenti, & ut manifeste indicat *ly notioribus*: sed non est idem esse aliquid notius, ac esse certius: ergo si ne aliquo in ipsis fundamento hoc secundum asseritur. Cætera parent, & min. suadetur ex eo, quod notius est nivem esse albam, quam Deum esse unum, & tamen certius est unum esse Deum, quam nivem esse albam.

182. *Hi. non obstantibus* asserendum est, quod evidentius, clarius, & etiam certius assentimur præmissis, quam conclusioni per illas demonstratæ. Quod assertum intellige in sensu formali, de conclusione scilicet ut tali, ita, ut si eam contingat aliunde esse notam, poterit quoque præmissas in certitudine excedere, non tamen eas excedet, nec adæquabit ut conclusio illarum, ut citata lect. 6. advertit D. Thomas. *Huius asserti ratio* alia non est, quam quæ à Philosopho, & à D. Thoma proponitur, quæ si excessum probat evidentiae, & notorietatis, excessum quoque probat certitudinis, & fundatur in illo, communi axiomate *Propter quod unumquodque tale, & illud magis*: Ex quo deducitur quod si propter præmissas certificamur de conclusionem, magis certi sumus de eorum veritate, quam de veritate conclusionis.

183. *Nec in hoc satis percipitur* discrimen inter notius, & certius: si enim præmissas esse rationem, ut deveniamus in evidentem conclusionem noticiam, probat illas esse nostro discursivo lumini magis notas; cur esse rationem, ut certincemur de conclusionem, non probabit eas esse eidem lumini magis certas? Nisi axioma admittas ut verum, in quantum conducit ad propugnationem tui placiti, in quantum vero obstat, rejicias, nulla data ratione disparitatis, ut falsum. Illud autem esse verum absolute constat, si debitæ observentur conditiones, non pro libito, (ut aliqui improbant) sed quas ipsi in axioma exprimit, assignatæ à D. Thoma hic, & in 2. dist. 12. q. 1. art. 1. ad 2.

184. *Prima conditio* est, quod prædicatum, in quo dicitur esse excessus, conveniat formaliter utrique comparationis extremo; & hoc indicat manifestè *ly tale*, nam si aliquid comparationis extremum non sit tale, non datur tale, & tale, inter quæ fiat comparatio, ut decernatur excessus. Hinc licet terra sit calida propter solem, sol non est magis calidus, quia sol non est calidus: & licet albedo sit, propter quam paties est albus, non tamen est magis alba, quia albedo non est alba; nec licet conclusiones sciatur propter prima principia, hæc magis sciuntur, quia principia non sciuntur, sed sunt nota lumine naturali: ac denique sanitas non magis minuitur, dum propter illam minuitur sanguis; quia sanguis non minuitur propter sanitatem minuendam, sed propter augendam sanitatem. Solum ergo dum hoc, & illud

Illud sunt talia, & hoc est tale, quia illud est tale, verificatur excessus, quia tunc solum verificatur, quod propter illud tale, hoc sit tale.

185. Huic conditioni annectuntur aliae duae, quae fortè in idem recidunt. Earum una est, quod forma, secundum quam unum dicitur maius alio, suscipiat magis, & minus: hoc satis exprimit ipsum axioma per ly *magis*, quod supponit formam esse capacem augmenti intensivi, aliter erit de subiecto non supponente comparatio. Hinc licet filius sit homo propter Patrem, Pater non est magis homo, nec praemissae, sunt veriores conclusionem licet huius veritas ex illarum veritate deducatur; quia nec ratio hominis suscipit magis, & minus; nec similiter veritas iuxta dicta in disput. summul. q. 5. art. 6. Tertia, & ultima conditio est, quod forma, quae denominare debet unum extremum magis, quam illud, non sit eadem realiter in utroque, hoc enim ipso non est locus ad comparisonem in forma, quae excessum debet admittere, ac proinde, nec ut sit in uno minus, & in alio magis: qua ratione, & si filius in Divinis ispiraret propter Patrem, vel ab illo sapiat, quae sapit, quia tamen in utroque est eadem sapientia, & virtus spirativa, Pater non magis ispirat, quam filius, aut sapit.

186. Ex quibus brevis haec elicitur pro asserto praecedente ratio. Dum duo extrema ita comparantur in aliqua forma, ut cum utrumque sit in illa formaliter tale, unum est tale, quia alterum est tale; si forma sit capax suscipiendi magis, & minus, ma-

gis est tale illud extremum propter quod alterum, est tale: sed tam praemissae, quam conclusio sunt formaliter certae, alia quia praemissae sunt certae, conclusio est certa: ergo cum certitudo sit forma in utroque extremo distincta, & quae suscipit magis, & minus, praemissae excedunt in certitudine conclusionem. *Explicatur.* Qui non aliunde diligit Petrum, nisi quia diligit Paulum, magis diligit Paulum, quam Petrum: ergo qui non aliunde certificatur de conclusione, nisi quia certificatur de praemissis, magis certificatur de praemissis, quàm de conclusione: sed conclusionis ut talis non aliunde sumus certi, nisi quia certi sumus praemissarum: ergo magis certi sumus praemissarum, quam conclusionis, formaliter ut talis.

187. Ad motiva opposita resp. ad primum quidem disting. antec. toti huic principio, *signatè sumpto*, conced. antec. *exercitè sumpto*, neg. antec. & disting. *conseq.* non magis, *ut sunt partes illud componentes signatè*, conced. *conseq.* *ut sunt partes illud comprobantes exercitè*, neg. *conseq.* Ex quo ulterius disting. *cum subsunptam*, & *identitas inter se in conclusione*, *ut deducta ex identitate cum medio*, concedo min. *aliter*, neg. min. & *conseq.* illud principium *signatè sumptam*, & ut quod, unico iudicio attingitur, ac proinde omnes eius partes provt sic eadem certitudine attinguntur: ceterum ut exercitè exemplificatum in hoc vel illo particulari syllogismo alio actu assentimur identitati extremitatum inter se, alio identitari earum cum medio, & cum illi provt sic assentiamus

mur ratione huius, perfectius huic, quam illi assentimur. *Instoque argumentum*: nam in illo principio sic signatè sumpto non assentimur vni parti propter aliam; & tamen in illo ut exemplificato in aliquo syllogismo particulari assentimur conclusioni propter præmissas, saltem tamquam propter causas extrinsecas iuxta AA. quorum est hoc argumentum.

188 *Ad secundum concessa mai. disting. min. habet easdem causas, & eadem immediatione influentes, neg. min. influentes diversi modè, conced. min. & neg. conseq.* quia principia ut immediate coniuncta lumini naturali intellectus sunt certa, ac proinde ex se, & immediatè sunt certa; & cum ratione ipsorum derivetur ad conclusiones certitudo, perfectius est in ipsis, in quibus ex se, & immediatè repetitur, quam in conclusionibus, in quibus tantum invenitur mediatè, & propter aliud.

189 *Ad tertium dist. mai. quando æquè impossibile est, impossibilitate, qua talis sit ex se, & absolutè, conced. mai. qua talis sit solum ex vi alterius impossibilitatis, neg. mai. & sub eadem disti. min. neg. conseq.* sicut esse omnino impossibile possibilia deficere, quin deficiat Deus (in sententia etiam plurium ex AA. oppositis) non arguit Deum non esse ens magis necessarium, quam sint necessaria possibilia, quia in illis hæc necessitas est derivata à prima necessitate, quæ solum in Deo est à se, & ex se talis; ita esse omnino impossibile deficere conclusionem ut scientificè demonstratam, quin principia demon-

strationis deficiant, non convincit æqualem certitudinem, quia secunda certitudo est ex prima derivata.

190 *Ad quartum resp.* quod cum principia sint ex se, & ratione sui certa, & sint id, vi cuius conclusio est certa, nequeunt, & si naturaliter operentur, illum certitudinis excessum, quo præcipient conclusioni, & in quo differunt ab illa, committere, cum nunquam conclusio ut talis possit ex se esse certa, sicut principium.

191 *Ad primum confirm. concessa mai. disting. min. non est minus certum, absolutè, conced. min. quoad nos, sub dist. ut alio titulo certum, conced. min. ut certum titulo consequentis illati, neg. min. & conseq.* Principia in illa demonstratione assumpta non sunt ex se principia, sed conclusiones, licet quoad nos assumantur ut principia; ex quo solum sequitur esse quoad nos magis certa, quam Dei existentia, non ut credita per fidem, sed ut deducta ex illis principiis. Nec valet sunt magis certa quoad nos; ergo sunt magis certa. Arguitur quippe à dicto secundum quid ad dictum simpliciter, pro quo vide D. Thomam 2. 2. quæst. 4. artic. 8.

192 *Ad secundam confirm. concessis præmissis, disting. conseq. præmissam naturalem secundum se inspectam, conced. conseq. ut elevaram neg. conseq. sed an, & quomodo elevatur pertinet ad 1. p. q. 1. Ad 3. confirm. Neg. sequelam: nam excessus inter eiusmodi conclusiones, & præmissas non est designabilis arithmetice, & adæqualitatem, sed Geometricè, & secundum proportionem:*

nem : sicut ex eo quod inter inferiorem Angelum , & supremum mediant plures species invicem se excedentes in perfectione intelligendi , non sequitur , quod in Angelo inferiori sit ferè nulla vis intelligendi ; sed solum sequitur esse inferiorem virtutem , intra ipsam tamen perfectionis , quæ debetur Angelo.

193 Ad id , quo urgebatur argumentum , resp. ex dictis , quod licet Philosoph. & D. Thomas solum agant ex professo de excessu evidentiae , seu notorietatis , principium tamen , cui nituntur , vel utrumque , vel neutrum probat. Nec replica distinguit inter notum secundum se , & quoad nos ; hac enim distinctione supposita , comperiet , quod eo modo , quo aliquid est notius , eo etiam est certius , & sic quia nivem esse album est notius quoad nos , seu quoad nostrum sensum , ita etiam est quoad nos certius : sed quia absolute , & secundum se notius est Deum esse unum , ita etiam secundum se , & absolute est certius. Nec verum similiter est nullum extare verbum apud D. Thomam in presenti , quo excessum in licet certitudinis , cum expressè afferat *opportere , scientem firmissime assensum principiis* ; nam quid est aliud firmissima adhesio , nisi certitudo maxima , cum ex ipso D.

Thoma in 3. dist. 26. q. 2. artic. 4. certitudo sit firma adhesio intellectus ad suum obiectum.

(5)

§. II

Exponitur demonstrationis divisio.

194 **L**icet secunda definitio hucusque exposita solum conveniat demonstrationi perfectissimæ , & quæ dicitur talis *propter quid* , non ideo ea sola est demonstratio : quod caute præmonuit Philosophus , dum præcedentem definitionem exponens subiunxit : *Si igitur , & alius sciendi sit modus , posterius explicabimus* , ita cap. 2. & postea cap. 10. varias assignat differentias inter demonstrationem *quia* , & *propter quid* , quas ibi latè exponit D. Thomas à lect. 23. vsque ad 25. exclusivè : ex quo constat demonstrationem di vidi in demonstrationem *quia* , & *propter quid*.

195 Demonstratio *propter quid* , quia perfectissima , & omnibus numeris ad rem planè convincendam confans , accuratius à Philosopho , & D. Thoma per præcedentem definitionem est explanata. Demonstratio *quia* est , quæ rem demonstrat esse , non assignando propriam causam , propter quam sit res. At reclamant aliqui inmerito inverti , & contra mentem Philosophi , propriam talis demonstrationis notionem : nam ex Philosopho demonstratio *quia* est , quæ scitur quod est re , non tamen propter quid est , aut quid est : ergo demonstratio , quæ assignet causam , quare res sit , non erit demonstratio *quia* , sed *propter quid* : sed ut demonstretur , seu assignetur causa , non requiritur quod causa sit propria , & immediata , sed sufficit quod sit , & si

remota, vera causa: ergo immerito additur in diffinitione *ly propriam*, & verius diceretur omnem demonstrationem à *posteriori* esse demonstrationem quia, & omnem à *priori* esse propter quid.

196 Litigium est de voce, propter quod ab unanimi antiquorum interpretum sententia recedere non licet: præsertim cum Philosophus stet expressè pro illa. Nam lect. 15. apud D. Thomam expressè docet demonstrationem propter quid à se diffinitam debere procedere ex proprijs, & que fini convertibilia cum effectus; ideoque supra præmissimus cum illo propositiones constantes prædicato, quod dicitur *secundum quod ipsum*, idest convertibile cum subiecto, quo prædicato, (quod Aristoteles vocat *universale*) asserit debere constare propositiones perfectæ demonstrationis: non ergo sine autoritate sapientum posita est illa particula in notione demonstrationis, ut denotetur omnem demonstrationem non assignantem propriam causam rei esse demonstrationem quia, assignantem vero esse demonstrationem propter quid.

197 Ex quo inferitur 1. omnem demonstrationem propter quid esse à priori; quia omnis illa assignando propriam causam rei rem à priori demonstrat; non tamen omnem demonstrationem à priori esse propter quid, nam assignata causa extranea rei, seu remota, proceditur à priori, & tamen non demonstratur res demonstratione propter quid. Similiter omnis demonstratio à posteriori est demonstratio quia, nam omnis illa pro-

cedendo ab effectu, demonstrat rem esse, non vero cur sit; non tamen omnis demonstratio quia est à posteriori, quia demonstratio per causam remotam, seu extraneam, cum non assignet propriam causam rei, est demonstratio quia, quin sit demonstratio à posteriori. Nec in hoc exit extra suos limites demonstratio quia, cum non assignata propria causa, quare res sit, semper dubitemus quare sit, & solum finis omnino certi de eo quod sit, ac proinde semper remanet, quod demonstratio quia est quæ facit scire rem esse, non tamen propter quid sit; qui termini sunt idem cum his, qui nobis obijciebantur ex modo loquendi Philosophi.

198 Nec obstat, si dicas sequi ex hoc, quod si quis demonstrat hominem esse risibilem, quia est rationalis, non demonstrat risibilitatem demonstratione propter quid, cum rationale sit causa remota, inter quam, & risibile mediat admirativum. Similiter si quis probet diffinitionem hominis pertinentem ad Philosophiam esse bonam, quia constat genere, & differentia, non demonstrabit demonstratione propter quid diffinitionis bonitatem, cum illud principium sit logicum, ac proinde Philosophiæ diffinitioni extraneum.

199 Non obstat quidem nam ad primum neg. sequelam, cuius infera probatio non urget, & illam diff. causa remota; propterea est idem, ac radicalis, cōcedo propterea est idem ac non convertibilis cum effectu, neg. Causa remota ex Philosopho apud D. Thomam hic lect. 17. dicitur illa (propterea ad præ-

præfens attinet) quæ non convertitur cum effectu, ac proinde se sola nec est proximè causa, nec exigit causam proximam effectus, aut illam radicat: sicut si sic argueres in secunda figura: *Omnes respirans est animal: Nullus lapis est animal: ergo nullus lapis respirat*, quod exemplum est ipsius Philosophi, & in illo arguitur per causam remotam in respirationis, quia licet respiratio supponat animal, animal tamen, nec quia tale, respirat, nec exigit quia tale, habere pulmonem, quæ est causa proxima respirandi, cum dentur animalia, (Pitces scilicet) quæ quia pulmone non constant, non respirant: quod è converso accidit in exemplo argumenti, cum hemopræcisit quia rationalis exigit esse admirativum, quod est causa proxima risibilitatis, ac proinde etiam exigit ex se esse risibilem, quod sequitur proximè ex ratione admirativi.

200 Ad 2. resp. Logicæ, & Metaphisicæ principia esse alijs scientijs extrinseca, non tamen extranea, quia omnes scientiæ ab illis dependent: cum altera omnibus ministret instrumenta sciendi, altera omnium principia, & firmet, & explicet. Reliquas vero scientias principales inter se conferendo non potest fieri transitus ex principiis unius ad principia, vel conclusiones alterius, si demonstrativè procedatur, quia cum nullam inter se dependentiam dicant, non solum procederetur ex extrinsecis, sed ex extraneis. Et ab opposito in scientijs subalternantibus, & subalternatis proceditur demonstrativè *propter quid*,

ab earum conclusionibus ad harum principia, quia principia harum sunt conclusiones demonstratæ in scientijs subalternantibus. De quibus omnibus hæc Galet. hic cap. 12.

201 Inferitur 2. quod quoties affirmatio est causa adæquata affirmationis, sicut rei affirmatio demonstrativè *propter quid* concluditur ex affirmatione suæ causæ adæquatæ, ita eadem demonstratione concluditur negatio illius ex negatione talis causæ. Hinc demonstratione propter quid convincitur equum non esse admirativum, quia non est rationalis: & similiter si ab opposito procederetur, probando illum non esse rationalem, quia non est admirativus, negatio rationalitatis demonstraretur demonstratione quia, nam sic demonstratur positio illius expositione admirativi: unde dum causa, & effectus inter se adæquantur, demonstratio negativè concludens sequitur leges demonstrationis concludentis affirmativè. Pariter etiam, si dum probatur conclusio deducendo ad impossibile, impossibile, ad quod deducitur, sit causa propria, & adæquata conclusionis quæ deducitur, erit demonstratio propter quid, si vero sit causa remota, effectus, aut signum, erit demonstratio quia. Et vno verbo: demonstratio, quæ non assignat causam adæquatam, & propriam rei, quam demonstrat, sive quia procedit à signo, sive ab effectu, sive à causa remota, sive à quocumque alio cum re connexo, quod non sit causa adæquata, & propria rei, erit demonstra-

tio quia; si vero eam assignet, erit demonstratio *propter quid*.

202. Vnde inferitur 3. talem divisionem esse adequatam, univocam, & generis in species. Primum patet ex eo, quod inter demonstrari rem per aliquid, quod eius propria causa sit, vel per aliquid, quod non sit eius propria causa nullum datur medium ex suppositione, quod res demonstratur: sed sic se habent demonstratio quia, & propter quid: ergo. Circa secundum aliquod litigium est etiam inter nostros: sed cum omnes concedant evidenter quoad *an est* demonstrari rem per demonstrationem quia, dissidium quod restat. est de nomine, quid scilicet significet *ly demonstratio*, ut inde inferatur, an conveniat res significata per vocem demonstrationi quia absolute, & simpliciter, vel potius conveniat illi tantum secundum quid. Sed quidquid sit de hoc.

203. Probatur assertum. Tum quia demonstratio, quae facit simpliciter scire, est simpliciter demonstratio, & consequenter univocè: sed demonstratio quia facit simpliciter scire, an sit res: ergo. Nec dicas, quod scire an sit res non est simpliciter scire. Nam aliud est, quod res simpliciter non sciatur, dum solum sciatur quoad an est, aliud, quod scientia, qua sciatur quoad an est, non sit simpliciter scientia: sicut aliud est, quod dum scis proprietates entis rationis, scitum non sit res simpliciter: aliud, quod scientia, qua illas scis, non sit scientia simpliciter: cum ergo, aut est rei non, sit res simpliciter, qui primum scit, non scit

rem simpliciter, scit tamen simpliciter illud *an sit res*. Nec amplius intendit D. vus Thomas dum hic lect. 18. dicit: *Quod scire ex proprijs principijs solum est vere scire*; aliter non vocaret absolute demonstrationem, quae Deum esse per effectus demonstramus 1. p. q. 2. art. 2.

204. Tum quia evidens cognitio rei per se diuina à re distinctum obiectivè, & cum ea simpliciter connexionem, nequit non esse verè demonstrativa cognitio. Tum quia demonstratio, quae tali virtute nectit, ut intellectum totaliter quietet circa id, quod intendit demonstrare, est simpliciter demonstratio: sed quod intendit demonstrare demonstratio quia est an sit res, & circa hoc totaliter quietat intellectum per medium, cui innititur: ergo. Vnde aliud est demonstrationem propter quid esse perfectiorem, aliud eam solum esse simpliciter demonstrationem: sicut aliud est Coelum esse perfectius corpus, aliud Coelum tantum esse simpliciter corpus.

Ex quo tandem constat, tertia pars corollarij. Nam divisio, in qua membra dividentia conveniunt univocè, & differunt inter se differentiis essentialibus intra lineam divisi, est divisio generis in species: sed demonstrare rem, ita ut perfecte sciatur quid sit, differt essentialiter intra lineam demonstrationis à demonstrare illam, ita, ut solum sciatur an sit, quae sunt differentiae utriusque demonstrationis: ergo.

205. Tandem inferitur circulum for-

formalem in nullo modo demonstrationibus esse semper vitiosum, secus verò circulum materiale. Circulum dicimus formalem (alij vocant uniformem) quando non solum idem est principium, & conclusio, sed quādo sub eadem ratione utrumque munus subit; quod tunc contingit, quando idem est notius, & ignotius solum quia ponitur, vt antecedens, vel vt consequens; quia cum veritas non ideo sit notior, quia gerit vicem antecedentis, sed potius gerat vicem antecedentis, quia est notior; & similiter, cum non ideo sit ignotior, quia gerit vicem consequentis, sed è conuerso; reducere hunc excessum ad materiale denominationem antecedentis, vel consequentis, erit probare idem per idem, quod non est probare, sed inutilis repetitionis vitium committere. Hinc cum probas veritatem vniuersalis, vel etiam falsitatem per singularia, quæ sensibus experimur, licet singularia varient denominationem antecedentis, & consequentis, in re, & obiectivè semper sunt antecedens, cuius experimentalis notitiæ nitentes probamus veritatem, vel falsitatem vniuersalis nobis minus notæ.

206 Hinc circulum materiale dicimus, qui licet, apparentia vocum expectata, sit circulus, revera circulus non est, vt cum effectus secundum se minus notos probamus à priori per eorum causam magis secundum se notam, & è conuerso causam quoad nos minus notā probamus à posteriori per effectus

quoad nos notiores. Hic circulus voce tenus talis non est vitiosus, sed utilis, & quo vitur Philosophus dum ex abundantia vaporum demonstravit pluviam, & rursus ex pluvia demonstravit abundantiam vaporum.

ART. VII

Quid, & quotuplex sit scientia?

207 **C**VM proprius demonstrationis effectus sit scientia, restat vt post noticiam demonstrationis, de scientia statim agamus. Eam diffinitivè Philosophus in præsentem dicens: *Scire est rem per causam cognoscere, & quod illius est causa, & quod aliter se habere non potest*; quæ diffinitione constat comprehendere scientiam solum actualem, cognitionem scilicet scientificam conclusionis, quæ ex evidenti assensu præmissarum generatur. Scientia verò habitualiter sumpta est: *Habitus certus, & evidens, per demonstrationem acquisitus*, seu, vt à litigio evidentie præcindamus, est *habitus certus per demonstrationem acquisitus*. Huius diffinitionis explanationem primò aggredimur, vt ad scientiæ divisionem inde procedamus.

(?)

*** **

§. I.

Exponitur definitio scientiæ.

208 **V** Arii in intellectu resident habitus, quorum brevi prælucente notitia, clarius fiet, cum quibus conveniat scientia per rationem habitus, à quibus differt per reliquas definitionis particulas. Habitus ergo intellectualis, alius est perfectus, alius imperfectus. Perfectus est, qui infallibiliter determinat intellectum ad veram obiecti cognitionem, proindeque est virtus intellectualis, cui nequit falsum sub esse. Imperfectus est, qui non determinat intellectum infallibiliter ad verum, sed ex vi ipsius expositus relinquitur falsitati.

209 Sub hoc habitu, sive cognitione imperfecta comprehenduntur opinio, fides humana, dubitatio, & error. Opinio ex D. Th. 2. 2. quæst. 3. artic. 4. Est determinatio intellectus circa unam partem contradictionis cum formidine alterius. Sub opinione comprehenduntur, opinio probabilis, quæ est determinatio ad unam partem ob gravia fundamenta. Suspicio, quæ est determinatio ad unam partem ob levia fundamenta. Solertia, quæ est promptitudo ad invenendum media probabilis pro quolibet.

Fides humana, & Divina conveniunt in ratione assensus innitens alieno testimonio: sed differunt in eo, quod Divina est omnino certa, quia nititur testimonio infallibili; fides vero humana nitens testimonio fallibili

est falsitati exposita; sola Divina est certa, utraque tamen est obscura. *Dubitatio* est cogitatio sine assensu. *Error* tandem est assensus, quo intellectus adhæret falso, existimato ut vero.

210 Habitus perfecti, qui virtutes intellectuales sunt, alij sunt practici, alij speculativi: Hi sunt qui inclinant ad veri cognitionem propter se ipsam; illi vero sunt, qui inclinant ad verum propter operationem. Practici dividuntur in artem, & prudentiam; ars est recta ratio factibilium; prudentia est recta ratio agibilium. Speculativarum virtutum; alia dicitur lumen primorum principiorum, & est habitus, quo assensimur primis principiis; alia est scientia, de qua in præsentia, quæ ulterius dividitur in sapientiam, quæ per altissimas causas veritates mediatas demonstrat, & in scientiam strictè sumptam, quæ scilicet demonstrat veritates mediatas per causas inferiores.

211 His breviter prælibatis; constat quod ratio scientiæ convenit cum omnibus alijs habitibus tam perfectis, quam imperfectis in ratione habitus, à quibus differt per sequentes particulas. Nec est necessum, quod addatur (ut aliqui faciunt) intellectualis, cum in eo quod per demonstrationem adquiratur, satis insinuetur, & ex ipsa materia satis apparet: ly certus distinguit habitum scientiæ ab omnibus habitibus imperfectis, quos numeravimus, cum in omnibus illis non reperitur certitudo, quæ talis sit absolutè, sed vel sunt determina-

tio-

tiones ad falsum, ut error, vel non sunt infallibiles determinationes ad verum, ut opinio, fides humana, &c. Quod si sustineatur evidentiam saltem exactivam esse de ratione scientiæ, ad esse certitudinis debet adiungi in diffinitione ratio evidentiae, & per illam distinguitur propriè habitus scientiæ ab habitu fidei Divinae, qui licet sit omnino certus, est tamen inevidens, & obscurus. Sed quia aliqui etiam ex nostris sustinent, Theologiam esse verè scientiam, quin remaneat in patria, & consequenter, quin evidentiam exigar, præsertim cum Philosophus in diffinitione scientiæ actualis nullam fecerit evidentiae mentionem, ideo pro nunc ab hoc litigio in diffinitione omnibus communi præscindentes, assignamus discrimen inter hos habitus per ultimas diffinitionis particulas. Nam habitus fidei, & si certus, non acquiritur per demonstrationem, qualiter acquiritur habitus scientiæ.

212 Pariter per talem expressionem differt ab habitibus perfectis intellectualibus, qui scientiæ non obtinent rationem, ab habitu scilicet, primorum principiorum, qui licet in sententia inter nostros probabili sit acquisitus, non tamen per demonstrationem, cum prima principia non sint demonstrabilia: & etiam differt per hoc ab arte, & prudentia; nam prudentia acquiritur per experientiam singularium, ars verò, licet possit acquiri per demonstrationem, ut supra quæst. 1. artic. 5. do-

cimus asserentes Logicam esse simul scientiam, & artem, formaliter tamen ut ars præscindit à demonstratione, & solum respicit efficientiam instrumentorum sciendi.

213 Unde per diffinitionem expositam habitus scientificus comprehendit tam scientias speculativas, quam practicas, nam ut supra citato loco docuimus, scientiæ practicae verè obtinent rationem scientiæ: comprehendit etiam eam scientiam, quæ sapientia nuncupatur, & eam, quæ est strictè scientia, ut à sapientia distincta; utraque est enim verè scientia, & si eas velis inter se distinguere, diffinitiones supra positas eis adaptabis.

§. II.

De scientia subalternante, & subalternata.

214 **P**uribus modis posset fieri divisio scientiæ eam dissecando in varias scientiarum species, quæ in ordine ad distinctum obiectum intellectunt afficiant; sed quia huiusmodi divisio cuique patet, eam solemus exagitemus divisionem, quæ aliquam sibi habet annexam difficultatem, & est ea, qua dividitur in subalternantem, & subalternatam. Subalternatio, si nominis æthimologiam spectes, nil aliud est, quam positio, vel nativitas, sub altero, in qua acceptione quilibet scientia ab alia dependens illi dicitur subalternari, & in hoc sensu om-

om-

omnes scientiæ subalternantur metaphisicæ, & luminis primorum principiorum: immo omnes scientiæ naturales subalternantur Theologiæ, cum ipsæ tamquam ancillæ deserviant ad proprias demonstrandas veritates.

215 Sed in strictiori acceptione hic de subalternatione loquimur, in qua subalternans communiter diffinitur, quæ intra proprios limites habet evidentiam suorum principiorum; vel si strictius subalternationem, ut talem, velis diffinire per ordinem ad subalternatam, est, quæ alteri præbet principia ad suas conclusiones demonstrandas. Subalternata autem est, quæ ab alia accipit principia, ita ut intra proprios limites nequeat habere evidentiam illorum.

216 Vnde tres communiter assignantur conditiones ad subalternationem strictè talem. *Prima*: quod scientia in omnibus suis principiis ab alia dependeat. Vbi nota, quod qui volunt defendere Theologiam strictè subalternari scientiæ Beatorum, ita exponunt hanc conditionem, ut licet utriusque scientiæ eadem sint principia, & conclusiones (sic enim contingit in prædicto exemplo) tamen quæ dicitur subalternata non potest facere evidentiam illorum, nisi cum subalternante continuetur, ac proinde, non tam est dependentia in principiis, quam in evidentia illorum: hæc tamen est prohibito conditiones assignare, & proponere incommuni doctrina, quæ potest deserviant ad proprium propug-

nam placitum: vnde conditio hæc assignanda est, ut à nobis proponitur, sic enim præscindit ab hac, & illa sententia, in particulari.

217 *Secunda*, conditio est: quod obiectum utriusque scientiæ non sit idem formaliter, sic enim non erit duplex scientia, sed una. Ex hoc autem *tertia* conditio nascitur, scilicet, quod obiectum subalternatæ debet addere aliquam differentiam, quæ sit accidentaliter obiecto subalternantis in esse scibilis, & non sit illi propterea essentialis.

218 Debet addere differentiam, ut obiectum sit formaliter distinctum, non debet differentia addita esse essentialis, quia sic constitueret quandam speciem scibilis sub obiecto scientiæ subalternantis, ac proinde non essent scientiæ diversæ, quia ad scientiam, ad quam pertinet agere de genere, attinet agere de speciebus sub illo contentis, ut amplius constabit in præmio Physicor. debet ergo differentia addita esse accidentaliter: huiusmodi est sonoritatis, quam addit musica supra numerum, qui est obiectum Arithmeticæ, & visualitatis, quam addit perspectiva supra lineam, quæ est obiectum Geometriæ. *Nec obstat*, quod tale obiectum erit ens per accidens. *Quia* licet ita sit in linea entis, secus vero in esse scibilis, cum propterea differentia superaddita ingredietur in recto, & id, cui superadditur, tantum de connotato.

(1)

§. III.

*An scientia subalternata sit verè
scientia in absentia subalter-
nantis?*

219 **P**Lura congerunt AA. quæ
disputationem nram ta-
ciunt prolixam, fortè, quia revocant
in utrum, quæ supponenda sunt, &
non disputanda. Supponendum igitur
est primo, scientiam subalternatam
esse verè scientiam in eo, qui habet
subalternantem. Patet suppositio ex
eo, quod qui ex principiis necessarijs
evidenter cognitis infert per legiti-
mam consequentiam conclusiones
in illis contentas, verè dicitur scire ta-
les conclusiones, sed sic procedit ha-
bens scientiam subalternatam conti-
nuatam cum subalternante: ergo. *Nec
obest*, quod illa evidentia principio-
rum non sit propria scientiæ subalter-
natæ: Nam hoc modo fortè, nulla erit
scientia, cum evidentia principiorum
per se spectet ad lumen naturale in-
tellectus: sufficit ergo, vt conclusio-
nes evidenter cognoscat ex princi-
pijs, licet non sit propria ipsius evi-
dentia principiorum.

220 Supponendum est 2. princi-
pia scientiæ subalternatæ dupliciter
posse haberi, seu cognosci ab eo, qui
caret subalternante. 1. per experien-
tiam, ita vt nulla de ipsis relinquatur
dubitatio. Hæc quippè conclusio
Geometriæ, & principium Medicinæ,
vel Artis chirurgicæ: *vulnera circula-
ria difficilins curantur*, cuius veritatis

causa est, quod latera circuli (vt potè
qui angulo non conflat) difficilius
vniuntur; potest quidem à non Geo-
metra evidenter sola experientia dis-
ci, cum in quolibet circulo possit sola
experientia illud comprobare: in quo
sentu præiens non procedit disputa-
tio, immo ex discursu illius constabit,
sic cognitis principijs, verè esse scien-
tiam subalternatam. Procedit ergo
iuxta secundum modum cognoscen-
di illa principia, scilicet audiendo illa
à sapientibus, ita vt imprudens esset
qui de illis sic acceptis dubitaret.

221 Supponendum 3. Non co-
tendere præiens dubium, vt exami-
net, an scientia subalternata sic accep-
ta sit obiectivè, & quatenus est ex
parte veritatis attestatæ, vera scientia;
nam cum certitudo obiectiva princi-
piorum non varietur in se per hoc
quod sic, vel aliter cognoscatur; no-
tum debet esse sic obiectivè sump-
tam esse scientiam, cum principia
illius in se sint certissima, & superior i
scientia demonstrata. Undè sensus
quæsitus est, an subiectivè, & ex parte
intelligentis sit verè talis: sicut si quis
veritatem evidentem opinativè cog-
nosceret, dubitari non posset, quod illa
cognitio obiectivè sumpta, seu ex
parte rei attestatæ esset evidens; habe-
ret tamen insuperabilem difficulta-
tem, quod ex parte intelligentis esset
evidens.

222 Supponendum est 4. præ-
cindendum esse in hac quæstione ab
illo litigio, an scilicet sit de ratione
scientiæ, vel actualis evidentia, vel
exigentia illius: hoc enim impertinens
est.

est ad præsentem quætionem ; cum etiam dato, quod exigentia evidentie non sit de ratione scientiæ, adhuc restet titulus certitudinis, quo deficiente, implicat aliquem præhabitu intellectualem esse scientiam ; quia implicat scientia, quæ non sit vera virtus intellectualis, & infallibilis determinatio intellectus ad verum, sicut implicat vera virtus voluntaris, qua quis in malum uti possit ; quod si neges, hæremus in principio & suadendus eris ex his, quæ D. Thom. docet 12. q. 57. & 71. & cum eo, præter plurimos Theologos, unanimis Thomistarum sententia. Ex quibus iam clarè constat sententiam nostram esse negativam, loquendo (ut omnes in præsentem loquuntur) de scientiis purè naturalibus.

223 Quæ sententia hac unica ratione prob. implicat scientia verè rationalis ex parte subiecti, qua intellectus non certificetur infallibiliter de conclusione, cuius est scientia ; sed de scientia subalternata (ut in præsentem de ea loquimur) non sic certificatur : ergo ex parte subiecti non est verè scientia. Mai. ex ultimo notabili constat, & min. prob. quæcumque certitudo intellectus erga conclusionem oritur in vi discursus ex certitudine, qua assentitur principiis ; sed tunc casus certitudo, qua assentitur præmissis, non est infallibilis, cum motivum, eiq. innitatur, sit testimonium hominum, quod non est omnino infallibile : ergo. *Explicatur*, quæcumque certitudo innixa testimonio hominum, & si plurium, & sapientum, solum excludit

dubitationem, quæ sit prudens de opposito ; sed certitudo, quæ tantum excludit dubitationem, quæ sit prudens de opposito, remanet intra lineam certitudinis moralis : ergo certitudo, qua tunc casus assentitur principiis, est certitudo purè moralis : sed certitudo conclusionum est derivata à certitudine præmissarum : ergo solum assentitur conclusionibus certò moraliter, ac proinde non assentitur scientificè cum scientia ex notatis debeat habere certitudinem, quæ non solum excludat dubitationem prudentem, sed quæ omnem dubitationem excludat.

224 Obijcies 1. D. Th. 1. p. quæst. 2. art. 2. dicentem : *Quod si, ut musica credit principia tradita sibi ab Arithmetico, ita Doctrina sacra credit principia revelata sibi à Deo.* Sed ex hoc intulit Theologiam esse verè scientiam, etiam ex parte subiecti in absentia scientiæ Beatæ : ergo ex eodem iuxta ipsum infertur Musicam adhuc ex parte subiecti esse verè scientiam in absentia Arithmetici. 2. Non minus dependent media à fine, quam conclusiones à primis principiis ; sed sine intentione formali ultimi finis stat rectitudo actus erga media, ut patet in virtute naturali existente in peccatore : ergo. 3. Omnes scientiæ dependent à Metaphisica, & Logica, sicut subalternatæ à subalternantibus ; & tamen sine Metaphisica, & Logica dantur veræ scientiæ : ergo. 4. Nullus potest existimare existentiam Romæ ita non esse, quia ex testimonio plurimorum, quos omnes mentiri nefas est

est iudicare, scit illius existentiam dari: sed sic cognoscit principia subalternata in absentia subalternantis: ergo.

225 Confirmatur: qui evidenter scit se per medium Arithmeticae demonstrasse conclusionem Arithmeticam, licet medij probativi non recorderetur, habet scientiam de eo quod conclusio Arithmeticae, quæ est principium Musicae, est vera (implicat enim cognoscere evidenter aliquid esse demonstratum, & evidenter non cognoscere illud esse verum). Ergo poterit Musicus non Arithmeticus demonstrare conclusiones Musicae.

Urgetur: ad rationem scientiæ non requiritur certitudo actualis, sed sufficit exigentia certitudinis; sed scientia subalternata in absentia subalternantis, licet non sit certa, exigit certitudinem; petit enim cum subalternante coniungi: ergo. Mai. prob. ad rationem scientiæ non requiritur actualis evidentia, sed sufficit evidentiae exigentia, ut patet in Theologia: ergo ad rationem scientiæ sufficit exigentia certitudinis, & non erit necessaria certitudo actualis.

226 Ad 1. resp. conced. Author. D. Thoma, & disting. min. ex hoc inulit D. Thom. tamquam à ratione, neg. min. tamquam ab exemplo simili quoad aliquid, & non quoad omnia conc. min. & neg. consequ. Postquam enim D. Thom. in corpore articuli probaverat scientias subalternatas secundum se esse scientias, quia procedunt ex principiis notis lumi-

ne superioris scientiæ, & ex hoc intellexisset Theologiam secundum se esse scientiam, quia procedit ex principiis notis lumine superioris scientiæ, quæ est scientia Dei, & Beatorum, ut explicaret, quomodo Theologia in viatoribus esset scientia, cum in illis non sint nota principia Theologiæ lumine superioris scientiæ: adduxit exemplum musicae, quæ credit Arithmeticae, ut exemplo noto pateret, quomodo Theologia imitatur principijs creditis à Deo revelante, supponens tamquam notissimam differentiam inter fidem qua credit Musica Arithmetico, quæ est fides humana, & fidem qua Theologia credit Deo revelanti, quæ est fides Divina, hæc enim cum sit infallibilis, sufficiens est, ut principia revelatione manifestata inferant conclusionem veram, & infallibiliter certam; illa verò cum sit humana fallibilis est, & nequit conducere ad inferendam conclusionem metaphysicè certam, qualis est certitudo scientiæ.

227 Ad 2. resp. argumentum solum probare: quod sicut stat recta electio circa media sine intentione ultimi finis; ita pariter stat assensus certus conclusionis sine certitudine primorum principiorum; attamen sicut non stat recta electio circa media sine recta intentione alicuius finis proximi, & immediati; eodem modo nequit stare certitudo metaphysica conclusionis sine certitudine omnino infallibili saltem principiorum, quæ se habent proximè, & immediate respectu conclusionis.

Ad

Ad 3. resp. neg. mai. quia licet scientiæ dependeat à Metaphisica tamquam ab explicante sua principia; non tamen in eorum certitudine, & evidentia; sunt enim talia principia lumine naturali nota. A Logica iam diximus in præmialibus non dependere simpliciter alias scientias in eorum acquisitione.

228 Ad 4. resp. verum esse, quod nullus potest prudenter iudicare Romam non esse; ad hoc enim sufficit evidentia moralis innixa plurimum testimonio; talis vero certitudo moralis non sufficit ad inferendam conclusionem metaphisicè certam, qualis est certitudo scientiæ.

229 Ad confirm. resp. in illo casu posse dari assensum certum, & infallibilem conclusionis; siquidem in eo eventu datur cognitio certa, & evidens principiorum media recordatione evidenti comparata. Ad id, quo tractetur argumentum, neg. mai. ad probat. concessio antec. neg. consequent. ratio disparitatis est: quod cum exigentia evidentie salvatur aliquod prædicatum formale scientiæ, nimi-

rum certitudo; at vero cum sola exigentia certitudinis non salvatur aliquod prædicatum formale scientiæ, & consequenter nec ipse habitus scientiæ; licet cum exigentia rationalitatis salvatur ratio hominis, quia salvatur aliquod prædicatum formale illius, scilicet rationale; secus vero cum exigentia rationalitatis.

Hic solet disputari de incompatibilitate scientiæ cum opinione, & fide: & etiam à quo principio desumatur unitas scientiarum. Sed primam disputationem committimus, quia res est fere Theologica, & de ea agunt omnes Theologi cum D. Thom. 2.2. quæst. 1. artic. 1. Secundam, quia plurimum affinitatis habet cum ea, in qua de unitate, & specificatione potentiarum agitur in 2. de Anima, ne opus in molem assurgat; ad citatum locum reservamus, & huic operi finem imponimus Cedatque in laudem Dei, Deiparæ Mariæ, S. Thomæ Aquinatis D. Ecclesiæ, cuius Cognomento, & Patrocinio hoc Insigne Collegium gloriatur, & gaudet.

F I N I S.



IN-

la en
ar si
una
conu
râsă
ia în
rural
ver
apă
de d
rău
rău
fice
rău
rău
rău
rău
rău
s în
rău
imp
Dă
qui
io



